


Bulu ntam pɔpwe;
Nkonya



New Testament in Nkonya (GH:nko:Nkonya)

Bulu ntam pɔpwɛ; Nkonya

New Testament in Nkonya (GH:nko:Nkonya)

copyright © 2010 Wycliffe Bible Translators, Inc.

Language: Nkonya

Translation by: Wycliffe Bible Translators, Inc.

Nkonya

nko

Ghana

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nkonya

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files dated 29 Jan 2022
01b09958-fa53-51d1-aae0-88c7e9302503

Contents

Mateo	1
Marko	47
Luka	76
Yohane	123
Gyumagyihé	157
Romafó	200
1 Korintofó	219
2 Korintofó	236
Galatíafó	248
Efesofó	255
Filipifó	261
Kolosefó	266
1 Tesalonikafó	270
2 Tesalonikafó	274
1 Timoteo	277
2 Timoteo	282
Tito	286
Filemon	288
Hebrifó	289
Yakobo	304
1 Petro	309
2 Petro	315
1 Yohane	318
2 Yohane	323
3 Yohane	324
Yuda	325
Ató Lésúnáhé	327

Asun Wanklaán Aní Mateo Lówanlín

*Yesu Anáin Ilínto
(Luka 3:23-38)*

¹ Yesu Kristo, Owíe Dawid mu na, Abraham mu na ámu ilínto ní.

² Abraham lókwí Isak. Isak lókwí Yakob. Yakob lókwí Yuda mu na mu apio yinhé*. ³ Yuda lókwí Peres mu na Sera. Amó yín gyí Tamar. Peres lókwí Hesron. Hesron lókwí Ram. ⁴ Ram lókwí Aminadab. Aminadab lókwí Nahson. Nahson lókwí Salmon. ⁵ Salmon lókwí Boas. Boas mu yin gyí Rahab. Boas lókwí Obed. Obed mu yin gyí Rut. Obed lókwí Yisai. ⁶ Yisai lókwí Owíe Dawid.

Owíe Dawid lókwí Salomo. Salomo mu yin gyí ɔtsɪ ɔkuá tekɪ ogyi Uria mu ka. ⁷ Salomo lókwí Rehabeam. Rehabeam lókwí Abia. Abia lókwí Asa. ⁸ Asa lókwí Yehosafat. Yehosafat lókwí Yoram. Yoram lókwí Usia. ⁹ Usia lókwí Yotam. Yotam lókwí Ahas. Ahas lókwí Hiskia. ¹⁰ Hiskia lókwí Manase. Manase lókwí Amon. Amon lókwí Yosia. ¹¹ Yosia lókwí Yekonia mu na mu apio yinhé. Mu brésú bekítá Israelfo, híe amó bee buyétsiá Babilon ɔmátó ní.

¹² Amó Babilon yotó á, Yekonia lókwí Sealtiel. Sealtiel lókwí Serubabel. ¹³ Serubabel lókwí Abihud. Abihud lókwí Eliakim. Eliakim lókwí Asor. ¹⁴ Asor lókwí Sadok. Sadok lókwí Akim. Akim lókwí Elihud. ¹⁵ Elihud lókwí Eleasar. Eleasar lókwí Matan. Matan lókwí Yakob. ¹⁶ Yakob lókwí Yosef, Yosef létsiá Maria. Maria lókwí Yesu. Yesu gyí Kristo, (ɔhá ámú Bulu ladá mu ofúli amu) ni.

¹⁷ Mú sɔ tsú Abrahamsɔ bɔtu Owíe Dawidsɔ bɔgyi anáin ilínto dúana. Tsú Dawidsɔ bɔtu bréá bɔyɔ Babilon ɔmátó é bɔgyi anáin ilínto dúana. Asa tsú amó Babilon yotó bɔtu Kristo, (ɔhá ámú Bulu ladá mu ofúli amu) kwísó é bɔgyi anáin ilínto dúana.

*Yesu Kristo Kwí
(Luka 2:1-7)*

¹⁸ Ɔkpa ánfisɔ Yesu Kristo kwí lɔtsun ni. Bɔpu Maria há Yosef bee ɔtsiá. Táme asa bétsiá, abufia ɔtsi múa oyin á, bowun aní Maria dé ɔmé Ɔhe Wankihé túmito. ¹⁹ Mu kulu Yosef a, mu asón da ɔkpa, táme omekle aní ɔbówa mu pélitɔ. Mú sɔ ɔbɔwe agywun aní obékiná mu njaintɔ. ²⁰ Táme bréá ɔde mú agywun bwe á, ki, Bulu-ɔbɔpu ɔku léle iwɪ ɔwan súná mu okudetɔ, bláa mu ɔbé, “Yosef, Dawid mu na, mánya péli aní fɛkpa fú ká Maria ba fú wá, tsúfɛ ɔmé ámú ɔde ámu itsú Ɔhe Wankihé túmito. ²¹ Ɔbókwí obiyímbi, bédinká mu dá Yesu. (Mú asɪ gyí, ‘Ɔlepú.’) Tsúfɛ mu ɔbéle mu ahá tsú amó lakpantɔ ní.”

²² Inɪ léha Bulu asón ámú ɔleblɪ tsun mu ɔnósó ɔtɔ́pɔsɔ ámu leba mútɔ. ²³ Ɔbé, “Ki, obitebí aní ɔmákyóy oyin wá ki obénya ɔmé. Ɔbókwí obiyímbi, bédinká mu dá Imanuel.” (Mú asɪ gyí, “Bulu bu anɪ wá.”)

²⁴ Bréá Yosef létsinkí á, olegyi asón ámú Bulu-ɔbɔpu amu lébláa mu amusɔ. Oletsíá Maria, kpáin mu. ²⁵ Táme ɔmɔpu ibɪ da Maria, kpéfɔn bréá ɔlkwí mu bi yínhé gyankpapu, ɔledinká mu dá Yesu.

* **1:2** Apio yinhé ánfɪ gyí Israel abusuan dúanyɔ ámu anáin ni.

2

Anyansapɔ Akɔ Bɔ

¹ Bréá Owíe Herode dé iwíe gyí Yudea ɔmátó bɔkwí Yesu wúlu kwá bɔtɛtí mú Betlehem, ɔw Yudea ɔmátó ɔw. Mú ɔma a, anyansapɔ akwá bɔtowun ató ntsrakpabitɔ bɔtsu owí ɔdalikpa ɔmá kwɔ ba Yerusalem wúlutɔ. ² Bɛfité bɛɛ, “Nkónó bakwí Yudafo owíe amɔ? Anlówun mɔ osúna ání igyí ɔtsrakpabi owí ɔdalikpa ɔw. Mú sɔ abá bosúm mɔ.”

³ Owíe Herode lónu asún ání á, ɔpúni letsíi mɔa Yerusalemfo féé. ⁴ Mú sɔ ɔletɔ Yudafo Bulu igyí ahapó dehen pó Mose mbla asunápó féé fia, fité amó ɔtínéá bɔkwí Kristo, (ɔhá ámó Bulu ladá mɔ ofúli amɔ).

⁵ Bɛbláa mɔ bɛɛ “Betlehem wúlúá ɔw Yudea ɔmátó. Alí Bulu ɔnósó ɔtɔipó ɔkɔ lówanlín tswi ni. ⁶ ɔbée, ‘Fó Betlehem, Yudea wúlu, fɔmegyí wúlu túkúríibi ɔkpagyíɔkpasɔ Yudea awúlu yilé ámɔtɔ. Tsúfé ɔmásó ogyípó ɔkɔ ɔbédalɔ tsu fótáá, ɔbékpa Bulu ahá Israelfo.’ ”

⁷ Mú sɔ Owíe Herode létɔ anyansapɔ amɔ nkɔle, fité amó bréá bowun osúna ɔtsrakpabi amɔ, bɛbláa mɔ. ⁸ Mú ɔlɔwa amó Betlehem ɔbée, bɔyódunká kebi ámɔ wankláán. Ní bowun mɔ a, bɔyínki bɛbláa mɔ, ménɔ mɔ é móyósum mɔ.

⁹ Olenya bláa amó tá alí benatí. ɔtsrakpabi amó bowun owí ɔdalikpa amɔ, lékpa amó alu yélí ɔtínéá kebi ámɔ bɔ. ¹⁰ Bréá bowun ɔtsrakpabi amɔ a, ansí lehie gyi amó. ¹¹ Bowie wóyító ɔw á, bowun kebi ámɔ mɔa mɔ yin Maria, bɛda akpawunu súm kebi ámɔ. Bɛsankí amó akentebi, bekie mɔ sika pɛpɛ, ɔhién pó ohuam.

¹² Mú ɔma a, Bulu lówa mbla há amó okudetɔ ɔbée, bɔmáyínki yótsɔn Herode wá. Mú sɔ bɔtsɔn ɔkpa bámbású yó amó wúlutɔ.

Yesu Mɔa Mɔ Akwíipó Egyipte ɔmátó Yɔ

¹³ Bréá anyansapɔ amɔ benatí á, Bulu-ɔbɔpɔ lélé ɔwɔ ɔwan súná Yosef okudetɔ, bláa mɔ ɔbée, “Kɔsɔ, afɔkpa kebi ámɔ mɔa mɔ yin srí ya Egyipte ɔmátó. Mlɔtsia ɔw yófun bréá nébláa fɔ mbée mliyínki ba, tsúfé Owíe Herode obódunká kebi ámɔ, mó mɔ.”

¹⁴ Mú sɔ Yosef lókusú onyé-onyé ámɔ, kpá Maria mɔa kebi ámɔ srí ya Egyipte ɔmátó. ¹⁵ Betsiá ɔw yófun bréá Herode lówu. Inɔ léha Bulu asún ání ɔleblí tsɔn mɔ ɔnósó ɔtɔipó ɔkɔsɔ leba mótó. ɔbée, “Netɔ mí bí ámɔ tsú Egyipte ɔmátó.”

Betlehemfo Abi Mɔ

¹⁶ Bréá Owíe Herode lówwun ání anyansapɔ amɔ bamlé mɔ a, ɔblí lehie kítá mú. ɔlɔwa mɔ isá akɔpó ɔbée, bɔyó Betlehem wúlutɔ pó mú nkudasi, abɔyɔmɔ abi yinhé ání bahɔ tsú nfinyɔ ba ayasí féé. Tsúfé anyansapɔ amɔ bɛbláa mɔ bɛɛ, begyankpá wun ɔtsrakpabi amɔ nfinyɔ ní.

¹⁷ Inɔ léha Bulu asún ání ɔleblí tsɔn mɔ ɔnósó ɔtɔipó Yeremiasɔ leba mótó. ¹⁸ ɔbée,

“Bonu isú móa olú kwá imeká tin Rama wúlutɔ.

Rahel dé mɔ abí sú. Omotsulá ání bɔkpáta mɔ, tsúfé bɔtráa bɔma ɔw.”

Yesu Mɔa Mɔ Akwíipó Yínki Tsú Egyipte

¹⁹ Owíe Herode lowu ɔma a, Bulu-ɔbɔpɔ lélé ɔwɔ ɔwan súná Yosef okudetɔ Egyipte ɔw, bláa mɔ ɔbée, ²⁰ “Kɔsɔ, afɔkpa kebi ámɔ mɔa mɔ yin,

amlhyinki yɔ Israel ɔmátɔ. Tsúfɛ ahá ámóú bodunká ání bómo kebi ámu, bawú.” ²¹ Mú sv Yosef lókusó kpá kebi ámu muv mu yin, beyinkí yó Israel ɔmátɔ.

²² Táme bréá bowie inu á, olonu ání Arkelao latsiá mu sɩ Herode obiásó, ɔde Yudea ɔmásó gyí. Mú sv olenya ifú ání ɔbópu kebi ámu ya inu. Bulu lélawá mbila há mu okudeto ɔbéɛ, ɔpúv mu ya Galilea ɔmátɔ. ²³ Mú sv bɔyɔ yétsiá Nasaret wúluta. Inu léha Bulu asón ámóú ɔleblí tson mu ɔnósó atóipúsv ɔbéɛ, “Bétu mu Nasaretyin” amu ileba mótó ní.

3

Asú Ɖɔɔpú Yohane Bulu Asón Ɖkanda

(Marko 1:1-8; Luka 3:1-18; Yohane 1:19-28)

¹ Bré kutɔ á, Asú Ɖɔɔpú Yohane léba ɔde Bulu asón ɔkan da Yudea dimbísó. ² Ɖbéɛ, “Mlɩdamli klɔntɔ, amlisi lakpan bwe, tsúfɛ Bulu iwíegyí lawíé wóyí tá.” ³ Yohane inu asón Bulu ɔnósó ɔtɔipúYesaia lówanlín ɔbéɛ, “Ɖku dékplɔn dimbísó ɔbéɛ,

‘Mlɩla anɩ Wíe ɔkpa.

Mlɩtswii ikpa ha mu’” amu ni.

⁴ Yohane lówa kpósó-imi atadiɛ, ɔɔpu ɔwolú-kpákpa ɔfɛ klí mósó. Atsantsanku pú ɔkwén otegyi. ⁵ Ahá botsu Yerusalem wúluta, Yudea ɔmátɔ pú Yordan bunƙpa ɔnó awúlu féesó ba bonu mu ason blíhé. ⁶ Bele amú lakpan blí, ɔɔbo amó asú Yordan ntsuto.

⁷ Táme bréá Farisifo pú Sadukifo tsɔtsɔtsɔ beba beɛ, ɔbɔ amó asú á, ɔlefíté amó ɔbéɛ, “Abe abí-aná, ntɔ gyá mlɩ, mlɩsrí Bulu isubiti ámóú ɔbá ámu? ⁸ Mómó mlɩswie abíá ibósuná ání lélé mlɩladámlí klɔntɔ. ⁹ Mlɩmáku mlɩaa, mlɩ náin gyí Abraham. Mú sv Bulu méebítí mlɩ isv. Nde mlɩ bláa mbéɛ, Bulu ɔbétalí há abwi ánfɩ ɔbédamli Abraham abí-aná. ¹⁰ Séi á, Bulu lapó efɛ yi nyí-atsitsito. Oyígyíoyí ání imoswie abi wankláán á, bókun mú dá, wá mú féesó ogyá. ¹¹ Mí mú á, ntsu ndepubó mlɩ asú púsúná ání mlɩladámlí klɔntɔ. Táme ɔkva ɔɔon mi bu ɔma ɔbá. Mmɔfun ání nósorá mu ntukota kóráá. Mu ɔbópu Ɖɛ Wankíhé pú ogyá bó mlɩ asú ní. ¹² Ɖde mu ɩlín, ɔbópufúní ntéte lé ayó ámɔtɔ. Ɖbékpa ayó amú wá mu ɔduduta. Táme ɔbéféi ofuníkpa inu wankláán, kpá ntéte amu wá ogyá ání itamadunta.”

Yesu Asúbo

(Marko 1:9-11; Luka 3:21-22)

¹³ Yesu lótsu Galilea ɔmátɔ ba Yordan ntsu ɔnó Yohane wá ɔbéɛ, ɔbó mu asú. ¹⁴ Teki Yohane mótsulá ání ɔbóbo mu asú. Inu sv ɔlebláa Yesu ɔbéɛ, “Mí ilehián ání fíbo asú. Nkálí ígyi só faba fɛɛ mí ɔbóbo fú asú?”

¹⁵ Yesu lébláa mu ɔbéɛ, “Séi á, ha atsu mú alɩ asa, tsúfɛ ilehián ání abóbwe tógyítá ɔda ɔkpa Bulu ansítɔ.”

Mú sv Yohane lótsulá. ¹⁶ Bréá ɔɔbo Yesu asú tá, Yesu lédali ntsu ámɔtɔ alɩ nwolótáa lefinkí, olowun Bulu Ɖɛ ɔkplí fɛ abróduma, ilobogyonká musu. ¹⁷ Inu ɔme ku lotsu ɔsúsó ɔbéɛ, “Ɖni gyí mí Bía ntɔdwé mu, mi ansí tehíé gyi mu inu ní.”

4

Yesu Isóki

(Marko 1:12-13; Luka 4:1-13)

¹ Inu sv Ɖɛ Wankíhé amu lékpa Yesu ya dimbísó, ménɩ Ɖbunsám ɔbóbo mu ki. ² Oletsíá inu klí ɔnó nke advana (40), onyé advana (40). Mú sv akún

lehiε kítá mv. ³ Inu Ɔbunsám lósɔ mv ki, bláa mv ɔbéε, “Ní Bulu mv Bi fógyi á, múmó ha abwi ánfɪ idamli bwe bodobodo.”

⁴ Yesu léle mú ɔnó ɔbéε, “Bɔwanlín wá Bulu asón ámɔtɔ beε, ‘Megyí atogyihe wule nyankpɔsa obégyi tsiá nkpa, táme ɔpɔv Bulu asɔn blíhé é tsiá nkpa.’ ”

⁵ Ɔbunsám lékpa mv ya Yerusalem, wúlu wankíhé amɔtɔ, ɔlɔpɔ mv yélí Bulu ɔtswékpa obu ámv ɔántra. ⁶ Inu ɔlebláa Yesu ɔbéε, “Ní Bulu mv Bi fógyi lélé á, tu kpayi. Tsúfé bɔwanlín wá Bulu asón ámɔtɔ beε, ‘Bulu ɔbéha mv abɔpɔ békpatá fú ibitɔ, ménɪ fú yabi mééda ibwi kɔkɔsu.’ ”

⁷ Yesu léle mú ɔnó ɔbéε, “Betrá wanlín beε, ‘Mákapú fú Wíε Bulu ki.’ ”

⁸ Mú ɔma a, Ɔbunsám lɔpɔ mv ya ibu fúáhé kɔsu, olosuná mv ɔyítɔ iwíε ogyíkpa f́éé, pó mú numnyam. ⁹ Mú ɔlebláa mv ɔbéε, “Ní f́éda akpawunu súm mí á, nɔpɔ inɪ f́éé há f́ó.”

¹⁰ Yesu lébláa mv ɔbéε, “Ɔbunsám, natɪ tɛɪ mísó! Tsúfé bɔwanlín wá Bulu asón ámɔtɔ beε, ‘Da akpawunu ha f́ó Wíε Bulu. Mv nkɔle fú súm.’ ”

¹¹ Inu Ɔbunsám lénatɪ mv wá, Bulu-abɔpɔ beba beki mvɔsu.

Yesu Gyumagyihe Asitsua Galilea Ɔmátɔ
(Marko 1:14-15; Luka 4:14-15)

¹² Mú ɔma a, Yesu lónu ání bakítá Yohane tswɪ obu, oleyinkí ba Galilea ɔsulósu. ¹³ Olotu tsú Nasaret wúluta yó Kapernaum, wúluá ibu mantáa Galilea ɔpɔ ɔnó, Sebulon móa Naftali ɔsulósu. ¹⁴ Mv inu ya léha asón ámú Bulu ɔnósó ɔtɔ́pɔ́Yesaia léblí ámv ɪlɛba mótɔ. Ɔbéε,

¹⁵ “Sebulon pú Naftali
ɔsulóvá ida Yordan bɔnkpa ɔnó, mantáa Galilea ɔpɔ.
Galilea ɔmátɔ ɔmá bámbásófo butsie.

¹⁶ Ahá ánfɪ butsie oklúntɔ ánfɪ
bawun wankɪ kpɔnkpɔɔnkpɔntɪ kv.
Butsie ɔsulóvá lowu dé iwíε gyí músó.

Wankɪ kv lawánkí wólí amósó.”

¹⁷ Tsú inu Yesu léfɪ asɪ ɔde Bulu asón ɔkan da, blí ɔbéε, “Mlɪdamli klɔntɔ, Bulu iwíεgyí lawíε wóyí tá.”

Akasípɔ Abaná Le
(Marko 1:16-20; Luka 5:1-11)

¹⁸ Eke ɔkúv Yesu ná Galilea ɔpɔ ɔnó á, olowun apíó abanyó akv. Simon ání bɔtɛtɪ mv Petro mvɔa mv gyama Andrea, bude asawu tswí, tsúfé aye alepú bɔgyi. ¹⁹ Mú ɔlebláa amó ɔbéε, “Mlɪba bobuo mv. Nóbwe mlɪ anyánkpɔsa alepú.” ²⁰ Inuɔv besi amó asawu aná tswɪ, kplá buo mv.

²¹ Ɔlenatɪ yó nkpa kpalobí, olowun apíó abanyó akv é, Yakobo mvɔa mv gyama Yohane. Amúv amó sí Sebedeo bɔbɔv ɔklɔntɔ, bude amó asawu bíun, Yesu létɪ amó. ²² Inuɔv amó é benatɪ sí amó sí mvɔa ɔklɔn amv bobuo mv.

Yesu Atósuná, Mv Asón Ɔkanda Pó Ilɔtsa
(Luka 6:17-19)

²³ Yesu léki Galilea ɔmátɔ f́éé, súná ató Yudafo ofiakpa. Ɔleda Bulu iwíεgyí ámv iwɪ asɔn wankláán ɔkan. Ɔletsɔ ɔhétɔ móa awútɔ ɪlɔ kugyíko.

²⁴ Inɪ sv mv iwɪ asón lek léí yó Siria ɔmátɔ f́éé. Bɔpɔ alɔpɔ tsúa ntíné-ntíné ba mv. Ɔletsɔ ɪlɔ kugyíko, ahá ání bude iwɪɔsun wúun, amóv ɔhe laláhe dé amó háan, amóv ɪlɔ dídahe bv amósó pó abubúpv aná f́éé. ²⁵ Mú sv ɔdam kpɔnkpɔɔnkpɔntɪ bobuo mv. Ahá ání bɔtsú Galilea ɔmátɔ pú

Dekapoli* awúlu amusu, Yerusalem wúluta, Yudea amátó pú Yordan ntsu obin asulúsu fée.

5

Ibusu Atosundhé

¹ Bréá Yesu lówun adam amu a, adu yó ibu kusu yétsiá asi, mu akasípó amu beba mu wá. ² Inu olosuná amó ató obée,

Oyúla Asón

(Luka 6:20-23)

³ “Bulu layúla ahá ání amó ansí medín tatosu dun mu Bulu, tsúfé amóbú mu iwíegyi ámu ni.

⁴ Bulu layúla awireho agyípó, tsúfé obólwií amó klon.

⁵ Bulu layúla iwiasí abápu, tsúfé amó obégyi asulúsu amu ni.

⁶ Bulu layúla ahá ání mu apébwé akón múa amewóli de amó, tsúfé obéha amó bómwe.

⁷ Bulu layúla nwe awúnpu, tsúfé obówun amó nwe.

⁸ Bulu layúla ahá ání amó klontó lówankí, tsúfé amó obówun mu ni.

⁹ Bulu layúla ahá nsiné alapó, tsúfé obéti amó obée mu abí.

¹⁰ Bulu layúla ahá ání budin amósó mu apébwé su, tsúfé amóbú mu iwíegyi amu ni.

¹¹ “Bulu layúla mli, ní bude mli sia, budin mli su, bude afunu wa dínká mli su. ¹² Ansí igyi mli, iwi isanki mli, tsúfé mli ikóká tso asúsó. Alí bóbwe Bulu onósó atáipó agyankpapu amu ni.

Nfóli Múá Wanki

(Marko 9:50; Luka 14:34-35)

¹³ “Mligyi ayító nfóli ni. Ní nfóli itá adwe á, nto bélapówá mú adwe? Itráa ma ale há tatosu bwe. Tsei butetséi mú tsítsá, ahá butetsáta mósó tson.

¹⁴ “Mligyi ayító wanki é ní. Wúluá idin busu tamanjain. ¹⁵ Butamanywé okandíe, pú oló bun mósó. Jfóakpá butapóbían, méní iwówanki há ahá ání butsie wóyi amoto fée. ¹⁶ Mú su mliha mli bwehé iwanki ali, méní ahá bówun mli bwehé wankláán ámu, fówun békanfó mli Sí amú obu asúsó ámu.

Mose Mbla Iwi Atosundhé

¹⁷ “Mlumáki mliaa, neba Mose Mbla ntée Bulu onósó atáipó amu atosundhéto okakpá. Mmēba mótó okakpá, mboún neba bóbwe mú ifon.

¹⁸ Onokwali nde mli bláa, asó múa asi bómó onó, táme itoduáhé ntée asónbi kole kóráa iméedali Mbla ámutó, yófon bréa mótó asón fée laba mótó.

¹⁹ Ohagyíoha ání omobu mbla ámutó tükuríibi ku, olosuná mu aba é obée bumábu mú á, bėti mu kebi tükuríibi asúsó iwíe ogyikpá inu. Táme ohá ání olegyi mbla ámu féesó, súná mu aba ání bugyi mósó á, bėti mu oha yilé asúsó iwíe ogyikpá inu. ²⁰ Mú su nde mli bláa mbée, ní mlimóbwe Bulu apé dun Mose mbla asunápó pú Farisifó ámu a, mlimóowie Bulu iwíegyi amoto ekekeke.

Obló Iwi Atosundhé *(Luka 12:57-59)*

* 4:25 Dekapoli asi gyi awúlu dú.

21 “Mlilanú ání bebláa mli anáin atutifo ámu beε, ‘Mámə əha. Əhagyíəha ání əmó əha a, Bulu obégyi mu asón, há mu ipón.’ 22 Táme mí mó nde mli bláa mbée, əhagyíəha ání olenya əbló wa mu ba á, Bulu obégyi mu asón. Əhá ání olesia mu ba əbée, ‘Əhakpan!’ á, obégyi ipón Yudafo asón agyípu ansító. Əhagyíəha ání əlebláa mu ba é əbée, ‘Raka!’* a, obégyi ipón yó isəbití ogyá ání itamaduntó. 23 Inu su ní fotsu atə hahé fəyó afədie əəəkpá, fəkaín ání fapó asún laláə ku gyi fó bá á, 24 si fó ató amó yaí afədie-asubwisu inu. Yə fəa munyə amliə mli nsiné, asa afəba bəbə afədie ámu ha Bulu.

25 “Ní əku əsáma fu á, wa əsa ha abəyobwií ipa ha mu asa asón ámu ogyíké ifun, ménu fú onyabá ámu əméeəha asón agyípu bəməəpu fú ha obu adípósú əkípu, əwa fú obu. 26 Mbláa fu əəəkwali, nkéti faká ikə ámu féé tá asa fédalı inu.

Otsiəba Əmadəli Iwi Atosundhé

27 “Mlilanú ání bebláa mli beε, ‘Mákle əku tsiəba.’ 28 Táme mí mó nde mli bláa mbée, oyingiyoyin ání olowun ətsi, əəbwe mu klé iwı agywun á, alató mbəa dodo mu kləntə. 29 Mó su ní fú gyəpi nsibi tēhá fótəbwé lakpan á, loti mú le, tswı tsalifwi. Ibu aléá fú iwı ətınəku má inu, dən ání bótswı fú nyankpəsa-oyí ámu féé wá isəbití ogyá ání itamaduntó. 30 Mó su ní fú gyəpi ibi tēhá fótəbwé lakpan á, ka mú tswı tsalifwi. Ibu aléá fəma ibi kule, dən ání bótswı fú nyankpəsa-oyí ámu féé wá isəbití ogyá ání itamaduntó.

Əkákiná Iwi Atosundhé

(Mateo 19:9; Marko 10:11-12; Luka 16:18)

31 “Betrá bláa mli beε, ‘Əhagyíəha ání obékiná əká á, əwánlın əkákiná əwəló ha mu asa.’ 32 Táme mí mó nde mli bláa mbée, ní oyin okíná mu ka ání əməkódalı mu əma a, mələhá su ətsi ámu əbédalı mu əma. Oyingiyoyin ání otsiá ətsi ánfı mu kulu lakíná mu anfi é lató mbəa.

Ntamka Iwi Atosundhé

33 “Mlilétrá nu ání bebláa mli anáin atutifo ámu beε, ‘Máka ntam kpaali. Mbəun bwe dınka ntam amúə fəka há Bulu ámu su.’ 34 Táme mí mó nde mli bláa mbée, máka tətəətə kóráá. Məpu əsúsó ká ntam, tsúfé Bulu owie obía igyi. 35 Məpu əsólúv ká ntam. Bulu ayabi oyíkpa igyi. Məpu Yerusalemin wúlu ká ntam. Awíetə Owíe wúlu kpənkpəntı ní. 36 Mliməpu mli nwin ká ntam, tsúfé mliméetalı bwé imi kule futútú ntéə bíbi. 37 Mbəun fú ‘In!’ ubwée ‘In!’ Fú ‘O-o!’ é ubwe ‘O-o!’ Kugyíkəá fétrá blı tsia mótó itsú Əbunsám wá.

Laləhe Ikəka Iwi Atosundhé

(Luka 6:29-30)

38 “Mlilanú ání beblı beε, ‘Əha obwíe mu ba nsibi a, bəbwíe mu é mu kle ka ikə. Əha otsií mu ba iyín é á, bətsii mu kle ka ikə.’ 39 Táme mí mó nde mli bláa mbée, mlimáklá əha laləə. Mbəun ní əha ədá fú isətə á, damli nyəəsi é ha mu ədáa. 40 Ní əha dékléá əbəsamáa fu, hə fú atadiə á, pu fú tati é ha mu. 41 Əhá ání ədun fu əhié fú əbée, fəsúra mu ató máılı kule ha mu a, sura mó máılı anyə. 42 Əha əkólı fú ató á, ha mu. Ní əku é əbée fəpáan mu təku á, mákiná.

Alupódwe Iwi Atosundhé

(Luka 6:27-28, 32-36)

43 “Mlilonúá beblı beε, ‘Dwe fú bá, afəlu fú olupú.’ 44-45 Táme mí mó nde mli bláa mbée, mli dwe mli alupú. Mli bə mpái ha ahá ání bədin mli su, ménu mləbwe mli Sí amúə əbə əsúsó ámu abı. Tsúfé mutéəhá owı telin, ətəhá

* 5:22 Raka ası gyı “Əbwi!”

nyankpu é itotswie wólí aha wankláán pú aha laláhe féesú. ⁴⁶ Ní fú adwepú nkule futədwé á, ipán məmú fénya? Lampóo ahópú kóráá butəbwé alí. ⁴⁷ Ní fú anyawíe nkule futəwá onó á, ntə fakuku bwe dubí? Alí kén omátófo butəbwé ní. ⁴⁸ Iní sù mlifon fé alíá mlí Sí ámúú əbu əsósú ámu lófon.

6

Yilébwé Iwí Atosundhé

¹ “Mlíki wankláán ání mlímóəbwe mlí yilé ahá ansító. Ní mləbwé mú alí á, mlíméenya ikəká mlí Síá əbu əsósú wá.

² “Mó sù ní fəbwé yilé há ohiáni á, máda mú əkan fé alíá apin-abwəbí abwepú butəbwé Yudafo ofiakpa pú dunsu, méní ahá bəkanfú amú. Ənəkwalí nde mlí bláa mbéé, Bulu laká amú ikə dodo. ³ Táme ní fəbwé yilé há ohiáni á, máha fú bina əbí tóá gyəpí labwé. Bwe mú njántə, ⁴ méní fú Sí oklúntə atə owúnpu amu əbéka fú ikə.

Mpáibə Iwí Atosundhé

(Luka 11:2-4)

⁵ “Ní mləbə mpái á, mlímábwe fé apinabwəbí abwepú. Amú tekle Yudafo ofiakpa pú dunsu lí bə mpái, méní ahá bówun amú. Ənəkwalí nde mlí bláa mbéé, Bulu laká amú ikə dodo. ⁶ Táme ní fəbə mpái á, bitíwíé fú obutótó, afəfin obu wa iwí, bə mpái ha fú Sí njántə. Fú Sí njántə atə owúnpu amu əbéka fú ikə.

⁷ “Ní mlídé mpái bə á, mlímátsiá plá mótó há mú ɪwa swí fé omátófo. Butosúsu bəe, ní bəbó mú ɪwá swí asa Bulu obónu mú há amú. ⁸ Mlímábwe fé amú, tsúfé mlí Sí Bulu yín tóá ɪde mlí hián asa mlídé mə kolí. ⁹ Mó sù mlíbə mpái mlíaa,

‘Aní Síá fəbu əsósú.

Ahá bəbúú fú dá.

¹⁰ Ba begyi iwíe.

Ahá bəbwéé fú apé əsulósu, fé alíá butəbwé mú əsósú.

¹¹ Ha aní atogyihéá ɪbófon aní nde.

¹² Si aní lakpan kie aní,

fé alíá anítesikíé ahá ání butəpú ɪlá gyi aní.

¹³ Mákpa aní wá ɪsókítə, mboún le aní tsu Əbunsám ɪbitə.*

¹⁴ “Tsúfé ní mlesí ahá lakpan kíé amú á, mlí Sí ámúú əbu əsósú ámu é obési mlí klé kíé mlí. ¹⁵ Táme ní mlímésikíé ahá a, mlí Sí ámu é oméesikíé mlí.

Ənókli Iwí Atosundhé

¹⁶ “Ní mlídé onó klí á, mlímábwe mlí iwí bómbláán fé alíá aku butepina bwé. Alíá ahá bówun ání bəde onó klí sù butəbwé iwí alí. Ənəkwalí nde mlí bláa mbéé, Bulu laká amú ikə dodo. ¹⁷ Mboún ní mlídé onó klí á, mlíbie ntsu, amlifunya nwun, ¹⁸ méní ahá bəmóowun ání mlídé onó klí. Táme mlí Sí oklúntə atə owúnpu amu mú obówun mlí, ká mlí ikə.

Atonyahé Pvyáí Əsósú

(Luka 12:33-34)

¹⁹ “Mlímákke atə yái əsulóv anfisə. Ətíné ánfí atéple butəwí atə, ikə aná təwí nkanu yíntá, awikpú é butəbwíé wíé obuto wí atə ánfí. ²⁰ Mboún mlíkke atə yái əsósú. Inu mú á, atéple butamawí atə, ɪtamawí nkanu, awikpú é butamabwíé wíé obuto wí atə. ²¹ Tsúfé ətínéá fú siadiə bu a, unó fú agywun tetsiá.

* **6:13** Iní bu nwóló dada amu akoto: Tsúfé fəbú iwíegyí, túmí pú iwawankí bré féesú. Amen.

*Nyankpɔsa-oyi Okandie**(Luka 11:34-36)*

²² “Ansibi igyi okandie há nyankpɔsa-oyi. Ní fú ansibi bu alá á, fú nyankpɔsa-oyi ámu fée bówankí. ²³ Táme ní fú ansibi ma alá a, fú nyankpɔsa-oyi ámu fée ibu oklúnto. Ní okandie ámóú ibu foto ámu idun a, mómó fawíe oklún kpɔnkpɔnkpɔntito.

*Bulu Mva Atonyahé Iwi Atosundhé**(Luka 16:13; 12:22-31)*

²⁴ “Jhaa méetalí súm awie anyɔ. Jbódwe okule, lú okule. Ntée obóbu okule, omóobu okule. Fóméetalí súm Bulu, súm kóba.

²⁵ “Mó su nde mli bláa mbée, mlimáhan iwi tóá mlégyi, tóá mlónu tsiá nkpa pó tóá mlédídá su. Mbée, nkpa medéhián dun atogyihe? Ntée oyulúv medéhián dun ató didáhé? ²⁶ Mliki mbubwi, butamadú, butamasíetí wá idanto, táme mli Sía obu osósú tehá amó atogyihe. Mlimá labi dun amó? ²⁷ Mlitó ma obétalí han iwi pó bré kpalobí tsiá mu nketo?

²⁸ “Ntogyi só mlidé iwi háan mli ató didáhé su? Mliki alá pututɔ-oyi ntswítswi tedan. Itamayó agyómá ntée ló atati. ²⁹ Táme nde mli bláa mbée, Owie Salomo, mu inya fétó a, ometalí híhie iwi, wá akíle fě oyi ntswítswi anfito koku. ³⁰ Ní Bulu dé ifá ání nde lí, oke ilawú, bawá mó ogyá tati didá á, ntogyi só ometalí didá mli atati dun mó? Mli hógyi mɔtsó!

³¹ “Mó su mlimáhan iwi fité mliaa, ‘Nto abégyi?’ ntée ‘Nto abónu?’ ntée ‘Nto abédídá?’ ³² Iní aná omatófo butesrí gya ni. Mli Sí ámóú obu osósú ámu yin ání iní fée de mli hián. ³³ Itóá mligyánkpa dunka gyí, Bulu iwíegyi pó mu yilébwe, fówun Bulu obópu iní fée tsiá mótó há mli. ³⁴ Mlimásusúu oke iwi. Oketo asón igyi oke klé. Ekekegyíeketo ason wunhe itso há eke ámu.

7*Iláe**(Luka 6:37-38, 41-42)*

¹ “Mlimáe ahá lá, méní Bulu omeéle mli lá. ² Tsúfě alí ámóú mlidé ahá lá le ámu a, alí Bulu obéle mli lá ní. Itóá fɔpúsusu ha fú bá á, mó kén Bulu obópususu ha fú é ní. ³ Ntogyi só fúde ipí túkúríibi wun fú bá nsibisu, táme fumedé ogyakpatín ání idun fú klésu mó wun? ⁴ Ntée ntogyi só fúde fú bá bláa fée, ‘Ha mí andinkí ipí fú nsibisu?’ bréá ogyakpatín dun fú klésu? ⁵ Apinabwébi obwepú! Gyankpa dinkí ogyakpatín ámu fú nsibisu, méní fówun ató wankláán, táli dínkí ipí ámu fú bá klésu.

⁶ “Mlimápu Bulu ató wankíhé há ahá ání bogyi fě akíai, Bulu asón tamawá amó ogyá. Bénya obló dámlí dun mli. Alí kén mlimápu mli abutó wulhe há ahá ání bogyi fě mprákuo ní. Tsúfě bésatsáa músú, tsiá mó wá odibató.

*Atókolí Tsú Bulu Wá**(Luka 11:9-13)*

⁷ “Mlikoli Bulu, obéha mli. Mlidunka, mlówun. Mlida mu klonsu, obéfinkí mó há mli. ⁸ Tsúfě ohá ání otókólí ató tenyá. Ohá ání otodúnká ató towun. Ohá ání otédá klonsu bótefinkí há. ⁹ Ma bów mlitáa mu bi okólí mu bodobodo a, obótsu ibwi wá mu ibitá? ¹⁰ Ntée ní okólí mu iye a, obékítá iwó wá mu ibitá? ¹¹ Mli lakpan abwepú kóráa mliyin alá butápú ató wankláán há mli abí. Ntogyi só mli Sí ámóú obu osósú ámu mó móɔpu ató wankláán há ahá ání bode mu kulí.

12 “Bwe ha ahá alhá fudeklé fεε bubwée ha fu. Ini Mose Mbla pú Bulu onósú atóipú amv atosunáhé deblí ní.

Okpa Kplanhe Mba Teíhéhé

(Luka 13:24)

13-14 “Mlitsun okpa kplanhe amvsv, mlóyɔ nkpa ání itamatátó. Ahá kpalobí pé tebí mú. Táme ní mlotsun teíhéhé ámú ubv atsúnle amvsv á, mlóyɔ ohkpá. Ahá tsotsɔtsɔ tótsun mósú.

Oyi Pó Mú Abi Swiehé

(Luka 6:43-44)

15 “Mlíki wankláán ahá ání butɔwá afunu beε, Bulu onósú atóipú bugyisv. Butepina bwe iwí fé akúfa ba mli wá, táme nkpatakuá bubv iyin búgyi. 16 Amú bwehé mlópobí amú. Butamakpótí kankaba okplóto oyísú, butamakpótí tsəkpun é tonkpa iflasv. 17 Oyi wankláán toswíé abi wankláán. Oyi laláhe é toswíé abi laláhe. 18 Oyi wankláán méetalí swíé abi laláhe. Alí kén oyi laláhe é méetalí swíé abi wankláán ní. 19 Oyiá itamaswíé abi wankláán á, kún butokun mú dá, wá mú ogyá. 20 Mú alí sv á, onósú atóipú afunupv anfi bwehé mlópobí amú.

Bulu Iwiegyí Amvto Awiepó

(Luka 13:25-27)

21 “Megyí ohagyíɔha ání otetí mí obée, ‘Mí Wíé, mí Wíé’ obówie Bulu iwiegyí ámvtɔ. Mboún ohá ání otəbwé mí Sí ámú obv osósú ámú apé obóyɔ inu. 22 Bulu asón ogyíké amv a, ahá tsotsɔtsɔ béfité mí beε, ‘Mí Wíé, megyí fú dátó anuléblí Bulu onó asón, gya ohe laláhe lé ahátɔ, bwé ofúla é ní?’ 23 Inu néle bláa amú mbée, ‘Mmeyín mli okpagyíokpasv. Mlinatí tei mísú, mli lakpan abwepó!’

Butású pú Osublúto Obuyi

(Luka 6:47-49)

24 “Mú sv ohagyíɔha ání olonu mí asun blíhéhé anfi, olegyi mósú á, ogyi fé otiansipv okvá oleyi mv obu dínká butású. 25 Nyankpv lótswíé, ntsu lóbulá wa mú, atsufú lótsun wolí mósú, táme imobwie. Tsúfé oleyi mú dínká butású.

26 “Táme ohagyíɔha ání olonu mí asun blíhéhé anfi, omegyí mósú á, ogyi fé oha mimláhe ání oleyi mv obu osublúto. 27 Nyankpv lótswíé, ntsu lóbulá wá mú, atsufú é lótsun wolí mósú. Obu ámú lobwie, iléda así gbloo!”

Túmiá Yesu Bv

28 Bréá Yesu léblí asón anfi tá á, mv atosunáhé leha onó lobwie odəm amv. 29 Tsúfé olosuná amú ató túmisv. Omosuná mú fé Mose mbla asunápú amv.

8

Ilɔ Pεpe Olópú Okv Tsa

(Marko 1:40-45; Luka 5:12-16)

1 Bréá Yesu lékplí tsú ubv ámvsv á, odəm kponkponkponntí bobuo mv. 2 Inu á, ilɔ pεpe olópú okv léba beda akpawunu mv ayabitɔ, kókóli mv obée, “Owíé! Ní fótisulá á, fétalí há mí iwí bépli.”

3 Múv Yesu létinkí ubi da mv, bláa mv obée, “Natsúlá, fú iwí iplí!” Inu sv mv iwí lépli. 4 Múv Yesu léda mv olá obée, “Mábla ohaa asón anfi. Natí laa afupv fú iwí yosuná Bulu igyí ohapú, afuha mv iwigyvratɔ amúv Mose mbla losuná tsú ilɔ pepetsa iwí ámvs. Igyí adánsie suna ahá ání fú iwí laplí.”

Romafɔ Isá Akɔpú ɔhande Osúmpú ɔku Ilo Tsa

(Luka 7:1-10)

⁵ Yesu lówie Kapernaum wúluto. Romafɔ isá akɔpú ɔhande ɔku léba mu wá, bóbwií ipa há mu ɔbéɛ, ⁶ “Owíé, mí osúmpú délɔ. Alasin tsukule, ɔda wóyítɔ ɔde iwɔɔsin wúun dɔbi.”

⁷ Múú Yesu lébláa mu ɔbéɛ, “Néba betsa mu ilo.”

⁸⁻⁹ Táme ɔhande amu lébláa mu ɔbéɛ, “Owíé, mmɔfun ání féba mí wóyítɔ. Fú mú bli asɔankɔ, iwɔ bówa mí osúmpú amu ɔnlɔn. Tsúfé mí é mbu ahande aku asi, isá akɔpú aku é bubu mí asi. Nelé ɔnɔ mbéɛ amútɔ ɔku ɔnátɔ á, ɔtenátɔ. Ní mbéɛ ɔbá é á, ɔteba. Tógyítɔá nebláa mí osúmpú mbéɛ ɔbwéé á, ɔtabwé.”

¹⁰ Bréá Yesu lónu asún ání á, ɔnɔ lobwie mu, ɔledamlí bláa ahá ámúú bubuo mu amu, ɔbéɛ, “ɔnɔkwali nde mli bláa, mmɔkówwun ɔhá ání ɔbu hógyi kɔnɔkɔntɔ ání odu Israelfɔtɔ kóráá ki!” ¹¹ Nde mli bláa mbéɛ, “Ahá tsɔtsɔtsɔ bótsu owí ɔdalikpa pú owí ɔkplíwíékpa ba, betsiá atɔ ogyíkpa Bulu iwíegyi ámuto, amúá anɔ anáin Abraham, Isak pú Yakob aná bówa ibi gyi atɔ. ¹² Táme béle Israelfɔ ámúú teki bogyi Bulu iwíegyi ámuto atsiápú amu lé unu, tswi amú wá oklúntɔ. Inú isú móa kpisii bu nu.” ¹³ Múú ɔlelabláa isá akɔpú ɔhande amu ɔbéɛ, “Nati, íbá mótɔ ha fu fú hógyi ɔnɔ.”

Ali bré ámuto pépééé osúmpú amu iwɔ lówa mu ɔnlɔn.

Alɔpu Tsɔtsɔtsɔ Tsa

(Marko 1:29-34; Luka 4:38-41)

¹⁴ Yesu lóyo Petro wóyítɔ. ɔlɔyo á, owísó lakítá Petro mu sia tsíhé, ɔda. ¹⁵ Múú ɔleyékítá ɔtsɔ ámu ibi. Inununu owísó amu lókusú musu, ɔlɔbwe Yesu afɔtɔ.

¹⁶ Múú ntópweɔ á, bɔpu ahá tsɔtsɔtsɔɔá ɔɔɔe laláhe dé amú háan ba Yesu. ɔlɔtɔi gya ɔɔɔe laláhe amu, tsá alɔpu amu féé. ¹⁷ Inu léha asún ámúú Bulu ɔnɔsɔ ɔtɔipú Yesaia lébli ámu leba mótɔ. ɔbéɛ, “Mólétsa anɔ ilo, tsú ipian kósó anisv.”

Ahá Aní Bɛɛ Bɔbwe Yesu Abútopu

(Luka 9:57-62)

¹⁸ Yesu lówun ání ɔdɔm babomlí mu, ɔlebláa mu akasípú amu ɔbéɛ, “Mliha afa Galilea ɔpu yo mú ɔbun.” ¹⁹ Inu Mose mbala osunápú ɔku léba mu wá, bebláa mu ɔbéɛ, “Osunápú, nóbuo fu yo ɔtínegyi ɔtínéá fýyo.”

²⁰ Yesu lébláa mu ɔbéɛ, “Awíá bubu mbó, mbubwi é bubu asia, táme mí, Nyankpɔsa-Mu-Bi ání mú mma ɔtínéá nópu mí nwun tswi.”

²¹ Ahá ámúú bubuo mu amuto ɔku lébláa mu ɔbéɛ, “Owíé, ha mí anyopulá mí sí asa ambobuo fu.”

²² Táme Yesu lébláa mu ɔbéɛ, “Bobuo mi, afɔsi awupú abɔpula amú afúli.”

Atsufú Asibá

(Marko 4:35-41; Luka 8:22-25)

²³ Yesu lówie ɔklɔntɔ, mu akasípú amu é bowie buo mu. ²⁴ Bréá bɔyo á, afú kɔnɔkɔnɔkɔntɔ ku lówa tsúun bi. Mú su ntsu deda wíé ɔklɔn amuto, ideklé ime, táme Yesu mú da ɔdedidi. ²⁵ Akasípú amu betsinkí mu, bláa mu bɛɛ, “Anɔ Wíe le anɔ. Anidé ntsu wíe!”

²⁶ Múú ɔlefíté amú ɔbéɛ, “Ntogyi só mlíde ifú nya ali? Mli hógyi mɔtsól!” Inu ɔlɔkusú lé ɔnɔ wa afú móa ntsu ámu, unu féé lolvá.

²⁷ Ifú lehie kítá amú, bɛfíté aba bɛɛ, “Nyankpɔsa ɔmɔmu nu, afú móa ntsu kóráá tonú mu ɔme ali?”

ᾠη Laláhe Gyáa Le Agbedépo Abanyótó
(Marko 5:1-20; Luka 8:26-39)

²⁸ Bréá Yesu lówie Galilea ḡp ḡbín, Gadarafó ḡsólósu á, ayin abanyótó akvá ḡhe laláhe bu amótó bedali tsu afúli opulákpá befia mu. Amó iyin su ḡhaa tamatáli tson ḡkpa ámósu. ²⁹ Inuḡ bu ḡkplón fité Yesu beε, “Bulu mu Bi, amansu igyi? Fεbá beḡtí aní ató asa Bulu isubitíbi ifun?”

³⁰ Mprákuo tsḡtsḡtsḡ akú buḡegyi inu fón. ³¹ Mú su ḡhe laláhe amu bokokóli Yesu beε, “Ní fégya aní lé ahá ánfítḡ á, ha ayowie mprákuo ánfítḡ.”

³² Yesu lébláa amó ḡbéε, “Mlyḡ.” Inuḡ bu bedali ayin ámḡtḡ yówie mprákuo ámḡtḡ. Amó féé besrí kplí okúku ku wíε ḡp amḡtḡ, wúwu.

³³ Mprákuo ámu akpapó besrí yó wúlutḡ, yébláa ahá tógyitḡá laba ahá ámúú tekí ḡhe laláhe bu amótó ámósu. ³⁴ Mú su wúlu amḡtḡ ahá féé bedali ba Yesu wá. Bréá bowun mu a, bokokóli mu beε, ḡdáli amó ḡsólósu.

9

Tsukole Osínpu Tsa

(Marko 2:1-12; Luka 5:17-26)

¹ Mú su Yesu léyinkí wíε ḡkluntḡ, fá ḡp amu yó wúlu amóú otsie mótó ámósu*. ² Inu á, akú bḡsorá tsukole osínpu akpasu ba mu. Bréá Yesu lówun ání bahḡ mu gyi a, ḡlebláa tsukole osínpu amu ḡbéε, “Mí bí, klun idi fú asi. Nasí fú lakpan kíε fú.”

³ Inu Mose mbla asunápó akvá buḡsie inu, beblí wá nwuntḡ beε, “Oyin ánfi labó mbusuo.”

⁴ Yesu lébi amó agywun. Mú su ḡlefíté amó ḡbéε, “Ntogyi só mliḡé inu odu gywín? ⁵ Mḡmḡ bḡwa ablilé ḡḡn? ‘Nasí fú lakpan kíε fú.’ ntéε ‘Kusu tsu fú akpa afḡnatí?’ ⁶ Táme ndekléá mlibí ání mí, Nyankpḡsa-Mu-Bi ánfi mbu túmi ḡyi ánfítḡ sí ahá lakpan kíε amú.” Inu ḡlebláa tsukole osínpu amu ḡbéε, “Nḡε fú bláa mbéε, kusu. Tsu fú akpa afḡnatí yḡ wóyítḡ!”

⁷ Inu ḡḡkusú náti yó wóyítḡ. ⁸ Inu lówa amú féé wánwan, bekanfó Bulu ání alapó túmiá igyi alí há anyánkpḡsa.

Mateo Ti

(Marko 2:13-17; Luka 5:27-32)

⁹ Bréá Yesu lópu ḡyḡ á, olowun lampóo ḡhḡpu ḡkvá butetí mu Mateo tsie lampóo ḡhḡkpa. Mú ḡlebláa mu ḡbéε, “Bobuo mu.”

Inuḡ Mateo lḡkusó buo mu.

¹⁰ Mateo létí Yesu mva mu akasípó ató ogyíkpá mu wóyítḡ. Lampóo ahḡpu pú lakpan abwεpó tsḡtsḡtsḡ beba ató ámu ogyíkpá. ¹¹ Farisifḡ ámu benya wun amó alí, befité mu akasípó amu beε, “Ntogyi só mli osunápó mva ahá ánfi odu butḡwá ibi gyi atḡ?”

¹² Yesu lónu asón ánfi, ḡlebláa amó ḡbéε, “Alḡpu léhián ilo ḡsapó, megyi ahá ání iwí bu amó ḡnlin. ¹³ Mlyḡ amlyεfité Bulu asón ánfi bḡwanlín tswi anfi asi. Beε, ‘Nwewúun ntekle, megyi igyiha.’ Mmεba aha wankláán ḡtkpá, lakpan abwεpó ḡtkpá neba.”

ᾠókli Iwi Asḡn Fitḡhé

(Marko 2:18-22; Luka 5:33-39)

¹⁴ Ekε ḡku Asú ḡbḡpó Yohane akasípó beba Yesu wá befité mu beε, “Ntogyi só ania Farisifḡ anitekli ḡnó, táme fú akasípó mú butamakli ḡnó?”

* 9:1 Mu wúlu gyi Kapernaum. Kí 4:13.

¹⁵ Yesu léle mú onó obéé, “Otsi akpaínpo anyawíeá bobu mu wá bégyi awireho? Ekekeke! Táme eke ku béba ání békpa oká otsiápo amu náti sí amó. Alí nke ámutó békli onó ní.”

¹⁶ “Ohaa tamapo tati papwe tan tati dada. Tsúfé tati papwe amu békpi kpi tsií dáda amu ku lé, há otánkpa inu bélatéi tsía. ¹⁷ Alí kén butamapo nta papwe wá owulú-kpákpá kente wuhétó ní. Nta papwe amu ibófu fá kente amu, tsítsá, ibéyintá kente amu é. Iní su owulú-kpákpá kente papweto bótápó nta papwe wá, méni mú anyo ámu fée bétsiá.”

Ohande Oku Mu Bi Mva Otsi Oku Ilo Tsa
(Marko 5:21-43; Luka 8:40-56)

¹⁸ Bréá Yesu détoí á, Yudafó ofiakpa ohande oku léba beda akpawunu mu ayabito, kókóli mu obéé, “Mí bí tshé lawú séséséí, táme ba afobopo ibi dinka musu onya nkpa.”

¹⁹ Mú su Yesu lókusó, mva mu akasípó bobuo ohande amu.

²⁰ Otsi okvá obugya de mu wulí nfi dúanyo ní lótsun yo Yesu oma, pó ibi da mu tati osiebí. ²¹ Tsúfé oieblí wá mu nwunto obéé, “Ní napó ibi da mu tati kpán á, ilo bési mí.”

²² Yesu lédamli kí mu, bláa mu obéé, “Mí bí, klon idi fú asi. Fú hógyi latsá fú ilo.” Inonu otsi ámu iwí lówa mu onlin.

²³ Bréá olowie ohande amu wóyító a, olowun ikpe afulípó, nú awireho agyípó amu okitikíti. ²⁴ Olegya amó obéé, “Mlidalí nfi! Otsibi amu mókówú, didí ode.” Ahá ámu bomoí mu. ²⁵ Bréá amó fée bedali ba wunsinésó a, Yesu lébitiwíe obu ámú otsibi amu da móto ámutó yékitá mu ibi, okusó. ²⁶ Asón ánti lékléi wá omá ámutó fée.

Ansibi Abwiepó Ilo Tsa

²⁷ Yesu lédali oyó á, ansibi abwiepó abanyó aku bobuo mu, bude okitikíti sorá kpóli mu bee, “Owíe Dawid mu na, wun aní nwe!”

²⁸ Bréá olowie wóyító a, ansibi abwiepó ámu beba mu wá. Yesu léfité amó obéé, “Mlilahogyi mhaa, nétalí há mli ansibi bóbwií?”

Bele mú onó bee, “Aní Wíé, Ee!”

²⁹ Mú olopo ibi dada amó ansibi, bláa amó obéé, “Ibá móto ha mli, mli hógyi onó.” ³⁰ Inu bowa ató wun bi. Yesu léda amó olá obéé, bumábláa ohaa.

³¹ Táme bréá bedali boyó á, beda mu okan omá ámu féeótó.

Omúmu Ilo Tsa

³² Benya náti alí, bopo oyin okvá oje laláhe bu muto, su alató omúmu ba Yesu. ³³ Olenya gya oje laláhe amu lé oyin ámutó alí, olowa tóí bi. Ahá ámu fée bowun, su onó lobwie amó. Mú su beblí bee, “Anímókówun iní odu Israelfoto kí!”

³⁴ Farisifo ámu beblí bee, “Oje laláhe owíe túmi odepugya oje laláhe lé aháto.”

Ahá Nwewiun

³⁵ Yesu léki awúlu pó nkuda fée asi, súná ató Yudafó ofiakpa. Oleda Bulu iwíegyi ámu iwí ason wankláán okan. Oletsa ilo kugyíku fée. ³⁶ Bréá olowun odóm amu a, amó asón lówa mu nwe. Bugyi fé akúfa ání buma okpapó, tsúfé asón de amó háan, buma toto bwetó. ³⁷ Mú su oiebláa mu akasípó obéé, “Ató kpótíhé amu itsó, táme mó akpótípó bumotsó. ³⁸ Mú su mlíkókoli ndó mu wie, owa ató akpótípó tsotsó abuba bokpotí ató ámu.”

10

*Akasípó Amu Adá**(Marko 3:13-19; Luka 6:12-16, 9:1-6)*

¹ Yesu létí mu akasípó dúanyo ámu, òlaha amó túmi ání bogyí òhè laláhesu. Bogyáa amó lé ahátò, abùtsa ìlò múa iwáwásin kugyíku. ² Sumbí ayópó dúanyo ámu adá ní: Ogyankpapu gyí Simon ání bütetí mu Petro muà mu pio Andrea. Yakobo muà mu pio Yohane ání bogyi Sebedeo abí; ³ Filipo, Bartolomeo, Toma, lampóo òhópu Mateo, Alfeo mu bi Yakobo, Tadeo, ⁴ Simon ání ogyi iwáwátsiá adunkápó òpasuato òha pú Yuda Iskariot ání òlèlè Yesu há.

*Akasípó Dúanyo Amu Sumbíwa**(Marko 6:7-13; Luka 9:1-6)*

⁵ Òlòwa sumbí ayópó dúanyo ámu sísí, wá mbala há amó òbéè, “Mlímáyo ahá ání bomegyí Yudafo òsulúv pú Samariafo awúlu kùkùsu. ⁶ Mboún mlyo Israelfo wá. Bogyi fé akúfa ání bafwí. ⁷ Ní mloyó á, mlída asún ámu òkan mlíaa, ‘Bulu iwíegyi amu lawíé wóyí tá.’ ⁸ Mlitsa ìlò, amlitsinki afúli. Mlitsa ìlò pèpè alópó, amligya òhè laláhe le ahátò. Mlímáhò amó tòtò. Mlìbwe mó pùkie amó, fé alíá napókíe mlí. ⁹ Mlímátsu sika kùkùvoku wá mlí akentetò. ¹⁰ Mlímátsu akpankogyo ání mlípó ató wá mótó há òkpa ámu tu. Mlímátsu atadiè nyòòsi, ntùkùta pú oyi yíáhé. Tsúfé agyómá ayópó bütèhá atogyihè.

¹¹ “Ní mloyóswí wúlu kugyíkusu á, mlídunka òha wankláán, amliswu mu wá. Mlitsia ìnu kpèfòn èkéá mlénatí. ¹²⁻¹³ Ní mlowíé wóyító ìnu á, mlíha amó itsiá mlíaa, ‘Bulu òhá mlí iwílwii.’ Ní wóyí ámutòfo bòhò mlí á, mlí oyúla amu isin amósó. Táme ní bómòhò mlí á, múmó mlí oyúla amu isánki ba mlísu. ¹⁴ Ní bómòhò mlí, ntéè nú mlí asún á, mlídalí wóyí ntéè wúlu amòtò, amlìkpakpa mlí ayabítò-ìsì wòlì ìnu. ¹⁵ Ònòkwali nde mlí bláa mbéè, Bulu òbébití amó ìsu òn Sodom múa Gomorafò mu asún ogyíké amu.”

*Iwáwásin Aní Ibéba Sumbí Ayópó Amusu**(Marko 13:9-13; Luka 21:12-17)*

¹⁶ Òlètrá bláa amó òbéè, “Mlìbì ání nde mlí wa fé akúfa ání boyó nkpatakutò. Mlìfwifwi ansí fé awò, amlíha mlí iwí òtun fé abróðuma. ¹⁷ Mlìkì mlí iwí wankláán anyánkpòsasò. Tsúfé békítá mlí ya asún ogyíkpa, nwén mlí ató amó ofiakpa. ¹⁸ Mí su békpa mlí ya òmósó agyípó pú awíe ansítò, ménì mlégyi mí iwí adánsiè súná amúa òmátòfo. ¹⁹ Ní békítá mlí ya a, mlímágywín asún ání mléblí pú alíá mléle mú ònó. Bópó asún ání mléblí bré ámutò wá mlí ònó. ²⁰ Tsúfé megyí mlí òbótóí. Mlì Sí Òhè ámu òbótóí tsun mlísu.

²¹ “Apíó béle amó apíó há lowu. Abí así béle amó abí há. Abí é bókusó líí amó akwípòsu, há bómò amó. ²² Mí su ahá féé bólu mlí, táme ní mlétalí wá klòn líí kinkíinkín yòfòn mú ònómò á, Bulu òbòhò mlí nkpa. ²³ Ní bòdìn mlísu wúlu kùtò á, mlísrì yò wúlu bámbátò. Ònòkwali nde mlí bláa. Mlíméeki Israel awúlu amu féésú tá asa mí, Nyankpòsa-Mu-Bi ánfì néyinkí ba.

²⁴ “Okasípó tamadun mu osunápó. Osúmpó é tamadun mu wie. ²⁵ Ibówa alé ní òkasípó òbóbwe fé mu osunápó, osúmpó é òbóbwe fé mu wie. Ní batálí bòde wóyí mu wie amu tí bée, ‘Òbunsám’ ntéè ‘Beelsebul’ a, múmó ìda laláhe mòmò bómòpòtí mu wóyító atsiápó mú?

*Ohá Aní Abénnya Ifú**(Luka 12:2-7)*

²⁶ “Támé mlimánnya ifú. Tòtò má unvá babun ató mósó aní bómóobwii mósó. Tógyitò é ma unvá ilenjaín aní uméeln òwan. ²⁷ Ní nelé ató súná mli onyé á, mlikplon bli mó òpa. Mlida asón aní nébláa mli nklobító é òkan. ²⁸ Mlimánnya nyankpusa ifú. Òbétalí mó mli òyulú, támé òméetalí mó mli òkláa. Mboún ohá aní mlinyá ifú gyí Bulu. Mv òbétalí yíntá òyulú móa òkláa amv fée isobití ogyá aní itamaduntò. ²⁹ Megyí káple butefé akénsire anyò kéké? Támé amótò òkoko tamakpádá òsulótò aní mli Sí amv méyín mó iwí. ³⁰ Tsúfè Bulu yin mli nwunso-imi kóráá klátò. ³¹ Mó sv mlimánnya ifú, tsúfè mlibo ibiá òvn akénsire tsòtsòtò.”

*Adánsiēgyi Pó Asónkind**(Luka 12:8-9)*

³² “Ní òko létalí gyi mí iwí adánsiē ahátò á, mí é négyi mv iwí adánsiē súná mí Sí òsósó. ³³ Támé ní òko lékiná mí ahátò á, mí é nékiná mv mí Sí ansítò òsósó.

*Ipiān Yesu Lópoba, Megyi Iwilwii**(Luka 12:51-53; 14:26-27)*

³⁴ “Imábwe mli fè iwilwii nòpoba òsulú anfisv. Megyi iwilwii, mboún òdayí iya anyò nòpoba. ³⁵ Tsúfè abi yinhé móa amó así nsiné báyintá. Abi tsihé móa amó ayín é nsiné báyintá. Osia tsihé móa mv sia tsíhényò é nsiné báyintá. ³⁶ Ohá alupú bótso mv wóyítò.

³⁷ “Ohá aní òtòdwé mv sv ntée mv yin òvn mli mófòn aní òbóbwe mí òkasípó. Ohá aní òtòdwé mv bi tsihé, ntée mv bi yinhé òvn mli é mófòn aní òbóbwe mí òkasípó. ³⁸ Ohá aní omotsu mv oyikpalíhe bobuo mli é mófòn aní òbóbwe mí òkasípó. ³⁹ Ní òko léprí mv nkpa á, òbòhólú mó. Ní òko é lóhólú mv nkpa mí sv á, obénnya mó.

*Yilébwe Iwí Ikòkà**(Marko 9:41)*

⁴⁰ “Ohá aní òlòhò mli lahò mli. Ní òko lóhò mli é á, alahò mí Sí amóú òlòwa mí amv. ⁴¹ Ní fahò Bulu ònósó òtáípó òfòó á, Bulu ònósó òtáípó oyúla fénya. Ohá aní òlòhò yilé òbwepú é òfòó obénnya yilé òbwepú oyúla. ⁴² Ònòkwali nde mli bláa. Ohagyíoha aní òleha mí akasípútò òkusu kóráá ntsu-owebe òbò olonu a, òmòòhólú mv ipán.”

11*Yesu Mva Asú Òbòpó Yohane**(Luka 7:18-35)*

¹ Bréá Yesu lópo agyómá anfi wá mv akasípú dúanyò amv ibitò tá á, òlòyo yéki Galilea awúlusv, súná ahá ató, dá asón amv é òkan.

²⁻³ Asú Òbòpó Yohane da obu, olonu Kristo bwehé. Mó sv òlòwa mv akasípú abanyò sísí Yesu òbéé, bvyéfité mv beé, “Fúgyí ohá amóú òbéba amv ni, ntée akí ohá bambá òkpa?”

⁴ Yesu lébláa amó òbéé, “Mliyinki yebláa Yohane asón aní mli labonu pú atóá mli labowun. ⁵ Mli labowun aní ansibi abwiepú bude ató wun, abò buna. Ilo pepe alópó iwí deplí. Isv atínpu bude asón nu. Afúli buketsinkí, ahíánfò é bude asv wankláán amv nu. ⁶ Bulu obóyulá ohá aní mí bwehé mòkúsú líi musv.”

⁷ Bréá Yohane akasípú amv beyinkí bòyó á, Yesu lówa tóí tsú Yohane iwí súná òdòm amv bi. Òbéé, “Bréá mliédalí yò dimbísú unv á, ntv òkíkpa

mlídyo? Fítáa ání afú de mó tsóon lóó? Ekekekeke! ⁸ Ní megyí mó á, ntó kóún okíkpa mlídyo? Ohá ání odídí ntsrim? Ekekekeke! Awíe wóyí atati ámu odu adídápó bütetsiá. ⁹ Mlibla mi! Bulu onósó atóipó mlíledali yéki? Ee, Yohane ni. Jón Bulu onósó atóipó. ¹⁰ Mu iwí asón Bulu léblí bəwanlín mó tswi bēe, 'Ki, nde obí wa gya fu nkpa. Mu obéla okpa há fò ní.' ¹¹ Onakwali nde mli bláa mbéé, ohagyíoha ání oha tshé laken kwí mofon Asú Obopó Yohane, táme mu é omofon Bulu iwíegyí ámutə okuso kóráá. ¹² Tsú Yohane brésó bətu nde á, ahá bode Bulu iwíegyí ámu prú əwənlínsó. Awənlínpo bode mó prú. ¹³ Tsúfé Bulu onósó atóipó amu pú Mose Mbla ámu bəfon Yohanesu féé bətəi tsú Bulu iwíegyí ámu iwí. ¹⁴ Ní mlóhə asón ámu gyi a, mómu mlébi ání mogyí Elia. Mu obéba ni. ¹⁵ Ohá ání əbu asu onúu.

¹⁶ “Séi áni á, amendi nópə ndemba-abí áni kápó? Bogyi fé nyebíá bətsie dinsu bode aba kpolí, ¹⁷ blí bēe, ‘Anlapléi ansigyísó, mli métsa. Mó su andalá wá awurehə ib, táme mli mósu.’ ¹⁸ Mligyí fé nyebí áni, tsúfé Yohane léba á, oletsia klí onó, omonu ntá, táme mli aa, ‘Ohe laláhe bu motə!’ ¹⁹ Táme mí, Nyankpəsa-Mu-Bi áni mó naba nde ató gyí, nde ntá núu. Mó é mli aa, ‘Mli ki opotsuapə pú nta obopó, lakpan abwepó pú lampóo ahópə onyawíe.’ Táme Bulu oha tsiátə telé mu nyánsa əwan.”

Ahá Aní Bumedamli Kləntə Asóngyi

(Luka 10:13-15)

²⁰ Yesu lópə əbló tóí tsú awúlu aku iwí. Awúlu amuá əbwe ofúla akpənkpənti mótə, táme bumedamli kləntə ámu. ²¹ Obéé, “Korasinfə, mli gyəwi. Betsaidafə, mli gyəwi ní. Ní Tiro pú Sidon awúlu laláhe amotə nəbwe ofúla akpənkpənti áni nəbwe mli tə á, tekí bədamli kləntə dododo. Tekí buda akpekpetə, bakpá nsúó wá nwunto púsúná áni badámli kləntə. ²² Mlibi áni Bulu obébiti mli isu mu asón ogyíké dən Tiro móa Sidonfə. ²³ Mli Kapernaumfə, mlidéklé mli aa mlótsu iwí fóá alu yówə əsósó? Ekekekeke! Bulu obéba mli así yówie afúlitə. Tsúfé ní Sodom wúlutə nəbwe ofúla akpənkpənti áni odu á, tekí wúlu amu itráa bu isu bətu nde. ²⁴ Mli kəan áni Bulu obówun Sodomfə nwe asón ogyíké amu dən mli.”

Mlibeda Okpónó Mí Wá

(Luka 10:21-22)

²⁵ Alí bré ámutə á, Yesu lóbo mpáí blí obéé, “Mí Sí, əsú mu a así Owíe! Nedá fú ipán áni falé tóá fəpəhán anyansapə pú asón abupó əwan súná ahá áni bumeýin əlala, bogyi fé nyebí. ²⁶ Ee, Mí Sí! Alí fodeklé fēe íbá mótə ní.”

²⁷ “Mí Sí lópə tógyítə wá mí ibitə. Ohaa méyín Obí ámu, nkéti Osi ámu nkəle. Ohaa méyín Osi ámu é, nkéti Obí ámu pú ohá áni Obí ámu latsúlá áni obéle mu súná mu.”

²⁸ “Mliba mí wá, mli ahá áni ilapíán mli, mli atə soráhé de mli dón. Néha mléda okpónú. ²⁹ Mliba iwiasí ha mi, amli suan mi, tsúfé neba iwiasí, nolwií, méní mlénya iwilwii. ³⁰ Tsúfé mí wá tsiá bu atsiálé. Mí atə soráhé é móədun mli sorá.”

12

Okpónó Odaké Mu Wie

(Marko 2:23-28; Luka 6:1-5)

¹ Yesu mu a akasípó bətsun ayó ndə kutə okpónú odaké. Akón de akasípó amu, su bəpəsáa ayó ámu ku wí. ² Farisifə aku bowun amú, bebláa Yesu bēe, “Ki, fú akasípó amu bode tóá mbla meha okpa bwe okpónú odaké!”

³ Yesu léfité amó òbée, “Mlímókókla nu tóá Owíe Dawid lóbwe bréá akón de mva mu abúopu kí? ⁴ Olebitíwíé Bulu osúmka yótsu bodobodoá bapóhá Bulu igyí ba, mva mu abúopu amu begyi. Bulu igyí ahapó nkole beha òkpa, butegyí alí bodobodo amu. ⁵ Mlílakla Mose Mbla, nú ání Bulu igyí ahapó ámu butáyó agyómá Bulu òtswékpa un òkpónú òdaké, táme butamahá amó ipón. ⁶ Nde mli bláa mbée, òhá ání òdun Bulu òtswékpa amu bów nfi á. ⁷ Bulu asón leblí òbée, ‘Nwewúun ntekle, megyí igyíha.’ Ní mliyín mú así á, teki mlíméeha ahá ánfí amó asón da òkpa ánfí ipón. ⁸ Tsúfí mí, Nyankpusa-Mu-Bi ánfí gyí òkpónú òdaké mu wie ní.”

Ilatsa Òkpónú Òdaké

(Marko 3:1-6; Luka 6:6-11)

⁹ Yesu lénatí un, òlòyó Yudafo ofiakpa. ¹⁰ Olowun oyin òkúá mu ibi kule lawú un. Farisifo ámu bude Yesu tée. Mú su befíté mu bee, “Mbla leha òkpa ání butsáa ilo òkpónú òdaké?”

¹¹ Mú Yesu léfité amó òbée, “Ní mli to òku bu kufa, alakpádá wíe ibúntó òkpónú òdaké á, òméele mu? ¹² Yéé nyankpusa bu labi dun kufa a? Mú su mbla leha òkpa ání òha òbóbwe yilé òkpónú òdaké.” ¹³ Mú òlebláa oyin ámúú mu ibi lawú ámu òbée, “Tínki fú ibi amu.”

Olenya tínki mú alí pé, òhé lowie mótó fé nyòosi amu. ¹⁴ Táme mú ó á, Farisifo ámu bedali yékitá agywun alá bóbwe bómó Yesu.

Osúmbi Aní Bulu Lélé

¹⁵ Yesu lébi amó agywun. Mú su òlenatí un. Òdam bobuo mu, òletsa amótó alòpu fée ilo. ¹⁶ Mú òleda amó òlá òbée, bómáha ahá abubi mu. ¹⁷ Iní léha asón ámúú Bulu ònósú òtáipó Yesaia léblí yáí ámu léba mótó ní. ¹⁸ Òbée, “Kí, mí osúmpóá nalé ní.

Ntòdwé mu, mí ansí tegyi mu iwí.

Nópu mí Òhe Wankíhé wá muto.

Òbébláa òmátófo òbée, ‘négyi amó asón ònòkwalisu.’

¹⁹ Oméegyí nwéen, òmòòkplón.

Òhaa mósónu mu ònó brònu.

²⁰ Obénya klón há ahá ání amó hógyi ònó ma ònlín,

bábwé fé oyíá òlatá bia tá.

Òbówa awítòle há ahá ání boma òwonlín,

bábwé fé òkandíeá nfo latá mótó,

yófun bréá bébi ání ntegyi asón ònòkwalisu.

²¹ Ahá ání bomegyí Yudafo bópu ansí dínká musu.”

Yesu Mva Beelsebul

(Marko 3:20-30; Luka 11:14-23)

²² Unu bòpu oyin òku ba Yesu, òhe laláhe bu muto. Mú su òleha mu ansíbi lobwie; álató omúmu é. Yesu létsa mu ilo, òde ató wúun, òdetáí é. ²³ Ònó lobwie ahá ámu fée, befíté bee, “Megyí Dawid mu na ámu ní?”

²⁴ Táme Farisifo ámu bonu asón ánfí á, beblí bee, “Òhe laláhe owíe Beelsebul túmi òdepyga òhe laláhe lé ahátó.”

²⁵ Yesu lébi amó agywun. Mú su òlebláa amó òbée, “Iwíe ogyíkpa ání òlaye anyo, bude aba kò bédida. Alí kén wúlu ntée wóyí oduá mótó atsiápó bude aba kò é itobwíé ní. ²⁶ Mú su ní Òbunsám dé mu iwí gyáa a, mu iwíegyí bédida. ²⁷ Ní Beelsebul túmi ndepgyga òhe laláhe lé ahátó á, mómú ma túmi mli abí é budepyga òhe laláhe lé ahátó? Mli abí ámu onutó obégyi mli asón. ²⁸ Táme ínía Bulu Òhé ndepgyga òhe laláhe su á, mli bi ání Bulu iwíegyí ámu laba mli wá dodo.”

29 Ǿhaa méetalí wíe Ǿwɔnlɔnpó wóyító yókulá mu ató, nkéti alagyankpá kíklí mu tswi, asa Ǿbétalí kólá mu ató fée.

30 Ǿhá ání omobuo mi dé mí lu. Ǿhá ání Ǿmedé mí tsa akpa ahá ba Bulu é dé amó gyáa teía mi. 31 Iní sɔ nde mlí bláa mbéé, Bulu obési ahá lakpan pú abususɔ kugyíku kíe amó. Táme ní Ǿku Ǿblí Ǿhe Wankíhé amu iwí abususɔ a, Bulu méesikíe mu ekekeke. 32 Ní Ǿku léblí mí, Nyankpɔsa-Mu-Bi ánfí é iwí asɔn laláhe a, Bulu Ǿbétalí sikíe mu. Táme ní Ǿku léblí Ǿhe Wankíhé amu iwí asɔn laláhe mó á, Bulu méesikíe Ǿhá ámu nde Ǿyi kehe, ntée bré ámóú íbá ámɔtɔ.

Tsiátó Itsú Iklɔntɔ
(Luka 6:43-45)

33 Oyi abí butɔpóbi mó. Oyi wankláán toswié abi wankláán. Oyi laláhe é toswié abi laláhe. 34 Mlí awɔ abí-aná! Nkálí mlí aha laláhe mlétalí blí asɔn wankláán? Tsúfée tóá idɔn Ǿha klɔn a, mótédálí tsu mu Ǿnó. 35 Ǿha wankláán teblí asɔn wankláán tsú mu klɔntɔ, Ǿha laláhe é teblí asɔn laláhe tsú mu klɔntɔ.

36 Nde mlí bláa mbéé, ǾhagyíǾha Ǿbéle asɔn laláhe kugyíkuá Ǿleblí Ǿnó Bulu asɔn ogyíké amu. 37 Tsúfée Ǿha asɔn blihé Bulu Ǿbɔpɔhá mu asu ntée ipón.

Bodunká Ofíla
(Marko 8:11-12; Luka 11:29-32)

38 Múú Farisifɔ pú Mose mbala asunápú amu akɔ bebláa Yesu beé, “Os-unápú, anidéklé aniaa fɔbwéé osúna ku suna ani.”

39 Ǿlebláa amó Ǿbéé “Mlí ndemba-abí laláhe ání mlíladálí Bulu Ǿma. Mlíde osúna dunká amliwun, táme mlímóowun kɔkɔkɔ dun Bulu Ǿnósú Ǿtáipó Yona osúna amu. 40 Alí ámóú Yona létsiá bonsu iwíto nkensá, Ǿpa móa onyé ámu a, alí mí, Nyankpɔsa-Mu-Bi ánfí é nétsiá Ǿsɔlɔú Ǿtótó nkensá, Ǿpa móa onyé ní. 41 Niniwefɔ é bókɔsú Bulu asɔn ogyíké amu, há mlí ndemba-abí ánfí ipón. Tsúfée bréá Yona léda Bulu asɔn Ǿkan súná amó á, bedamlí klɔntɔ ba Bulu wá. Mlíki, Ǿhá ání Ǿdɔn Yona onutó líí nfi á. 42 Seba owíe tshé Ǿbókɔsú líí Bulu asɔn ogyíke, há mlí ndemba-abí ánfí ipón. Tsúfée olotsu Ǿsaasí Ǿmá ikɔtɔ kéín gya Ǿkpa ba, bonu Salomo nyánsa atosunáhé. Mlíki, Ǿhá ání Ǿdɔn Salomo líí nfi á.”

Ǿhe Laláhe Yinkí Ba Ǿhato
(Luka 11:24-26)

43 “Ní Ǿhe laláhe idálí Ǿhato á, iteyéki dimbísú dúnká Ǿkpónú Ǿdakpá, táme itamanyá. 44 Inu iteblí ání íbéyinkí yó mó wóyí dadatɔ. Ní ísánkí yó á, itowun ání baféi mótó, lá mótó wankláán, ida kpan. 45 Iteyínkí yékpa mó aba asienó ání butɔbwé laláhe dun mó, buteba betsiá mu. Inu Ǿhá ámu tsiátó teyíntá dun ahá igyi yáí. Alí íbéba ha mlí ndemba-abí laláhe anfi ní.”

Yesu Abusuanfɔ Onutó
(Marko 3:31-35; Luka 8:19-21)

46 Bréá Yesu trá Ǿde ahá ámu asɔn bláa a, mu yin muva mu apíó beba belí kpankpá, bɔdedunká ání bébláa mu asɔn. 47 Ahá ámɔtɔ Ǿku lébláa Yesu Ǿbéé, “Kí, fó yín muva fó apíó bulí kpankpá. Bɔde fú dunká, abɔbla fu asɔn.”*

48 Múú Yesu léfité mu Ǿbéé, “Amendi gyí mí yín muva mí apíó?” 49 Inu Ǿletinkí íbi sísí mu akasípó amu, blí Ǿbéé, “Mlíki, mí yín muva mí apíó gyí ahá ánfí á. 50 ǾhagyíǾha ání Ǿtɔbwé mí Sí ámóú Ǿbu Ǿsúsú ámu apé á, mu gyí mí yín móa mí píó ní.”

* 12:47 Mótó yéé 47 uma nwuló dada amu akɔtɔ.

13

Ató-abí Owunyápu Iwí Yébi
(Marko 4:1-9; Luka 8:4-8)

¹ Eke ámu kén á, Yesu lédali tsu wóyító yétsiá ọ̀pu ọ̀nó. ² Ọ̀dam kpònkpònkpònti beba befia bomlí mu. Mú su ọ̀lọ̀wú wíé ọ̀kluntó, yétsiá ọ̀pu amusu, ahá ámu é bolí ọ̀pu ọ̀nó inu. ³ Inu olosuná amú ató tsòtsòtsò ayébitó ọ̀béé,

“Ọ̀dòtọ̀pu ọ̀ku lóyo ató-abí owunyákpa. ⁴ Bréá ọ̀de mú wunyáa a, ọ̀ku lówólí ọ̀kpató, mbubwi beba bòtswetswée mú fée. ⁵ Ọ̀ku é lówólí abutásó, ọ̀tínéá ısı kpalobí dun. Mú su ọ̀lọ̀wú ọ̀sa kwe, ⁶ táme bréá owí lelun a, ọ̀lọ̀tọ̀ mú mó, tsúfẹ́ mú nńin mọ̀yo ọ̀tótó. ⁷ Abí ámu ọ̀ku lobun awutó, awu ámu ọ̀lọ̀búlá kítá mú. Mú su umedan. ⁸ Táme abí ámu ọ̀ku é lobun ọ̀sulúwú wankláánsú, ọ̀lọ̀kwe, dan, swie abí. Ọ̀ku lafa (100), ọ̀ku aduesie (60), ọ̀ku é aduasa (30).”

⁹ Yesu lómọ̀ mu asún ọ̀nó ọ̀béé, “Ọ̀ha ání ọ̀bu asu onúu!”

Tóá Sọ́á Yesu Lótáí Ayébisu
(Marko 4:10-12; Luka 8:9-10)

¹⁰ Mu akasípó amu beba befité mu beé, “Ntogyi só fude amú asún bláa ayébisu?”

¹¹ Mú ọ̀lẹ̀lé mú ọ̀nó ọ̀béé, “Mlí mú á, Bulu lahá mlí ọ̀kpa ọ̀béé, mlíbú mu iwíegyi ámu iwí asun ñáínhé, táme ọ̀meha amú mú alí. ¹² Tsúfẹ́ ọ̀há ání odekléá obónu mí atosunáhé amu así á, Bulu ọ̀bọ̀pu ọ̀ku tsia mótó há mu, mńni ọ̀bétra bí tsia mótó. Táme ọ̀há ání omedékléá obónu mú así á, Bulu ọ̀bóswí mu kpalobí ámu alabí ámu kúráá. ¹³ Tóá sọ́á nde amú asún bláa ayébisu gyí, bude mú nu, táme bumedé mú así nu. Bude mú wúun, táme bumedé mú bí. ¹⁴ Ahá ání só Bulu ọ̀nósó ọ̀tọ̀pú Yesaia asún ání ọ̀lẹ̀bí tswú laba mótó ní. Ọ̀béé,

‘Bónu lánú, táme bumedé mú así.

Béki láki, táme bumedé mú.

¹⁵ Tsúfẹ́ amú agywun lawú.

Batílá asu, bun ansibi é.

Inu su bumedé mú, bumedé mú é.

Ní megí alí á, teki bówun ató,

bónu asún, amú agywun bóbwí,

bédamli ba mí wá, nétsa amú ọ̀lọ̀.’

¹⁶ “Táme mlí mú á, Bulu layúlá mlí. Mlétali pọ̀ ansibi wun ató, pọ̀ asu ní asún. ¹⁷ Ọ̀nọ̀kwali nde mlí bláa. Bulu ọ̀nósó atọ̀pú pọ̀ yilé abwepọ̀ tsòtsòtsò bekleá bọ̀pu amú ansibi wun ató ání, abọ̀pu amú asu nu asún ání mlidenu, táme bumenya mú alí.

Ató-abí Owunyápu Yébi Amu Así
(Marko 4:13-20; Luka 8:11-15)

¹⁸ “Mlínu ató-abí owunyápu yébi amu así nya. ¹⁹ Ahá ání bonú Bulu iwíegyi iwí asún ámu, táme bumedé mú así á, bogyi fé abí ámu ọ̀lọ̀bun ọ̀kpató ámu. Ọ̀bunsám teba bele asún ámu ọ̀bodu wá amú kluntó ámu náti. ²⁰ Abí ámu ọ̀lọ̀wólí abutásó amu gyí ahá ámu bonú asún ámu pé, bahọ́ mú ansigyísó, ²¹ táme ínía buma nńin su á, itamatsiá amótó yó. Mú su ní budin amósú ntée iwí asin ọ̀ku itú amú asún ámu su á, inu buetedida. ²² Abí ámu ọ̀lọ̀wólí awutó ámu gyí ahá ámu bonú asún ámu a, bahọ́ mú, táme ọ̀yí ánífito ató hiánhe iwí gywín pọ̀ mótó atonyahé iwí ọ̀nsipe tegyi Bulu asún ámu. Inu su butamaswíé abí. ²³ Abí ámu ọ̀lọ̀wólí ọ̀sulúwú wankláánsú amu gyí ahá

ámúó b̄otonú asón ámu, nú mó asi. Iní su itehá b̄ot̄obwé yilé f̄é alíá at̄ó-abí ámu loswie, iku lafa (100), iku aduesie (60), iku é advasa (30) ámu.”

At̄ó-abi Wankláán Pó Ifa Laláhe Iwi Yébi

²⁴ Yesu létrá ha ahá ámu yébi ku ɔ́b̄éé, “Bulu iwíegýí ámu igyi f̄é ɔ́d̄ot̄apu ɔ́kúá oloyódu ayó wankláán mu nd̄ot̄o. ²⁵ Táme onyé, bréá ahá beḁi á, mu olupó lóyódu ifa laláhe aní ɔ́lelan ayó ámu wá mót̄s, ɔ́lenatí. ²⁶ Bréá ayó ámu lédan, ɔ́dekwi á, ifá ámu é ɔ́lelan ɔ́wan mót̄s. ²⁷ ɔ́d̄ot̄apu amu apaf̄o botsu nd̄o ám̄ot̄o ba befité mu beé, ‘Ani wíé, megyí ayó fodu wá f̄ó nd̄o ám̄ot̄o? Nkónú ifa laláhe é itsú mót̄s?’ ²⁸ Múó ɔ́lebláa amú ɔ́b̄éé, ‘Mí olupó bwehé ní.’ Inu bebláa mu beé, ‘Ní fót̄sulá á, ha ayetsitsii mó ɔ́ ayó ám̄ot̄o.’ ²⁹ ɔ́lebláa amú ɔ́b̄éé, ‘O-o! Mliha mó itsia. Ní m̄l̄idé mó tsii á, m̄létsii mí ayó ámu é ku tsítsá. ³⁰ M̄lisi mó f̄éé ɔ́lu yófon mó t̄inbi. Ní ifon a, nébláa mó at̄inpu mbéé, b̄ogyánkpa sain ifa laláhe amu, abukli mó tswi ha mó ogyá wa, asa ab̄ot̄un ayó ámu ȳowa mí odudut̄o.’ ”

Takyí-akpin Ibi Yébi

(Marko 4:30-32; Luka 13:18-19)

³¹ Yesu létrá ha amú yébi ɔ́b̄éé, “Bulu iwíegýí ámu igyi f̄é takyí-akpin ibí, oyin ɔ́ku lódu wá mu nd̄ot̄o. ³² Múgyí t̄úkúr̄ibi nyí-abí f̄éé̄t̄o ní, táme ní ɔ́dan a, it̄obwé ifá f̄óáhé d̄un ifá kugyíku. Mó abámbi tekpíkpli, mbubwi b̄ot̄ogyonká m̄úsó.”

Bodobodotu-afá Yébi

(Luka 13:20-21)

³³ Yesu létrá ha amú yébi ku ɔ́b̄éé, “Bulu iwíegýí ámu igyi f̄é bodobodotu-afá aní ɔ́tsi ɔ́ku l̄p̄ot̄sía bodobodo nf̄úó kente kule, ɔ́leha mó lotu.”

Yesu Lót̄oí Ayébisu

(Marko 4:33-34)

³⁴ Ayébi anfi odu ts̄ot̄s̄ot̄s̄o oletsia p̄obláa ɔ́d̄am amu asón ní. ɔ́mebláa amú asón k̄okúá imegyí ayébi ɔ́l̄p̄ot̄s̄í. ³⁵ Iní léha asón ámúó Bulu ɔ́n̄ósó ɔ́t̄oipó ɔ́ku lébli yáí ámu léba mót̄s. ɔ́b̄éé, “Nót̄oí ayébisu p̄olé asón aní Bulu l̄p̄un̄áin tsú ɔ́yí asitsuáb̄i ɔ́wan.”

Ifa Laláhe Yébi Amu Asi

³⁶ Yesu lenatí ɔ́d̄am amu wá ba wóyít̄o. Múó mu akasípó amu b̄oȳo mu wá yébláa mu beé, “Le nd̄o ám̄ot̄o ifa laláhe iwi yébi amu asi suna ani.”

³⁷ Múó Yesu léle mó ɔ́n̄ó ɔ́b̄éé, “Mí, Nyankp̄usa-Mu-Bi anfi gyí at̄ó-abí wankláán odupó ámu ní. ³⁸ Nd̄o ámu gyí ɔ́yí anfi. At̄ó-abí wankláán ámu gyí Bulu iwíegýí ám̄ot̄o abí. Ifa laláhe amu gyí ɔ́b̄unsám abí. ³⁹ Olupó ámúó olodu ifa laláhe abí ámu gyí ɔ́b̄unsám. At̄ót̄inbi amu gyí ɔ́yí ɔ́n̄óm̄aké. At̄o at̄inpu amu é gyí Bulu-ab̄apu.

⁴⁰ “Alí ámúó besaín ifa laláhe amu, wá mó ogyá ámu a, alí kén ibéba ha aha laláhe ɔ́yí ɔ́n̄óm̄aké ámu ní. ⁴¹ Mí, Nyankp̄usa-Mu-Bi anfi nówa mí ab̄apu békpa t̄ogyít̄o itehá ɔ́ha t̄obwé lakpan pó laláhe abwepú f̄éé lé mí iwíegýí am̄ot̄o. ⁴² B̄ótswi amú f̄éé wá ogyá k̄p̄onk̄p̄ont̄it̄o. Inú isú m̄óá k̄pisii bu ní. ⁴³ Táme yilé abwepú mó b̄ówankí f̄é owí amú Sí Bulu iwíe ogyíkpa inu. ɔ́há aní ɔ́bu asu onúú.”

Siadie M̄éntihé Iwi Yébi

⁴⁴ Yesu létrá ha amó yébi ku é òbée, “Bulu iwíegýí ámu igyi fẹ siadié kuá bopulá ɔsulúu kusu. Oyin ɔku léyémentí mọ́, lánjáin mọ́. Mọ́ iwí ansigýí su á, ɔleyéfe mu ató fẹ́é púbohó ɔsulúu amu.”

Abutó Wólúhẹ Iwí Yébi

⁴⁵ Bulu iwíegýí ámu itráa gyi fẹ́ ibiá ogyípú ɔkuá ɔna ɔde abutó wólúhẹ dunká ɔhó. ⁴⁶ Bréá olowun butóbi wólúhẹ kule péá ihíé bu ibiá á, ɔlefe mu ató fẹ́é púyóhó butóbi amu.

Asawu Iwí Yébi

⁴⁷ Bulu iwíegýí ámu léla igyi fẹ́ asawu ání bɔtswi wa ɔputo lé aye ɔtsan-ɔtsan. ⁴⁸ Bréá aye lɔbolá mọ́ á, aye alepú ámu bebutia mọ́ ba ɔpu ɔnó. Betsiá asi, tósí gyihe amu wá blanwétó, tswi mọ́á butamagyi tsítsá. ⁴⁹ Alí íbéba ɔyí ɔnómaké ámu ni. Bulu-abɔpu béba bɔtɔsí aha laláhe lé aha wankláántó. ⁵⁰ Fówun batswi aha laláhe amu wá ogyá kpankprɔntitó. Inú isú mọ́a kpisii bu ni.

Atonyahé Pɔpwe Múá Dáda

⁵¹ Yesu léfité mu akasípú ɔbée, “Mlilanú mọ́ fẹ́é asi?”

Bee, “Ee, anlanú mọ́ asi.”

⁵² Múú ɔlebláa amó ɔbée, “Mómú mbla osunápú oduá alakási Bulu iwíegýí ámu iwí asón é bí á, ogyi fẹ́ wóyí mu wie oduá ɔtelé ató pɔpwe múa dáda fẹ́é tsú mu ató ɔyaákpa.”

Bumáho Yesu Mu Wúlutó
(Marko 6:1-6; Luka 4:16-30)

⁵³ Yesu lénya mọ́ mu ayébi amu ɔnó ali, ɔlenatí inu. ⁵⁴ Oleyinkí yó mu onutó wúlutó Nasaret, oloyósuná ató Yudafo ofiakpa. Mu atosunáhé léha ɔnó lobwie ahá ámu fẹ́é. Mú su befité aba bee, “Nkónú olenya nyánsa múa ofúlabwe túmi ánfí é tsú? ⁵⁵ Megýí ató osrépú mu bi ámu ni? Megýí mu yin gyí Maria, mu apio yinhé gyí Yakobo muá Yosef pú Simon muá Yuda? ⁵⁶ Yéé ania mu apio tsihé tsie nfi á? Múú nkónu olenya iní fẹ́é tsú?” ⁵⁷ Iní su mu asón lókusú líí amósó.

Yesu lébláa amó ɔbée, “Ahá butobú Bulu ɔnósú ɔtáipú ɔtínegyíatíné, táme mu onutó wúlutáfo pú mu wóyító ahá mọ́ butamabú mu.” ⁵⁸ Iníá bumáho mu gyi su á, ofúla kpalobí ku pé ɔlobwe inu.

14

Asú Ɖbapó Yohane Lowu

(Marko 6:14-29; Luka 9:7-9)

¹ Galilea ɔmású ogyípú Herode lónu Yesu iwí asón ali bré ámutó. ² Múú ɔlebláa mu asúmpú ɔbée, “Asú Ɖbapó Yohane amu ni. Mólákúsó tsú afúlitó. Mú sù ɔde ofúla anfi odu bwe ní.”

³⁻⁴ Bré kutá á, Yohane létsiá bláa Owíe Herode ɔbée, mbla meha ɔkpa ání otsiá mu pio Filipino mu ka Herodia. Iní su Herode léha bekitá Yohane, wá mu ikan, pú mu wá obu. ⁵ Ɖlobwe agywun ání ɔbómá Yohane, táme olenya ahá ámu ifú, tsúfẹ́ butobú Yohane ání Bulu ɔnósú ɔtáipú ogyi.

⁶ Táme eke ɔkuá Owíe Herode dé mu ɔkwíké gyí a, mu ka Herodia mu bi tsihé lóbowie ɔbuntó tsa Herode muá mu ahande ansító. Mu itsáa amu lówa owíe amu ansigýí. ⁷ Mú su ɔleka ntam ɔbée, ɔbéha mu tógýítáá odeklé.

⁸ Otsibi amu nu yin léha mu ɔlebláa Herode ɔbée, “Ndekléá fupú Asú Ɖbapó Yohane nwun dinka ilínsú ha mi séséséí.”

⁹ Asón ánfí léhie han Herode, táme mu ntam amúú ɔleka, pú ahá ámúú bubu inu ámu su á, ɔleha mu ahá ɔtínpu ɔkpa ɔbée, ɔbwéé tóá otsibi amu lafité

ha mu. ¹⁰ Ahá otínpu amu léyeyin Yohane nwun obu adikpá inu. ¹¹ Móbú olapu nwun ámu dínká ilínsú ba otsibi amu, mu é olapuya mu yin Herodia. ¹² Asú Obopú Yohane akasípú beba botsu mu satin yópulá. Mú oma a, bayo yébláa Yesu asón ání ilaba.

Ahá Mpím-nu Atogyihe Ha

(Marko 6:30-44; Luka 9:10-17; Yohane 6:1-14)

¹³ Yesu lénya nú asón ámu ali, olowie oklontó, fá ntsu yétsiá otineku mu nkole. Táme odom ámu bebi otínéá oyó. Mú su benatí ayabito tsú amú awúlusu gya mu nkpá. ¹⁴ Bréá olekplí dalí oklon amoto, wun odom kpankpankpannti á, amú asón lówa mu nwe. Mú su letsa amótó alapu.

¹⁵ Owí lapón a, akasípú amu beba mu wá bebláa mu bee, “Dimbísó nfi gyí, owí é deta. Mú su ha amú abuyó awúluá ibu bomlí nfi así yohó tóku gyi.”

¹⁶ Táme Yesu léle mú onó obéé, “Imehián ání bóyo. Mlídunka tóku ha amú abuyi.”

¹⁷ Mu akasípú amu bebláa mu bee, “Tóá anibu féé gyí bodobodo apin anu pú ntsutso iye bwáhé anyo pé.”

¹⁸ Yesu lébláa amú obéé, “Mlitsu ba mi.” ¹⁹ Móbú oleha ahá ámu betsiatsiá ifa bóbwe amusu. Inu olotsu bodobodo anu pú ntsutso iye bwáhé anyo ámu. Inu olotsu ansi fúá kí osósú, aléda Bulu ipán. Móbú olebiabíá bodobodo amoto há akasípú amu, amú é beye mú ha ahá ámu féé. ²⁰ Amú féé begyi mwe sian. Akasípú amu botósi síanhe amu. Ilabolá alakpá dúanyo. ²¹ Ayin ání begyi ató ámu nkole buyi fé mpím-nu (5,000). Bumekla atsi móa nyebí mú.

Opusu Natí

(Marko 6:45-52; Yohane 6:15-21)

²² Móbú Yesu léha akasípú amu obéé, bowie oklontó, abugyankpa fa opu amu yo mú obin. Mu mú olesin oma sí ahá ámu okpa. ²³ Bréá olesi amú okpa tá á, alódu yó busu yóbo mpái. Mu nkole oletsíá inu yófun owi tahé. ²⁴ Ali bré ámuto á, oklon amu lawíé ntsu nsuné. Ilefia afú kpankpannti ku, opu amu lówa dabi.

²⁵ BAKE-bake a, Yesu lénatí ntsu amusu ayabito buo amú. ²⁶ Bréá bowun mu, ona opu amusu á, benya ifú sórá okitikítí, bí bee, “Fúli ogyi.”

²⁷ Táme olówa asa bláa amú obéé, “Mlíwa klón. Mí ní. Mlímánya ifú.”

²⁸ Petro lébláa Yesu obéé, “Mí Wíé, ní fú ní mú á, ha mí é annatí opu amusu botu fú.”

²⁹ Yesu lébláa mu obéé, “Natí ba.” Petro lédalí oklon amoto ona opu amusu oyó Yesu wá. ³⁰ Táme bréá olowun alíá afú ámu onó bu onlin á, ifú lowie mu ayeto. Mú su olówa me bi. Móbú olekplón kpolí Yesu obéé, “Mí Wíé, hó mi!”

³¹ Inu Yesu létinkí ibi kítá mu, bláa mu obéé, “Fú hógyi mótó. Ntogyi só fúde nwéen gyí?”

³² Benya dú wíé oklon amoto ali, afú ámu léka itin. ³³ Inu ahá amú búbu oklon amoto ámu beda akpawunu Yesu ayabito, bí bee, “Lélé, Bulu mu Bi fógyi.”

Genesaretfo Alapu Tsa

(Marko 6:53-56)

³⁴ Yesu mu amónyó befa opu amu yési Genesaret otsubúnó. ³⁵ Bréá inufo bebi ání mu ní á, bowa abí ya amú awúlu féésú, há amú bapu alapu féé ba mu. ³⁶ Bokokóli Yesu bee, ohá alapu amu abupu ibi da mu atadie odanó kpan. Amóá bapu ibi da mú féé benya ilotsá.

15

Atitfɔ Amándié
(Marko 7:1-13)

¹ Mú ɔma a, Farisifɔ pú Mose mbla asunápó aku botsu Yerusalem ba Yesu wá, befíté mu beɛ, ² “Ntogyi só fú akasípó amu botamagyi aní anáin amándiésó. Botamafwí ɔbí amándié ɔkpasu asa botegyi ató?”

³ Yesu léle mú ɔnɔ ɔbéɛ, “Ntogyi só mli é mli anáin amándié su mlimédé Bulu mbla ámuɔ gyí? ⁴ Mose lówanlín wá Bulu mbla ámuɔ ɔbéɛ, ‘Bu fú sí mua fú yín,’ ɔletrá wanlín ɔbéɛ, ‘Ní ɔku lébli asukpan tsú mu si ntée mu yin iwí á, bomó mu?’ ⁵⁻⁶ Táme mli mú mliaa, ɔha ɔbétaí bláa mu si ntée mu yin ɔbéɛ, ‘Táa teku nópohá fú á, napóhá Bulu. Imehián aní nétrá ki fu.’ Mli anáin amándié su mlitraa mlimédé Bulu mblasu gyí. ⁷ Apinabwɛbí abwɛpú! Ɔnɔkwali Bulu ɔnɔsɔ ɔɔpú Yesaia lébli tsú mli iwí tswi ɔbéɛ,

⁸ ‘Ahá ánfɔ buɔɔpɔ amó ɔnɔ bú mí,
táme amó klɔn bu ifɔ mí wá.

⁹ Kpaali buɔɔe mí sum,

tsúfé basí Bulu mbla tswi, yó buɔɔe anyánkposá mbla suná.’”

Táa Itákpóí Ɔha Bulu Ansító
(Marko 7:14-23)

¹⁰ Yesu létrá ti ɔɔam amu ba mu iwí wá, ɔlebláa amó ɔbéɛ, “Mliyaa asu, méni mlónu ínɔ asi. ¹¹ Megyí táa ɔha tegyi tókpóí mu Bulu ansító, mboún móá itedáli tsu mu ɔnɔ tókpóí mu.”

¹² Inu mu akasípó amu beba mu wá befíté mu beɛ, “Foyin aní fú asun blíhé anfi lawɔ Farisifɔ ámu?”

¹³ Yesu léle mú ɔnɔ ɔbéɛ, “Bópulí oyígyíoyí aní megyí mí Sí ámuɔ ɔbu ɔsósó ámu lóswíe tsítsá. ¹⁴ Mlisi Farisifɔ ámu asón. Ansibi abwiepú bugyi, buɔɔe ansibi abwiepú kpa. Ní nsibi obwiepú dé nsibi obwiepú kpa á, ɔbótó amó abanyó botekpá wíé.”

¹⁵ Múó Petro lébláa mu ɔbéɛ, “Le yébi amu asi suna aní.”

¹⁶ Yesu léfité amó ɔbéɛ, “Mú so mli é mlitamanú asón asi? ¹⁷ Mliméyín aní táa iwíé ɔha ɔnɔ á, mu iputo itowíé, ɔteyéle mú wá ɔkpɔntó? ¹⁸ Asóngyiasón aní itedáli tsu ɔha ɔnɔ á, mu klɔntó itedáli tsu. Mú tókpóí mu Bulu ansító ní. ¹⁹ Tsúfé ɔha klɔntó ágywun laláhe tedáli tsu. Mú téhá ɔtómó ɔha, ɔtótó mbua, ɔtówá atsi móa ayin asón, otowí ató, ɔtówá afunu, otetsii ɔha. ²⁰ Inu aná tókpóí ɔha, táme ní ɔha mófwí ɔbí amándié ɔkpasu asa olegyi ató á, itamakpóí mu Bulu ansító.”

Ɔtsi Ɔkwá Omegyí Yudayin Hógyi
(Marko 7:24-30)

²¹ Yesu lénatí inu yó Tiro móa Sidon nsántó. ²² Kanaanyintse ɔkwá otsie inu léba Yesu wá. Ɔɔɔe okitikíti sorá, olokokóli Yesu ɔbéɛ, “Dawid mu na, wun mi nwe! Ɔɔɔe laláhe bu mí bí tsíhétó. Ide mu háan dubi.”

²³ Táme Yesu mékpla mu. Inu mu akasípó amu bobwíí ipa há mu beɛ “Ha ɔtsi ámu ɔnati, tsúfé obuɔ aní ɔɔɔe okitikíti sorá dubi.”

²⁴ Yesu lébláa ɔtsi ámu ɔbéɛ, “Israel akúfa fwíhé pé wá Bulu lówa mí.”

²⁵ Táme ɔtsi ámu léda akpawunu mu ayabitó, bláa mu ɔbéɛ, “Mí Wíé, gyi mi buale.”

²⁶ Yesu lébláa mu ɔbéɛ, “Ima alá fóswwí nyebí atogyihe póhá akíai.”

²⁷ Ɔtsi ámu léle mú ɔnɔ ɔbéɛ, “Owíé, ɔbu mótó alí, táme akíai é botegyi atogyihe mpupubi aní itekpákpa bun amó wíé ɔpónúasi.”

28 Múú Yesu lébláa mu ɔbéε, “Ɔtsi, fú hógyi lomoni. Ibá mótó ha fu alhá fudeklé.” Inuɔu iwɔ lówa mu bi ámu ɔnlɔ.

Ahá Tsɔtsɔtsɔ Ilɔ Tsa

29 Tsú inu á, Yesu lótsun Galilea ɔpu ɔnó, dú yétsiá okúku kuɔu. 30 Ahá tsɔtsɔtsɔ bɔpu abubúpu, ansibi abwiepú, abɔ, amúmu pú lɔ bámbá alɔpú bobun Yesu ayabiasi, ɔletsɔ amú fée. 31 Ahá ámu ɔnó lobwie amú bréá bowun amúmu buɔɔɔɔ, abubúpu iwɔ lawá amú ɔnlɔ, abɔ bɔna, ansibi abwiepú é buɔɔ ató wúun, bekanfú Israel Bulu ámu.

Ahá Mpim-na Atogyihe Ha

(Marko 8:1-10)

32 Yesu léti mu akasípú, bláa amú ɔbéε, “Ahá ánfɔ asún de mí nwe wa. Nde εke sáási ɔpá bubuo mi, butráa buma tɔtá bégyi. Ní nehá amú bɔpú akún náti á, ansító béyebi amú ɔkpatɔ.”

33 Mu akasípú amu befité mu beε, “Nkónó abénya atogyihe há ɔɔm anfi dimbí ánfɔ?”

34 Yesu léfité amú ɔbéε, “Bodobodo afɔnɔ mlɔbɔ?”

Bele mú ɔnó beε, “Asienó pú aye pútúpútú kpalobi ku.”

35 Yesu léha ɔɔm amu betsiá asi. 36 Múú olotsu bodobodo asienó pú aye amu, dá Bulu ipán, olebiabía mótó há akasípú amu, beye ha amú. 37 Amú fée begyi mwe. Bɔtási síanhe amu búlá alakpá yilé asienó. 38 Ayin áni begyi ató ámu nkule bɔgyi mpim-na (4,000). Bumekla atsi móa nyebi.

39 Inu Yesu lési ahá ámu ɔkpa, olowie ɔklɔntɔ fá ɔpu yó Magadanfɔ ɔsolósu.

16

Farisifo Bodunká Ofúla

(Marko 8:11-13; Luka 12:54-56)

1 Eke ɔku Farisifo pú Sadukifɔ aku beba Yesu ɔsókikpa. Mú su bebláa mu beε, ɔbweé osúna pɔsuna amú áni lélé otsú Bulu wá. 2 Yesu lébláa amú ɔbéε, “Ní owí ipɔn, nsainto ipé á, mliteblí mlíaa, ‘Ɔke nsainto bédi.’ 3 Ní nyankpu obílá tuun nyanki a, mliteblí mlíaa, ‘Nde nyankpu obótswie tsun afú.’ Mlɔtetáli ki nsaintɔ, bí tóá íbéba. Ntogyi só mlímétáli nú tóá mlidéwúun séi ánfɔ mú asi.* 4 Mlɔ ndemba-abí laláhe áni mliladáli Bulu ɔma, mlidé osúna dunká amlɔwun, táme mlímóowun kɔkɔku don Bulu ɔnósú ɔtópú Yona osúna amu odu.”

Inu su ɔlenatí sí amú.

Farisifo Pú Sadukifɔ Bodobodotu-afá

(Marko 8:14-21)

5 Yesu akasípú amu bumekaín tsú bodobodo kítá asa befa ɔpu amu yó ɔbun. 6 Yesu léda amú ɔlá ɔbéε, “Mlɔki wankláán Farisifo pú Sadukifɔ Bodobodotu-afásó.”

7 Akasípú amu befité aba beε, “Bodobodo amúú anumédé ámu só ɔde asún ánfɔ blí lóó?”

8 Yesu lónu asún áni buɔɔblí. Múú ɔlebláa amú ɔbéε, “Oo, mlɔ hógyi mótsó. Ntogyi só mlidéblí mlíaa bodobodo amúú mlímédé ámu su? 9 Imákówánkí mlɔ ki? Mlɔlatan bodobodo apin anu amúú nehá ahá mpim-nu (5,000) begyi amusu? Alakpá afɔnɔ lésían mlíɔtási? 10 Ntee mlɔlatan bodobodo apin asienó amúú nehá ahá mpim-na (4,000) begyi amusu? Alakpá afɔnɔ lésían mlíɔtási?” 11 Ntogyi só imákówánkí mlɔ áni megyí bodobodo iwɔ

* 16:3 Mótó yée 2 móa 3 ima nwóló dada amu akoto.

asón ndeblí? Bláa nde mli bláa mbéé, “Mliki wankláán Farisifo pó Sadukifó Bodobodotu-afásó.”

¹² Inu asa iwankí amó ání megyí Bodobodotu-afásó òde, mboún amó atosunáhé.

Ohá Aní Yesu Gyí

(Marko 8:27-30; Luka 9:18-21)

¹³ Bréá Yesu lówie Kaesarea Filipi nsáinto á, òlefíté mu akasípó òbéé, “Ma ahá bée mí, Nyankpɔsa-Mu-Bi ánfí ngýí?”

¹⁴ Bele mú ònó bée, “Aku bée, fógýí Asú Ɔbɔpó Yohane. Aku bée, Bulu Ɔnósó Ɔtáíró Elia. Aku é bée, Yeremia ntéé Bulu ònósó Ɔtáíró bambá òku.”

¹⁵ Múó òlefíté amó òbéé, “Mli é mé? Mliá mígyí má?”

¹⁶ Simon Petro léle mú ònó òbéé, “Fógýí Kristo, (òhá ámúú Bulu ladá mu ofúli amú) ni. Bulu Ɔkiankparu amú mu Bi.”

¹⁷ Inu Yesu lébláa mu òbéé, “Bulu layúlá fú Simon, Yona mu bi, tsúfě megyí nyankpɔsa òkoku léle ònòkwali anfi òwan súná fú. Mí Sí ámúú òbu òsúsú ámu ni. ¹⁸ Inu sv mí é nde fú bláa mbéé, fú dá gyí Petro. Mú asi gyí, ‘Butá.’ Butá ánfisú néyi mí ɔpasua dínká ní. Lowu túmi méetalí gyí mósú ekekeke. ¹⁹ Nópɔ Bulu iwíegýí ámu asáafi wá fú ibitɔ. Asóngýiasón ání fékiná ɔsulún anfisú á, Bulu é obékiná mú ɔsúsú. Múá fótšulá á, Bulu é obótšulá mósú ɔsúsú.”

²⁰ Inu òleda amó òlá kpákpáákpa òbéé, bɔmábláa òhaa ání mu gyí Kristo amú.

Yesu Iwɔsin Pó Mu Lowu Iwi Asón Blí

(Marko 8:31–9:1; Luka 9:22-27)

²¹ Tsú bré ámúsv á, Yesu léfi asi òde asóntó le súná amó òbéé, “Ilehían ání mójɔ Yerusalem yówun iwɔsin tsòtsòtsò Yudafó ahande, Bulu igýí ahapó òhen pó Mose mbla asunápó ibitɔ. Bómɔ mu, táme Bulu òbélakúsóa mu eke sáásí tsú afúlitɔ.”

²² Mú sv Petro létí mu ya itsétó, yéka mu itin òbéé, “Mí Wíé, Bulu ogyáa mú téi ya fú iwi. Inu mába fúsv ekekeke.”

²³ Inu òledamlí bláa Petro òbéé, “Satan, natí tei mísú! Fude mí òkpa tíin. Megýí tóá Bulu dégywín fudegywín, anyánkpósa klé fudegywín.”

²⁴ Múó òlebláa mu akasípó amú òbéé, “Ní òku dékléá obóbuo mi á, osíi tóá otekle bwe, otsu mu oyikpalíhe bobuo mi. ²⁵ Tsúfě ní òku léprí mu nkpa á, ibóhulí mu. Táme ní òku lési mu nkpa há mí sv á, òbélanýá nkpa ání itamatá. ²⁶ Ní òku onýá ɔyító ató fěé, táme òhólí mu òkláa a, labi mómɔ òlwa há mu? Ntéé ntó òha òbétalí pótse mu nkpa? ²⁷ Tsúfě mí, Nyankpɔsa-Mu-Bi ánfí néba mí Sí numnyamtó, mía mu abɔpu. Inú néka òhagyíòha ikó alíá mu tsiátó gyí ní. ²⁸ Ɔnòkwali nde mli bláa. Aku bóbɔ mlitɔ nfi ání bómóowu, yófun bréá bawun ání mí, Nyankpɔsa-Mu-Bi ánfí néba mí iwíe ogyíkpá.”

17

Yesu Iwitséé

(Marko 9:2-13; Luka 9:28-36)

¹ Nkensisé ama a, Yesu lékpa Petro muva Yakobo pó mu pio Yohane, bɔdu yó ibu kusu. ² Amó ansító unu á, Yesu iwi letse. Mu ansító lówankí fě owí, mu atadié é ledamlí fútútuútu. ³ Inu sv mu akasípó abasá ámu bowun ání Mose muva Elia bele iwi òwan, amúá Yesu buðetóí. ⁴ Múó Petro lébláa Yesu òbéé, “Mí Wíé, ibu aléá abétsiá nfi. Ní fótšulá á, ha ada abú asa. Fú klé kole, Mose klé kole, Elia é klé kole.”

⁵ Bréá ɔde asón ánfí blí á, agyinde wánkíhé kú lobobun amósó. Inu ɔme kú ledali tsu agyinde ámɔtɔ ɔbéé, “Ɔni gyí mí Bí ɔdwepóá olegyi mí ansí ní. Mlunu mu ɔme.”

⁶ Ifú lehie kítá amó bréá bonu asón ánfí. Mú sɔ bɔwa ɔsa mlí bun ɔsólótɔ. ⁷ Múó Yesu léba bɔpu ibi dada amó, bláa amó ɔbéé, “Mlikusu, mlumánya ifú.”

⁸ Inu bɔwa ansí kí a, bumetrá wun ɔhaa dɔn Yesu nkule.

⁹ Bréá bɔde ibu ámu kplí á, Yesu léda amó ɔlá ɔbéé, bumábláa ɔhaa tóá bayówun, yófon ekeá Bulu ɔbókɔsúa Nyankpɔsa-Mu-Bi ámu tsú afúlitɔ.

¹⁰ Mu akasípú amu befité mu beé, “Ntogyi só Mose mbala asunápú amu beé, ilehián ání Elia obéyinkí bá asa Kristo amu ɔbéba?”

¹¹ Ɔlele mú ɔnɔ ɔbéé, “Ɔnɔkwali igyi. Elia obégyankpá bá bela tógyítɔ yáí wankláán. ¹² Nde mli bláa mbéé, Elia layínkí bá dodoodo, táme ɔhaa mébí mu. Bowa mu amumoyɔ. Ali kén mí, Nyankpɔsa-Mu-Bi ánfí é nówun iwɔsun amó ibitɔ ní.”

¹³ Inu á, ilowankí akasípú amu ání Asú Ɔbɔpú Yohane iwɔ asón ɔdeblí.

Ilɔ Dídahe Ɔlɔpú Tsa

(Marko 9:14-29; Luka 9:37-43a)

¹⁴ Bréá beyinkí kplí bowie ɔdɔm amu wá á, oyin ɔku léba beda akpawunu Yesu ayabitɔ, bláa mu ɔbéé, ¹⁵ “Mí Wíé, wun mí bí ánfí nwe, tsúfé ilɔ dídahe de mu háan. Otetsiá dida wíé ntsu móa ogyátɔ. ¹⁶ Nɔpu mu ba fú akasípú amu, táme bumetalí tsá mu ilɔ.”

¹⁷ Yesu léle mú ɔnɔ ɔbéé, “Ndeмба-abíá mlimá hógyi, mli tsiátɔ ma ale. Alí nétsiá mli wá yó ekekegyíeke ní? Nnyá klun ha mli yófon ɔmenke? Mlikpa kebi ámu ba mí!” ¹⁸ Inu ɔɔkplón gya ɔje laláhe amu. Uledali kebi ámɔtɔ, iwɔ lówa mu ɔnlun.

¹⁹ Mú ɔma a, akasípú amu befité Yesu itsétɔ beé, “Ntogyi só aní mú anumetalí gya ɔje laláhe amu dáli kebi ámɔtɔ?”

²⁰⁻²¹ Múó ɔlebláa amó ɔbéé, “Mli hógyi mɔtsó kóráá. Mbláa mli ɔnɔkwali. Ní mli hógyi lomóní fé takyí-akpin ibí á, teki mlétalí bláa ibu ánfí mlaa ipúli. Léle íbópulí, tɔtɔtɔ mɔɔdɔn mli bwé.”*

Yesu Lowu Iwɔ Asón Blí Otse Nyɔɔsi

(Marko 9:30-32; Luka 9:43b-45)

²²⁻²³ Bréá akasípú amu féé beba befia Galilea ɔmátɔ á, Yesu lébláa amó ɔbéé, “Béle mí, Nyankpɔsa-Mu-Bi ánfí há adón bómo mí, táme Bulu ɔbókɔsúa mí eke sáásí.”

Asón ánfí lehie han akasípú amu.

Bulu Ɔtswékpa Ofi Ikɔka

²⁴ Yesu mva mu akasípú beba Kapernaum wúlutɔ. Inu Bulu ɔtswékpa ofikɔ ahópu aku beba befité Petro beé, “Fú wíe teká Bulu ɔtswékpa ofi ikɔ?”

²⁵ Petro lébláa amó ɔbéé, “Ɔteká.”

Bréá Petro lóyo wóyítɔ a, Yesu légyankpá fité mu ɔbéé, “Simon, nkáli gyí fú agywun? Amendi téká dúte móa lampóo há awíe? Afóó ntée wúlu awíe?”

²⁶ Petro lébláa mu ɔbéé, “Afóó teká.”

Múó Yesu lébláa mu ɔbéé, “Yéé mómu wúlu awíe bagyi iwɔ ní? ²⁷ Táme mmedéklé mbéé, abókɔsú líí amósó sɔ á, tsu ɔdadɔwa afuyɔ ɔpu ɔnɔ yɔtswi. Kí klemetí gyankpapo ání féle ɔnótɔ. Fénya kóba ání íbófon aní abanyó ofikɔ ámu ka. Le mú, afuyeka ha amó.”

* **17:20-21** Mótɔ yéé 21 bu nwóló dada amu akotɔ: Táme iní odu mú á, nkéti mpáí móa ɔnɔklí pé mlétalí pógya mú.

18

Ma Ɔbóbwe Ɔhande?

(Marko 9:33-37; Luka 9:46-48)

¹ Bɛba Kapernaum wúluto, akasípó amu bɛba Yesu wá bɛfité mu bɛɛ, “Ma gyí ɔhande Bulu iwíegyi ámutɔ?”

² Yesu létí kebi ɔku belí amó ansító, ³ ɔleblí ɔbɛɛ, “Ɔnɔkwali nde mli bláa. Ní mlimétse, bwe iwí fɛ nyebí á, mlimóowie Bulu iwíegyi ámutɔ. ⁴ Ɔhagyíɔha ání ɔleba iwíasi fɛ kebi ánfí á, mɔgyí ɔhande Bulu iwíegyi ámutɔ ní. ⁵ Ɔhagyíɔha ání ɔlɔhɔ kebiá ogyi alí mí dátó lahɔ mí.

Ɔha Kpa Wá Lakpantɔ

(Marko 9:42-48; Luka 17:1-2)

⁶ “Ní ɔku léha ahá ánfí bɔmɔkódan mísú hógyitɔ ánfítɔ ɔku lóbwe lakpan á, ní bɛda nfúɔkwebu síán mu ɔmetɔ, tswí mu wá ɔpu okluklúkpa, mó mu pó á, ibu alé don. ⁷ Ɔyítɔ atsiápó bɔgyówi ní. Tsúfɛ itá itehá ɔha tɔbwé lakpan bu inu. Ibɛba alí, táme ɔhá ání ina musu mu ba lóbwe lakpan ɔgyówi ní.

⁸ “Mó su ní fó ibi ntée fó yabi téhá futedida hógyitɔ á, ka mó le, afɔtswí mó tsalifwi. Ibu aléá fɔpu ibi kole ntée yabi kole nyá nkpa ání itamatá, don ání fɔpu ibi anyɔ ntée ayabi anyɔ wíé ogyá ání itamaduntɔ. ⁹ Ní fó nsibi téhá fútɔbwé lakpan á, loti mó le, afɔtswí mó tsalifwi. Ibu aléá fɔpu nsibi kole nyá nkpa ání itamatá, don ání fɔpu ansibi anyɔ wíé isɔbití ogyá ání itamaduntɔ.

Kufa Fwihé

(Luka 15:3-7)

¹⁰⁻¹¹ “Mlíki wankláán ání mliméeki nyebí pútúpútú ánfítɔ ɔkuku ansító kótíkótí. Nde mli bláa mbéɛ, bɔbu Bulu-abɔpu ání bɔtɔkósi pú amó asón ya mí Sí ɔsúsú.*

¹² “Mlíyɔ asón ánfítɔ amlíki. Ní ɔku bu akúfa lafakole (100), amótó ɔkole ɔfwí á, ntɔ ɔhá ámu tɔbwé? Megyi si otesí adukwebá-kwebá (99) atráhe amu lí okúku amusu, yódunká ɔkole pé ámú alafwí ámu? ¹³ Ɔnɔkwali nde mli bláa. Ní owun mu a, mu ansí bégyi mu iwí don adukwebá-kwebá atráhe amú bɔmɔfwí ámu. ¹⁴ Alí kén mli Sí ámú ɔbu ɔsúsú ámu mɛdékle ɔbɛɛ, nyebí pútúpútú ánfítɔ ɔkuku é ɔfwí ní.

Ní Fɔ Bá Ɔpó Ilá Gyi Fɔ

¹⁵ “Ní fó bá ohógyipu ɔpó lá gyi fɔ á, yɔ mu wá, mli abanyó pé amlíbli mó. Ní olonu iwíasi á, falányá opíó. ¹⁶ Táme ní omonu iwíasi á, kpa ɔbakole ntée abanyó manta iwíasi amlíyɔ mu wá, méní bégyi asóngyiasón ání mléblí iwí adánsie fɛ alhá Bulu asón leblí. ¹⁷ Ní omonu amó asón é á, pu asón ámu ya mli ɔpasuafɔ. Táme ní omonu amó asón é á, mómú bu mu ɔmátóyín ntée lampóo ɔhɔpu.

Asónkiná Pó Mósú Tsulá

¹⁸ “Ɔnɔkwali nde mli bláa. Asóngyiasón ání mlékiná ɔsulúv anfisú á, Bulu obékiná mú ɔsúsú. Múá mlótsulá á, Bulu obótsulá mósú ɔsúsú.

¹⁹ “Ntráa ndeblí mbéɛ, ní mli abanyó mlɔbwé agywun kole ɔsulúv anfisú kólí tɔku á, mí Sí ámú ɔbu ɔsúsú ámu ɔbóbwe mú há mli. ²⁰ Tsúfɛ ɔtínegyíɔtíne ání ahá abanyó-abasá befia mí dátó á, mbu amó wá.”

Osúmpó Owuntɔlinpu Iwí Yébi

* **18:10-11** Mótó yée 11 bu nwuló dada amu akoto: Tsúfɛ mí, Nyankpɔsa-Mu-Bi ánfí neba ání nóho ahá ámú bafwí ámu nkpa.

21 Múú Petro léba befité Yesu óbée, “Mí Wíé, tsefini nsíkie mí bá ní ɔpú alá gyi mi? Tse sienó lóó?”

22 Yesu lébláa mu óbée, “O-o, megyí tse sienó fésikíé mu, tsé aduesienó (70) aku asienó. 23 Inu su Bulu iwíegyí ámu igyi fé asón ánfí. Owíe ɔku lóbwe agywun ání mva mu asúmpú bóbu akúnta. 24 Bréá olefi mú asi á, mu asúmpú bekpa amótó ɔkúá ɔde mu ɔkó mpim-mpímító ba mu. 25 Táme osúmpú amu má tɔtɔ ɔbópuká ɔkó ámu su á, owíe amu léha óbée bufée mva mu ka, mu abí pú mu ató fée pókítá ɔkó ámu tɔ. 26 Inu á, osúmpú amu lókusó dá akpawunu owíe amu ayabitɔ, bwíí ipa há mu óbée, ‘Mí Wíé, nya klɔn ha mi. Ibwé néka fú ɔkó ámu fée.’ 27 Mu asón ɔlwa mu wie amu nwe. Mú su olesi ɔkó ámu fée kíé mu, há mu ɔlenatí.

28 “Táme bréá osúmpú amu lédali unu á, ɔɔyótu mu osúmba ɔkúá ɔde mu ɔkó kpalobí kv. ɔlekítá mu ba ámu ɔmetɔ kinkíínkín, bláa mu óbée, ‘Pú mí kóba ha mi!’ 29 Mu osúmba amu é léda akpawunu bwíí ipa há mu, bláa mu óbée, ‘Nya klɔn ha mi. Ibwé néka fú kɔ.’ 30 Táme osúmpú anfi mú mótsulá. ɔleha ání bupú mu yɔwa obu yófɔn ekéá ɔbéka mu ɔkó ámu. 31 Mu asúmba bowun tɔá alapógyi mu ba ámu a, ilowie amú iwítɔ. Mú su ɔyɔ yébláa amú wíe asón ámu fée. 32 Múú amú wíe amu léha beti osúmpú amu ba, ɔlebláa mu óbée, ‘Osúmpú owuntɔlnpu, fú ipabwíí su nesi ɔkó tsɔtsɔɔtsɔ amú fúde mí ámu fée kíé fú. 33 Imá aléá fú mú fówun fú bá ámu nwe fé alíá nowun fu nwe?’ 34 ɔblí lekítá owíe amu. Mú su ɔleha óbée, buwáa mu obu, abupiti mu ató yófɔn ekéá ɔbéka ɔkó ámu fée.

35 “Alí mí Sí amú ɔbu ɔsúsó ámu ɔbóbwe mlítɔ okugyíɔkúá omesi mu ba lakpan kíé mu tsú mu kluntɔ ní.”

19

Okákiná Iwí Atosunáhé (Marko 10:1-12)

1 Bréá Yesu lóttá tá á, ɔlenatí Galilea ɔmátó yó Yudea ɔmátó Yordan ntsu ámu ɔbin. 2 ɔɔm kpankpaɔnkpaɔnti bobuo mu, ɔletsa amú ilo unu.

3 Farisifó aku beba mu wá ɔɔsɔ mu ki, fíté mu beɛ, “Ani Mbla léha ɔkpa ání oyin ɔbétalí kíná mu ka ɔkpagyíɔkpasu?”

4 Yesu lébláa amú óbée, “Mlimókókla Bulu asón ámu ki ání bré amú Bulu léfi ɔyí asi á, ɔtsi múa oyin ɔlɔbwe? 5 Bulu léblí óbée, ‘Inu su oyin ɔbótu sí mu sí mva mu yin yémantá mu kasu, amú abanyó bóbwe ɔyólúú kole ní.’ 6 Mú su nde mli bláa mbée, butráa bumegyí abanyó, táme babwé ɔbakóle. Ahá ání Bulu labwé amú ikule a, ɔhaa mámaín amú abasu.”

7 Farisifó ámu befité mu beɛ, “Ntogyi só Mose lówa mbla óbée, oyin ɔbétalí wánlín ɔkákiná ɔwolú pókíná mu ka?”

8 Yesu lébláa amú óbée, “Mli kluntɔ odwin só Mose léha mli ɔkpa óbée, mlíkina mli aká, tekí megyí alí Bulu lóbwe mú bréá olefi ɔyí ámu asi ní. 9 Táme nde mli bláa mbée, ní oyin okíná mu ka láyétsiá ɔtsi bámbá á, alató mbua. ɔkpa oduásúá oyin ɔbétalí kíná mu ka pé gyí aladáli mu ɔma.”

10 Múú mu akasípú amu beblí beɛ, “Ní alí okúlu mva ɔká abatsiáto asón igyi ní mú á, múmó ima aléá oyin mva ɔtsi bétsiá aba pó.”

11 Yesu lébláa amú óbée, “Megyí ahá fée ɔbétalí hɔ atosunáhé anfi. Nkétí ahá ání Bulu lópohá amú pé. 12 Tsúfé ina ɔkpa tsɔtsɔɔtsɔsu ayin aku butamatsiá aká. Ayin ámu aku á, alí ɔkwíú amú ní. Aku é anyánkpaása láflo amú. Aku é basin kpanku Bulu iwíegyí ámu su. ɔhá ání ɔbétalí á, ɔhóó mí atosunáhé anfi.”

*Nyebi Yulá**(Marko 10:13-16; Luka 18:15-17)*

¹³ Aha aku bekpa nyebi ba Yesu bee, ɔpɔ́ ubi dínka amósó, ɔkɔli Bulu oyúla ha amó. Táme akasípó amu bɔwa iyin wá amó. ¹⁴ Múú Yesu lébláa akasípó amu ɔbéé, “Mliha nyebi ámu ɔkpa abuba mí wá. Mlumátin amó ɔkpa, tsúfé ahá ánfí odu bú Bulu iwíegyi ámu ni.”

¹⁵ Múú ɔɔpɔ́ ubi dínká amósó, ɔlenatí mu á.

*Atonyahé Iwi Atosundhé**(Marko 10:17-31; Luka 18:18-30)*

¹⁶ Eke ɔku oyin ɔku léba Yesu wá befité mu ɔbéé, “Osunápo, yilé mɔmu nóbwe asa nénya nkpa áni itamatá?”

¹⁷ Yesu léfité mu ɔbéé, “Ntogyi sɔ fɔde mí yilé iwi asón fité? Ɔbakóle pé gyi ɔha yilé. Mugyi Bulu. Táme ní fɔdekléa fɔnyáa nkpa áni itamatá á, mómó gyi Bulu mbala asón ámu sɔ.”

¹⁸ Oyin ámu lélafité mu ɔbéé, “Mótó mɔmu?”

Yesu lébláa mu ɔbéé, “Mámó ɔha, máto mbua, máwi ató, máka asón dínká fɔ básó. ¹⁹ Bu fɔ sí muva fɔ yín, afɔdwe fɔ bá fé fɔ iwi.”

²⁰ Ɔyasubi ámu lébláa Yesu ɔbéé, “Ntegyi mú féésó. Nto é ntráa bwe?”

²¹ Yesu lébláa mu ɔbéé, “Ní fɔdekléa fɔfon mú á, yefe fɔ iwisu ató féé, afɔye kóba amu ha ahíánfɔ, méní fénya siadié ɔsósú. Fɔbwé mú tá á, ba afɔbobuo mi.”

²² Bréa ɔyasubi ámu lónu asón ánfí á, dehié han mu, ɔlenatí díín, tsúfé ɔhíé ɔbu ató.

²³ Múú Yesu lébláa mu akasípó ɔbéé, “Ɔnɔkwali nde mli bláa mbéé, ibéhie wá ɔnlín asa iwi onyapó obówie Bulu iwíegyi ámutɔ. ²⁴ Ntráa nde mli bláa mbéé, ɔɔpɔ́n ha kpósó áni ɔbótsun ɔbun-ató ɔbótó, dun áni iwi onyapó obówie Bulu iwíegyi ámutɔ.”

²⁵ Akasípó amu bonu asón ánfí á, ɔnó lobwie amó. Iní sɔ befité bee, “Mómó ma mee Bulu ɔbóhɔ nkpa?”

²⁶ Inu Yesu léli kí amó alu. Múú ɔlebláa amó ɔbéé, “Anyánkposato mú á, ɔhaa méetalí bwé ini, táme Bulu mú tetálí bwé tógýító.”

²⁷ Múú Petro léfité mu ɔbéé, “Iníá anilási tógýító tswi bobuo fu á, nto abénya tsú fɔ búoto?”

²⁸ Yesu lébláa amó ɔbéé, “Ɔnɔkwali nde mli bláa. Bréa Bulu ɔbwé ɔyi pɔpwe amu, mí, Nyankpɔsa-Mu-Bi ánfí netsiá mí numnyam owie obiá ámu sɔ á, mli ahá ánfí mlibuo mi ánfí é mlétsiá awie mbíá dúanyɔsɔ, gyi Israel abusuan dúanyɔ ámu asón. ²⁹ Ɔhagyíɔha áni alanatí sí mu wóyí, mu apíó, mu si muva mu yin, mu abí ntée ɔsulúv mí sɔ á, Bulu ɔbéla há mu mú tsé dú tsé lafa, trá lahá mu nkpa áni itamatá. ³⁰ Táme agyankpapu aku béba bemli amapu, amapu amu aku é bébemli agyankpapu.”

20*Ndɔto Agyómá Ayɔpú Iwi Yébi*

¹ Yesu létrá bláa amó ɔbéé, “Mú sɔ Bulu iwíegyi ámu igyi fé asón ánfí. Ɔɔtɔpɔ ɔku létsiá. Eke ɔku ɔɔkɔsú nyanki-nyanki ɔyɔ ipa agyípo odunkákpá, abɔyɔyɔ agyómá mu ndɔto. ² Muva amúnɔyɔ begyi bíá áni ɔbéka amó alíá bɔtɔhɔ ekewóle, ɔɔpɔ́ amó sísí agyómá ámu ɔyɔkpá. ³ Dokwebátó a, ɔledali yɔ dunsu, oloyówun aku é bulí, bɔmedé tɔto bwe. ⁴ Olotsu amó é ɔbéé bɔyɔyɔ agyómá mu ndɔto ha mu. Ibwé ɔbéka amó tóá ibu alé. Mú sɔ bɔyɔ. ⁵ Dódúanyɔ pú ɔsato é á, ɔletrá pu aku sísí ndo ámutɔ. ⁶ Ntópwe

donutɔ, bréá ɔledali a, ɔletrá wun akvá bulí kpaali. Múú ɔlefíté amú ɔbéé, ‘Ntogyi sù nde fée mlilí nfi, mlumédé tɔtɔ bwé?’ ⁷ Bebláa mu beɛ, ‘Ŋhaa mókóbó aní ipa.’ Múú ɔlebláa amú ɔbéé, ‘Mómó mli é mlibɔtsun yɔyɔ agyómá mí ndɔtɔ.’

⁸ “Bréá owí lɔpɔn a, ɔɔtɔpɔv amu létí mu agyómású ɔkírú bláa mu ɔbéé, ɔtí ipa agyípú ámu fée, ɔkáa amú akɔ. Ŋkáa amú tsu amapɔv amusu alu bɔtɔv agyankpav amú. ⁹ Bréá ipa agyípú amu beba a, agyómású ɔkírú amu léka ahá ámúú bɔyɔ donutɔ ámu alíá bɔtɔhɔ ekewóle. ¹⁰ Bréá ilɔtɔv agyankpav amu a, buki beɛ bénya dɔn alí, táme alí kén ɔleka amú é ní. ¹¹ Mú sv ɔleka amú akɔ tá á, agyankpav amu bɔwa tɔtí ɔɔtɔpɔv amusu bi. ¹² Beblí beɛ, ‘Amapɔv anfi mú á, dɔnhwírí kole pé bɔyɔ agyómá. Aní mú anlalí owí kpankpilí ánfisv yó agyómá, táme faká ania amónyɔ fée akɔ kole.’

¹³ “Ŋɔtɔpɔv amu lébláa amótɔ ɔkole ɔbéé, ‘Agya, yée mmákótáfá fu o! Megyí itó ámúú mía fɔnyɔ anuléblí ámu napóhá fú á?’ ¹⁴ Pɔv fú ató nati. Mídéklé mbéé, néha amapɔv amu alíá naká fú. ¹⁵ Mma ɔkpa ání nɔpɔv mí kóba bwé tásá ndeklé? Ntée mí awítalewa dé fú iwítɔ wie?’

¹⁶ “Alí amapɔv bóbwe agyankpav, agyankpav é bóbwe amapɔv ni.”

Yesu Lowu Iwí Asón Bli Otse Saasi
(Marko 10:32-34; Luka 18:31-34)

¹⁷ Bréá Yesu ɔyɔ Yerusalem a, ɔlekpa akasípú dúanyɔ ámu ya itsétɔ bláa amú ɔbéé, ¹⁸ “Mlínú! Ayɔ Yerusalem. Inu á, béle mí, Nyankpɔsa-Mu-Bi ánfí há Bulu igyí ahapó dehen pó Mose mbala asunápó. Béha mí lowu ipón. ¹⁹ Bɔpɔv mí wá ahá ání bɔmegyí Yudafo ibitɔ bóbwe mí ahinlá, bónwen mí mplí, dá mí mántá oyikpalíhesv. Táme Bulu ɔbélakósúa mi eke sáásí tsú afúlitɔ.”

Abi Oyin Ŋkv Atɔ Kulihé
(Marko 10:35-45)

²⁰ Múú Sebedeo mu ka lékpa mu abi anyɔ beba, ɔleɔda akpawunu Yesu ayabito, kólí mu ɔbéé, ɔbwée tɔkv ha mu.

²¹ Yesu léfité mu ɔbéé, “Ntɔ fudeklé?”

Ŋtsi ámu lébláa mu ɔbéé, “Ha mí abi anyɔ ánfítɔ ɔkole otsia fú gyɔpɔsv, ɔkole é otsia fú binasv bréá fúde iwíe gyí.”

²² Yesu lébláa amú ɔbéé, “Mluméyín tásá mlídékulí.” Ŋlefíté Yohane muva Yakobo ɔbéé, “Mlétalí wun iwíɔsvn ámúú nebá bowun amú?”

Bebláa mu beɛ, “Ee, abétalí.”

²³ Múú ɔlebláa amú ɔbéé, “Mlówun iwíɔsvn ámu mú, táme mma túmi ání néle ahá ání bétsiá mí gyɔpɔsv ntee mí binasv. Otsiakpá inu ida gyo ahá ámúú mí Sí Bulu lalá inu yáí há ámu.”

²⁴ Bréá akasípú dú atráhe amu bonu asón ánfí á, Yakobo muva Yohane iwí lówa amú ɔblí. ²⁵ Múú Yesu létí amú, bláa amú ɔbéé, “Mlíyin ání ɔmátófsv agyípú butehíé amú ahá, amú ahande é butenyá túmi amósú. ²⁶ Táme mlitɔ mú á, umába alí. Ŋhagyíɔha ání odekléá ɔbóbwe mlitɔ ɔhande a, ɔbwée mu iwí osúmpú ha mu aba atráhe. ²⁷ Ŋhá ání odekléá ɔbóbwe mli nkpa ogyápv ɔbwée mli ɔkpábi. ²⁸ Alí kén mí, Nyankpɔsa-Mu-Bi ánfí é mmeba mbéé, busúm mí ní. Ahá osúmpká neba, ampv mí nkpa hɔ ahá tsɔtsɔtsɔ nkpa.”

Ansibi Abwiepó Abanyó Ilɔ Tsa
(Marko 10:46-52; Luka 18:35-43)

²⁹ Bréá Yesu muva mu akasípú buɔɔɔɔɔɔɔ Yeriko wúlutɔ bɔyɔ á, ɔɔm kpankpɔnkpanɔ bobuo amú. ³⁰ Ansibi abwiepó abanyó aku butsie ɔkpa

ámuto, bonu ání Yesu détsóun. Inu ɔ̀kplón blí beɛ, “Aní Wíe, Dawid mu na, wun aní nwɛ.”

³¹ Ɔ̀dam amu ɔ̀kplón wa amó beɛ ɔ̀kpa ɔ̀nó bun. Táme belakplón dun alí beɛ, “Aní Wíe, Dawid mu na, wun aní nwɛ!”

³² Mú Yesu lési lí, tí amó, ɔ̀efité amó ɔ̀béɛ, “Nto mlidéklé mlíaa, mbwée ha mlí?”

³³ Bebláa mu beɛ, “Aní Wíe, ha aní awun ató.”

³⁴ Inu amó asún lówa Yesu nwɛ, ɔ̀ɔ̀pu mu ibí dada amó ansíbi. Inunu bowun ató, bekplá buo mu.

21

Bɔ̀ho Yesu Fé Owíe Yerusalem

(Marko 11:1-11; Luka 19:28-40; Yohane 12:12-19)

¹⁻² Bréá Yesu mva mu akasípó bebéen Yerusalem wúlu, beta Betfage wúlu ání ibu Nfɔ̀-nyíbu* ámu así wie tá á, ɔ̀lɔ̀wa mu akasípó abanyó gyankpá. Ɔ̀lebláa amó ɔ̀béɛ, “Mlɔ̀yɔ̀ wúlu anfi ida mlí ansító ánfiso. Ní mlówíe wúlu amu ɔ̀nó á, mlówun afrímú tsíhé ɔ̀koá ɔ̀da ɔ̀fétó, mu bi líí mu wá. Mlísanki mu, amlíkpa amó ba mi. ³ Ní ɔ̀ko ɔ̀fíté mlí asvanku á, mlíbla mu mlíaa, ‘Aní Wíe dé amó hián.’ Inunu ɔ̀béha mlípu amó ba mi.”

⁴ Iní léha Bulu asún ámu ɔ̀leblí tson mu ɔ̀nósó ɔ̀ɔ̀pósu ámu léba mótó. Ɔ̀béɛ,

⁵ “Mlíbla Sionfɔ̀ mlíaa,

Mlíki, mlí Wíe ɔ̀bá mlí wá.

Ololwíí, ɔ̀din afrímúsó.

Ɔ̀din afrímú ibí yínhésó ɔ̀bá.”

⁶ Yesu akasípó abanyó ámu ɔ̀yɔ̀bwe alí ámu Yesu lébláa amó ámu. ⁷ Bekpa afrímú mva mu bi ámu ba, beyaí amó atati dínká amósó, ɔ̀lɔ̀du bian musu. ⁸ Ɔ̀dam kpɔ̀nkpɔ̀nkpɔ̀nti beyaí amó atati tswí ɔ̀kpatɔ̀, aku é bebiabía afitáa bunbun ɔ̀kpa ámu. ⁹ Ɔ̀dam amó ɔ̀bugya Yesu nkpa mva ɔ̀ma amu ɔ̀sɔ̀rá okitikíti beɛ, “Hosiána há Dawid mu na ámu! Bulu oyúla owíe anfi ɔ̀bá mu dátó ánfí! Hosiána bu ɔ̀súsúsú!”

¹⁰ Bréá Yesu lówie Yerusalem a, wúlu amuto féé lɛda kpokiti, buɛfíté beɛ, “Ma gyí ɔ̀há ánfí?”

¹¹ Ɔ̀dam amó ɔ̀bubuo mu amu beɛ mú ɔ̀nó beɛ, “Ɔ̀ni gyí Yesu, Bulu ɔ̀nósó ɔ̀ɔ̀pó amó utsú Nasaret wúluá ibu Galilea ɔ̀mátó ámu ni.”

Yesu Bulu Ɔ̀tswékpa Yɔ̀

(Marko 11:15-19; Luka 19:45-48; Yohane 2:13-22)

¹² Mú Yesu lóyɔ̀ Bulu ɔ̀tswékpa wunsínésó inu, yégya ató afepú pú ató ahópu féé dali. Olowuwíta kóba atsépu mpónú dá, súnsúnki abróduma afepú é mbíá dá. ¹³ Ɔ̀lebláa amó ɔ̀béɛ, “Bɔ̀wanlín wá Bulu asún ámu ɔ̀beɛ, ‘Béti mí ɔ̀tswékpa beɛ, mpáí ɔ̀ɔ̀kpa.’ Táme mlílapú inu mlí awíkplu ɔ̀haínkpá.”

¹⁴ Ansíbi abwiepó pú abubúpu aku beba mu wá Bulu ɔ̀tswékpa wunsínésó inu, ɔ̀letsá amó ilɔ̀. ¹⁵ Bréá Bulu igyí ahapú dehen pú Mose mbíla asunápó amu bowun ofúla ání Yesu débwe, pú alí nyebí buɛkplón Bulu ɔ̀tswékpa wunsínésó inu beɛ, “Hosiána há Dawid mu na ámu!” a, ɔ̀bló lɛkítá amó. ¹⁶ Mó su befité Yesu beɛ, “Fɔ̀medénu asún ání nyebí ánfí buɛblí?”

* **21:1-2** Nfɔ̀-nyíbu igyí obubwí koá ibu mantáa Yerusalem, butetí mú Olífbu.

Yesu léle mú onó obée, “Ndenu. Mlumókókla asón ání Bulu asón wanlínhé amu léblí? Obée, ‘Fasúná nyebí pú amóá bwmókótun nyópu alá bukánfó fú.’”

17 Yesu lédalí wúlu amotó sí amó yó Betania. Inó ɔledí eke ámu ni.

Pɔntɔ Oyí Lwí
(Marko 11:12-14, 20-24)

18 Gyí kehe nyanki, bréá Yesu léyinkí obá Yerusalem a, akón de mu. 19 Mú su bréá olowun pɔntɔ kuá ilí mantáa ɔkpa á, ɔlebaí yó mú asi. ɔɔyɔ á, omowun abí kuku mótó, afitáa sósón bu mósó. Inu ɔlebláa pɔntɔ ámu obée, “Tsu nde foméetrá swie abí ekekeeke!” Inonu oyí ámu lówu.

20 Mu akasípú amu bowun alá oyí ámu labwé á, onó lobwie amó. Mú su befité be “Ntogyi só oyí ánfí lawú ɔsáwule pé alí?”

21 Yesu lébláa amó obée, “Onokwali nde mli bláa. Ní mlɔhɔ Bulu gyi, mlumégyi nwéen a, mlétalí bwé itó ánfí nabwé oyí ánfí pú múbá idon mú. Mlétalí bláa ibu ánfí mliáa, ‘Puli yowie ɔputó.’ Ibópulí yó. 22 Ní mlɔhɔ Bulu gyi, mlókólí mu tógýtó á, mli ibi bédá mú.”

Yesu Túmí Iwí Asɔn Fitéhé
(Marko 11:27-33; Luka 20:1-8)

23 Yesu léyinkí bowie Bulu ɔswékpa wunsínésú inu. Bréá ɔde ató suná á, Bulu igyi ahapó dehen pú Yudafɔ ahande amu beba mu wá. Befité mu be, “Ma léha fú ɔkpa, fúde ntobí ánfí bwé? Ma léha fú túmí?”

24 Yesu léle mú onó obée, “Mí é nfité mli ason kua kule. Ní mlélé mú onó á, nébláa mli túmí oduá ndepubwé ntobí ánfí. 25 Bulu wá Asú ɔbɔpú Yohane lénya túmí póbó ahá asú, ntée nyankpɔsa?”

Amó wulɔwule bɔyɔ asón ánfito be, “Ní abli aniaa itsú Bulu wá á, obéfité aní obée, mú ntogyi só anumóhɔ mu gyi? 26 Ntée abli aniaa, anyánkpɔsa wá itsú.” Táme bude tóá ahá tsɔtsɔtsɔ ámu bóbwe amó ifú nya. Tsúfɛ amó fée bohogyi ání Bulu onósó ɔtɔípú Yohane gyí. 27 Mú su bele mú onó be, “Ohwée! Animéyín ɔtínéá olenya mu túmí tsú.”

Múbú Yesu é lébláa amó obée, “Mómó mí é mméebláa mli túmí oduá ndepubwé ntobí ánfí.”

Oyin ɔku Abi Anyɔ Iwí Yébi

28 “Mlyɔ asón ánfito amlíki. Oyin ɔku muva mu abi anyɔ betsiá. Eke ɔku ɔɔyɔ yébláa ɔdéhen obée, ‘Mí bí, nde yɔyɔ agyómá mí ndɔtɔ ha mi.’ 29 ɔlebláa mu si obée, ‘Mmóyɔ.’ Mú ɔma a, ɔlelatse mu agywun, yó ndɔ ámuɔtɔ. 30 Amó sí lénatí yó ɔkusɔ amu é wá yébláa mu alí kén. ɔkusɔ amu lótsulá obée, ‘Mí sí, nýɔ.’ Táme ɔmɔyɔ.” 31 Inu Yesu léfité ahá ámu obée, “Abi anyɔ ámuɔtɔ ɔmɔmu lóbwé dínká mu si asónsú?”

Yudafɔ igyi ahapó dehen pú Yudafɔ ahande amu bebláa mu be, “ɔdéhen amu.”

Múbú Yesu lébláa amó obée, “Onokwali nde mli bláa. Lampóo ahópu pú obu-onó atsiápú bówie Bulu iwíegyi ámuɔtɔ sí mli. 32 Tsúfɛ Asú ɔbɔpú Yohane lóbosuná mli tsiátó oduá ida ɔkpa Bulu ansító, táme mlumóhɔ mu gyi. Lampóo ahópu pú obu-onó atsiápú bɔhɔ mu gyi. ɔma mlilówun ání amó kóráá batse a, mlimétse mli agywun hɔ mu gyi.

Apafɔ Laláhe Akv
(Marko 12:1-12; Luka 20:9-19)

33 “Mlinu yébi ikú é. ɔɔtɔpɔ ɔku lóɔ wán ndɔ. Olegyi iban bómlí mú. Olokwi wán amu onyimékpá. ɔɔpwe obu fúáhé ku há ndɔ ámu agyópu.

Móú ɔ̀ɔ̀pɔ̀ ndɔ̀ ámu wá apafɔ̀ ɔ̀bitɔ̀, olotu ɔ̀kpa yó ɔ̀má ɔ̀kutɔ̀. ³⁴ Bréá wáin-abí amu kpɔ̀tíbi lɔ̀fɔ̀n a, ɔ̀ɔ̀wa mu asúmpú apafɔ̀ ámu wá ɔ̀bée, bɔ̀yóhɔ̀ mu ogyíkpa bá mu. ³⁵ Táme apafɔ̀ ámu bekitá amú, dá ɔ̀kɔ̀le, mó ɔ̀kɔ̀le, dá ɔ̀kɔ̀le é abwi. ³⁶ Ndɔ̀ mu wie amu létrá wa mu asúmpú bámbá ání butso don agyankpaw amu. Apafɔ̀ ámu bɔ̀bwe amú é alí kén. ³⁷ Mó tráhe kóráá á, ɔ̀leblí ɔ̀bée, ‘Oo, bóbu mí bí kwíhéhé mú.’ Mó su ɔ̀ɔ̀wa mu é. ³⁸ Táme bréá apafɔ̀ ámu bowun mu bi ámu sísí á, bebláa aba bée, ‘Ŋni obégyi mu sí ató ní. Mliha amɔ̀ mu, méní ndɔ̀ ámu ibémli aní klé.’ ³⁹ Mó su bekitá mu, bítia mu dáli ndɔ̀ ámuɔ̀ yómɔ̀ mu.”

⁴⁰ “Ní ndɔ̀ mu wie ɔ̀bá á, ntɔ̀ mlilahogyi mliaa, ɔ̀bɔ̀bwe apafɔ̀ ánfí?”

⁴¹ Yudafo igyi ahapú dehen pú Yudafo ahande amu bele mú ɔ̀nɔ̀ bée, “Ŋbéha aha láláhe anfi bówu lowu sínsín, ɔ̀bélapú ndɔ̀ ámu wá apafɔ̀ bámbá ɔ̀bitɔ̀. Amóá bétsiá pú mu ató-abí ba mu mú kpɔ̀tíbi.”

⁴² Móú Yesu léfité amú ɔ̀bée, “Ntée mlímókókla Bulu ason wanlínhé amu kí? Bɔ̀wanlín bée,

‘Ibwi ámuú obu ayípu bekiná ámu
lébemli okonkísóbwi ní.

Bulu lóbwé mú alí.

Ibu wánwan.’

⁴³ “Mó su nde mli bláa mbée, Bulu ɔ̀bóhɔ̀ mu iwíegyí ámu lé mli ɔ̀bitɔ̀ póhá ɔ̀má ání bɔ̀bwe tóá otekle.

⁴⁴ “Iní su ɔ̀há ání ɔ̀ledida ibwi ámu su obébiabía blúblúblúblú. Ní ibwi ámu isúnkí dá ɔ̀kɔ̀su é á, ɔ̀bókwe mu fíkófíkófíkó fée nfúó.†” ⁴⁵ Bréá Bulu igyi ahapú dehen pú Farisifo ámu bonu Yesu ayébi anfi á, ɔ̀wankí amú ání amú ɔ̀de. ⁴⁶ Teki bekleá bekitá mu, táme benya ifú, tsúfée ɔ̀dɔ̀m amu butobú Yesu ání Bulu ɔ̀nɔ̀sú ɔ̀táipú ogyi.

22

Ŋtsikpaín Iwi Yébi

(Luka 14:15-24)

¹⁻² Yesu létrá bláa Yudafo igyi ahapú pú Yudafo ahande amu asón yébitɔ̀ ɔ̀bée, “Bulu iwíegyí ámu igyi fée asón ánfí. Owíe ɔ̀ku dé ɔ̀tsi kpaín há mu bi, ³ ɔ̀leti ahá ɔ̀bée, bɔ̀bá nke ámu asi. Bréá owíe ámu lóbwé tá á, ɔ̀ɔ̀wa mu asúmpú ɔ̀bée, bɔ̀yéti ahá ámu abuba, táme bekiná bá. ⁴ Mó su ɔ̀lelawá mu asúmpú bámbá ɔ̀bée, ‘Mliitra yebláa ahá ámu mliaa, nabwé tógyító tá. Bamó mí nnantswie akpɔ̀nkpɔ̀nti ámu pú amóá bawá nfo, níná ató ámu fée tá. Mó su bɔ̀bá ɔ̀tsi ɔ̀kpaínkpá inu.’ ⁵ Táme ahá ámuú bɔ̀yéti ámu bume kplá amú. Benatí sí amú yó amú agyómásó. Aku benatí yó amú ndɔ̀tɔ̀. Aku é benatí yó amú ibiá ogyíkpa. ⁶ Amú atráhe bekitá asúmpú amu, dá amú, mó amú. ⁷ Bréá owíe amu lónu asón ánfí á, ɔ̀blí lehié kítá mu. Mó su ɔ̀ɔ̀wa mu isá akɔ̀pú, bɔ̀yómɔ̀ ahá ámuú bɔ̀mɔ̀ mu asúmpú amu, wá amú wúlu ogyá. ⁸ Móú ɔ̀lebláa mu asúmpú bámbá ɔ̀bée, ‘Baníná ɔ̀tsikpaín atogyihe amu tá, táme ahá ámuú neti ámu bume fɔ̀n ha mí wóyító ba. ⁹ Mó su mliwie awúluto, amliti ɔ̀hagyíɔ̀ha ání mlówun, ɔ̀ba ɔ̀tsi ɔ̀kpaínkpá inu.’ ¹⁰ Inu asúmpú amu bowie awúluto. Beti ɔ̀hagyíɔ̀ha ání bowun, aha wankláán pú aha láláhe fée. Mó su ahá bɔ̀bulá ɔ̀tsi ɔ̀kpaínkpá inu dédéédé.

¹¹ “Táme bréá owíe amu lébeki ahá ámuú batí ámu a, olowun oyin ɔ̀kúá ɔ̀mɔ̀wa ɔ̀tsikpaín nketɔ̀ atadié. ¹² Móú ɔ̀lefíté mu ɔ̀bée, ‘Agya, nkáli ɔ̀bɔ̀we fómɔ̀wa ɔ̀tsikpaín nketɔ̀ atadié asa feba nfi?’ Oyin ámu métalí lé mú ɔ̀nɔ̀.

† 21:44 Mótó yée 44 uma nwoló dada amu akotɔ̀.

13 Múú owíe amu lébláa mu asúmpú òbée, ‘Mlìkì mu ayabi pú mu ìbì, amlìswì mu wa oklùn amòtò. Inó isú múa kpìsìì bọ nì.’ ”

14 Yesu lómò mu asón onò òbée, “Bulu tetì ahá tsòtsòtso, támè ahá kpalobí pé otélé.”

Lampóoka

(Marko 12:13-17; Luka 20:20-26)

15 Farisifò ámu bọyóbwe onò-òkòlè ání bétetéé Yesu onótó asón nú, abunya mu akítálé. 16 Mú su bowa amó akasípú pú Owíe Herode ahá Yesu wá bée bọyéfíté mu bée, “Osunápó, anyin ání onòkwalìpọ fọgyi, fótosúná Bulu asón ámu é onòkwalìsọ. Fótamahá ohaa otse fú agywun, tsúfè fótamakì ohaa ansító. 17 Mú su anidé fú fité anu. Anì mbla léha okpa ání akáa lampóo ha Roma owíe dehen Kaesare, ntéè animáka?”

18 Támè Yesu lówun amó agywun laláhe amu. Mú su òlefíté amó òbée, “Apinabwebí abwepú, ntogyi sò mlidé mí sọw kì? 19 Mlitsa kóba amóú bọtápóká lampóo amu ìkọ ba mì anki.”

Bọpoba mu, 20 òlefíté amó òbée, “Ma nwun pú mu dá dín músó?”

21 Bele mú onò bée, “Kaesare.”

Múú òlebláa amó òbée, “Mómú mlìpọ tóá igyi Kaesare klé ha Kaesare, amlìpọ múá igyi Bulu klé é ha Bulu.”

22 Yesu mbuai ánfì lóbwie amó onò. Mú su benatí.

Kusú Tsú Afúlitò Iwì Asọn Fitéhé

(Marko 12:18-27; Luka 20:27-40)

23 Èkè ámu kén á, Sadukifò akọ beba Yesu wá. Bọgyi ọpasua kọá bọtèblì bée, kusú tsú afúlitò má ìnu. Befíté mu bée, 24 “Osunápó, Mose lówanlín tswì anì òbée, ‘Ní òkọ muwa mu ka bọmòkwí asa olowu sí mu ka ámu a, mu pio otsú mu ka ámu tsia, fèkì okwì ha owupó ámu.’ 25 Oyin òkòlè abí abasíénó akọ betsiá. Amótó ogyankpapọ létsiá oká, támè òmòkwí asa olowu. Mu pio lótsu ọsọrapọka amu tsia, 26 támè mu é òmòkwí. Ọsaasi lótsu otse ámu tsia. Mu é òmòkwí. Alu yótu osienósí amu. 27 Ọma-ọma a, ọsọrapọ mu é lóbowu. 28 Afúli ọkọsóké a, amótó ọmọmu òbóbwe mu kulu? Tsúfè amó abasíénó ámu fèé betsiá mu.”

29 Múú Yesu léle mú onò òbée, “Megyí mlì ológyi. Mlíméyín Bulu asọn wanlínhé amu ntéè Bulu túmì. 30 Ní afúli bókúsó á, bóbwe fé Bulu-abọpọ. Bọméetsiá aká múa akúlu. 31 Mlímókókla asón ání Bulu onutó lébláa mlì tsú afúlikusú iwì? 32 Bulu asọn wanlínhé léblì òbée, ‘Mígyí mlì anáin Abraham múa Isak pú Yakob Bulu ámu nì.’ Inì su megyí awupó Bulu ógyi, akìankpapọ Bulu ógyi.”

33 Bréá ọdọm amu bonu asón ánfì á, mu atosunáhé anfi léha onò lobwie amó.

Bulu Mbla Amotò Múd Idon

(Marko 12:28-34; Luka 10:25-28)

34 Bréá Farisifò bowun ání Yesu lalé Sadukifò ámu asón onò, asón lawú wá amó onò á, bekpa aba ya Yesu wá. 35 Amótó òkòlèá ogyi mbla osunápó léfíté Yesu asón, ọpọsọ mu kì. 36 Òlefíté Yesu òbée, “Osunápó, Bulu mbla ámòtò mọmu dón?”

37 Yesu lébláa mu òbée, “ ‘Pọ fú klọn, fú okláa pú fú agywun fèé dwe fú Wie Bulu.’ 38 Inì gyí mbla ámòtò gyankpapọ ání idon mú fèé ní. 39 Nyọọsì é igyi fè mú. ‘Dwe fú bá fé fú iwì.’ 40 Mose Mbla pú Bulu onósó atópọ amu atosunáhé fèé ilú mbla anyọ ánfìsu.”

Ma Gyí Kristo Amu?

(Marko 12:35-37; Luka 20:41-44)

⁴¹ Iníá Farisifó ámu bebefia sí bulí su á, Yesu léfité amó òbée, ⁴² “Nkálí mlídé Kristo, (òhá ámóú Bulu ladá mu ofúli amu) iwí gywíín? Ma mu na ní?”

Bébláa mu bee, “Owíe Dawid mu na ní.”

⁴³ Òlèlafité amó òbée, “Mú ntogyi só Òye Wankíhé léha Owíe Dawid létu mu òbée ‘Mí Wíé?’ Tsúfè Owíe Dawid léblí òbée,

⁴⁴ ‘Aní Wíe Bulu lébláa mí Wíe òbée,

Tsia mí gyòpísu nfi

yófun bréá néha fètsatsáa fò alupósó?’

⁴⁵ Ní Owíe Dawid onutó létu òhá ánfí Bulu ladá ofúli anfi òbée, mu wie a, nkálí sú òtráa ogyi mu na?”

⁴⁶ Amótó òkòkò métalí lé mú ònó. Tsú eke ámu a, òhaa métrá wa klun fité mu asvansu.

23

Mose Mbla Asunápó Pó Farisifó Tsídó

(Marko 12:38-39; Luka 11:43, 46; 20:45-46)

¹ Asón ánfí òma a, Yesu lébláa òdam amu pó mu akasípó amu òbée, ² “Mose mbla Farisifó pó Mbla asunápó amu buadesuná. ³ Mú su mligyi amó ason blíhé féesó, táme mlimátsiá amó atsiábi. Tsúfè butamagyi amó onutó ason blíhésu. ⁴ Butápó atò dwindwín sórá ahá, táme amó onutó butamapó osrebi òkòle kóráá tsá amó tsu. ⁵ Butòbwé amó tógyító ahá ansísú. Butòwánlín Bulu asón dínká tati téihésu, pòklí amó òsukpí pó amó bina íbasu. Butòlò nfé tìntìntín síánsián amó atadié ònó. ⁶ Butekle otsiákpá yilé tsia nke ogyíkpá pó Yudafo Offiakpa. ⁷ Bedáli yo dínsu á, butekle beee ahá butíu amó beee, ‘Asunápó,’ abubun ha amó itsiá. ⁸ Mlí fée á, apió mligyi. Mú su mlimáha abuti mlitò òhaa osunápó. Òbakòle pé gyí mli osunápó. ⁹ Alí kén mlimáti òhaa mli sí òsolóv anfisú ní. Tsúfè Òsí òkòle pé mlibu, òbu òsósú. ¹⁰ Tráhetráhe a, mlitò òhaa máha abuti mu nkpa ogyápu. Tsúfè nkpa ogyápu òkòle pé mlibu. Múgyí Kristo, (òhá ámóú Bulu ladá mu ofúli amu). ¹¹ Mlitò òhande òbwéee mli osúmpó. ¹² Tsúfè fúá fotsu iwí á, Bulu òbéba fu asi. Fúá feba iwiasí é á, Bulu òbótsu fu fúá.

Apinabwebí Abwepó

(Marko 12:40; Luka 11:39-42, 44, 52; 20:47)

¹³⁻¹⁴ “Mlí Farisifó pó Mose mbla asunápó, apinabwebí abwepó, mligyòwí ní. Mlilatin Bulu iwíegyí ámu òkpa wá ahá. Mlí onutó mlimédekléá mlówie unu, mlídé ahá ání bude mbódí bò beee bówie unu é òkpa tíin.*

¹⁵ “Mlí Farisifó pó Mose mbla asunápó, apinabwebí abwepó, mligyòwí ní. Tsúfè mlitéfá ilín fá òpu, dó íbu kplí íbu há òha tedámlí klòntò. Táme ní òdámli klòntò tá á, mlitelábwé mu otemlí ísobití ogyá ání ítamaduntò òyòpó òn mli onutó.

¹⁶ “Ansibi abwiepó ání mlídé ahá kpa, mligyòwí ní. Mliteblí mlihaa, ‘Ní òkò òká Bulu òtswékpa obu ámu ntam a, imehián ání obégyi músó. Táme ní òká sika pepe atóá íbu òtswékpa obuto unu mó ntam a, ilehián ání obégyi músó.’ ¹⁷ Ansibi abwiepó! Aha mimláhe! Mótó mòmò bu labi òn? Sika pepe ató ámu lóó, ntéee Bulu òtswékpa obu ámóú ilahá sika ámu lamli Bulu

* **23:13-14** Mótó yéee 14 bu nwoóló dada amu akòtò: Mlí Farisifó pó Mose mbla asunápó, apinabwebí abwepó, mligyòwí ní. Mlitelí ahátò bò mpáí tìntìntín, táme mlitòswíí asurapu amó wóyí pó amó ató fée é. Iní su Bulu òbébití mli ísu òn aha tráhe.

klé amv? ¹⁸ Mlitetráa blí mlíaa, ‘Ní òkv òká afòdié-asubwi ntam a, imehián ání obégyi mósú. Táme ní òká afòdié-abòtó ámv ntam mú á, ilehián ání obégyi mósú.’ ¹⁹ Ansibi abwiepó! Mótó mòmυ bu labi ðvn? Afòdié-abòtó ámv ntéé afòdié-asubwi ámvó ilahá mú ilamlí Bulu klé amv? ²⁰ Ní feká afòdié-asubwi amv ntam a, faká ibwi ámv pú atóá idin mósú fée ntam. ²¹ Ní feká Bulu òswékpa amv ntam a, faká Bulu mva mv otsiákpá ntam. ²² Ní feká òsósú ntam a, faká Bulu mva mv owíe obíá ntam.

²³ “Mlí Farisifò pò Mose mbala asunápó, apinabwebí abwepó, mligyòwí ní. Mlitete mlí òtsòtsú pú kpántánkplámá aná féeétó idú, pú idúsí há Bulu. Táme mlimédé Bulu mbala ámvó ihíe dehián, igyi asóngyí ònòkwahísv, aba nwewúun pú ònòkwahíwa ámvsv gyi. Múdéhíán ní, táme mlimákiná iyéto dúsi amv é ha. ²⁴ Ansibi abwiepó ání mlidé ahá kpa, mligyòwí ní. Mlitòtsrò mbépi lé oputsútó, táme mlitémé mbéwun.

²⁵ “Mlí Farisifò pò Mose mbala asunápó, apinabwebí abwepó, mligyòwí ní. Tsúfé mlitòfwí mlí nwe pú mlí nlepe òma wankláán, táme atóá mliapó owi móa ònsipe swíí ahá sósón bu mótó. ²⁶ Farisifò ansibi abwiepó, mligyankpa fwí nwe móa nlepe ámvto, mú òma é bétun.

²⁷ “Mlí Farisifò pò Mose mbala asunápó, apinabwebí abwepó, mligyòwí ní. Mliabwé fé ntsán ání bakpá mó afá futútúútú, mú iwí lawá akíle. Táme mótó mó á, afúli awú pú ato plóhé sósón bó mó. ²⁸ Alí kén mligyí ní. Ahá buteki mlí ání mligyí yilé abwepó. Táme mlí klòntò mó á, apinabwebíbwe móa lalahéwwe sósón bó mó.

*Bulu Isobití
(Luka 11:47-51)*

²⁹⁻³⁰ “Mlí Farisifò pò Mose mbala asunápó, apinabwebí abwepó, mligyòwí ní. Tsúfé mliòpwé Bulu ònósó atóipó pú yilé abwepó ámvó betsiá ámv ntsán, lá mó iwí wankláán, blí mlíaa, ‘Ní anlétsiá aní anáin brésú asa bòmò Bulu ònósó atóipó anfi á, teki animówa ibi mótó.’ ³¹ Mlí asvñ blíhé anfi désuná ání mligyí Bulu ònósó atóipó ámvó mó abí-aná ní. ³² Mliwuna yò mósú, amlimò mlí anáin bwehé ámv ònó. ³³ Awò, abe abí-aná! Mlétalí srí sí ipón ámvó Bulu òbéha mlí, kpá mlí wá isobití ogyá ámvó itamaduntò ámv? ³⁴ Mó sv ñde Bulu ònósó atóipó, anyansapv pú Mose mbala asunápó wa sísi mlí. Táme mlómò akv, dá amótó akv mántá oyikpalíhesv. Mlónwvñ amótó akv mplí mlí ofiakpa, dínká akvsv tsú awúlusv yò awúlusv. ³⁵ Iní sv yilé abwepó ámvó mlí mlí anáin mliámó tsú Habelsv bəfəñ Sakaria, ogyi Barakia mv bi ámvó mliámò Bulu òswékpa obu móa afòdié-asubwi amv nsiné ámv fée obugya béba mlísv. ³⁶ Ònòkwahí ñde mlí bláa. Iní aná fée sv Bulu isobití béba mlí ñdemba-abí ánfisv ní.

*Yerusalemfò Iwí Òdwe
(Luka 13:34-35)*

³⁷ “Oo Yerusalemfò, Yerusalemfò! Mlitómó Bulu ònósó atóipó, dá abí ání Bulu lawá sísi mlí abwi mó ní. Ntekleá nóbun mlí abísó brégyíbré, fé alhá bate tobun mv abísó, táme mliámahá mí òkpa. ³⁸ Mliki, Bulu obési mlí òswékpa tswí mlí, ibédi kpan. ³⁹ Tsúfé ñde mlí bláa mbée, mliámétrá wun mli ekekekeke, yòfəñ ekeá mléblí mlíaa, ‘Bulu oyúla òhá ámvó òbá mv idátó.’ ámv.”

24

*Bulu Òswékpa Amv Bwie
(Marko 13:1-2; Luka 21:5-6)*

1 Bréá Yesu lédali Bulu otswékpa inu oyó á, mu akasípó amu benatí yótu mu, súná mu otswékpa inu mbu ámu. 2 Mú ólebláa amú óbée, “Mlilawun mbu akpɔnkpɔnkpɔnti ánfí fée? Ɔnɔkwali nde mli bláa. Bóbwie mú fée bun. Ibwí kɔle kóráá méesian dínká mú básó.”

Iwɔsin Múa Ikplán

(Marko 13:3-13; Luka 21:7-19)

3 Bréá Yesu tsie Nfɔ-nyíbu ámuɔv, ɔde Bulu otswékpa amu kí a, mu akasípó amu nkɔle befité mu beɛ, “Bla aní, bré mɔmɔto íní fée béba? Osúna mɔmɔ é ɔbéba, íbósuná ání fɔ bábi pó oyí ɔnómáké lafun?”

4 Inu Yesu léle mú ɔnó ɔbée, “Mlíki wankláán, méní ɔhaa méemlé mli. 5 Tsúfɛ ahá tsɔtsɔtsɔ bópɔ mí dá ba beɛ, amúgyí Kristo, (ɔhá ámuú Bulu ladá mu ofúli amu) ní. Bémlé ahá tsɔtsɔtsɔ bófwi ɔkpa. 6 Ní mlonúá isá ladá mantáa mli ntée ɔtnekú á, opúni mátsíí mli. Tsúfɛ lehián ání íní aná fée béba, táme imedésuná ání oyí ɔnómáké ámu lafun. 7 Tsúfɛ ɔmá bóko aba. Awíe bókusó líí abasv. Akón béba, ɔsolúv békpinkí ntíné-ntíné. 8 Iní fée igyi fé iwɔsin ání ɔtsi towun bréá ikwí de mu dwiín.

9 “Alí bré ámɔto á, mí sv ɔmá-ɔmá bólu mli. Bédínká mli sv, pó mli há bówa mli amumoyɔ, mó mli. 10 Mlíto ahá tsɔtsɔtsɔ bédúda hógyito. Bólu aba, lé aba há. 11 Afunu awapó beblí beɛ, Bulu ɔnósú atópɔ bogyi tsɔtsɔtsɔ béba bemlé ahá tsɔtsɔtsɔ, há amú bófwi ɔkpa. 12 Lalahébwé bómoní. Mú sv ahá tsɔtsɔtsɔ buméétrá dwe aba. 13 Táme ɔhá ání ɔletalí líí kínkínkin yófun oyí ɔnómáké á, Bulu ɔbóho mu nkpa. 14 Mú óó á, ahá béda Bulu iwíegyi ámu iwí asv wankláán ánfí ɔkan ɔyító fée, méní ahá fée bónu mú, asa oyí íbómó ɔnó.

Iwɔsin Wúunbi

(Marko 13:14-23; Luka 21:20-24)

15 “Ní mlɔwun akísítá itobwíé ɔmá, ida Ɔwankíkpá inu, ide Bulu otswékpa inu kpáí, fé alíá Bulu ɔnósú ɔtópɔ Daniel lébli tswí a, —Aklápu, mlinu mú así!— 16 mómú ahá ání búbu Yudea ɔmátó busrí yɔ abusv. 17 Ɔhá ání ɔdin obusv mákpli ɔbée, moyótsu tɔto obuto. 18 Ɔhá ání ɔbu ndɔto é ɔmá yinkí ba wóyító botsu mu tati. 19 Amenyapó pó abí-ayín ání búpia abí bóbwe alí bré ámɔto, bogyówí ní. 20 Mlíkokoli Bulu mliáa, mli ɔsríké amu imábwe nyankpɔv múa atsalíbí ntée ɔkpónú ɔdaké. 21 Tsúfɛ tsú oyí asítsuábi a, asv wunhe ání íbéba alí bré ámɔto odu kɔkɔ mókúba kí. Mú odu kɔkɔ é méétrá ba ekekeke. 22 Ní Bulu médínkí nke ámu sv á, tɛkí ɔhaa méesian ɔyító. Táme ahá ámuú alalé póbwe mu kle amu sv aladínkí nke ámu sv.

23 “Alí bré ámɔto á, ní ɔku lébláa fɔ ɔbée, ‘Kí, Kristo, (ɔhá ámuú Bulu ladá mu ofúli amu) bu nfi ntée nána’ á, máhogyi. 24 Tsúfɛ ahá ání beɛ amúgyí Kristo amu pó ahá ání bówa afunu beɛ, Bulu ɔnósú atópɔ bogyi tsɔtsɔtsɔ béba ɔyító. Bóbwe ofúla pó osúna akpɔnkpɔnti pómle ahá. Ní bétalí kóráá á, bémlé ahá ámuú Bulu lalé ámu é. 25 Mlinu, nde mli ɔlá da yáí asa íba.

26 “Ní ɔku ɔbláa mli ɔbée, ‘Kí, Kristo amu laba ɔbu dimbísó’ a, mli mádalí yéki. Alí kén ní beblí beɛ, ‘Ɔbu obutótó’ é mli máhogyi ní. 27 Tsúfɛ mí, Nyankpɔsa-Mv-Bi ánfí ɔbáke íbóbwe fé alí ámuú nyankpɔv tɔfwí íbi, bútowun mú tsú owí ɔdalíkpa yédali owí ɔkplíwíékpá amu.

28 “Ɔtínéá ito wuhé da a, inó alása bútefia.

Nyankpɔsa-Mv-Bi Amv Ibábi

(Marko 13:24-27; Luka 21:25-28)

29 “Iwɔsin wúun amu ɔma a, owí ɔbéta, ɔtsra é ɔméétrá féí. Ntsrakpabi békpa tsú ɔsósú beda. Nwolótáa múa mútó ató fée békpinkí. 30 Mú ɔma

a, mlówwun mí, Nyankpɔsa-Mv-Bi ánfɪ ɪbá ɪwɪ osúna ɔsósú. Ɔyító ahá fée bósu. Ɔhagyíɔha obówwun ání mí, Nyankpɔsa-Mv-Bi ánfɪ napú túmí móa numnyam kpɔnkpɔntɪ mbu nwwólótáatɔ tsú ɔsósú nebá. ³¹ Inu á, ɔkpe ku ɪbélɪn kóklókúbú, Bulu ɔbówa mu abɔpu béyɛkpa mu ahá ámúbú alalé ámu tsú ɔyí afunka ana ámu féesú.

Ɔyí Ɔnómɔ ɪwɪ Osúna

(Marko 13:28-31; Luka 21:29-33)

³² “Mlɪpɔkɪ pɔntɔ oyí. Ní mó abámbi dɛpɔí, ɪde ate pɔpwe le á, mlɪtɛbí ání awikpan bré lafon. ³³ Alɪ kén, ní mlowun ání ntobí ánfɪ fée ɪde mótó bá a, mlɛbí ání mí, Nyankpɔsa-Mv-Bi ánfɪ ɪbábɪ lafon ta ní. Nawíé wóyí ámu ɔnó tá. ³⁴ Ɔnɔkwali ndɛ mlɪ bláa mbée, ndɛmba-abí ánfɪ fée bɔmóowu tá asa ɪní fée béba mótó. ³⁵ Ɔsú móa asɪ fée bótsɔn, táme mí asɔn blíhé móɔtsɔn ekekeke.

Nyankpɔsa-Mv-Bi Ámu Ɔbáke

(Marko 13:32-37; Luka 17:26-30, 34-36)

³⁶ “Ɔhaa méyín eke ntée bréá ntobí ánfɪ fée ɪbéba. Bulu-abɔpu bomeyín. Bulu mu Bi ámu é méyín, nkétɪ anɪ sí ámúbú ɔbɔ ɔsósú ámu nkɔle pé yin. ³⁷ Alɪ ámúbú ilegyi Noa brésú ámu a, alɪ ɪbégyi mí, Nyankpɔsa-Mv-Bi ánfɪ é ɪbábɪ nɪ. ³⁸ Tsúfɛ asa ntsubólábɪ ámu lafon a, ahá betsiá búde ató gyí, búde ntá núu, búde aká tsiá, búde atsi kítá há akúlu alɪ yófon ekeá Noa lówie mu dáka kpɔnkpɔnkpɔntɪ ámɔtɔ. ³⁹ Ɔhaa mébɪ tóá ɪde mósú yɔ, kpéfɔn bréá ntsu ámu lɔbólá sórá ámu fée náti. Alɪ kén bɔméebɪ mí, Nyankpɔsa-Mv-Bi ánfɪ ɪbábɪ nɪ. ⁴⁰ Alɪ bré ámɔtɔ á, ní ayin abanyó bulú ndɔ kɔletɔ búde agyómá yɔ á, Bulu obótsu ɔkɔle sí ɔkɔle. ⁴¹ Ní atsi abanyó búde nfúó kwe á, Bulu obótsu ɔkɔle sí ɔkɔle.

⁴² “Mlɪdɪnka ansí ɪwɪsɔ, tsúfɛ mlɪméyín ekeá mlɪ Wíe ɔbéba. ⁴³ Táme mlɪnu asún ánfɪ. Ní wóyí mu wie yin onyé bréá owikplu ɔbéba mu wóyító a, tekɪ ologyo mu wóyí, owikplu móbwie wíé, wí mu ató. ⁴⁴ Mó sɔ mlɪ é mlɪgyo, tsúfɛ mí, Nyankpɔsa-Mv-Bi ánfɪ néba bréá mlɪ ansí medín mísú.

Osúmpú Wankláán Pó Ɔlaláhe

(Luka 12:41-48)

⁴⁵ “Ma mɛe gyí osúmpúá ɔletɔn ansí, ɔbɔ ɔnɔkwali? Mu ɪbitɔ mu wie tɔpó mu aba atráhe wá, ɔbéé ɔhá ámu atogyihe dɪnka brésú. ⁴⁶ Ansí bégyi osúmpú ámu, ní mu wie ámu ɔbá bowun ání lélé ɔde mó bwɛ. ⁴⁷ Ɔnɔkwali ndɛ mlɪ bláa. Mu wie ámu ɔbɔpu mu ató fée wá mu ɪbitɔ. ⁴⁸ Táme ní osúmpú laláhe ogyi, ɔleblí wá nwuntɔ ɔbéé, ‘Mí wie méeba séi.’ ⁴⁹ Inɪ sɔ olefi asɪ ɔde mu aba asúmpú da, mu ntá abɔpú búde ató gyí sí ámu, búde ntá núu bu á, ⁵⁰ mu wie ámu ɔbéba bófwie mɔtɔ ekeá ɔmedín ansí. ⁵¹ Mu wie ámu ɔbéhe títi mɔtɔ, trá bití mu apinabwebífo ámu asɔ kékée. Inú isú móa kpisií bu nɪ.

25

Mbitebí Dú Akɔ ɪwɪ Yébi

¹ “Bulu ɪwíegyi ámu ɪbóbwe fé mbitebí dú akɔá botsu ámu nkandíe dálɪ beyéfiá ɔká pɔpwe otsiápu ɔkɔ. ² Amótó abanú bemimláa, abanú é betɪn ansí. ³ Aha mimláhe ámu botsu ámu nkandíe, táme bɔmotsu nfɔ kɔkɔ kítá. ⁴ Táme atiansɪpu ámu botsu nfɔ wá atótó kítá. ⁵ Ɔká otsiápu ámu mókɔsí ba. Mó sɔ mbitebí ámu fée bɔgyɔsí, tsɔn mótó dídi.

⁶ “Ɔyí-nsíné á, ɔku lósvrá okitikítɪ ɔbéé, ‘Anɪ pi, ɔká otsiápu ámu ɔbá o! Mlɪdalɪ yefia mu!’ ⁷ Inu mbitebí ámu fée bɔkɔsɔ nywé ámu nkandíe. ⁸ Aha mimláhe ámu bebláa atiansɪpu ámu beɛ, ‘Anɪ nkandíe dedúun. Mó sɔ mlɪha

anị nfo kpalobi awa anị kletọ.’ 9 Múú atiansipụ amụ bebláa amú beε, ‘O-o, imotós. Imóofun ania mlinyo. Mliyó afeputá wá, amliyóhó mli klé.’ 10 Bréá aha mimláhe amụ bọpụ okpa bọyó á, oká otsiápu amụ léba. Amú ámúú beba iwisú amú bobuo oká otsiápu amú wíé oká otsiákpá inu, oyin amú asúmpú befin obu amụ.

11 “Mú óma a, mbitebí atráhe amụ é beba belí klun óma, blí beε, ‘Ani sí, finki ha aní awie.’ 12 Táme oká otsiápu amụ lébláa amú óbéε, ‘Ónókwalí nde mli bláa, mmeyín mli okpagyíokpasu.’ ”

13 Yesu lómó mú ónó óbéε, “Iní su mlida iwisú, tsúfé mí, Nyankpusa-Mu-Bi ánfí néba bréá mli ansí medín mísó.

Asúmpú Abasá Iwí Yébi

(Luka 19:11-27)

14 “Nyankpusa-Mu-Bi ámụ íbábi bóbwε fé okvá óde okpa tu, óletí mu asúmpú, ye mu ató há amú óbéε, bukí mósú yaí mu. 15 Ólọpụ sika pepε akente anu há okule, pú akente anyo há onyóosi, ólọpụ kente kule é há ósaasi. Óleha okugyíokwu mu ówunlín ónó asa ólenatí. 16 Osúmpú ámúú olenya akente anu ámụ lówa ósa pú kóba amụ fi íbíágyí asi. Mú su imówa ópá kuku, olenya akente anu dínká mósú. 17 Onyóosi amụ é lédamlí íbú mu sika pepε akente anyo ámụsu alí kén. Mú su olenya akente anyo dínká mósú. 18 Táme ósaasi amúú olenya kente kule amụ mú lóyókwi óbó, pú mu wie sika pepε amụ njáín mótó.

19 “Ólọwa ópá asa amú wíε amụ lótsu mu okpa ámụ ba, óletí amú óbéε, muha amónyó bóbu akúnta. 20 Osúmpú ámúú olenya sika pepε akente anu ámụ lótsu móa mósú ódínká akente anu ámụ ba mu wie, bebláa mu óbéε, ‘Mí wíé, feha mí sika pepε akente anu. Mí é nanyá akente anu dínká mósú. Mú ní.’ 21 Mu wie amụ léda mu ípán, blí óbéε, ‘Fabwé ató. Osúmpú wanklánín fógyi. Inúá fawá ónókwalí ató túkúrííbi ánfító su á, nọpụ fú yáí mí ató tsótsótsó ónó. Ba afóbetsiá mí wá, anya ansigyí.’

22 “Osúmpú onyóosi amúú olenya sika pepε akente anyo ámụ é lébláa mu wie óbéε, ‘Mí wíé, sika pepε akente anyo feha mí. Mí é nanyá anyo dínká mósú. Mú ní.’ 23 Mu wie amụ léda mu ípán, blí óbéε, ‘Fabwé ató. Osúmpú ónókwalipụ fógyi. Inúá fawá ónókwalí ató túkúrííbi ánfító su á, nọpụ fú yáí mí ató tsótsótsó ónó. Ba afóbetsiá mí wá, anya ansigyí.’

24 “Múú osúmpú amúú olenya sika pepε kente kule amụ é lébebláa mu wie óbéε, ‘Mí wíé, nyin aní fú asún bu ónlun. Fótókpótí ató ótínéá fómódu; fótékpá ató-abí ótínéá fómefítá. 25 Mú su nanya ifú pú fú sika pepε amụ njáín óbótó. Mú ní, hó fú ató.’

26 “Inu mu wie amụ lébláa mu óbéε, ‘Osúmpú laláhe, ówolyópú fógyi. Fuyin aní ntókpótí ató ótínéá mmódu, ntekpá ató-abí ótínéá mmefítá ató.

27 Inúá fuyin mú alí á, tekí fọpụ yótswí sika óyaíkpa. Inúá naba a, tekí nóyóhó móa mósú aké.’ 28 Múú oyin ámụ lébláa mu asúmpú amụ óbéε, ‘Mliswu mu sika pepε kente kule amụ ha ómụamóú alanyá akente idú ámụ. 29 Tsúfé óhá aní óbú tsótsó á, beétrá pụ íku tsia mótó há mu, obénya tsótsótsó. Táme óhá aní óma á, bóswwí mu kpalobíbiá óbú, 30 amlítswí osúmpú anfi óma labí ánfí wa oklúntó. Inú isú móa kpisíi bu ní.’

Asóngyí

31 “Ní mí, Nyankpusa-Mu-Bi ánfí néba mí iwíε ogyíkpa, Bulu-abọpụ féé búbuo mu á, nétsiá mí ósósú numnyam owíε obíású. 32 Békpa óyító ahá féé befia mí ansító. Inu nótsí amótó, fé alá mbwí okpapú tótósi akúfa lé akpalátó. 33 Fówun nahá akúfa amụ balí mí gyọpísu, akpaláa amụ é balí

mí binasv. ³⁴ Inu mí ánfí ngýi Owíe anfi nébláa ahá ámóú bolú mí gyɔpɔsv ámú mbéé, ‘Mli ahá ánfí mí Sí layúlá ánfí mliba, amlibetsiá iwíegýí ámóú ɔleyáí há mli tsú ɔyí asitsuábí ɔpá ámúto. ³⁵ Tsúfí akón lekítá mí á, mliléha mí ató negýi. Ɔmewólí lekítá mí, mliléha mí ntsu nonu. Nɔbwe ɔfóó, mliólóhɔ mí ɔfóó. ³⁶ Nenatí yayá, mliléha mí tati nedídá. Nɔlɔ, mlilékí mí. Nedi obu, mlilébá beki mí.’

³⁷ “Inu yilé abwepó ámú béfité mí beé, ‘Ani Wíé, ɔmenke anilówun ání akón de fú, aniléha fú ató fegýi? Ɔmewólí de fú, aniléha fú ntsu fonu? ³⁸ Fɔbwe ɔfóó, anilólóhɔ fú ɔfóó? Ɔmenke fenatí yayá, aniléha fú tati fedídá? ³⁹ Ɔmenke fɔlɔ, ntéé fedí obu, anilébá beki fú?’

⁴⁰ “Inu mí ánfí ngýi Owíe ánfí nébláa amó mbéé, ‘Ɔnɔkwali nde mli bláa. Tógyítá mliólóbwe há mí apíó ánfí ahá butamabú amó wá ahátó ánfító ɔkɔ á, mí mliólóbwe mó há á.’

⁴¹ “Inu nébláa ahá ámóú bolú mí binasv ámú é mbéé, ‘Mlikpɔkpe tei nfi. Bulu lalwí mli. Mliyɔ ogyá ámóú itamadun, Bulu lélayáí há Ɔbunsám móa mu abɔpu amúto. ⁴² Tsúfí akón lekítá mí, mlioméha mí atogyihe. Ɔmewólí lekítá mí, mlioméha mí ntsu annu. ⁴³ Nɔbwe ɔfóó, mliólóhɔ mí ɔfóó. Nenatí yayá, mlioméha mí tati andída. Nɔlɔ, nedi obu; mlioméki mí.’

⁴⁴ “Inu amó é béfité mí beé, ‘Ani Wíé, ɔmenke anilówun ání akón de fú, ɔmewólí de fú, fugýi ɔfóó, funa yayá, fudelo ntéé fuda obu; animébeke fú?’ ⁴⁵ Inu mí ánfí ngýi Owíe anfi nébláa amó mbéé, ‘Ɔnɔkwali nde mli bláa. Ali ámóú mliólóbwe mó há mí apíó ánfí ahá butamabú amó wá ahátó ánfító ɔkɔ á, mí mliólóbwe há á.’ ⁴⁶ Bulu ɔbéha amó bóyɔ iwɔɔsv aní itamatátó, táme yilé abwepó ámú mó bénya nkpa ání itamatá.”

26

Bekiklí Yesu Nwunsv

(Marko 14:1-2; Luka 22:1-2; Yohane 11:45-53)

¹ Bréá Yesu lósuná ató ánfí fíé tá á, ɔlebláa mu akasípó amv ɔbéé, ² “Mliyin ání lasí nkenyó bégyi Israelfɔsv Katsɔn Nke. Nke ámúto á, ɔkɔ ɔbópu mí, Nyankpɔsa-Mv-Bi ánfí wá mí alupó ibito, béda mí mántá oyikpalíhesv.”

³⁻⁴ Ali bré ámúto á, Yudafo Bulu igýí ahapó dehen pú amó ahande befia igýí ɔhapó dehen Kaiafa wóyító, kítá agywun ɔkpa ání bótsɔn músó kítá Yesu nǎinto, mó mu. ⁵ Táme beblí beé bumóóbwe mó nke ámúto, ménu kpokiti mééda ɔmá ámúto.

Ofobí Fánfánfán Pwólí Yesu

(Marko 14:3-9; Yohane 12:1-8)

⁶ Bréá Yesu bv Betania wúluto, Simon ɔkúá alaló ilo pepe ki wóyító ɔde ató gyí a, ⁷ ɔtsi ɔkɔ léba mu wá. Ɔde prentwa wankláán kúá ofobí fánfán ání ibo bíá bɔ mó, ɔletséi ofobí ámú wólí Yesu nwunto. ⁸ Yesu akasípó amv benya ɔbló bréá bowun ínu. Mó sv befíté beé, “Ntogýi só ɔtsi ánfí layíntá ofobí fánfán ánfí? ⁹ Abétalí fé mó íbíá kpékplé, pú kóba amv há ahiánfo.”

¹⁰ Yesu lébɔ ání ɔbló lakítá amó. Mó sv ɔlebláa amó ɔbéé, “Ntogýi só mli dé mu háan? Ito yilé alabwé há mí. ¹¹ Ahiánfo bétsiá mli to ekekegyíeke, táme mí mó mméetsiá mli wá yó. ¹² Alatséi ofobí fánfán ánfí wólí mí, púlá mí ɔyólób yáí há mí opuláké. ¹³ Ɔnɔkwali nde mli bláa. Ɔyító ɔtinegyíotínéá béda Bulu asun wankláán ámú ɔkan a, beblí tó ánfí ɔtsi ánfí labwé ánfí púkáín musv.”

Yuda Iskariot Lótsulá Aní Ɔbéle Yesu Há

(Marko 14:10; Luka 22:3-6)

¹⁴ Mú ɔma a, mu akasípó dúanyɔ ámutɔ ɔkwa bɔtɛtí mu Yuda Iskariot lɔyɔ Bulu igyí ahapó dehen amu wá. ¹⁵ Ɔleyéfité amú ɔbéé, “Ní nelé Yesu há mli á, ntɔ mléha mí?” Mú sɔ bekla sika futútú advasa (30) wá mu ibitɔ. ¹⁶ Tsú bré ámutɔ ɔlɔwa ɔkpa dunká ání ɔbɔtsɔn mósú lé Yesu há amó.

Katsɔn Atogyihe Gyi

(Marko 14:12-21; Luka 22:7-14, 21-23; Yohane 13:21-30)

¹⁷ Israelfɔ Bodobodo Mátúhénke ámutɔ eke gyankpaw a, akasípó amu beba Yesu wá befité mu beé, “Ani Wié, obu mɔmɔtɔ ayela ha fu, afugyi Israelfɔsɔ Katsɔn Nke atogyihe amu?”

¹⁸ Yesu lébláa amú ɔbéé, “Mliyɔ asímasi wá wúluto, amliyébláa mu mliha, ‘Osunápó amu ɔbéé, mí bré lafɔn. Inɔ sɔ mía mí akasípó abá begyi Israelfɔsɔ Katsɔn Nke ámu fú wóyító.’ ”

¹⁹ Mú sɔ akasípó amu bɔyɔbwe alɔ ámú Yesu lébláa amú ámu pépéépé. Bela obu ámutɔ, bɔwé Katsɔn Nketɔ atogyihe amu yáí mu.

²⁰ Bréá nsantɔ deklúun a, Yesu muva mu akasípó beba betsiá ɔpónú ámu asi. ²¹ Ató ámu ogyíkpa a, Yesu lébláa amú ɔbéé, “Ɔnɔkwali nde mli bláa, mliɔ ɔkɔle ɔbéle mí há.”

²² Asón ánfɔ léhie han akasípó amu. Mú sɔ befi asi bude mu fité kɔlekɔle beé, “Mí Wié, mí ní lóó?”

²³ Yesu lébláa amú ɔbéé, “Ɔhá ámú mía mɔnyɔ anidé ibi wa ɔlepe ɔkɔleto ámu ɔbéle mí há. ²⁴ Mí, Nyankpɔsa-Mu-Bi ánfɔ nówu fé alíá bɔwanlín tswí, táme ɔhá ámú ɔbéle mí há ámu ɔgyówi ní. Ní bɔmetepí kwí mu kóráá á, tekɔ ibi alé há mu.”

²⁵ Yuda Iskariot amú ɔlele mu há ámu é léfité mu ɔbéé, “Osunápó, mí ní lóó?” Mú Yesu lébláa mu ɔbéé, “Ee, fablí.”

Yesu Ntɔpwe Atogyihe Tráhe

(Marko 14:22-26; Luka 22:14-20; 1 Korintofɔ 11:23-25)

²⁶ Bréá bude ató ámu gyí a, Yesu léle bodobodo ipín, ɔleɔda Bulu ipán, bíabía mótɔ púhá mu akasípó amu, blí ɔbéé, “Mliha amligyí. Mí ɔyólúu ni.”

²⁷ Inu olotsu ntá-ewe, ɔleɔda Bulu ipán, púhá amú ɔbéé, “Mli féé mliho amlinu. ²⁸ Mí obugya ni. Mú Bulu dépɔsí mu ntam* ání alaká há ahásu ní. Bétséí mú wólí asi, ménɔ obési ahá tsɔtsɔtsɔ lakpan kíé amó. ²⁹ Nde mli bláa mbéé, mméetrá nu wáin-abí ntá ánfɔ alu yófɔn ekeá mía mliɔyɔ abélanu mú pópwe mí Sí iwégyí ámutɔ.”

³⁰ Benya wá ibɔ dá Bulu ipán tá alɔ, benatí yó Nfɔ-nyíbu ámuɔsɔ.

Petro Ɔbɔswí Ɔbéé Mɔmeyín Yesu

(Marko 14:27-31; Luka 22:31-34; Yohane 13:36-38)

³¹ Bréá bowie Nfɔ-nyíbu ámuɔsɔ á, Yesu lébláa amú ɔbéé “Mli féé mléyinkí mí ɔma onyeni. Tsúfé bɔwanlín wá Bulu asón ámutɔ beé, ‘Néda akúfa ɔkparɔ ámu léda, mu akúfa bédasáin.’ ” ³² Mú ɔletrá blí ɔbéé, “Táme ní Bulu ɔkósɔa mi tsú afúlito á, négya mli nkpa yó Galilea ɔmátɔ. Inu mlóɔɔtu mí ní.”

³³ Petro lébláa mu ɔbéé, “Ní amú féé beyinkí fú ɔma kóráá á, mí mú mméeyinkí ekekekeke.”

³⁴ Yesu lébláa mu ɔbéé, “Ɔnɔkwali nde fú bláa. Onyeni, asa bate ɔbéle ɔnó á, físwí pú ibi wá ogyá tse sa féé fɔmeyín mí.”

³⁵ Inu Petro lébláa mu ɔbéé, “Ní lowu igyi kóráá á, mméekiná fú ekekekeke.” Alɔ kén akasípó atráhe amu é beblí ní.

* **26:28** Ntam pópwe bu nwóló dada amu akotɔ.

Mpáibɔ Getsemane

(Marko 14:32-42; Luka 22:39-46)

³⁶ Yesu mɔva mu akasípó bɔyɔ ɔtɛnɛkɔá bɔtɛtí inu Getsemane. Bréá bowie inu á, ɔlebláa amó ɔbéɛ, “Mlɛtsia nfi, nɔyó nkɔá yóbɔ mpál.” ³⁷ Ɖɛkpa Sebedeo abi anyɔ, bɔgyi Yakobo mɔva mu pio Yohane pó Petro ya. Inu asón lehié han mu, mu ansí lepe. ³⁸ Múú ɔlebláa amó ɔbéɛ, “Asón ihíé de mí háan, ideklé ino mí. Mlɛtsia nfi, mía mɛnyɔ agyo.”

³⁹ Inu ɔlenatí yó nkɔá kpalobí, ɔleda akpawunu pó ansító bun ɔsulótɔ, kókóli Bulu ɔbéɛ, “Mí Sí, ní ibówa alé á, ha ntá-ewe ánfɛ† itson misu. Táme megýí tás ndeklé, mboún móá fudeklé ibá mótó.”

⁴⁰ Múú oleyinkí ba akasípó amu wá bowun aní bɔdedidi. Inu su ɔlefíté Petro ɔbéɛ, “Mó su mɛmɛtalí tsíá, mía mɛnyɔ agyo ɔanhwírɛ kule kpán?” ⁴¹ Mɛgyo amlɛkokoli Bulu, ménɛ mɛmɛóowie ɛsókɛtɔ, tsúfɛ mɛ ɔhé deklé, táme nyankpɔsa-oyí lɔpɔn.”

⁴² Yesu létrá yókokóli Bulu ɔbéɛ, “Mí Sí, ní ntá-ewe ánfɛ móɔtsɔn misu, ibwé ahágyialá nónu mó á, mómú tás fudeklé ibá mótó.” ⁴³ Ɖɛtrá yinkí ba bowun aní akasípó amu bɔtráa bɔdedidi, tsúfɛ didí de amó bu.

⁴⁴ Mú su ɔlenatí sí amó, trá yókokóli Bulu otse saasi, blí asón ámu kén. ⁴⁵ Oleyinkí ba akasípó amu wá, befité amó ɔbéɛ, “Mɛlutráa si mlɛda mlɛdé ɔkpónó da? Mlɛki, bré ámu lafun aní bópu mí, Nyankpɔsa-Mu-Bi ánfɛ wá lakpan abwɛpó ibɛtɔ. ⁴⁶ Mlɛkɔsu ayo. Mlɛki, ɔhá ámuú ɔde mí le há ámu ná á.”

Yesu Kítá

(Marko 14:43-50; Luka 22:47-53; Yohane 18:3-12)

⁴⁷ Yesu ɔnó mesi asa akasípó dúanyɔ ámuɔ ɔkɔléá bɔtɛtí mu Yuda lóbowie inu. Ɖɔɔm kɔnɔkɔnɔkɔntiá bɔde ndayí pó nkpotí bɔbuo mu. Bulu igýí ahapó dehen pó Yudafo ahande amu lówa amó. ⁴⁸ Yuda amóú ɔbéɛ Yesu há ámu lébláa ɔɔm amu yáí ɔbéɛ, “Ɖhá ámuú nélatá pútá ámu gyí ɔhá ámu ni. Mlɛkita mu.”

⁴⁹ Inu su ɔlenatí laa yéha Yesu itsiá ɔbéɛ, “Osunápó, tsia ní!” Ɖɛlatá mu pútá.

⁵⁰ Múú Yesu lébláa mu ɔbéɛ, “Agya, bwe tás ɔbwekpá feba.”

Inu ahá ámu benatí tó Yesu, kítá mu kinkíinkín. ⁵¹ Inu Yesu akasípó amuɔ ɔkɔle lótswi mu ɔdayí, kpá Bulu igýí ɔhapó dehen osúmbi ɔku ɛsu lé. ⁵² Múú Yesu lébláa mu ɔbéɛ, “Yinkia fú ɔdayí wa mó ɔfɛtɔ. Tsúfɛ ɔhá aní ɔtenatí kítá ɔdayí á, ɔdayí ɔnó otesin. ⁵³ Fɔmɛyín fee nétalí kókóli mí Sí ɔbéha mu abɔpu tsɔtsɔtsɔ akú dúanyɔ béba bɔkɔ hɔ mi? ⁵⁴ Táme ní ibá alí á, nkálɛ ibóbwɛ asa Bulu ason wanlínhé amu ibéba mótó?”

⁵⁵ Inu Yesu léfité amó ɔbéɛ, “Ogyo otswapó ngyi, sɔ mlɛlatsú nkpotí pó ndayí mɛbá mí ɔkitákpá? Ntsie mɛ wá Bulu ɔtswékpa inu ekekegyíeke nde mɛ ató suná, mɛmɛkítá mí ekekekeke. ⁵⁶ Táme inu féé laba mótó, ménɛ Bulu ɔnós atóipó asón wanlínhé amu ibéba mótó.”

Inu akasípó amu féé besrí sí mu.

Yudafo Ahande Ansító Lú

(Marko 14:53-65; Luka 22:54-55, 63-71; Yohane 18:13-14, 19-24)

⁵⁷ Múú Yesu akítápó amu bekpa mu ya Bulu igýí ɔhapó dehen Kaiáfa. Inó mɔva Mose mbla asunápó pó Yudafo ahande amu befia ni. ⁵⁸ Táme Petro lépetí obuo amó ɔma tsútsúútsú alu bowie igýí ɔhapó dehen wóyítɔ inu. Oleyétsiá amó agyópu wá, ménɛ obówun alíá asón ámu ibómɔ ɔnó. ⁵⁹ Inu

† 26:39 Ntá-ewe ánfɛ igyi iwɔsɛn aní Yesu obówun.

Bulu igyí ðhapó dehen amò mva Yudafò asón agyíró amò fée bodunká ahá ání béka asón dínká Yesusu, ménì belí mósó mó mu. ⁶⁰ Afunupò tsòtsòtsò bedali ba, táme amò fée ònó lòtsun òtsan. Mó òma a, ahá abanyó bedali belí ahande amò ansító, ⁶¹ blí bee, “Oyin ánfì léblí òbée, ‘Nétalí bwíé Bulu òtswékpa amò, lápú nkensá yi mó.’ ”

⁶² Mú Bulu igyí ðhapó dehen amò lókòsò lí fité Yesu òbée, “Fuma ònó lé? Fuma asòansu blí pólé fò iwí?” ⁶³ Táme Yesu móbwí ònó. Bulu igyí ðhapó dehen amò lélabláa Yesu òbée, “Neká Bulu òkiankpapò amò, ní fógýi Kristo, (òhá ámú Bulu ladá mu ofúli), ogyi Bulu mu Bi ámu a, bláa aní.”

⁶⁴ Mú Yesu lébláa mu òbée, “Mú fablí á. Táme mlíbì ání tsú nde póya a, mlówun mí, Nyankpòsa-Mu-Bi ánfì ntsie Bulu Otúmípu gýòpìsu ánfì, ndun òsósú nwolótáasu nebá.”

⁶⁵ Mú Bulu igyí ðhapó dehen amò lékitá mu atadié bálí mú kuaan, † blí òbée “Alabò mbusuo! Adánsie mòmò antráa angyó? Yéé mlílanú abususu ání alablí. ⁶⁶ Nkálí gyí mlí agywíun?”

Bebláa mu bee, “Ilehíán ání obówu!”

⁶⁷ Inu botutú atsonò wólí mu ansító, wòwò mu atswé. Aku é bedadáa mu asoto, ⁶⁸ fité mu bee, “Bulu ònósú òtóipó Kristo, ma ladá fò? Bla aní.”

Petro Lósuwí Òbée Mmeyín Yesu

(Marko 14:66-72; Luka 22:56-62; Yohane 18:15-18, 25-27)

⁶⁹ Petro tsie wunsinésú unu, otsibì òkò lóbòtu mu. Òlebláa Petro òbée, “Fúa Yesu Galileayin amò nyò ná.”

⁷⁰ Táme Petro lówa ònólí ahá ámu fée ansító òbée, “Mmeyín asón ánfì fòdeblí ánfì iwí kòkòkò.” ⁷¹ Mó òma wóyí ònó unu é á, otsibì òkò é lébì Petro. Mó su òlebláa ahá ání bulú unu òbée, “Oyin ánfì mva Yesu Nasaretyin amunya ténátí.”

⁷² Inu Petro lópu ònólí ká ntam, blí òbée, “Mmeyín mu.”

⁷³ Mó òma a, ahá ámú bulú unu ámòto aku beba bebláa Petro bee, “Lélé mó á, aniyin ání fúa Yesunyo ná, tsúfé fò tóito de aní suná alí.”

⁷⁴ Inu Petro lówa ntam kakáa bì òbée, “Neká tógyítò, mmeyín oyin ámú mlíde mu iwí asón blí ámu!”

Inunu bate lóbòn. ⁷⁵ Petro lékaín ání Yesu lébláa mu òbée, “Fóswí tse sa fée mmeyín mí asa bate òbéle ònó.” Inu òledali híé yósu.

27

Yesu Kpa Ya Pilato

(Marko 15:1; Luka 23:1-2; Yohane 18:28-32)

¹ Gyí kehe nyanki-nyanki a, Bulu igyí ahapó dehen pú Yudafò ahande amò bekítá agywíun bee, bómò Yesu. ² Mó su beklí mu, pú mu yówa Pilato ibító. Múgyí Roma ðhandéá òde Yudea òmású gyí ní.

Yuda Iskariot Iwí Sián

(Gyumagyihe 1:18-19)

³ Yuda amú òlele Yesu há ámu lówun ání bahá Yesu pón. Ulehan mu. Mó su oleyinkía sika futútú adwasa ámu ya Bulu igyí ahapó dehen pú Yudafò ahande amò. ⁴ Òlebláa amú òbée, “Nalé ðhá ání òmòkòbwé lakpan kòkò há. Mó su nabwé lakpan.”

Mú bebláa mu bee, “Anímeyín mó iwí kòkò. Fò asón igyí.”

⁵ Mó su Yuda lótswí sika futútú ámu sísí amú Bulu òtswékpa wunsinésú unu, nátí yésíán iwí.

† 26:65 Ilosuná ání asón ámu lawíé mu iwíto òbò.

⁶ Bulu igyi ahapó dehen amu botósí kóba amu, blí bεε, “Ani mbla meha okpa ání apóv kóba anfi odu wa Bulu otswékpa kóbató, tsúfé mú iwí metin. Obugya kóba igyi.” ⁷ Mú sv bóbwe agywun, pú kóba ámu yóhó ató opwepó oku otólóv, pú unu bwé afóó ání bóbv Yerusalem opulákpá. ⁸ Inu sv botu nde botetí unu bεε, “Obugya otólóv.”

⁹⁻¹⁰ Inu léha Bulu asón ámuó òleblí tsun mu otósó otóipó Yeremiasu ámu léha mútó. Obéε, “Botsu sika futútú advasa ámuó Israelfó begyi mu ibiá, hó mu amu yóhó ató opwepó oku otólóv fé alíá Bulu lébláa mu.”

Yesu Líu Pilato Ansító

(Marko 15:2-5; Luka 23:3-5; Yohane 18:33-38)

¹¹ Yesu líi otásó okípu Pilato ansító. Múó Pilato léfité mu obéε, “Fógýi Yudafó owíε amu ní?”

Yesu lébláa mu obéε, “Ee, mú fablí á.” ¹² Táme bréá Bulu igyi ahapó dehen pú Yudafó ahandε amu beka asón dínká Yesusu á, otmεε kuku otó.

¹³ Múó Pilato léfité mu obéε, “Fómédé asón ánfí bakla dínká fúsó ánfí nu?”

¹⁴ Táme Yesu métepi bwíí otó. Mú sv ilobwie Roma otandε amu otó.

Yesu Lowu Ipón Ha

(Marko 15:6-15; Luka 23:13-25; Yohane 18:39-19:16)

¹⁵ Ofifigýiofi, ní bódε Israelfósu Katsón Nké gyí a, Roma otandε amu tesí obu otópó okoléá otóm amu bodeklé há amó. ¹⁶ Alí bré ámutó á, obu otópó okvá alahó dá, botetí mu Baraba da obu. ¹⁷ Mú sv bréá Yudafó ámu féé bebefia a, Pilato léfité amó obéε, “Ma nsii ha mlí? Baraba lóó, ntée Yesu, botetí mu Kristo amu?” ¹⁸ Tsúfé Pilato yin ání Yesu iwí olu só Bulu igyi ahapó dehen pú Yudafó ahandε amu bakítá mu ba mu.

¹⁹ Bréá Pilato tsie otε Yesu asón ámu gyí a, mu ka lówa obi mu wá obéε, “Mábwe oyin ánfí mu asón da okpa ánfí tótó. Tsúfé ígye onyé á, nokun okude wun mu, ifú lehíε kítá mí.”

²⁰ Táme Bulu igyi ahapó dehen pú Yudafó ahandε amu beha otóm amu otó bεε, bokókoli Pilato osi Baraba, abumó Yesu. ²¹ Mú sv Roma otandε amu lélafité otóm amu obéε, “Ahá abanyó ánfíto otóm mu nsii ha mlí?”

Botsu otó bεε, “Baraba!”

²² Múó Pilato létrá fité amó obéε, “Ntó mbwéeε Yesu, botetí mu Kristo, (otá ámuó Bulu ladá mu ofúli amu)?”

Amó féé bebláa mu bεε, “Ha abuda mu manta oyikpalíhesu!”

²³ Pilato léfité amó obéε, “Ntogyi sv! Tsitsa móm alabwé?”

Inu belakplón kóklókóú bεε, “Ha abuda mu manta oyikpalíhesu!”

²⁴ Bréá Pilato lówwun ání alabwé kásíán, kpokiti mbouín deklé ida unu á, olotsu ntsu fwí ibí amó ansító unu, bláa amó obéε, “Mí ibí anyó uma oyin ánfí lowutó. Mlí asón igyi.”

²⁵ Yudafó ámu féé bebláa mu bεε, “Mu lowu isobítí íbá ania aní abí-anásó!”

²⁶ Inu Pilato lési Baraba há amó, otéha mu ísá akópó bepití Yesu ató, otópu mu wá amó íbitó obéε, bwyéda mu manta oyikpalíhesu.

Yesu Ahinlá Bwε

(Marko 15:16-20; Yohane 19:2-3)

²⁷ Inu otásó ogýípó amu ísá akópó bekpa Yesu ya mu wóyító. Betí amó aba ísá akópó atráhe amu féé, bεda Yesu otóv. ²⁸ Bótóí Yesu atadiε, pú ligá pepe kv wá mu. ²⁹ Bóbv obungyo-awu, bwé mú owíepa bun mu nwun. Bópv oyí kv wá mu gyópí íbitó, fé akónfra. Bεda akpawunu mu ansító, bódε mu ahinlá bwe bεε, “Yudafó Owíε, fú nkpasu onlinsu!” ³⁰ Botu atsonó wólí

Yesu, swíi mu oyí ámu pópítí mu nwuntó. ³¹ Bòbwe mu ahinlá tá á, bòwói amú ligá pepe amu, yínkíá mu onutó atadié wá mu, bekpá mu dáli bọyó abuyeda mu manta oyikpalíhesu.

Yesu Da Mántá Oyikpalíhesu

(Marko 15:21-32; Luka 23:26-43; Yohane 19:17-27)

³² Bréá bọyó á, befia Kireneyin ókúá bótetí mu Simon. Isá akápú ámu beka mu híé bee, òhò oyikpalíhe amu sùra. ³³ Boyówie ótunekúá bótetí mu Golgota. Mú así gyí, “Nwun Okokobi Otsiákpá.” ³⁴ Bọpu afá kítákítá wá ntátó tin Yesu ònó bee onúu, táme bréá òleda mú ònó á, olekiná nu.

³⁵ Beda mu mántá oyikpalíhe amusu tá á, beye mu atadietó. Inu bọtswi abi pókí òhagyíoha ogyíkpá. ³⁶ Besi bọtsie inu, bọde mu iwí gyó. ³⁷ Múu bọwanlín tóá sùá bọde mu da mántá oyikpalíhesu, dá mántá mu awunso bee, “YESU, YUDAFÓ OWÍE AMU NU.” ³⁸ Beda awikplu abanyó é mántá nyikpalíhesu tsía mótó. Ókole bu mu gyọpísu, ókole é bu mu binasu.

³⁹ Inu atsónpu bọkpukpúu nwuntó, blí Yesu iwí abusus bee, ⁴⁰ “Yéé fú fee fétalí bwíé Bulu ótswékpa amu, lápwe mú nkensá owító ní? Hò fú iwí! Ní lélé Bulu mu Bi fọgyi á, kplí tsu oyí ámu su akí.”

⁴¹ Alí kén Bulu igyí ahapú òdehen, Mose mbala asunápú pú Yudafó ahande amu é bọbwe mu ahinlá ní. ⁴² Beblí bee, “Ólòhò ahá nkpa, táme ómetálí hò mu iwí. Ní mọgyí Israelfó owíe amu a, ókplí tsu oyí ámu su, méní abòhò mu gyi. ⁴³ Yéé òbée Bulu mu Bi mọgyi, mu ansí òn Bulusu. Bulu òlé mu séi, akí ání otekle mu asón.”

⁴⁴ Alí kén awikplu ámuó beda mántá nyikpalíhesu mu wá ámu é bọbwe mu ahinlá ní.

Yesu Lowu

(Marko 15:33-41; Luka 23:44-49; Yohane 19:28-30)

⁴⁵ Owí leta ósólóu amusu fée, tsú dóduányotó alu yófòn ntópwe òsato. Owí metrá lun é. ⁴⁶ Dosa ámuótó á, Yesu lókplon kóklókúú Hebrí òblító òbée, “Eli, Eli, Lama Sabaktani?” Mú así gyí, “Mí Bulu, mí Bulu, ntogyi só fakpá mí óma?”

⁴⁷ Bréá ahá ámuó bulí inu ámuótó ako bonu asón ánfí á, beblí bee, “Óde Elia kpolí.” ⁴⁸ Inu ámuótó óku lésrí yótsu ósapó, púdá ntá ódátó, pọyi oyísu, tsú mú fúá, pótin mu ònó òbée onúu.

⁴⁹ Táme mu aba atráhe amu bebláa mu bee, “Sí, alu kí bee Elia òbéba bòhò mu.”

⁵⁰ Yesu létrá kplón kóklókúú, òlele òhé.

⁵¹ Inu Bulu lébalí tati ámuó bọpuká Bulu Ótswékpa obu ámuótó anyó, tsú awunso beyi así kiaan. Bulu léha ósólóu lekpunkí, òleha abótá lemamáin. ⁵² Olefinfinki ntsán, aha wankíhé tsòtsòtsò bókúsú tsú afúlító. ⁵³ Yesu kúsú tsú afúlító óma a, aha wankíhé anfi bakúsú tsú afúlító ánfí bọyó Yerusalem wúlu wankíhé ámuótó, yéle iwí ówan súná ahá tsòtsòtsò.

⁵⁴ Bréá isá akápú óhande pú isá akápú ámuó bọde Yesu iwí gyóo amu bowun ósólókpunkí ámu pú tóá ide músú yó fée á, ifú lehie kítá amú, beblí bee, “Lélé, Bulu mu Bi óyin ánfí gyí.”

⁵⁵ Atsí tsòtsòtsò bobuo Yesu, bọde musu kí tsu Galilea ómátó. Amú é besi lí tsúsúútsú, bọde mu kí sísí. ⁵⁶ Ámuótó ako gyí, Magdalayintse Maria mu Maria ání òkúwí Yakobo mu Yosef pú Sebedeo mu ka ání ogyi Yakobo mu Yohane aná oyín.

Yesu Pulá

(Marko 15:42-47; Luka 23:50-56; Yohane 19:38-42)

57-58 Bréá owí deṛpóon a, Arimateayin iwí onyapó akwá botetí mu Yosef, alamlí Yesu akasípó lóyo Pilato wá, yókulí mu obéé, osíi Yesu fúli amu ha mu. Pilato léha ání busíi fúli amu ha mu. 59 Mú sv Yosef lópu óhráda ání iletin wankláán kíkli fúli amu iwí, 60 ólɔpu mu yówa obó pɔpwe ání aladá botátó yáí há mu iwíto. Múó olemináa íbwi yíléyílé ku tin obó ámu onó, ólenatí. 61 Magdalayintse Maria muwa Maria nyɔɔsi amu besi botsie unu fón bɔde ntsán ámu kíi sísí.

Yesu Ntsán Gyo

62 Yudafɔ iwísw odaké ɔyi kehe, igyi akpónú odaké á, Bulu igyi ahapú dehen, Farisifo ámu fée pó Pilato befia. 63 Bebláa mu bee, “Owíe, anlakáín ání bréá ofunupu anfi tsie nkpa á, óleblí obéé, ‘Nkensá ɔma a, Bulu obélakósúa mi tsú afúlitó.’” 64 Mú sv ha abuyogyo mu ntsán ámu onó wankláán, yófon eke sáásí. Ní megýí alí á, mu akasípó amu bóyówi mu lé, bemlé ahá bee alakósú. Ibá alí á, akasípó amu ahámlé bódun mu kle.”

65 Pilato lébláa amú obéé, “Isá akɔpú ní. Mliha amú abuyogyo unu wankláán alíá mlétalí.”

66 Mú sv beyétan obó ámu onó wankláán, há agyópu bogyo mú así.

28

Yesu Kwsó Tsú Afúlitó

(Marko 16:1-10; Luka 24:1-12; Yohane 20:1-10)

1 Yudafɔ akpónú odaké ɔyi kehe, igyi Kwasiada baka a, Magdalayintse Maria muwa Maria nyɔɔsi amu bakwsó yó Yesu ntsán ámu akíkpa. 2 Inunw á, ɔsolób lekpiníkí kóklókóó, Bulu-ɔbɔpu lékplí tsú ɔsósó bemináa íbwi yílé ámu lé obó ámu onó, tsíá mósú. 3 Mu ansító lehie wankí, ide ogyá kpa. Mu atadie é lofulí futútúúútú fě opuli-mpútó. 4 Bréá bowun mu a, ifú lehie kítá unu agyópu amu, bekpinkí kpakpakpakpa, dída, lwíí fě afúli.

5 Bulu-ɔbɔpu amu lébláa atsi ámu obéé, “Mlumánya ifú! Nawun ání Yesu amóú beda mántá oyikpalíhesu ámu mlídédunká. 6 ɔma nfi. Bulu lakósúa mu fě alíá óleblí yáí. Mlibeki ɔtíné amóú bɔpu mu tswi amu. 7 Mliwa ɔsa yebláa mu akasípó amu mliha, Bulu lakósúa mu tsú afúlitó. Alagya mli nkpa ɔyó Galilea ɔmátó. Inú mlówun mu ni. Asón ání mbu ha mli ní.”

8 Ifú lekítá atsi ámu, táme bɔpu ansigyí tsíi ɔsrú tsú opulákpá unu bɔyó yebláa akasípó amu tóá bawun.

9 Imowa ɔpá koku Yesu léfia amú, há amú ité. Inu beda akpawunu kítá mu ayabi, súm mu. 10 Yesu lébláa amú obéé, “Mlumánya ifú. Mliyebláa mí apíó ámu mliha, bɔyó Galilea ɔmátó. Inó bówwun mi ní.”

Ntsán Agyópu Amu Asɔn Klahɛ

11 Bréá atsi ámu bɔpu bɔyó á, ntsán agyópu amu aku é bɔyɔ wúluto yebláa Bulu igyí ahapú dehen amu tóá ilaba fée. 12 Inu sv Bulu igyí ahapú dehen amu beti Yudafɔ ahande amu fée fia, kítá agywun. Beha ntsán agyópu amu kóba tsɔtsɔtsɔ. 13 Beha amú onó bee, “Mlibli mliha, ‘Onyé, bréá anidédidi á, Yesu akasípó amu béba bowi mu náti.’” 14 Ní Roma ɔhande onú á, ania munyo abéblí mú, méní mliwóowie asúntá.”

15 Mú sv ntsán agyópu amu botsulá hɔ kóba amu, begyi dɔnká Bulu igyí ahapú dehen amu asɔn blíhé anfisɔ. Onó anfi beha amú anfi lobwie wá Yudafɔ ɔmá ámu féeótó bɔfon nde.

Yesu Iwíɔwanle Súná Mu Akasípó

(Marko 16:14-18; Luka 24:36-49; Yohane 20:19-23; Gyumagyihe 1:6-8)

¹⁶ Akasípó dúokun ámv benatí yó Galilea omátó, ibu amú Yesu lósuná amó obéε bufia mv mósú ámvsv. ¹⁷ Bréá bowun mv a, beda akpawunu súm mv, táme imowankí amótó aku ání mv ni. ¹⁸ Mú Yesu lókpokpé ba amó wá, blí obéε, “Bulu lapó osú móa asi túmi fée wá mí ibito. ¹⁹ Mú sv mlyo oyító fée, amlibwe ahá fée mí akasípó. Mlibo amó asú Osí, Obí pó Oye Wankíhé dátó. ²⁰ Mlisuna amó abgyi mbla amó nawa há mli ámv féesú. Mlibi ání mbv mli wá brégyibré, yófun oyí onómw.”

Asun Wankláán Aní Marko Lówanlín

Asú Ọ̀bọ̀pọ̀ Yohane Bulu Asón Ọ̀kanda (Mateo 3:1-12; Luka 3:1-18; Yohane 1:19-28)

¹ Alí Bulu mu Bi Yesu Kristo iwí asun wankláán ámu ilotsuá así ní. ² Ọ̀lẹ̀ba mótó fẹ́ alíá Bulu ọ̀nọ̀sọ̀ ọ̀tọ̀pọ̀ Yesaia lówanlín wá mu ọ̀wọ̀lótó ọ̀bẹ́e,

“Kí, nde obí wa gya fu nkpa.

Mu ọ̀bẹ́la ọ̀kpa há fọ́ ní.

³ Ọ̀kọ̀ dẹ̀kplun dimbísú ọ̀bẹ́e,

‘Mlila aní Wíe ọ̀kpa.

Mlitswii ikpa ha mu!’ ”

⁴ Asú Ọ̀bọ̀pọ̀ Yohane lẹ́ba ọ̀de ahá asú bọ̀, ọ̀de Bulu asón ọ̀kan da Yudea dimbísú ọ̀bẹ́e, “Mlídamlí kluntọ̀, amlísi lakpan bwe. Bulu osikie mlí, ambọ̀ mlí asú.” ⁵ Ahá botsu Yerusalem wúlutọ̀ pọ̀ Yudea ọ̀mátó fẹ́e bá mu wá. Bẹ́lẹ́ amú lakpan blí, ọ̀lẹ̀bọ̀ amú asú Yordan ntsutso.

⁶ Yohane lówa kpọ̀sọ̀-imi atadiẹ, ọ̀lẹ̀pọ̀ ọ̀wọ̀lọ̀-kpákpá ọ̀fẹ́ klí mọ̀sú. Atsantsanku pọ̀ ọ̀kwén otegyi. ⁷ Oletsia dá asón ọ̀kan, blí ọ̀bẹ́e, “Ọ̀kọ̀ ọ̀dun mi bu ọ̀ma ọ̀bá. Mmọ̀fun aní nógyonká sánkí mu ntọ̀kọ̀ta ọ̀fẹ́ kóráá. ⁸ Mí mú á, ntsu ndepọ̀bọ̀ mlí asú, táme mu mú ọ̀bọ̀pọ̀ Ọ̀jẹ Wankíhé bọ̀ mlí asú.”

Yesu Asúbọ̀ Pọ̀ Mu Isókí (Mateo 3:13-4:11; Luka 3:21-22; 4:1-13)

⁹ Nkẹ́ ámọ̀tọ̀ á, Yesu lótsu Nasaret, wúlúá ọ̀bu Galilea ọ̀mátó ba Yohane wá, Yohane lóbo mu asú Yordan ntsutso. ¹⁰ Yesu lénya dali ntsu ámọ̀tọ̀ alí, olowun nwołótáa lefinkí, Ọ̀jẹ Wankíhé dẹ̀kplí dali mótó fẹ́ abróduma, ilobogyonká mọ̀su. ¹¹ Inu ọ̀me kọ̀ lótsu ọ̀sọ̀sọ̀ ọ̀bẹ́e, “Fúgyí mí bíá ntọ̀dwé, mi ansí tẹ́híe gyí fọ́ iwí ní.”

¹² Inunv Ọ̀jẹ Wankíhé amu lẹ́kpa Yesu ya dimbísú. ¹³ Oletsia inu nkẹ́ aduana, Satan létsia bọ̀sọ̀ mu kí. Mọ̀a pututọ̀-mbwi létsia, Bulu-abọ̀pọ̀ beba beki mọ̀su.

Yesu Gyumagyihe Asítsuá (Mateo 4:12-22; Luka 4:14-15; 5:1-11)

¹⁴ Bẹ́kítá Yohane tswí obu ọ̀ma a, Yesu lóyọ̀ Galilea ọ̀mátó, ọ̀de Bulu asun wankláán ámu ọ̀kan da. ¹⁵ Ọ̀bẹ́e, “Bré ámu lafun. Bulu iwíegyi ámu lawíe wóyí tá. Mlídamlí kluntọ̀ ba Bulu wá, amlíhọ̀ mu asun wankláán ámọ̀su gyi.”

¹⁶ Eke ọ̀kọ̀ Yesu ná Galilea ọ̀pọ̀ ọ̀nọ̀, olowun Simon mọ̀a mu gyama Andrea. Bude asawu tswí, tsúfẹ́ aye alepọ̀ bugyi. ¹⁷ Múú ọ̀lẹ̀bláa amú ọ̀bẹ́e, “Mlíba bobuo mi. Nóbwe mlí anyánkpọ̀sa alepọ̀.” ¹⁸ Inunv besi amú asawu aná tswí, kplá buo mu.

¹⁹ Ọ̀lẹ̀natí yó nkpa kpalobí á, olowun Sebedeo abí, Yakobo mọ̀a mu gyama Yohane é. Bubu ọ̀kluntọ̀, bude amú asawu bíun. ²⁰ Inunv Yesu létí amú é, benatí sí amú sí mọ̀a mu apafọ̀ wá ọ̀klun amọ̀tọ̀ ba bobuo mu.

Yesu Ọ̀jẹ Laláhe Gyáa (Luka 4:31-37)

21 Yesu mva mu akasípó bɔyɔ Kapernaum wúluto. Ɖɔyɔ Yudafo ofiakpa yósuná ató ɔkpónó ɔdaké. 22 Mv atosunáhé lobwie amó ɔnó, tsúfɛ olosuná amó ató túmisu. Megyí fɛ Mose mbla asunápó amu.

23 Oyin ɔku léba ofiakpa inu, ɔɛ laláhe bu musu. 24 Ɖɔɔkplón blí ɔbéɛ, “Yesu Nasaretyin, amansu bóv ania funyɔ nsiné? Aní ɔhukpá feba lóó? Nyin ɔhá oduá fɔgyi. Fúgyí Bulu Ɖha Wankíhé amu ni!”

25 Yesu lókpɔn wa ɔɛ ámu ɔbéɛ, “Kpa ɔnó bun, afudali mɔto.”

26 Inu ɔɛ laláhe amu lówɔsɔv oyin ámu ɔwɔnlínsó, sɔrá okitikíti kóklókúó, dáli mɔto. 27 Ɖnó lobwie amó fɛé, befítɛ aba beɛ, “Nto ofúla ni? Inu mó á, atosunáhé pɔpwe ni. Oyin ánfɛ bu túmi, ɔɔkplón wa ɔɛ laláhe, itobú mu.”

28 Inu sv Yesu idá leklei wá Galilea ɔmá ámɔto fɛé.

Alɔv Tsɔtsɔtsɔ Tsa
(Mateo 8:14-17; Luka 4:38-41)

29 Yesu mva mu akasípó benya dáli Yudafo ofiakpa inu alɔ, bɔyɔ Simon mva Andrea wóyító. Yakobo mva Yohane é bobu amótó. 30 Bɔyɔ á, owísó lakítá Simon mu sia tsihé, ɔda. Inuɔv bebláa Yesu ɔtsɔ ámu iwɔ asón. 31 Múú ɔyɔ yékítá ɔtsɔ ámu ibi, tsú mu kósú. Inuɔv owísó ámu lókusú musu, ɔɔbwe amó afóto.

32 Mú ntópwe fɔɔn a, bɔv alɔv pú ahá ání ɔɛ laláhe de amó háan fɛé ba Yesu. 33 Wúlu amu fɛé beba befia wóyí ámu ɔnó. 34 Yesu létɔa ahá tsɔtsɔtsɔá buɔɔ ɔtsɔn ɔtsɔn lɔ, olegya ɔɛ laláhe tsɔtsɔtsɔ é lé aháto. Ɖmeha ɔɛ laláhe amu abɔto, tsúfɛ amó fɛé buyin mu.

Bulu Asón Ɖkanda Galilea Ɖmátó
(Luka 4:42-44)

35 Mú ɔyi kehe bake a, Yesu léɔali wúlu amɔto yɔ itsétó ɔɔɔ mpáí bɔ. 36 Táme Simon mva mu aba bɔbɔ mbódí dúnká mu alu yówun mu. 37 Bréá bowun mu a, bebláa mu beɛ, “Ahá fɛé buɔɔ fú dunká.”

38 Múú Yesu lébláa amó ɔbéɛ “Mliha ayɔ awúlu bámbásó, anyɛda Bulu asón ámu ɔkan inu é, tsúfɛ inu sv neba ni.”

39 Inu ɔyɔ yéki Galilea ɔmátó fɛé, ɔɔɔ asón ámu ɔkan da Yudafo ofiakpa fɛé, ɔɔɔ ɔɛ laláhe é gyáa le aháto.

Ilɔ Pɛɛ Ɖlɔpú Ɖku Tsa
(Mateo 8:1-4; Luka 5:12-16)

40 Ilɔ pɛɛ ɔlɔpú ɔku léba beɔa akpawunu Yesu ayabitɔ, kókóli mu ɔbéɛ, “Owíé! Ní fótɔsulá á, fétalí há mí iwɔ béplɔ.”

41 Mv asón lówa Yesu nwe. Mú sv ɔletunkí ibi da mu, bláa mu ɔbéɛ, “Natsúlá, fú iwɔ uplí!” 42 Inuɔv ilɔ pɛɛ amu ɔlɔta, mu iwɔ léplɔ. 43-44 Múú Yesu léɔa mu ɔlá ɔbéɛ, “Mábla ɔhaa asón ánfɛ. Natɔ laa afɔv fú iwɔ yosuná Bulu igyí ɔhapó, afɔha mu iwɔgyɔrátó amóó Mose mbla lósuná tsú ɔlɔ pɛpɛtsa iwɔ ámu. Igyi adánsɛ suna ahá ání fú iwɔ laplí.”

45 Táme oyin ámu lénya dáli inu alɔ, ɔɔwa mó ɔkan da bi. Ɖlɔɔa asón ámu ɔkan wúlu amɔto fɛé fiá. Mú sv Yesu métra talí lé iwɔ ɔwan wíé wúlu kukɔto, itsétó oletsíá tsíá. Táme mó ó á, ahá betsíá tsú ntínɛ-ntínɛ ba mu wá.

2

Tsukvɛ Osɔnpv Tsa
(Mateo 9:1-8; Luka 5:17-26)

1 Nke kpalobí kv ɔma a, Yesu léyinkí yó Kapernaum wúluto. Ahá bonu ání alaba wóyí. 2 Mú sv ahá tsɔtsɔtsɔ beba bɔbɔlá wóyí ámu. Ɖkpa kóráá itráa ma uná fótɔson wie mótó. Yesu léɔa Bulu asón ámu ɔkan súná amó.

³ Ahá abaná bəsurá tsukole osínpu ɔku akpasu ba mu. ⁴ Ɔdam amu su bumenya ɔkpa pú mu wíe Yesu wá. Inu su bəyódu obu ámu awunso, dá mú ɔtineku tíí, bekplía akpa amu tsun ɔbó ámutə, pú mu tswi Yesu ansító. ⁵ Bréá Yesu lówun ání bahə mu gyi a, ɔlebláa tsukole osínpu amu ɔbée, “Mí bí, nasí fú lakpan kíe fú.”

⁶ Inu Mose mbla asunápu akvá bətsie inu, beblí wá nwuntə bεε, ⁷ “Ntə asón oyin ání déblí alí? Megyí mbusuo álabó á? Ma é ɔbétalí sí lakpan kíe ahá dun Bulu nkole?”

⁸ Yesu lébu ání bude nwéen gyí amú nwuntə. Mú su ɔlefíté amú ɔbée, “Ntogyi só mlidé inu odu gywíin? ⁹ Məmu bówa ablíle ání nébláa tsukole osínpu anfi? ‘Nasí fú lakpan kíe fú’ ntée ‘Kusu tsu fú akpa afonati?’ ¹⁰ Táme ndekléá mlíbú ání mí, Nyankpusa-Mu-Bi ání mbu túmi ɔyí ánfito sí ahá lakpan kíe amú.” Inu ɔlebláa tsukole osínpu amu ɔbée, ¹¹ “Nde fú bláa mbée, kusú! Tsu fú akpa afonati yə wóyító!”

¹² Inuɔɔɔɔ ɔləkusú, tsú mu akpa, náti amú ansító inu. Inu lówa amú féé wánwan, bekanfó Bulu bí bεε, “Animókówun ofúla anfi odu ki.”

Lewi Ti

(Mateo 9:9-13; Luka 5:27-32)

¹³ Yesu létrá yə Galilea ɔpu ɔnó. Ɔdam kpənkpəɔnkpənti beba mu wá, olosuná amú ató. ¹⁴ Bréá ɔləpu ɔyó á, olowun Alfeo mu bi Lewi tsie mu lampóo ɔhókpa. Mú ɔlebláa mu ɔbée, “Bobuo mi.” Inuɔ ɔləkusú buo mu.

¹⁵ Mú ɔma a, Lewi létí Yesu mva mu akasípú ató ogyíkpa mu wóyító. Lampóo ahópu pú lakpan abwepú tsətsətsə é bobuo mu ba ató ámu ogyíkpa. ¹⁶ Bréá Mose mbla asunápu amutə akvá bəgyi Farisifə bowun ání Yesu mva lakpan abwepú pú lampóo ahópu bude ató gyi a, befité mu akasípú bεε, “Ntogyi só mva lakpan abwepú pú lampóo ahópu bude ibi wa gyi ató?”

¹⁷ Yesu lónu asón ání, ɔlebláa amú ɔbée, “Aləpu léhián ɔ ɔtsapú, megyí ahá ání iwí bu amú ɔnin. Mmɛba aha wankláán ɔtikpá, mboun lakpan abwepú ɔtikpá neba.”

Ɔnókli Iwi Asun Fitéhé

(Mateo 9:14-17; Luka 5:33-39)

¹⁸ Asú Ɔbapú Yohane akasípú pú Farisifə butetsiá klí ɔnó. Eke ɔku akú beba befité Yesu bεε, “Ntogyi só Yohane akasípú pú Farisifə akasípú buteklí ɔnó, táme fú akasípú mú butamaklí ɔnó?”

¹⁹ Yesu léle mú ɔnó ɔbée, “Ní ɔtsi ɔkpaínpu bu mu anyawíe wá á, béklí ɔnó? Ekekeke! Inuá ɔbu amú wá ání mú á, buméeklí ɔnó. ²⁰ Táme eke ku béba ání békpa ɔká otsiápu amu náti sí amú. Alí nke ámutə béklí ɔnó ní.

²¹ “Ɔhaa tamapú tati pəpwe tan tati dada. Tsúfé tati pəpwe amu békpkpí tsí dáda amu iku lé, há ɔtánkpa inu bélatéi tsía. ²² Alí kén butamapú nta pəpwe wá ɔwolú-kpákpá kente wuhétó ní. Nta pəpwe amu ibófu fá kente amu tsítsá, yíntá kente amu é. Inu su ɔwolú-kpákpá kente pəpweɔ bótəpú nta pəpwe wá.”

Ɔkpónú Ɔdaké Mu Wie

(Mateo 12:1-8; Luka 6:1-5)

²³ Yesu mva mu akasípú bətsun ayó ndə kutə ɔkpónú ɔdaké, mu akasípú bəpusáa ayó ámu ku wí. ²⁴ Farisifə akú bowun amú, befité Yesu bεε, “Kí, ntogyi só bude tásá aní mbla meha ɔkpa bwe ɔkpónú ɔdaké?”

²⁵ Yesu léfité amú ɔbée, “Mlímókókla nu tásá Owíe Dawid lóbwe bréá akón de mva mu abúopu, buma tətəá bəgyi ki? ²⁶ Olebitiwíe Bulu osúmkpa

yótsu bodobodoá bapóhá Bulu igyí ba, mva mu abúopu amu begyi, Bulu igyí ahapó dehen Abiata bísú. Bulu igyí ahapó nkole bele okpa bótégyi ali bodobodo amu.”

²⁷ Múú òlètrá bláa amú òbée, “Nyankpusa sù Bulu lóbwe òkpónú òdaké ámu. Megyí òkpónú òdaké ámu sù Bulu lóbwe nyankpusa. ²⁸ Mú sù mí, Nyankpusa-Mu-Bi ánfí gyí òkpónú òdaké mu wie!”

3

Ìlòtsa Òkpónú Òdaké

(Mateo 12:9-14; Luka 6:6-11)

¹ Yesu létrá yó Yudafo ofiakpa inu á, oyin òku tsie inu, mu ibi kule lawú. ² Aha aku bode Yesu téé, abuki bee òbétisa mu òlò òkpónú òdaké ámu, ménì bénya mu iwí asón blí. ³ Yesu lébláa oyin ámúú mu ibi kule lawú ámu òbée, “Kusu belí amú ansító nfi.” ⁴ Múú òlèfité amú òbée, “Ntò aní mbla léha okpa aní abwée òkpónú òdaké? Yilé lóó, ntée lalaha. Ahóò zha nkpa lóó, ntée amóò mu?”

Táme zhaa méle mú ònó. ⁵ Yesu lópu òblí kí amú bómí. Òhò mu òsin, tsífé klontò bu amú odwin. Múú òlèbláa oyin ámu òbée, “Tínkí fú ibi amu.” Olenya tínkí mú ali pé, òjé lowie mútò. ⁶ Farisifò ámu bedali yó, amóa Owíe Herode ahá bekítá agywiun inunu alíá bóbwe bómú Yesu.

Ahá Tsòtsòòtsò Ìlò Tsa

⁷⁻⁸ Yesu mva mu akasípú benatí bəyó Galilea opu ònó. Òdòm kpònkpònkpòntí bobuo mu tsú Galilea múa Yudea òmátò, Yerusalem, Idumea, Yordan bònkpá òbin pò Tiro múa Sidon nsáintò ba mu wá. ⁹ Ahá ámu bədubi. Mú sù òlèbláa mu akasípú òbée, budúnka òklun ku yai ha mu, ménì bómóputá mu. ¹⁰ Tsífé alatsá ahá tsòtsòòtsò òlò. Mú sù aləpu amòtò okugyíòku dékléá òbòpu ibi da mu. ¹¹ Ní ahá aní òjé laláhe bu amú sù benyá wun mu ali á, badida mu ayabiasí, sùrá okitikítí blí bee, “Fúgyí Bulu mu Bi ámu ni!”

¹² Táme òleda òjé laláhe amu òlá kínkíínkín òbée, imáha ahá abubi mu.

Akasípú Amu Adá

(Mateo 10:1-4; Luka 6:12-16)

¹³ Yesu lódu yó busu, òleti ahá aní mu onutò odeklé, bəyótu mu. ¹⁴⁻¹⁵ Múú òlèle amú tò ahá dúanyò, òleti amú mu sumbí ayəpó aní mva amónyò bétsiá, otsia wa amú abuyeda mu asón òkan, abugya òjé laláhe lé ahátò.

¹⁶ Ahá dúanyò ámu adá gyí, Simon aní òledunká mu Petro; ¹⁷ Sebedeo abí Yakobo mva mu pio Yohane (òledunká amú adá òbée, “Boanerges.” Mú así gyí, “Òpráda abí.”); ¹⁸ Atráhe gyí, Andrea, Filipino, Bartolomeo, Mateo, Toma, Alfeo mu bi Yakobo, Tadeo mva Simon aní ogyi iwí sùtsiá adunkápú opasuato zha; ¹⁹ pò Yuda Iskariot aní òlèbele mu há.

Yesu Mva Beelsebul

(Mateo 12:22-32; Luka 11:14-23; 12:10)

²⁰ Bréá Yesu lóyò wóyítò a, òdòm betrá ba inu. Mva mu akasípú bóményá okpa aní bégyi ató kóráá. ²¹ Bréá mu wóyítò ahá bonu mu iwí asón á, bəyò bəyékpa mu, tsífé buki bee mu nwun layíntá.

²² Mose mbla asunápú akúá botsu Yerusalem ba inu beblí bee, “Òjé laláhe owíe Beelsebul tsie mótò. Mu túmí òdepu gya òjé laláhe lé ahátò.”

²³ Mú sù Yesu létí amú ba mu iwí wá, òlèbláa amú asón ayébitò òbée, “Nkálí Òbunsám òbétalí gya iwí? ²⁴ Iwíe ogyíkpá aní òlaye anyò, bode aba kò

ibédida. ²⁵ Wóyí oduá mótó atsiápó bode aba kó é itobwíé. ²⁶ Mú sù ní Òbunsám dé m̀wɪ gyáa a, oméetalí líí. M̀wɪ onó omakpá ní.

²⁷ “Ọhaa méetalí wíé awonlínpó wóyító yókolá m̀wɪ ató, nkéti alagyankpá kíkí m̀wɪ tswi, asa obétalí kólá m̀wɪ ató f́éé.

²⁸ “Ọnakwalí nde m̀li bláa mbéé, Bulu obétalí sí lakpan p̀wɪ abususɔ kugyíko kíé nyankpɔsa. ²⁹ Táme ní ọ̀kó oblí abususɔ Ọje Wankíhé am̀wɪ á, Bulu méesikíé m̀wɪ ekéekéke, tsúf́é alabwé lakpan aní sikíé ma m̀wɪ.”

³⁰ Aha ak̀wɪ beblí bée, ọje laláhe bó Yesutó. Mú s̀wɪ ọde ínì blí ní.

Yesu Abusuanf̀wɪ Onutó

(Mateo 12:46-50; Luka 8:19-21)

³¹ Yesu m̀wɪ yin m̀wɪ apio beba belí kpankpá, b̀wɪwa ọ̀kó bée, ọ̀tí m̀wɪ ha amú. ³² Ọ̀d̀m̀wɪ b̀wɪsie bomlì m̀wɪ, bebláa m̀wɪ bée, “F̀wɪ yin m̀wɪ f̀wɪ apíó bolí kpankpá, bode f̀wɪ dunká.”

³³ Mú Yesu léfité amú obéé, “Amendí gyí mí yin m̀wɪ mí apíó?” ³⁴ Mú ọ̀lẹ̀kí ahá amú b̀wɪsie bomlì m̀wɪ am̀wɪ, blí obéé, “M̀liki, mí yin m̀wɪ mí apíó gyí ahá anfi á! ³⁵ Ọhagyíọha aní ọ̀bawé Bulu apé a, m̀wɪgyí mí pío p̀wɪ mí yin ní.”

4

Ató-abí Owunýápv̀wɪ Yébi

(Mateo 13:1-9; Luka 8:4-8)

¹ Yesu létrá kósu yó ọde ató suná Galilea ọ̀p̀wɪ onó eke ọ̀kó. Ọ̀d̀m̀wɪ am̀wɪ bobomlì m̀wɪ. Mú s̀wɪ ọ̀d̀wɪ wíé ọ̀k̀lontó, yétsiá ọ̀p̀wɪ am̀wɪ, ahá am̀wɪ é bolí ọ̀p̀wɪ onó inu. ² Inu olosuná amú ató tsótsótsó ayébitó obéé,

³ “M̀linu! Ọ̀d̀wɪ ọ̀kó lóyó ató-abí owunýákpa. ⁴ Bréá ọde mú wunýáa a, iku l̀wɪwólí ọ̀kpató, mbubwí beba b̀wɪswetswéé mú f́éé. ⁵ Iku é l̀wɪwólí abutású, ọ̀tínéá ısı kpalobí d̀n. Ìwɪwa ọ̀sa kwe, ⁶ táme bréá owí lel̀n a, ı̀l̀tó mú m̀wɪ, tsúf́é mú ǹlín m̀wɪ ọ̀tótó. ⁷ Abí am̀wɪ k̀wɪ lobun awutó, awu am̀wɪ l̀wɪwólá kítá mú, ı̀medan. Mú s̀wɪ imoswíe abí. ⁸ Táme abí am̀wɪ k̀wɪ é l̀wɪwólí ọ̀slólu wankláánsó, ı̀l̀kwé, dan, swíe abí, iku adwasa (30). Iku aduesie (60), iku é lafa (100).”

⁹ Inu ọ̀lómó mú onó obéé, “Ọhá aní ọ̀b̀wɪ asu onúu!”

Tóá S̀wɪ Yesu L̀t́wɪ Ayébisu

(Mateo 13:10-17; Luka 8:9-10)

¹⁰ Bréá ilesi Yesu m̀wɪ sumbí ayọ̀p̀wɪ dúanyó am̀wɪ p̀wɪ ahá kpalobí akwá b̀wɪbuo m̀wɪ a, bobwíi ipa há m̀wɪ bée, ọ̀lé yébi anfi ası suna amú. ¹¹ Mú ọ̀lẹ̀bláa amú obéé, “M̀li mú á, Bulu lahá m̀li ọ̀kpa obéé, m̀libí m̀wɪ iwíegyí am̀wɪ ı̀wɪ asun ọ̀áínhé. Táme nde aha bambá asún bláa ayébisu,

¹² ‘m̀éni bówun l̀wɪwun,
táme b̀wɪméebí mú.

Bónu lánú,

táme b̀wɪm̀ónu mú ası.

Ní megyí alı tẹ̀kí bédamlí k̀lontó,

Bulu obési amú lakpan kíé amú.’ ”

Ató-abí Owunýápv̀wɪ Yébi Am̀wɪ Ası

(Mateo 13:18-23; Luka 8:11-15)

¹³ Mú Yesu léfité amú obéé, “Ní m̀límónu yébi anfi ası á, mú nkálí m̀lóbwé asa m̀lónu tráhe f́éé ası? ¹⁴ Ató-abí amú owunýápv̀wɪ am̀wɪ déwunýáa am̀wɪ gyí Bulu asún am̀wɪ. ¹⁵ Abí amú l̀wɪwólí ọ̀kpasu am̀wɪ gyí ahá amú benýá nú Bulu asún am̀wɪ alı Ọ̀bunsám labele mú lé amú k̀lontó náti am̀wɪ. ¹⁶ Abí amú

lɔwɔlí abutásó amu gyí ahá amóú bonú asón ámu pé, bahɔ mú ansigyísó, 17 táme iníá buma nlin su á, asón ámu itamatsiá amótó yó. Mú su ní budun amósú ntée iwɔsin ku itó amó asón ámu su á, inonu butedida. 18 Abí amóú lɔwɔlí awutó ámu gyí ahá amóú bonú asón ámu a, bahɔ mú, 19 táme oyi ánfito ató hiánhe iwɔ gywín, pú mótó atonyahé iwɔ onsípe tegyi asón ámu su. Iní su butamaswié abi. 20 Abí amóú lɔwɔlí osólúw wankláánsó amu gyí ahá amóú bonú asón ámu a, butegyi mósó. Iní su itehá butəbwe yilé fé alíá ató-abí ámu loswie, iku adɔasa (30), iku aduesie (60), iku é lafa (100) ámu.”

*Okandíe Iwi Yébi
(Luka 8:16-18)*

21 Yesu léfité amó obéé, “Butonywé okandíe pú oló bun mósó, ntée pówá mpá ayasi? Megyi ofuákpa butəpóbian? 22 Tɔtɔ ma inuá ibéɲaín, iméelun ɔwan. Asun ɲaínhé kuku é uma inuá buméebi mú. 23 Ohagyísha aní ɔbu asu onú!”

24 Múú ɔleblí obéé, “Mliɣaa asu wankláán mli asón-nutó. Itáá mlópusúsu ha mli aba á, mú kén Bulu ɔbópɔsúsu mú wankláán, lápú iku tsia mótó há mli ní. 25 Tsúfé ɔhá aní odekilé obónu mí atosunáhé amu asi á, Bulu ɔbópɔ iku tsia mótó há mu. Táme ɔhá aní omedékilé obónu mú asi á, Bulu ɔbóswi mú kpalobí amóú alabí ámu kóráá.”

Oyi-ibíá Idédáan Iwi Asón

26 Yesu létrá blí obéé, “Bulu iwíegyi amu igyi fé alíá ɔha todú oyi-ibí mu ndɔtɔ. 27 Ní owí itá á, ɔhá ámu teklédi. Ní oyi ike a, ɔtelákósó, táme omeyín alíá itəbwe asa oyi-ibí ámu itəkwe dan. 28 Osólúw onutó tɛhá mú təkwe. Itegyankpá lé ate, wá ntswítswi, asa itəbɔbwe abi onutó. 29 Táme ayó ámu inyá bli pé, ɔdópɔ amu latsú mu ɔdayí ɔyétun mú, tsúfé mú tɪnbi lafun.”

*Takyí-akpin Ibi Yébi
(Mateo 13:31-32, 34; Luka 13:18-19)*

30 Inu Yesu léfité obéé, “Ntɔ Bulu iwíegyi ámu lelian? Ntée yébi mɔmɔ nópɔsúná alíá igyi? 31 Igyi fé takyí-akpin ibí. Múgyí túkúríibi nyí-abító féé ní. 32 Táme ní idan a, itəbwe ífá fóáhé dun ífá kugyíku. Mú abámbi tekpíkpli, mbubwí botogyónká mú asi.”

33 Oletsíá pú ayébi anfi odu tsɔtsɔtsɔ súná amó ató, yófɔn alíá ahá ámu bétalí nú mú asi. 34 Omebláa amó asón kukuá imegyí ayébi ɔlɔpótóí. Táme ní isí mva mu akasípó nkole a, ɔtelé tógyító asi.

*Atsufú Asibá
(Mateo 8:23-27; Luka 8:22-25)*

35 Alí eke ámu ntópɔwɛsu á, Yesu lébláa mu akasípó obéé, “Mliha afa Galilea ɔpu yɔ mú ɔbin!” 36 Múú bowie ɔkluntɔ, akasípó amu beplá mú, benatí sí ɔdɔm amu. Nklɔn bámbá ku é lobuo amú. 37 Afú kpankpankpanku ku lówa tsóon bi. Mú su ntsu dɛda wíé ɔklɔn amotɔ, ideklé ime. 38 Táme Yesu mú ɲélín sumuesu ɔklɔn amu ɔma ɔdɛdidi. Akasípó amu betsinkí mu. Múú befité mu beé, “Osunápó, iníá anidé ntsu wie á, fumotsu kuku lé mótó?”

39 Inu Yesu lókúsó lé ɔnó wa afú ámu, ɔlebláa ɔpu amu obéé, “Kpa ɔnó bun! Dɪ díín!” Inu afú ámu lési tsóon, inu féé lɔlvá. 40 Múú ɔlefité amó obéé, “Ntogyi só mli dé ifú nya alí? Mlimá hógyi?”

41 Ifú lehie kítá amó, befité aba beé, “Nyankpɔsa ɔmɔmu ni, afú móa ntsu kóráá tonú mu ɔme alí?”

5

Ɔhe Laláhe Gyáa Le Ogbedépótó
(Mateo 8:28-34; Luka 8:26-39)

¹ Bréá Yesu mva mu akasípú amu bowie Galilea ɔpu amu ɔbɔn Gerasefó* ɔsolúso á, ² olenya kplí dáli ɔklɔntɔ alɔ, oyin ɔkuá ɔhe laláhe bu mutɔ lédaɔ tsu afúli opulákpá befia mu. ³ Oyin ánnfi lapú afúli opulákpá inu bwé mu otsiákpá. Ɖhíé ɔbu iyun. Mú su ɔhaa tamatráa talí bwé mu otsia díin, ntée wá mu ikan. ⁴ Tsúfé tekɔ betsiá wá mu ayabi pú mu ibi ikan, táme oletsia tin mú, bíábía ikan amu tsálífwí. Ɖhaa é má ɔwɔnlín ání ɔbétalí pón mu. ⁵ Ekekegyíeke ɔpa móa onyé fée á, ɔbu afúli opulákpá inu móa abusu, ɔde okitikíti, ɔɛpu abwi tsantsan iwɔ.

⁶ Olenya wun Yesu wun sísi alɔ, ɔlesrí yéda akpawunu mu ayabito. ⁷ Mú ɔbosurá okitikíti kóklókúú ɔbéé, “Ɖsósúsú Bulu mu Bi Yesu, amansu igyi? Tanu Bulu ání foméputí mí ató!” ⁸ Ɖleblí asón ánnfi, tsúfé Yesu lébláa mu ɔbéé, “Ɖhe laláhe, dali oyin ánnfito.”

⁹ Inu Yesu léfité mu ɔbéé, “Nkáli butetí fú?”

Ɖlele mú ɔnó ɔbéé, “Mí dá gyí, ‘Ɖɔɔm’, tsúfé anihíé anɔ tsó.” ¹⁰ Inu ɔhe laláhe amu behie kókóli mu beɛ, ɔmágya amú lé Gerasefó ɔsolúb amusu.

¹¹ Mprákuo tsɔtsɔtsɔ akɔ buɔɔgyí okúku kusɔ inu fón. ¹² Ɖhe laláhe amu bokokóli mu beɛ, ɔhá amú abɔyowie mprákuo ámutɔ. ¹³ Mú ɔleha amú ɔkpa. Beɔdali oyin ámutɔ yówie mprákuo ání bóbwe fé mpím-anyɔtɔ (2,000). Amú fée besrí kplí okúku ku wíé ɔpu amutɔ, wúwu.

¹⁴ Mprákuo ámu akpapó besrí yéblí asón ánnfi ilaba anfi awúlusu pú nkudasɔ fée. Ahá beɔdali beɛ beba beki tás ilaba. ¹⁵ Bréá beba bowie Yesu wá á, bowun ání oyin ámutɔ ɔhe laláhe betsiá mutɔ ámu ansító laɔí, alawá atadié otsie. Iɔwa amú ifú. ¹⁶ Ahá ámutɔ bowun tás ilaba oyin ámutɔ tekɔ ɔhe laláhe tsie mutɔ ámu pú mprákuo ámusu ámu bebláa amú tás ilaba fée.

¹⁷ Inu bokokóli Yesu beɛ, ɔdálí amú ɔsolúso.

¹⁸ Bréá olowie ɔklɔn amutɔ á, oyin ámutɔ tekɔ ɔhe laláhe tsie mutɔ ámu lókokóli mu ɔbéé, ɔhá amubuo mu natɔ.

¹⁹ Táme Yesu méha mu ɔkpa. Mboun ɔlebláa mu ɔbéé, “Yinki yɔ fú apíó wá wóyító, afɔyebláa amú ito yilé anɔ Wie Bulu labwé há fú, pú alíá alawun fu nwe.”

²⁰ Mú su oyin ámu lénatí tsuntson, ɔde ito yilé ámutɔ Yesu labwé há mu blí Dekapoli† awúlu amu féeṽtó. Ɖnó lobwie ahá ámu fée.

Ɖhande Oku Mu Bi Mva Ɖtsi Oku Iɔ Tsá
(Mateo 9:18-26; Luka 8:40-56)

²¹ Yesu léla fá ɔpu amu yó mú ɔbɔn. Bréá ɔbu ɔpu ɔnó inu á, ɔɔɔm kpɔnkpɔnkpɔntɔ beba bobomlí mu. ²² Inu Yudafó offiakpa ɔhande ɔkuá butetí mu Yairo léba inu. Bréá olowun Yesu a, ɔleɔa akpawunu mu ayabito, ²³ kókóli mu ɔbéé, “Mí bí tsihé déwu. Ba, afubɔpu ibɔ dinka musu, mu awútó tɔwa mu ɔnlɔn, onya nkpa.”

²⁴ Mú mva Yesu benatí bɔyó á. Ɖɔɔm kpɔnkpɔnkpɔntɔ beklá buo mu, kpá pútá mu.

²⁵ Ɖtsi ɔku é bu ahá ámutɔ, obugya de mu wolí nfi dúanyɔ ní. ²⁶ Alahíé wun ipian ilɔ atsapú tsɔtsɔtsɔ ibito, hóli mu iwɔsu ató fée, táme ilɔ ámu imekalá bwé mu. Iyun idewa tsía. ²⁷ Bréá ɔtsi ánnfi lónu Yesu nka á, ɔlɔtsun yɔ mu

* **5:1** Gadarafo bu nwoú dáda amu akoto. † **5:20** Dekapoli asɔ gyí awúlu dú.

ama, fifitiwíe odam amoto yópu ibi da Yesu atadié. ²⁸ Tsúfè òleblí wá mu nwuntò òbée, “Ní nàpó ibi da mu atadié kpán á, ìlò ámu ibési mí.”

²⁹ Olenya pò ibi da mu atadié ámu alí, obugya amu léka itin. Olonu mó nka mu awútó ání ìlò ámu lasí mu. ³⁰ Inu Yesu lónu mó nka mu awútó mu é ání òjé kú ladáli mu. Inu òlédamlí kí odam amu, òlefíté amó òbée, “Ma lápó ibi da mí atadié?”

³¹ Mú mu akasípó amu befíté mu bée, “Fó onutó fawun ání odam bakpá putá fò. Mú fotráa fudefité fée, ‘Ma lápó ibi da mí?’ ”

³² Yesu lówa ansí kí amótó fée, òde òhá ání òlòpu ibi da mu dunká. ³³ Ifú lékítá òtsí ámu. Mú sù òlòwa kpínkí kpakpakpakpa bí, tsúfè oyin itóá alanyá. Inu òleba bèda akpawunu Yesu ayabito, bláa mu ònòkwali amu fée. ³⁴ Yesu lébláa mu òbée, “Mí bí, fó hògyi lahò fò nkpa. Natí iwíwíitò. Fó ìlò ámu ita.”

³⁵ Bréá Yesu bu mósó òdetóí á, aha akú botsu ofiakpa òhande amu wóyító ba bebláa mu bée, “Òhande, fó bí tsíhé ámu òdikpa mówa alé. Mátepi trá wa osunápó tóí.”

³⁶ Yesu mékplá asón amóò budeblí ámu. Mboún òlebláa mu òbée, “Mánya ifú. Fó mó hogyi wòle.” ³⁷ Yesu méha òhaa òkpa obuò mu òn Petro pò Yakobo mu mu pio Yohane nkòle. ³⁸ Bréá bowie òhande amu wóyító á, Yesu lówun ání ahá babólá inu, bu desú, bu ò okitikítí. ³⁹ Olowie inu fité amó òbée, “Ntogyi sò mlidé ipian wúun, mlidé okitikítí alí? Otsibi amu mákòwú, didí òde.”

⁴⁰ Ahá ámu bómòsí mu. Mú olegya amó fée dàlì ba wunsiné, òlekpa obí ámu akwípó pò mu akasípó amóò bu buò mu amu bebitíwíé obu amóò otsibi amu da mótó amoto. ⁴¹ Inu òlekítá kebi ámu ibi, bláa mu amó òblítò òbée, “Talita Kuum!” (Mó así gyí, “Obitebí, kusu!”)

⁴² Inu òlòkòsò òna. (Otsibi amu lahò nfi dúanyò.) Ilòwíe ahá ámu fée ònó dáfá. ⁴³ Mú òle da amó òlá kí nkínkín òbée, bu mábláa òhaa asón ánfi. Inu òlebláa amó òbée, bu háa kebi ámu ató ogyi.

6

Bumòhò Yesu Mv Wúlutò (Mateo 13:53-58; Luka 4:16-30)

¹ Yesu mu mu akasípó bedalí òmá ámto yínkí yó mu wúlutò. ² Òkpónú òdaké lenya fún alí, òlòyò òde ató suná Yudafo ofiakpa. Mu atosunáhé leha ònò lobwíe ahá tsòtsòtsòá bonu mó. Mú sù befíté aba bée, “Nkónú olenya nyánsa móa ofúlábwe túmi ánfi é tsú? ³ Megyí ató osrèpó amu ní. Megyí mu yin gyí Maria, mu apio yinhé gyí Yakobo, Yosef, Yuda pò Simon? Yéè ania mu apio tshé é tsie nfi á?” Benya òbló musu.

⁴ Yesu lébláa amó òbée, “Ahá bu tòbú Bulu ònósó òtòpó òtínegyíòtíne, táme mu wúlutòfò, mu abusuanfò pò mu wóyító ahá mó bu tamabú mu.”

⁵ Iná bumòhò mu gyí sù òmetalí bwé ofúla kòkò, òn ahá kpalobí akusu òlòpu ibi dínká, tsá amó ìlò. ⁶ Ilòwa mu ifú ání bumòhò mu gyí.

Akasípó Dúanyò Amu Sumbíwa (Mateo 10:5-15; Luka 9:1-6)

Yesu léki nkuda ání inu bomlí inu así, òde ató suná. ⁷ Inu òletí akasípó dúanyò ámu ba mu iwí wá. Mú òlòwa amó sumbí abanyó-abanyó. Òleha amó túmiá bópogyi òjé laláhesu. ⁸ Òle da amó òlá òbée, “Mlímátsu tòtò kítá yó òkpa ámu, òn mlí oyi yíáhé! Mlímátsu atogyihe ntéè akpankogyo, ntéè kóba kítá! ⁹ Mlíwa ntòkòta, táme mlímátsu atadié nyòòsí kítá!

¹⁰ Wóyígyíwóyíá mláswíí mótó á, mlítsia inu yófun bréá mlédali wúlu amoto. ¹¹ Ní mláyó wúlu kusu, bumáho mli, ntée bumekleá bónu mli atosunáhé, mlídédali mótó mláyó á, mlikpakpa mli ayabito-isi wuli inu, isuna ání bumebi bwé.”

¹² Mú sv bóyo yéda asón ámu okan béé, ahá budámli klonto. ¹³ Begya oje laláhe tsotsotsó lé ahátó, bekpa aləpu tsotsotsó é ofobí, tsá amó ɔ.

*Asú Ɖbapó Yohane Lowu
(Mateo 14:1-12; Luka 9:7-9)*

¹⁴ Galilea amásó ogyípó Herode lónu Yesu iwí asón áñfi, tsúfíe mu ɔdayilé de otínegyíotíné. Aku budeblí béé, “Asú Ɖbapó Yohane lákósú tsú afúlitó. Mú sù, ɔde ofúla anfi odu bwe ní.”

¹⁵ Táme aku é béé, “Bulu onósó otáipó dada Elia ní.”

Aku é béé, “Bulu onósó atáipó dada amoto oku ní.”

¹⁶ Bréá Herode lónu asón ámu a, ɔleblí ɔbéé, “Yohane amóu neha betun amu látsínkí tsú afúlitó.” ¹⁷⁻¹⁸ Herode léha bekitá Yohane, wá mu ikan, pú mu wá obu. Tsúfíe oletsiá bláa Herode ɔbéé, mbla meha okpa ání obétsiá mu pio Filipo mu ka Herodia amóu otsia amu.

¹⁹ Mú sv Herodia lóho Yohane asón wá iwíto. Ɖɔbwe agywun ání ɔbómu mu, táme ɔmetáli, tsúfíe Herode méhá mú okpa. ²⁰ Herode yin ání Yohane asón da okpa, ogyi oha wankíhé. Mú sv olenya mu ifú, ɔleki musu wankláán ání toto mɔbwe mu. Ibo mótóá Yohane asun blíhé tehan Herode, táme oteke mú nu.

²¹ Tóá Herodia dédunká léba ha mu. Eke okuá Herode dé mu okwíké gyí a, ɔotswi ɔpónú, tí ahande pú isá akəpú dehen pú Galileafó ahande ba ató ámu ogyíkpá. ²² Bréá Herodia mu bi tsihé lóbowie ɔbontó tsa a, ɔlwa Herode mu ahande amu féé ansigyí. Herode lébláa mu ɔbéé, “Fite mí tógyítá fudeklé, néha fú.” ²³ Inu ɔleka ntam há mu ɔbéé, “Néha fú tótógyítá féfité mí. Ní igyi mí iwíe ogyíkpá ifun kóráá.”

²⁴ Otsibi amu lédalí yéfité mu yin ɔbéé, “Nto nfite?”

Mu yin lébláa mu ɔbéé, “Fite Asú Ɖbapó Yohane nwun.”

²⁵ Ɖsasv otsibi amu léba bebláa Herode ɔbéé, “Ndekléá fupó Asú Ɖbapó Yohane nwun dinka ilínsú ha mi séséséí.”

²⁶ Asón ámu léhie han owíe amu, táme mu ntam amóu ɔleka, pú ahá amóu bubu inu ámu sv á, omekleá ɔbótun ntam amu. ²⁷ Inu ɔlwa mu ahá otínpu ɔbéé, ɔyétin Yohane nwun ba mu. Ɖlɔyo yétin Yohane nwun obu ɔdikpá inu. ²⁸ Mú ɔlpu nwun ámu dínká ilínsú ba otsibi amu, mu é ɔlpuháa mu yin Herodia. ²⁹ Bréá Yohane akasípú bonu asón áñfi á, beba botsu mu satin yópulá.

*Ahá Mpim-nu Atogyihe Ha
(Mateo 14:13-21; Luka 9:10-17; Yohane 6:1-14)*

³⁰ Yesu sumbí ayəpó ámu beyínkí bá bebláa mu atóá bayóbwe pú múá bayósuná féé. ³¹ Mú oma a, ahá buna amó wá alu, bumenyá okpa gyi ató kóráá. Mú sv ɔlebláa amó ɔbéé, “Mliha ayó itsétó fléén, ayeda okpónú.” ³² Inu bowie ɔklonto, pú okpa bóyo itsétó otineku.

³³ Táme ahá tsotsotsó bowun amó, bí otínéá bóyo. Mú sv botsu awúlu ámu féésú, tsíí ɔsrú gyankpá yówie otíné amóu Yesu aná bóyo ámu. ³⁴ Bréá Yesu lékplí dálí ɔklon amoto, wun ɔdom kpənkpənkpənti ámu a, amó asón lowa mu nwe, tsúfíe búgyi fé akúfa ání buma okpapó. Mú sv olosuná amó ató tsotsotsó. ³⁵ Owí ləpən a, akasípú amu beba mu wá bebláa mu béé, “Itsétó

nfi gyí, owí é latá. ³⁶ Ha amó abuyɔ nkuda móa awúlu ání ibu bomlí nfi así yodunká tɔku gyí.”

³⁷ Táme Yesu léle mú ɔnɔ ɔbéε, “Mlɔdunka ató ha amó abuyi.”

Móú befité mu beε, “Abétalí nyá sika* hɔ ató há ahá ánfí fée bégyi?”

³⁸ Yesu léfité amó ɔbéε, “Bodobodo apin afinu mlibu? Mliyo amliyeki!”

Beyinkí bebláa mu beε, “Bodobodo apin anu pó ntsutso iye bwáhé anyɔ bu inu.”

³⁹ Yesu lébláa amó ɔbéε, “Mliha amó abɔtsiatsia ifá bɔbwε amusu.”

⁴⁰ Betsiá así akúsú-akúsú, aku lafa (100), aku é aduenu (50). ⁴¹ Inu olotsu bodobodo anu pó ntsutso iye bwáhé anyɔ ámu. Móú olotsu ansí fúa kí ɔsósú, ɔleɗa Bulu ipán. Inu olebiabia bodobodo amu há mu akasípú amu ɔbéε, buyée ha amó. Oleye iye bwáhé anyɔ ámu é há amó, bɔpuhá ahá ámu.

⁴² Amó fée begyi mwε sian. ⁴³ Akasípú amu bɔtɔsí bodobodo móa iye sianhe amu a, ɔbɔlú alakpá dúanyɔ. ⁴⁴ Ayin ání begyi ató ámu nkɔle buyi mpímu (5,000).

Ɔpɔv Natí

(Mateo 14:22-33; Yohane 6:15-21)

⁴⁵ Benya gyi ató ámu tá alí, Yesu lébláa akasípú amu ɔbéε, buwíε ɔklɔntɔ abugyankpa fa ɔpu amu yɔ Betsaida wúlutɔ. Mu mú olesin ɔma sí ɔɗam amu ɔkpa. ⁴⁶ Bréá olesi amó ɔkpa tá á, ɔlɔɗu yó buɔv yóɔɔ mpái. ⁴⁷ Bréá owí lɛta, ɔklɔn amu lawíε ntsu nsuné á, ilesi Yesu nkɔle ibu ámuɔv. ⁴⁸ Inu olowun ání ɔklɔn amu plá de ɔnlɔn wa wá akasípú amu, tsúfé afú kpɔnkpɔntɔ detsúɔn fia amó. Bake-bake a, Yesu lɛnatí ntsu ámuɔv ayabitɔ buo amó, odeklé ɔtsɔn amósú. ⁴⁹ Táme bréá bowun mu a, buki beε, fúli ogyi. Mú su bɔsɔrá okitikíti. ⁵⁰ Opúni letsii amó fée.

Táme ɔlɔwa ɔsa bláa amó ɔbéε, “Mliwa klɔn. Mí ní. Mlimánya ifú.”

⁵¹ Móú ɔlɔɗu wíε ɔklɔn amɔtɔ, afú ámu lɛka itin á. Asún ánfí lówa amó wánwan. ⁵² Amó klɔntɔ-odwin sɔ buɔmɔkónyá nú bodobodo iwí asún ámu asi.

Genesaretɔ Alɔpv Tsa

(Mateo 14:34-36)

⁵³ Yesu muva amónyɔ befa ɔpu amu yési Genesaret ɔsubúɔ, bɔwa ɔfé kítá ɔklɔn amu. ⁵⁴ Benya kplí dáli ɔklɔn amɔtɔ alí ahá bowun Yesu, bí mu ɔtsáwɔle pé. ⁵⁵ Mó su besrí yótsu amó alɔpv sɔrá akpasu, tsú ntíné-ntíné bɔtu mu inu. ⁵⁶ Ɔtínεgyíɔtínéá Yesu lóyɔ, igyi wúlutɔ ntée akuda ó á, bɔpu amó alɔpv bɔtswi brɔnusu, kókóli mu beε, ɔhá alɔpv amu abɔpu ibi da mu atadie ɔdanú kpán. Amóá bɔpu ibi da mú fée benya ɔlɔtsá.

7

Atitfɔ Amándíε

(Mateo 15:1-9)

¹ Farisifɔ pó Mose mbla asunápú aku botsu Yerusalem ba befia Yesu wá.

² Móú bowun ání mu akasípú amu aku buɔmɔfwí ibi amándíε ɔkpasu asa buɗe ató gyí.

³ (Tsúfé Yudafɔ, títriu Farisifɔ buɔmɔkósí amó anáin amándíétɔ. Mú su ní buɔmɔkófwi ibi amándíε ɔkpasu á, buɔtamagyi ató. ⁴ Alí kén ní buɔmɔkógyóra iwí á, buɔtamagyi t́á bɔpuɔsúa bíású ba ní. Amándíε bámbá ku aná é bu inu, buɔtráa buɗe mótt́ tsú nwε núu ntsu, nló pó nlanka iwí.)

* **6:37** Sika ánfí igyi sika futútú lafa-anyɔ (200), igyi ɔha nke lafa-anyɔ (200) ikóká.

5 Mú su amó Mose mbla asunápó befíté Yesu bée, “Ntogyi só fú akasípó amu butamagyi aní anáin amándíésó, bwmáfwi ubi amándíé okpasu asa abugyi ató?”

6 Yesu léle mú onó obée, “Ɖnɔkwali Bulu onósó ɔtɔ́púYesaia lébli tswi tsú mli apinabwebi abwepó ánfí iwí obée,

‘Ahá ánfí bodepu amó onó bú mí,

támé amó klɔn bu ifó mí wá.

7 Kpaali bode mí sum,

tsúfě basí Bulu mbla tswi,

yó bode anyánpósa mbla suná.’

8 “Mlilasí Bulu mbla ámu tswi, mlidé mli anáin amándíétó.”

9 Inu ɔlebláa amó obée, “Mlulapina si Bulu mbla ámu tswi nyánsato, ménu mlégyi mli onuto amándíésó. 10 Tsúfě Mose lówanlín wá Bulu mbla ámu to ɔbée, ‘Bu fú sí mva fú yin.’ Ɖletrá wanlín obée, ‘Ní ɔku lébli asokpan tsú mu sɪ ntée mu yin iwí á, bwmáó mu.’ 11 Támé mli mú mliaa, ɔha ɔbétalí bláa mu sɪ ntée mu yin obée, ‘Tóá tekí nópohá fú á, napóbwé Koban.’* 12 Mlilahá ahá bwmédé tɔtɔ bwe há amó akwípó. 13 Mli anáin amándíé su mlitráa mlumédé Bulu mblasu gyí. Ntóbí tsɔtsɔtsɔ é bu inuá mlitráa mlidébwe tsía ínito.”

Tóá Itɔkpóí Ɖha Bulu Ansító

(Mateo 15:10-20)

14 Yesu létrá tí ɔdɔm amu ba mu iwí wá, ɔlebláa amó obée, “Mli fěé mliyaa asu amlinu ínɪ asi! 15-16 Megyí tóá ɔha tegyi tɔkpóí mu Bulu ansító. Mboun móá itedáli tsu mu onó.†”

17 Bréá ɔlenatí sí ɔdɔm amu yó wóyító a, mu akasípó amu befíté mu yébi anfi asi. 18 Ɖlele mú onó obée, “Mli é mlitamanú asón asi? Mlímeyín aní tóá itowíé ɔha onó tamakpóí mu Bulu ansító? 19 Tsúfě megyí mu klɔntɔ itowíé, mboun mu iputo itowíé, ɔteyéle mú wá ɔkpɔntɔ.” (Yesu léle mótó pósúná aní atogyihe kugyíku iwí letin.)

20 Inu ɔlebláa amó obée, “Tóá itedáli tsu ɔha klɔntɔ tɔkpóí mu Bulu ansító. 21 Tsúfě ɔha klɔntɔ ágywun laláhe kugyíku tedáli tsu. Mútehá mu ɔtɔwá atsi móa ayin asón, otowí ató, ɔtómó ɔha, ɔtótó mbua, 22 ɔtɔwá ɔnsipe, ɔtɔbwé laláhe, ɔtemlé ahá, ɔtɔwá hakpan, ɔtɔwá olu, otetsii ɔha, ototsú iwí, ɔtɔbwé mimlála. 23 Ɖha klɔntɔ, atɔ laláhe anfi fěé itedáli tsu. Mótɔkpóí mu ni.”

Ɖtsi Ɖkwa Omegyí Yudayin Hógyi

(Mateo 15:21-28)

24 Yesu lénatí inu yó Tiro nsáinto. Ɖlɔyóswí wóyí kɔtɔ. Omedéklé obée ahá bobú aní maba inu, támé ɔmetalí njáin mu iwí. 25 Ɖhe laláhe bu ɔtsi ɔku mu bi tsíhétó. Olenya nú Yesu nka alí, ɔlɔwa ɔsa bɛda akpawunu mu ayabito. 26 Griikiyintse ɔtsi ánfí gyí. Bɔkwí mu Siro Foenike ɔsolósu. Olokokóli Yesu obée, ogyáa ɔhe laláhe amu le mu bi ámu to. 27 Támé Yesu lébláa mu obée, “Ha nyebí ámu abwmwe asa, tsúfě uma alá fɔswí nyebí atogyihe póhá akíai.”

28 Ɖtsi ámu léle mú onó obée, “Owíé, ubu mótó alí, támé akíai aní buda ɔpónú ámu asi é butegyí nyebí atogyihe mpupubiá itekpákpa bun amó ɔpónúasi.”

29 Mú Yesu lébláa mu obée, “Fabí lé mú onó. Mó su natí, ɔhe laláhe amu ladáli fú bí tsíhé ámu to.”

30 Bréá ɔtsi ámu lóyɔ wóyító a, olowun aní ɔhe laláhe amu ladáli mu bi ámu to, alási ɔda mpású.

* 7:11 Koban asi gyí, napókíé Bulu. † 7:15-16 Mótó yéé 16 bu nwojó dada amu akoto: Ɖhagyíɔha aní ɔbu asu, onúu!

Yesu Létsa Isvtín Okvá Otamatási Wankláán

³¹ Yesu lénatí Tiro inu yó Sidon yóbomlí kplí ba Dekapoli† awúlu amu nsainto asa oléladú yó Galilea opu onó. ³² Bapu isvtín oku ba mu, otamatáli tói wankláán. Bokokóli mu bee, opu ibi duka musu. ³³ Múú olekpa oyin amu ya ifóntó, pú mu asrebi wá oyin amu asoto, olotu atsonó dínká mu osrebisu, púdá oyin amu odandusu. ³⁴ Inu olotsu ansí fóa kí asósú, lón oné fú. Múú olebli obée, “Hefata.” Hebri oblító. Mú asi gyí, “Finki.”

³⁵ Inonu mu asu lefinkí, mu odandu é lesankí, olotoi wankláán. ³⁶ Múú Yesu léda ahá amu olá kpákpáákpa obée, bumábláa ohaa. Táme tsé dódódúdá oléda amú olá á, alí kén beda asón amu okan nu. ³⁷ Onó lehie bwíé amú, bebli bee, “Alabwé tógyító wankláán. Alahá asvtín bude asón nu, amúmu é budetói.”

8

Ahá Mpím-na Atogyihe Ha

(Mateo 15:32-39)

¹ Nke amuto á, odam kpankpankpani betrá befia Yesu wá. Amú atogyihe leta. Mú su Yesu léti mu akasípú, bláa amú obée, ² “Ahá ánfí asón de mí nwe wa. Nde eke sáásí opa bubuo mi. Butráa buma tótóá bégyi. ³ Ní nehá amú bapu akón náti báyó wóyí á, ansító béyébi amú okpató, tsúfé amótó aku okpa bu ifó.”

⁴ Múú akasípú amu befité mu bee, “Nkónú abénya atogyihe há ahá ánfí fée bégyi mwe dimbí ánfísu.”

⁵ Yesu léfité amú obée, “Bodobodo afini mliwu?”

Bele mó onó bee, “Asienó.”

⁶ Yesu léha odam amu betsiá osólótó. Múú olotsu bodobodo asienó amu, dá Bulu ipán, olebiabía mótó há akasípú amu beye mó há amú. ⁷ Bubu ntsutso iye bwáhé kpalobí ku é. Yesu lóyulá mósú, olapu mó é há akasípú amu, beye ha amú. ⁸ Amú fée begyi mwe. Akasípú amu botási isianhe bólá alakpá yilé asienó. ⁹ Ahá amú bóbwe fé mpím-na (4,000), Yesu lési amú okpa. ¹⁰ Inonu mva mu akasípú bodu wíé oklontó ba Dalmanutafó osólósu.

Farisifo Bodunká Ofúla

(Mateo 12:38-42; 16:1-4)

¹¹ Farisifo bonu ání Yesu laba inu, beba bude mu asón fité. Bebláa mu bee, obwée osúna pusuna amú ání lélé otsú Bulu wá. ¹² Yesu lólon oné fú. Múú olefité amú obée, “Ntogyi só mli ndemba-abí mlidé osúna dúnká amliwun? Mbláa mli onokwalí. Mmáobwe osúna kuku súná mli!”

¹³ Inu olenati sí amú, yó du wíé oklontó, fá opu amu yó mó obin.

Farisifo Pó Owíe Herode Bodobodotu-afá

(Mateo 16:5-12)

¹⁴ Yesu akasípú amu bumekáin tsú bodobodo kítá. Ipin kole pé bu oklon amuto. ¹⁵ Bréá buđin ntsu amusu báyó á, Yesu léda amú olá obée, “Mliki wankláán Farisifo pú omású ogyípú Herode bodobodotu-afású.”

¹⁶ Akasípú amu befité aba bee, “Bodobodo amúú anumédé amu só ode asón ánfí blí lóó?”

¹⁷ Yesu lónu asón ání budebli. Múú olefité amú obée, “Ntogyi só mlidébli mlihaa, mliuméde bodobodo? Mú su oklontó bu mli odwin mli é? ¹⁸ Mli ansibi tamawun ató, mli asu é tamanú asón? Mlitamakáin asónsú? ¹⁹ Bréá neye

† 7:31 Dekapoli asi gyí awúlu dú.

bodobodo apin anu ámu há ahá mpím-nu (5,000) á, isíanhε alakpá afinu mlílótásí?”

Bele mú onó bεε, “Dúanyo.”

²⁰ “Bodobodo apin asienó ámú neye ha ahá mpím-na ámu é mé, isíanhε alakpá yilé afinu mlílótásí?”

Bele mú onó bεε, “Asienó.”

²¹ Inu Yesu léfité amó obéε, “Imokówánkí mli kí?”

Ansibi Obwiepú Oku Ansibi Bwii

²² Yesu mva mu akasípú beba Betsaida wúluto. Aha aku bekpa ansibi obwiepú oku ba. Bobwii ipa há mu bεε, opúu ibi da mu, otsa mu ilo. ²³ Yesu lékitá ansibi obwiepú ámu ibi, kpá mu dáli wúlu amuto. Inu olotu atsonó dínká oyin ámu ansibisú, pú ibi dínká musu. Múú òlefíté mu obéε, “Fude ató wúun?”

²⁴ Ansibi obwiepú ámu lótsu nwun fúá kí, òleblí obéε, “Nde anyánpúsa wúun, táme bogyi fé nyí buna.”

²⁵ Inu Yesu létrá pu mu ibi dínká mu ansibisú. Oyin ámu lóbwii ansibi kí a, mu ansibi lawá alé, òde tógýtó wúun wankláán ngya. ²⁶ Yesu léyinkia mu sísí wóyító obéε, “Nati laa ya wóyí. Mátepi wíé wúlu amuto kóráá.”

Ohá Aní Yesu Gyí

(Mateo 16:13-20; Luka 9:18-21)

²⁷ Yesu mva mu akasípú amu benatí inu bogyó Kaesarea Filipi awúluso. Bréá buna okpató á, òlefíté amó obéε, “Ma ahá bεε ngyi?”

²⁸ Bele mú onó bεε, “Aku bεε, fógýí Asú Obopó Yohane. Aku bεε, Bulu onósú atáipú Elia. Aku é bεε, Bulu onósú atáipú amuto oku.”

²⁹ Múú òlefíté amó obéε, “Mli é mé? Mlia mígyí ma?”

Petro léle mú onó obéε, “Fógýí Kristo, ohá ámúú Bulu ladá mu ofúli amu nu.”

³⁰ Inu òleda amó òlá obéε, “Mlimábláa ohaa mí iwí asón ánfí.”

Yesu Iwiasin Pú Mu Lowu Iwí Asón Blí

(Mateo 16:21-28; Luka 9:22-27)

³¹ Inu Yesu léfi asi òde asóntó le súná amó obéε, “Ilehían ání mí, Nyankpúsa-Mu-Bi ánfí néhιe wun iwiasin tsotsotsó. Yudafó ahande, Bulu igyí ahapó dehen pú Mose mbala asunápú féé bekiná mí bεε, megýí mígyí Kristo amu. Bómó mí, táme Bulu obélakúsóa mí tsú afúlitó nkensá oma.”

³² Omopu asón ánfí nájín amó. Mú su Petro létí mu ya itsétó yéka mu itin obéε, omátrá blí ali. ³³ Inu òledamlí kí akasípú amu, òlakplón wa Petro obéε, “Satan, nati tei mísú! Megýí tóá Bulu dégywúin fudegywúin, anyánpúsa klé fudegywúin.”

³⁴ Inu òleti òdom amu pú mu akasípú ba mu iwí wá. Múú òlebláa amó obéε, “Ní oku dékléá obóbuo mí á, osíí tóá otekle bwe, otsu mu oyikpalíhε bobuo mí. ³⁵ Tsúfé ní oku léprí mu nkpa á, obóhulí mú. Ní oku é lóhulí mu nkpa mía Bulu ason wankláán ámúsu á, Bulu obóhó mu nkpa. ³⁶ Ní oku onyá oyító ató féé, táme ohúli mu òkláa a, labi mómú ilowa há mu? ³⁷ Ntéε ntó oha obétali pútse mu nkpa? ³⁸ Tsúfé ní oku onyá mía mí atosunáhé péli ndemba-abí laláhéá badámlí oma há Bulu ansító á, mí, Nyankpúsa-Mu-Bi ánfí é nénya mu péli bréá mía Bulu-abopu wánkíhé amu aniná mí Sí numnyamto abá.”

9

¹ Yesu lóyo mu tóisu obéε, “Okwáli nde mli bláa. Aku bobu mlito nfi bumóowu, yófun bréá bawun ání Bulu iwíegýí amu ina túmisu íbá.”

Yesu lwitsée

(Mateo 17:1-13; Luka 9:28-36)

² Nkensié oma a, Yesu lékpa Petro, Yakobo mva Yohane, mva amónyo bɔɔv yó ɔbu kusɔ amó nkule. Inu Yesu létse amó ansító. ³ Mv atadie ledamli futútúútú, ide ogyá kpa. Tɔtɔ ma ɔsulúv anfisúv íbétali bwé mó íbófulí ali. ⁴ Inu Elia mva Mose bele iwí ɔwan, amóv Yesu buɔɔtɔí. ⁵ Múv Petro lébláa Yesu ɔbée, “Osunápó, ɔbu aláv abétsiá nfi. Ha ada abú asa. Fú klé kule, Mose klé kule, Elia é klé kule.” ⁶ Ifú lehie kítá Petro mva mv aba ámv ɔvbi. Mú sv omowun asón ání ɔbli.

⁷ Inu agyinde kv lobobun amósó, ɔme kv ledali tsu mótó ɔbée, “Ŋni gyí mí Bí ɔɔwepó ní! Mliyaa asv amlinu mv asón!” ⁸ Inu belakti, táme bometrá wun ɔhaa ɔvɔv Yesu nkule.

⁹ Bréá buɔɔe ɔbu ámv kplí á, Yesu léda amó ɔlá ɔbée, “Mábláa ɔhaa t́á bayóvun, yófvn ekeá Bulu ɔbókúvóv mí, Nyankpúsa-Mv-Bi ánvfi tsú afúlitó.”

¹⁰ Asón ánvfi lesin amó nwuntó, betsiá fíté aba bee, “Kúvó tsú afúlitó ánvfi asv mé?” ¹¹ Inu befíté Yesu bee, “Ntogyi só Mose mbli asunápó amv bee, ilehián ání Elia obéyinkí bá asa Kristo amv ɔbéba?”

¹² Ɔlele mó ɔvɔ ɔbée, “Ŋvɔkwali igyi, ání Elia obégyankpá bá bela tógyító yáí wankláán. Mú ntogyi só Bulu asv wanlínhé amv kén lébli tsú mí iwí ɔbée, mí, Nyankpúsa-Mv-Bi ánvfi néhie wun ipian, ahá bósúpáa mí? ¹³ Nde mli bláa mbée, Elia layinkí bá dodo. Ahá ɔɔbwe mv alá buɔɔdeklé, fé alá bɔwanlín wá Bulu asón ámvɔtɔ.”

lɔ Didahé Ɔlɔpó Tsa

(Mateo 17:14-21; Luka 9:37-43a)

¹⁴ Bréá beyinkí bowie akasípó atráhe amv wá á, bowun ání ɔɔm kpɔnkpɔnkpɔnti bafia bomlí amó, Mose mbli asunápó akv buɔɔe akasípó amv nwéen gyí. ¹⁵ Bréá ɔɔm amv bowun Yesu a, ɔlɔwa amó wánwan, besrí yéfia mv, há mv aye. ¹⁶ Yesu léfité mv akasípó amv ɔbée, “Amansv mliá amónyo mlíɔébiti?”

¹⁷ Ɔɔm amvɔtɔ ɔkv léle mó ɔvɔ ɔbée, “Osunápó, nekpa mí bí yínhé ba fu mbée afvtsa mv ɔlɔ. Ɔhe laláhe lahá ɔtamátóí. ¹⁸ Brégyíbréá ɔhe laláhe amv ɔba mvsv á, ɔtɔwósv mv, fin mv dá ɔsulótó. Mv ɔvɔ tɔbwé afu, ɔtɔwí ayín, ɔtesinsin. Nebláa fú akasípó mbée, bgyáa ɔhé ámv le mɔtɔ ha mv, táme bvmetalí.”

¹⁹ Yesu lébláa amó ɔbée, “Nɔemba-abíá mli má hógyi, alí nétsiá mli wá yó ní? Yófvn ɔmenke nnyá klvɔv ha mli? Mlikpa kebi ámv ba mv!” ²⁰ Bekpa kebi ámv ba Yesu.

Ɔhe laláhe amv lénya wun Yesu ali, ɔlɔwvsóv kebi ámv fin mv dá. Odemináa, mv ɔvɔ é ide afu. ²¹ Yesu léfité obí mv sv ámv ɔbée, “T́sú bré mɔmɔtɔ ɔlɔ ánvfi lefi asv?”

Ɔlele mó ɔvɔ ɔbée, “T́sú mv nyebitɔ ɔpá. ²² Itatswí mv wá ogyá ḿv ntsu aná féétó, itekléá ɔbómó mv, táme ní fétalí bwé tɔkv tsú mó iwí á, wun anu nwe afogyi anu bvale.”

²³ Yesu léfité mv ɔbée, “Blí fɔɔe fée, ní nétalí? Tógyító lɔpɔv ha ohógyipv.”

²⁴ Inu obí mv sv ámv lókplvɔv blí ɔbée, “Nohogyi, táme mí hógyi mɔtsó. Gyí mv bvale, mí hógyi imoní!”

²⁵ Bréá Yesu lóvun ání ɔɔm amv bvtaráa bvsrí bebá á, ɔlɔkplvɔv wa ɔhe laláhe amv ɔbée, “Fú ɔɔdandubiabíá ḿv ɔvɔtín ɔhé, dali kebi ámvɔtɔ. Mátrá wie mɔtɔ ekekeke!”

26 Ɔɛ laláɛ amu lósurá okitikíti kóklókóú, ìlètrá wusúu mu nyányányányáa, ìledali mutò. Ɔɛ lèta mu. Mú su ahá ámutò akú beblí beɛ, “Alawú.” 27 Táme Yesu lékítá mu ìbi tsú mu fúá, òlòkúsú líí.

28 Mú ɔma, bréá Yesu mu akasípú amu nkole bubu wóyító a, befité mu beɛ, “Ntogyi só aní mú anímétalí gya ɛɛ laláɛ amu dáli kebi ámutò?”

29 Mú ɔlebláa amú ɔbéɛ, “Iní odu mú á, nkéti mpá* pé mlétalí pógya mú.”

Yesu Lowu Iwí Asón Blí Otse Nyɔɔsi

(Mateo 17:22-23; Luka 9:43b-45)

30 Bréá Yesu mu akasípú amu benatí mu á, bɔtsun Galilea ɔsolúsu, támɛ Yesu mékléá ɔhaa ɔbí ɔtínéá mubbu. 31 Tsúfé ɔde akasípú amu ató suná ɔbéɛ, “Béle mí, Nyankpɔsa-Mu-Bi ánfí há adón bómó mí, támɛ Bulu ɔbélakúsóa mi eke sáásí.”

32 Akasípú amu bɔmonu mú asi, ifú é de amú aní befité mu.

Ma Ɔbóbwe Ɔhandɛ?

(Mateo 18:1-5; Luka 9:46-48)

33 Beba Kapernaum wúluto. Bréá bowie wóyító á, Yesu léfité amú ɔbéɛ, “Ntò nwéɛn mlídegyí ɔkpatò?”

34 Bekpa ɔnó bun mósú, tsúfé ihandɛ budepríi. 35 Yesu létsiá asi, ɔlèti akasípú dúanyɔ ámu, ɔlebláa amú ɔbéɛ, “Ní mlíto ɔku dékléá ɔbóbwe mlí nkpa ogyápu a, ɔbwéɛ mu iwí ɔma ogyápu pó mlí f́é ɔsúmpú.” 36 Inu ɔlekpa kebi ɔku belí amú ansító, látá mu pútá, ɔlebláa amú ɔbéɛ, 37 “Ɔhagyíɔha aní ɔlòhò kebiá ogyí alí mí dátó lahò mi. Ɔhagyíɔha aní ɔhò mi á, megyí mí ɔlòhò, mbouñ ɔhá ámutò ɔlòwa mí ámu.”

Aní Obúopu

(Luka 9:49-50)

38 Yohane lébláa Yesu ɔbéɛ, “Osunápú, anilówun oyin ɔku dépu fú dá gya ɛɛ laláɛ, anuléka mu tin, tsúfé ɔma aníto.”

39 Táme Yesu lébláa amú ɔbéɛ, “Mlumáka mu itin! Tsúfé ɔhaa má muvá ɔbóbwe ofúla mí dátó, láblí mí iwí asun laláɛ. 40 Tsúfé ɔhá aní ɔmòkúsú líí anísu buo aní. 41 Ɔnòkwali nde mlí bláa mbéɛ, ní ɔku ɔhá mlí ntsu-owebi mlonu, mí dá aní idin mlísu su á, ɔmóɔholú mu ipán.

Ɔha Kpa Wá Lakpanɔ

(Mateo 18:6-9; Luka 17:1-2)

42 “Ní ɔku léha ahá ánfí bɔmòkódan mísú hógyitò ánfíto ɔku lóbwe lakpan á, ní beɔa nfúókwebu síán mu ɔmetò, tswi mu wá ɔputò pó á, ìbu alé ðun. 43-44 Ní fú ìbi kule téhá fútòbwé lakpan á, ka mú le! Ìbu aléá f́pu ìbi kule nyá nkpa aní itamatá, ðun aní f́pu ìbi anyɔ wíé ɔsubítí ogyá aní itamaduntò.† 45-46 Ní fú yabi kule téhá fútòbwé lakpan á, ka mú tswi tsalífwi! Ìbu aléá f́pu yabi kule nyá nkpa aní itamatá, ðun aní f́pu ayabi anyɔ wíé ɔsubítí ogyá aní itamaduntò.† 47 Ní fú nsibi téhá fútòbwé lakpan á, loti mú le. Ìbu aléá f́pu nsibi kule wíé Bulu iwíegyi ámutò, ðun aní f́pu ansibi anyɔ wíé ɔsubítí ogyá aní itamaduntò. 48 Ɔtínéá mu anyambi butamawú, mu ogyá é itamadun.

49 “Tsúfé b́pu ogyá tun ɔhagyíɔha iwí, f́é alíá butòpò nfólí tun afòɔie iwí.

50 “Nfólí bu ɔdwe, támɛ ní itá ɔdwe á, ntò bélapówá mú ɔdwe?

“Mlíha ɔdwe itsia mlíto f́é nfólí, iwílwii itsia mlíha mlí aba nsíné.”

* 9:29 Mpá móa ɔnókí bu nwólò dada amu akoto. † 9:43-44 Mótó yéé 44 móa 46 belian 48, támɛ uma nwólò dada amu akoto. ‡ 9:45-46 Mótó yéé 44 móa 46 belian 48, támɛ uma nwólò dada amu akoto.

10

Okákiná Iwí Atosundhé

(Mateo 19:1-12; Luka 16:18)

¹ Yesu lókú só tsú inu yó Yudea omátó, Yordan ntsu obun. Odóm betrá befia bomlí mu, oletrá suná amó ató fé alíá otobwé yáí.

² Farisifó ako beba mu wá, bodekléá bósó mu kí. Mú su befité mu beε, “Ani Mbla leha okpa ání oyin obétalí kíná mu ka?”

³ Yesu léfité amó obéε, “Nkálí aní náin Mose lówa mbla há mlí?”

⁴ Beε mu onó beε, “Mose léha okpa ání oyin owánlín okákiná owoló púkína mu ka.”

⁵ Yesu lébláa amó obéε, “Mlí klontó-odwin só Mose lówanlín mbla ánfí há mlí. ⁶ Tsú bréá Bulu léle oyí á, ot sí múa oyin ólóbwe. ⁷ Iní su oyin obótu sí mu sí mva mu yin yémantá mu kasu, ⁸ amó abanyó bóbwe oyilúv kule ní. Botráa bomegyí abanyó, mboúin babwé obakóle. ⁹ Iní su ahá ání Bulu labwé amó ikule a, ohaa mámaín amó abasu.”

¹⁰ Bréá beyinkí ba wóyító a, Yesu akasípó amu betrá fité mu asón tsú asón ánfí iwí. ¹¹ Yesu lébláa amó obéε, “Ní oyin okíná mu ka láyétsiá ot sí bábmbá á, alató mbua. ¹² Alí kén ní ot sí okíná mu kulu láyétsiá oyin bábmbá á, alató mbua ní.”

Nyebi Yula

(Mateo 19:13-15; Luka 18:15-17)

¹³ Aha aku bekpa nyebi ba Yesu beε, oþúv ibi dinka amósó, táme mu akasípó amu bowa iyin wá amó. ¹⁴ Bréá Yesu lówwun a, oból lekitá mu. Mú ólebláa akasípó amu obéε, “Mliha nyebi ámu okpa abuba mí wá. Mlimátin amó okpa, tsúfé ahá ánfí odu bó Bulu iwíegyi ámu ní. ¹⁵ Onokwalí nde mlí bláa. Ohá ání omohó Bulu iwíegyi ámu fé kebi á, omóowie mótó.” ¹⁶ Mú ólelatá amó pútá, pó ibi dindínka amósó, oloyulá amó á.

Atonyahé Iwí Atosundhé

(Mateo 19:16-30; Luka 18:18-30)

¹⁷ Bréá Yesu lópv okpa oyó á, oyin oku lésrí ba beða akpawunu mu ayabito fité mu obéε, “Osunápó yilé, ntó nóbwe asa nénya nkpa ání itamatá?”

¹⁸ Yesu léfité mu obéε, “Ntogyi só fode mí tí oha yilé? Ohaa mégyí oha yilé, nkéti Bulu nkule. ¹⁹ Yéε fuyin Bulu mbla ámu dodo? Obéε, máma oha, máto mbua, máwi ató, máka asón dínká fú básó, másisii oha, bu fú sí mva fú yín.”

²⁰ Oyín ámu lébláa mu obéε, “Osunápó, tsú mí nyebito oþá nde iní féésó gyí.”

²¹ Yesu léki mu díin, mu asón lówa mu odwe. Mú ólebláa mu obéε, “Ilasí tokukuleá fóbwe. Yéfé fú iwísu ató féé, afuye kóba amu ha ahíánfó, méni fénya siadiε osósó. Fóbwé mú tá á, ba afubobuo mí.” ²² Bréá oyin ámu lónu asón ánfí á, iwí lowu mu. Mú su olenatí díin, tsúfé ohíε obv ató.

²³ Yesu léki bomlí, olebláa mu akasípó amu obéε, “Ibéhiε wá onlun asa iwí onyapó obówie Bulu iwíegyi ámutó!”

²⁴ Bréá akasípó amu bonu asón ánfí á, onó lobwie amó. Táme Yesu lélabláa amó obéε, “Mí abí, Bulu iwíegyi ámutó wie íbéhiε wá onlun! ²⁵ Ilapón ha kpósó ání obótson obun-ató obótó, dón ání iwí onyapó obówie Bulu iwíegyi ámutó.”

²⁶ Asón ánfí leha onó lehiε bwíé amó. Mú su befité aba beε, “Mómó ma mee Bulu obóhó nkpa?”

²⁷ Yesu léki amó díin, olebláa amó obéε, “Tóá idun nyankpusa bwe mádón Bulu, tsúfé Bulu mú tetalí bwé tógyító.”

28 Mób Petro lébláa mu obée, “Yée aní mó anlasí tógyító tswi bobuo fu o!”

29 Yesu lébláa mu obée, “Onokwali nde mli bláa. Ohagyíha aní olesi mu wóyí, mu apíó, mu si mu ma mu yin, mu abí ntée mu osulúu omagyáa, mia mí asun wankláán ámu su á, 30 obélanyá mu wóyí, mu apíó, mu ayín, mu abí pú mu agyapade ámu odu tsé lafa séi. Bédinká musu é séi, táme obénya nkpa aní itamatá bré ámuú íbá ámuú. 31 Táme agyankpapu tsotsotsó béba bemlí amapu, amapu é béba bemlí agyankpapu.”

Yesu Lowu Iwí Asón Blí Otse Saasi
(Mateo 20:17-19; Luka 18:31-34)

32 Yesu mu ma mu akasípó amu bapu okpa bogyó Yerusalem wúluto, Yesu gyánpká. Ilowa amú wánwan, ifú lekítá ahá ámuú bobuo amú ámu. Mób okpa akasípó dúanyo ámu ya itsétó, oetrá bláa amú tóá íbéba musu. 33 Obée, “Mlinu! Ní awíé Yerusalem a, béle mí, Nyankpusa-Mu-Bi anfi há Bulu igyí ahapó dehen pú Mose mbala asunápó. Béha mí lowu ipón, pú mí wá ahá aní bomegyí Yudafó íbitó. 34 Bóbwe mí ahinlá, tú atsonó wólí mí, nwén mí mpli, mó mí, táme eke sáásí a, Bulu obókosúá mi tsú afúlitó.”

Shande Osúm Mu Aba
(Mateo 20:20-28)

35 Sebedeo abí Yakobo mu Yohane bokpokpé mantáa Yesu bláa mu bee, “Osunápó, anidékléá fobwée toku ha aní.”

36 Mób Yesu léfíté amú obée, “Ntó mlidéklé mlíaa mbwée ha mli?”

37 Bebláa mu bee, “Ha anito okole otsia fó gyopisu, okule é otsia fó binasu bréá Bulu ówá fó numnyam.”

38 Táme Yesu lébláa amú obée, “Mliméyín tóá mlidékoli! Mlétalí wun iwiasin ámuú neba bowun amu, ntée mlétalí wú lowu ámuú nówu ámu?”*

39 Bele mó onó bee, “Ee abétalí.”

Mób oelbláa amú obée, “Mlówun iwiasin ámuú neba bowun amu, wú lowu ámuú nówu ámu é, 40 táme nma túmi aní néle ohá aní obétsiá mí gyopi ntée binasu. Alí otsiákpá anfi mó ida gyo ahá ámuú Bulu lalá unu yái há ámu.”

41 Bréá akasípó idú atráhe amu bonu asón anfi á, Yakobo mu Yohane iwí lówa amú obló. 42 Yesu létí amú fée ba mu iwí wá, oelbláa amú obée, “Mliyín aní ahá aní butobú amúá bogyi omátófosu agyípú butehíé amú ahá, amú ahande é butenyá túmi amúsú. 43 Táme mlitó mó á, umába alí. Ohá aní odekléá obóbwe mlitó shande obwée mli fée okpábi. 44 Ní mlitó oko é dékléá obóbwe mli nkpa ogyápu a, obwée mli fée okpábi. 45 Tsúfé mí, Nyankpusa-Mu-Bi anfi é mmeba mbée, busúm mí. Ahá osúmkpá neba, ampu mí nkpa ho ahá tsotsotsó nkpa.”

Ansibi Obwiepó Oko Ilo Tsa
(Mateo 20:29-34; Luka 18:35-43)

46 Boyówie Yeriko wúluto. Bréá mu ma mu akasípó pú odom kpónkpónkpónti ámuú bobuo mu amu bodedali unu á, bowun Timeo mu bi Bartimeo. Mu ansibi labwíé, otsie okpató ode ató kulí. 47 Bréá olonu aní Yesu Nasaretyin amu détsúon a, olówa kplón bi obée, “Aní Wíe Dawid mu na Yesu, wun mi nwe!”

48 Amótó ahá tsotsotsó bokplón wa mu bee, okpá onó bun, táme mu mó oelakplón dun alí obée, “Aní Wíe Dawid mu na, wun mi nwe!”

49 Yesu lési líí, oelbláa amú obée, “Mliti mu ha mi.”

* 10:38 Mlétalí wun iwiasin ... wú lowu ámuú nówu ámu? Ntée Mlétalí nu ntá neba bonu ntée há bóbó mli asú ámuú neba bóbó ámu?

Bokpolí ansibi obwiepú ámu, bebláa mu bee, “Fó klon idí fó asi, afokusu ba. Ǿde fó ti!”

⁵⁰ Inu oyin ámu lótswi mu Ǿsósú atadi tsálífwí, wáan kusú ba Yesu wá.

⁵¹ Yesu léfité mu Ǿbéé, “Nto fudeklé fee mbwée ha fu?”

Inu ansibi obwiepú ámu lébláa mu Ǿbéé, “Osunápó, ha mí anwun ató!”

⁵² Inu Yesu lébláa mu Ǿbéé, “Nati, fó hógyi latsá fó ilo.”

Inunu mu ansibi lobwíí, Ǿlekplá buo Yesu.

11

Bəhə Yesu Fə Owie Yerusalem

(Mateo 21:1-11; Luka 19:28-40; Yohane 12:12-19)

¹ Bréá bowie Betfage móa Betania, awúlu ání ibu Nfə-nyíbu ámu* asi, batá Yerusalem wie tá á, Ǿlwa mu akasípó abanyó gyankpá. ² Ǿbéé, “Mliyo wúlu anfi ida mli ansító ánfítə. Ní mlowie wúlu amu Ǿnó á, mlówun afrímú kanáhe Ǿku da Ǿfétó, Ǿhaa mókótsiá musu ki. Mlisanki mu, amlikpa mu ba mi. ³ Ní Ǿku Ǿfíté mli Ǿbéé, ‘Ntogyi só mli dé mu sankí?’ á, mlibla mu mliaa, ‘Ani Wíe dé mu hián. Obéyinkia mu ba séi.’ ”

⁴ Bəyo á, bəyótu afrímú ibí ámu da Ǿfétó wóyí ámu Ǿnó Ǿkpabá. ⁵ Bréá bude mu sankí á, aha akvá bulí inu befité amú bee, “Ntogyi só mli dé afrímú ibí ámu sankí.”

⁶ Bele mó Ǿnó ali ámuó Yesu lébláa amú ámu pépéépé. Besi amú; akasípó amu besankí mó. ⁷ Bekpa afrímú ibí ámu ba Yesu. Beyai amú atati dínká musu, Ǿlodu bian musu. ⁸ Amótó ahá tsətsətsə beyai amú atati tswi Ǿkpato, aku é bebiabia afitáa bunbun Ǿkpa ámusu. ⁹ Ahá ámuó bəgya Yesu nkpá móa Ǿma amu bəsurá okitikiti bee, “Hosiána! Bulu oyúla Ǿhá ánfí Ǿbá aní Wíe dátó ánfí! ¹⁰ Bulu oyúla aní náin Dawid iwíegyi ámuó íbá ámu! Hosiána bu Ǿsósúósú!”

¹¹ Bréá Yesu lówie Yerusalem a, Ǿlwo Bulu Ǿswékpá, Ǿlwa ansí ki tógyító wunsínésú inu wankláán. Owí lapən. Mó su muu mu akasípó dúanyo ámu beyinkí yó Betania wúluta.

Pəntə Oyí Lwí

(Mateo 21:18-19)

¹² Ǿyi kehe bréá beyinkí tsú Betania bebá á, akón de Yesu. ¹³ Olowun pəntə kuá ilahíe pói sísi, ilí mantáa Ǿkpa. Ǿlwo yéki bee obénya ku mótó. Táme olowie mó asi á, afitáa sósón bu mósú, tsúfé oyí ámu swiebí məkófun.

¹⁴ Inu Ǿlebláa oyí ámu Ǿbéé, “Tsú nde pýa a, Ǿhaa méétrá gyi fó abi swiehé.” Mu akasípó amu é bonu asón ánfí.

Ibia Agyipó Gyda Le Bulu Ǿswékpá Wunsínésú

(Mateo 21:12-17; Luka 19:45-48; Yohane 2:13-22)

¹⁵ Bréá bowie Yerusalem a, Yesu lóyo Bulu Ǿswékpá wunsínésú. Inunu Ǿlwa ató afepó pó ató ahópu amu aná féé gyáa dalí inu bi. Olowuwíta kóba atsépu mpónú dá, fúnsúnki abróduma afepó mbíá dá. ¹⁶ Ǿmeha ató Ǿfepó Ǿkoku Ǿsura mu ato séhé ka tsun Ǿswékpá wunsínésú inu kóráá. ¹⁷ Olosuná amú ató Ǿbéé, “Buməwanlín wá Bulu asun wanlínhé amuto bee, ‘Béti mí Ǿswékpá bee, Ǿmá féé mpái Ǿbəkpa?’ Táme mli lapó inu mli awikplu Ǿhainkpá.”

¹⁸ Bréá Bulu igyi ahapó dehen pó Mose mbli asunápó amu bonu tóá alabwé á, bodunká Ǿkpa ání bótsun mósú mó mu. Benya ifú, tsúfé mu atosunáhé amu leha Ǿnó lobwie Ǿdam amu.

* **11:1** Nfə-nyíbu igyi obubwí kuá ibu mantáa Yerusalem, bətətí mó Olifbu.

19 Bréá owí lɔpɔn a, Yesu mwa mu akasípó bedalı wúlu amuto.

Hógyi Iwí Atosundhé

(Mateo 21:20-22)

20 Bréá budetsóon nyanki a, bowun ání pɔntɔ oyí ámu ilawú tsú mó ɔsó beyi así. 21 Inu Petro lékain asón ání Yesu lébláa pɔntɔ oyí ámu. Múú ɔlebláa Yesu ɔbéé, “Osunápó, ki, pɔntɔ oyí ámuó fɔlwi ámu ilawú!”

22 Yesu lébláa amó ɔbéé, “Mliho Bulu gyi. 23 Onɔkwali nde mli bláa, ɔhagyíɔha ání ɔbébláa ibu ánfí ɔbéé, ‘Púli yowie ɔputɔ’, omegyí nwéen mu klɔntɔ, olohogyi ání asón ámuó mablí ámu íbɛba mótɔ á, íbɔpulí yó. 24 Inu su nde mli bláa mbéé, tógýítá mlɔkólí Bulu á, mlihogyi ání mlilanyá mó dodo. Mli íbɛ bédá mó. 25-26 Ní mlilí mlidé mpái bɔ, ɔku asón bu mli klɔntɔ á, mlisi ɔhá ámu lakpan kie mu, méni mli Sí ámuó ɔbu ɔsúsú ámu é obési mli klé kíé mli.†”

Yesu Túmi Iwí Asɔn Fitéhé

(Mateo 21:23-27; Luka 20:1-8)

27 Yesu mwa mu akasípó amu bɛtrá yinkí ba Yerusalem. Bréá ɔna odeki Bulu ɔswékpa wunsínésú inu á, Bulu igyí ahapó dehen, Mose mbla asunápó pú Yudafo ahande amu bɛba mu wá. 28 Befíté mu bɛɛ, “Túmi mɔmu fódɛpɔbwé ntobí ánfí? Ma léha fú túmi ámu?”

29 Yesu lélé mó ɔnó ɔbéé, “Nfíte mli asɔn kua kɔle. Ní mlélé mó ɔnó há mí á, mí é nébláa mli túmi oduá ndɛpɔbwé ntobí ánfí. 30 Bulu wá Asú Ɔbɔpú Yohane lénya túmi póbó ahá asú lóó, ntéɛ nyankpɔsa? Mlibla mi!”

31 Amó wɔlewɔle bɔyɔ asón ánfítɔ bɛɛ, “Ní ablí aniaa itsú Bulu wá á, ɔbéfíté aní ɔbéé, mó ntogyi só mlímóhɔ mu gyi? 32 Ntéɛ ablí aniaa itsú anyánpɔsa wá?” Táme bɔde ahá ámu ifú nya, tsúfɛ amó fɛé bohogyi ání lélé Bulu ɔnósú ɔtɔípú onutó Yohane gyí. 33 Mú su bɛle mó ɔnó bɛɛ, “Ohwée! Anuméyín ɔtínéá olenya mu túmi tsú.”

Múú Yesu é lébláa amó ɔbéé, “Mómó mí é mméɛbláa mli túmi oduá ndɛpɔbwé ntobí ánfí.”

12

Apafo Laláhe Akv

(Mateo 21:33-46; Luka 20:9-19)

1 Yesu lówa amó asón bláa ayébitɔ bi. Ɔbéé, “Oyin ɔku lódo wáin ndɔ. Olegyi íban bómlí mó. Olokwi wáin amu onyimékpá, ɔlɔpwe obu fúháhe ku há ndɔ ámu agyópu. Múú ɔlɔpu ndɔ ámu wá apafo íbitɔ, olotu ɔkpa.

2 Bréá wáin-abí ámu kpɔtíbi lɔfun a, ɔlɔwa mu osúmpú apafo ámu wá ɔbéé, ɔyóhɔ mu ogyíkpá ba mu. 3 Táme apafo ámu bekítá mu, dá mu, gya mu sísí íbikpan. 4 Ndɔ mu wie amu létrá wa mu osúmpú nyɔɔsi amó wá. Apafo ámu bɛda mu é, pílan mu nwuntɔ, sópa mu. 5 Ɔlɛtrá lawá ɔbambá. Mu mó á, bɔmɔ mu. Alí kén bɔbwe atráhe é ní. Bɛda akv, mó akv é. 6 Ilesi mu onutó mu bi ɔkule péá ɔtamatsúlá musu. Ɔki ɔbéé, bóbu mu mó. Mú su ɔlɔwa mu é. 7 Táme apafo ámu bɛblí bɛɛ, ‘Ɔni obégýi mu sí ató ní. Mliha amɔ mu, méni ndɔ ámu íbémli aní klé.’ 8 Mú su bekítá mu, mó mó, tswi mu dálí ndɔ ámu.

9 “Ɛkéá ndɔ mu wie amu ɔbá á, ntɔ mlilahogyi mliaa ɔbóbwe apafo ánfí? Ɔbéha bɔmɔ amó. Ɔbélapú ndɔ ámu wá apafo bámbá íbitɔ. 10 Ntéɛ mlumókúkla Bulu asɔn wanlínhé amu ki? Bɔwanlín bɛɛ, ‘Ibwi ámuó obu ayípu bekiná ámu

† 11:25-26 Mótó yéé 26 bu nɔwóló dada amu akotɔ: Táme ní mlumésikíé ahá a, mli Sí ámuó ɔbu ɔsúsú ámu é oméésikíé mli.

lébemlí okonkísóbwi ní.

¹¹ Bulu lóbwε mú alí.

‘Ibú wánwan.’”

¹² Inu Yudafo ámu bekleá békítá Yesu, tsúfé bebí aní amó su alahá yébi ánfí, táme bode ɔdom amu ifú nya. Mú su benatí sí mu.

Lampóoka

(Mateo 22:15-22; Luka 20:20-26)

¹³ Oma a, bowa Farisifo pú Owíe Herode ahá bee, buyétetéé Yesu ɔnótó asón nu, abonya mu akítalé. ¹⁴ Bréá beba mu wá á, bebláa mu bee, “Osunápó, anyin aní ɔnɔkwalipu fɔgyi. Futamahá ohaa ɔtse fú agywun, tsúfé futamaki ohaa ansító. Mboún Bulu asón ámúú igyi ɔnɔkwali amu fodesuná. Mú su anidé fú fité anu. Aní mbla léha ɔkpa aní akáa lampóo ha Roma owíe dehen Kaesare, ntée animáka?”

¹⁵ Yesu lébi aní bukí ansí. Mú su ɔlefíté amó ɔbéé, “Apinabwébi abwepó, ntogyi só mlidé mí sɔɔ kí? Mlitsu kóba amu iku ba mi anki.”

¹⁶ Bɔpɔba mu. Múú ɔlefíté amó ɔbéé, “Ma nwun pú mu idá dín músó?”

Bele mú ɔnó bee, “Kaesare.”

¹⁷ Múú ɔlebláa amó ɔbéé, “Mómú mlipu tóá igyi Kaesare klé ha Kaesare, amlipu móa igyi Bulu klé é ha Bulu.”

Mu iwí lówa amó ifú.

Kusó Tsú Afúlitɔ Iwí Asɔn Fitéhé

(Mateo 22:23-33; Luka 20:27-40)

¹⁸ ɔpasua kvá bɔteti mú Sadukifo aku beba Yesu wá. Bugyi ɔpasua kvá bɔtebli bee, kusó tsú afúlitɔ ma inu. Befité mu bee, ¹⁹ “Osunápó, Mose lówanlín tswi aní ɔbéé, ‘Ní ɔku mva mu ka bɔmɔkwíí asa olowu sí mu ka ámu a, mu pio otsú mu ka ámu tsia, féki ɔkwu ha owupó ámu.’” ²⁰ Oyin ɔkole abí abasiénó aku betsiá. Amótó ogyankpapu létsiá ɔká, táme ɔmɔkwíí asa olowu. ²¹ Mu gyama lótsu ɔsɔrapuka amu tsía, táme mu é ɔmɔkwíí. ɔsaasi lótsu ɔtsi ámu tsía. Mu é ɔmɔkwíí. ²² Alu yótu osienósi amu. Amótó ɔkoku mɔkwíí asa olowu. ɔma-oma a, ɔsɔrapu amu é lóbowu. ²³ Afúli ɔkusóké a, amótó ɔmɔmu ɔbóbwe mu kulu? Tsúfé amó abasiénó ámu féé betsiá mu.”

²⁴ Múú Yesu léle mú ɔnó ɔbéé, “Megyí mli ológyi. Mliméyín Bulu asɔn wanlínhé amu ntée Bulu túmi. ²⁵ Tsúfé ní afúli bɔkósú á, bóbwe fé Bulu-abɔpu. Buméetsiá aká móa akúlu. ²⁶ Táme afúlikusó iwí mú á, yé mlilakla Mose ɔwoló, nú asón ámúú Bulu lébláa mu dimbísú bréá olowun oyíbi ku de ogyá tsií, táme imedéhó amu? ɔbéé, ‘Mígyí mli anáin Abraham mva Isak pú Yakob Bulu ámu ní.’” ²⁷ Inu ɔlebláa amó ɔbéé, “Megyí awupó Bulu ógyi, akiankpapu Bulu ógyi. Mli mú mlilafwí féé.”

Bulu Mbla Amúto Múa Idɔn

(Mateo 22:34-40; Luka 10:25-28)

²⁸ Mose mbla asunápó amúto ɔkole lóbowu amó inu, olonu asón aní bɔdebutí. Olowun aní Yesu lalé Sadukifo ámu asón ɔnó wankláán. Mú su ɔlefíté Yesu ɔbéé, “Bulu mbla amúto mɔmu dón?”

²⁹ Yesu léle mú ɔnó ɔbéé, “Bulu mbla amúto móa idɔn ní. ‘Israelfo, mlinu. Bulu ɔkole pé aní Wíe Bulu gyí. ³⁰ Mú su pu fú klɔn, fú ɔkláa, fú agywun pú fú ɔwonlín féé dwe fú Wíe Bulu.’” ³¹ Mú nyɔɔsi é gyí, ‘Dwe fú bá fé fú iwí.’ Mbla koku itráa ma inwá idɔn iní.”

³² Mbla osunápó amu lébláa Yesu ɔbéé, “Osunápó, fablí ɔnɔkwali. Aní Wíe Bulu nkole pé bu inu, ɔkoku trá oma inu. ³³ Apóu aní klɔn, aní agywun pú aní ɔwonlín féé dwe mu, adwe aní aba fé aní iwí. Idɔn mbwi tóhé pú afodié kugyíku.”

³⁴ Yesu lówun ání alabí lé asón ámu onó wankláán, òlebláa mu obée, “Foma ifó Bulu iwíegyi ámutò.”

Mó oma a, ohaa métrá wa klun fité mu asvansu.

Ma Gyi Kristo Amu?

(Mateo 22:41-46; Luka 20:41-44)

³⁵ Bréá Yesu dé ató suná Bulu otswékpa nwunsinésú inu á, òlefíté obée, “Nkálí sù Mose mbla asunápó amu betalí blí bée, Owíe Dawid mu na gyí Kristo, (ohá ámutó Bulu léda mu ofúli amu)? ³⁶ Tsúfè Ɔɲɛ Wankíhé léha Owíe Dawid onutó léblí obée,

‘Aní Wíe Bulu lébláa mí Wíe obée,

“Tsia mí gyopisu nfi

yófun bréá néha fetsatsáa fú alupósú.” ’

³⁷ Owíe Dawid onutó léti mu obée mu wie. Nkálí su otráa ogyi mu na?”

Asón ánti lówa odóm kpɔnkpɔnkpɔnti ámutó befia bomlí mu amu odwe, bɔpu ansigyí nú mu asón.

Mose Mbla Asunápó Tsiátó

(Mateo 23:1-36; Luka 20:45-47)

³⁸ Yesu léblí mu atosunáhé amutò obée, “Mlíki wankláán Mose mbla asunápósú. Butekle ligá wa náti kí, butekle bée, ahá bɔbún ha amú itsiá dinsu. ³⁹ Otsiákpá yilé butekle tsiá Yudafo ofiakpa pú nke ogyíkpá. ⁴⁰ Botesisi asorapu, swíi amú amú wóyí. Botepina bɔ mpái tɪntɪntɪn ahátò pɔbun amú lalahesu. Bulu obébití amú isu kínkíinkín!”

Ɔsorapu Ɔku Tswitswi

(Luka 21:1-4)

⁴¹ Yesu létsiá mantáa tswitswi dáka Bulu otswékpa inu, òde ahá kí bɔdepu amú tswitswi bɔwa mótó. Ahá ání amú ibitò bu odwin bɔdepu kóba akpɔnkpɔnti bɔwa. ⁴² Inu ɔsorapu ɔkúá oma tótò é lópu mu kóba-ana bɔwa dáka ámutò. ⁴³ Múú òleti mu akasípó amu ba mu wá, òlebláa amú obée, “Ɔnokwali nde mli bláa, tswitswiá ɔsorapu anfi oma tótò lawá á, idun ohagyíoha klé. ⁴⁴ Tsúfè atráhe amu fée á, amú kóba tsɔtsɔtsɔ balé kpalobí tsú bɔwa. Táme iníá ɔsorapu anfi mú má tótò su tóá obu fée alapó bɔwa á.”

13

Bulu Otswékpa Amu Bwie

(Mateo 24:1-2; Luka 21:5-6)

¹ Bréá Yesu lédalí Bulu otswékpa wunsinésú inu oyo á, mu akasípó amutò ɔkule lébláa mu obée, “Osunápó, kí mbu wankláán pú abwi akpɔnkpɔnti ánti bɔpuyi mú ánti akíle!”

² Múú òlebláa mu obée, “Yée fawun mbu akpɔnkpɔnkpɔnti ánti? Bóbwie mú fée bun. Ibwi kule kóráá méesian dúnká mú bású.”

Iwiasin Mba Ikplán

(Mateo 24:3-14; Luka 21:7-19)

³ Bréá Yesu tsie Nfo-nyibu ámusu, òde Bulu otswékpa mbu ámu kí a, Petro, Yakobo, Yohane muva Andrea nkule befité mu bée, ⁴ “Bla aní, bré mɔmɔtò iní fée béba? Osúna mɔmɔ é obéba, ibósuná ání mú bré lafon?”

⁵ Inu Yesu lébláa amú obée, “Mlíki wankláán, méní ohaa méemlé mli. ⁶ Ahá tsɔtsɔtsɔ bɔpu mí dá ba bée, amúgyí Kristo amu nu. Bémlé ahá tsɔtsɔtsɔ bɔfwí ɔkpa. ⁷ Ní mlonúá isá ladá mantáa mli ntée ɔtnekú á, opúni mátsíí mli Tsúfè lehián ání iní aná fée béba, táme imedésuná ání

oyí onómaké ámu lafun. ⁸ Tsúfè omá bókò aba. Awíe bókusú líí abasu. Osolúv békpunkí ntíné-ntíné. Akón é béba. Iní fée igyi fè iwíwásin ání otsi towun bréá ikwíí de mu dwíín.

⁹ “Mó su mli mó mlikí mli iwí wankláán. Tsúfè mí su bópu mli há Yudafò asún agyípó, béda mli amó ofiakpa awúlu-awúlusú. Békpa mli ya omású agyípó pó awíe ansító, méní mlégyi mí iwí adánsi. ¹⁰ Táme ilehián ání bégýankpá dá asun wankláán ámu okan súná oyító ahá fée. ¹¹ Ní bekítá mli ya a, mlímágywín asún ání mléblí. Mlibli asóngyiasún ání Bulu obópówá mli onó alí bré ámu. Tsúfè megýí mli onutó obótó, Oje Wankíhé obótó tsun mli.

¹² “Apíó béle amó apíó há lowu. Abí así béle amó abí há. Abí é bókusú líí amó akwípúsú, há bómó amó. ¹³ Mí su ahá fée bólu mli, táme ní mlétalí wá klon líí kinkíínkín yáfun mó onómó á, Bulu obóhó mli nkpa.

Iwíwásin Wúunbí
(Mateo 24:15-28; Luka 21:20-24)

¹⁴ “Táme ní mlowun akisítá itobwíé omá, ida otínéá mlímédín ansí ání íbéba a, (aklápú, mlinu mó asi.) Mómú ahá ání búbu Yudea omátó busri yo abusu. ¹⁵ Ohá ání odin obusu mákpli botsu tótó obuto! ¹⁶ Ohá ání obu ndótó é máyínkí botsu mu tati. ¹⁷ Amenyapú pó abí-ayín ání bupia abi bóbwe alí bré ámu, bogyówí ní! ¹⁸ Mlikokoli Bulu mlíaa, mli osríké amu imábwe nyankpú móa atsalbí. ¹⁹ Tsúfè asun wunhe ání íbéba alí bré ámu odu makóba tsú bréá Bulu lóbwe oyí opá kí. Mó odu koku é iméetrá ba ekekeke. ²⁰ Ní Bulu mēdínkí nke ámu á, tekí ohaa méesian oyító. Táme ahá ámu alalé póbwe mu kle amu su aladínkí nke ámu.

²¹ “Alí bré ámu á, ní oku lébláa fu obéé, ‘Kí, Kristo, (ohá ámu Bulu ladá mu ofúli amu) bu nfi ntée nána’ á, máhógyi. ²² Tsúfè ahá ání beé amógyí Kristo amu pó ahá ání bowa afunu beé, Bulu onósú atópú bogyi tsotsotsó béba oyító. Bóbwe ofúla pó osúna pómle ahá. Ní bétalí kóráá á, bémlé ahá ámu Bulu lalé ámu é. ²³ Táme mlikí wankláán! Nabláa mli tógyító asa íbéba.

Nyankpúsa-Mu-Bi Amu Ibábi
(Mateo 24:29-31; Luka 21:25-28)

²⁴ “Iwíwásin wúun amu oma a, owí obéta, otsra é oméetrá fíí. ²⁵ Ntsrakpabi békpa tsú osúsú beda. Nwulótáa móa mótó ató fée békpunkí. ²⁶ Ohagyíoha obówun ání mí, Nyankpúsa-Mu-Bi ánfí napó túmí móa numnyam kpónkpóntí mbu nwulótáatú tsú osúsú nebá. ²⁷ Inu Bulu obówa mu abopu béyekpa mu ahá ámu alalé ámu tsú oyí afonka ana ámu féesú.

Oyí Onómó Iwí Osúna
(Mateo 24:32-35; Luka 21:29-33)

²⁸ “Mlipúkí pòntó oyí. Ní mó abámbi depóí, ide ate pópwe le á, mlítebí ání awikpan bré lafun. ²⁹ Alí kén, ní mlowun ání ntobí ánfí fée ide mótó bá a, mlébi ání mí, Nyankpúsa-Mu-Bi ánfí íbábi lafun ta ní. Nawíe wóyí ámu onó tá. ³⁰ Onokwalí nde mli bláa. Ndemba-abí ánfí fée bómóowu tá, asa íní fée béba mótó. ³¹ Osú móa asi fée bótsun, táme mí asun blíhé móotsun ekekeke.

Nyankpúsa-Mu-Bi Amu Ibábi
(Mateo 24:36-44)

³² “Táme ohaa méyín eke ntée bréá ntobí ánfí fée íbéba. Bulu-abopu bumeyín. Bulu mu Bi ámu é méyín, nkéti aní Sí ámu obú osúsú ámu nkole pé yin. ³³ Mlídínka ansí iwíwá, tsúfè mlíméyín ekeá bré ámu íbáfun. ³⁴ Igyi fè okwá ode okpa tu, olesi mu wóyí wá mu asúmpó íbitó. Ojeha okugyíokú

agyómá òbée òbwéé. Ǿlebláa wóyí ámu ogyópu é òbée, Ǿyírí iwí ogyo wóyí ámu wankláán. ³⁵ Mú sù mlidínka ansí iwísu, tsúfè mlíméyín bréá wóyí mu wie ámu òbéba. Fíalí ntópwe o, Ǿyí-nsíné o, báké o, ntéé nyankí. ³⁶ Mlídínka ansí iwísu, méní òbá bofwie mlítò á, Ǿmòbòtu mlí ání mlíladídi. ³⁷ Asón ánfí ndé mlí bláa ánfí kén ndé Ǿyítò ahá fèé bláa. Mbéé, ‘Mlídínka ansí iwísu.’”

14

Bekíklí Yesu Nwunsu

(Mateo 26:1-5; Luka 22:1-2; Yohane 11:45-53)

¹ Ilesi nkenyó Yudafo abugyi Israelfosu Katsun Nke pú Bodobodo MátúhéNke. Alí bré ámutò Bulu igyí ahapú dehen pú Mose mbala asunápú bodunká ǵkpa ání bótson mósú kítá Yesu njáintò, mó mu kokooko. ² Táme beblí bée, “Megyí Katsun Nke ánfítò abómò mu, méní kpokiti méeda ǵmá ámutò.”

Ofobi Fánfánfán Pwólí Yesu

(Mateo 26:6-13; Yohane 12:1-8)

³ Bréá Yesu bu Betania wúlutò, Simon ǵkwa alaló ilò pepe kí wóyítò ǵde ató gyí a, ǵtsí ǵku léba unu; ǵde prentwa wankláán kuá ofobí fánfán ání ibu ibiá bu mótò. Oletíí mú ǵnò, ǵletséi ofobí ámu wólí Yesu nwuntò. ⁴ Akú bubu unvá unwa amú ǵdwe. Befíté aba bée, “Ntogyi só ǵde ofobí ánfí yintá? ⁵ Teki abétalí fè ofobí fánfán ánfí, mú ibiá bódun ǵbakóle ofi ǵkole ikáká ánfí, púhá ahíánfò.” Behie wá iyun wá ǵtsí ámu.

⁶ Táme Yesu léblí òbée, “Mlísí mu! Ntogyi só mlidé mu háan? Itò yilé alabwé há mí. ⁷ Ahíánfò bétsiá mlí wá ekekegyíeke. Brégyíbréá mlídéklé a, mlétalí wá awítale há amú, táme mí mú mméetsiá mlítò yó. ⁸ Alabwé múá ǵbétalí pólá mí ǵyólúb yáí há mí opuláké. ⁹ ǵnòkwali ndé mlí bláa. ǵyítò ǵtínegyíǵtínéá béda Bulu asun wankláán ámu ǵkan a, béblí tó ánfí ǵtsí ánfí labwé ánfí pókáín musu.”

Yuda Iskariot Lótsulá Aní ǵbéle Yesu Há

(Mateo 26:14-16; Luka 22:3-6)

¹⁰ Mú ǵma a, mu akasípú dúanyò ámutò ǵkuleá butetí mu Yuda Iskariot lóyówun Bulu igyí ahapú dehen amú, méní ǵbéle Yesu há amú. ¹¹ Bréá bonu asón ánfí á, ilehie wá amú ǵdwe. Behie mu así ání béka mu ikò. Mú sù olodunká ǵkpa ání ǵbótson mósú lé Yesu há amú.

Katsun Atogyihe Gyi

(Mateo 26:17-25; Luka 22:7-14, 21-23; Yohane 13:21-30)

¹² Bodobodo MátúhéNke ámutò eke gyankpapwá butómó Israelfosu Katsun Nke akúfa lófún. Yesu akasípú befíté mu bée, “Osunápú, obu mòmòtu ayela ha fu, afogyi Katsun Nketò atogyihe amu?”

¹³ Múú ǵlòwa amótò abanyó, bláa amú òbée, “Mllyò Yerusalem wúlutò, mléfia oyin ǵkwa ǵsu ntsu-ǵlò, mlíbuo mu. ¹⁴ Wóyí oduátò obówie á, mlífite wóyí mu wie ámu mlíaa, ‘Nkónú afó ǵswíkpa bu, ání mía mí akasípú abéba begyi Israelfosu Katsun atogyihe amu?’ ¹⁵ Obósuná mlí abansóru yilé kuá balá mótò yáí. Mlíbwé ató ámu yayí unu.”

¹⁶ Yesu akasípú amú bọyò wúlu amutò á, bowun tógyítò alí ámúú Yesu lébláa amú ámu pépéépé, bóbwe Israelfosu Katsun atogyihe amú yáí unu.

¹⁷ Bréá nsaintò deklúun a, Yesu mwa mu akasípú beba unu. ¹⁸ Ató ámu ogyíkpa a, Yesu lébláa amú òbée, “ǵnòkwali ndé mlí bláa, mlítò ǵkuleá mía mnyo ibi da ǵlepetò ǵbéle mí há.”

¹⁹ Asón ánfí léhiε han akasípú amu. Mú sù befi así buδε mu fité ikule-kule beε, “Mí ní lóó?”

²⁰ Yesu lébláa amó óbée, “Mli ahá dúanyo ánfito okuleá mía munyo ibi da ελεπεto óbée mí há ní. ²¹ Mí, Nyankpusa-Mu-Bi ánfí nówu fé alíá bwanlín tswi, táme óhá amúó óbée mí há ámu ógyówi ní. Ní bumetepí kwíi mu kóráá á, teki ibu alé há mu.”

Yesu Ntópwe Atogyihe Tráhe

(Mateo 26:26-30; Luka 22:14-20; 1 Korintofo 11:23-25)

²² Bréá buδε ató ámu gyí a, Yesu léle bodobodo ipín, εleda Bulu ipán, bíabíá mótó póhá amó, bí óbée, “Mliho, mí oyulóv nu.”

²³ Inu olotsu ntá-εwe, εleda Bulu ipán, póhá amó féé bonu. ²⁴ Múó εlebláa amó óbée, “Mí obugya nu. Mú Bulu dépsú mu ntam* ání alaká há ahásv ní. Bétséi mú wólí así ahá tsotsótsó lakpan sv. ²⁵ Onokwali nde mli bláa, mmétrá nu wáin-abí ntá ánfí alu yófon εkeá nónu mó pópwe Bulu iwíegyi ámuto.”

²⁶ Benya wá uv dá Bulu ipán tá alí, benatí yó Nfo-nyíbu ámu sv.

Petro Óbóswí Óbée Momeyin Yesu

(Mateo 26:31-35; Luka 22:31-34; Yohane 13:36-38)

²⁷ Múó Yesu lébláa amó óbée, “Mli féé mléyinkí mí óma. Tsúfé Bulu ónósó atóipú amu bwanlín wá Bulu asón ámu to beε, ‘Néda akúfa okparú ámu lédá, mu akúfa bédasáin.’” ²⁸ Táme ní Bulu okósóa mi tsú afúlitó á, négya mli nkpá yó Galilea ómátó.”

²⁹ Petro lébláa mu óbée, “Ní amó féé beyinkí fú ómá kóráá á, mí mó mméeyinkí εkekeke.”

³⁰ Yesu lébláa mu óbée, “Onokwali nde fú bláa. Onyeni, asa bate óbée ónó tse nyó á, fóswwí pú ibi wá ogyá tse sa fee fómeyín mí.”

³¹ Inu Petro léfin yabi yi óbée, “Ní lowu igyi kóráá á, mméekiná fú εkekeke.”

Alí kén atráhe amu é féé beblí ní.

Mpáibo Getsemane

(Mateo 26:36-46; Luka 22:39-46)

³² Boyówie ótnekvá butetí inu Getsemane. Múó Yesu lébláa mu akasípú amu óbée, “Mlitsia nfi, ngyóbo mpái.” ³³ Okpa Petro muva Yakobo pú Yohane buo iwí. Inu asón léhiε han mu, mu ansí lepe. ³⁴ Múó εlebláa amó óbée, “Asón ihíε de mí háan. Ideklé mó mí. Mlitsia nfi, amligyo.”

³⁵ Inu ólenatí yó nkpá kpalobí, εleda akpawunu kókóli Bulu óbée, “Ní íbówa alé á, ha bré ánfí itsun misu.” ³⁶ Múó εleblí óbée, “Abba† Mí Sí, fvetalí bwé tógyító. Ha ntá-εwe ánfí‡ itsun misu! Táme megyí tóá ndeklé, mboun móá fudeklé íbá mótó!”

³⁷ Oleyinkí bá akasípú amu wá bowun ání buδedidi. Inu sv εlefité Petro óbée, “Simon, fudeδidi? Fometalí gyo dónhwírí kule kpán? ³⁸ Mligyo amlíkokoli Bulu, méní mlumóowie ísókito. Tsúfé óhé ámu déklé, táme nyankpusa lópón.”

³⁹ Okétrá yóbo mpái, bláa Bulu asun kua kule amu kén. ⁴⁰ Okétrá yinkí ba bowun ání akasípú amu butráa buδedidi, tsúfé didí de amó bu. Bumetalí bláa mu asvansu.

⁴¹ Bréá εleba otse saasi a, εlefité amó óbée, “Mlilatráa si mlida mlidé okpónó da? Itsía alí ngya! Bré ámu lafon ání bópu mí, Nyankpusa-Mu-Bi

* 14:24 Ntam pópwe bu nwóló dada amu akoto. † 14:36 ‘Abba!’ así gyí, ‘Mí Sí!’ ‡ 14:36 Ntá-εwe ánfí igyi iwíasin ání Yesu obówun.

ánfi wá lakpan abwepó ibitò. ⁴² Mlikusv ayò. Mlikì, òhá á múó òde mí le há ámu ná á!”

Yesu Kítá

(Mateo 26:47-56; Luka 22:47-53; Yohane 18:3-12)

⁴³ Yesu ònó mesi asa akasípó dúanyò ámutò òkoleá botetì mu Yuda lóbowie inu. Òðam ání bode ndayí pò nkpotì bòbuo mu. Bulu igyí ahapó dehen, Mose mbala asunápó pò Yudafo ahande amu lówa amó. ⁴⁴ Yuda amóó òlele Yesu há ámu lébláa òðam amu yáí òbée, “Òhá á múó nélatá pútá ámu gyí òhá ámu ni. Mlikita mu kinkíinkín, amlíkpa mu natí.”

⁴⁵ Inu òlenatí laa yó Yesu wá, yókpólí mu òbée, “Osunápó!” Òlelatá mu pútá. ⁴⁶ Inu ahá ámu benatí tó Yesu, kítá mu kinkíinkín. ⁴⁷ Táme inu alíópó amutò òkole lótswi mu òdayí kpá Bulu igyí òhapó dehen osúmbi òku isv lé. ⁴⁸ Inu Yesu léfité amó òbée, “Ogyo otswapó ngyi, só mlilatsú nkpotì pò ndayí mlebá mí òkitákpá? ⁴⁹ Ntsie mli wá Bulu òtswékpa wunsínésó inu ekekegyíeke, nde mli ató suná, mlímékítá mí ekekeeke. Inu lahá Bulu asun wanlínhé amu òlaba mótó.”

⁵⁰ Inu mu akasípó amu fée besrí sí mu.

⁵¹ Ilesi òyasubi òkúá òlwa ligá nkule. Bekítá mu, ⁵² támé òlòkòli, sí mu ligá ámu wá amó òbitò, pò yayá srí.

Yudafo Ahande Ansító Lú

(Mateo 26:57-68; Luka 22:54-55, 63-71; Yohane 18:13-14, 19-24)

⁵³ Bekpa Yesu ya Bulu igyí òhapó dehen wóyí. Igyí ahapó dehen, Mose mbala asunápó pò Yudafo ahande amu fée bafia inu. ⁵⁴ Petro lépetí buo amó òma tsútsúútsú, alu yówie wóyító inu. Inu oleyétsiá inu asúmpó wá, òde ogyá núu. ⁵⁵ Inu Bulu igyí ahapó dehen pò Yudafo asón agyípó^S atráhe fée bodunká ahá ání béka asón dínká Yesusu, méní béliú amó asón blíhésu mó mu, támé bumenya. ⁵⁶ Tsúfè ahá tsòtsòtsò bowa afunu dínká musu, támé amó fée ònó lòtsun òtsan.

⁵⁷ Inu ako bókusó ká asón dínká musu bee, ⁵⁸ “Anilónuá òleblí òbée, ‘Nóbwie Bulu òtswékpa anfi bapó ibi yi anfi, támé nkensá òma a, nélayi pópweá megyí nyankpusa òbópó ibi yi mú.’ ” ⁵⁹ Táme amó é amó ònó mabwé kulé.

⁶⁰ Inu Bulu igyí òhapó dehen amu lókusó líí amó fée ansító, òlefité Yesu òbée, “Foma ònó lé? Foma asvansu blí pólé fò iwí?”

⁶¹ Táme Yesu méle asvansu ònó. Mób Bulu igyí òhapó dehen amu létrá fité mu òbée, “Bulu á múó botekánfó ámu mu Bi gyí fú? Fúgyí Kristo, (òhá á múó Bulu léda mu ofúli amu) ni?”

⁶² Yesu léle mó ònó òbée, “Ee! Mí ní! Mlówun ání mí, Nyankpusa-Mu-Bi ání ntsie Bulu Otúmípu gyòpísv ání ndin nwólótáasu tsú òsósó nebá.”

⁶³ Bulu igyí òhapó dehen amu lékítá mu atadié bálí mó kiaan.* Mób òleblí òbée, “Adánsie mòmú anitráa anígyó? ⁶⁴ Mlilanú abususu ání alablí. Nkálú gyí mli agywun?”

Amó fée botsulá ání olegyi pón, bómóó mu.

⁶⁵ Amótó ako bowa atsonó tutúu wólí mu bi. Bòpu ató tin mu ansíbi, bòfolí mu atswé, bláa mu bee, “Bulu ònósó òtópó, suna aní òhá ání òlòfolí fú itswé!” Inu agyópó amu é bedadáa mu asvò.

Petro Lóswií Òbée Mómeyín Yesu

(Mateo 26:69-75; Luka 22:56-62; Yohane 18:15-18, 25-27)

^S 14:55 Yudafo asón agyípó anfi botetì Sanhedrin Griiki òblítò. * 14:63 Ilosuná ání asón ámu lawié mu iwitò dubi.

66 Petro lési otsie wunsúnésú ìnu, Bulu igyí ahapú dehen amu osúmbi tsíhé oko léba. 67 Bréá olowun Petro tsie oḍe ogyá núu a, oḍeki mu díín. Múó oḍefité Petro oḍéé, “Fóba Yesu Nasaretyin amu nyo ná.”

68 Táme Petro lóswíí bíl oḍéé, “Mmeyín tóto tsú asún áñfi fudebíí áñfi iwí!” Olenatí yélu okpa onó, ìnu bate lóbun.†

69 Osúmbi tsíhé ámu létrá yótu mu ìnu, oḍwa ahá ámuó bulí ìnu ámu bláa bí oḍéé, “Amótó okole gyí oyin áñfi.” 70 Táme Petro létrá swíí pú ibí wá ogyá. Iḍbwe kpalobí á, ahá ámuó bulí ìnu ámu bebláa Petro beé, “Lélé mú á, amótó okole fogyi, tsúfé Galileayin fó é fúgyi?”

71 Ìnu Petro lówa ntam kakáa bí oḍéé, “Neká tógyítá, mmeyín oyin áñfi mlídé mu iwí asún bíl áñfi.”

72 Ìnu bate lóbun otse nyoosí. Múó Petro lékaín asún ámuó Yesu lébláa mu oḍéé, “Fóswí tse sa fée fumeyín mí asa bate oḍéle onó tse nyo.” ámusu. Múó oḍekpa isú yi, híé sú woo.

15

Yesu Pilato Ansító Lí

(Mateo 27:1-2, 11-14; Luka 23:1-5; Yohane 18:28-38)

1 Oyi kehe nyanki-nyanki a, Yudafo ahande-ahande amu fée befia kitá agywun. Aku bugyi, Bulu igyí ahapú dehen, Mose mbla asunápú pú Yudafo ahande atráhe*. Ìnu beha beklí Yesu, pú mu yówa Pilato ibito. 2 Pilato léfité Yesu oḍéé, “Fúgyí Yudafo owíe amu ní?”

Yesu léle mú onó oḍéé, “Ee, mú fablí á!”

3 Ìnu igyí ahapú dehen amu beka asún tsotsotsó dínká Yesusu. 4 Mú su Pilato léfité Yesu oḍéé, “Kí asún tsotsotsóá baká dínká fósú, fuma mú onó lé?”

5 Táme Yesu mele asoansu onó. Mu su oḍwa Pilato wánwan.

Yesu Lowu Ipón Ha

(Mateo 27:15-26; Luka 23:13-25; Yohane 18:39–19:16)

6 Katsun Nke kugyikoto á, igyí amású ogyípú Pilato amándíé ání obési obu adipútó okoleá amú onutó budeklé há amú. 7 Oyin okvá botetí mu Baraba mwa mu aba buḍa obu alí bré ámutó. Bokusú líí amású, kpokiti léda, bómó oha mótó. 8 Oḍam amúó boyo Pilato wá yóbwií ipa há mu beé, osíí obu oḍipú okole ha amú alí ámuó otetsiá bwé há amú ámu. 9 Múó Pilato léfité amú oḍéé, “Mlídéklé mlíaa, nsii Yudafo Owíe anfi ha mli lóó?” 10 Oḍefité amú alí, tsúfé olowun ání Yesu iwí olu só Bulu igyí ahapú dehen amu bakítá mu ba mu.

11 Igyí ahapú dehen amu beha oḍam amu onó beé, bukókoli Pilato, osi Baraba mboún ha amú. 12 Pilato létrá fité amú oḍéé, “Nto mbwée oḍá ámuó mlídéti mlíaa, Yudafo Owíe amu?”

13 Ìnu amú fée bósorá okitikítí beé, “Da mu manta oyikpalíheso!”

14 Pilato léfité amú oḍéé, “Tsitsa mómú alabwé?”

Táme belasúra okitikítí kóklókóú beé “Da mu manta oyikpalíheso!”

15 Pilato dékléá oḍóbwe oḍam amu apé há amú. Mú su olesi Baraba há amú, oḍha mu isá akápú bepití Yesu mpli, oḍpu mu wá amú ibito oḍéé, buyéda mu manta oyikpalíheso.

Yesu Ahinlá Bwe

(Mateo 27:27-31; Yohane 19:2-3)

† 14:68 Ìnu bate lóbun uma nwuló dada amu akoto.

* 15:1 Ahande atráhe anfi botetí Sanhedrin Griiki oblíto.

16 Isá akòpó ámu bekpa Yesu ya òmàsú ogyípó ámu wóyító. Bèti ámu aba isá akòpó atráhe ámu f́éé, bèda Yesu òbun. 17 Bòpò ligá pèpe kú wá mu, bòbò obungyo-awu, bwé mú owiépa bun mu nwun. 18 Inu bòbwe mu ahinlá, bèti mu bée, “Yudafò Owíe, f́ò nkpasu ònlinsu!” Bòtswí opé! 19 Inu bòpò oyí sísi mu nwuntò, tutúu atsonó wólí mu, dá akpawunu mu ansító. 20 Bòbwe mu ahinlá tá á, bòwóí ámu ligá pèpe ámu, yínkíá mu onutó atadié wá mu, bekpa mu dálí bèyéda mu mántá oyikpalíhesu.

Yesu Da Mántá Oyikpalíhesu

(Mateo 27:32-44; Luka 23:26-43; Yohane 19:17-27)

21 Bèfia Kireneyin òkuá bütetí mu Simon, ogyi Aleksandro m̀va Rufe òsí. Otsú abú así òbá, bèka mu híé bée, òsóra oyikpalíhe ámu. 22 Múú bekpa Yesu ya òtnekúá bütetí inu Golgota. Mú así gyí, “Nwun Okokobi Otsiákpá.” 23 Bòpò afá kúá iteba iwòsin así wá ntátó tin Yesu ònó bée onúu, táme omonu. 24 Bèda mu mántá oyikpalíhe ámusu tá á, beye mu atadietò. Inu bòtswí abi pókí òhagyíòha ogyíkpá. 25 Ibòbwe f́é nyankú dokwebátó bèda mu mántá oyikpalíhesu. 26 Múú b̀wanlín t́á suá bude mu da mántá oyikpalíhe ámusu dínká mu awunso bée, “YUDAFÒ OWÍE.” 27-28 Bèda awikplu abanyó akú é mántá nyikpalíhesu tsíá mutò. Òkole bu mu gyòpísu, òkule é bu mu binasu.†

29 Inu atsónpò b̀kpòkpòsú nwuntò, blí mu iwí abususu bée, “Yéé f́ò f́ee, f́étalí bwíé Bulu òtswékpá ámu, lápwe mu nkensá owító ní? 30 Hò f́ò iwí, afòkplí tsu oyí ámusu akí!”

31 Bulu igyí ahapó dehen pò Mose m̀bla asunápó ámu é bòbwe mu ahinlá bée, “Òlòhò ahá nkpa, táme òmetálí hò mu iwí. 32 Ní mu gyí Israelfò owíe, Kristo, (òhá ámúú Bulu léda mu ofúli) a, òkplíu tsu oyí ámusu awun, ahò mu gyí!”

Ahá ámúú bèda mántá oyísú mu gyòpísu múa binasu ámu é bòbwe mu ahinlá.

Yesu Lowu

(Mateo 27:45-56; Luka 23:44-49; Yohane 19:28-30)

33 Bréá dódúanyò lèda á, owí lèta òsolúu ámusu f́éé alu yòfun ntópwe òsato. 34 Dòsa ámutò a, Yesu lókpìlun kóklókúú, blí òbée, “Eloi, Eloi, Lama Sabaktani?” Mú así gyí, “Mí Bulu, mí Bulu, ntogyi sù fakpá mí òma?”

35 Ahá ámúú bulí inu ámutò akò bonu asún ánfí, bèblí bée, “Mlilu, òde Elia kpólí.” 36 Inu ámúú òku lésrí tsú òsapa, pódá ntá òdátò, p̀yí oyísú, tsú mú f́óa p̀tín mu ònó òbée, onúu. Múú òleblí òbée, “Mlilu akí bée, Elia òbéba bèsié mu lé oyí ámusu?”

37 Inu Yesu lókpìlun kóklókúú, òlele òhé.

38 Inunú Bulu lèbalí tatiá b̀pòká òtswékpá obu ámutò anyò, tsú awunso beyi así. 39 Bréá isá akòpó òhandeá òlú Yesu ansító òdekí lówun alá Yesu léle òhé tráhe a, òleblí òbée “Lélé, Bulu mu Bi oyin ánfí gyí!”

40 Atsú akú é bulí ifóntó budekíu sísí. Ámúú akú gyí, Magdalayintse Maria, Salome pò Maria ání òlòkwí Yakobo m̀va mu gyama Yosef. 41 Ámú é betsiá buo Yesu, tsíá kí musu bréá òbu Galilea. Atsú tsòtsòtsò akúá bobuo mu ba Yerusalem é búbu inu.

Yesu Pulá

(Mateo 27:57-61; Luka 23:50-56; Yohane 19:38-42)

† 15:27-28 Mótó yéé 28 bu nwóló dada ámu akòta: Inu léha Bulu asún ámúú b̀wanlín tswí ámu léba mótó. Asún ámu gyí, “Bèkla mu wá lakpan abwepótó.”

⁴² Eke ámu igyi ekeá Yudafo butəpólá iwí asa butegyí amó əkpónú ədaké. Bréá owí depóon a, ⁴³ Arimateayín Yosef lówa iklon yó Pilato wá yókólí mu əbé, osíí Yesu fúli ha mu amupula. Yudafo asún ogyípó ogyi, butobú mu. Mu é əde Bulu iwíegyí amú əkpa kí. ⁴⁴ Ilówa Pilato wánwan aní Yesu lawúna wu. Mó su əleti mu isá akəpó əhande, fité mu ní olowu ilawá əpá. ⁴⁵ Bréá isá akəpó əhande amu lótsulá mósó á, Pilato lési fúli amu há Yosef. ⁴⁶ Múú Yosef lóhə əhráda, əbəy yéséí Yesu lé oyí ámuəsu, kíkí mu wá əhráda ámuətu, tsú mu yópulá əbó kwá beɗa butátó, olemináa ibwi yíléyílé ku tin əbó ámu ənó. ⁴⁷ Magdalayintse Maria muə Yosef mu yin Maria bowun Yesu opulákpá.

16

Yesu Kvsú Tsú Afúlitə

(Mateo 28:1-8; Luka 24:1-12; Yohane 20:1-10)

¹ Yudafo əkpónú ədaké ámu ɗətsən a, Magdalayintse Maria muə Yakobo mu yin Maria pú Salome bəhə ofobí fánfán ku beɗe, beyékpá Yesu fúli amu. ² Kwasiɗa nyanki, bréá owí lopwié a, bəyə Yesu opulákpá inu. ³ Bréá buɗa əkpatə á, amú wəlewəle buɗe aba fité beɗe, “Ma abénya obémináa ibwi ámu lé əbó ámu ənó há aní?” ⁴ Botsu ansí kɪ a, bamína ibwi ámu lé əbó ámu ənó dodo. Ibwi ámu léhiə móní. ⁵ Bréá bebitíwíé əbó ámuətu á, bowun aní əyasubi əku lówa ligá futútuútu, otsie əbó ámu gyəpɪsu. Ifú lekítá amú.

⁶ Əyasubi ámu lébláa amú əbé, “Mlumánya ifú. Nawun aní Yesu Nasaretyin amúə beɗa mantá oyikpalíhesu ámu mlidédunká. Bulu lakósú mu, əma nfi. Mlíki ətíné amúə bopulá mu amu. ⁷ Mlyebláa mu akasípó amu pú Petro mlíaa, alagya mli nkpa əyó Galilea əmátó. Inú mlówun mu fé alí ámuú əlebláa mli ámu ni.”

⁸ Inu besrí dalí əbó ámuətu, tsúfé opúni letsíí amú, ənó é lobwie amú. Mú su bréá bəyə á, buɗebláa əhaa, tsúfé ifú de amú, buɗekpínkí kpakpakpakpa.

Yesu Iwəwanle Súná Magdalayintse Maria

(Mateo 28:9-10; Yohane 20:11-18)

⁹ [Kwasiɗa baɗe, bréá Yesu lókusú tsú afúlitə á, olegyankpá lé iwí əwan súná Magdalayintse Maria amúə olegya əhe laláhe asienó lé muətu ámu. ¹⁰ Mu é əleyébláa Yesu abúopu amúə buɗe mu sú, buɗe awirehə gyí amu. ¹¹ Táme bréá əlebláa amú əbé, Yesu lakósú, mawun mu a, buɗohogyi.

Yesu Iwəwanle Súná Mu Abúopu Abanyó

(Luka 24:13-35)

¹² Inu əma a, Yesu léle iwí əwan əkpa bámbású súná mu abúopu abanyó bréá buɗa bəyó akuda, táme buɗəkəsi bí mu. ¹³ Amú é beyínkí yébláa atráhe amu, táme amú é buɗohogyi.

Yesu Iwəwanle Súná Mu Akasípó

(Mateo 28:16-20; Luka 24:36-49; Yohane 20:19-23; Gyumagyihe 1:6-8)

¹⁴ Inu féé əma a, Yesu léle iwí əwan súná mu akasípó dúəkuɗon ámu bréá buɗe ató gyí. Amú klontə-odwin pú amú máhogyi su əlɔwa iyin wá amú. Tsúfé buɗəhə ahá ámuə bowun mu mu kvsú tsú afúlitə əma amu gyi. ¹⁵ Múú əlebláa amú əbé, “Mlyə əyító féé, amlyeɗa Bulu asun wankláán ámu əkan ha ahá féé. ¹⁶ Əha aní olohogyi, bəhə mu asú á, Bulu əbóhə mu nkpa, táme əhá aní omohogyi obégyi pón. ¹⁷ Osúna anfi obóbuo ahá aní bohogyi ni. Bégya əhe laláhe mí ɗátó, béblí əblí bámbá, ¹⁸ békitá awə ɗitə, bónu

afá ání itómó kugyíko, táme imóobwe amó tótó. Bópu ibi dínká alápusu, iwí bówá amó onlín.”

Yesu Osósó Yó

(Luka 24:50-53; Gyumagyihe 1:9-11)

¹⁹ Bréá aní Wíe Yesu lébláa amó asón tá á, Bulu lótsu mo ya osósó, oleyétsiá mo gyapísu. ²⁰ Mo akasípó amó befi así búde asón ámo okan da otínegyíótíné. Aní Wíe Yesu lélí amó oma bəyə agyómá. Olotson osúna ání bəbweśu, wá asón ámo əwənlín.]*

* **16:20** Mótó yée 9-20 una nwolú dada amó akotó.

Asun Wankláán Aní Luka Lówanlín

¹ Onumnyampu Tiofilo:

Ahá tsotsɔtsɔ babó mbódí wanlín tóá ɔlɛba anɔtɔ tswi. ² Bɔwanlín tóá ahá ámúú bɔbɔ unu tsú mó nfiasí, bɔgyi mó asúmpó amu bowun, dá mó ɔkan amu bebláa aní pépéépé. ³ Onumnyampu Tiofilo, mí é nabó mbódí kwí mótó wankláán tsú mó nfiasí. Mó sɔ ndekléá nówanlín mó pépéépé há fú, ⁴ méní fébíá ató ámúú basúná fú ámu igyi ɔnɔkwali.

Asú Ɖbɔpú Yohane Kwí Asón

⁵ Bréá Herode dé iwíe gyí Yudea ɔmátó á, Bulu igyi ɔhapú ɔku létsiá, bɔtɛtí mu Sakaria. Otsú Bulu igyi ahapú ɔpasua kwá bɔtɛtí mó Abiatɔ. Mu ka gyí Elisabet, otsú Bulu igyi ɔhapú Aaron abí-anátó. ⁶ Mɔa mu ka asón da ɔkpa Bulu ansító. Bɔtegyi aní Wíe Bulu mbála pú mu nhuhé féésó pépéépé. ⁷ Bɔma obi, tsúfé Elisabet mégyi ɔtsi kwíípú. Mɔa mu kulu féé bahié dan.

⁸ Eke ɔku ɔlɔtu Sakaria aná ɔpasua ání amó ɔbɛha Bulu igyi. Sakaria lóyo ɔbu Bulu ansító ɔde mu agyómá ya. ⁹ Abi bɔtɔtswi pulé ɔhá ání obébitwíe Ɖwankíkpa unu yówa ɔhién ogyá, igyi ahapú ámu amándié ɔnó. Bɔtswi a, ileyi Sakariasu. ¹⁰ Bréá ɔde ɔhién ámu ogyá wa á, ɔɔm ání bɔyo ɔtswékpa unu féé bulí kpankpa bɔde mpáí bɔ.

¹¹ Bulu-ɔbɔpu ɔku lébelí afɔɔɔie-asubwi ámu gyɔpɔsu, lé iwí ɔwan súná Sakaria. ¹² Bréá olowun Bulu-ɔbɔpu amu a, ɔlɔwan, ifú lowie mu ayetɔ. ¹³ Inu Bulu-ɔbɔpu amu lébláa mu ɔbée, “Sakaria, mánya ifú! Bulu lanú fú isú. Fú ká obénya ɔmé kwí obi yinhé há fú. Dunka mu dá ‘Yohane.’” ¹⁴ Obí ánfí kwí bówa mli ɔdwe, wá mli ansigyí. Ibówa ahá tsotsɔtsɔ é ansigyí. ¹⁵ Tsúfé kebi ámu ɔbóbwe ɔha kpankpanɔti Bulu ansító. Nta bohé kuku máda mu ɔnó ekekeke. Ɖye Wankíhé ɔbóbólá mɔtɔ tsú bréá ɔbu mu yin iwíto. ¹⁶ Ɖbɛha Israelfɔ tsotsɔtsɔ bédamli klɔntɔ ba amú Wíe Bulu wá. ¹⁷ Bulu ɔnósó ɔtɔípúElia túmi pú mu ɔyé bétsiá mɔtɔ. Obégya aní Wíe nkpa bá. Ɖbɛha abí así bódwe amú abí, ɔbédamli ahá ání bɔtɔkúsó líí Bulusu agywun, ɔbwe fé yilé abwepú klé, méní ɔbéla ahá yáí wankláán há aní Wíe.”

¹⁸ Sakaria léfité Bulu-ɔbɔpu amu ɔbée, “Ntɔ nɔpɔbí ání asón ánfí ɔbéba mótó? Tsúfé mía mí ká anɔlapɔn.”

¹⁹ Inu Bulu-ɔbɔpu amu lébláa mu ɔbée, “Mí dá gyí Gabriel. Bulu ansító ɔlípú ngyi. Móláwá mí ɔbée, mbébláa fu asun wankláán ánfí. ²⁰ Tsú nde póya ekeá asón ánfí ɔbéba mótó á, fɔtɔ omúmu, tsúfé fómɔhɔ mí asun blíhé ánfí ɔbéba mó brétó ánfisu gyi.”

²¹ Ɖbɔwe alí á, imɔwánkí ahá ámúú bulí bɔgyo Sakaria amu tóá svá alawá ɔpá ɔtswékpa obutótó unu alí. ²² Bréá ɔledali ba a, alató omúmu. Mó sɔ bowun ání alawun tɔku obutótó unu. Inúá ɔmetálí tóí sɔ á, ɔlɔpu mu ibí móa mu nwun bláa amú asón.

²³ Sakaria létsiá ɔtswékpa unu yófun ekeá ɔleha Bulu igyi tá, oleyinkí yó wóyí. ²⁴ Nke ámu ɔma a, Elisabet lénya ɔmé, tsíá nájín iwí alu tsra anu kéké. ²⁵ Elisabet léblí ɔbée, “Inu mí Wíe Bulu labwé há mí ní. Alawun mí nwe, dínkí nsópa lé mísó ahátɔ.”

Yesu Kwí Iwí Asón

26 Bréá Elisabet omé lǎhǎ tsra asie á, Bulu lówa mu obǎpu Gabriel wúlu kuá ibu Galilea omátó, butetí mu Nasaret. 27 Bulu lówa mu obitebí okuá omakódí oyin wá ki, butetí mu Maria wá. Ali bré ámuto budepu obitebí ámu há oyin okuá butetí mu Yosef, ogyi owíe Dawid mu na beε otsiá. 28 Bulu-obǎpu amu léba Maria wóyító beha mu itsiá, bláa mu obéε, “Bulu lagyi fu buale, alahíε yúlá fú!”

29 Asón ánfí leha Maria légyigyáa, olefté mu iwí obéε, “Ngya ntó itsiá odu ohá ánfí lahá mí ali?” 30 Bulu-obǎpu amu lébláa mu obéε, “Maria, mánya ifú. Bulu lahíε yúlá fú!” 31 Ki, fénya omé kwíí obi yinhé. Dinka mu dá ‘Yesu.’ 32 Obóbwe oha yilé. Bétí mu Osúsúsú Bulu mu Bi. Aní Wíε Bulu obéyaí mu mu nain Owíε Dawid obiású. 33 Obégyi iwíε Yakob* wóyísú bré féétó. Mu iwíεgyí móomó onó ekekeεke.”

34 Maria léfité Bulu-obǎpu amu obéε, “Nkálí ubóbwe asa íní ubéba mótó, tsúfé mmeyín oyin.”

35 Bulu-obǎpu amu léle mó onó obéε, “Oje Wankíhé obéba fusu. Osúsúsú Bulu ámu túmí bóbun fusu. Iní su ahá bétí Obi wankíhé amúó fǎkwíí ámu beε, ‘Bulu mu Bi.’” 36 Ki, fú obusuanyin Elisabet kóráá obá bǎkwíí obi yinhé mu tsídehen anfitó. Ahá beε, megyi otsi kwííró ogyi, táme mu omé lahǎ tsra asie dodo. 37 Tsúfé tǎto mǎdón Bulu bwe!”

38 Inu Maria lébláa Bulu-obǎpu amu obéε, “Bulu osúmbi ngyi. Ibá mótó ha mi fé alíá fablí.” Inu á, Bulu-obǎpu amu lénatí sí mu.

Maria Léyesinda Elisabet

39 Nke ámuto á, Maria lǎkulá ató, wa osa yó Yudea abusu wúlu kuto. 40 Móó olowie Sakaria wóyító há Elisabet itsiá. 41 Elisabet lénya nú itsiá ámu alí kebi ámu lékan iwí mu iwíto, Oje Wankíhé lǎbulá mutó. 42 Inu oǎkplón blí obéε, “Bulu layúlá fú atsi féétó. Alayúlá fú iwíto obi ámu é. 43 Iyé! Mí Wíε mu yin onutó lába mí wá á? Ntogyi sú Bulu lawá mí numnyam anfi odu? 44 Ki, nenyaní fú itsiá ámu ali obi ámúó obu mí iwíto ámu lékan iwí ansigyísú. 45 Bulu layúlá fú, tsúfé fahogyi ání tǎá alahíε há fú ubéba mótó.”

Maria Bulu Kanfǎ Iw

46 Inu Maria lówa iwí obéε,

“Mí oǎkláa dé mí Wíε Bulu kanfǎ.

47 Mí Nkpa Ohǎpu Bulu lahá ansí de mí gyí.

48 Tsúfé alakáín mí mu osúmbi ání oma tǎto bwetósú, wun mi nwe. Tsú séi póya a, abí-aná féé béblí beε, Bulu layúlá mí.

49 Bulu Otúmípu amu labwé ató kprǎnkprǎntí há mí. Oǎwankí.

50 Otowun ilín kugyíkuto

ahá ání butenyá mu ifú nwe.

51 Alapó mu túmí bwé ató akprǎnkprǎntí, pódá iwí atsupó nwuntó asón sáín.

52 Alakplí awíε mbíású, tsú ahá ání buma tǎto bwetó fúá.

53 Alahá ahíánfǎ bamlí iwí anyapó, há iwí anyapó banátí ibikpan.

54-55 Alakpá mu asúmpó Israelfǎ.

Ometan ání oǎleblí obéε, mówun aní anáín Abraham muwa mu abí-aná nwe bré féé, fé alíá oǎlebláa amó.”

* 1:33 Israelfǎ gyi Yakob abí-aná.

Alí Maria lómò mu ìbá ámu onó ní. ⁵⁶ Oletsíá Elisabet wá fẹ́ tsra asa asa oleyinkí yó wóyí.

Asú Ọ̀bọ̀pú Yohane Kwí

⁵⁷ Bréá Elisabet lóbàkwí á, òlòkwí obi yinhé. ⁵⁸ Mu abusuanfà pọ́ mu aba bonu ání aní Wíe Bulu lahié wun mu nwe. Mú sù ansí légyi amú fẹ́é.

⁵⁹ Obí ámu lénya ndawótswí á, mu iwísu ahá beba mu obuto òlekpá, abutin mu keté, dínka mu dá. Tẹkí beé abupọ́ mu sí dá Sakaria dínka mu, ⁶⁰ táme mu yin lébláa amú ọ̀bẹ́é, “O-o! Mhídínka mu Yohane.”

⁶¹ Ahá ámu bebláa mu beé, “Animókónú abutin fú obusuanyin òkòkò alí kú.” ⁶² Inu bábwe mu sí ìbá, fité mu alíá butí kebi ámu.

⁶³ Sakaria lóbwe ìbá ọ̀bẹ́é butsúu tọ̀kọ́ ha mu amowanlun mú dínka mósó, òlòwanlín ọ̀bẹ́é, “Mu dá gyí ‘Yohane.’ ” Ilofwie amú fẹ́étó. ⁶⁴ Inun mu ọ̀dandù lesankí, òlòtọ́ kánfú Bulu. ⁶⁵ Ifú lekítá apíó aba ámu fẹ́é. Alí asón ánfí lekléí wá Yudea abusu awúlu amu fẹ́étó. ⁶⁶ Ọ̀hagyíoha ání olonu asón ánfí léfité mu iwí ọ̀bẹ́é, “Ntọ́ obí kebi ánfí ọ̀bóbwe ekekó?” Tsúfẹ́ ìlòwankí amú ání Bulu ìbá dín musu.

Sakaria Bulu Kanfú Iw

⁶⁷ Inu á, Ọ̀ye Wankíhé lóbólá Sakariatọ́, òlòwa asón ání Bulu lapóhá mu blí bí.

⁶⁸ Ọ̀bẹ́é,

“Mliha akanfú aní Wíe Israel Bulu.

Tsúfẹ́ alabelẹ mu ahá, há anilagyi iwí.

⁶⁹ Alalé Ọ̀họ̀pọ́ Ọ̀wonlín pọ́ òkọ́

tsú mu osúmpú Owíe Dawid abusuantọ́ há aní.

⁷⁰ (Fé alíá òleblí tsun mu onósó atọ́ipọ́ wankíhé amusu tswí dodoodo.)

⁷¹ Ọ̀bẹ́é, méle aní tsú aní alupọ́

pọ́ ahá ání butamafia aní ìbitọ́.

⁷²⁻⁷³ Ọ̀bẹ́é, mówun aní anáin nwe.

Ọ̀méesetan mu ntam wankíhé amú òleka há aní náin Abraham amusu.

⁷⁴ Ọ̀bẹ́é, méle aní tsú aní alupọ́ ìbitọ́,

méni abétalí sún mu, animéenya adón ifú.

⁷⁵ Ọ̀bẹ́ha abóbwe mu ahá,

bwé yilé mu ansísú aní nkpatọ́ fẹ́é.

⁷⁶ Mí bí, fú mó á, ahá bétí fú beé, ‘Ọ̀súsúúsú Bulu ámu onósó atọ́ipọ́.’

Tsúfẹ́ fégya aní Wíe nkpa,

lá òkpa há mu.

⁷⁷ Fẹ́bláa mu ahá fẹ́é, Bulu ọ̀bétalí họ́ amú nkpa

tsun lakpansikiésó.

⁷⁸ Aní Wíe Bulu nwewúun sù

Kristo amu ọ̀bédalí fẹ́ owí tsú ọ̀súsú ba aní wá.

⁷⁹ Ọ̀bówankí wólí ahá amú òkọ́ butsie oklúntọ́ pọ́ lowu òkpasu ámu fẹ́ésú.

Ọ̀békpa aní tsun iwílwíi òkpasu.”

Iní Sakaria lópomó mu asón onó ní. ⁸⁰ Kebi ámu lédan, nya Ọ̀hétó ọ̀wonlín. Oletsíá òlòwankí alí yófún ekeá òlele iwí ọ̀wan súná Israelfọ́.

2

Yesu Kristo Kwí
(Mateo 1:18-25)

¹ Alí bré ámutọ́ á, Roma owíe òhẹ́en Augusto lówa mbla ọ̀bẹ́é, bukíá ahá ání bọ̀bọ́ Romafọ́ así fẹ́é, abowanlun amú adá. ² Mógýí ahákla gyankpapọ́

ni. Ali bré ámòtò á, oyin òkúá òtètí m̀v Kirenio dé Siria òmàsó gyí. ³ Iní s̀v òhagyíòha lóyò dá òwanlínkpá m̀v onutó wúlutò.

⁴ Yosef é lókusú tsú Nasaret wúlú aní ɔ̀v Galilea òmátó dú yó Yudea òmátó, Owíe Dawid wúlutò Betlehem. Tsúfè Owíe Dawid m̀v na ógyi. ⁵ M̀v Maria amóú bapóhá m̀v b̀e ɔ̀tsía, òna odwins̀v ám̀v nyò lóyò dá ám̀v òwanlínkpá. ⁶ Bréá b̀v Betlehem iǹv á, ikwí lekán Maria, ⁷ òkwí m̀v bití, ogyi oyin. Òlekiklì m̀v wá tatidatò, p̀v m̀v tswí mbwí atogyihè dákato, tsúfè b̀vmenya otsiákpá afò òswíkpá.

Akúfa Akpapó Pó Bulu-abòp̀v

⁸ Ali bré ámòtò á, akúfa akpapó ako b̀v iǹv f̀n dimbító, b̀vde amó akúfa iwí gyo onyé. ⁹ Bulu-òbòp̀v léle iwí òwan súná amó, Bulu numnyam lówankí wólí amósó. Mú s̀v ifú lehè kítá amó. ¹⁰ Iǹv á, Bulu-òbòp̀v am̀v lébláa amó òb̀e, “M̀mánya ifú! M̀kí, napó as̀n wankláán aní ɔ̀b̀wa m̀ha òyítò ahá f̀é ansigyí ba m̀. ¹¹ Nde bakwí nkpa Òhòp̀v, aní Wíe Kristo, (òhá amóú Bulu ladá m̀v ofúli am̀v) há m̀ Owíe Dawid wúlutò! ¹² T́sá m̀lòp̀v bí m̀v gyí, m̀lòwun kebi b̀b̀wè òkúá bapó tatida kiklì m̀v iwí, òda mbwí atogyihè dákato.”

¹³ Òtsáẁvle pé á, Bulu-abòp̀v tsòtsòtsò b̀eba betsiá Bulu-òbòp̀v amòtò, b̀vde Bulu kanfó b̀e,

¹⁴ “M̀ha ap̀v numnyam ha Buluá òv òsúsóúsó!

Iwí ilwí ahá aní Bulu ansí tegyi amó iwí òsolòs̀v.”

¹⁵ Bréá Bulu-abòp̀v am̀v beyinkí yó òsúsó á, akúfa akpapó ám̀v bebláa aba b̀e, “M̀ha ayò Betlehem, ayekí itò anfi òlaba, Bulu lalé súná aní anfi.”

¹⁶ Iní s̀v òb̀wa òsa yó. Léle á, bowun Maria m̀v Yosef p̀v kebi b̀b̀wè am̀v, òda mbwí atogyihè dákato. ¹⁷ Bréá bowun kebi ám̀v a, b̀e m̀v iwí as̀n amóú bonu ám̀v blí. ¹⁸ Akúfa akpapó as̀n anfi lówa ahá aní bonu mó f̀é wánwan. ¹⁹ Támè Maria mó lékítá as̀n ám̀v f̀é wá nwuntò, tsíá gywín mó iwí. ²⁰ Bréá akúfa akpapó ám̀v beyinkí b̀yó á, b̀vna b̀vde Bulu adábi da, kánfó m̀v, as̀n amóú bonu p̀v itò amóú bayòwun fé ali amóú Bulu-òbòp̀v am̀v lébláa amó ám̀v s̀v.

Yesu Idá Dínká

²¹ Kebi ám̀v obuto òleké á, b̀etn m̀v keté, dínká m̀v dá Yesu. Idá anfi Bulu-òbòp̀v am̀v léha m̀v asa m̀v yin lénya m̀v òmé ní.

Yesu Poya Bulu Òtswékpá

²² Bréá m̀v akwíp̀v b̀gyoráa iwí Mose Mbla ònò ləf̀n a, b̀p̀v m̀v dú yó Yerusalem, p̀v m̀v yòp̀v wá Bulu ɔ̀bitò. ²³ (Tsúfè b̀wanlín wá Mose Mbla ámòtò b̀e, “Ìlehíán aní Israelfò b̀p̀v amó bití okugyíòku há Bulu.”) ²⁴ Mú s̀v b̀yòb̀v afòdiè ám̀v Mbla ám̀v ònò. Abròd̀vma anyò ntèe aklobi anyò b̀p̀v b̀b̀v ali afòdiè anfi há Bulu.

²⁵ Ali bré ámòtò á, oyin dehen òk̀v b̀v Yerusalem, òtètí m̀v Simeon. Yilé òwep̀v ógyi, otenyá Bulu ifú. Òhè Wankíhé b̀v m̀s̀v, otsie ogyo bréá Bulu òbòp̀v Òlep̀v ba m̀v ahá Israelfò. ²⁶ Òhè Wankíhé am̀v léle súná m̀v aní omóowu, yòf̀n bréá alawun Kristo, (òhá amóú Bulu ladá m̀v ofúli am̀v) asa. ²⁷ Òhè Wankíhé am̀v léha Simeon lóyò Bulu òtswékpá wunsínésó. Ali bré ámòtò á, Yesu akwíp̀v baba m̀v amándíè anfi òb̀wèkpá fé aliá Mose Mbla ám̀v leblí. ²⁸ Iǹv Simeon lóhò kebi b̀b̀wè am̀v, òlekanfó Bulu òb̀e,

²⁹ “Mí Wíe! As̀n amóú feblí tswí am̀v òlaba móótò.

Séi mó á, mí f̀v osúmbi anfi nétalí wú iwílwíitò nya.

³⁰ Tsúfè mí onutó napó mí ansíbi wun Òlep̀v ám̀v.

³¹ Fú onutó falá m̀v b̀wé ahá f̀é ansítò.

³² Wanki ogyi, obéle fú súná ahá ání bomegyí Israelfo, pú numnyam ba fú ahá Israelfo.”

³³ Asón anfi Simeon léblí tsú kebi bəbwe anfi iwí leha onó lobwie mu akwíró. ³⁴ Simeon lóyulá amó, əlebláa obí mu yin Maria əbée, “Ina kebi anfi su Israelfo əfan bédida, əfan é béli. Osúna ogyi tsú Bulusu, ahá bókoso líi musu. ³⁵ Iní su Bulu obéha ahá tsətsətsə klonsu asón bəlín əwan. Fú é á, awirehə béhie kítá fú klón. Ibóhə fú əsin fé ədayí iya anyə bakpié yi fu.”

³⁶ Otsi dehen əkúá ogyi Bulu onósó ətoírú é bu inu. Mu dá gyí Hana. Mu si gyí Fanuel, otsú Asa abusuanta. Otsi dehen anfi mwa mu kulu betsiá aba nfinsienó, mu kulu lówu. ³⁷ Olosu isora alu bəfun bréá ələhə nfi adukwe-na (84). Ələpə Bulu ətswékpa wunsinésú inu mlí mu ədikpa, əde Bulu súm, klí onó, bó mpái əpa mwa onyé. ³⁸ Mu é əledali ba bekanfú Bulu, blí kebi bəbwe amu iwí asón súná ahá amó bəde Yerusalemfo iwígyí əkpa kí amu.

Yesu Yinkia Ya Nasaret Wuluta

³⁹ Bréá Yesu akwíró bəbwe amándié amu tá Bulu mbla amu onó á, beyinkí kplí yó amó wuluta Nasaret, Galilea əsulúsu. ⁴⁰ Kebi amu lédan, nyá əwonlín, nyá nyánsa, Bulu é lóyulá mu.

Yesu Bu Bulu Ətswékpa

⁴¹ Yesu akwíró bətetsiá yó Yerusalem yégyi Israelfosu Katsun Nke offigyiofi. ⁴² Bréá Yesu lóhə nfi dúanyə á, mwa amónyə bəyə nke amu ogyíkpa fé alíá bətəyó yái. ⁴³ Bréá begyi nke amu tá beyinkí á, Yesu akwíró bəməbi áni alasin inu. ⁴⁴ Buki bée mwa mu abanyə ná. Mú su benatí ekewóle owító asa bəwa mu dunká apíó abato bi. ⁴⁵ Bréá bodunká mu kásián á, beyinkí yó Yerusalem, yódunká mu. ⁴⁶ Eke sáási a, boyówotii musu Bulu ətswékpa wunsinésú inu. Otsie Mose mbla asunápo wá, əde asu yáa amó asóntó, əde amó asón fité. ⁴⁷ Onó lobwie ahá áni bəbu inu féé, tsú alíá əde asón amu así nu pú alíá əde mú onó le. ⁴⁸ Onó lobwie mu akwíró bréá bowun mu. Mu yin léfité mu əbée, “Mí bí, ntogyi su fabwé aní alí? Mía fú sínycə ansí lapé anidé fú dunká.”

⁴⁹ Inu Yesu léfité amó əbée, “Ntogyi su mlidé mí dunká? Ilehíán áni mlébi áni mí Sí wóyító nétsiá.” ⁵⁰ Táme mu akwíró bəmonu asón áni əde amó bláa asi.

⁵¹ Mwa amónyə beyinkí yó Nasaret, əleba iwiasí há amó. Maria lékitá asón amu féé wá kpawunuta, tsíá gywíin mú iwí. ⁵² Yesu lédan, wa əwonlín, nyá nyánsa, Bulu mwa anyánkpoša féé ansí legyi mu iwí.

3

Asú Əbapú Yohane Bulu Asón Əkanda

(Mateo 3:1-12; Marko 1:1-8; Yohane 1:19-28)

¹⁻² Roma owie dehen Tiberio iwígyí ofi dúanusitə á, Bulu lébláa mu igyí əhapú Sakaria mu bi Yohane dimbísú əbée, ədáa mu asón əkan. (Alí bré amuto á, Pontio Pilato dé Yudea əmású gyí. Herode dé Galilea əmású gyí. Herode mu dehen Filippo é dé Iturea pú Trakoniti əmású gyí, Lisania é dé Abilene əmású gyí. Bulu igyí ahapú dehen áni bəbu inu alí bré amuto é gyí Hana mwa Kaiafa.) ³ Mú su Yohane léki Yordan bənkpa onó, əde əkan da blí əbée, “Mlidamli klunta, amlisi lakpan bwe. Bulu osikie mli, ambə mli asú.”

⁴ Bulu onósó ətoírú Yesaia lówanlín Yohane iwí asón wá mu əwolótó əbée, “Oko dékplon dimbísú əbée,

‘Mlila aní Wie əkpa.

Mlitswii ikpa ha mu!

⁵ Mliti bɔnkpa kugyiko,
amlibwiebwie abu moa nkuku fee.

Mlitswii ikpa,
amlila moso wanklaan.

⁶ Ahá fee bowun Bulu nkpahoo. ”

⁷ Odom beba Yohane wa bee, abo amo asu. Olefite amu abee, “Abe abi-ana, nto gyá mli, mlisri Bulu isobiti amoo iba amu? ⁸ Momo mliswie abi oduá ibosuna ani lele mliladamlí klonto. Mlimaki mliaa, mli nain gyi Abraham. Nde mli blaa mbee, Bulu abetali ha abwi anfi ibedamli Abraham abi-ana. ⁹ Sei a, Bulu lapu efe yi nyi-atsitsito. Oyigyioyi ani imoswie abi wanklaan a, bokun mu da, wa mu fee ogya.”

¹⁰ Odom amu befité Yohane bee, “Nto mee abwee?”

¹¹ Yohane leblaa amo abee, “Foa fobu atadie anyo a, pu kule ha oha ani oma koku. Foa fobu atogyihe e bwe mu al.”

¹² Lampoo ahopu aku e beba asu abokpa. Befite Yohane bee, “Osunapo, nto ilehian ani abobwe?”

¹³ Yohane leblaa amo abee, “Mlimatswi dinka ahá. Mliho toa bee mliho.”

¹⁴ Isa akopo aku e befité Yohane bee, “Ani e me, nto abwee?”

Yohane leblaa amo abee, “Mlimapu owonlin swii ohaa koba, ntee wa afuna dinka ohaasu. Mli akatua igyi mli ansi.”

¹⁵ Inia amo ansi dun Kristo amusu, bude mu okpa ki su a, imowaniki amo ni Yohane gyi Kristo amu. ¹⁶ Mo su Yohane leblaa amo abee, “Okva odun mi bu oha abá. Mmafɔn ani nesanki mu ntokota ofe koraá. Mi mo a, ntsu ndepubó mli asu. Mu abopu Oje Wankihe pu ogya bo mli asu ni. ¹⁷ Ode mu lin, abopufuni ntete le ayó amoto. Obekpa ayó amu wa mu oduduto. Tame abefei ofunikpa mu wanklaan, kpa ntete amu wa ogya ani itamadunto.”

¹⁸ Yohane leda asun wanklaan amu okan, blaa ahá amu ason tsotsotso abee, budamli klonto.

¹⁹ Iso ogyipu Herode laswii mu dehen Filipino mu ka Herodia tsia, tra bwe lalaha tsotsotso tsia moto. Mo su Yohane lekiná ha mu. ²⁰ Móa idun koraá gyi, Herode leha bekita Yohane wa obu.

Yesu Asubo

(Mateo 3:13-17; Marko 1:9-11)

²¹ Breá Yohane de ahá amu asu bo a, Yesu e leba, Yohane lobo mu asu. Breá Yesu de mpai bo a, nwulotaa lefinki, ²² Oje Wankihe ledamli fe abroduma, kpli bogyonka musu. Ome ku lotsu ososo abee, “Fogyi mi bia ntodwe, mi ansi tehie gyi fo iwí ni.”

Yesu Anain Iinti

(Mateo 1:1-17)

²³ Breá Yesu loho fe nfi advasa a, olefi Bulu ason okanda asi. Ahá mu buyin ani Yosef mu bi ni. Yosef mu si gyi Eli. ²⁴ Eli mu si gyi Martat. Martat mu si gyi Lewi. Lewi mu si gyi Melki. Melki mu si gyi Yanai. Yanai mu si gyi Yosef. ²⁵ Yosef mu si gyi Martatia. Martatia mu si gyi Amos. Amos mu si gyi Nahum. Nahum mu si gyi Hesli. Hesli mu si gyi Nagai. ²⁶ Nagai mu si gyi Mahat. Mahat mu si gyi Martatia. Martatia mu si gyi Semein. Semein mu si gyi Yosek. Yosek mu si gyi Yoda. ²⁷ Yoda mu si gyi Yohanan. Yohanan mu si gyi Resa. Resa mu si gyi Serubabel. Serubabel mu si gyi Sealtiel. Sealtiel mu si gyi Neri. ²⁸ Neri mu si gyi Melki. Melki mu si gyi Adi. Adi mu si gyi Kosam. Kosam mu si gyi Elmadam. Elmadam mu si gyi Er. ²⁹ Er mu si gyi Yosua. Yosua mu si gyi Elieser. Elieser mu si gyi Yorim. Yorim mu si gyi

Martat. Martat mu si gyi Lewi. ³⁰ Lewi mu si gyi Simeon. Simeon mu si gyi Yuda. Yuda mu si gyi Yosef. Yosef mu si gyi Yonam. Yonam mu si gyi Eliakim. ³¹ Eliakim mu si gyi Melea. Melea mu si gyi Mena. Mena mu si gyi Martata. Martata mu si gyi Natan. Natan mu si gyi Owie Dawid. ³² Owie Dawid mu si gyi Yisai. Yisai mu si gyi Obed. Obed mu si gyi Boas. Boas mu si gyi Salmon. Salmon mu si gyi Nahson. ³³ Nahson mu si gyi Aminadab. Aminadab mu si gyi Admin. Admin mu si gyi Arni. Arni mu si gyi Hesron. Hesron mu si gyi Peres. Peres mu si gyi Yuda. ³⁴ Yuda mu si gyi Yakob. Yakob mu si gyi Isak. Isak mu si gyi Abraham. Abraham mu si gyi Tera. Tera mu si gyi Nahor. ³⁵ Nahor mu si gyi Serug. Serug mu si gyi Reu. Reu mu si gyi Peleg. Peleg mu si gyi Eber. Eber mu si gyi Sala. ³⁶ Sala mu si gyi Kainan. Kainan mu si gyi Arfaksad. Arfaksad mu si gyi Sem. Sem mu si gyi Noa, Noa e mu si gyi Lamek. ³⁷ Lamek mu si gyi Metusela. Metusela mu si gyi Enok. Enok mu si gyi Yared. Yared mu si gyi Mehalaleel. Mehalaleel mu si gyi Kenan. ³⁸ Kenan mu si gyi Enos. Enos mu si gyi Set. Set mu si gyi Adam. Adam e mu si gyi Bulu.

4

Yesu Isoki

(Mateo 4:1-11; Marko 1:12-13)

¹ Breá Yesu léyinkí tsú Yordan ntsu onó á, Ŋhe Wankihé lɔbulá mutɔ, ilekpa mu ya dimbisú. ² Breá obu inu á, Ŋbunsám létsiá bɔsɔ mu ki nke advana kéké. Yesu mégyii tɔtɔ nke ámutɔ féé. Mú su breá nke ámu ilomɔ onó á, akón híé de mu.

³ Inu Ŋbunsám lébláa mu obéé, “Ní Bulu mu Bi fɔgyi á, mómú ha ibwi ánfí idamli bodobodo.”

⁴ Yesu lélé mú onó obéé, “Bɔwanlín wá Bulu asón ámutɔ bɛɛ, ‘Megyí atogyihe wole nyankpɔsa ogyii tsia nkpa.’ ”

⁵ Ŋbunsám lɔpu mu ya ibu fóáhé kɔsu. Olosuná mu oyító iwíe ogyíkpa féé ɔtsáwule pé. ⁶ Múú ɔlebláa mu obéé, “Nɔpu ɔmá ánfí féé túmi pú amó numnyam há fú, tsúfé mí ibitɔ bapówá. Ŋhá ání ndeklé a, mu nɔpuhá. ⁷ Mú su ní fosúm mí á, nɔpu mú féé há fú.”

⁸ Yesu lébláa mu obéé, “Bɔwanlín wá Bulu asón ámutɔ bɛɛ, ‘Da akpawunu ha fú Wíe Bulu. Mu nkɔle fu súm.’ ”

⁹ Ŋbunsám lékpa mu ya Yerusalem, ɔlɔpu mu yélí Bulu ɔswékpa obu ámu ɔtántra. Inu ɔlebláa Yesu obéé, “Ní Bulu mu Bi fɔgyi lélé á, tu kpayi.

¹⁰ Tsúfé bɔwanlín wá Bulu asón ámutɔ bɛɛ, ‘Bulu obéha mu abɔpu béki fɔsu.

¹¹ Békpátá fú ibitɔ, méní fú yabi méɛda ibwi kɔkɔsu.’ ”

¹² Yesu lélé mú onó obéé, “Betrá wanlín bɛɛ, ‘Mákapó fú Wíe Bulu ki.’ ”

¹³ Breá Ŋbunsám lómɔ isókí anfi féé onó á, ɔlɔku náti sí mu asa.

Yesu Gyumagyihe Asitsúá Galilea ɔmátɔ

(Mateo 4:12-17; Marko 1:14-15)

¹⁴ Ŋhe Wankihé túmi lékpa Yesu, oleyinkí yó Galilea ɔmátɔ. Mu iwí asón lékléi wa ɔmá ámu féétó. ¹⁵ Oletsíá súná ató Yudafɔ ofiakpa, ahá ámu féé bekanfó mu.

Buməho Yesu Mu Wuluto

(Mateo 13:53-58; Marko 6:1-6)

¹⁶ Inu Yesu léyinkí bá Nasaret, ɔtínéá oletsíá dan. Fé alíá otetsíá bwé á, ɔlɔyɔ Yudafɔ ofiakpa ɔkpónó ɔdaké. Breá ɔlɔkusó yélí amó ansító obékla

Bulu asón á, ¹⁷ botsu Bulu onósó otáipó Yesaia owóló há mu. Olesankí mú á, olowun otinekúá bəwanlín wá bεε,
¹⁸ “Aní Wíe Bulu ladá mí ofúli.

Iní sv mu Ōjé bu misu.

Alalé mí obéε, ndáa ason wankláán ámu okan suna ahá aní buma toto.
Obéε, mbébláa nkpábi mbéε, masí amú iwí há amú.

Mí ambla ansibi abwiepó mbéε, mabwíí amú ansibi.
Obéε mbébláa ahá aní bude amú ipiantə wa é mbéε, malé amú ipiantə.

¹⁹ Fówun mí ambli mbéε,
aní Wíe ahá nwewúunbi lafon.”

²⁰ Inu olokuntá owóló ámu, yínkía ha mósó okípó, oləwóí tíá asi. Ahá amúú bubu ofiakpa inu ámu féé besi bude mu kíí díín. ²¹ Inu Yesu lébláa amú obéε, “Nde, Bulu ason wanlínhé anfi laba mótó. Mú mlilanú á.”

²² Ahá ámu féé bonu ason wankláán amúú idədali mu onó ámu. Onó lobwie amú, befíté bεε, “Megyí Yosef mu bi ámu ní?”

²³ Yesu lébláa amú obéε, “Nyin aní mléha mí yébi anfi mlíaa, ‘Ilo otsapó, tsa fú iwí!’ Mlélabláa mi mlíaa, ‘Bwe ató amúú anilanú aní fódεbwe Kapernaum amu fú wúluto nfi é.’ ” ²⁴ Inu oleyinkí bláa amú obéε, “Ōnokwali nde mli bláa. Butamahə Bulu onósó otáipó okoku asón mu wúluto.

²⁵ “Mlinu, Bulu onósó otáipó Elia bísó á, nyankpu mótswíε nfinisa múa ifun kéké. Akón lehie ba Israel omátó féé. Ibu mótó aní asurapu tsətsətsə betsiá Israel omátó alí bré amoto, ²⁶ táme Bulu méha Elia oyo amótó okoku wá. Osurapu okúá obu Sarefat wúluto, Sidon omátó nkule wá əleha mu oləyo. ²⁷ Ilo pepe aləpú tsətsətsə é betsiá Israel omátó Bulu onósó otáipó Elisa bísó. Táme omeha okoku iwí meplí, don Naaman aní otsú Siria nkule.”

²⁸ Obíó lehie kítá ahá amúú bubu ofiakpa inu ámu, bréá bonu Yesu ason blíhé anfi. ²⁹ Bəkusó gya mu dáli amú wúluto. Wúlu amu idin busu. Begya mu alu yówie wúlu amu onó, bεε abowuta mu wa tsonkolito. ³⁰ Yesu lénatí tson amótó yó otínéá oyó.

*Yesu Ōje Laláhe Gyáa
(Marko 1:21-28)*

³¹ Inu Yesu lékplí yó Kapernaum, Galilea wúlu kuto. Olosuná amú ató amú ofiakpa okpónú odaké. ³² Mu atosunáhé lobwie amú onó, tsúfé olosuná amú ató túmisu. ³³ Oyin oku bu ofiakpa inu, oje laláhe bu musu. Okəklón blí obéε, ³⁴ “Kí mi! Yesu Nasaretyin, amansu bu ania fonyo nsiné? Ntéε aní okukpá febá lóó? Nyin ohá oduá fúgyi. Fúgyí Bulu Ōha Wankíhé amu ní!”

³⁵ Yesu ləkplon wa oje ámu obéε, “Kpa onó bun, afodalí mutə.” Inu oje laláhe amu léfin oyin ámu dá ahá amoto inu, dáli muto. Tətə məbwe mu.

³⁶ Onó lobwie amú féé, befíté aba bεε, “Amansu ní? Oyin anfi bu túmi, okəklón wa oje laláhe, ide mu bu, dáli ahátə?” ³⁷ Mu iwí asón lekleí wá omá ámu féétó.

*Aləpυ Tsətsətsə Tsa
(Mateo 8:14-17; Marko 1:29-34)*

³⁸ Yesu lédali Yudafə ofiakpa inu yó Simon wóyító. Oləyo á, owísó lakítá Simon mu sia tsíhé, əda kínkíínkín. Bεbláa Yesu bεε, ogyii mu buale. ³⁹ Yesu ləkpukpé tú otsí ámu, okəklón wa owísó ámu obéε, ikósu musu. Inunu ilokúsu musu, otsí ámu ləkúsu bwé amú afóótə.

⁴⁰ Bréá owí deta á, ahá bəsurá amú ahá aní bude ilo otsan-otsan lo ba, Yesu ləpu ibi dínká amúsó tsá amótó okugyíokú ilo. ⁴¹ Ōje laláhe bu amótó akuto.

Yesu lóklɔn wa ɔɲe laláɛ amɔ. Bedali, buɔe okitikíti beɛ, “Fógyí Bulu mu Bi ámu ní.”

Táme Yesu lówa mbla wá ɔɲe laláɛ amɔ ání buɔmátɔí, tsúfɛ buyin ání muɲyí Kristo, (ɔhá ámuó Bulu ladá mu ofúli amɔ) ní.

Bulu Asón Okanda Yudafɔ Ofiakpa
(Marko 1:35-39)

⁴² Mú ɔyi keɛe baɛe a, Yesu lédali wúlu amɔtɔ yó itsétó ɔtineku. Ahá bodunká mu alu yótu mu, bokokóli mu beɛ ɔmánatí sí amó. ⁴³ Táme ɔlebláa amó ɔbéɛ, “Ilehián ání néda Bulu iwíegyi iwɔ asɔn wankláán ámu ɔkan awúlu atráɛ amɔ ésó. Tsúfɛ mú ɔbwekpá Bulu lówa mí ní.”

⁴⁴ Inɔ sɔ oleki Yudea ɔmátó f́éé, dá Bulu asɔn wankláán amɔ ɔkan amó ofiakpa.

5

Yesu Akasípɔ Gyankpapɔ Tɔ
(Mateo 4:18-22; Marko 1:16-20)

¹ Eke ɔku Yesu líí Genesaret paati* ɔnó, ahá tsɔtsɔtsɔ beba boputá mu ání bónu Bulu asón. ² Olowun nklɔn anyɔ paati ámu ɔnó. Aye alepú ámu bakplí yó buɔe amó asawutɔ da. ³ Yesu lóɔv wíé kuleá igyi Simon klétɔ. Múó ɔlebláa Simon ɔbéɛ, osún mú kpalobí dinka ntsusu. Inu oletsiá mútɔ súná ahá ámu ató.

⁴ Bréá ɔlɔtɔí tá á, ɔlebláa Simon ɔbéɛ, “Mɔɔpla ɔklɔn amɔ ya okluklúkpa, amɔɲɔtswɔ asawu le aye.”

⁵ Múó Simon lébláa mu ɔbéɛ, “Owíé, anɔlóbwe kásián igye onyé f́éé, anuménya tɔtɔ. Táme iníá fee ayó, sɔ nɔyɔtswɔ asawu amɔ.” ⁶ Bréá bɔyɔtswɔ asawu amɔ a, bele aye tsɔtsɔtsɔ. Mú sɔ asawu amɔ lówa tití bi. ⁷ Inu bɔbwe ibi tí amó agyómá ayɔbá ámuó buɔv ɔklɔn nyɔɔsɔtɔ ámu beɛ buɔbɛtsa amó. Beba bɛtsa amó, bele aye amɔ bólá nklɔn anyɔ ámu dédéédé, ideklé ime. ⁸ Bréá Simon Petro lówun mú alɔ á, ɔleda akpawunu Yesu ayabito, bláa mu ɔbéɛ, “Mí Wíé, mákpɔkpé mantáa mi! Lakpan ɔbweɲú ngyi.”

⁹ Tsúfɛ aye amó balé ámu lówa muɔ mu aba ámu wánwan. ¹⁰ Alɔ kén ilɔwa Sebedeo abí Yakobo muɔ Yohane, buɲyi Simon agyómá ayɔbá ámu é wánwan ní.

Múó Yesu lébláa Simon ɔbéɛ, “Mánya ifú! Tsú nde púya a, anyánkɔpsa f́éɛ.” ¹¹ Simon muɔ mu aba ámu benya plá nklɔn amɔ besi osubúno alɔ, besi tógyítɔ tswɔ, kplá buo Yesu.

Ilɔ Pepe ɔlɔpú ɔku Tsa
(Mateo 8:1-4; Marko 1:40-45)

¹² Eke ɔku Yesu bu wúlu kusu, ilɔ pepe ɔlɔpú ɔku lówun mu. Inu ɔlebedá akpawunu, pú ɔvɔkɔɔ yi ɔsulótɔ, kókóli mu ɔbéɛ, “Owíé, ní fótɔsulá á, f́étalí há mí iwɔ béplí.”

¹³ Yesu létinkí ibi da mu, bláa mu ɔbéɛ, “Natsúlá, fú iwɔ iplí.” Inɔnɔ ilɔ ámu léɲa le mu iwɔ. ¹⁴ Inu Yesu léda mu ɔlá ɔbéɛ, “Mábla ɔhaa. Natɔ laa afɔpɔ fú iwɔ yosuná Bulu igyi ɔhapó, afɔha mu iwɔgyɔrátɔ amóó Mose mbla losuná tsú ilɔ pepɛtsa iwɔ ámu. Igyi adánsɛ suna ahá ání fú iwɔ laplí.”

¹⁵ Táme Yesu iwɔ asón létrá kleí yó ntíné dínká músó. ɔɔm beba mu atosunáhé onukpá, ɔtsa amótɔ alɔpɔ é ilɔ. ¹⁶ Táme oletsiá dáli amótɔ bré ku yó dimbísó ɔtineku mu nkule yóɔbɔ mpái.

* 5:1 Genesaret paati: Mú kén gyí Galilea ɔpɔ ní.

*Tsukole Osínpu Tsa**(Mateo 9:1-8; Marko 2:1-12)*

¹⁷ Eke oku Yesu dé ató suná. Farisifo, Mose mbla asunápu akvá botsú Galilea pú Yudea omátó pú Yerusalem beba betsiá así nu. Bulu túmi bu Yesuto há ilotsa. ¹⁸ Inu á, ayin aku basura tsukole osínpu akpasu ba. Bekleá bópu mu wíe wóyító, pú mu tswi Yesu ansító. ¹⁹ Odám amu su bumenya akpa. Inu su bayódu obu ámu awunso, dá mú otneku tíí, beklía akpa amu tswi ahá ámuoto Yesu ansító nu. ²⁰ Bréá Yesu lówun ání bahó mu gyi a, ðebláa tsukole osínpu amu ðéé, “Opíó, nasí fú lakpan kíé fú.”

²¹ Mose mbla asunápu pú Farisifo ámu beblí wá nwunto beé, “Ma gyí oyin áñfi ðe abususu blí áñfi? Ma ðétalí sí lakpan kíé ahá dun Bulu nkule?”

²² Yesu lébi amú agywun. Mú su ðefíté amú ðéé, “Ntogyi sù mliðé inu odu gywún? ²³ Mómu lópón ha blí? ‘Nasí fú lakpan kíé fú.’ lóó, ntéé ‘Kusu tsu fú akpa afonati?’ ²⁴ Táme ndekléa mlibú ání mí, Nyankpusa-Mu-Bi áñfi mbu túmi gyí áñfito sí ahá lakpan kíé amú.” Inu ðebláa tsukole osínpu amu ðéé, “Nde fú bláa mbéé, kusu. Tsu fú akpa afonati yo wóyí!”

²⁵ Inunusunu tsukole osínpu amu lókusó líí amú féé ansító, tsú mu akpa, ðopu akpa oyó wóyí ðe Bulu kanfú. ²⁶ Onó lobwie ahá ámu féé. Ifú lowie amú féétó, bekanfú Bulu beé, “Nde anlawun ofúla!”

*Lewi Tí**(Mateo 9:9-13; Marko 2:13-17)*

²⁷ Mú oma bréá Yesu lédalí nu á, olowun lampóo ðópu akvá butetí mu Lewi, tsie mu lampóo ðókpa. Yesu lébláa mu ðéé, “Bobuo mi.” ²⁸ Inu Lewi lókusó, sí mu tógyító omagyáa, yóbuo mu.

²⁹ Mú oma a, Lewi lótswi opúnú mu wóyító há Yesu. Lampóo ahópu tsotsotsó pú aha bambá é beba ató ámu ogyíkpá. ³⁰ Farisifo pú Mose mbla asunápu ání bubu Farisifo ámuoto befité Yesu akasípu amu beé, “Ntogyi sù mliha lampóo ahópu pú lakpan abwepú mliðé ubi wa gyi ató, mliðé ntá nú?”

³¹ Yesu léle mú onó ðéé, “Alópu léhián ilo otsapó, megyí ahá ání iwí bu amú onlin. ³² Mmeba aha wankláán otikpá. Mboún lakpan abwepú otikpá neba, méní bédamli klonto.”

*Onóklí Iwí Asun Fitéhé**(Mateo 9:14-17; Marko 2:18-22)*

³³ Aha aku bebláa Yesu beé, “Asú Obopó Yohane akasípu butetsiá klí onó bó mpái. Farisifo akasípu é butobwé alí, táme fú akasípu mú buðegyí, buðenuú.”

³⁴ Yesu léfité amú ðéé, “Otsi okpaínpu anyawíe béklí onó bréá obu amú wá? Ekekeke! ³⁵ Táme eke oku béba ání békpa mu náti sí amú. Alí nke ámuoto béklí onó ní.”

³⁶ Inu ðeha amú yébi ðéé, “Ohaa tamapú tati pópwe tan tati dada. Ní obwé mú alí á, alayintá pópwe amu, pópwe amu pú dada amu ansí é iméekanáa aba. ³⁷ Alí kén butamapú nta pópwe wá ðwuló-kpákpá kente wuhétó ní. Nta pópwe amu ibófu fá kente amu tsítsá, yintá kente amu é. ³⁸ Inu su ðwuló-kpákpá kente pópwetó bótópú nta pópwe wá. ³⁹ Ohaa tamafité nta pópwesu bréá alanu dánhe. Tsufé ðteblí ðéé, ‘Idánhe amu bu alé dun.’ ”

6*Okpónú Ddaké Mu Wie**(Mateo 12:1-8; Marko 2:23-28)*

¹ Yesu mva mu akasípó bətsən ayó ndə kətə əkpónú ədaké. Mu akasípó amu bəprəvən ató-abí ámu kv, bəpəvsáa mú wí. ² Farisifə ámu aku bəfité amú bεε, “Ntogyi só mlídé tśá aní mbla meha əkpa aní bəbweε əkpónú ədaké bwε?”

³ Yesu léfité amú əbée, “Mlumókókla nu tśá Owíe Dawid lóbwe bréá akón de mva mu abúopu kí? ⁴ Olebitíwíé Bulu osúmka yótsu bodobodoá bapóhá Bulu igyí ba, mva mu abúopu amu begyi. Bulu igyí ahapó nkole beε əkpa bótegyi alí bodobodo amu.”

⁵ Mú Yesu əlmə mu asún ənó əbée, “Mí, Nyankpəsa-Mu-Bi anfi gyí əkpónú ədaké mu wie.”

Ilətsa Əkpónú Ədaké

(Mateo 12:9-14; Marko 3:1-6)

⁶ Yesu lóyo ató osunákpá Yudafə ofiakpaəkpónú ədaké bámhá. Oyin əkvá mu gyəpí ibi lawú bu inu. ⁷ Mose mbla asunápo pú Farisifə aku bεε Yesu kí bεε, əbėtsa ilə əkpónú ədaké, méni bénya mu iwí asún, póyénatí mvsu súná ahande. ⁸ Yesu yin amú nwuntə asún. Mú su əlebláa oyin ámuú mu ibi kole lawú ámu əbée, “Kvsu belí amú ansítə nfi.” Inu oyin ámu lóksú belí amú ansítə. ⁹ Mú Yesu lébláa amú əbée, “Nde mlí fité, ntə mbla ámu léha əkpa aní abwée əkpónú ədaké? Yilé lóó, ntée lalahe? Ahə əha nkpa lóó, ntée amə mu?” ¹⁰ Inu əledamlí kí amú fée fiá. Mú əlebláa oyin ámu əbée, “Tinkí fə ibi amu.” Olenya tinkí ibi amu alí pé, əhé lowie mótə.

¹¹ Əblí ləkítá amú, bəfité aba bεε, “Ntə kóún abéhie bwé Yesu anfi?”

Akasípó Amu Adá

(Mateo 10:1-4; Marko 3:13-19)

¹² Eke əku Yesu lódu yó ibusu yóbə mpáí há Bulu tsú onyé yéha əyi kehe. ¹³ Mú əyi kehe a, əletí mu akasípó, əleε amótə dúanyə, əletí amú mu sumbí ayəpó. ¹⁴ Amúgyí, Simon aní əledinká mu Petro mva mu pio Andrea; Yakobo mva Yohane; Filipo, Bartolomeo, ¹⁵ Mateo, Toma, Alfeo mu bi Yakobo, Simon aní ogyi iwisətsiá adunkápú əpasuatə əha; ¹⁶ Yakobo əku mu bi Yuda pú Yuda Iskariot aní əlebeε Yesu há.

Yesu Atósundá Múə Ilə Tsa

(Mateo 4:23-25)

¹⁷ Yesu mva sumbí ayəpó ámu bekpíí tsú ibu ámuvsu ba əsvlúvə tantasu. Mu abúopu tsətsətsə pú ədəm kənkəpənkəntiá bətsú Yudea əmátə, Yerusalem pú əpu ənó awúlu Tiro múə Sidonsu beba inu. ¹⁸ Beba bεε bebə bonu mu asun blíhé, ətsa amú ilə. Ahá aní əje laláhe de amú háan é beba, olegya əje laláhe lé amótə. ¹⁹ Amú fée bekleá bəpu ibi da mu, tsúfé əje dədəli mətə, əletsa amú fée ilə.

Oyúla Asón

(Mateo 5:1-12)

²⁰ Yesu lótsu ansí kí mu akasípó, əlebláa amú əbée,

“Bulu layúlá mlíá mlímá tətə,
tsúfé mlíbú mu iwíegyí amu ni.

²¹ Bulu layúlá mlíá akón de mlí séi,
tsúfé mléba begyi mwε.

Bulu layúlá mlíá mlídésú séi,
tsúfé mléba bəməsí.

²² “Bulu layúlá mlíá bəde mlí lu, bəde mlí gyáa le amótə, síá mlí, tí mlí ida laláhe mí, Nyankpəsa-Mu-Bi anfi sv. ²³ Ansí igyí mlí eke ámu, amlifuli

kpayi ansigyísó, tsúfè mli ikáká tsò òsúsó. Alí amó anáin bəbwe Bulu ɔnósó atáíró amó ní.

²⁴ Táme mli ání mlilanyá iwí séi, mligyɔwí ní.

Tsúfè mli ansigyí fée mlilanyá á.

²⁵ Mli ání mlilamwé séi, mligyɔwí ní.

Tsúfè akón béba bekítá mli.

Mli ání mlidémási séi, mligyɔwí ní.

Tsúfè mléba begyi awiréhó, su.

²⁶ “Mli ání ahá fée bɔde mli kanfó, mligyɔwí, tsúfè alí mli anáin bekanfó Bulu ɔnósó atáíró afunupɔ amó é ní.

Alupódwe

(Mateo 5:38-48; 7:12a)

²⁷ “Táme nde mli ání mlónu bláa mbéé, Mliɔwé mli alupó, amlibwé yilé ha amó. ²⁸ Mliyula ahá ání bɔtəlwí mli, amlibɔ mpái ha ahá ání bɔtesíá mli. ²⁹ Ní ɔha ɔdá fú ɪsɔtə a, damli nyɔɔsi é ha mu ɔda. Ní ɔku ɔswíí fú tati á, wɔi fú atadie é ha mu. ³⁰ Ní ɔku ɔkólí fú ató á, ha mu. Ní ɔku é otsú fú ató á, máyɔhó mú. ³¹ Bwé ha ahá alá fudeklé fée bɔbɔwé ha fu.

³² “Ní fú adwepó nkɔle fɔtədwé á, ipán məmɔ fénya? Lakpan abwepó kóráá bɔtədwé amó adwepó. ³³ Ní ɔhá ání ɔtəbɔwé yilé há fú nkɔle fɔtəbɔwé yilé há á, ntogyi só Bulu ɔdáa fú ipán? Lakpan abwepó é bɔtəbɔwé ali. ³⁴ Ní ɔhá ání foyin ání obénya há fú nkɔle fɔtéhá ipán a, ntogyi só Bulu ɔdáa fú ipán? Lakpan abwepó óó bɔtəpó ató pan amó aba, yínkí hɔ mú ali. ³⁵ Mú sɔ mliɔwé mli alupó, mliɔwé yilé ha amó, mliɔpan amó ató, mliɔmáti amó akɔ, méní Bulu ɔbéka mli iká tsɔtsɔtsɔ. Fówun mlilabwé Ɔsúsúsú Bulu ámu abi. Tsúfè ɔbɔ awitɔle há ahá ání ató tamagyi amó ansi pó aha laláhe fée. ³⁶ Mliɔwé nwe awúnɔpɔ fé alá mli Sí Bulu gyí nwe owúnɔpɔ.

Ilále

(Mateo 7:1-5)

³⁷ “Mliɔmále ahá ilá, méní Bulu mééle mli ilá. Mliɔmáha ɔhaa ipón, méní Bulu é ɔmééha mli pón. Mlisi mli aba ilá kie amó, Bulu osi mli klé kie mli. ³⁸ Mliha ahá tóá de amó hián, Bulu ɔbélahá mli. Ɔbópɔ atə susúhe wankláán wá mú, wósúv mú, silá mú, ibábulá tsítsá há mli. Tsúfè tóá fəpósúsu ha fú bá á, mú kén Bulu ɔbópɔsúsu ha fu ní.”

³⁹ Yesu létrá ha amó yébi ɔbéé, “Nsibi obwiepó ɔbétalí kpá nsibi obwiepó? Amó fée bɔmékpa wíé ɔbótó? ⁴⁰ Ɔkasípó tamadɔn mu wie, táme ɔkasípó ɔkásí bí á, ɔtəbɔwé fə mu wie.

⁴¹ “Ntogyi só fòde ipí túkúríbi wúun fú bá nsíbisɔ, táme fɔmedé ogyakpatín ání idɔn fú klésɔ mú wúun? ⁴² Ntée ntogyi só fòde fú bá bláa fée, ‘Mí pío, ha mí andɔnki ipí fú nsíbisɔ’, táme fɔmedé ogyakpatín ání idɔn fú klésɔ mú wun? Apinabwebí ɔbwepó, gyankpa dɔnki ogyakpatín ámu fú nsíbisɔ, méní fówun ató wankláán, tálí dínkí ipí ámu fú bá klésɔ.

Oyi Pó Mú Abi Swiehé

(Mateo 7:6-20; 12:33-35)

⁴³ “Oyi wankláán méetalí swíé abi laláhe. Ali kén oyi laláhe é méetalí swíé abi wankláán ní. ⁴⁴ Tsúfè oyí-ibí bɔtəpóbí mú. Bɔtamakpótí kankaba okplóto oyísó, bɔtamakpótí tsəkpɔn é tɔnkpa iflasɔ. ⁴⁵ Ɔha wankláán telé tsiátó wankláán ɔwan tsú mu klɔntə, ɔha laláhe é telé tsiátó laláhe ɔwan tsú mu klɔntə. Tsúfè tóá idɔn ɔha klɔn a, mútédálí tsu mu ɔnó.

*Butásó pú Osublútó Obuyi**(Mateo 7:24-27)*

⁴⁶ “Ntogyi só mlidé mí ti mhaa, ‘Mí Wíé! Mí Wíé!’ táme mlitamagyi mí ason blíhéso? ⁴⁷ Nósuná mli alá áhá ání òlèba mí wá bonu mí asón, gyi dinká mósú gyí. ⁴⁸ Ogyi fé áhá ání òbá beyi obu á, olegyankpá kwí mú ntswiasí òbó yótu butá, òlòwa ntswiasí ámu dinká mósú. Bréá ntsu lóbulá kítá mú á, imetalí kpínkí obu ámu, tsúfé oleyi mú wankláán. ⁴⁹ Táme áhagyíáha ání olonu mí ason blíhé, omegyi mósú gyí fé áhá ání oleyi mu obu òsulúso kèkè, òmòwa mú ntswiasí. Bréá ntsu lóbulá wa mú á, ilobwie dá gbloo inonu, yintá fée!”

7*Romafó Isá Akópó Òhande Osúmpó Òku Ilo Tsa**(Mateo 8:5-13; Yohane 4:43-54)*

¹ Bréá Yesu lébláa áhá ámu asón ánfí fée tá á, òlòyó Kapernaum wúluto. ² Romafó isá akópó òhande òku bu inu. Òbu osúmpó òkúá òtèhíé kle mu asón. Osúmpó amu délo, odeklé owu. ³ Bréá isá akópó òhande amu lónu Yesu nka á, òlòwa Yudafó ahande aku sísí Yesu òbée, buyókokóli mu òbetsa mu osúmpó amu ilo ha mu. ⁴ Ahande amu behiè kókóli Yesu bée, “Abwíí ipa, ní òku léhián fú mbua á, mómú oyin ánfí ní! ⁵ Tsúfé òtòdwé aní pi. Muléyi aní offiakpa kóráá há aní ní.”

⁶ Mú su Yesu mua amónyó bòpu òkpa. Bréá beta wóyí ámutò wie tá á, isá akópó òhande amu lówa mu anyawíe òbée buyéfiá Yesu, abubla mu bée, mbée, “Owíé! Máhan fú iwí, tsúfé mmòfun ání fèba mí wóyító. ⁷ Nawun ání mí é mmòfun ání néba fú wá. Fú mú bli asoanku, iwí bówa mí osúmpó amu ònlín. ⁸ Tsúfé mí é mbu ahande aku asi. Isá akópó aku é búbu mí asi. Nelé ònó mbée amótó òku ònátí á, òtènátí. Ní mbée òbá é á, òtèba. Tógyítá nébláa mí osúmpó mbée òbwée á, òtòbwé.”

⁹ Bréá Yesu lónu asón ánfí á, ònó lobwie mu, òledamli bláa òdòm amúú búbuo mu amu òbée, “Ònòkwali asón, nde mli bláa, mmòkòwun áhá ání òbu hógyi kpònkpòntí ánfí odu Israelfòtò kóráá kú!”

¹⁰ Bréá abòpu amúú isá akópó òhande amu lówa ámu beyinkí yó wóyító a, bowun ání osúmpó amu iwí lawá mu ònlín.

Òsurapu Òku Mu Bi Tsinki

¹¹ Imòwa òpá koku Yesu lóyó Nain wúluto. Òdòm búbuo mua mu akasípó. ¹² Bréá olowíe wúlu ònó á, òlòtu aku, búsun fúli akpasu bebá. Obi yinhé òkole pé ogyi há òsurapu òku. Òdòm kpònkpònkpòntíá botsú wúlu amutò é búbuo òtsí ámu. ¹³ Bréá aní Wíe lówun òtsí ámu a, mu asón lówa mu nwe, òlèbláa mu òbée, “Másu!” ¹⁴ Múú òlòyópu ibí da akpa amu, asurápó amu besi lí. Inu òlèbláa fúli amu òbée, “Oyasubi, nde fú bláa mbée, kusu!” ¹⁵ Inu fúli amu lókusó tsíá, wá tóí bí. Yesu lópu mu wá mu yin ibitò.

¹⁶ Ifú lèkítá áhá ámu fée, bekanfó Bulu bée, “Bulu labòbúá mu áhá! Mu ònósú òtòípu kpònkpòntí òku lalin anitò!”

¹⁷ Yesu iwí asón ánfí lèkleí wá Yudea òmá pú awúlu ání ibu nsiné inu féeéto.

*Yesu Mva Asú Òbòpó Yohane**(Mateo 11:2-19)*

¹⁸ Asú Òbòpó Yohane akasípó beyébláa mu asón ánfí fée. Mú su òlòwa amótó abanyó sísí Yesu òbée, ¹⁹ buyéfité mu bée, “Fúgyí áhá ámúú òbèba amu ni, ntée akí áha bambá òkpa?”

20 Bréá ahá ámu beba bowie Yesu wá á, bebláa mu beε, “Asú Ɖɔɔpú Yohane ɔbéε abéfíté fú aníaa, ‘Fúgyí ɔhá ámú ɔbéba amu ni, ntée akú ɔha bambá ɔkpa?’ ”

21 Yesu létsa alɔpu pú ahá ání iwí dé amú ɔsin tsɔtsɔɔtsɔ alí bré ámutɔ. Olegya ɔɛ laláhe lé ahátɔ, bwíí ansibi abwiepú tsɔtsɔɔtsɔ é ansibi. 22 Inu ɔlele Yohane akasípú asón ámu ɔnó ɔbéε, “Mliyinki yebláa Yohane tásá mlilabowun pú móa mlilabonu. Mlilabowun ání ansibi abwiepú buɔe ató wúun, abɔ buɔna. Ilo pepe alɔpú iwí deplí, isu atinpu buɔe asón nu. Afúli buɔetsinkí, ahíánfɔ é buɔe ason wankláán ámu nu. 23 Bulu obóyulá ɔhá ání mí bwehé mɔkɔsú líí muɔu.”

24 Bréá abí ámú Yohane lówa sumbí ámu beyinkí bɔyá á, Yesu lówa tóí tsú Yohane iwí súná ɔɔm amu bi. Ɖbéε, “Bréá mliléɔalí yɔ dimbísú inu á, ntɔ ɔkíkpa mlílóyɔ? Fitáa ání afú de mó tsúun lóó? Ekekeke! 25 Ní megýí mú á, ntɔ kótún ɔkíkpa mlílóyɔ? Ɖhá ání ɔɔɔdí ntsrim. Ekekeke! Ahá ání buɔeɔɔɔɔɔ tati ámu odu gyi ɔɔwe á, awíe wóyí buɔetsíá. 26 Mlɔbla mí! Bulu ɔnósú ɔɔɔpú mliléɔalí yéki? Ee, Yohane ni. Ɖɔun Bulu ɔnósú ɔɔɔpú. 27 Mu iwí asón Bulu lébli bɔwanlín mó tswi beε, ‘Kí, nde obí wa gya fu nkpa. Mu ɔbéla ɔkpa há fú ní.’ ” 28 Yesu lóyɔ mu asónsú ɔbéε, “Nde mlí bláa mbéε, ɔhagyíɔha ání ɔha tshé laken kwíí mófɔn mu, táme mu é ɔmɔfɔn Bulu iwíegýí ámutɔ ɔkɔsu kóráá.”

29 Aha ání bonu Yesu asón ání pú lampóo ahópɔ kóráá bowun ání Bulu asón da ɔkpa. Botsulá há Asú Ɖɔɔpú Yohane lóbo amú asú. 30 Táme Farisíɔ pú Mose mbla asunápú amu mó bɔmeɔha Yohane ɔbo amú asú. Bekiná tásá Bulu léhúhíe ha amú bwe.

31 Yesu lóyɔ mu asónsú ɔbéε, “Séí ání á, amendi nópukápú ndemba-abí ání? Ntɔ belian? 32 Bɔgyi fé nyebíá bɔtsie dɔnsu buɔe aba kpolí, bí beε, ‘Anɔlpléí ansigyísú, mlumétsa. Mó su anɔlawá awíreɔo iɔ, táme mlumósú.’ 33 Mligýí fé nyebí ání, tsúfé Yohane léba á, oletsíá klí ɔnó, omonu ntá, táme mlíaa, ‘Ɖɛ laláhe bu mutɔ!’ 34 Mí, Nyankpɔsa-Mu-Bi ání mó naba nde ató gyí, nde ntá núu. Mó é mlíaa, ‘Mlíki opotsuapu pú nta ɔbuɔú. Lakpan abwepú pú lampóo ahópɔ onyawíe.’ 35 Táme ɔhá ání ɔbu Bulu nyánsa á, mu tsíátó telé mó ɔwan.”

Ɖtsi Lakpan Ɖbwepú Ɖku

36 Farisiyin ɔku létí Yesu ató ogyíkpa mu wóyító. Bréá Yesu tsie ɔpónú ámu asi á, 37 ɔtsi ɔkúá ɔbu wúlu amutɔ, ogyi lakpan ɔbwepú lónu Yesu nka ání batswi ɔpónú há mu Farisiyin amu wóyító. Inu olotsu mu ofobí fánfán ání iɔ bíá prentɔa wankláán ɔbo ba inu. 38 Ɖleɔeɔda akpawunu Yesu ayabiasí, ɔlekpa isú yi woo. Ɖɔpu mu ntsú fwí Yesu ayabiasí, pú mu nwunso-imi tsísi mó. Ɖlɔkolá Yesu ayabi pútá, tséí ofobí fánfán ámu wólí mu ayabisu. 39 Bréá Farisiyin amú ɔletí Yesu amu lówin iní á, ɔleblí wá nwuntɔ ɔbéε, “Ní Bulu ɔnósú ɔɔɔpú oyin ání gyí lélé á, teki alawun ɔhá oduá ɔtsi ání gyí asa ɔɔepu iɔ da mu, tsúfé lakpan ɔbwepú ogyi.”

40 Yesu lébláa oyin ámu ɔbéε, “Simon, mbu asɔanku bláa fu.”

Simon léfíté mu ɔbéε, “Osunápú, amansu igyi? Bla mu.”

41 Yesu lébláa mu ɔbéε, “Ahá abanyó aku bepan sika oyin ɔku wá. Ɖkɔle lépan blɔba-anu (5,000,000), ɔkɔle é lépan mpím lafanu (500,000)*. 42 Bɔmenyá kóba amu ká. Mó su oyin ámu lésikíé amú abanyó féé. Bla mí, amótó ɔmɔmu ɔbódwe oyin ámu ɔun?”

* 7:41 Sika ání igyi sika futútú lafanu (500) móa aduenu (50), igyi ɔha nke lafanu (500) móa aduenu (50) ikóká.

⁴³ Simon lébláa mu óbée, “Nahogyiá omuamóu mu ịkọ tso dun amu.”

Yesu lébláa mu óbée, “Onokwali igyi.” ⁴⁴ Inu Yesu léyinkí kị ọtsi ámu, ólebláa Simon óbée, “Fawun ọtsi ánfí? Neba fú wóyítá a, fumeha mí ntsu anwí ayabiasí. Táme ọtsi ánfí mú lapó mu ntsu fwí mí ayabiasí, pú mu nwunso-imi tsítisi mó. ⁴⁵ Fumelatá mí pútá, táme tsú bréá neba nfi ọpá á, ọtsi ánfí mókósi mí ayabi kolá pútá. ⁴⁶ Fumetséí ofobí wólí mí nwuntó, táme mu mú alatséí ofobí fánfán wólí mí ayabisu. ⁴⁷ Mú so nde fú bláa mbéé, ọdwe tsotsótsó ánfí alalé súná mí ánfí idesuná ání Bulu lasí mu lakpan tsotsótsó ámu fée kíé mu. Táme óhá ání Bulu osii lakpan kpalobí kíé á, ọdwe kpalobí ọtelé súná.”

⁴⁸ Inu Yesu lébláa ọtsi ámu óbée, “Nasí fú lakpan fée kíé fú.”

⁴⁹ Ahá ámuó amóa Yesu bọtsie ọpónóasí ámu, beblí wá nwuntó beé, “Ma gyí oyin ánfí óbée mu na mọde ahá lakpan sikíé amó.”

⁵⁰ Mú Yesu lébláa ọtsi ámu óbée, “Fú hógyi laho fu nkpa. Natí iwilwiitó.”

8

Atsíd Bobuo Yesu

¹⁻² Imọwa ọpá kọkọ, Yesu lékí awúlu móa nkuda así, ọde Bulu iwíegyi ámu iwí ason wankláán okan da. Mu akasípú dúanyó ámu pú atsí akvá ole-gya ọje laláhe lé amótó, tsá amó ilo bobuo mu. Atsí ámu gyí, Magdalayintse Maria ání Yesu légya ọje laláhe asienó lé mọtó. ³ Owíe Herode wóyísú okípu Kusa mu ka Yohana. Ọtsi okvá bọtetí mu Susana pú atsí tsotsótsóá betsiá pú amó ató kị Yesu mu a mu akasípúso.

Ató-abí Owunyápu Iwí Yébi

(Mateo 13:1-9; Marko 4:1-9)

⁴ Bréá ọdọm kponkponkponnti bọtsu awúlu-awúlusu ba befia Yesu wá á, óleha amó yébi óbée,

⁵ “Ọdọtọpu okú lóyo ató-abí owunyákpa. Bréá ọde mú wunyáa a, ịkú lówólí okpató, ahá betsatsáa mósú, mbubwí é bọtswetswéé mú fée. ⁶ Ịkú lówólí abótású, ọtínéá ịsị kpalobí dun. Ilowa ọsa kwe, táme bréá owí lelun a, ịdọtó mú mó, tsúfée imenya ntsu. ⁷ Abí ámu kú lówólí awutó, awu ámu lóbólá kítá mú, ịmedan. ⁸ Abí ámu kú lówólí ọsulúw wankláánsú, dan. Iloswie abí tsotsótsó fée mú amóu olodu ámu odu tsé lafa.”

Yesu lómọ mu asón ọnó óbée, “Óhá ání ọbọ asu onúu.”

Tóá Súd Yesu Lótáí Ayébisu

(Mateo 13:10-17; Marko 4:10-12)

⁹ Yesu akasípú befité mu yébi anfi así. ¹⁰ Ólebláa amó óbée, “Bulu lahá mlí okpa óbée, mlíbú mu iwíegyi ámu iwí ason nainhé. Táme nde aha bambá asón bláa ayébisu, méní bówwun, táme bọméesi. Bónu, táme bọmóonu mú así.

Ató-abí Owunyápu Yébi Amu Así

(Mateo 13:18-23; Marko 4:13-20)

¹¹ “Yébi amu así ní. Ató-abí ámu gyí Bulu asón. ¹² Abí ámuó ịlówólí okpató ámu gyí ahá ání bọtonú asón ámu, táme Ọbunsám tẹba bele mú lé amó klonntó, méní bọmósoho mósú gyi, fówun bénya nkpa ání itamatá. ¹³ Abí ámuó ịlówólí abótású amu gyí ahá ámuó bonú asón ámu pé, bahó mú ansigyísú, táme bọma nlin. Mú so butamahogyi wa ọpá. Ní ịsókí kú inyá tó amó pé, badida. ¹⁴ Abí ámuó ịlówólí awutó ámu gyí ahá ání bonú asón ámu a, bahó mú, táme ọyí ánfító ató hiánhe iwí gywín, pú mótó atonyahé iwí ansigyí tegyi asón ámuso. Iní su butamaswíé abí dan. ¹⁵ Abí ámuó ịlówólí

osulúv wankláánsó ámu gyí ahá ámóú bonú asón ámu a, butòhò mu wá klun wankláán aní itonú asón, gyi mósótó. Iní sv butotomi swíé abí tsòtsòtsò.

Okandíe Iwi Yébi
(Marko 4:21-25)

16 “Ohaa tamanywé okandíe pú ató bun mósó, ntée pówá mpá ayasi. Ofoákpá otópúbian, ménì ibòwankí há ahá aní béba wóyí ámutò.

17 “Tsúfè tòtò má unvá íbèjáín, uméelun òwan. Asun ñáínhé kòkò é ma unvá buméebi mú.

18 “Mlíki wankláán mlí asón-nutó. Tsúfè ohá aní odekléá obónu mí atosunáhé amu asi á, Bulu óbòpò ọkò tsia mótó há mu. Táme ohá aní omedékléá obónu mú asi á, Bulu óbòswí mu kpalobí ámóú olosusúu aní alabí ámu kóráá.”

Yesu Abusuanfò Onutó
(Mateo 12:46-50; Marko 3:31-35)

19 Yesu mu yin muva mu apíó beba mu wá, táme odòm amu sv bumetalí wíé ba mu wá. 20 Ahá ámutò ọkò lébláa Yesu óbée, “Fó yín muva fó apíó bulí kpankpá, budekléá bówun fu.”

21 Yesu lébláa amú óbée, “Mí yín muva mí apíó gyí ahá aní butonú Bulu asón ámu, gyi mósó.”

Atsufú Asibá
(Mateo 8:23-27; Marko 4:35-41)

22 Èke ọkò Yesu lébláa mu akasípó óbée, “Mliha afa Galilea ọpò yò mú óbin.” Mú sv bọpò ọkpa bọyó. 23 Bréá bọyó á, Yesu lédídi. Inu afú kpònkpònkpònti kò lówa tsòvò bi. Ntsu ámu ideda wíé ọklun amutò, ideklé me. Uòtò amú ansí pẹpẹ. 24 Mú sv betsinkí Yesu, bláa mu beé, “Aní Wíe! Anídé ntsu wíe!”

Yesu lókusó lé onó wa afú múa ntsu ámu, unv fée lóbá. 25 Inu ọlefíté amú óbée, “Mlí hógyi me?”

Ifú lekítá amú, onó lobwie amú, befité aba beé, “Nyankpòsa omòmò nì, alalé onó wa afú múa ntsu kóráá, banú mu omé alí?”

Ọje Laláhe Gyáa Le Ogbedéptó
(Mateo 8:28-34; Marko 5:1-20)

26 Yesu muva mu akasípó befa ọpò tsú Galilea yówie Geraséfò* osulúsv. 27 Bréá Yesu dédalí ọklun amutò á, oyin ọkóá otsú wúlu amutò, ọje laláhe bu mutò lébefia mu. Oyin ánfi lékpa ató, tú dálí wóyító, yó otsie afúli opulákpá ilawá ọpá. 28 Bréá olowun Yesu a, óbòsórá okitikítí, dá akpawunu Yesu ayabítò, kplón bí óbée, “Osósúsó Bulu mu Bi Yesu, amansu igyi? Kókoli, mápítí mí ató.” 29 Alí bré ámutò á, Yesu lakplón wa ọje laláhe amu óbée, idálí mutò dodo. Mú sv oyin ámu léblí alí ní. Ọje laláhe amu itowíé mutò brégyibré. Mú sv butòwá mu ibi pú mu ayabi íkan, gyo mu iwí. Mú óó á, otebíá íkan amu, ọje laláhe amu itehá mu ótesrí wíé aputu.

30 Inu Yesu léfité mu óbée, “Nkálí butetí fú?”

Oyin ámu lélé mú onó óbée, “Mí dá gyí ‘Odòm.’ ” Tsúfè ọje laláhe tsòtsòtsò bu mutò. 31 Ọje laláhe amu bokokóli Yesu óbée, ómágya amú yówa ilán klúklúúklúá uma ọkatò.†

32 Mprákuo tsòtsòtsò ako bodegyí okúku kòsv unv fón. Mú sv ọje laláhe amu bokokóli Yesu beé, ohá abuyowie mprákuo ámutò. Ọleha amú ọkpa

* 8:26 Gadarafò bu nwló dáda amu akotò. † 8:31 Ilán klúklúúklúá uma ọka gyí ọje laláhe isv óbitíkpá.

ɔbée buyó. ³³ Inuɔ beɗali oyin ámutɔ yówie mprákuo ámutɔ, amó fée besrí kpákplí okúku amu wíe ɔputɔ, wúwu.

³⁴ Bréá mprákuo akparú ámu bowun tóá ilaba a, besrí yéblí asón ánfí wúlutɔ pó ɔmá ámutɔ. ³⁵ Inu ahá beba beki tóá ilaba. Bowun ání oyin ámutó tekíɔɔ laláhe bubu mutɔ ámu ansító laɗí, alawá atadiɛ otsie Yesu wá. Ilɔwa amó ifú. ³⁶ Ahá ámutó bowun itó ámutó ilaba amu bebláa amó aliá oyin ámutó ɔɔ laláhe bubu mutɔ ámu lénya mu ilɔtsá. ³⁷ ɔmá ámutɔ ahá fée bokokóli Yesu beɛ, ɔɗáli amó ɔmátó, tsúfée ifú lehie kítá amó. Mú su Yesu lówie ɔklɔn amutɔ ɔbée amɔnati. ³⁸ Oyin ámutó tekí ɔɔ laláhe tsie mutɔ ámu lókokóli mu ɔbée, “Ha mí ambuo fu yɔ.” Táme Yesu méha mu ɔkpa.

³⁹ Mboún ɔlebláa mu ɔbée, “Yinki yɔ wóyí, afuyɛbláa mlí pi toyiléá Bulu labwé há fú.”

Mú su oyin ámu léki wúlu amu fée fiá, ɔɗe toyilé ámutó Yesu labwé há mu amu blí wúlu amutɔ fée.

*ɔhande ɔku Mu Bi Mva ɔtsi ɔku Ilɔ Tsa
(Mateo 9:18-26; Marko 5:21-43)*

⁴⁰ Bréá Yesu léyinki yówie ɔpu amu ɔbin a, ɔɗɔm bəhɔ mu atúu, tsúfée buɗe mu ɔkpa kí. ⁴¹ Inu oyin ɔkuá butɛtí mu Yairo, ogyi Yudafɔ ofiakpa ɔhande léba beɗa akpawunu mu ayabitɔ, kókóli mu ɔbée, ɔbá abuyɔ mu wóyító. ⁴² Mu bi tsihé ɔkɔle péá ɔbu, alahɔ nfi dúanyɔ da odewu.

Bréá Yesu lópu ɔyó inu á, ɔɗɔm ámutó bubuo mu amu bekpa buo mu yeɛ. ⁴³ ɔtsi ɔkuá obugya ɗe mu wólí nfi dúanyɔ ní, ɔhaa mókótálí tsá mu, alayíntá mú iwísu ató fée ilɔ atsapú ibitɔ bu ahá ámutɔ. ⁴⁴ ɔtsi ánfí lótsun yɔ Yesu ɔma, pú ibi da mu tati osiebí. Inuɔ obugya amu leka itin. ⁴⁵ Múu Yesu léfité ɔbée “Ma lápú ibi da mi?”

Bréá ahá ámu fée beɛ bumákópú ibi da mu a, Petro léfité Yesu ɔbée, “Mí Wíé, ɔɗɔm ánfí bɔpu fú ánfí á, mú fúɗe asón ánfí fité?”

⁴⁶ Táme Yesu léblí ɔbée, “ɔku lapó ibi da mi. Nawun ání ɔɔ ke ku ladáli mutɔ.” ⁴⁷ Bréá ɔtsi ámu lówwun ání itó ámutó mabwé ámu lalin ɔwan á, ɔleɗali ba. ɔɗekpinkí kpakpakpakpa, ɔleyéɗa akpawunu Yesu ayabitɔ, bláa mu ahá ámu fée ansító tóá swá mɔpu ibi da mu, pú aliá manyá ilɔtsá. ⁴⁸ Inu Yesu lébláa mu ɔbée, “Mí bí, fú hógyi latsá fú ilɔ. Natí iwílwíitɔ.”

⁴⁹ Bréá Yesu bu mu tɔi anfisú á, ɔku lésrí tsú Yairo wóyító ba bebláa Yairo ɔbée, “Fú bí ámu ɔɗɔkpa mɔwa alé. Mátepi trá wa osunápú tɔi.”

⁵⁰ Bréá Yesu lónu asón ánfí á, ɔlebláa Yairo ɔbée, “Mánya ifú. Fú mú hogyi wɔle, obénya nkpa.”

⁵¹ Bréá Yesu lówie wóyító inu á, ɔmeha ɔhaa obuo mu yɔ obuá kebi ámu da mótó, ɗun Petro, Yohane, Yakobo pó kebi ámu akwíró. ⁵² Alí bré ámutɔ á, ahá ámu fée buɗesú, buɗe okitikíti. Yesu lébláa amó ɔbée, “Mlɔsi okitikíti sɔrá. ɔmákówú, ɗiɗí ɔɗe.”

⁵³ Ahá ámu fée buyin ání otsibi amu lawú. Mú su bɔmɔsí Yesu. ⁵⁴ Inu Yesu lékítá otsibi amu ibi, kpólí mu ɔbée, “Obí, kusu!” ⁵⁵ ɔɔɔ lelawíé mu, ɔɔkɔsú líí ɔtsáwɔle pé. Múu Yesu lébláa amó ɔbée, “Mlɔdunka taku ha mu ogyi.” ⁵⁶ ɔnó lobwie otsibi amu akwíró, táme Yesu léɗa amó ɔlá ɔbée, “Mlɔmábláa ɔhaa asón ánfí.”

9

*Akasípó Dúanyɔ Amu Sumbíwa
(Mateo 10:5-15; Marko 6:7-13)*

¹ Yesu létí akasípú dúanyɔ ámu fia, ɔleha amó túmí, há amó ɔkpa ɔbé, bugyáa ɔɛ laláhe fée, abutsa ilo. ² Ɔlɔwa amó ɔbé, buyéda Bulu iwíegyi ámu ɔkan, abutsa alɔpu. ³ Ɔlebláa amó ɔbé, “Ní mlɔyó á, mlímátsu tɔtɔ. Mlímátsu oyi yíáhé, akpankogyo, atogyihe, kóba ntée atadie nyɔɔsi. ⁴ Wóyigyíwóyítá b́hɔ mlí á, mlítsia inu yófun ekeá mlédalí wúlu amɔtɔ. ⁵ Ní bumɔhɔ mlí wúlu kusɔ, mlídédalí mlɔyó á, mlíkpakpa mlí ayabitɔ-isi wuli wúlu amɔtɔ, isuna ání bumɛbi bwé.” ⁶ Benatí kí nsiné inu awúlu féesú, buɛ asɔn wankláán ámu ɔkan da, tsá ilo.

Herode Légyigyáa

(Mateo 14:1-12; Marko 6:14-29)

⁷ Bréá Galilea ɔmáású ogyípú Herode lónu t́á ide mósú yɔ á, olegyigyáa. Tsúfé aku buɛblí beɛ, “Asú Ɔɔɔpú Yohane lakósú tsú afúlitɔ.” ⁸ Aku é beɛ, “Bulu ɔnósú ɔt́ipú dada Elia lálé iwí ɔwan.” Aku é beɛ, “Bulu ɔnósú at́ipú dada amɔtɔ ɔku lákósú tsú afúlitɔ.” ⁹ Herode léblí ɔbé, “Nahá batɔn Yohane. Ngya oyin ɔmɔm iwí asón ntráa ndenu alí?” Mú sɔ ɔɔbɔ mbódí ání mówun Yesu.

Ahá Mpim-nu Atogyihe Ha

(Mateo 14:13-21; Marko 6:30-44; Yohane 6:1-14)

¹⁰ Yesu sumbí ayɔpú amu beyinkí bá bebláa mu t́á bayóbwɛ. Ɔlekpa amó buo iwí, amó nkule b́yɔ Betsaida wúlutɔ. ¹¹ Bréá ɔɔm amu bebi ání ɔbu inu á, begya mu ɔkpa yó inu. Yesu lóhɔ amó atúu, ɔlebláa amó Bulu iwíegyi amu iwí asón, ɔletsá amóá buɛlɔ.

¹² Bréá owí ɔɔpón a, sumbí ayɔpú dúanyɔ ámu beba bebláa Yesu beɛ, “Ha amó abɔnati, méní bétalí yó awúlu ání ɔbu mantáa nfiɔ yódunká atogyihe ḿa ɔdikpa, tsúfé animéenya tɔtɔ há amó dimbí ánfítɔ.”

¹³ Táme Yesu léle mú ɔnó ɔbé, “Mlídunka ató ha amó abugyi.”

Akasípú amu bebláa mu beɛ, “T́á anɔbu fée gyí bodobodo apin anu pú ntsutso iye bwáhé anyɔ. Nkétí anlayóhɔ atogyihe ba ahá ánfí fée.” ¹⁴ (Ayin ání bubu inu b́bɔwe fé mpim-nu (5,000).)

Yesu lébláa akasípú amu ɔbé, “Mlɔha amó abutsia okútú. Iku kule ɔbwée fé ahá aduenu (50).”

¹⁵ Akasípú amu ɔɔbwɛ dínká mósú, ɔhagyíɔha létsiá así. ¹⁶ Inu olotsu bodobodo anu pú ntsutso iye bwáhé anyɔ ámu. Inu olotsu ansí f́óá kí ɔsúsú, ɔleɔda Bulu ipán. Mú ɔlebiabía mótó ṕhá akasípú amu ɔbé, buyée mú ha ahá ámu fée abugyi. ¹⁷ Amu fée begyi mwe sian. Bréá akasípú amu b́ɔt́sí ísianhe amu a, ɔɔblá alakpá dúanyɔ.

Ɔhá Aní Yesu Gyi

(Mateo 16:13-19; Marko 8:27-29)

¹⁸ Eke ɔku Yesu nkule dé mpái b́ɔ, mu akasípú amu bubu inu. Mú ɔlefíté amó ɔbé, “Ma ahá beɛ ngyi?”

¹⁹ Bele mú ɔnó beɛ, “Aku beɛ, f́ogyí Asú Ɔɔɔpú Yohane. Aku beɛ, Bulu Ɔnósú Ɔt́ipú Elia. Aku é beɛ, Bulu ɔnósú ɔt́ipú dada ɔku lákósú tsú afúlitɔ.”

²⁰ Mú ɔlefíté amó ɔbé, “Mlí é mé? Mlɔa mígyí ma?” Petro léle mú ɔnó ɔbé, “F́ogyí Kristo, (ɔhá ámuú Bulu ladá mu ofúli amu) ní.”

Yesu Iwíɔsin Pó Mu Lowu Iwí Asón Blí

(Mateo 16:20-28; Marko 8:30-9:1)

²¹ Inu Yesu léda amó ɔlá kpákpaákpa ɔbé, bumábláa ɔhaa mu iwí asón ánfí. ²² Ɔletrá bláa amó ɔbé, “Ilehían ání mí, Nyankpusa-Mu-Bi ánfí néhie

wun iwiasin tsotsɔtsɔ Yudafo ahande, Bulu igyi ahapɔ dehen pɔ Mose mbla asunapɔ ibito; amɔ fɛɛ bɛkina mi, hɔ bɔmɔ mi, tɔme Bulu abɛlakɔsa mi tsu afɔlito eke saasi.”

²³ Inu abɛblaa ahɔ amɔ abɛɛ, “Ni oku deklea obobuo mi a, osi tɔa otekle bwe, otsu mu oyikpalihɛ ekekegyiɛke bobuo mi. ²⁴ Tsufɛ ni oku leprɔ mu nkpa a, abɔholu mu. Ni oku ɛ lesi mu nkpa hɔ mi su ɛ a, Bulu abɔho mu nkpa. ²⁵ Ni oku onya oyitɔ atɔ fɛɛ, tɔme ohɔli mu oklɔa a, labi mɔmu ɔwa hɔ mu? ²⁶ Ni oku onya mia mi atosunahɛ pɛli a, mi, Nyankpɔsa-Mu-Bi anfi ɛ nɛnya mu pɛli brɛa nna mia mi Si pɔ mu abɔpu wankihɛ numnyamto nebɔ. ²⁷ Onokwali nde mli blaa. Aku bobu mlito nfi bɔmɔowu asa bɔwun Bulu iwiegyi amɔ.”

Yesu Iwitsɛɛ

(Mateo 17:1-8; Marko 9:2-8)

²⁸ Yesu lebli asɔn anfi ndawɔtswi ɔma a, abɛkpa Petro muɔa Yohane pɔ Yakobo buo iwi, bɔɔɔ yɔ mpai abokpa ibu kusu. ²⁹ Brɛa ɔde mpai amɔ bo a, mu ansitɔ letse. Mu atadiɛ lofuli honanana, ide ogya kpa. ³⁰⁻³¹ Inu a, ahɔ abanyɔ ani batsia ki, bɔgyi Mose muɔa Elia bɛɛ iwi ɔwan ɔsɔsɔ numnyamto. Amɔa Yesu bɔtɔi tsu mu lowua Bulu lehɛ tswi mu ani imɔɔwa ɔpa obɔwu Yerusalem iwi. ³² Petro muɔa mu aba amɔ bɛɛɔɔ. Brɛa bɔwan tsinki a, bowun Yesu numnyam, ahɔ abanyɔ amɔ ɛ bolu mu wa. ³³ Brɛa ahɔ abanyɔ amɔ bɔdenati a, Petro leblaa Yesu abɛɛ, “Mi Wiɛ, ibu alɛa abɛtsia nfi. Ha ada abu asa. Fu kle kole, Mose kle kole, Elia ɛ kle kole.” (Omɛbi tɔa abɛbli).

³⁴ Brɛa ɔde asɔn anfi bli a, agyinde ku lobobun amɔ fɛɛsɔ. Inu ifu lekita amɔ abasa amɔ. ³⁵ Inu a, ɔme ku ledali tsu agyinde amɔ abɛɛ, “Oni gyi mi Bia nale ni. Mliyaa asu amlinu mu ɔme.”

³⁶ ɔme amɔ lotsutsua ibeka tin a, lasi Yesu nkole inu. Akasipu amɔ bekpa onɔ bun asɔn anfisɔ nke amɔ. Bɔmɛblaa ɔhaa itɔa bayowun.

Ilo Didahe Obɔpɔ Tsa

(Mateo 17:14-18; Marko 9:14-27)

³⁷ Mu oyɔ kehe a, Yesu muɔa akasipu abasa amɔ bekpɔi tsu ibu amɔsu, ɔɔm amɔ befia mu. ³⁸ Inu amɔtɔ oku lokplɔn abɛɛ, “Osunapɔ, kɔkoli, damli ki mi bi ha mi. Obi yinhɛ okole pɛ ogyi mi. ³⁹ Onɛ lalahɛ ku towie mɔto, ɔtokplɔn. ɔtedida gbɔla, ɔdekɔ tsikitsiki, mu onɔ tabwe afu. Ipiantɔ asa itesi mu, ide mu yintɔ. ⁴⁰ Nobobwii ipa hɔ fu akasipu amɔ mbɛɛ, bɔgyaa mu le mɔto, tɔme bɔmetali.”

⁴¹ Yesu lele mu onɔ abɛɛ, “Nɛmba-abia mlimɔ hɔgyi, mli tsiatɔ ma ale. Ali nɛtsia mli wa, nya klɔn hɔ mli ekekegyiɛke ni?”

Inu abɛblaa oyin amɔ abɛɛ, “Kpa fu bi amɔ ba mi.” ⁴² Brɛa abɛkpa kebi amɔ abɔ a, onɛ lalahɛ amɔ lefin mu da, ɔdekɔ tsikitsiki. Tɔme Yesu lokplɔn wa onɛ lalahɛ amɔ, tsɔa kebi amɔ. Inu oleyinkia mu hɔ mu si. ⁴³ Bulu tumi kponkpontɔ amɔ leha onɔ lobwie ahɔ amɔ fɛɛ.

Yesu Lowu Iwi Asɔn Bli Otse Nyɔɔsi

(Mateo 17:22-23; Marko 9:30-32)

Brɛa mu bwehɛ ide ɔhagyioha wanwan wa a, Yesu leblaa mu akasipu abɛɛ, ⁴⁴ “Mlihiɛ yaa asu amlinu. Bɛɛ mi, Nyankpɔsa-Mu-Bi anfi hɔ adɔn bɔmɔ mi.” ⁴⁵ Tɔme akasipu amɔ bomonu mu asi. Bulu lɔpu mu asunu njan amɔ. Mu su imɔwanki amɔ asɔn ani abɛbli. Ifu ɛ de amɔ ani bɛfitɛ mu.

Ma Obɔbwe Ohande?

(Mateo 18:1-5; Marko 9:33-37)

46 Nwéén kú léba akasípú amú nsiné, tsú amótó òhá ání òbóbwe òhande ɪwɪ. 47 Yesu lébì amó agyɔwun. Mú sù òlekpa kebi òkú belí m̀v wá. 48 Mú òlebláa amó òbéé, “Òhagyíòha ání òlòhò kebi ání mí dátó lahò mí. Òhagyíòha ání òhò mí é lahò òhá ámú òlòwa mí ám̀. Tsúfè òhá ání ogyi òtráhe ml̀tò fèé gyí òdèhen.”

Ani Obúopv

(Marko 9:38-40)

49 Yohane lébláa Yesu òbéé, “Mí Wíé, anílowun oyin òkú dépu fó dá gya òhe laláhe, aníleka m̀v tin, tsúfè òma anító.”

50 Táme Yesu lébláa amó òbéé, “M̀l̀m̀áka m̀v tin! Tsúfè òhá ání òm̀okusó lí m̀l̀s̀v buo ml̀.”

Samariafò B̀m̀òhò Yesu

51 Bréá nkéá Bulu obótsu Yesu ya òsósú òekpòkpé ba a, òbóbwe agyɔwun ání òbóyò Yerusalem kokooko. 52 Òlòwa abí gyankpá yó Samaria wúlu k̀s̀v òbéé, buyéla ɪv ya ha m̀v. 53 Táme b̀m̀òhò m̀v wúlu am̀tò, tsúfè Yerusalem òyó. 54 Bréá m̀v akasípú Yakobo m̀va Yohane bowun alí á, befité m̀v beé, “Ani Wíé, f̀deklé fèe ahá ogyá itsu òsósú b̀òhò amó m̀ó?”

55 Táme Yesu lédamlí, wá ɪyin wá amó.* 56 Mú òb̀p̀v òkpa yó wúlu b̀ám̀b̀ású a.

Ahá Aní Bèe Bóbwe Yesu Abúopv

(Mateo 8:18-22)

57 Bréá b̀ona òkpatò b̀oyó á, oyin òkú lébláa Yesu òbéé, “Nóbuo f̀v yó òtíngyíòtíneá f̀oyó.”

58 Yesu lébláa oyin ám̀v òbéé, “Awíá b̀òb̀v m̀b̀ó, m̀b̀ub̀wí é b̀òb̀v asia, táme mí, Nyankp̀osa-M̀v-Bi ání mí m̀ó á, m̀ma òtíneá ǹp̀v mí nwun tswí.”

59 Yesu lébláa òha bambá é òbéé, “B̀obuo mí.”

Táme oyin ám̀v lébláa m̀v òbéé “Owíé, ha mí anyopolá mí sí asa ambobuo f̀v.”

60 Mú Yesu lébláa m̀v òbéé, “Si awupú† ab̀p̀ula amó afúli. Táme f̀v m̀ó yó af̀yeda Bulu iwíegyí ám̀v òkan.”

61 Òkú é lébláa m̀v òbéé, “Mí Wíé, nóbuo f̀v, táme ha mí anyinki yeklá mí wóyító ahá asa.”

62 Yesu lébláa m̀v òbéé, “Òhá ání òtesrí dámlí kí òma m̀óf̀v ha Bulu iwíegyí ám̀tò agyómá yó.”

10

Akasípú Aduesienó-nyò Sumbí Wa

(Mateo 10:7-16)

1 ɪnɪ òma a, Yesu léle m̀v akasípú aduesienó-nyò (72)* akú é, òlòwa amó abanyó-abanyó òbéé bugyánkpa yó wúlugyíwúluá m̀v onutó m̀yò m̀s̀ú.

2 Òlebláa amó òbéé, “Atò kpòtíhé am̀v itsò, táme m̀ó akpòtípú b̀m̀òtsó. Mú sù ml̀kokoli ndò m̀v wie, òwa akpòtípú tsòtsò abuba b̀kpòtí m̀v ató ám̀v.

3 M̀l̀natí, ml̀b̀í ání nde ml̀ wa fè akúfabi òyó adúndutò. 4 M̀l̀m̀átsu sika kente, akpankogyo ntée ntukta kítá. Ní ml̀nà òkpatò á, ml̀m̀álí tónt̀v ahá. 5 Ní m̀lowíé wóyígyíwóyítá a, ml̀gyankpa bla amó ml̀iaa, ‘Bulu òhá ml̀ iwílwíi.’ 6 Ní wóyí m̀v wie am̀v tekle iwílwíi a, ml̀ iwílwíi bésin

* 9:55 ɪnɪ b̀v nwólò dada am̀v akutò: Òbéé, “M̀l̀m̀yín òhé oduá ɪde ml̀ kpa. Tsúfè Nyankp̀osa-M̀v-Bi ám̀v mèba ahá òm̀kpá, nkpa òhòkpa òleba.” † 9:60 Awupó gyí ahá ání bawú òhétó.

* 10:1 Aduesienó-nyò (72): Aduesienó (70) b̀v nwólò ám̀v akutò.

wóyí ámuṣu. Táme ní otamakle iwilwii a, ibésankí bá mlí wá. ⁷ Mlitsia wóyí ámúbò bəhə mlí mótó ámútə. Mligyi ató, amlinu tógyítáá béha mlí, tsúfě agyómá əyərú bətéká ikə. Mlimátu láyétsiá wóyí bámbató. ⁸ Ní mlówie wúlu kusu, bəhə mlí á, mligyi tóá béha mlí. ⁹ Mlitsa aləpυ ání bəbυ wúlu amútə, amlibla wúlu amútə ahá mlíaa, ‘Bulu iwíegyi lawíe wóyí tá.’ ¹⁰ Táme ní mlówie wúlu kusu, bəməhə mlí á, mlídalí yelí brənuṣu, amlibli mlíaa, ¹¹ ‘Anidé mlí wúlutə otútúu amúbò ilawólí aní ayabiasí amυ kóráá kpakpáa wólí. Táme mlíbí ání Bulu iwíegyi ámu lawíe wóyí tá.’ ¹² Nde mlí bláa mbéé, Bulu əbébití wúlu amútə ahá isυ dən Sodomfə mυ asón ogyiké amu.

Ahá Aní Bumedamli Klwntə Asóngyi
(Mateo 11:20-24)

¹³ “Korasinfə, mligyowí. Betsaidafə, mligyowí ní. Ní Tiro pú Sidon awúlu laláhe amútə nəbwe ofúla akpənkpəntí ánfí nəbwe mlitə ánfí á, təkí buda akpekpetə, bakpá nsúó wá nwuntə púsúná ání badámli klwntə. ¹⁴ Táme mlíbí ání Bulu əbébití mlí isυ mυ asón ogyiké dən Tiro móa Sidonfə. ¹⁵ Mlí Kapernaumfə, mlídéklé mlíaa mlótsu iwí fúá alí yówə əsósú? Ekəkəkəké! Bulu əbéba mlí así yówie afúlito.”

¹⁶ Yesu lébláa mυ akasípú amυ əbéé, “Ọhá ání ọhə mlí asón lahə mυ. Ọhá ání olekiná mlí asón hə lakíná mí asón hə. Ọhá ání olekiná mí asón hə é lakíná mí Sí amúbò əlwa mí ámu asón hə.”

Akasípú Aduesienó-nyə Amυ Yínkí Ba

¹⁷ Akasípú aduesienó-nyə ámu beyinkí ba ansigyísú. Bəbláa Yesu bée, “Aní Wíé, ní akplón wa ọje laláhe kóráá fú dátó a, bətobú aní.”

¹⁸ Yesu lébláa amó əbéé, “Nowun ání Satan ləkpa tsú əsósú fě alí nsaintə tafwí ibí bəda əsolótə pə. ¹⁹ Mlunu! Nahá mlí túmi ání mlitsatsa awə pú nyankpəkpiesυ tsən, amligyí Ọbunsám túmi fěésú. Tətəwə móəbwe mlí. ²⁰ Táme ansí mágyi mlí ání ọje laláhe labú mlí. Mbóún ansí igyi mlí ání Bulu lawánlín mlí adá tswí əsósú.”

Ansí Legyi Yesu
(Mateo 11:25-27; 13:16-17)

²¹ Alí bré ámútə á, Ọje Wankíhé léha ansí ləhié gyi Yesu. Múbə əlɛblí əbéé, “Mí Sí, əsú móa así Owíé! Nədə fú ipán ání falé tóá fəpəñáín anyansapυ pú asón abípú əwan súná ahá ání bəmeyín əlala, bəgyi fě nyebí. Ee, Mí Sí! Alí fudeklé fěé ibá mótó ní.”

²² Múbə əlɛbláa mυ akasípú amυ əbéé, “Mí Sí lapó tógyító wá mí ibitə. Ọhaa méyín ọhá ání Obí ámu gyí, nkétí Ọsí ámu nkule. Ọhaa méyín Ọsí ámu é, nkétí Obí ámu, pú ọhá ání Obí ámu latsúlá ání əbéle mυ súná mυ.”

²³ Bréá ọhaa má amú wá á, əledamli kí amú, bláa amó əbéé, “Mlí mó á, Bulu layúlá mlí, mlídé ató ánfí wúun. ²⁴ Nde mlí bláa mbéé, Bulu əsósú atəípú pú awíe tsətsəwətsə bekle ání bówun ató ánfí, abonu asón ánfí mlídénu, táme bomenya mó alí.”

Samariayin Awitəlepυ Ọkə

²⁵ Mose mbla osunápú ọkə lókusú líí fité Yesu asón ánfí pəsə mυ kí. Ọlefíté mυ əbéé, “Osunápú, ntə mbwéé asa anya nkpa ání itamatá?”

²⁶ Yesu lébláa mυ əbéé, “Nkálí Mose Mbla léblí? Nkálí fonu mó así?”

²⁷ Oyin ámu lébláa mυ əbéé, “Pυ fú klwñ, fú ọkláa, fú əwənlín pú fú agywun fěé dwe fú Wíe Bulu, afudwe fú bá fě fú iwí.”

²⁸ Yesu lébláa mυ əbéé, “Mú fablí á. Bwe mó, fénya nkpa ání itamatá.”

²⁹ Táme oyin ámu lékléá obósuná ání mú asún da òkpa. Mú su òlefíté Yesu òbée, “Ma gyí mí bá?”

³⁰ Yesu lébláa mu òbée, “Bré kusu oyin òku lékplí tsú Yerusalem òyó Yeriko. Bréá òna òkpatò á, oleyéfia ogyo atswapó aku. Ahá ánfí békpa mu tati, swíí mu ató fée, dá mu sian mu mò, náti sí mu tswi. ³¹ Bulu igyí òhapó òku ná òkpa ámu kénsó. Bréá olowun mu sísí á, òlebaí tsun ifóntó náti sí mu. ³² Alí kén Lewiyin òku é lóbòtu mu, báí tsun ifóntó náti ní. ³³ Táme Samariayin òkúá òná òkpa ámu su mú léba bowotií mu su. Bréá olowun oyin ámu a, òlwa mu nwe. ³⁴ Òlenatí yótu mu. Òletseí nta kpekplé wólí mu nòsu, yí ofobí wá mú, klí mú, tsú mu dínká mu afrímúsú, pò mu ya afóò òswúkpá yéki mu su. ³⁵ Mú òyi kehe a, Samariayin amu léle sika futútú anyò há afóò òswúkpá mu su òkírú òbée, ‘Kí mu su ha mí. Ní feyintá tòku tsía a, neyínkí néka fò.’ ”

³⁶ Yesu lómò mú ònò òbée, “Fó atò kíheto á, ahá abasá ánfíto òmòmu gyí oyin ámu òlefia ogyo atswapó ámu mu ba?”

³⁷ Mose mbla osunápó amu lébláa mu òbée, “Oyin ámu òlowun mu nwe ámu.” Yesu lébláa mu òbée, “Mú mú yò afuyòbwe mú odu.”

Marta Mva Maria Wá Yò

³⁸ Bréá Yesu mva mu akasípó buna òkpatò bòyó Yerusalem a, bowie wúlu kusu. Òtsi òkúá butetí mu Marta lóhò mu afóò, òlekpa mu ya mu wóyító. ³⁹ Mu pio tsihé gyí Maria. Maria anfi lébetsiá Yesu ayabiasí, òde mu atosunáhé nu. ⁴⁰ Marta nkòle dédamlí tsun mótó, alíá ibóbwe òbóbwe amú afóòtò. Ìdòdun mu. Mú òlenatí yó Yesu wá, yéfíté mu òbée, “Mí Wíé, fawun ání mí píó lasí agyómá ámu fée tswi mí nkòlesu? Bla mu òbetsa mí.”

⁴¹ Yesu lébláa mu òbée, “Oo Marta, Marta! Fude fò iwí háan ntóbí tsòtsòtso iwí. ⁴² Toku kòle pé déhián, Maria lalé múá ibu alé dùn. Òhaa méetalí swíí mu.”

11

Mpáibo Iwi Atosundhé

(Mateo 6:9-13; 7:7-11)

¹ Èke òku Yesu bu òtunekò òde mpáí bò. Bréá òlòbò mpáí ámu tá á, mu akasípó amòtò òkòle lébláa mu òbée, “Mí Wíé, suna aní mpáí bò fé alíá Asú Òbòpó Yohane lósuná mu akasípó.”

² Yesu lébláa amú òbée, “Ní mlóbò mpáí á, mlibò mú alí.

‘Aní Sí,

ahá búbúu fú dá.

Ba begyi iwíe.

³ Ha aní atogyihéá ibòfon aní ekekegyíeke.

⁴ Si aní lakpan kie aní,

fé alíá anitesíkié ahá ání butòpó ilá gyi aní.

Mákpa aní wá isókító.’ ”

⁵ Ìnu òlebláa amú òbée, “Ní mlitò òku bu onyawíe a, òbòkusú yó mu wá òyínsuné yébláa mu òbée, ‘Mí nyáwíé, pan mí bodobodo apin asa. ⁶ Mí nyáwíé òku labòswí mí sésééséí. Mma tótóá néha mu obégyí.’

⁷ “Mu nyawíe amu òlébláa mu sísí òbée, ‘Máwa mí tóu. Mía mí abí aniladí. Nafin obu, mméetalí kúsú beha fò tótó.’ ⁸ Nde mlí bláa mbée, fialí onyawíe òkpasò á, òmòkúsú há mu. Táme alíá òde mu kokóli kótóò su á, òbòkusú há mu alíá odeklé.

⁹ “Mú su nde mlí bláa mbée, mlíkòli Bulu, òbéha mlí. Mlídunka, mlówun. Mlída mu klònsò, obéfinkí mú há mlí. ¹⁰ Tsúfé òhá ání òtòkólí ató tenyá. Òhá

ání otodúnká ató towun. Ǿhá ání otedá klónsu bótefinkí há. ¹¹ Ǿsí omamv bu unv, mu bi okóli mu iye a, obékítá iwá wá mu ibuto? ¹² Ntéé ní okóli mu bano a, obékítá nyankpukpíe wá mu ibuto? ¹³ Mli lakpan abwepó kórará mliyin alíá butópó ató wankláán há mli abí. Ntogyi só mli Sí ámúú obv osúsú ámu mó móppv Ǿhe Wankíhé há ahá ání bode mu kolí?"

Yesu Mva Beelsebul

(Mateo 12:22-30; Marko 3:20-27)

¹⁴ Yesu légya Ǿhe laláhe lé oyin okvá alató omúmutó. Bréá Ǿhe laláhe amv lédali a, oyin ámu lówa tóí bi. Mó sv onó lobwie odam amv. ¹⁵ Táme amótó akv beblí beé, "Ǿhe laláhe owíe Beelsebul túmi odεpugya Ǿhe laláhe lé ahátó."

¹⁶ Amótó akv é bekleá bósó Yesu kv. Mó sv bebláa mu beé, obwéé osúna posuna ání lélé otsú Bulu wá. ¹⁷ Táme Yesu lébi amó agywun. Mó sv olebláa amó obéé, "Iwíe ogyíkpa ání ilaye anyo, bode aba kó tedida. Wóyí oduá mótó atsiápó bode aba kó é tobwíé. ¹⁸ Ní Satan iwíe ogyíkpa labóí anyo, bode aba kó á, mu iwíegyí bédida. Táme mli déblí mliáa, Beelsebul dátó nde Ǿhe laláhe gyáa le ahátó. ¹⁹ Ní Beelsebul túmi ndεpugya Ǿhe laláhe lé ahátó á, mómú ma túmi mli abí é bodepugya Ǿhe laláhe lé ahátó? Mli abí ámu onutó obégyi mli asón. ²⁰ Táme iníá Bulu túmi ndεpugya Ǿhe laláhe sv á, mli bi ání Bulu iwíegyí ámu laba mli wá dodo.

²¹ "Tsúfé ní Ǿwonlínú bu akotó, ode mu wóyí gyo a, mu toto tamafwí. ²² Táme ní Ǿhá ání obv Ǿwonlín dun mu obá begyi musv á, otoswíí mu mu akotó ámúú mu ansí din mósú ámu, yée mu atóá olenya étó.

²³ "Ǿhá ání omobuo mi dé mí lu. Ǿhá ání omédé mí tsa akpa ahá ba Bulu é dé amó gyáa teía mi.

Ǿhe Laláhe Yinkí Ba Ǿhato

(Mateo 12:43-45)

²⁴ "Ní Ǿhe laláhe idáli Ǿhato á, iteyéki dimbísú dúnká otsiákpá, táme itamanyá. Inu iteblí ání ibéyinkí yó mó wóyí dadato. ²⁵ Ní isánkí yó á, itowun ání baféí mótó, lá mótó wankláán. ²⁶ Iteyínkí yékpa mó aba asienó ání butobwé laláhe dun mu, buteba betsiá unv. Inu Ǿhá ámu tsiátó teyíntá dun alíá igyi yái."

Oyúla Onutó

²⁷ Bréá Yesu dé asón ání blí á, otstí okv bu odam amvto. Otstí ámu lótsu omé fóá blí obéé, "Bulu layúlá opúni amóú fedí mótó pú nyópó amóú fonyópó ámu."

²⁸ Táme Yesu lébláa mu obéé, "Ahá ání butonú Bulu asón, gyí mósú mboún Bulu layúlá!"

Bodunká Ofúla

(Mateo 12:38-42)

²⁹ Bréá odam amv budemoní tsía a, Yesu léblí obéé, "Ndemba-abí laláhe, mli dé osúna dúnká amliwun, táme mli móowun kokookv dun Bulu onósó otópó Yona osúna amv. ³⁰ Tsúfé alí ámúú Yona lóbwe osúna há Niniwefó ámu a, alí mí, Nyankpusa-Mv-Bi ání é nóbwe osúna há ndemba-abí ní. ³¹ Seba owíe tshé obókósó líí Bulu asón ogyíké, há mli ndemba-abí ání ipón. Tsúfé olotsu osaasi omá kvto kén gya okpa ba, bonu Salomo nyánsa atosunáhé. Mli kv, Ǿhá ání odun Salomo líí nfi á. ³² Niniwefó é bókósó líí Bulu asón ogyíké amv, há mli ndemba-abí ání ipón. Tsúfé bréá Yona léda Bulu asón okan súná amó á, bedamli klontó ba Bulu wá. Mli kv, Ǿhá ání odun Yona onutó líí nfi á.

Nyankpɔsa-oyi Okandie

(Mateo 5:15; 6:22-23)

³³ “Ohaa tamanywé okandie pónáin, ntée pɔ ɔ́lɔ bun mósó. Ófɔákpa ɔ́tɔpɔ́bian, ménɩ ibówankí há ahá ání béba wóyí ámuɔ. ³⁴ Fɔ́ ansíbi igyi ɔ́kandie há fɔ́ nyankpɔsa-oyí. Ní fɔ́ ansíbi bu alá á, fɔ́ nyankpɔsa-oyí ámu féé bówankí. Táme ní fɔ́ ansíbi ma alá a, fɔ́ nyankpɔsa-oyí ámu féé ibóklun. ³⁵ Mú sɔ mlíkí ání wankí onutó bó mlítɔ, megyí oklún. ³⁶ Ní fɔ́ nyankpɔsa-oyí ámu lówankí, oklún ma ɔ́tɔnetɩne a, fɔ́ iwí féé bówankí fé alá ɔ́kandie tɔwánkí wólí fósó.”

Mose Mbla Asunápo Pó Farisifo Tsiátó

(Mateo 23:1-36; Marko 12:38-40)

³⁷ Bréá Yesu lótáí tá á, Farisiyin ɔ́ku létɩ mu ató ogyíkpa mu wóyítá. Mú sɔ Yesu lóyɔ yétsiá ɔ́pónú ámu asi. ³⁸ Úlɔwa Farisiyin ámu wánwan ání Yesu mófwi ibí púgyóra iwí asa ɔ́de ató ámu gyí. ³⁹ Inɩ sɔ Yesu lébláa mu ɔ́béé, “Mlí Farisifo mlítɔfwí mlí nwe pú mlí ablanwé wankláán, táme ɔ́nsípe móa owuntɔ́lun sósón lábólá mlí. ⁴⁰ Mlí aha mimláhe, megyí mótó móa mú ɔ́ma féé Bulu lóbwe? ⁴¹ Mlípu mlí atonyahé ámu ha ahíánfɔ, tógyító iwí bétun ha mlí.

⁴² “Farisifo, mligyɔwɩ ní! Mlíteye mlí ɔ́tsɔtsú pú kpántánkplámá aná féétɔ idú, pú idúsí ámu há Bulu. Táme mlímédé Bulu mbla ámuó ihíe dehián, igyi asóngyí ɔ́nɔkwalsɔ pú Buludwe ámuɔ sɔ gyí. Múdéhíán nɩ, táme mlímákiná iyétɔ dúsí ámu é ha.

⁴³ “Farisifo, mligyɔwɩ ní! Mlítekle otsiákpá yílé tsiá Yudafɔ ofiakpa. Mlítekle mlíaa, ahá bɔbún ha mlí itsiá dɩnsɔ. ⁴⁴ Mligyɔwɩ ní! Mlilabwé fé ntsán ání bɔmehɩe mó nso*,” ahá bɔtɔtsɔn mósú bɔmeyín ání ntsán igyi.”

⁴⁵ Mose mbla asunápo ámuɔ ɔ́kole lébláa Yesu ɔ́béé, “Osunápo, ní feblí alí á, fasiá aní é o.”

⁴⁶ Yesu léblí ɔ́béé, “Mose mbla asunápo, mlí é mligyɔwɩ ní! Tsúfé mlítɔpɔ ató dwindwín súra ahá, táme mlítamapó osrebi ɔ́kole kóráá tsá ámu sɔrá.

⁴⁷ Mligyɔwɩ ní! Tsúfé mlítɔpɔwé Bulu ɔ́nósú atáipú ámuó mlí anáin bɔmɔ ámu ntsán wankláán. ⁴⁸ Inɩ désuná ání mlíatsúlá dínká mlí anáin bwehé ámuɔ ní. Tsúfé mlí anáin bɔmɔ ámuó, mlí é mlíapwé ámuó ntsán. ⁴⁹ Mú sɔ Bulu lópu mu nyánsa blí ɔ́béé, ‘Nówa mí ɔ́nósú atáipú pú mí sumbí ayɔpú amótá. Bómɔ aku, dínká aku ésú.’ ⁵⁰ Bulu ɔ́béfité mlí ndemba-abí ánfɩ mu ɔ́nósú atáipú ámu obugya ámuó ulɔwolí asi tsú bréá ɔ́yí lelɩn ɔ́pá ámu.

⁵¹ ɔ́béfité tsú Habel obugyasɔ alí bɔfɔn Sakaria klésɔ. Mu bɔmɔ afɔ́die-asubwi móa Bulu ɔ́tswékpa ámu nsiné ní. Ee! Nde mlí bláa mbée, Bulu ɔ́béfité mó tsú mlí ndemba-abí ánfɩ wá.

⁵² “Mose mbla asunápo, mligyɔwɩ ní! Tsúfé mlídé asónbɩ sáafi ámu. Mlíméfinkí wíé, mlíméhá ahá ɔ́kpa é abɔwie.”

⁵³ Bréá Yesu lénatí inɩ ɔ́yó á, Mose mbla asunápo pú Farisifo ámu bɔpu mu iwí ɔ́blá, yó bɔde mu asón tsɔtsɔtsɔ fité púfɩnɩ mu yibi, ⁵⁴ kí beé bénya mu ɔ́nótó asɔanku pókítá mu.

12

Apinabwebibwe Iwí Oláda

(Mateo 10:26-27)

¹ Igyi alí, bréá ahá mpím-mpím beba befia inɩ, bɔde aba ayabiasɩ tsatsáa a, Yesu légyankpá dá mu akasípú ámu ɔ́lá ɔ́béé, “Mlíki wankláán

* **11:44** Yudafɔ amándié ɔ́nó á, ní fetsá ntsánsú a, ifin lada fɔ. Mú sɔ bɔtekpa mó afá futútú, póhie mó nso.

Farisifɔ Bodobodotu-afású,* tsúfɛ apinabwɛbí abwɛpó bɔgyi. ² Tɔtɔ má inuá babun ató mósú ání bómóobwíí mósú. Tógyító é ma inuá ilejaín ání iméelin ɔwan. ³ Bédá asón ání mléléblí nklobító ɔkan. Kugyíkúá igyi, ipló bóbon.

Ọhá Aní Abénya Ifú
(Mateo 10:28-31)

⁴ “Apíó aba, nde mli bláa mbéé, mlimánya nyankpɔsa ifú. Ọbétalí mósú mli ɔyólú, táme ɔméetalí bwé mli tɔtɔ mó ɔma. ⁵ Nósuná mli ọhá ání mlinyá ifú. Mɔgyí Bulu. Mv ɔmós mli ɔma a, ɔbu túmi tswi mli ɔkláa é wá isubití ogyá ání itamaduntɔ. Ee! Mv mlinyá ifú ní!

⁶ “Afini bɔtɔkɔkɔ fɛ akénsire anu kéké? Megyí kóba ana? Amó kóráá á, Bulu tamatan ɔkukusu, ⁷ méní bɛɛ mliá Bulu yin mli nwunsv imi kóráá klátɔ. Mú sv mlimánya ifú. Mlibu ibiá don akénsire tsotsɔtsɔ!

Adánsɛgyi Pó Asónkind
(Mateo 10:32-33; 12:32; 10:19-20)

⁸ “Nde mli bláa mbéé, ní ɔku létalí gyi mí iwí adánsɛ ahátó á, mí, Nyankpɔsa-Mv-Bi ánfí é négyi mv iwí adánsɛ Bulu-abɔpu ansító. ⁹ Táme ní ɔku lékiná mí ahátó á, mí é nékiná mv Bulu-abɔpu ansító.

¹⁰ “Ọhagyíha ání ɔleblí mí, Nyankpɔsa-Mv-Bi ánfí iwí ason laláhe a, Bulu ọbétalí sikíé mv. Táme ní ɔku léblí Ọhe Wankíhé amv iwí abususu a, Bulu méesikíé nde, oméesikíé mv ɔke.

¹¹ “Ní bɛkpá mli ya Yudafo ofiakpa, ntée ɔmású agyípó pú awíe ansító á, mlimágywín asón ání mléblí póká iwí lé ntée alíá mléle mó ɔnó. ¹² Tsúfɛ Ọhe Wankíhé amv obósuná mli alíá mléblí alí bré ámɔtɔ.”

Osikani Mimláhe Ọku Iwí Yébi

¹³ Ọdam amɔtɔ ɔku lébláa Yesu ɔbéé, “Osunápó, bla mí déhen, ọha mía mnyɔ aye atóá aní sí lési yáí anutɔ.”

¹⁴ Táme Yesu léfité mv ɔbéé, “Agya, ma léyai mí asón ogyípó ntée atótó oyépu há mli?” ¹⁵ Múú ɔlebláa ahá ámv fɛé ɔbéé, “Mlikí wankláán ɔnsípewasu, tsúfɛ nyankpɔsa nkpa ima atonyahé tsotsɔtsɔtɔ.”

¹⁶ Inu ɔleha amó yébi ɔbéé, “Osikani ɔku ndɔtɔ ató lehie wá alé ofi ɔku. ¹⁷ Múú ɔlefíté mv iwí ɔbéé, ‘Nkálí nóbwe mí ató-abí? Mma ɔtínéá nópoyáí.’ ¹⁸ Inu ɔleblí ɔbéé, ‘Nyin tóá nóbwe. Nóbwie mí idan, lává akpɔnkpɔnti. Mútó nópu mí atíkɔ pú mí ntobí ámv wá ní. ¹⁹ Fówun nabláa mí ɔkláa mbéé, ‘Mí ɔkláa, iklɔn idí fú asi. Kí, fubu ató tsotsɔtsɔtɔá ida ha fú nfi-nfi. Gyi, afunu, ansí igyi fu.’ ” ²⁰ Inu Bulu lébláa mv ɔbéé, ‘Ọha mimláhe! Onyeni nde fú ɔkláa hɔ́ le fú ibitɔ. Ma obégyi ató ánfí fakle yáí ánfí fɛé?’ ”

²¹ Yesu lómɔ mó ɔnó ɔbéé, “Alí bóbwe ọhá ání olekle ató yáí há mv iwí ɔsolúv anfisv, táme ɔma tɔtɔ Bulu wá ní.”

Ansí Pvdínká Bulusv
(Mateo 6:25-34)

²² Inu Yesu lébláa mv akasípó ɔbéé, “Mú sv nde mli bláa mbéé, mlimáhan iwí tóá mlégyi, tóá mlónu pú tóá mlédídá sv. ²³ Nyankpɔsa nkpa dehián don atogyihe. Mv ɔyólú é idon ató didáhé. ²⁴ Mlikí aklankpa. Bɔtamadú, bɔtamasiétí wá idantɔ. Buma idan ntée ifa, táme Bulu tehá amó atogyihe. Mlimá labi don mbubwi? ²⁵ Mlitɔ ma ọbétalí han iwí pú bré kpalóbí tsía mv nketo? ²⁶ Ní mliméetalí bwé itó túkúríibi ánfí kóráá á, ntogyi sù mlidé iwí háan tráhe amusu? ²⁷ Mlikí alíá pututɔ-oyí ntswítswíu tedan. Itamayó

* 12:1 Farisifɔ Bodobodotu-afá gyí amó afunu atosunáhé. Kí Mateo 16:12.

agyómá ntée ló atati. Táme nde mli bláa mbéé, Owíe Salomo, mu inya féeétó a, ɔmetalí híhiε ιωι wá akíε fée oyí ntswítswí anfitó kókó. ²⁸ Ní Bulu dé ífá ání nde ilí, ɔke ilawí, bawá mó ogyá tati didá á, ɔméetalí didá mli atati dun mó? Ntogyi sù mli hógyi mǎtsó ali?

²⁹ “Mó su mli mágywín tǎa mlégyi ntée tǎa mlónu ιωι, iha mli ansí ipe. ³⁰ Tsúfée íni aná ɔmá-ɔmá botesrí gya ni. Mli Sí ámu yin ání ide mli hián. ³¹ Itǎa mli gyánkpa dunka gyí Bulu ɔbópu íni tsia mótó há mli.

Atonyahé Pvyáí Ɔsósó
(Mateo 6:19-21)

³² “Ɔpasua túkúrífibi, mli mánya ífú. Tsúfée ibu mli Sí ámu ɔdwe ání ɔbópu iwíε ogyíkpa amu há mli. ³³ Mlífe mli ιωι su ató, amlipɔ kǔba amu kie ahá ání buma tǎtǎ. Mli bin akentéá iméeyintá ha mli ιωι. Mógýí, mli ya i mli siadiε ɔsósó. Inu mó á, kókó mée dalí mótó, tsúfée awikplu buma inu, atéple é bɔtamawí ató inu. ³⁴ Tsúfée ɔtínéá fú siadiε bu a, inó fú agywín tetsiá.

Asúmpǎá Bvtoogyo

³⁵ “Mli wa atadiε, amlinywe mli nkandíε. ³⁶ Mli bwe ιωι fée asúmpǎá bu de amó wíε ɔkpa kí, ɔbótsu ɔká ɔtsiákpá ba. Fékí ní ɔbá beda klonsu á, béfinkí há mu. ³⁷ Ansí bégyi asúmpǎá oduá amó wíε ɔbéba bɔtu amó bɔtsiε bu gyo mu. Ɔnǎkwali nde mli bláa. Amó wíε amu ɔbésabáa tati, há amó bétsiá ɔpónóasi, mu onutó ɔbókǎnkí atogyiε amu há amó. ³⁸ Ansí bégyi amó, ní ɔbá bɔtu amó bɔtsiε bu gyo mu, ɔyínsiné ntée báké. ³⁹ Táme mlinu asón áni. Ní wóyí mu wie yin bréá owikplu ɔbéba mu wóyító a, tekí ɔmesi wóyí ámu tswi, owikplu mó bwie wíε wí mu ató. ⁴⁰ Mli é mli gyo, tsúfée mí, Nyankpɔsa-Mu-Bi áni nǎba bréá mli ansí mǎdín mísú.”

Osúmpǎá Wankláán Pó Ɔlaláε
(Mateo 24:45-51)

⁴¹ Petro léfité mu ɔbéε, “Ani nkule fude yébi anfi ha lóó, ntée ania ahá áni fée?”

⁴² Yesu léblí ɔbéε, “Ma mee gyí osúmpǎá ɔletin ansí, ɔbu ɔnǎkwali? Mu ibitó mu wie tǎpó mu aba atráhe wá, ɔbéε ɔhá amó atogyiε dunka brésú. ⁴³ Ansí bégyi osúmpǎá amu ní mu wie amu ɔbá bowun áni lélé ɔde mó bwe. ⁴⁴ Ɔnǎkwali nde mli bláa. Mu wie amu ɔbópu mu ató fée wá mu ibitó. ⁴⁵ Táme ní osúmpǎá amu léblí wá nwuntó ɔbéε, ‘Mí wíε íbábi mǎkúfun, ɔbówa ɔpá.’ Inu su olefi asi ɔde mu aba asúmpǎá atsi móa ayin da, ɔde ató gyí si amó, ɔde ntá núu bu á, ⁴⁶ mu wie amu ɔbéba bofwie mɔtǎ ekéá ɔmǎdín ansí. Mu wie amu ɔbéhiε títi mɔtǎ, trá butí mva ahá áni bǎmǎhǎ mu gyi i su kékée.

⁴⁷ “Osúmpǎá oduá oyin tǎa igyi mu wie apé, táme ɔmela ιωι bwé yáí á, mu wie ɔbéhiε pítí mu ató wankláán. ⁴⁸ Táme osúmpǎá omeyín mu wie apé, ɔbɔwe tǎa ilehián ha ató pítí á, mu wie ɔbépítí mu kpalobí. Bulu tefité tsǎtsǎ tsú ɔhá áni ɔleha mu tsǎtsǎ wá, ɔtefité tsǎtsǎtsǎ é tsú ɔhá áni ɔleha tsǎtsǎtsǎ wá.

Ipián Yesu Lǎpɔba, Megýí Iwilwii
(Mateo 10:34-36)

⁴⁹ “Ogyá ɔdɔdǎkpá neba ɔsulúv anfisú. Ní mí nkule su mó á, tekí idetsíí dodoodo. ⁵⁰ Asúbo kv ida misá bǎbǎ mí. Mí klun mée di mí asi yǎfun bréá ilamó ɔnǎ. ⁵¹ Imábwe mli fée iwilwii nǎpɔba ɔsulúv anfisú. Megýí iwilwii, ahá nsné yintá nǎpɔba. ⁵² Tsúfée tsú séi pǎya a, wóyí áni ahá abanú bɔbu mótó á, abasá bókusú lí abanyósú. Abanyó é bókusú lí abasású. ⁵³ Abi yinhé

móa amó así nsiné béyintá. Abi tsihé móa amó ayín é nsiné béyintá. Osia tsihé móa mu sia tsihé nsiné é béyintá.”

Brétó Asón Asinu
(Mateo 16:2-3)

⁵⁴ Yesu létrá bláa ahá ámu obéé, “Ní nyankpu obilá busu á, mlitebli mlíaa, nde nyankpu obótswie, lélé ototswie. ⁵⁵ Ní nsainto itsú fúá á, mlitebli mlíaa, nde owí obélin, lélé itelin. ⁵⁶ Apinabwébi abwepó! Mliyín alá butélé osulúso pú nwulótáaso ató asi. Ntogyí só mlímétáli nú itó ánfí idébá séi ánfí mó asi?”

Anyabá Nsinéla
(Mateo 5:25-26)

⁵⁷ “Ntogyí só mlítamatáli gyí asón wankláán há mli iwí? ⁵⁸ Ní oku osáma fu á, wa asa ha amlibli mú wóyító, méní fú onyabá móapu fú ya asón ogyíkpa. Fówun asón ogyípú méegyí fú asón, pú fú wá prósiyín ibito, owa fú obu. ⁵⁹ Ní megýí alí á, mméemlé fú, nkéti faká tógyító tá asa fédalí un.”

13

Mlídamlí Iklwnto, Ménu Mlímóowu

¹ Ahá ámúú búbu unu alí bré ámuto aku bebláa Yesu beé, Pilato lámó Galileafó aku bréá bude afódie bó há Bulu, Yerusalem Bulu ótswékpa unu, há obugya lada afódie ámu. ² Yesu léfité amó obéé, “Mlíki mlíaa, Galileafó ánfí bugyi lakpan abwepó dun Galileafó atráhe, só bowun iwiasin ánfí odu? ³ Nde mli bláa mbéé, megýí alí ígyi! Ní mli é mlímédamlí klwnto á, mli féé mlówu fé amó. ⁴ Ntéé ahá dúkwe ámúú abansóru lobwie dá mó Siloam omanti ání ibu Yerusalemto ámu mé, mlíki mlíaa, lakpan abwepó bugyi dun aha atráhe ání betsiá Yerusalem alí bré ámuto féé? ⁵ Nde mli bláa mbéé, megýí alí ígyi. Ní mlímédamlí klwnto á, mli é mlówu fé amó.”

Ponto Máswiéhé

⁶ Múú aleha amó yébi obéé, “Oyin oku lótswie pಂತo mu ndoto. Eke oku oloyo yéki beé, abí ku idin mótó. Oloyo á, kuku medín mótó. ⁷ Inu su alebláa mu apayin obéé, ‘Nfinsa ní, nna oyí ánfí asi. Mmækówwun kukukuku mótó. Ntogyí só íbétrá lí yíntá osulúv? Kun mú da!’ ⁸ Táme apayin amu lébláa mu obéé, ‘Mí wíé, fú mó si mó itra lu ofi okule, ampulipuli mó asi, kpa wúna wa mó asi. ⁹ Ní ofiéba iloswie á, ibu alé, táme ní imoswie á, nakun mó dá.’ ”

Ọtsi Oku Ilo Tsa Okpónú Odaké

¹⁰ Yesu lóyo ode ató suná Yudafo offiakpa okpónú odaké iku. ¹¹ Ọtsi okuá oje laláhe lówa mu ilo nfi dúkwe ní, ilahá mu alaklo, ometáli bwíí náti bu unu. ¹² Bréá Yesu lówwun mu á, oleti mu bláa mu obéé, “Ani yín, iwí iwá fú onlin!” ¹³ Inu olopu ibi da ọtsi ámu. Inonu olotswíí lí kánfú Bulu.

¹⁴ Offiakpa ohande amu lénya obló ání Yesu latsá oha okpónú odaké. Mú su alebláa ahá ámu obéé, “Nkensíé bu unu há agyómá yo. Mlíba nke ámuto, abutsa mli ilo. Megýí okpónú odaké!”

¹⁵ Aní Wíe Yesu léle mó onó obéé, “Apinabwébi abwepó! Mlito okugyíaku tawóí mu nnantswie ntéé afrímú lé ibantó, pú amó ya ntsu onúkpa okpónú odaké. ¹⁶ Mú ima alá mí mó nésankí Abraham mu na ánfí Ọbonsám lakíki mu nfi dúkwe kéké ánfí okpónú odaké?” ¹⁷ Mu ason blíhé ánfí léha péli lékítá mu alupú ámu, ansí légyi atráhe amu féé, ofúla kpónkpónti ámúú odebwe ámu su.

*Takyí-akpin Ibi Yébi**(Mateo 13:31-32; Marko 4:30-32)*

¹⁸ Inu Yesu léfité ɔbéɛ, “Ntɔ Bulu iwíegyi ámu lehan? Ntée ntɔ nópukápó mu? ¹⁹ Igyi fé takyí-akpin ibí, oyin ɔku lódu wá mu ndɔtɔ. Uedan mlí oyi yilé, mbubwi botogyónká mó abámbito.”

*Bodobodotu-afá Yébi**(Mateo 13:33)*

²⁰ Yesu létrá blí ɔbéɛ, “Ntɔ mpókapa Bulu iwíegyi ámu? ²¹ Igyi fé Bodobodotu-afá ání ɔtsi ɔku lóputsiá bodobodo nfúó kente kole, leha mú ilotu.”

*Obu-ɔnó Kplánhe**(Mateo 7:13-14, 21-23)*

²² Bréá Yesu ɔyó Yerusalem a, ɔlɔtsɔn nkudasí pú awúlusu. Ɔna ɔde amó ató suná. ²³ Ɔha ɔku léfité mu ɔbéɛ, “Owíé, ahá kpalobí ku obénya nkpa?”

Yesu lébláa ahá ámu ɔbéɛ, ²⁴ “Mlibɔ mbódí amlitsɔn obu-ɔnó kplánhe amɔtɔ. Tsúfé ahá tsɔtsɔtsɔ bóbɔ mbódí ání bótsɔn wie inu, táme bɔméesalí. ²⁵ Táme ní wóyí mu wie ɔkósú fin obu ámu, mlebá belí klɔn ɔma, dá klɔn amusu mlíaa, ‘Owíé, finki ha aní!’ á, ɔbébláa mlí ɔbéɛ, ‘Mmeyín mlí, mmeyín ɔtínéá mlotsú.’ ²⁶ Inó mléblí mlíaa, ‘Ania funyɔ létsiá gyi ató, nú ntá, fetsiá suná ató aní dunsu!’ ²⁷ Táme ɔbéɛ mú ɔnɔ ɔbéɛ, ‘Mmeyín mlí. Mmeyín ɔtínéá mlotsú. Mlnati tɛi mísú, mlí laláhe abwɛpó féé!’ ²⁸ Ní mlowun Abraham, Isak, Yakob pú Bulu ɔnɔsú atɔpú amu féé bɔbu Bulu iwíe ogyíkpa, táme bɔmeha mlí mó ɔkpa amlíwie inu á, inó mlósu kpisí ni. ²⁹ Ahá bótsu owí ɔdalíkpa pú owí ɔkplíwíékpa, bɔnasu móa gyɔpɔsu ba betsiá ató ogyíkpa Bulu iwíegyi ámɔtɔ. ³⁰ Ɔnɔkwali, amapu aku bémlí agyankpavu. Agyankpavu aku é bémlí amapu.”

*Yesu Lósu Ha Yerusalem**(Mateo 23:37-39)*

³¹ Inu Farisifo aku beba Yesu wá bebláa mu beɛ, “Dali Galilea ɔmátó nfi, tsúfé ɔmáso ogyípó Herode dékléá ɔbómɔ fɔ.”

³² Yesu lébláa amó ɔbéɛ, “Mlɔyɛbláa ɔkpataku ámu mlíaa, ‘Négya ɔhe laláhe lé ahátɔ, tsá ahá ilo nde, gya le ɔke, mó mó ɔnɔ kláu.’ ³³ Táme ilehián ání nɔyɔ mí ɔnátí amusu nde, ɔke móa kláu. Tsúfé ɔkpa má inuá bómɔ Bulu ɔnɔsú ɔtɔpú ɔkuku ɔtɔnetɔne, dun Yerusalem!

³⁴ “Oo Yerusalemfɔ, Yerusalemfɔ! Mlítómmó Bulu ɔnɔsú atɔpú, dá abí ání Bulu lawá sísí mlí abwi mó ní. Ntekleá nóbun mlí abísú brégyíbré, fé alíá bate tobun mu abísú, táme mlítamahá mí ɔkpa. ³⁵ Mlɔkɔ, Bulu obési mlí ɔtswékpa tswi mlí. Nde mlí bláa mbéɛ, mlíméesétrá wun mi ekekεεke, yɔfun ekéá mléblí mlíaa, ‘Bulu oyúla ɔhá ámú ɔbá mu dátó’ ámu.”

14*Ɔlɔpɔ Ɔku Tsa*

¹ Farisifo ɔhande ɔku létí Yesu ató ogyíkpa mu wóyító ɔkpónú ɔdaké. Ahá bɔpɔ ansí yi Yesusu, bɔde mu téɛ. ² Inu oyin ɔkuá alapúnyá léba Yesu wá. ³ Yesu léfité Mose mbla asunápó pú Farisifo ámu ɔbéɛ, “Aní mbla léha ɔkpa ání butsiá ilo ɔkpónú ɔdaké lóó, ntée imeha ɔkpa?”

⁴ Amótó ɔkuku móbwíi ɔnɔ. Múy Yesu lékitá oyin ámu, tsá mu ilo, olesi mu ɔlenatí. ⁵ Inu ɔlefíté ahá ámu ɔbéɛ, “Mlító ma mu bi ntée mu ɔnantswie ɔbékpadá wíé ibúntó ɔkpónú ɔdaké, ɔmóɔkasi lé mu?”

6 Bometalí lé mú onó.

Iwiasibá

7 Inu Yesu lówun ání ahá amúu beti ató ogyíkpá unv amuto aku bude otsiákpá yilé dunká bétsiá. Múú òleha amú yébi òbée, ⁸ “Ní òku otí fú òká otsiákpá a, máyétsiá òfuákpá. Fíalí òleti òhande òkwá òdun fu. ⁹ Inu òhá amúu òleti mli ámu òbebláa fu òbée, ‘Mí wíé, kusv pu obíá ha òhá áñfi.’ Inu péli békítá fú, fèpetí yódunká òtneku tsíá. ¹⁰ Mú sv ní òha otí fú ató ogyíkpá a, yetsiá obíá kusubisv mboún, òhá ámu òbebláa fu òbée, ‘Mí wíé, betsiá òfuákpá nfi.’ Inu obótsu fú ansító fúá ahá ámu fée ansító. ¹¹ Tsúfè òhagyíòha ání ototsú iwí á, Bulu teba mu asi. Òhagyíòha ání òteba iwiasí é á, Bulu totsú mu fúá.”

¹² Yesu lébláa òhá amúu òleti mu ató ogyíkpá amú é òbée, “Ní fòtswi òpónú òpa onyé á, máti fú anyawíe, fú apíó, fú abusuanfò ntée iwí anyapúá butsie mantáa fú. Ní fòbwé mú alí á, amú é bèlatí fú amú kle asi ká ikò. ¹³ Mboún tí ahiánfò, tsukule asínpu, abubúpu pú ansibi abwiepú. ¹⁴ Bulu obóyulá fú, tsúfè buma tótóá bópuká fú ikò. Bulu òbéka fú ikò ekeá òbókusóa aha yilé tsú afúlitò.”

Nke Kpònkpònti Kò Yébi

(Mateo 22:1-10)

¹⁵ Ahá amúu amúa Yesu butsie òpónúasí amuto òkule lónu mu asun blíhé anfi, òleblí òbée, “Ansi bégyi ahá ání bégyi ató Bulu òpónú òtswíke mu iwíegyi amuto!”

¹⁶ Táme Yesu lébláa mu òbée, “Oyin òku lótswi òpónú kpònkpònkpònti ku, òleti ahá tsòtsòtsò. ¹⁷ Bréá beniná atogyihe amú tá á, òlwa mu asúmpú òbée buyébláa ahá amúu òleti ámu bee, ‘Babwé tá!’ ¹⁸ Táme amú fée beblí bee amú ibí de. Ogyankpapu òbée, ‘Nahò òsulúv ku. Ilehíán ání néyékí mú. Mú sv mlíkita mótó ha mi.’ ¹⁹ Onyòòsí é òbée, ‘Nahò nnantswie yinhé idú, bópulipúli mí ndòto há mí. Neyékapú amú kí. Mú sv mlíkita mótó ha mi.’ ²⁰ Òbambá é òbée, ‘Nwéen kótóó netsiá òká. Mú sv mméetalí ba.’

²¹ “Inu osúmpú amú léyinkí bebláa mu wie. Òblí lekítá mu wie amú, òlebláa mu òbée, ‘Wa òsa srí yekí ònsu pú brònsu, afòkpa ahiánfò, tsukule asínpu, ansibi abwiepú pú abubúpu ba.’ ²² Imòwa òpá osúmpú amú léba bebláa mu òbée, ‘Mí wíé, nayó sumbí ámu, táme otsiákpá trá da.’ ²³ Mu wie amú lébláa mu òbée, ‘Tsun mmuátse múa nkpakwí fée. Tí òhagyíòha ání fówun fee òbá, méni ahá bóbulá mí wóyító. ²⁴ Nekáse, ahá amúu nehue tí amuto òkuku méeada mí ató áñfi onó!’ ”

Yesu Búotò Ipián

(Mateo 10:37-38)

²⁵ Yesu múa òdam kpònkpònkpònti ámu ná bəyó. Múú òledamlí bláa amú òbée, ²⁶ “Òhagyíòha ání òleba mí wá, táme òde mu sí, mu yin, mu otsiába, mu abí, mu apíó, mu onutó kóráa iwí òwe òun mí á, òméetalí bwé mí òkasípú. ²⁷ Òhá ání omotsu mu oyikpalíhe bobuo mí mófòn ání òbóbwe mí òkasípú.

²⁸ “Mlító òmòmu bú unv, ní obéyi obu kpònkpònti á, oméetsiá asi kí tóá obéyintá, wun ání mu kóba bófòn? ²⁹ Ní òmeki mú alí, asa òkòsú wá obu ámu ntswiasí, pwé mú fun òkpatò, òmetalí mó mú onó á, obu ámu awúnpu fée bómásí mu. ³⁰ Bèblí bee, ‘Oyin áñfi lókusú òde obu yíi, òmetalí mó mú onó.’

³¹ “Ntée owíe òmòmu bu inuá ní owíe òku dé akòpú mpím-advanyò (20,000) òhá bəko mu a, oméetsiá asi kí alíá òbóbwe òbòpu mu isá akòpú mpím-dú (10,000) yéfiá amú? ³² Ní owun ání òméetalí á, òbówa abí òsasv

bóyókokóli mu há ikulebwe, bréá bumakónyá kpókpé ba. ³³ Inu su mlito òhá ání omesi mu tógyítò òmagyáa òméetalí bwé mí òkasípò.

Nfólá Ima Labi

(Mateo 5:13; Marko 9:50)

³⁴ “Nfólá bu alá, táme ní itá òdwe á, ntò bélapówá mú òdwe? ³⁵ Itráa ma alá há tótòtò bwe. Tséí butetséí mú tsítsá wúnasv. Òhá ání òbu asv onúu asún ánfí.”

15

Kufa Fwihé

(Mateo 18:12-14)

¹ Èke òku lampóò ahópu pò lakpan abwepò beba Yesu asv blíhé onukpá. ² Farisifò pò Mose mbala asunápò amv bowuntí mu bée, “Oyin ánfí muv lakpan abwepò ténátí, butòwá ibi gyi ató kóráá.” ³ Mú sv Yesu léha yébi púsúná amú ató òbée,

⁴ “Mlito ma bú akúfa lafakule (100), òkule òfwí á, omesi adukwebá-kwebá (99) tráhe wá dimbítò unv, yódunká mu alu kpéfùn bréá obówun mu? ⁵ Nahogyi mbéé, ní owun mu a, ansí bégyi mu, obótsu mu wá nkònkò, ⁶ pú mu ya wóyítò. Òbétí mu anyawíe pò mu aba, bláa amú òbée, ‘Mliha anya ansigyí. Nawun mí kufa amú òlofwí ámu!’ ⁷ Alí kén nde mli bláa mbéé, ní lakpan òbwepò òkule pé òdámli klòntò á, ansí béhie gyi ahá òsòsú unv òvun alá ibégyi amú aha wankláán adukwebá-kwebá (99) ání bumetrá hián klòntòdamlí iwí.

Kóba Fwihé

⁸ “Ntée ní òtsi òku bu sika futútú dú, mótò kule lafwí á, omóonywe òkandíe kiki mu wóyítò wankláán, kpákpá ntobítò ki, féí wóyí ámutò wankláán yòfun bréá alawun mú? ⁹ Ní owun mú á, òbétí mu apíò aba, bláa amú òbée, ‘Mliha anya ansigyí. Nawun mí sika futútú ámú òlofwí ámu. ¹⁰ Nde mli bláa mbéé, alí ansí béhie gyi Bulu-abòpu ní lakpan òbwepò òkule òdámli klòntò ní.’ ”

Obi Fwihé Òkv

¹¹ Yesu létrá ha amú yébi òbée, “Oyin òku létsiá, òbu abi yinhé anyò. ¹² Òkusv amv lébláa mu sí òbée, ‘Mí sí, ye fú atótò, afupu mí klé ha mi.’ Inu mu sí lékitá mu atótò ye há amú. ¹³ Imegyí nke koku òkusv amv lókolá mu ató féé, olotu òkpa yó tsútsúútsú òmá kvò. Inu oleyétsiá nkpa laláhe yíntá mu ató ámu féé. ¹⁴ Bréá oleyíntá ató ámu tá á, akón kpònkpònti kv léba òmá ámutò, òlòwa akón òi bi. ¹⁵ Mú sv òlòpu iwí yémantá unv yin òkusv, oyin ámu lékpa mu yáa mu ibúasí òbée, òyékí mu mprákuosv ha mu. ¹⁶ Tekí olekleá obétsiá gyi mprákuo atogyihe amv kv, táme òhaa méha mu mú iwí òkpa. ¹⁷ Bréá mu ansí leyinkí ba mu iwísv á, òlefíté mu iwí òbée, ‘Apafò amòmu kóráá má mí sí wóyítò, bumédé ató gyí sian ekekegyíeke? Mú ntsie nfi, akón òe mí mu? ¹⁸ Nókusú yínkí yó mí sí wá, yébláa mu mbéé, mí sí, napò ilá gyí Bulu, púgyi fú é. ¹⁹ Mmekanáa ání fétrá tí mí fú bí. Pv mí bwéé fú apafò ámutò òkule.’ ²⁰ Mú sv òlòkusú pú òkpa òbá mu sí wá.

“Bréá olowotíí, mu sí lówun mu sísí á, òlòwa mu nwe, òlesrí yéfiá mu, látá mu pútá. ²¹ Inu mu bi ámu lébláa mu òbée, ‘Mí sí, napò ilá gyí Bulu, púgyi fú é. Mmekanáa ání fétrá tí mí fú bí.’ ²² Táme mu sí létí mu asúmpò, bláa amú òbée, ‘Mliwa òsa yotsu atadié wankláán ámu bawá mu. Mliwa mu opetia, amliwa mu ntòkòta. ²³ Mliyele ònantswie yínhé kánáhe amú òlawa nfo

ámu ba, amlibom̄ mu, apugyi nke ha mu. ²⁴ Tsúfē mí bí ánfí lawú tsínkí. Ọ́lọ́fwi, anulawun mu.’ Inu bowa nke gyí bí.

²⁵ “Alí bré ámutò á, obi dehen amu bu ndoto. Bréá olotsu ndo ámutò obá, alatá wóyító wie tá á, olonu ání pléí de wóyító unu. ²⁶ Mú sù ọ́letí mu sí asúmpó amuto okule, fité obéé, ‘Amanso lába?’ ²⁷ Osúmpó amu léle mú onó obéé, ‘Fó píó laba. Mú sù fó sí lahá bamó onantswie kánáhe amu, tsúfē alayínkí bọtu mu, obu nkpa, obu onlin.’

²⁸ “Ọ́bló lekítá ọ́dehen amu. Mú sù olesin mmuáa. Mu sí lédalí ba bokokóli mu obéé, obá wóyító. ²⁹ Táme ọ́lele mú onó obéé, ‘Mí sí, kí nfi dódúódúá napótíá fó wá sùm fó. Mmakóbwé mábúla kuku kí. Táme fomakóhá mí ọ́kpalábi fée mía mí aba apówa iwí ansigyí kí. ³⁰ Táme fó bí ánfí alayíntá fó tógýító, muva akípú bayégyi nkpa ánfí mú laba a, famó onantswie yinhé kánáhe amú alawá nfo ámu há mu!’ ³¹ Inu mu sí lébláa mu obéé, ‘Mí bí, yéé fó mú fóbú mí wá brégyíbré. Fóbú mí ató fée. ³² Fó píó ánfí lawú tsínkí. Ọ́lọ́fwi, anulawun mu. Mú sù lehián ání abégyi mú nke, nyá ansigyí.’ ”

16

Agyómásó Ọ́kípú Ansítínú Ọ́kú

¹ Yesu lébláa mu akasípú obéé, “Iwí onyapú ọ́kú létsiá, obu agyómásó ọ́kípú. Ahá bowi tsá mu wie amusu bee ode mu gyí. ² Inu sù ọ́letí oyin ámu, fité mu obéé, ‘Nto asún ndenu tsú fó iwí alí? Bobu akúnta ha mi, tsúfē foméetrá kí mí agyómásó.’ ³ Agyómásó ọ́kípú amu léfité mu iwí obéé, ‘Nkálí nóbwe? Mí wie obá begya mi. Mma ọ́wonlín ání nénatí do ha ahá. Ibo mi péli ání nénatí kólí ató é. ⁴ Ibo alé! Nyin tóá nóbwe, méní ní osí mí á, nénya ahá ání bóhó mi wá amó wóyító.’

⁵ “Mú sù ọ́letí ahá ání bude mu wie ikó kulekule. Ọ́lefíté ogyankpapu obéé, ‘Ikó afínú fódé mí wie?’ ⁶ Ikó ọ́kítápú amu léle mú onó obéé, ‘Nfo agbongbó lafa-anyo (200).’ Agyómásó ọ́kípú amu lébláa mu obéé, ‘Tsan fú adánsie ọ́wóló ámutò, afowanlun lafakule (100).’ ⁷ Ọ́lefíté ọ́kú é obéé, ‘Ikó afínú fódé?’ Ikó ọ́kítápú amu lébláa mu obéé, ‘Bodobodo nfúó akente ọ́pím-okule (1,000).’ Agyómásó ọ́kípú amu lébláa mu obéé, ‘Tsan fú adánsie ọ́wóló ámutò afowanlun lafakwe (800).’

⁸ “Osikani ámu lékanfó agyómásó ọ́kípú anfi oma onakwalí ánfí ání alatálí tin ansi alí.” Yesu lómó mú onó obéé, “Ndeмба-abí ání búbuo ọ́yító ató ansítín ání bọpu butsie amó abato idun amóá buyin Bulu klé.

⁹ “Nde mlí bláa mbéé, mlipu ọ́yító ató bwe apíó, méní ní itá á, Bulu obóhó mlí wá mu wóyíá ibu unu bré féeétó. ¹⁰ Ọ́há ání ọ́letalí kítá ató túkúríibi, olegyi onakwalí mósú á, mu kén obégyi onakwalí ató kpónkpontí ésú ní. Táme ọ́há ání omowa onakwalí ató túkúríibisú omóowa onakwalí ató kpónkpontisú. ¹¹ Mú sù ní mlumá onakwalí ọ́yító atósú a, ma mee obóhó mlí sù gyí, pú ọ́sósú ató onutó wá mlí ibito? ¹² Ntéé ní foma onakwalí ọ́kú klésú á, ma mee obópu fó klé há fó?

¹³ “Osúmpó ọ́kuku méetalí sùm awie anyo. Ọ́bódwe okule, lú okule. Ntéé obóbu okule, omóobu okule. Fóméetalí sùm Bulu, sùm Kóba.”

Yesu Asun Blíhé Kú

(Mateo 11:12-13; 5:31-32; Marko 10:11-12)

¹⁴ Farisifó butódwé kóba. Mú sù bréá bonu Yesu asun blíhé anfi á, bóbwe mu ahinlá. ¹⁵ Inu Yesu lébláa amó obéé, “Mlitelé iwí súná ání aha yilé mlígyí ahá ansító, táme Bulu mú yin mlí klontó. Tsúfē tóá nyankpusa tekiá ibu labi igyi Bulu akisító.

16 “Mose Mbla ámu pú Bulu ɔ́nósú atáíró amu asun wanlínhé ɔ́yɔ agyómá alu bɔfun Asú Ɖɔbɔpú Yohane brésú. Tsú mɔsu bude Bulu iwíegyi ámu iwí asun wankláán akan da, ahá é budepríu wie mótó. 17 Ɖsó móa así bétalí mótó ɔ́nó, táme itoduáhé ntéé asúnbi ikole kórará móowu Mose Mbla ámuɔta.

18 “Oyin okíná mu ka láyétisiá ɔ́tsi bámbá á, alató mbua. Oyingyíoyin ání ɔ́tsia ɔ́tsi ání mu kulu lakíná mu é lató mbua.”

Iwí Onyapú Ɖku Mba Lasaro

19 Yesu lébláa amó ɔ́bée, “Iwí onyapú ɔ́ku létsiá. Atati wolihé ɔ́tedídá, otegyi nkpa wankláán ekekegyíeke. 20 Ató ɔ́kólípú ɔ́kuá mu iwí letsitsí nlo é létsiá. Bɔtetí mu Lasaro. Betsiá pú ohiáni ání yéyáí iwí onyapú ámu ɔ́kpa ɔ́nó. 21 Ɖkiá obénya atogyihe mpupubiá íbékpakpáa bun oyin ámu ɔ́pónóasi gyi. Akíai létsiá beyintá mu nlo ámu kóraráátó.

22 “Bréá ohiáni ání lówu á, Bulu-abɔpu bɔtsu mu ya, oleyétsiá aní náin Abraham wá ɔ́súsú. Iwí onyapú ání é lóbowu, bopolá mu. 23 Ɖɔyɔ ɔ́bu ísubití ogyá ání itamaduntó, ɔ́de iwíɔsin wúun. Olotsu ansí fúá, olowun ání Lasaro tsie Abraham wá tsútsúútsú. 24 Inu ɔ́lɔkplón ɔ́bée, ‘Aní sí Abraham-ée! Wun mi nwe, afuha Lasaro ɔ́yɔpu mu osrebi da ntsutso pɔbedá mí ɔ́dandɔsu, ilwii kpalobí. Nde iwíɔsin wúun ogyá ánfító dɔbi!’

25 “Táme Abraham lébláa mu ɔ́bée, ‘Obí, kaun, fú nkpatsiátó a, fegyí ɔ́dwe, Lasaro é letsiá ɔ́sintó. Séi á, ɔ́bu ɔ́dwetó, fú é fúbu ɔ́sintó. 26 Ɖma a, ilán kpɔnkpɔnkpɔntí ku da ania funyɔ nsuné. Mú su ɔ́haa méetalí fá tsú nfi ba fú wá un, ɔ́haa é méetalí fá tsú un ba aní wá nfi.’ 27 Oyin ámu lébláa Abraham ɔ́bée, ‘Mómó nobwíí ipa, aní sí Abraham, wa Lasaro sisi mí sí wóyító. 28 Mbu apio yinhé abanú aku un, ɔ́yeda amó ɔ́lá, méní bowú á, buméeba bowun iwíɔsin ání odu.’

29 “Abraham léle mú ɔ́nó ɔ́bée, ‘Mose mba Bulu ɔ́nósú atáíró amu nwló bu amó wá, ide amó ɔ́lá da. Bunúu mú, abɔgyi músó.’ 30 Oyin ámu léle mú ɔ́nó ɔ́bée, ‘Aní sí Abraham, asún ámu nu keke mééha amó abɔdamli kluntó. Mboun ní ɔ́ku ɔ́kósú tsú afúlitó yó amó wá á, bédamli kluntó.’ 31 Táme Abraham lébláa mu ɔ́bée, ‘Ní bumegyí Mose mba Bulu ɔ́nósú atáíró amu nwlóótó asún ámu su á, ɔ́ku ɔ́kósú tsú afúlitó yó un kórará á, bumóonu ɔ́há ámu asón.’”

17

Lakpanbwe

(Mateo 18:6-7, 21-22; Marko 9:42)

1 Yesu lébláa mu akasípú amu ɔ́bée, “Ibwébwéébwé á, tɔku béha nyankpɔsa ɔ́bóbwe lakpan, táme ɔ́há ání ina mɔsu mu ba lóbwé lakpan ɔ́gyówi ní. 2 Ní ɔ́ku léha ahá ání bumákódan mísó hógýitó ánfító ɔ́ku lóbwé lakpan á, ní beda nfúókwebu síán mu ɔ́metó, tswi mu wá ɔ́pu okluklúkpa pótó á, íbu alé dun. 3 Mú su mlíkí mlí iwí wankláán.

“Ní fú bá ɔ́pó ilá gyi fú á, wa iyin wa mu. Ní ɔ́ledamli kluntó á, sikie mu. 4 Ní ɔ́lɔpu ilá gyi fú tse sienó* ekewóle owító, ɔ́lela bobwíí ipa há fú á, sikie mu.”

Hógyi

5 Yesu sumbí ayɔpú ámu bebláa mu beé, “Ha aní hógýi imoni tsia.”

6 Yesu léle mú ɔ́nó ɔ́bée, “Ní mlí hógýi lómoní fé takýí-akpin ibí á, mlétalí bláa kelí ání mlíaa, ‘Pulí yelí ɔ́pɔtó.’ Ibóbwe dínká músó.

* 17:4 Idesuná ání tsé dódóá ɔ́lɔpu ilá gyi fú.

Osúmpó Gyumagyihe

7 “Ní mlíto oku bu osúmpó á tǎyǎ agyómá mu ndǎto ntéte áteki mu akúfaso, otsu agyómátó ba a, bláa mu wie tebláa mu óbée, ‘Wa ósa bwe afogyi ató?’ Ekekeke! ⁸ Bláa átebláa mu óbée, ‘Tsu tati saba, afubotswi ópónó ha mi. Belí mí angyi ató. Negyi ta á, fayégyi fó klé.’ ⁹ Ótedá osúmpó amu ipán óbée, alabwé tǎa mawa mu bwe? Ekekeke! ¹⁰ Inu su ní mli é mlóbwé tǎa bowa mli bwe tá á, mlibli mlíaa, ‘Asúmpó keke angyí. Tǎa igyi aní bwehé anilabwé á.’”

Ilo Peye Alapó Dú Tsa

¹¹ Yesu ná Samaria pó Galileafó okasu óyǎ Yerusalem. ¹² Bréa óleta wúlu kusu wie tá á, ilo peye alapó dú ako búna bebá befia mu, besi lí tsútsú. ¹³ Inu bokplón bí beé, “Yesu! Owíé! Wun aní nwe.”

¹⁴ Yesu lótsu ansí kí amó, ólebláa amó óbée, “Mlupu mli iwí yosuná Bulu igyi óhapó.†”

Bréa ópu okpa óyǎ á, amó iwí lépli. ¹⁵ Okule mú lówun aní mu iwí laplí a, oleyinkí ódekplón kanfó Bulu kóklókóó. ¹⁶ Olebemlí bún Yesu ayabito, óde mu ipán da. Samariayin oyin ánfí gyí. ¹⁷ Inu Yesu léfité óbée, “Megyí ahá idú natsá? Mú kwebá atráhe mé? ¹⁸ Mú su amótó okuku méba bekanfó Bulu dún Samariayin ófó ánfí nkole?” ¹⁹ Inu ólebláa oyin ámu óbée, “Kusu natu. Fú hógyi latsá fú ilo.”

*Bulu Iwiegýi Amv Ibá**(Mateo 24:23-28, 37-41)*

²⁰ Farisifó ako befité Yesu beé, “Ómenke Bulu iwiegýi ámu íbéba?” Yesu lébláa amó óbée, “Megyí tǎa óha óbópu ansíbi wun Bulu iwiegýi ámu igyi. ²¹ Óhaa méetalí bí óbée, ‘Kí, móbu nfi.’ Ntéte ‘Móbu nána á.’ Tsúfé mli kluntá Bulu iwiegýi amu bu.”

²² Inu Yesu lébláa mu akasípó óbée, “Eke oku íbá, mlódunká aní mlówun mí, Nyankpusa-Mu-Bi ánfí ekewóle pé, táme mlimóowun mú. ²³ Ahá bébláa mli beé, ‘Óbu nfi.’ ntéte ‘Óbu nána,’ táme mlimásrí buo amó yéki. ²⁴ Tsúfé mí, Nyankpusa-Mu-Bi ánfí óbáke bóbwe fé alí amú nyankpu tǎfwí íbi, bútowun mú nsaintó féé ámu. ²⁵ Táme négyankpá wun iwíasin tsotsótsó, ndemba-abí ánfí é békiná mí. ²⁶ Alí amú ílegyi Noa brésó amu a, alí íbégyi mí, Nyankpusa-Mu-Bi ánfí é íbábi ní. ²⁷ Ahá betsiá, búde ató gyí, búde ntá núu; búde aká tsiá, búde atsi kítá há akúlu alu yófon ekeá Noa lówie mu dáka kpǎnkpǎntí ámúto, ntsu lóbúlá bómó amó féé. ²⁸ Alí kén íleba Lot é brésó ní. Ahá betsiá, búde ató gyí, búde ntá núu, búde ató hǎó, búde ató fé; búde ató du, búde íbu yíi, ²⁹ yófon ekeá Lot lédalí Sodom wúlutó, ogyá móa atonkodu lotswie tsu ósósó behi amó féé. ³⁰ Alí kén mí, Nyankpusa-Mu-Bi ánfí iwíwanléké bófwie ahátó ní.

³¹ “Eke ámu a, óhá aní ódín obusu, mu ató íbu obuto ómákpí botsu tǎto. Alí kén óhá aní óbu ndǎto é máyinkí botsu tǎto ní. ³² Mlíkan Lot mu ka asónsú!‡ ³³ Tsúfé ní oku lódunká aní óbéprí mu nkpa á, óbóhulú mú. Táme ní oku lóhulú mu nkpa á, óbélanyá mú. ³⁴ Nde mli bláa mbée, alí eke ámu onyé á, ní ahá abanyó búda oklan kolesu á, Bulu obótsu okule sí okule.

³⁵⁻³⁶ “Ní atsi abanyó búde nfúó kwe á, Bulu obótsu okule sí okule.‡”

³⁷ Yesu akasípó amu befité mu beé, “Aní Wíe, nkónó íbéba?”

† 17:14 Abóbi aní mli iwí laplí Mose mbia okpasu. ‡ 17:32 Bréa omobu Bulu, óledamli kí óma a, olemlí nfíhín. Kí Genesis 19:26. § 17:35-36 Mútó yée 36 bu nwuló dada amu akoto: Ní ayin abanyó búde agyómá yó ndǎ kóletó á, Bulu obótsu okule sí okule.

Yesu lébláa amú ɔ́bée, “Ɔ́tínéá ito wuhé da a, inó alása butefia ni.”

18

Ɔ́sɔrapu Mva Asón Ogyípú Ɔku

¹ Inu Yesu léha yébi ku pòsúná ání bɔ́bó mpáí brégyíbré, imákpɔn amú. ² Ɔ́lɛbláa amú ɔ́bée, “Asón ogyípú ɔku létsiá wúlu kusɔ. Ɔ́tamanyá Bulu ifú, ɔ́tamanyá ɔ́haa é péli. ³ Ɔ́sɔrapu ɔku é létsiá wúlu amɔtɔ. Oletsíá bokokóli mu ɔ́bée, ogyí mu asón ɔ́nɔkwalisu ha mu, ɔ́le mu tsu mu olupú ibitɔ! ⁴ Teki olekle okina, táme ɔ́ma-ɔ́ma a, ɔ́lɛbláa mu iwɔ ɔ́bée, ‘Ibu mótóá ntamanyá Bulu ifú, ntamanyá ɔ́haa é péli. ⁵ Táme ali ání ɔ́sɔrapu anfi ná ɔ́de mí háan anfi su á, négyi mu asón ɔ́nɔkwalisu. Ní megyí ali á, oméesi mí tóí wa. Ɔ́méesha mméenya ɔ́kpa bwé tɔtɔ.’ ”

⁶ Yesu lóyo mósú ɔ́bée, “Mliki aliá asón ogyípú anfi ɔ́tamagyi asón ɔ́nɔkwalisu ání lablí. ⁷ Mómú nkáli Bulu mó méegyí mu ahá ámú alalé, budesú kpólí mu ɔ́pa-onyé ámu asón ɔ́nɔkwalisu? Obési amú asón wá obiátó? Ekekeke! ⁸ Nde mli bláa mbée, obégyi mó ɔ́nɔkwalisu há amú ɔ́sasɔ. Táme ndefíté mbée, ní mí, Nyankpɔsa-Mu-Bi ání neyínkí bá a, nówun ahógyipu aku ɔ́sɔlúu anfisɔ?”

Lampóo Ɔ́hópu Mva Farisiyin

⁹ Yesu létrá ha yébi ku pòsúná amú ató tsú ahá ání buteki amú iwɔ yilé abwepó dun amú aba. ¹⁰ Ɔ́lɛha yébi amú ɔ́bée, “Ayin abanyó aku bɔ́du yó mpáí ɔ́bɔkpá Bulu ɔ́tswékpa. Amótó ɔ́kole gyí Farisiyin, ɔ́kole é gyí lampóo ɔ́hópu.

¹¹ “Farisiyin amú lókusú líí, bó mpáí wá nwuntɔ ɔ́bée, ‘Bulu, nedá fú ipán ání mme gyí fé aku. Mí mu mma ɔ́nsípe, ntamasísi ɔ́ha, ntamató mbɔa, mme gyí fé Lampóo ɔ́hópu anfi é. ¹² Nteklí ɔ́nó tse nyɔ ndawótswí ikuletɔ. Nteye mí ató féesú dú, lé idúsi há fú.’

¹³ “Táme lampóo ɔ́hópu amú mó léyelií tsútsú, oloko nwuntɔ wá. Omot-sulá tsú ansí kóráá fúá kí ɔ́sósú. Ɔ́ɔpu ɔ́bumáa dá ibitɔ, kókóli Bulu ɔ́bée, ‘Oo Bulu, wun mi nwe, lakpan ɔ́bwepó ngyi.’ ” ¹⁴ Yesu lómɔ mó ɔ́nó ɔ́bée, “Nde mli bláa mbée, asa beyínkí yó wóyí á, Bulu ansí légyi lampóo ɔ́hópu amú iwɔ dun Farisiyin amú. Tsúfé ɔ́há ání ototsú iwɔ á, Bulu ɔ́béba mu asi. Ɔ́há ání ɔ́teba iwiasí é á, Bulu obótsu mu fúá.”

Nyebi Yulá

(Mateo 19:13-15; Marko 10:13-16)

¹⁵ Aha aku bɔ́pu amú abí ba Yesu bee, ɔ́pɔu ibi dinka amósú, oyula amú. Mu akasípú bowun amú. Mú su bɔ́wa iyin wá amú. ¹⁶ Táme Yesu léti nyebí ámu ba mu iwɔ wá, ɔ́lɛbláa akasípú amú ɔ́bée, “Mliha nyebí ámu abɔba mí wá. Mlimátin amú ɔ́kpa, tsúfé ahá ání odu bó Bulu iwíegyí amú ni. ¹⁷ Ɔ́nɔkwali nde mli bláa. Ɔ́há ání ɔ́mɔhɔ Bulu iwíegyí ámu fé kebi á, omóowie mótó.”

Atonyahé Iwɔ Atosundhé

(Mateo 19:16-30; Marko 10:17-31)

¹⁸ Eke ɔku Yudafo ɔ́hande ɔku lébefíté Yesu ɔ́bée, “Osunápó yilé, ntɔ nóbwe asa nénya nkpa ání itamatá?”

¹⁹ Yesu léfíté mu ɔ́bée, “Ntogyi sù fude mí ti ɔ́ha yilé? Ɔ́haa mégyí ɔ́ha yilé, nkéti Bulu nkole. ²⁰ Yéé foyin Bulu mbla ámu o. Múgyí, máto mbɔa, mámo ɔ́ha, máwi ató, máka asón dínká fú básó, bu fú sí muá fú yín.”

²¹ Ɔ́hande amú lébláa mu ɔ́bée, “Tsú mí nyebitɔ ɔ́pá nde mó féesú gyí.”

²² Yesu lónu mu asun blíhé anfi á, òlebláa mu òbée, “Toku kule ilasí ání fóbwe. Yefe fú iwisu ató fée, afuye kóba amu ha ahíánfó, méní fénya siadié òsúó. Fóbwé mó tá á, ba afubobuo mi.” ²³ Bréá oyin ámu lónu asún ání á, iláto mu klun, tsúfé chíé òbu ató.

²⁴ Yesu lówun ání ilahan mu. Mó su òleblí òbée, “Tbu ònlun asa iwí onyapú obówie Bulu iwíegyi ámòto. ²⁵ Lélé mó á, òpòn ha kpósó ání òbótsun òbunato òbótó, òun ání iwí onyapú obówie Bulu iwíegyi ámòto.”

²⁶ Ahá ání bonu asún ání befíté bee, “Mómó ma mee Bulu òbóhò nkpa?”

²⁷ Táme Yesu lébláa amú òbée, “Tóá nyankpusa méetalí bwé mádón Bulu bwé.”

²⁸ Inu Petro lébláa Yesu òbée, “Mí Wíe, kí, anlasí aní wóyí tswi bobuo fu.”

²⁹ Yesu lébláa amú òbée, “Ònakwali nde mi bláa. Ohaa má uná obési mu wóyí, mu ka, mu apíó, mu akwípó ntée mu abí tswi Bulu iwíegyi ámu su, ³⁰ Bulu méelawá mó otsiákpá há mu tsé dú tsé lafa séi, láha mu nkpa ání itamatá bré ámúó íbá ámòto.”

*Yesu Lowu Iwí Asún Blí Otse Saasi
(Mateo 20:17-19; Marko 10:32-34)*

³¹ Yesu létí akasípó dúanyò ámu ya itsétó, òlebláa amú òbée, “Ayó Yerusalem. Inú asún ámúó Bulu ònósó atáipó amu bōwanlín tsú mí, Nyankpusa-Mu-Bi ání iwí ámu fée béba mótó ní. ³² Béle mí há ahá ání bomegyi Yudafo. Bóbwe mí ahinlá, síá mí, tú atsunó wólí mí. ³³ Béputí mí ató, mó mí. Mó eke sáási a, nókòsò tsú afúlitó.”

³⁴ Akasípó amu bomonu íni asi, tsúfé Bulu lóponjain amú. Bomebi tóá òleblí é.

*Ansibi Obwiepú Oku Ilo Tsa
(Mateo 20:29-34; Marko 10:46-52)*

³⁵ Yesu léta Yeriko wúluto wie tá á, ansibi obwiepú oku tsie okpa ònó, òde ató kulí. ³⁶ Ansibi obwiepú ámu lónu ání òdòm bódetsóun. Móú òlefíté òbée, “Amansu igyi?”

³⁷ Ahá bebláa mu bee, “Yesu Nasaretyin amu détsóun.”

³⁸ Inu ansibi obwiepú ámu lókplon bí òbée, “Aní wíe Dawid mu na Yesu, wun mi nwe!”

³⁹ Ahá ámúó bogyá Yesu nkpa ámu bókplón wa ansibi obwiepú ámu bee, òwáa òsa kpa ònó bun. Òlelakplón òun alí òbée, “Aní wíe Dawid mu na, wun mi nwe!”

⁴⁰ Yesu lési lí, òleha òbée bukpa mu ba mu. Bréá bekpa mu ba a, Yesu léfíté mu òbée, ⁴¹ “Ntó fudeklé fee mbwéé ha fu?”

Òlele mó ònó òbée, “Owíe, ha mí anwun ató!”

⁴² Yesu lébláa mu òbée, “Fó hógyi latsá fú ò. Wun ató.”

⁴³ Inonon mu ansibi lobwíí, òlekplá buo Yesu, òde Bulu kanfó. Òdòm amu fée bowun íni, amú é bekanfó Bulu.

19

Yesu Mva Sakeo

¹ Yesu déka tsun Yeriko wúluto. ² Lampóo ahópun òhande òkúá òbu kóba bu wúlu amòto, bótétí mu Sakeo. ³ Oyin ání dékléá òbópun ansibi wun Yesu, táme òma iswí, ahá é bòdubi. ⁴ Mó su òlesrí yódu pòntò-oyí kúá Yesu òbótsun mó asi, méní obówun mu. ⁵ Bréá Yesu lówie oyí ámu asi á, olotsu ansí fúá, wun Sakeo, òlebláa mu òbée, “Sakeo, wa òsa kpli ba. Nde, fú wóyí nòswí ní.”

6 Sakeo lówa ɔsa kpá, pò ansigyí kpá mu ya wóyító. 7 Ahá ání bowun mú fée bowuntí bɛɛ, “Oyin ání layóswí lakpan ɔbwɛpó wóyító.”

8 Sakeo lókúso líí wóyító inu, bláa aní Wíe Yesu ɔbée, “Mí Wíé, kí, néye mí atótó anyo, pò ifon kíé ahíánfó. Ní nasisi ɔku é á, nélahá mu mú aku ana.”

9 Yesu lébláa mu ɔbée, “Nde Bulu lahó wóyí ání nkpa, tsúfé Abraham mu na ɔní ání é gyí. 10 Ahá ání bafwí odunkákpa mí, Nyankpɔsa-Mu-Bi ání nɛba, anhó amó nkpa.”

Asúmpó Kóba Ha
(Mateo 25:14-30)

11 Ahá ámu buɔe asón amóú Yesu déblí ámu nu. Alí bré ámɔtá á, Yesu latá Yerusalem wie tá. Mú sɔ ɔleha amó yébi pótswí amó, tsúfé buɔdesusúu bɛɛ Bulu iwíegyi béfi así inɔnu. 12 ɔleha yébi amu ɔbée, “Iwí onyapó ɔku lóbwe agywun ɔbée, mótu ɔkpa yó amó owíe dehen wá, ɔyai mu owíe, oyinki begyi iwíe mu ɔmátó. 13 Asa ɔbóyo á, ɔleti mu asúmpó idú, oleye pónu kulekule há amó fée. ɔlebláa amó ɔbée bupúyo agyómá yófon ekeá méba. 14 Táme mu wúluto ahá bolu mu, wá abí buo mu bɛɛ, buɔmedékléá ɔbwée amó owíe.

15 “Táme mú óó á, owíe dehen amu léyai mu iwíe amu, ɔlesankí ba wóyí. Olenya wíe pé ɔleha beti mu asúmpó amu, ɔkí tóá banyá dínká kóba amusu.

16 Ogyankpapo léba bebláa mu ɔbée, ‘Mí wíé, nanyá pónu dú tsía fú klé amɔtá.’ 17 Mú ɔlebláa osúmpó amu ɔbée, ‘Fabwé ató. Osúmpó wankláán fógyi. Iná fawá ɔɔkwali itó túkúrífí ání iwí sɔ á, nápu awúlu idú wá fú ibito, féki mósó.’ 18 Onyɔasi léba bebláa mu ɔbée, ‘Mí wíé, nanyá pónu anu tsía fú klé amɔtá.’ 19 Owíe amu lébláa mu ɔbée, ‘Fó é féki awúlu anusu.’

20 “ɔbambá é léba bebláa mu ɔbée, ‘Mí wíé, fú sika ámu ní. Neda mú wá dúkubi ɔnó yáí. 21 Nyin fu. Nde fú ifú nya, tsúfé fú asón bu ɔnlín. Fútotsú ató ɔtínéá fómɔpu tɔtɔ yáí, fútɔkpótí ató é ɔtínéá fómɔdu tɔtɔ.’ 22 Mú wie amu lébláa mu ɔbée, ‘Osúmpó laláhe. Fú ɔnótó asón nápu gyi fu asón. Yéé foyin ání mí asón ihé bu ɔnlín, ntotsú ató ɔtínéá mmɔpu tɔtɔ tswi, kpótí ató ɔtínéá mmɔdu tɔtɔ a? 23 Mú ntogyi sɔ fómɔpu mí kóba amu yótswi sika ɔyaíkpa. Féki ní neyínká ba a, nóyɔhó móa mósó abí?’

24 “Inu owíe amu lébláa ahá ání buɔbu inu ɔbée, ‘Mlɔswi osúmpó anfi kóba amu ha ɔmɔamóú olenya idú ámu.’ 25 Táme ahá ámu bebláa mu bɛɛ, ‘Nanáin, ɔbu pónu dú dodo o!’ 26 Owíe amu lébláa amó ɔbée, ‘Nde mli bláa mbée, ɔhá ání odekléá obónu mí atosunáhé amu así á, Bulu ɔbópu iku tsía mótó há mu. Táme ɔhá ání omedékléá obónu mí atosunáhé amu así á, Bulu ɔbóswí mu kpalobí amóú alabí ámu kóráá. 27 Séí á, mlíkpa ahá amóú bókúso líí mísú bɛɛ mmágyi iwíe amu ba, amlibɔmɔmɔso amó mí ansító nfi!’ ”

Bɔhó Yesu Fée Owíe Yerusalem
(Mateo 21:1-11; Marko 11:1-11; Yohane 12:12-19)

28 Yesu léha amó yébi anfi tá á, ɔlɔtsun gyankpá pò ɔyó Yerusalem.

29 ɔleta Betfage móa Betania awúluá idun Nfó-nyíbu* ámusu wie tá á, ɔlɔwa mu akasípú abanyó gyankpá, 30 bláa amó ɔbée, “Mlyɔ wúlu anfi ida mli ansító ánfisu. Ní mlowíe wúlu ɔnó á, mlówun afrímú kanáhe ɔku da ɔfétó, ɔhaa mókótsiá musu kí. Mlɔsanki mu ba mli. 31 Ní ɔku ɔfíté mli ɔbée, ‘Ntogyi sɔ mlídé mu sankí?’ á, mlibla mu mliáa, ‘Aní Wíe dé mu hián.’ ”

* 19:29 Nfó-nyíbu igyi obubwí kuá ibu mantáa Yerusalem, botetí mú Olifbu.

³² Akasípó abanyó ámu bəyówun afrímú kánáhe ámu fě alíá Yesu lébláa amó. ³³ Bréá bude mu sankí á, mu awíe befité amó bεε, “Ntogyi só mlidé mu sankí?”

³⁴ Bεε mú onó bεε, “Ani Wie dé mu hián.” ³⁵ Besi bekpa afrímú kánáhe amu ba Yesu, bεyai amó atati dínká musu, tsú Yesu bian musu. ³⁶ Bréá Yesu tsie musu oyó á, ahá ámu bekpa amó atati yái tswi okpatə, əlenatí mósú tsun.

³⁷ Bréá Yesu lówa Nfə-nyíbu ámu kplí oyó Yerusalem wúluto bɪ a, mu abúopu amu fěé bətswi opé kánfú Bulu kóklókóó, ofúla amóú əlbwε, bowun amu fěé su. ³⁸ Bεε, “Bulu oyúla owíe anfi əbá mu dátó ánfí! Iwilwii bu əsósú. Numnyam ibwéε Bulu klé əsósúúsú un.”

³⁹ Farisifo aku bubu ədəm amutə. Inu bebláa Yesu bεε, “Osunápó, ka fú abúopu anfi itin!”

⁴⁰ Yesu lébláa amó əbée, “Nde mli bláa mbée, ní ahá ánfí behíé kpá onó bun kóráá á, abwi ánfí bókplən kanfó Bulu.”

Yesu Lósú Yerusalem Su

⁴¹ Bréá Yesu léta Yerusalem wie tá, olowun wúlu amu sísí á, olosu ha mó. ⁴² Əbée, “Yerusalemfə, tɛki ilehián ání mlébi tóá itəpú iwilwii ba ndε, táme mlímétálí bí mó. ⁴³ Bré ku ibá, mli alupú békafia mli abuntii, pwé okpó wá mli, sá mli tin əkpagyíəkpasə. ⁴⁴ Béhu wúlu anfi pú mótó atsiápó. Bumeési ibwi kole dínká mó bású, tsúfé mlímébi bréá Bulu léba mli nkpa əhókpa!”

Ibíá Agyípó Gyáa Lε Bulu Ətswékpa Wunsinésó

(Mateo 21:12-17; Marko 11:15-19; Yohane 2:13-22)

⁴⁵ Bréá Yesu lówie Yerusalem a, əloyə Bulu ətswékpa wunsinésó. Olenya wíe unu alí, əlɔwa ibíá agyípó gyáa bɪ. ⁴⁶ Əlebláa amó əbée, “Bəwanlín wá Bulu asón ámutə bεε, ‘Béti mí ətswékpa bεε, mpái əbəkpa.’ Táme mlilapú unu mli awikplu əhainkpá.”

⁴⁷ Oletsiá súná ató Bulu ətswékpa unu ekekegyíεke. Bulu igyí ahapú dehen, Mose mbła asunápó pú Yudafə ahande amu bodunká əkpa ání bótəun mósú mó mu. ⁴⁸ Táme bumenya, tsúfé ahá ámu fěé bubuo mu asun blíhé.

20

Yesu Túmi Iwi Asun Fitéhé

(Mateo 21:23-27; Marko 11:27-33)

¹ Eke əku Yesu bu Bulu ətswékpa wunsinésó unu əde Bulu asón wankláán ámu əkan da, əde ató suná. Inu Bulu igyí ahapú dehen, Mose mbła asunápó pú Yudafə ahande beba bətu mu. ² Befité mu bεε, “Ma léha fú əkpa fúde ntobí ánfí bwε? Ma léha fú túmi?”

³ Yesu léle mú onó əbée, “Mí é nfite mli asun kua kole. ⁴ Bulu wá Asú Əbəpú Yohane lénya túmi púbə ahá asú lóó, ntée nyankpəsa? Mlibla mli.”

⁵ Amó wolεwolε bəyə asón ánfito bεε, “Ní ablí aniaa itsú Bulu wá á, əbéfité aní əbée, mú ntogyi só anumóhə mu gyi? ⁶ Ní ablí aniaa nyankpəsa wá é á, ədəm anfi béda aní abwi mó, tsúfé bohogyi ání Bulu onósú ətəpú Yohane gyí.” ⁷ Mó su beε mú onó bεε, “Ohwée! Anuméyín ətínéá olenya mu túmi tsú.”

⁸ Yesu lébláa amó əbée, “Mómú mí é mméεbláa mli túmi oduá ndεpəwbé ntobí ánfí.”

Apafə Laláhe Aku

(Mateo 21:33-46; Marko 12:1-12)

⁹ Inu Yesu létrá ha amó yébi ɔ́bée, “Ɔ̀dɔ̀tɔ̀pɔ̀ ɔ̀ku lɔ̀dɔ̀ wáun ndɔ̀, ɔ̀lɔ̀pɔ̀ ndɔ̀ ámu wá apafɔ̀ ibitɔ̀, tú ɔ̀kpa yó ɔ̀má kutɔ̀ yétsiá unu nfi-nfi.” ¹⁰ Bréá wáun-abí ámu kpɔ̀tíbi lɔ̀fun a, ɔ̀lɔ̀wa mu osúmpɔ̀ apafɔ̀ ámu wá ɔ̀bée, ɔ̀yóhɔ̀ mu ogyíkpà ba mu. Táme apafɔ̀ ámu beda obí ámu, gya mu sísí ibíkpan. ¹¹ Ɔ̀dɔ̀tɔ̀pɔ̀ amu lélawá mu osúmpɔ̀ nyɔ̀ɔ̀si amó wá. Apafɔ̀ ámu beda mu, sɔ̀pa mu, gya mu é sísí ibíkpan. ¹² Ɔ̀lɔ̀trá lawá ɔ̀ba sáási. Apafɔ̀ ámu bepilán mu, gya mu lé ndɔ̀ ámɔ̀tɔ̀. ¹³ Múú ndɔ̀ mu wie amu lébli ɔ̀bée, ‘Nkáli kóráá nóbwe? Nówa mí onutó mí bí ɔ̀dwepɔ̀ amó wá. Fíali bóbu mu mó.’ ¹⁴ Táme bréá apafɔ̀ ámu bowun mu bi ámu sísí á, bebláa aba bee, ‘Ɔ̀ni obégyi mu si ató ní. Mliha amɔ̀ mu, ménɔ̀ ndɔ̀ ámu ibémlí anɔ̀ klé.’ ¹⁵ Inu bekitá mu, bítia mu dáli ndɔ̀ ámɔ̀tɔ̀ yómɔ̀ mu.

“Ntɔ̀ mlilahogyi mlíaa ndɔ̀ mu wie amu ɔ̀bóbwe apafɔ̀ ánfɔ̀? ¹⁶ Ɔ̀béba bɔ̀mɔ̀ amó, pú ndɔ̀ ámu wá apafɔ̀ bámbá ibitɔ̀.”

Bréá ahá ámu bonu asón ánfɔ̀ á, bebli bee, “Inɔ̀ mó itsóun anɔ̀sɔ̀!”

¹⁷ Yesu léki amó ansító díin, ɔ̀lefíté amó ɔ̀bée, “Bulu asón ánfɔ̀ asɔ̀ mé? ‘Ibwi ámóú obu ayípu bekiná ámu

lébemlí okonkísóbwi ní.’

¹⁸ Ɔ̀hagyíɔ̀ha ání ɔ̀ledída ibwi ámɔ̀sɔ̀ obébiabía blúblúblúblú. Ní ibwi ámu isúnki dá ɔ̀kusɔ̀ é á, ibókwe mu fikófikófikó fé nfúó.”

Lampóoka

(Mateo 22:15-22; Marko 12:13-17)

¹⁹ Iɔ̀wankí Mose mbíla asunápó pú Bulu igyí ahapó amu ání amó iwí yébi alahá. Inu bekleá bekitá mu, táme benya ahá ámu ifú. ²⁰ Mó sɔ̀ bodunká ɔ̀kpa ání bótsun mósú kítá Yesu. Inu bele ahá bee bɔ̀pína bwe iwí fé aha wankláán, abɔ̀te mu kí bee bónu asɔ̀wanku tsú mu ɔ̀nó, ménɔ̀ belú mósú kítá mu ya ɔ̀mású ogyípó. Mubúu túmi gyi mu asón. ²¹ Yesu atépu amu befité mu bee, “Osunápó, aniyin ání ɔ̀nɔ̀kwalɔ̀pɔ̀ fugyi, fótosúná mó é. Fɔ̀tamakí ɔ̀haa ansító. Mbóun fótosúná Bulu ɔ̀kpa ámu ɔ̀nɔ̀kwalɔ̀pɔ̀. ²² Afíte fú! Anɔ̀ mbíla leha ɔ̀kpa ání akáa lampóo ha Roma owíe dehen Kaesare, nté anumáka?”

²³ Táme Yesu lówun amó agywíun. Mó sɔ̀ ɔ̀lebláa amó ɔ̀bée, ²⁴ “Mlɔ̀pu kóba amu ku ba mí anki.” Bɔ̀pɔ̀ba mu. Múú ɔ̀lefíté amó ɔ̀bée, “Ma nwun pú mu idá dín mósú?”

Bele mó ɔ̀nó bee, “Kaesare.”

²⁵ Múú ɔ̀lebláa amó ɔ̀bée, “Mómú mlɔ̀pu tóá igyi Kaesare klé ha Kaesare, amlɔ̀pu móá igyi Bulu klé é ha Bulu.”

²⁶ Mó sɔ̀ bɔ̀metali líi Yesu asɔ̀n blíhé anfisɔ̀ kítá mu ahá ámu ansító. Ɔ̀nó é lobwie amó, bɔ̀metali trá bwií ɔ̀nó.

Kusú Tsú Afúlitɔ̀ Iwí Asɔ̀n Fitéhé

(Mateo 22:23-33; Marko 12:18-27)

²⁷ Sadukifɔ̀ ɔ̀pasua bɔ̀tebli bee, kusú tsú afúlitɔ̀ ma unu. Amótó aku beba Yesu wá, ²⁸ befité mu bee, “Osunápó, Mose lówanlín tswí anɔ̀ ɔ̀bée, ‘Ní ɔ̀ku mɔ̀ba mu ka bɔ̀mɔ̀kwí asa olowu sí mu ka ámu a, mu pio otsú mu ka ámu tsia, féki ɔ̀kwí ha owupó ámu.’ ²⁹ Oyin ɔ̀kɔ̀le abí abasiénó aku betsiá. Amótó ogyankpapu létsiá ɔ̀ká, táme ɔ̀mɔ̀kwí asa olowu. ³⁰ Mu gyama lótsu ɔ̀sɔ̀rapɔ̀ka amu tsia, táme mu é ɔ̀mɔ̀kwí. ³¹ Ɔ̀saasi é lótsu ɔ̀tsi ámu tsia. Mu é ɔ̀mɔ̀kwí. Alu yótu osienósi ámu. Amótó ɔ̀kɔ̀ku mɔ̀kwí asa olowu. ³² Ɔ̀ma-ɔ̀ma a, ɔ̀sɔ̀rapɔ̀ amu é lóbowu. ³³ Afúli ɔ̀kusóké a, amótó ɔ̀mɔ̀mu ɔ̀bóbwe mu kulu? Tsúfé amó abasiénó ámu féé betsiá mu.”

³⁴ Múú Yesu léle mó ɔ̀nó ɔ̀bée, “Ɔ̀yí ánfɔ̀tɔ̀ ahá tétsiá aká móa akúlu. ³⁵ Táme iméeba alɔ̀ bré ámóú íbá ámɔ̀tɔ̀. Ahá ámóú bɔ̀fun ání bókusó tsú afúlitɔ̀, tsíá nkpa ɔ̀yí ámóú íbéba amɔ̀tɔ̀ ámu mó bɔ̀méetsiá akúlu,

boméetsiá aká. ³⁶ Boméetrá wu, tsúfě bóbwe fě Bulu-abəpu. Bulu ahá bogyi, tsúfě bakósú tsú afúlitó. ³⁷ Aní náin Mose kórará lówanlín ató tsú afúlikusó iwí. Tsúfě əłwanlín əbée, eke ámú olowun oyíbi ku de ogyá tsíí, táme imedéhó amu a, əletí Bulu əbée, ‘Abraham muva Isak pú Yakob Bulu.’ ³⁸ Megyí awupó Bulu ógyi, akiankpa pu Bulu ógyi, tsúfě mu ansító mú á, amú fěé bubu nkpa.”

³⁹ Inu Mose mbla asunápó amu aku beblí be, “Osunápó, fabí lé mú ənó!”
⁴⁰ Mú su amótó əkəkəkə métrá wa klən fité mu asvansu.

Ma Gyí Kristo Amv?

(Mateo 22:41-46; Marko 12:35-37)

⁴¹ Inu Yesu léfité mbla asunápó amu əbée, “Nkálí ɔbwe asa ahá be, Owíe Dawid mu na gyí Kristo amv? ⁴² Tsúfě owíe Dawid onutó léblí Israelfə ɔlú ámutə əbée,

‘Aní Wíe Bulu lébláa mí Wíe əbée,

Tsia mí gyəpisu,

⁴³ yəfun bréá nəpu fú alupó bwé fú ayabi oyíkpa.’

⁴⁴ Owíe Dawid létí Kristo amu əbée, mu wie. Mú nkálí su ətráa ogyi mu na?”

Mose Mbla Asunápó Tsiát

(Mateo 23:1-36; Marko 12:38-40)

⁴⁵ Inu əlebláa mu akasípó ahá ámu ansító əbée, ⁴⁶ “Mlíki Mose mbla asunápó anfi wankláán. Butekle ligá wa náti kí. Butekle be ahá bubún ha amú itsiá dunsu. Otsiákpá yilé butekle tsiá Yudafə ofiakpa pú nke ogyíkpa.

⁴⁷ Butəswíə asurapu amú wóyí, butepina bə mpáí títítíntín ahátə póbun amú lalahəsu. Bulu əbébití amú isu kínkíinkín!”

21

Ɔsurapu Ɔku Tswitswi

(Marko 12:41-44)

¹ Bréá Yesu tsie mantáa tswitswi dáka ámu Bulu ɔtswékpa inu á, olowun alíá ahá ání amú ɔbitə bu odwin buɔpu kóba akpənkpənti bəwa dáka ámutə. ² Inu ɔsurapu ohiáni əku é ləpu mu kóba ana bəwa mótó. ³ Mú Yesu léblí əbée, “Ɔnəkwalí nde mlí bláa, tswitswiá ɔsurapu anfi, əma tətə anfi lawá á, ɔdun əhagyíəha klé. ⁴ Tsúfě atráhe amu fěé á, amú kóba tsətsətsə balé kpəlobí tsú bəwa. Táme ɔsurapu anfi mú ínía əma tətə su tóá əbu fěé alapó bəwa á.”

Bulu Ɔtswékpa Amv Bwie

(Mateo 24:1-2; Marko 13:1-2)

⁵ Yesu akasípó aku buɔtəí tsú alíá bəpu abwi ání ɔbu bíá yi Bulu ɔtswékpa amu, pú atokiehé wankláán lá mótó. Táme Yesu lébláa amú əbée, ⁶ “Bré ku ɔbá, bóbwie mú fěé bun. Ibwi kole kórará méesian dinká mú bású.”

Ɔwəsin Múə Ɔkplán

(Mateo 24:3-14; Marko 13:3-13)

⁷ Mú mu akasípó amu befité mu be, “Osunápó, bré məmutə ínı fěé béba? Osúna məmu abəpubíá bré ámu ɔlafən?”

⁸ Inu Yesu lébláa amú əbée, “Mlíki wankláán, məni əhaa məemlé mlí. Tsúfě ahá tsətsətsə bəpu mí dá ba be, amúgyí Kristo amu ni. Mú bré ɔlafən ta, táme mlumábuo amú. ⁹ Ní mlonúá isá mva kpokiti ladá á, opúni mátsíí mlí. Tsúfě ilehián ání ínı aná bəgyankpá bá, táme əyí ənóməké iméba unu.”

¹⁰ Inu ɔlebláa amó ɔbée, “Ŋmá bókɔ aba. Awíe bókusó líi abasu. ¹¹ Ɔsólóv ibékpínkí ntíné-ntíné. Akón móa ilo tsánkíhé é béba ntíné-ntíné. Ntobíá ihíé bu ifú pó osúna akpɔnkpɔnti béba tsú ɔsúsó. ¹² Táme asa mó fée béba a, békítá mlí, béhie dínká mlísv, pó mlí ya Yudafo ofiakpa yégyi mlí asón, wá mlí obu. Mí sv békpa mlí ya awíe pó ɔmású agyípó ansító. ¹³ Inu ɔbéha mlí ɔkpa mlétalí gyi mí iwí adánsíe súná amó ní. ¹⁴ Táme mlímáhan mlí iwí susúu alá mléle iwí ɔnó. ¹⁵ Tsúfée néha mlí nyánsa móa ɔnɔwankí, mlí anyabá ámɔtɔ ɔkɔkɔ méetalí gyi mlí nwéén. ¹⁶ Mlí akwíipó, mlí apíó, mlí wóyító ahá pó mlí anyawíe kóráá béle mlí há, bómɔ mlíto akú. ¹⁷ Mí sv ahá fée bólu mlí. ¹⁸ Táme mlí nwunsv-imi kole kóráá móɔfwí. ¹⁹ Ní mletalí líi kínkín á, mlénya nkpa ání itamatá.

Yerusalem Bwie Iwí Asón Blí
(Mateo 24:15-21; Marko 13:14-19)

²⁰ “Ní mlowun ání isá akɔpó bakáfia Yerusalem wúlu a, mlibíá wúlu amv ibá obwiekpá. ²¹ Mómó ahá ání bubu Yudea ɔmátó busrí yɔ abusu. Ahá ání bubu Yerusalem wúluto budálí. Amóá buma wúlu amɔtɔ é bumáyínkí ba. ²² Tsúfée alí nke ámv ibóbwe Israelfɔ isubítí nke fée alá Bulu ɔnósó atɔípó amv bɔwanlín tswí. ²³ Amenyapó pó abí ayín ání bɔpia abi bɔbwe alí bré ámɔtɔ, bɔgyówí ní. Tsúfée asv wunhe amv ɔnó bówa ɔnlín. Iklán kpɔnkpɔnti béba ɔsólósv, isubítí kpɔnkpɔnti é íbéba mósó atsiápósv. ²⁴ Amótó akú básín ɔdayí ɔnó. Békítá amó akú é ndoun ya ɔmá-ɔmátó. Yerusalem wúlu bétsiá ɔmá bámbásófó asi, alí yófvn bréá amó ɔmá ámv asitsiábí lamó ɔnó.

Nyankpɔsa-Mv-Bi Ámv Ibábi
(Mateo 24:29-31; Marko 13:24-27)

²⁵ “Bóvwun osúna owí, ɔsra pó ntsrakupabisv. Ɔpv béda ifúsó. Ɔsólósv atsiápó bénya ifú, buméebi tóá bɔbwéé. ²⁶ Nwólótáa móa mótó ató fée békpinkí. Mó sv ahá bénya ifú, tún nje tóá idebá sv. ²⁷ Alí bré ámɔtɔ á, ɔhagyíɔha obówun ání mí, Nyankpɔsa-Mv-Bi ánfí napó túmí móa numnyam kpɔnkpɔnti mbv nwólótáatɔ tsú ɔsúsó nebá. ²⁸ Ní ntobí ánfí ide mósó yɔ á, mlíkɔsv lu, amlitsu ansí fva kí, tsúfée mlí nkpháɔbí lafvn.”

Ɔyí Ɔnómɔ Iwí Osúna
(Mateo 24:32-35; Marko 13:28-31)

²⁹ Yesu léha amó yébi ɔbée, “Mlípvkí pɔntɔ móa nyí atráhe. ³⁰ Ní ide ate pɔpwe le á, mlítowun mó, bí ání awíkpan bré lafvn ta. ³¹ Alí kén, ní mlowun ání ntobí ánfí fée ide mótó bá a, mlibí ání Bulu iwígyí ámv dawíé wóyí tá.

³² “Ɔnɔkwálí nde mlí bláa. Ndembá-abí ánfí fée bumóowu tá, asa íní fée béba mótó. ³³ Ɔsú móa asi fée bótsv, táme mí asv blíhé móɔtsv ekekeke.

Iwísvda

³⁴ “Mlíkí wankláán, méní opotsuawa, ntábv pó ɔyító ató ɔmagyáa méegyí mlí agywunsv, méní mí, Nyankpɔsa-Mv-Bi ánfí ɔbáke amv méébekitá mlí fée yibi. ³⁵ Tsúfée íbéba ɔyító ahá féesú. ³⁶ Inu sv mlígyo, amlíbo mpái, méní mlénya ɔwónlín tálí tsv ofúla amv féesú, belí mí, Nyankpɔsa-Mv-Bi ánfí ansító.”

³⁷ Nke ámɔtɔ á, Yesu létsiá yósuná ató Bulu ɔtswékpa inu ɔpa. Onyé á, alanátí yó Nfó-nyíbv ámvsv. ³⁸ Ahá tsɔtsɔtsɔ bɔtɔkúsú ba Ɔtswékpa inu bake, bonu mv asv blíhé.

22

Bekiklì Yesu Nwunsv

(Mateo 26:1-5; Marko 14:1-2; Yohane 11:45-53)

¹ Israelfɔ Bodobodo Mátúhénkε, igyi amósú Katsɔn Nkε ámu gyí íbá bɔfɔn. ² Bulu igyi ahapú dehen pú Mose mbla asunápú amu bodunká ɔkpa ání bɔtsɔn mósú kítá Yesu ñaintɔ, mó mu, tsúfɛ bɔde ahá ámu ifú nya.

Yuda Iskariot Lótsulá Aní Ɔbéle Yesu Há

(Mateo 26:14-16; Marko 14:10-11)

³ Inu Ɔbunsám lówie Yuda Iskariot, ogyi Yesu akasípú dúanyɔ ámutɔ ɔkɔletɔ. ⁴ Mú sv ɔɔyɔ Bulu igyi ahapú dehen pú Bulu ɔtswékpa agyópu dehen wá, bekítá agywun alhá ɔbéle Yesu há amú. ⁵ Ansi légyi amú. Mú sv bɔtsulá ání béka mu ikɔ. ⁶ Yuda lótsulá. Mú sv olodunká ɔkpa ání ɔbɔtsɔn mósú híéé lé Yesu há amú, bréá ahá tsɔtsɔtsɔ ámu buma unu.

Katsɔn Atogyihe Gyi

(Mateo 26:17-19; Marko 14:12-21; Yohane 13:21-30)

⁷ Bodobodo Mátúhénkε ámutɔ ekeá bɔtɔmɔ Israelfɔsv Katsɔn Nkε akúfa lɔfɔn. ⁸ Yesu lówa Petro mva Yohane ɔbéle, buyóbwe Israelfɔsv Katsɔn atogyihe amu yaí ha amú.

⁹ Petro mva Yohane befité mu beε, “Ani Wíé, nkónu ayóbwe mó yaí?”

¹⁰ Múv ɔlebláa amú ɔbéle, “Ní mlowié wúlu ɔnɔ á, mléfia oyin ɔkúá ɔsv ntsu-ɔlɔ. Mlibuo mu yɔ wóyítɔ. ¹¹ Mlowié á, mlfite wóyí mu wie amu mlíaa, ‘Osunápú ɔbéle, afite fú, nkónu afɔɔ ɔswíkpa bu, ání mía mí akasípú abéba begyi Katsɔn atogyihe amu?’ ¹² Obósuná mli abansóru yílé kuá balá mótó yái. Mlibwe ató ámu yaí unu.”

¹³ Petro mva Yohane bɔpu ɔkpa. Boyówun tógyítɔ alí ámúú Yesu lébláa amú ámu pépéépé, bɔbwe Katsɔn atogyihe amu yái unu.

Yesu Ntópwe Atogyihe Tráhe

(Mateo 26:26-30; Marko 14:22-26; 1 Korintofɔ 11:23-25)

¹⁴ Ató ámu gyíbi lɔfɔn, Yesu mva mu sumbí ayɔpú beba betsiá ɔpónú ámu asi. ¹⁵ Yesu lébláa amú ɔbéle, “Nhíé ndeklé mbéε, mía mlinyɔ abégyi Katsɔn Nkεtɔ atogyihe anfi asa mí anwun iwíɔsin. ¹⁶ Tsúfɛ nde mli bláa mbéε, mméetrá gyi mú ekekεεke yófon ekeá itó ámúú atogyihe anfi ulí há ámu laba mótó Bulu iwíegyí ámutɔ.”

¹⁷ Inu olotsu ntá-εwe, dá Bulu ipán, ɔlebláa amú ɔbéle, “Mliho amlinu ha aba. ¹⁸ Tsúfɛ nde mli bláa mbéε, mméetrá nu wáin-abí ntá anfi ekekεεke yófon bréá Bulu iwíegyí ámu íbéba.”

¹⁹ Inu ɔlele bodobodo ipín, ɔleda Bulu ipán, biábía mótó póhá amú, blí ɔbéle, “Mí ɔyɔlúá mli sv nasí há ní. Mlitsia bwe iní pɔkain mísú.” ²⁰ Alí kén, bréá begyi ató ámu tá á, olotsu ntá-εwe ámu há amú, blí ɔbéle, “Ntá-εwe anfi gyí Bulu ntam pɔpwe ání nétsei mí obugya wólí púsí mósú há mli ní.

²¹ “Iníá ndeblí á, mía ɔhá ámúú ɔbéle mí há ámu ibi da ɔlepe ɔkɔletɔ. ²² Mí, Nyankpɔsa-Mu-Bi anfi nówu fé alhá Bulu léhie yái, táme ɔhá ámúú ɔbéle mí há ámu ɔgyówi.”

²³ Inu befi asi bɔde aba fité beε, “Ngya anitɔ ma ɔbóbwe ínì?”

Ma Ɔbóbwe Ɔhande?

²⁴ Nwéngyí léba sumbí ayɔpú ámutɔ, amótɔ ɔmúá ɔbóbwe ɔhande sv. ²⁵ Yesu lébláa amú ɔbéle, “Ɔmátɔfɔ awíε bɔbu túmi amú ahásu. Ahá ámu bɔtetí amú ahande beε, ‘Buale agyípu.’ ²⁶ Táme mliɔ mó á, imába alí. Ɔhá ání odekléá ɔbóbwe mliɔ ɔhande ɔbwéε mu iwí ɔtráhe. Ɔhá ání odeklé ɔbéle,

móbwe mli nkpa ogyápu é obwéé mu iwí fẹ osúmpó. ²⁷ Ma dón mu ba? Ohá ání otsie oṣunúasi lóó, ntéé ohá ání odesúm oṣunú ámu asi? Megyí ohá ámuó otsie mó asi ámu dwn? Táme mbu mlito fẹ osúmpó.

²⁸ “Mlilówa klon buo mi mí isókí fẹ́tótí ni. ²⁹ Alí ámuó mí Sí layáí mí owíe amu a, alí mí é nde mli yaí ní, ³⁰ méní mlétsiá mí oṣunúasi, gyí ató, nú ntá mí iwíe ogyíkpa unu. Mlétsiá awíe mbiásó, gyí Israel abusuan dúanyo ámu asón.”

Petro Obóswú Obéé Momeyin Yesu

(Mateo 26:31-35; Marko 14:27-31; Yohane 13:36-38)

³¹ Yesu lébláa Simon Petro obéé, “Simon, Simon! Kí, Obunsám dé okpa kulí obéé, obófuní mli fẹ ayó. ³² Táme nakókóli Bulu há fú mbéé, fómádída hógýitá. Ní feyínkí ba mí wá á, wa fú aba ámu é owonlín.”

³³ Petro lébláa mu obéé, “Mí Wíé natsúlá, ní obu igyí kóráá míá funyo abédi. Ní lowu igyí é á, míá funyo abówu.”

³⁴ Yesu lébláa mu obéé, “Petro, nde fú bláa mbéé, nde, asa bate obéle onó á, fósuwí pú ibí wá ogyá tse sa fée fómeyín mí.”

Iwikí Aní Ibéba Ekekó

³⁵ Inu Yesu léfité akasípó amu obéé, “Bréá nᵱwa mli sumbí, mlimédé sika akente, mlimédé akpankogyo ntéé ntókota nyᵱᵱsi a, tᵱko lehián mli?”

Bele mó onó beé, “Ekekéke! Tᵱto mehián aní.”

³⁶ Múú ᵱlebláa amú obéé, “Táme séí mó á, fúá fúbu sika kente, ntéé akpankogyo a, tsu kita. Ní mlito oku má ᵱdayí iya anyo á, ofé mu tati puho ku! ³⁷ Tsúfẹ ilehián ání mí iwí asón ámuó ibu Bulu ason wanlínhéto ámu ibéba móto. Bᵱwanlín beé, ‘Bekla mu wá lakpan abwepótó.’ Tsúfẹ asón ámuó bᵱwanlín tsú mí iwí ámu íbá lafun ta.”

³⁸ Akasípó amu bebláa mu beé, “Aní Wíe, kí, ndayí anyo ní.”

Múú Yesu lébláa amú obéé, “Itso.”

Mpáibo Nfᵱ-nyíbuᵱsu

(Mateo 26:36-46; Marko 14:32-42)

³⁹ Yesu lédalí wúluto yó Nfᵱ-nyíbu ámuᵱsu, fẹ alíá otetsiá yó unu yaí. Mu akasípó é bobuo mu. ⁴⁰ Bréá bowie unu á, ᵱlebláa amú obéé, “Mlíkokoli Bulu, méní mlimóowíe isókíto.”

⁴¹ Múú ᵱledalí amótó yó nkpa kpalobí fẹ nfi móa nfi, yéda akpawunu bᵱ mpái obéé, ⁴² “Mí Sí, ní fótisulá á, ha ntá-ewe ánfí* itsun misu. Táme megyí tᵱá ndeklé, móa fᵱdeklé íbá móto.” ⁴³ Inu Bulu-ᵱᵱᵱpu lótsu ᵱsᵱsᵱ bá bele iwí ᵱwan súná mu, wá mu ᵱwonlín. ⁴⁴ Asón ihíé de mu háan. Mú su ᵱᵱᵱᵱ mpái kínkínkín. Iᵱha mu apípi lemlí fẹ obugya, ídetín da ᵱsulótó ta-ta-ta.

⁴⁵ Bréá ᵱᵱkᵱsᵱ tsú mpái ámu ᵱᵱkᵱpá, yínkí ba akasípó amu wá á, olowun ání budeᵱᵱdi. Awíreho de amú. Mú su iwí lawú amú. ⁴⁶ Múú ᵱlefité amú obéé, “Ntogyí sᵱ mlídeᵱᵱdi? Mlíkᵱsᵱ amlíkokoli Bulu, méní mlimóowíe isókíto.”

Yesu Kitá

(Mateo 26:47-56; Marko 14:43-50; Yohane 18:1-11)

⁴⁷ Yesu onó mesi, ᵱᵱm bowotíí amósú. Akasípó dúanyo ámuᵱto ᵱkuleá buᵱetí mu Yuda gyá amú nkpa. Inu ᵱlenatí tᵱ Yesu obéé, amulata mu puta, ⁴⁸ táme Yesu léfité mu obéé, “Yuda, latá fẹ́latá mí, Nyankᵱᵱsa-Mu-Bí ánfí púta, pólé mí há?”

⁴⁹ Akasípó amúᵱ bubu Yesu wá ámu bowun tᵱá íbá. Mú su befité Yesu beé, “Akᵱᵱ amú? Aníbu ndayí.” ⁵⁰ Inu amótó ᵱkule lótswi mu ᵱdayí kpá Bulu igyí ᵱᵱᵱpú dehen osúmpó ᵱku gyᵱᵱᵱ-íᵱᵱ lé.

* 22:42 Ntá-ewe ánfí igyí iwíᵱsin ání Yesu obówun.

⁵¹ Yesu lébláa okasípó amu obéé, “Mábwe! Isii mli oka!” Inu olóru ibi da osúmpó amu isu ámu, ileyinkí tsá.

⁵² Mób Yesu léfité Bulu igyí ahapó dehen, Bulu otswékpa agyóru ahande pú Yudafo ahande amób beba mu okitákpá amu obéé, “Ogyo otswapó ngyi, só mlilatsú nkpotí pú ndayí mlebá mí okitákpá?” ⁵³ Ntsie mli wá Bulu otswékpa wunsínésú ekekegyíeke, mlumóru ibi da mi ekekeeke. Táme mli bré ní, oklún túmi dé iwíe gyí.”

Petro Lóswú Obéé Mmeyín Yesu

(Mateo 26:57-58, 69-75; Marko 14:53-54, 66-72; Yohane 18:12-18, 25-27)

⁵⁴ Inu ahá ámu bekítá Yesu, kpá mu ya Bulu igyí ahapó dehen wóyító. Petro lépetí obuó amó oma tsútsúútsú. ⁵⁵ Táme bréá bosun agyabi wunsínésú inu, bɔtsie mú así á, Petro léyétsiá amó wá. ⁵⁶ Otsibi okvá ogyi osúmpó inu lówun ání Petro tsie ogyá ámu asi, oleki mu díin, blí obéé, “Oyin ánfí é buo Yesu!”

⁵⁷ Táme Petro lóru onáí blí obéé, “Otsi, mmeyín mu otunetine!”

⁵⁸ Uobwe kpalobí á, oha oko é lówun Petro, olebláa Petro obéé, “Fú é fóbú amótó.”

Táme Petro lébláa mu obéé, “Owíé, megí mí ní!”

⁵⁹ Fé dɔnhwírí kule oma a, oha bambá é léba bɔtsulá mósú obéé, “Lélé, oyin ánfí é létsiá mu wá, tsúfé Galileayin ogyi.”

⁶⁰ Táme Petro léle mú onó obéé, “Agya! Ki, mmeyín asón ánfí iwí koku.”

Petro onó mesi, bate lóbɔn. ⁶¹ Aní Wie Yesu lédamli kí Petro. Inu Petro lékaín asón amób aní Wie lébláa mu obéé, “Fóswú tse sa fée fɔmeyín mí asa bate obéle onó onyenu.” ámuvo. ⁶² Inu oledali yó kpankpá híe yósu.

Yesu Ahinlá Bwe

(Mateo 26:67-68; Marko 14:65)

⁶³ Yesusu akíru befi así bude mu ahinlá bwe, bude mu da. ⁶⁴ Bɔru ató klí mu ansíbi, fité mu beé, “Bulu onósú otáíró, maládá fú? Bla aní.” ⁶⁵ Bekpa mu asiabí, bláa mu nyányála.

Yudafo Asón Agyipó Ansító Lú

(Mateo 26:59-66; Marko 14:55-64; Yohane 18:19-24)

⁶⁶ Yudafo ahande, Bulu igyí ahapó dehen pú Mose mbala asunápó amu befia oyi kehe nyanki-nyanki, bebitía Yesu belí amó ansító. ⁶⁷ Bebláa Yesu beé, “Ní fúgyí Kristo, (ohá amób Bulu ladá mu ofúli amu) a, bla aní.”

Yesu lébláa amó obéé, “Ní nebláa mli kóráá, mlumóohogyi. ⁶⁸ Ní nefité mli asɔvanko é á, mluméle mú onó. ⁶⁹ Táme tsú séi póya a, mí, Nyankpɔsa-Mu-Bi ánfí nétsiá Bulu Otúmíru amu gyɔpísu.”

⁷⁰ Amó féé befité Yesu beé, “Mó sɔ fúgyí Bulu mu Bi ámu ní?”

Yesu lébláa amó obéé, “Ee, onakwalí amu mlilablí á.”

⁷¹ Inu befité aba beé, “Ntogyi só abétrá dunká adansífo bámbá? Mó anlanú tsú mu onutó onó á.”

23

Yesu Kpa Ya Pilato

(Mateo 27:1-2, 11-14; Marko 15:1-5; Yohane 18:28-38)

¹ Inu ahá amób befia inu ámu bɔkusú kpá Yesu ya omású ogyipó Pilato. ² Bekpa asón dínká muvo beé, “Anilawun ání oyin ánfí dé omá ánfító ahá yintá. Ode amó bláa obéé, bɔmátra ka lampóo há Roma owíe dehen. Odeblí

é ɔ́bée, mogyí Kristo, (ɔ́há ání Bulu ladá mu ofúli amu), idesuná ání owíe ogyi.”

³ Pilato léfité Yesu ɔ́bée, “Fúgyí Yudafɔ owíe amu ni?”

Yesu léle mú ɔ́nɔ ɔ́bée, “Ee, mú fablí á.”

⁴ Pilato lébláa Bulu igyí ahapó dehen pú ɔ́ɔm amu ɔ́bée, “Mmɔ́kówun tsitsa kokuá oyin ánfí labwé.”

⁵ Táme amú mú bɔ́de mótó kótóó beɛ, “Ἰδενυ mu atosunáhé tí utré mɔ́a ikó wá Yudea ɔ́má ánfíto. Olefi mú así tsú Galilea, alapó bowie nfi.”

Yesu Lú Herode Ansítɔ

⁶ Bréá Pilato lónu asón ánfí á, ɔ́lefíté ɔ́bée, “Galileayin oyin ánfí gyí?”

⁷ Bréá ɔ́lebi ání Yesu otsú Galilea, ɔ́tínéá owíe Herode dé iwíe gyí a, ɔ́leha bekpá mu ya Herode. Alí bré ámɔto á, Herode bu Yerusalem wúluto inu.

⁸ Bréá owíe Herode lówun Yesu a, ansí lehie gyi mu. Tsúfɛ olodunká ání obówun mu dodoodo, mu iwí asón ání alanú su. Odeklé ání Yesu ɔ́bwéɛ osúna ku suna mu. ⁹ Mú su ɔ́lefíté Yesu asón tsɔtsɔtsɔ, táme Yesu méle kuku ɔ́nɔ. ¹⁰ Bulu igyí ahapó dehen amu pú Mose mbla asunápú amu bulí inu, bɔ́deklɔ́n ka asón dínká mɔ́su. ¹¹ Owíe Herode mɔ́a mu isá akɔ́pú ámu é bɔ́spáa mu, bwé mu ahinlá. Bɔ́pu sríkí ligá ku wá mu, beyinkía mu ya Pilato. ¹² Owíe Herode mɔ́a Pilato bemlí anyawíe tsú eke ámu. Teki amú nsíné ima ale yáí.

Yesu Lowu Ipón Ha

(Mateo 27:15-26; Marko 15:6-15; Yohane 18:39–19:16)

¹³ Pilato létí Bulu igyí ahapó dehen, Yudafɔ ahande pú ɔ́má ámu féé befia.

¹⁴ Mú ɔ́lebláa amú ɔ́bée, “Mlúlékpa oyin ánfí ba mi mliaa, ɔ́de ɔ́má ámu agywun yintá. Nafíté mu ɔ́nótɔ asón mli ansítɔ, nawun ání asón ámúú mlúléka dínká mɔ́su ámu ima mótɔ. ¹⁵ Owíe Herode é lawun mú alí. Mú sɔ́ alayinkía mu sísí aní ní. Oyin ánfí mókúbwé tɔ́tɔá bómɔ mu. ¹⁶ Inu su néha bépítí mu ató, mí ansi mu ɔ́nati.”

¹⁷⁻¹⁸ Inu ɔ́ɔm amu féé bɔ́kplón blí beɛ, “Le mu inu, afɔsi Baraba ha aní!”*

¹⁹ (Baraba anfi da obu, tsúfɛ ɔ́lɔ́kusó lí wúlu amɔsu, ɔ́lɔ́mɔ ɔ́ha é mótɔ.)

²⁰ Pilato lékléá obési Yesu. Mú su ɔ́letrá tɔ́i kplá ɔ́ɔm amu. ²¹ Táme bɔ́kplón kóklókúú bláa mu beɛ, “Da mu manta oyikpalíhesu! Da mu manta oyikpalíhesu!”

²² Pilato lébláa amú otse saasi ɔ́bée, “Tsitsa mɔ́mu alabwé? Mmɔ́kówun tɔ́á alabwé, sɔ́ néha bómɔ mu. Néha abupítí mu ató, ɔ́nati.”

²³ Táme bubu mósú bɔ́deklɔ́n kúklókúú beɛ, ɔ́háa abuda mu manta oyikpalíhesu. Inu bɔ́ɔn mu ɔ́nolí. ²⁴ Mú su Pilato lóbwe dínká tɔ́ ámúú bɔ́dedunká ámɔsu. ²⁵ Olesi oyin ámúú ɔ́lɔ́kusó lí ɔ́má ámɔsu, mú ɔ́ha mótɔ sɔ́ ɔ́da obu ámu, olesi Yesu há mu isá akɔ́pú ɔ́bée bubwéɛ mu alíá ahá ámu bɔ́deklé.

Yesu Da Mántá Oyikpalíhesu

(Mateo 27:32-44; Marko 15:21-32; Yohane 19:17-27)

²⁶ Bréá bekpá Yesu bɔ́yɔ́ á, befia Kireneyin ɔ́kúá bɔ́tétí mu Simon. Otsú abúasi. Isá akɔ́pú ámu beka mu híé beɛ ɔ́súra oyikpalíhe amu buo Yesu.

²⁷ ɔ́ɔm bobuo Yesu. Atsía bubu amótɔ bɔ́pu amú anyópu, bɔ́híé budesú ha Yesu. ²⁸ Yesu lédamlí, ɔ́lebláa amú ɔ́bée, “Yerusalemfɔ́ atsi, mlumásu mi. Mlísu mli iwí pú mli abí. ²⁹ Tsúfɛ nke ku íbá mléblí mliaa, ‘Bulu layúlá atsíá

* **23:17-18** Mótɔ yéé 17 bu nwóló dada amu akoto: Katsɔn Nke kugyíkoto á, lehián ání Pilato obési obu ɔ́dúpú ɔ́kole ání Yudafɔ ámu bɔ́deklé há amú.

bomakókwií ki, obí mákódí amó opúnitò ki, obí mákónyópó amó é ki.’³⁰ Alí bré ámutò á, ahá bēbláa abụ bēe, ‘Mlibwie bun anisv. Nkúku, mliṗula aní.’³¹ Tsúfē ní bude oyi bōbwe ogyá wa alí á, nkálí bōbwe oyi wolihe?”†

³² Isá akápó ámu bekpa lalahē abwepó abanyó é mántá Yesusu, bōyómo amó. ³³ Bréá bowie otinekúá butetí unv “Nwun Okokobi” a, beda Yesu mántá oyikpalíhesv. Beda amó abanyó ámu é mántá nyikpalíhesv. Okule bu Yesu gyapısv, okule é bu mu binasv. ³⁴ Inu Yesu léblí obé, “Mí Sí, sikie amó, tsúfē bumeýín tóá budebwe.”‡

Isá akápó ámu bōswı abi ye Yesu atadietò. ³⁵ Ahá tsotsōtsō ámú bobuo amó yó unv ámu besi bulí unv bude mu kí. Yudafo ahande amv bōbwe mu ahinlá bēe, “Oloho ahá nkpa. Ní lélé mgyí Kristo, (ohá ámú Bulu ladá mu ofúli), mu Bulu lalé ní á, ohó mu iwı nkpa!”

³⁶⁻³⁷ Isá akápó ámu é bōpv ntá odáı tin mu onó, bwé mu ahinlá bēe, “Ní fógýí Yudafo owıe amv ní á, lé fú iwı!”

³⁸ Bōwanlín ató mántá oyikpalíhe amv awunso bēe, “YUDAFÓ OWÍE AMV Nı.”

³⁹ Lalahē abwepó ámú beda mántá oyikpalíhesv ámutò okule léblí Yesu iwı abususv obé, “Megýí fógýí Kristo amv ní? Lé fú iwı, afole anı mee!”

⁴⁰ Táme onyosı amv lówa iyın wá mu obé, “Fomedé Bulu ifú nya! Fúa munyó fēé dé isubití kule hóó. ⁴¹ Anı mó á, anı isubití ida okpa, anı lakpan anı anilóbwe sv. Táme oyın ánfı mó mákóbwé laláhe koku.” ⁴² Múú olebláa Yesu obé, “Yesu, ní febá fú iwıe ogyíkpa a, kain mısú!”

⁴³ Yesu lébláa mu obé, “Oñkwalı nde fú bláa. Nde, mía funyó abétsiá Paradiso.”

Yesu Lowu

(Mateo 27:45-56; Marko 15:33-41; Yohane 19:28-30)

⁴⁴⁻⁴⁵ Alí bré ánfı ibóbwe fé opa dódúanyó. Owı leta osolóbv amvsv fēé alı yófvn ntópwe dōsatò. Owı metrá lın ε. Inu á, tati ámú bōpvká Bulu Otswékpá obu ámutò ilebalı anyó. ⁴⁶ Yesu lókpłvn kóklókúú blı obé, “Mí Sí, napó mí oné wá fú ibıtó.” Olenya blı alı tá pé, olele oné.

⁴⁷ Bréá isá akápó ohande amv lówun tóá ilaba a, olekanfó Bulu obé, “Lélé, oha yilé oyın ánfı gyı.”

⁴⁸ Ahá ámú bulı unv ámu fēé bowun tóá ilaba, bōpv awıreho náti bōyó wóyí. ⁴⁹ Táme amóá bōyın Yesu pó atı ámú bobuo mu tsú Galilea omátó ámu besi bulı tsútsúútsú bude itóá ide mısú yó kí.

Yesu Pulá

(Mateo 27:57-61; Marko 15:42-47; Yohane 19:38-42)

⁵⁰⁻⁵¹ Oyın okv létsiá, butetı mu Yosef. Otsú Yuda wúlu kvá butetı mó Arimateatò. Oha yilé ogyı, obú é bu msv. Ibv mótóá obv omá ámu asón agyípótò, táme omotsulá dínká amó agywıın pó amó bwehé ánfısv. Otsie ogyo Bulu iwıegýı ámu. ⁵² Oyın ánfı lóyó Pilato wá, yókulı mu okpa obé, osıı Yesu fúli amv ha mu. Pilato léha mu okpa. ⁵³ Inu Yosef léyeyıéı Yesu fúli, okpv ohráda kıkı mu iwı, pó mu yówa obó kvá mu onutó oleha beda butátó há mu iwı, bomakópúlá ohaa mótó ki. ⁵⁴ Eke ámu igyi Fieda. Eke ámu igyi ogyá odudáké. Owı inyá tá pé, okpónú odaké ámu lafi ası.

⁵⁵ Atı ámú bobuo mu tsú Galilea amv bobuo Yosef yéki Yesu opulákpá pó alá okpv fúli amv tswı obó ámutò. ⁵⁶ Beyinkı yó wóyí yókwē ohuam,

† **23:31** Ní ní ánfı mí asón da okpa ánfı kóráá budebwe alı á, nkálí Bulu obóbwe ahá anı bégyı pón mu ansıtó? ‡ **23:34** Mótó yéé 34 uma nwoló dada amv akotó.

ohíen pọ́ ofobí fánfán ání bọ́pọ́ yékpá Yesu. Botsutsúa abubwe ta á, owí latá, beda okpónú okpónú odaké ámọ́ fẹ́ alhá Mose Mbla leblí.

24

Yesu Kọ́sọ́ Tsú Afúlitọ́

(Mateo 28:1-10; Marko 16:1-8; Yohane 20:1-10)

¹ Kwasieda, igyi ndawótswítọ́ eke gyankpapọ́ baka a, atsi ámọ́ bọ́kọ́sọ́ tsú afá ámọ́ bọ́kwe yáí ámọ́ yọ́ Yesu ntsán ámọ́ así. ² Bowun ání bamína ibwi ámọ́ bọ́pọtín ọ́bọ́ ámọ́ ọ́nọ́ ámọ́ lé inu. ³ Mú sọ́ bebitíwíé ọ́bọ́ ámọ́tọ́, táme bọ́mowun Yesu fúli ámọ́. ⁴ Besi bọ́lú, bọ́de nwuntọ́ bu. Beki a, ayin abanyọ́ akọ́ líí amọ́ wá inu á. Amọ́ atadié de ogyá kpa. ⁵ Ifú lekítá atsi ámọ́, beda akpawunu pọ́ ansítọ́ bun ọ́sulọ́tọ́. Táme ayin ámọ́ bẹ́fité amọ́ bẹe, “Ntogyi sọ́ mlídé okiánkpa dúnká afúlitọ́? ⁶ Ọ́ma nfi, alakósó! Mlkaun asón ámọ́ ọ́lebláa mlí bréá mlíá mọ́nyọ́ mlíbu Galilea ọ́mátọ́ ámọ́sọ́. ⁷ Ọ́bée, ‘Ilehián ání bée mí, Nyankpọ́sa-Mu-Bi ání há lakpan abwepọ́. Bédá mí mántá oyikpalíhesu. Mú eke sáásí a, nọ́kọ́sọ́ tsú afúlitọ́.’ ” ⁸ Inu atsi ámọ́ bekaín Yesu asón ánfisọ́. ⁹ Beyínkí tsú ntsán ámọ́ así bebláa sumbí ayọ́pọ́ dúọ́kọ́n ámọ́ pọ́ aha atráhe amọ́ bọ́bọ́ inu ámọ́ fẹ́é tọ́á bayówun.

¹⁰ Atsiá bọ́yọ́ ntsán ámọ́ así gyí, Magdalayintse Maria, Yohana pọ́ Yakobo mọ́ yin Maria. Amúa atsi akọ́á bọ́bọ́ amótọ́ lékla asón ání suná sumbí ayọ́pọ́ ámọ́. ¹¹ Asón ámọ́ lẹ́bwe sumbí ayọ́pọ́ ámọ́ fẹ́ mimlála. Mú sọ́ bọ́mọ́họ́ mọ́sọ́ gyi. ¹² Táme Petro mú ló́kọ́sọ́, tsíí ọ́sọ́ yọ́ ntsán ámọ́ así. Olobun kpelékí ọ́bọ́ ámọ́tọ́. Tati ámọ́ bọ́pọ́púlá Yesu nkọ́le olowun ání ida ifóntọ́. Oleyínkí yọ́ wóyítọ́, ọ́de nwuntọ́ bu tsú asón ání ilaba anfi iwí.*

Emaus Wúlutọ́ Yọ́

(Marko 16:12-13)

¹³ Eke ámọ́ kén á, abúọ́pọ́ amọ́ abanyọ́ benatí bọ́yọ́ wúlu kọ́á bọ́tétí mú Emaustọ́. Tsú Yerusalem ya inu bọ́bwe fẹ́ máli asienó. ¹⁴ Amọ́ nkọ́le bọ́na bọ́de nkọ́mbọ́ gyí tsu asón ámọ́ ilaba amọ́ iwí. ¹⁵ Bréá bọ́de mótọ́ yọ́ á, Yesu onutọ́ é ló́bọ́tọ́ amọ́, mọ́a amónyọ́ bọ́na. ¹⁶ Bulu létín amọ́ ansí. Mú sọ́ bọ́mẹ́bi mọ́. ¹⁷ Yesu léfité amọ́ ọ́bée, “Amansu iwí nkọ́mbọ́ mlíná mlídégyí alí?”

Besi líí tikpa, awíreho lekítá amọ́. ¹⁸ Amótọ́ ọ́kọ́léá bọ́tétí mọ́ Kleopa léfité ọ́bée, “Fú nkọ́le gyí ọ́fọ́ Yerusalem wúlutọ́, fómeyín asón ání ilaba inu nke ánfítọ́?”

¹⁹ Yesu léfité mọ́ ọ́bée, “Amansu igyi?”

Bébláa mọ́ bẹe, “Yesu, Nasaretyin amọ́ iwí asón igyi. Bulu ọ́nọ́sọ́ ọ́tọ́ipọ́ ogyi. Ọ́lọ́bwe ofúla akpọ́nkpọ́nti, blí Bulu asón túmíse, Bulu mọ́a anyánkpa sọ́ fẹ́é ansítọ́. ²⁰ Aní Bulu igyi ahapọ́ dehen pọ́ wúlu ahande bapọ́ mọ́ há ahá, bahá mọ́ lowu ipón, dá mọ́ mántá oyikpalíhesu. ²¹ Teki mọ́gyi ọ́há ání anléki okpa aniaa, ọ́béha aní Israelfọ́ abégyi iwí ní. Nde eke sáásí ọ́pá asón ání lébá. ²²⁻²³ Múá idun kóráá á, anitọ́ atsi akọ́ bayọ́ mọ́ ntsán ámọ́ así bakiení, táme bọ́mowun mọ́ fúli ámọ́. Bẹe, bayówun Bulu-abọ́pọ́ akọ́ babláa amọ́ bẹe, ọ́bọ́ nkpa. Tọ́á beyínkí bebláa aní lawá aní wánwan. ²⁴ Iní sọ́ anitọ́ akọ́ é basrí yọ́ ntsán ámọ́ así, bayówun mú fẹ́ alhá atsi ámọ́ bẹ́ba beblí. Amọ́ é bọ́mowun fúli ámọ́.”

²⁵ Yesu lébláa amọ́ ọ́bée, “Mlilémimlá o! Mlí agywun tamayọ́ agyómá ọ́sasọ́. Nkálí igyi sọ́ mlímọ́họ́ asón ámọ́ Bulu ọ́nọ́sọ́ ọ́tọ́ipọ́ amọ́ beblí tswi amọ́ fẹ́ésọ́ gyi? ²⁶ Mlímeyín mlíaa, ilehián ání Kristo, ọ́há ání Bulu ladá

* **24:12** Mótọ́ yéé 12 uma nwulọ́ dada amọ́ akọ́tọ́.

mu ofúli amu) obówun iwiasin, asa obénya mu numnyam?" 27 Inu Yesu léle mu iwí asón aní bəwanlín wá Bulu ason wanlínhé amoto, tsú Mosesu bətu Bulu onósú atáipú amu féesú así súná amú.

28 Bréá bowie wúlu amoto bayó á, Yesu lóbwe fé odetsoun oyó otine bambá. 29 Táme abúopu amu bebláa mu beε, "Ani sí, owí lapon, di aní wá nde." Mú su Yesu lébaí yó amú wá. 30 Bréá bode ató gyí a, Yesu léle bodobodo ipín, dá Bulu ipán. Múú olebiabía mótó póhá amú. 31 Inonu amú ansísú letitú amú, bebi mu, táme oləfwí sí amú. 32 Inu befité aba beε, "Ansí mehie gyí aní bré amú ania munya aniná, ode aní asón bláa, ode Bulu ason wanlínhé amú así le súná aní amú?"

33 Bəkusú inonu yínkí ba Yerusalem. Beba a, sumbí ayəpú dúakon ámu pú aha tráhe bafia, 34 bódəblí beε, "Lélé, aní Wíe lakósó. Alalé iwí əwan súná Simon!"

35 Mú su ahá abanyó ámu é beblí tóá bayówun əkpatə. Tóá bəpəbí mu gyí bodobodo amú oleye ha amú ámu.

Yesu Iwəwanle Súná Mu Akasípú

(Mateo 28:16-20; Marko 16:14-18; Yohane 20:19-23; Gyumagyihe 1:6-8)

36 Ahá abanyó ámu bəbu mósú budətəí alí á, Yesu onutó léba belí amú nsiné. Oləblí əbéε, "Iwí ilwíi mlí."†

37 Opúni letsíí amú, bəwan. Iləbwe amú fé fúli bədewúun. 38 Inu Yesu léfité amú əbéε, "Ntogyi só mlidé ifú nya, mlidé nwéεn gyí mlí kləntə alí? 39 Mlíki mí ibí, amlíki mí ayabiasí. Megyí mí onutó ní? Mlíki mí amlíki. Fúli má əyuləbú móa awú fé alí mbu."

40 Bréá oləblí asón ánfí tá á, ələpu mu ibí pú mu ayabí súná amú. 41 Ansí ləhie gyí amú, asón ámu é ləwa amú wánwan. Mú su bəmohogyi aní lélé mu ní. Inu oləfité amú əbéε, "Mlíbu atogyihe ko nfí?" 42 Beha mu iye təhé itin ko, 43 oləhə mú, wí mú amú ansító inu.

44 Inu oləbláa amú əbéε, "Iní gyí asón aní nebláa mlí bréá mbu mlí wá ní. Nebláa mlí mbéε, ilehián aní mí iwí asón kugyíkəá bəwanlín wá Mose Mbla, Bulu onósú atáipú nwló pú Israelfə ilə əwlótó fée béba mótó."

45 Inu olobwíí amú agywan, méní bónu Bulu ason wanlínhé amú así. 46 Oləbláa amú əbéε, "Bəwanlín tswí beε, Kristo, (əhá amúú Bulu ladá mu ofúli amu) amu obówun iwiasin, wú. Bulu əbəkəsúə mu mú eke sáásí tsú afúlitə. 47 Mú əma a, ahá bəda Bulu ason wankláán ámu əkan mí idátó há əmá fée beε budámli kləntə, fékí Bulu obési amú lakpan kíé amú. Béfi mú así tsú Yerusalem. 48 Mlgyí mí adansífə há asón ánfí ní. 49 Nəpu Əhe Wankíhé amúú mí Sí ləhie yáí há mlí ámu sísí mlí. Mú su mltsia wúlu anfitə alí yəfən ekeá Əhe Wankíhé amu obótsu əsósú bá beha mlí túmi."

Yesu Əsósú Yə

(Marko 16:19-20; Gyumagyihe 1:9-11)

50 Bréá Yesu léblí asón ánfí tá á, əlekpa amú dáli, bəyə Betania wúlutə. Inu olotsu ibí fúá, yúlá amú. 51 Bréá əde amú yulá á, mva amónyə nsiné ləwa ifə wa bí, Bulu lótsu mu ya əsósú. 52 Inu bəda akpawunu súm mu, bəpu ansigyí kənkəntí yínkí yétsiá Yerusalem. 53 Betsiá yó Bulu ətswékpa inu brégyíbré, yékanfó Bulu.

† 24:36 Oləblí əbéε, "Iwí ilwíi mlí." una nwló dada amu akotə.

Asun Wanklaán Aní Yohane Lówanlín

1 Asa oyi lebelun a, Asón ámu bu unv. Asón ámu mva Bulu bu unv. Asón ámu gyí Bulu.

Asón Aní Itehá Nkpa

2 Asón ámu mva Bulu bu unv asa oyi lebelun. 3 Músú Bulu lótsun bwe tógyító. Tótótó má unvá Bulu lóbwε tson mu oma. 4 Mótó nkpa itsú. Nkpa ámu tópu wanki ba ahá fée ní. 5 Wanki anfi tówánkí oklúntó, táme oklún mókógyi músú ki.

6 Bulu lówa oyin okvá botetí mu Yohane* sísí. 7 Oeiba bebláa ahá wanki amu iwí asón, méní ahá fée bóhó asón ámusu gyi. 8 Megyí Yohane onutó gyí wanki amu. Mu mó wanki amu iwí asón oeiba bebláa ahá. 9 Ohá ámuó ogyi wanki onutó, otówánkí há ohagyíoha amu obá oytó.

10 Obu oyi ánfító. Músú Bulu lótsun bwe oyi, táme oyi ánfító atsiápó bumebu mu. 11 Oeiba mu onutó omátó, táme mu pi bumóhó mu. 12 Táme oeiba ahá aní bóhó mu, hó mu gyi fée okpa aní bobwée Bulu abí. 13 Amó Bulu abí bwe motsú líntó, ntée nyankpusa apébweto, ntée oyin otówá okpasu. Mboún Bulu onutó lóbwε amó mu abí.

14 Asón ámu lébemlí nyankpusa, oletsíá anító. Awitole pú onokwali sónn létsíá mótó. Anilówun mu numnyam. Mu Si lówa mu numnyam amu, tsúfée Obí okokónú okole pé ogyi há mu.

15 Yohane léle mu súná, tsi tsú mu iwí obée, “Oni iwí asón neblí mbée, ‘Ohá ámuó obu mu obá ámu dun mi, tsúfée obu unv asa bokwí mí’ ” ní.

16 Mu awitole itsó. Iní só ode awitole tsotsótsó anfi wa há aní fée ní. 17 Mosesu Bulu mbla ámu ná oeiba, táme onokwali móa awitole mó ina aní Wíe Yesu Kristosu oeiba. 18 Ohaa mókówun Bulu ki. Obí okokónú okole pé, mu onutó ogyi Bulu, otsie Osi ámu gyopisu, Osi ámu tehíe kle mu asón ámu, nkole labláa aní alíá Bulu gyí.

Asú Obapó Yohane Bulu Asón Okanda (Mateo 3:1-12; Marko 1:1-8; Luka 3:1-18)

19-20 Yudafó ahande aní bobu Yerusalem bowa Bulu igyí ahapó pú Lewifó Yohane wá beε buyéfité mu beε, ma ogyi? Yohane mési asoansu njáin amó. Oeile bláa amó obée, “Megyí mígyí Kristo, (ohá ámuó Bulu ladá mu ofúli amu).” 21 Befité mu beε, “Mómú fógýí ma? Fógýí Elia?”

Oeile mú onó obée, “Megyí mígyí Elia.”

Betrá fité mu beε, “Fógýí Bulu onósó otóipó amú obéba amu?”

Oeile mú onó obée, “O-o.”

22 Múó befité mu beε, “Ma fohíe fogyi? Bla aní, méní abéyébláa ahá ámuó bowa aní ámu. Nkálí fúdeblí tsú fú onutó iwí?”

23 Yohane lópu asón aní Bulu onósó otóipó Yesaia léblí tswí lé mú onó obée, “Mígyí ohá ámuó odekplón dimbísú obée,

‘Mlitswii aní Wíe ikpa ámu ha mu’ amu ní.”

24-25 Inu Farisifó akvá bowa Yohane wá é befité mu beε, “Ní megyí fógýí Kristo amu, megyí fógýí Elia ntée Bulu Onósó Otóipó amú obéba amu é á, ntogyi só fude ahá asú bó?” 26 Yohane léle mú onó obée, “Ntsu ndepubó ahá

* 1:6 Asú Obapó Yohane

asú, táme zha zku bu mlito nfi, mliméyín mu. ²⁷ Mogyi zhá ání obuo mi zba ní. Mmáfon ání nésankí mu ntokota zfé kpán.”

²⁸ Asón áñfi fée léba Yordan ntsu zbuñ Betania wúluto. Inú Yohane létsiá bó ahá asú ní.

Bulu Okúfabi

²⁹ Zyi kehe a, Yohane lówun áni Yesu ná zba mu wá. Mú zlebláa ahá ámu zbéé, “Mliki, Bulu Okúfabi amu zba á. Músó Bulu tatsun sí zytó ahá lakpan kíe amó ní! ³⁰ Mu iwí asón neblí mbéé, ‘Zku buo mi zba. Zdon mi, tsúfée zbu inu asa bawkwí mí’ ní. ³¹ Mí onutó mmeyín mu, táme neba nde ahá asú bó, ménì Israelfo bébi zhá áni ogyi.”

³² Yohane léblí zbéé, “Nowun Zhe Wankíhé amu, zlekplí tsú zósús fée abróduma bogyonká musu. ³³ Mí onutó mmeyín mu, táme Bulu lówa mí zbéé mbá bəpu ntsu bó ahá asú. Mulebláa mi zbéé, ‘Zhá ámú fówun Zhe Wankíhé amu zlekplí tsú zósús bogyonká musu ámu zbpə Zhe Wankíhé amu bó ahá asú ní.’ ³⁴ Nawun áni ilaba mótó. Mú so nde mu iwí adánsie gyí mbéé, mogyi Bulu mu Bi ámu ní.”

Yesu Akasípó Agyankpapu

³⁵ Mú zyi kehe a, Yohane mva mu akasípó abanyó besankí ba inu. ³⁶ Bréá Yohane lówun Yesu détsóun a, zleblí zbéé, “Mliki, Bulu Okúfabi amu ná inu á.”

³⁷ Akasípó abanyó ámu bonu asón áñfi. Mú so bekplá buo Yesu. ³⁸ Yesu lédamlí kí wun áni bobuo mu. Mú zlefíté amó zbéé, “Nto mlidédunká?”

Befíté mu beé, “Osunápó, nkónu futsie?”

³⁹ Yesu léle mú zno zbéé, “Mluba beki.” Mú so ayin abanyó ámu bobuo Yesu yéki mu otsiákpá. Ibówwe fée ntópwe donato. Betsiá mu wá tá owí.

⁴⁰ Ayin ámú bonu asón áni Yohane léblí tsú Yesu iwí, bekplá buo Yesu amoto zku gyí Simon Petro mu pio Andrea. ⁴¹ Mú zma a, ito gyankpapuá Andrea lóbwe gyí, oloyódunká mu pio Simon, bláa mu zbéé, “Anilawun Mesia.” (Mú asi gyí, “Kristo”, zhá ámú Bulu ladá mu ofúli amu.)† ⁴² Inu zlekpa Simon ba Yesu wá.

Yesu léki mu díin, zleblí zbéé, “Fúgyi Yohane mu bi Simon ní. Tsú nde poya a, bétí fó Kefa.” (Griiki zblíto “Petro.” Mú asi gyí, “Botá.”)

Filipo Mva Nataniel Ti

⁴³ Zyi kehe a, Yesu lóbwe zbéé móyo Galilea zmató, olowun Filipino. Mú zlebláa Filipino zbéé, “Buo mi.” ⁴⁴ Filipino otsú Betsaida, Andrea mva Petro wúluto. ⁴⁵ Filipino lówun Nataniel, zlebláa mu zbéé, “Anilawun oyin ámú Mose lówanlín mu iwí asón wá Bulu mbla ámuto, Bulu zno zó atóipú amu é bəwanlín mu iwí asón ámu. Mu dá gyí Yesu. Mu si gyí Yosef, otsú Nasaret wúluto.”

⁴⁶ Nataniel léfíté mu zbéé, “Itó yilé ku bétalí dalí tsu Nasaret wúluto?”

Filipo lébláa mu zbéé, “Ba afubeki.”

⁴⁷ Bréá Yesu lówun Nataniel zba mu wá á, zleblí zbéé, “Israelyin onutónutó ní. Afunu kuku ma mto.”

⁴⁸ Nataniel léfíté Yesu zbéé, “Nkálí lóbwe febi mí?”

Yesu léle mú zno zbéé, “Nowun fu bréá fubu pəntə-oyí ámu asi inu, asa Filipino lébetí fó.”

⁴⁹ Nataniel lébláa mu zbéé, “Osunápó, fúgyi Bulu mu Bi Israel Owie amu ní.”

† 1:41 Kristo igyi Griiki zblí, Mesia é igyi Hebri zblí.

⁵⁰ Yesu lébláa mu óbée, “Alí amó nabláa fu mbée, nowun fu pòntò-oyí amu así amu su fahogyi? Fówun ofúla ání idon íni.” ⁵¹ Yesu létrá bláa mu óbée, “Ónòkwali nde mli bláa, mlówun ání ósósú lafinkí, Bulu-abòpu bude ósósú yò yínkí bá Nyankpusa-Mu-Bi ámusu.”

2

Okátsiá Kana Wúluto

¹ Eke sáásí a, betsiá oká Kana wúlu ání ibu Galilea omátó. Yesu mu yin bu inu. ² Beti Yesu mua mu akasípú é mú asi. ³ Bréá amó ntá leta á, Yesu mu yin lébláa mu óbée, “Botráa buma ntá.”

⁴ Yesu lébláa mu óbée, “Amó yín, yée megyí mí asón igyi o! Mí bré makónyá fun.”

⁵ Mu yin lébláa wóyí ámutò asúmpú óbée, “Mlibwe dínka asóngyiasón ání óbéláa mliwu.”

⁶ Yudafò butòfwí iwí amó amándíé okpasu. Mú su bəpu awondu akpənkpənkpənti asie yáí wóyí ámutò. ⁷ Yesu lébláa inu asúmpú amu óbée, “Mliisa ntsu bula awondu ámu fée.” Lélé besa. ⁸ Inu ólebláa amó óbée, “Mliisa iku ya nkesu okipu amu.” Besa ya mu. ⁹ Óleda mú onó á, uladámli bwé ntá. Omeyín otínéá benya ntá ámu tsú. (Táme asúmpú amu mú buyin.) Inu óletí oká otsiápu amu ya itsétó, ¹⁰ ólebláa mu óbée, “Nta wankláán ohagyíoha tegyankpá yáí. Ní bonu mú tá asa butəpú múá ima ale ba. Táme fú mú fapú wankláán ámu yáí bəfun séi.”

¹¹ Iní gyí osúna gyankpapu ání Yesu lóbwe ní. Ólóbwe mú Kana ání ibu Galilea omátó, pólé mu numnyam owan. Uleha mu akasípú bəhə mu gyi.

¹² Iní oma a, Yesu mua mu yin, mu apíó pú mu akasípú bəyə Kapernaum wúluto, yétsiá inu nke kpalobí.

Yesu Bulu Ótswékpa Yə

(Mateo 21:12-13; Marko 11:15-17; Luka 19:45-46)

¹³ Bréá nkeá Yudafò bəpəgyi Israelfəsu Katsən Nke lowie wóyí tá á, Yesu lódu yó Yerusalem. ¹⁴ Óləyə Bulu ótswékpa amu wunsinésó yówun ání ahá bude nnantswie, akúfa pú abródoma fə. Olowun aku é butsiie mpúnóasi bude kóba tsée. ¹⁵ Inu ólóbwe mpli, wíé amótó, gyáa amóa mbwí ámu fée dáli. Olowutá kóba atsépu amu mpúnó dá, dá amó kóba sáín. ¹⁶ Múó ólebláa abródoma afəpú ámu óbée, “Mlié amó nfi! Mlimápu mí Sí wóyító bwé mli ibiá ogyíkpa.” ¹⁷ Iníá ileba ali su á, mu akasípú amu bəkaín Bulu asən wanlínhé anfiso. “Fú osúmkpá amu asón ihíé igyi mí asənbogya.”

¹⁸ Yudafò ahande amu beba Yesu wá bəfité mu bee, “Osúna məmu fóbwe púsúná aní ání Bulu túmitó fóde íni bwe?”

¹⁹ Yesu lébláa amó óbée, “Mlibwie Bulu ótswékpa anfi, nópu nkensá yí mú.”

²⁰ Yudafò ahande amu bebláa mu bee, “Nfi advana-sie kéké bəpuyi obu anfi. Mú fú mú fəe, fəpu nkensá yí mú?”

²¹ Táme mu nyankpusa-oyí iwí asón ódeblí, megyí Bulu ótswékpa amu.

²² Bréá Bulu lókusóda mu tsú afúlitó oma a, mu akasípú amu bəkaín ání óleblí asón anfi. Mú su bəhə Bulu asón pú Yesu asən blíhé ámusu gyi.

Yesu Yin Nyankpusa Klúntə

²³ Yesu lóbwe osúna tsətsətsə Israelfəsu Katsən Nke ámutò bréá əbu Yerusalem, ahá tsətsətsə bowun. Mú su bəhə mu gyi. ²⁴ Táme Yesu mópú ansí dínká amósú, tsúfə oyin alíá amó fée bogyi. ²⁵ Mehián ání ohaa óbéláa mu oha iwí asón, tsúfə mu onutó oyin asón ání ibu nyankpusa klúntə.

3

Yesu Mva Nikodemo

¹ Yudafɔ ɔhandɛ ɔku létsiá, butetí mu Nikodemo. Farisiyin ogyi. ² Ɖleba Yesu wá eke ɔku onyé bebláa mu ɔbéɛ, “Osunápú, aniyin ání Bulu lówa fú sísí fí ató osunápú. Tsúfɛ ɔhaa méetalí bwé osúna anfi fúdebwɛ ánti, ní Bulu móbúo mu.”

³ Yesu léle mú ɔnó ɔbéɛ, “Ɖnɔkwali nde fú bláa, ɔhaa méetalí nyá Bulu ogyi iwíe musu, nkéti balákwíi mu.”

⁴ Nikodemo léfité mu ɔbéɛ, “Nkálí bɛlakwíi ɔhá ání aladan? Ɖbétalí sánkí wíé mu yin iputo, ɔbɛlakwíi mu?”

⁵ Yesu léle mú ɔnó ɔbéɛ, “Ɖnɔkwali nde fú bláa. Ní bumɛlakwíi ɔku tson ntsu móa Ɖɛ Wankihétó á, ɔméetalí wíé Bulu iwíegyi ámuto. ⁶ Ɖyolúo nkpa itsú nyankpusato, ɔhétó klé é itsú Bulu Ɖhétó. ⁷ Mú su máha mú iwa fú wánwan ání nabláa fu mbéɛ, ilehián ání bɛlakwíi mli. ⁸ Afú tɔtsɔn yɔ ɔtínéá ideklé. Fotonú mú nka, táme fomeyín ɔtínéá itsú pú ɔtínéá iyó. Alí kén igyi há ɔhagyíɔha ání bakwíi mu tsú Ɖhɛ ámuto ní.”*

⁹ Nikodemo léfité mu ɔbéɛ, “Ngya nto asón ní?”

¹⁰ Yesu léle mú ɔnó ɔbéɛ, “Israelfɔ osunápú yilé fúgyi, mú fɛɛ fomɔkónú asón ánti así? ¹¹ Ɖnɔkwali nde fú bláa. Tóá aniyin iwí anidétó tsú, tóá anlawun é iwí anidé adánsiɛ gyí, táme mlutamahɔ aní asón ámu. ¹² Ní nebláa mli tóá ide mósú yɔ ɔyi ántiɔ, mli mólhogyi a, nkálí ibóbwɛ nebláa mli tóá ide mósú yɔ ɔsúsú mboun mlóhogyi? ¹³ Ɖhaa mókódú yó ɔsúsú inu ki, nkéti Nyankpusa-Mu-Bi ámú olotsu inu ba amu.

¹⁴ “Alí ámú Mose lɔpu kɔɔbrí iwɔ síán oyísú, tsú mú líi dimbísú inu ámu a, alí kén ilehián ání bɛda Nyankpusa-Mu-Bi ámu mántá oyísú, tsú mú líi, †¹⁵ méní ɔhagyíɔha ání ɔlɔhɔ mu gyi obénya nkpa ání itamatá ní. ¹⁶ Tsúfɛ dwé Bulu léhiɛ dwé anyánpúsa. Mú su ɔlɔpu mu Bi ɔkókónú ɔkole pé ámu há, méní ɔhagyíɔha ání ɔlɔhɔ mu gyi omóowu, mboun obénya nkpa ání itamatá. ¹⁷ Bulu mɔpu mu Bi ámu sísí ɔyi ántiɔ ɔbéɛ, ɔbá begyi ahá asón, ɔha ahá ipón, mboun ɔbéɛ, ɔbá bɔhɔ ahá nkpa.

¹⁸ “Ɖhá ání ɔlɔhɔ mu Bi ámu gyi lagiy asu. Ɖhá ání ɔmɔhɔ mu Bi ámu gyi a, Bulu lahá mu ipón dodo, tsúfɛ ɔmɔhɔ mu Bi ɔkole pé ámu gyi. ¹⁹ Alíá ɔbéha ipón ámu gyí, wanki amu laba ɔyító, táme ahá bɔdwe oklún dun wanki amu, tsúfɛ lalahɛ abwɛpú bogyi. ²⁰ Ɖhagyíɔha ání ɔtɔbwé lalahɛ tolú wanki amu. Ɖtamakpókpe mantáa mú, tsúfɛ ɔde ifú nya ání mu bwéhé bɛlun ɔwan. ²¹ Táme ɔhá ání ɔtɔbwé yilé tehá wanki amu tɔwánkí wólí musu, méní ahá bówun ání Bulu apɛ ɔdebwɛ.”

Yesu Mva Asú Ɖbɔpó Yohane

²² Iní ɔma a, Yesu mva mu akasípú bɛdalí Yerusalem yó Yudea ɔmátó. Betsiá inu kpalóbí, oletsíá bɔ ahá asú. ²³ Alí bré ámuto á, Yohane é dé ahá asú bɔ Aenon nsáuntó, mantáa Salim wúlu. Tsúfɛ ntsu dada nsiné inu. Ahá betsíá yó mu wá, oletsíá bɔ amú asú. ²⁴ (Bumɔkónyá kítá Yohane tswí obu alí bré ámuto.)

²⁵ Iwígyɔráa iwí nwéngyi ku leba Yohane akasípú pú Yudayin ɔku nsiné. ²⁶ Inu Yohane akasípú bɔyɔ mu wá yébláa mu bɛɛ, “Osunápú, yéɛ fakáin oyin ámú fúa mɔnyɔ mli létsiá Yordan bunkpá ɔbin, fegyí mu iwí adánsiɛ wankláan ámuɔ? Ɖde ahá asú bɔ, ahá fɛé bɔde mu wá yɔ.”

* **3:8** Ɖhɛ móa afú lehan aba Griiki ɔblító. † **3:14** Mu oyikpalíhe su síán iwí asón ɔdeblí.

27 Yohane léle mú onó obéé, “Ohaa méetalí bwé tótó, nkéti Bulu lahá mu okpa. 28 Mli onutó mlétali gyi mi adánsie áni nebláa mli mbéé, ‘Megyí mígyí Kristo amu, táme Bulu lówa mí gya mu nkpa.’ ” 29 Inu oléha amú yébi obéé, “Oká otsiápu bú mu ka. Oká otsiápu amu mu nyawie é tetsiá oká otsiákpá mu, méni ansí bégyi mu ní onú mu nyawie amu omé. Ali kén ansí de mí gyí séi ní. 30 Mí atumabi béta wíé mu kletó.”

Jhá Aní Olotsu Osósó Ba

31 Jhá ámúú otsú osósó ámu dun ohagyíoha. Jhá áni otsú osólósu é gyí osólósu oha. Osólósu asón oteblí, táme ohá áni otsú osósó dun ohagyíoha. 32 Otegyi tóá alawun pú tóá alanú iwí adánsie, ohaa tamahó mu asón blíhé. 33 Táme ohagyíoha áni olóhó mu asón blíhésu gyi dé mósó si áni Bulu asón igyi onokwali. 34 Jhá ámúú Bulu lówa ámu telé Bulu asón blí, tsufé Bulu tápó Jhé ámu bólá mótó. 35 Osí ámu tódwé mu Bi ámu, alapó túmi fée wá mu ibitó. 36 Ohagyíoha áni olóhó mu Bi ámu gyi bu nkpa áni itamatá. Ohagyíoha áni omóhó mu gyi má nkpa áni itamatá. Bulu isubití é idin musu.

4

Yesu Mva Samariayintse Oku

1 Farisifo bonu áni Yesu dé abúopu nya, bó amú asú dun Yohane. 2 (Táme megyí Yesu onutó dé amú bə. Mu akasípú dé amú bə.) 3 Bréá Yesu lébi áni Farisifo ámu banú asón ánti á, aladali Yudea omátó yínki yó Galilea omátó.

4 Táme lehián áni obótsun Samariafo osólósu.

5 Yesu lóyówie Sikar áni igyi Samaria wúlu kutó. Wúlu anfi bu mantáa osólósu kwá Yakob lópohá mu bi Yosef bímí ámu. 6 Inó Yakob ibún bu ni. Okpa ámu bu ífó. Mú su Yesu lótsutsúa obowie inu á, ilapián mu. Mú su oletsia ibún ámu asi. Ali bré ámútó á, ilabwé fé opawísú.

7 Inu á, Samariayintse oku léba ntsu osakpá. Yesu lókolí mu obéé, “Nobwíi ɔpa, ha mí ntsu annu.” 8 Ali bré ámútó á, Yesu akasípú bəyó wúluto yóhə atogyihe.

9 Yudafə butamapó ibi da Samariafo nwe núu ntsu. Mú su otsi ámu léfité Yesu obéé, “Yudayin fogyi, mí é Samariayintse ngyi. Nkálí igyi só fude mí ntsu kolí?”

10 Yesu léle mú onó obéé, “Ní fuyin Bulu atokiehé pú ohá áni ode fú ntsu kolí á, teki fókoli mu, obéha fú ntsu áni itehá nkpa.”

11 Otsi ámu lébláa mu obéé, “Ani sí, fumedé ofé, ibún ántifó é bu oklú. Nkónu fénya ntsu áni itehá nkpa? 12 Fódun ani náin Yakob áni olokwi ibún ánti há ani, mva mu abí pú amú mbwí bonu ntsu mótó?”

13 Yesu léle mú onó obéé, “Omewóli bélakitá ohagyíoha áni otonu ibún ántifó ntsu. 14 Táme ohagyíoha áni obónu ntsuá néha mu a, omewóli méetrá kitá mu ekekeke. Ntsu ámúú néha mu amu íbédamli ntsu owíkpa mótó áni íbélín ha nkpa áni itamatá.”

15 Otsi ámu lébláa mu obéé, “Ani sí, ha mí ntsu ánti ku, méni omewóli méetrá kitá mí, mméetrá ba nfi é besa ntsu.”

16 Yesu lébláa mu obéé, “Yeti fú kúlu amliba.”

17 Otsi ámu léle mú onó obéé, “Mma okúlu.”

Yesu lébláa mu obéé, “Onokwali igyi fablí áni fuma okúlu. 18 Tsufé fatsia akúlu tse nu ki. Mégyí fú kúlu gyí oyin ámúú fúa munyó mliná séi ámu é. Fawá onokwali.”

19 Mób ótsi ámu lébláa mu óbée, “Ani sí, nawun áni Bulu ónósó ótáíró fúgyi. 20 Ani anáin Samariafó bosúm Bulu íbu ánfisv, táme mli Yudafó mó mliaa Yerusalem kóún lehián áni óhagyíóha obósum Bulu.”

21 Yesu lébláa mu óbée, “Ótsi, hó mí asón ánfisv gyi. Bré ku béba áni ahá bumétrá súm Ósí ámu íbu ánfisv ntée Yerusalem. 22 Mli Samariafó mliméyín óhá áni mlidésu. Ani Yudafó mó anyin óhá áni anidésu, tsúfée Yudafósv ina nkpahóó leba óyító. 23 Bré íbá, ílafon ta áni Bulu asúmpó anókwalióv bósum Ósí ámu óhétó pú ónókwalisv. Tsúfée ahá ánfí odu Ósí ámu dédunká óbée busúm mu ni. 24 Óhée Bulu gyi. Mó sv ilehián áni ahá áni botosúm mu bósum mu óhétó pú ónókwalisv.”

25 Ótsi ámu lébláa mu óbée, “Nyin áni Mesia*, (óhá ámúú Bulu ladá mu ofúli amv) óbéba. Ní óbá á, óbéele asóngyiasón asi súná aní.”

26 Mób Yesu lébláa mu óbée, “Mí ánfí nde fú asón bláa anfi gyi Kristo amv ni.”

27 Inu akasípó amv besankí tsú wúluto ba bótó amú. Ilówa amó wánwan áni bawun Yesu móva ótsi bulí bvdetáí. Táme amótó ókóku métalí fité óbée, “Ntó fvdedunká tsú mu wá, ntée ntogyi só fúa ótsi ámu mlidétó?”

28 Ótsi ámu lési mu ól yáí inu, yínkí yó wúluto yébláa ahá óbée, 29 “Mliba amlibekí oyin ókuá alabláa mi tóá nabwé kí fée. Mlilahogyi mliaa, megyi Kristo amv ni?” 30 Mó sv ahá bédali tsu wúlu amvótó bekí Yesu.

31 Alí bré ámvtó á, mu akasípó ámu bvdé mu kokóli bée, ogyíi ató.

32 Táme ólebláa amú óbée, “Mbu tóá négyi, mliméyín mó íwí kókuóku.”

33 Mó sv akasípó amv befíté aba bée, “Ntée óku labeha mu tóku alagyi?”

34 Yesu lébláa amú óbée, “Mí atogyihé gyi áni nóbwe tóá óhá ámúú ólwa mí sísí ámu óbée mbwée, ammó mó ónó. 35 Yéé mlietblí mliaa, ‘Tsra ana pé lasí ayó tínbi bófón?’ Táme nde mli bláa mbée, mlitsv ansí kí adóbúv amvtó, ayó ámu ílabli fón tín. 36 Bvdé mu atínpu akó ka dodo. Bvdé mó tín yáí há nkpa áni ítamatá. Mó sv ansí béggyi adupó móva atínpu amv fée ekewóle. 37 Mó sv ónókwali igyi boteblí bée, ‘Óku todú, óku é tetún.’ 38 Nówa mli mbée mliyétin ayóá mlimóyo mó odukpá. Aha bambá lóyo mó íwí agyómá, ílawá labi há mli.”

39 Samariafóá bóbv wúlu amvótó tsótsótsó bóhó Yesu gyi, adánsíe ámúú ótsi ámu légyi suná amú óbée, “Alabláa mi tógyítóá nabwé mí nkpató fée” ámu sv. 40 Iní sv bréá beba Yesu wá á, bokokóli mu bée, ótsía amú wá. Yesu létsía inu nkenyó.

41 Yesu ason blíhé sv Samariafó ámu tsótsótsó é belahó mu gyi. 42 Bebláa ótsi ámu bée, “Megyi fú asón ámu só anlétrá hó mu gyi ngya o. Ani onutó anlanú, anílawun áni lélé oyin ánfí gyi óyító Nkpa Óhópó amv ni.”

Jhände Óku Mv Bi Ilo Tsa

43 Nkenyó ámu óma a, Yesu lénatí yó Galilea ómátó. 44 (Tsúfée mu onutó olowun blí óbée, “Bótamabú Bulu ónósó ótáíró mu onutó ómátó.”) 45 Bréá olowie Galilea a, inufó bóhó mu atúu, tsúfée amú onutó bóyo Yerusalem Yudafósv Katsvón Nke ámu ogyíkpa. Mó sv bowun tóá ólóbwe inu fée.

46 Yesu létrá yínkí yó Galilea ómátó, Kana wúluto, ótíné ámúú óledamli ntsu bwé ntá ámu. Ómá óhande óku tsie Kapernaum wúluto. Óbv obi yinhé ókuá óda ódelo. 47 Bréá óhande amv lónu áni Yesu latsú Yudea ba Galilea a, olegya mu ókpa yókokóli mu óbée, mu bi yínhé lawú tá, ókplí ba Kapernaum, óbetsa mu íbó ha mu. 48 Yesu lébláa mu óbée, “Mó sv ní mlimókówwun osúna a, mlimóóhó mi gyi ekekekeke?”

* 4:25 Griikífo tétí Mesia bée Kristo.

49 Ǫmá ǰhande amu lébláa mu ǰbéé, “Owíé! Ní aní ayabi mǰwa ǰsa á, kebi ámu obówu.”

50 Yesu lébláa mu ǰbéé, “Yǰ! Fǰ bí ámu obénya nkpa!”

Oyin ámu lǰhǰ asón ámuó Yesu lébláa mu amusu gyi, oleyinkí ǰyǰ wóyí. 51 Bréá ǰyǰ á, mu asúmpǰ beba befia mu, bláa mu beé, “Fǰ bí ámu lanyá nkpa.”

52 Inu ǰlefíté amó bréá iwí lǰwa mu bi ámu ǰnlun. Bebláa mu beé, “Owísó ámu lési mu ígye ǰpa ǰǰo-kuleto.” 53 Inu á, ǰlekainí aní alí bré ámuǰtǰ kén Yesu lébláa mu ǰbéé, mu bi ámu obénya nkpa ní. Iní su muǰa mu wóyítǰfǰ féé bǰhǰ Yesu gyi.

54 Iní gyí osúna nyǰǰsía Yesu lǰbwe bréá olotsu Yudea ba Galilea ní.

5

Tsukole Osinpu ǰku Ilo Tsa

1 Asón ánfí ǰma a, Yesu lǰǰu yǰ Yerusalem Yudafo Bulusúm nke kv ogyíkpá. 2 Bǰpwe buntíi wá wúlu amu. Bokwi ibún kv mantáa buntíi amu ǰkpa ǰnǰ kuá botetí mú Akúfa ǰtsúnkpa. Botetí ibún ámu Betesda Hebrí ǰblítǰ. Beyi mbu anu bómlí mú. 3-4 Alǰpu tsǰtsǰǰtsǰ bǰbun ibún ámu así mbu ánfítǰ. Amótǰ aku bǰgyi ansibi abwiepǰ, abǰ pǰ tsukule asínpu.* 5 Oyin ǰkuá alasin tsukule nfi advasa-kwe (38) kéké da inu. 6 Bréá Yesu lǰwun mu a, olowun aní alalǰ, dí inu wá ǰpá. Mú su ǰlefíté mu ǰbéé, “Fǰǰeklé féé iwí iwá fǰ ǰnlun?”

7 Tsukole osínpu amu léle mú ǰnǰ ǰbéé, “Owíé, ní bowúli ntsu ámuǰtǰ á, mma ǰhá aní obótsu mí wá mútǰ. Nóttsúsúa ambǰbwe á, ǰku lagyankpá wíé mútǰ dodo.”

8 Yesu lébláa mu ǰbéé, “Kusu! Tsu fǰ ǰklan, afonati!” 9 Inunusunu oyin ámu iwí lǰwa mu ǰnlun, ǰǰkósó tsú mu ǰklan, wá natí bi.

Alí eke ámu igyi Yudafo ǰkpúnú ǰǰaké. 10 Mú su Yudafo ahande beka oyin ámuó Yesu latsá mu ilo ámu ansítǰ, blí beé, “Nde igyi ǰkpúnú ǰǰaké. Aní mbla meha ǰkpa aní fǰsúrǰ fǰ ǰklan.”

11 ǰlebláa amó ǰbéé, “ǰhá ámuó ǰletsǰa mí ilo ámu lébláa mí ǰbéé, ‘Tsu fǰ ǰklan, afonati.’ ”

12 Mú su befité mu beé, “Ma lébláa fu ǰbéé, futsúu fǰ ǰklan afonati?”

13 Oyin ámu mébi ǰhá aní ǰletsǰa mu ilo, tsúfé ahá buhíé bǰtsǰ inu, Yesu lǰfwí wá amótǰ.

14 Ǫma a, Yesu lǰyǰwun mu Bulu ǰtswékpa inu. Múú ǰlebláa mu ǰbéé, “Yéé fawun aní iwí lawá fǰ ǰnlun. Mátrǰ bwe lakpan, méní múǰa idun iní méeba fǰsu.”

15 Oyin ámu léyébláa Yudafo ahande amu ǰbéé, Yesu létsa mu ilo. 16 Iná Yesu dé ntobí ánfí odu bwe ǰkpúnú ǰǰaké su á, Yudafo ahande amu bǰwa mu kpekpeé bi. 17 Táme Yesu lébláa amó ǰbéé, “Mí Sí mǰkósí agyómá yǰ. Mú su mí é mmǰkósí.”

18 Mu asun blíhé anfi su á, Yudafo ahande amu bekle aní bómu mu ǰkpagyǰǰkpasu. Tsúfé megýí ǰkpúnú ǰǰaké mbla ámu nkule túun su, mbouún ǰleblí ǰbéé, mu sí gyí Bulu, ilosuná aní muǰa Bulunyǰ bǰgyi kékéé.

Bulu Téhá Mu Bi Amu Túmi

19 Yesu léle mú ǰnǰ ǰbéé, “ǰnǰkwali nde mli bláa. Mí Bulu mu Bi ánfí onutǰ mméetalí bwé tǰtǰ mí iwísu. Tǰá nowun aní mí Sí débwe á, mú ntǰbwé. 20 Tsúfé mí Sí tǰdwé mí, otosuná mí itǰá mu onutǰ ǰǰebwe féé. Inn!

* 5:3-4 Mótǰ yéé 4 bu nwló dada amu akoto: Ibo nu bu inu á, Bulu-ǰbǰpu tobowullí ntsu ámuǰtǰ. Inu su bǰtsie inu bǰgyo mu. Tsúfé ní ǰbá bowullí mú á, fǰá fegyankpá wíé mútǰ á, futenyá ilotsá.

l̄b̄owa mli wánwan ání obósuná mí móbá id̄on alí. ²¹ Alí á múbú mí Sí t̄okósú ahá tsú afúlit̄o, há amó nkpa ámu a, alí mí é ntehá ahá ání ndeklé nkpa ní. ²² Mí Sí tamagyi asón há ip̄ón, táme alapó asóngyí f̄éé wá mí ib̄ito, ²³ méní òhagyíòha obóbu mí f̄é alíá otobú mí Sí ámu. Òhá ání otamabú mí tamabú mí Sí á múbú òl̄op̄o mí sísí ámu é.

²⁴ “Òn̄okwali nde mli bláa mbéé, òhagyíòha ání otonú mí asón, ot̄òhò òhá á múbú òl̄owa mí sísí ámu gyi, bu nkpa ání itamatá. Bulu méegyí mu asón, há mu p̄ón, tsúf̄é aladálí lowut̄o ba nkpat̄o dodo. ²⁵ Òn̄okwali nde mli bláa. Bré ku ibá. Bré ámu ilawúna fun ání ahá ání bugyi f̄é aha wuhé† bónu Bulu mu Bi ámu òme. Amóbá bonu mú bénya nkpa. ²⁶ Tsúf̄é mí Sí búu túmi, ot̄ehá nkpa. Alí kén alahá mí ánfí ngyi mu Bi ánfí túmi, òbéé nháa ahá nkpa ní. ²⁷ Alahá mí túmi òbéé, ngyií ahá asón, tsúf̄é mígyí Nyankpusa-Mu-Bi ámu ní. ²⁸ Asón ánfí imáwa mli wánwan. Bré ku ibá, afúli f̄éé bónu mí òme, ²⁹ kósú. Amóbá b̄obwe yilé b̄elakósú, nyá nkpa ání itamatá. Amóbá b̄obwe laláhe a, négyi amó asón, há amó ip̄ón.”

³⁰ “Mm̄éetalí bwé t̄ot̄ot̄o mí iw̄isu. Asón ání nonú tsú mí Sí wá á, mú nt̄op̄ogyí asón. Mú s̄o ntegyi asón òn̄okwalisu ní. Tsúf̄é ntamabwé t̄á mí onutó ndeklé, mbouín t̄á òhá á múbú òl̄owa mí sísí ámu tekle.”

Yesu Iwi Adánsie Wankláán Agyipó

³¹ Yesu l̄oyo m̄ósú blí òbéé, “Ní mí onutó negyi mí iw̄i adánsie á, m̄l̄im̄òhò mó ání òn̄okwali igyi.‡ ³² Bulu é tegyi mí iw̄i adánsie. Nyin ání mí iw̄i adánsie á múbú odegylí amu igyi òn̄okwali. ³³ M̄l̄ilawá abí sísí Yohane. Alabláa mli òn̄okwali amu. ³⁴ Mí mú á, mmehián anyánkpósa adánsie. Mbouín nde mli asón ánfí bláa, méní Bulu òb̄òhò mli nkpa. ³⁵ Yohane ason blíhé l̄obwe f̄é òkandíe ání idewankí. Mú s̄o m̄l̄ilótsulá gyi mú òdwe kpalobí. ³⁶ Mbu t̄á itegyi mí iw̄i adánsie, id̄on Yohane klé amu. Agyómá á múbú mí Sí lawá òbéé mbwéé m̄o mú òn̄o, nde mú bwe ámu dé adánsie gyi ání m̄l̄ól̄wa mí sísí. ³⁷ Mí Sí á múbú òl̄owa mí ámu onutó lagyi mí iw̄i adánsie. M̄l̄im̄ókónu mu òme, m̄l̄im̄ókówun mu é ki. ³⁸ M̄l̄im̄òhò mu asón wá mli kl̄ont̄o, tsúf̄é m̄l̄im̄òhò mí á múbú òl̄owa sísí ámu gyi. ³⁹ M̄l̄ikíá m̄l̄énya nkpa ání itamatá tsú Bulu ason wanlínhé am̄ot̄o. Mú s̄o mli ansí lapé, m̄l̄idé mú kasí ní. Mí iw̄i adánsie Bulu ason wanlínhé amu idegyí. ⁴⁰ Táme m̄l̄ilakíná mí wá bá, méní m̄l̄énya nkpa ámu.

⁴¹ “Mmedédunká mbéé, ahá bukánfu mí, ⁴² tsúf̄é nyin mli dodo. Nyin ání m̄l̄itamadwé Bulu tsú mli kl̄ont̄o. ⁴³ Naba mí Sí dát̄o, m̄l̄im̄òhò mí. Táme ní òha bambá òbá mu onutó iw̄isu á, m̄l̄òhò mu. ⁴⁴ M̄l̄itek̄leá m̄l̄ékanf̄o aba, táme m̄l̄itamabó mbódí ání Bulu òkole pé ámu òkánfu mli. Nkálí òb̄obwe m̄l̄òhò mí gyi? ⁴⁵ M̄l̄im̄ákí m̄l̄iaa, néle mli ilá mí Sí ansít̄o. Mose á múbú mli ansí id̄in musu m̄l̄iaa òb̄òhò mli nkpa ámu mbouín òbéle mli ilá Bulu ansít̄o ní. ⁴⁶ Ní l̄élé m̄l̄ilòhò Mose asóns̄o gyi a, tekí m̄l̄òhò mí asóns̄o gyi, tsúf̄é mí iw̄i asón òl̄owanlín tswi. ⁴⁷ Táme íniá m̄l̄im̄òhò t̄á òl̄owanlín tswísu gyi a, nkálí òb̄obwe m̄l̄òhò mí ason blíhésu gyi?”

6

Ahá Mpím-nu Atogyihe Ha

(Mateo 14:13-21; Marko 6:30-44; Luka 9:10-17)

¹ In̄i òma a, Yesu m̄ua mu akasíp̄o b̄efa Galilea ep̄uá butetí mú Tiberia amu yó mú òbun. ² Òdam betsiá buo mu, tsúf̄é òde al̄op̄u tsa wánwansu. ³ M̄ua mu

† 5:25 Ahá ání bawú òj̄ét̄o. ‡ 5:31 Mose m̄bla l̄ósuná ání ahá abanyó ogyí adánsie.

akasípú bədu yó okúku kusu, yétsiá así unv. ⁴ (Alí bré ámutə á, Yudafo nkeá bəpugyi Israelfəsu Katsən Nke ámu ilafən ta.) ⁵ Inu Yesu lótsu ansí fúá wun ání ədəm kənkənkənti bəbá mu wá. Múú əlefíté Filipo əbée, “Nkónú abénya atogyihe hə ha ahá ánfí bégýi?” ⁶ (Yesu léblí asún ánfí púsə Filipo ki, tsúfé oyin tśá əbəwə dodo.)

⁷ Filipo léle mú ənó əbée, “Ní apó tsra kwe ikəká hə atogyihe kóráá á, iməfən ání okugyíaku obénya kpalobí gyí!”

⁸ Simon Petro mu pio Andrea, ogyi akasípú amutə əkule lébláa Yesu əbée, ⁹ “Oyimbi əku dé bodobodo apín pútúpútú anu pó ntsutso iye bwáhé anyo. Táme ntə ínı bəbwe ahá tsətsətsə ánfí?”

¹⁰ Yesu lébláa mu akasípú amv əbée, “Mliha amú abutsiatsia así.” Ahá ámu féé betsiá ifású. Ayin ání bəbu amótó bəbwe fé mpím-nu (5,000). ¹¹ Múú Yesu lóhə bodobodo amv, dá Bulu ipán, əleha beye mú há ahá amúú bətsie unv ámu. Alí kén əbwe ntsabi bəáhé amv é ní. Amótó okugyíaku lénya alá odeklé. ¹² Bégýi mwe sian. Yesu lébláa akasípú amv əbée, “Mlikola síanhe amv, ménı iməbwe atə yintáhé.” ¹³ Lélé, bətsí síanhe amúú benya tsú bodobodo anu ámutə ámu. Iləbulá alakpá dúanyə kéké.

¹⁴ Ahá ámu bowun osúna anfi Yesu labwé ánfí. Mú sv bəbli bəe, “Lélé, oyin ánfí gyí Bulu ənósú ətəipú amúú bəwanlín mu iwı asún wá Bulu asúntó bəe, əbəba əyító ámu ní.” ¹⁵ Yesu lówun ání ahá ámu babwé agywun bəe, bəba bəkitá mu əwunlínntə yáí mu iwıe. Mú sv mu nkule ələladó yó nkpá sí amú.

Opusu Natí

(Mateo 14:22-33; Marko 6:45-52)

¹⁶ Bréá owí ləpən a, Yesu akasípú bəkplí ba Galilea əpu ənó. ¹⁷ Owí latá, táme Yesu mókóyínki bətu amú. Mú sv bədu wíe əkləntə, bədefa bəyó Kapernaum. ¹⁸ Afú kənkənti ku léba idetsəbən, əpu amv lówa dabi. ¹⁹ Alí bré ámutə á, akasípú amv bəplá əklən amv yó fé málu asa ntée ana. Inu bowun ání Yesu ná əpu amusu əbá amú wá. Mú sv ifú lekítá amú. ²⁰ Táme Yesu lébláa amú əbée, “Mí ní, mlímánya ifú!” ²¹ Inu bətsu mu wá əklən amutə ansigyísó. Iłotsutsúa iwankı amú á, əklən amv lawíe otsubúno, ətíne amúú bəyó ámu.

Yesu Dunká

²² Əyí kehe a, ədəm amúú besi bəbu əpu amv əbın unv ámu bowun ání əklən kuku itráa melí unv. Múá tekı ilı inutə akasípú amv bowie nátı ní. Bowun ání Yesu mówie mótó asa bənátı. ²³ Mú əma a, nklən aku lótsu Tiberia wúlutə belı mantáa ətíne amúú bégýi bodobodo amúú Yesu léda Bulu ipán púhá amú ámu. ²⁴ Ədəm amv bowun ání Yesu lanátı unv, mu akasípú amv é buma unv. Mú sv bədu wíe nklən amutə yó Kapernaum, bəde Yesu dunká.

Bodobodoá Itəhá Nkpa

²⁵ Bréá ədəm amv boyówun Yesu ntsu əbın unv á, bəfíté mu bəe, “Os-unápú, bré məmo fobowie nfi?”

²⁶ Yesu lébláa amú əbée, “Ənəkwalı nde mlı bláa. Megyí osúna amúú ndəbwe mlidəwúun amv sv mli gyá mí əkpa. Mboun bodobodo amúú nəha mlı, mlilégyí mwe ámu sv. ²⁷ Mlímáwun ipian atogyihe ání iteyintá sv. Mboun mlıwun ipian múá ibétsiá yó, wéha nkpa ání itamatá, ání mí, Nyankpusa-Mv-Bi ánfí nəha mlı sv. Tsúfé mí mí Sí Bulu lahıe nsu ání mbv əkpa há mú.”

²⁸ Befitè Yesu bεε, “Gyoma m̄m̄m̄ abwée isuna ání anídé t́á Bulu tekle bwε?”

²⁹ Yesu léle mó onó obée, “T́á Bulu déklé obée m̄l̄bwée gyí, m̄l̄h̄ mí áñfi ol̄wa sísí áñfi gyi.”

³⁰ Inu befítè Yesu bεε, “Osúna m̄m̄m̄ f́bwε abówun, mén̄i abóh̄o f̄u gyi? Nt̄o f́bwε? ³¹ An̄i anáin begyi mana dimbí ám̄os̄u. B̄owanl̄in mó wá Bulu asón ám̄ot̄o bεε, ‘Mose léha amó at́á ilotsu os̄s̄ó bá begyi.’ ”

³² M̄óu Yesu lébláa amó obée, “On̄akwal̄i nde m̄l̄i bláa. Megyí Mose léha m̄l̄i atogyihe am̄u tsú os̄s̄ó. Mí Sí léha m̄l̄i bodobodo onutónutó ám̄u tsú os̄s̄ó. ³³ Tsúfè bodobodo ání Bulu tehá gyí mí áñfi natsú os̄s̄ó bá, nebá beha oyító ahá nkpa áñfi.”

³⁴ Ahá ám̄u bebláa mu bεε, “Owíé, tsia ha an̄i bodobodo anfi brégyíbré, tsú séi p̄ya.”

³⁵ Yesu lébláa amó obée, “Mígyí bodobodo amóu itehá nkpa ám̄u ni. Akón m̄éekitá ohá áñfi ol̄eba mí wá ekekekeke. Om̄ewóli m̄éekitá ohá áñfi ol̄oh̄o m̄i gyi é ekekeke. ³⁶ F́é al̄iá nebláa m̄l̄i á, m̄l̄lawun m̄i, tám̄e m̄l̄imókóh̄o m̄i gyi b̄ofun séi. ³⁷ Ohagyíoha ání Os̄i ám̄u léha mí obéba mí wá. Mm̄éegya ohagyíoha ání ol̄eba mí wá. ³⁸ Tsúfè mm̄otsu os̄s̄ó ba mbée, nebá b̄obwε t́á ndeklé. Mboun t́á ohá amóu ol̄wa mí sísí ám̄u déklé obwεkpá neba. ³⁹ T́á ohá amóu ol̄wa mí sísí ám̄u déklé gyí, ahá amóu ol̄p̄ohá mí ám̄ot̄o ok̄oku mádal̄i mí ibi. Mboun nk̄os̄va amó f́éé tsu afúlit̄o eke tráhe am̄u. ⁴⁰ T́á mí Sí ám̄u tekle gyí, ohagyíoha ání olowun m̄i, mu Bi áñfi, h̄o m̄i gyi obénya nkpa áñfi itamatá. Nók̄os̄óa mu tsú afúlit̄o eke tráhe am̄u.”

⁴¹⁻⁴² Iná Yesu lébl̄i obée, “Mígyí bodobodo amóu notsu os̄s̄ó ba am̄u ni” su á, Yudafo ám̄u b̄owa mu wuntí bi. Bεε, “Megyí Yosef mu bi Yesu am̄u ni? Anunéyín mu si m̄va mu yin? Okpa m̄m̄m̄ s̄ó odebli obée, ‘Os̄s̄ó notsu neba?’ ”

⁴³ Yesu lébláa amó obée, “M̄l̄si wuntí m̄l̄i w̄lew̄ole. ⁴⁴ Ohaa m̄éetalí ba mí wá, nk̄éti mí Sí amóu ol̄wa mí sísí ám̄u lakpá mu ba m̄i. Mí é nók̄os̄óa mu tsú afúlit̄o eke tráhe am̄u. ⁴⁵ Bulu on̄s̄ó at̄ip̄o am̄ot̄o ok̄u l̄ówanl̄in tswi obée, ‘Bulu obósuná ahá f́éé at̄ó.’ Ohagyíoha áñfi alanú mí Sí asón, kásí mó tsú mu wá teba mí wá. ⁴⁶ Ohaa mók̄owun Os̄i ám̄u ki. Mí áñfi notsu Bulu wá bá anfi nk̄ole l̄awun mu ki. ⁴⁷ On̄akwal̄i nde m̄l̄i bláa. Ohagyíoha áñfi ol̄oh̄o m̄i gyi bu nkpa áñfi itamatá. ⁴⁸ Mígyí bodobodoá itehá nkpa ní. ⁴⁹ Iná m̄l̄i anáin begyi mana dimbísú óó á, amó f́éé bowu. ⁵⁰ Tám̄e bodobodo anfi gyí m̄úa l̄atsú os̄s̄ó bá, mén̄i ohagyíoha áñfi obégyi mó móowu ní. ⁵¹ Mígyí bodobodo amóu ntehá nkpa, natsú os̄s̄ó ba am̄u ni. Ohagyíoha áñfi ogyi bodobodo anfi obétsiá nkpa, omóowu ekekekeke. Mí oyul̄óu gyí bodobodo am̄u. Mó nésí há, mén̄i oyítóf̄o bénya nkpa ní.”

⁵² Inu Yudafo ám̄u benya asón anfi Yesu labl̄i áñfi iw̄i obl̄ó. Amó w̄lew̄ole begyi aba nwéen bεε, “Nkál̄i oyin áñfi obétalí p̄u mu oyul̄óu há an̄i obée agyíi?”

⁵³ Yesu lébláa amó obée, “On̄akwal̄i nde m̄l̄i bláa. Ní m̄l̄imégyi mí, Nyankp̄osa-Mu-Bi áñfi oyul̄óu, nu mí obugya a, m̄l̄imá nkpa áñfi itamatá k̄ok̄ok̄u m̄l̄it̄o. ⁵⁴ Ohá áñfi olegyi mí oyul̄óu, nu mí obugya bu nkpa áñfi itamatá. Nók̄os̄óa mu tsú afúlit̄o eke tráhe am̄u. ⁵⁵ Tsúfè mí oyul̄óu igyi atogyihe onutó, mí obugya é igyi atonuhe onutó. ⁵⁶ Ohá áñfi ogyi mí oyul̄óu, nu mí obugya tsie mit̄o, mí é ntsie mot̄o. ⁵⁷ Mí Sí Ok̄iankpapu am̄u l̄ówa mí sísí. Mu s̄u m̄bu nkpa. Mó su f́óá fegyí m̄i a, mí su f́ó é fubw nkpa. ⁵⁸ Mígyí bodobodo onutóá notsu os̄s̄ó ba ni. M̄l̄i anáin begyi mána, tám̄e bowu. Ohá áñfi ogyi bodobodo anfi mó obétsiá nkpa áñfi itamatá.”

59 Yesu léblí asón ánfí bréá ɔde ató suná Kapernaum, Yudafɔ ofiakpa.

Nkpa Aní Itamatá Asón

60 Yesu abúopu tsɔtsɔtsɔ ámutɔ akv bonu asón ánfí á, beblí beɛ, “Ato-sunáhé ánfí mú bu ɔnlɔn o! Ma ɔbétalí hɔ mó?”

61 Yesu lówun ánfí mu abúopu amutɔ akv buɛ wunti ánfí alablí alí sv á, ɔlefíté amó ɔbéɛ, “Asón ánfí ulahan mlí? 62 Mómó ní mlowun Nyankpɔsa-Mu-Bi ámu ɔyó ɔtínéá olotsu ba me, nkálí mlóbwe? 63 Bulu Ɔhé ámu téhá nkpa. Nyankpɔsa ɔwonlín mú á, kpaalí ígyi. Asón ánfí nde mlí bláa anfi itsú Ɔhé ámutó ɔtehá nkpa ámu wá, 64 táme mlítɔ akv bumɔhɔ mósú gyi.” Yesu lówun amóá bumɔhɔ mósú gyi pú ɔhá ánfí ɔbéle mu há yáí dodoodo. 65 Ɔletrá bláa amó ɔbéɛ, “Iní sù nebláa mlí mbéɛ, ɔhaa méetalí ba mí wá, nkéti mí Sí lakpá mu ba mí” ní.

66 Tsú eke ámu a, Yesu abúopu amu tsɔtsɔtsɔ beyinkí mu ɔma, bumetrá buo mu. 67 Mú sv Yesu léfíté mu akasípú dúanyɔ ámu ɔbéɛ, “Mlí é mlídékléá mléyinkí mí ɔma lóó?”

68 Simon Petro lébláa mu ɔbéɛ, “Owíé, ma wá abóyo? Fú wá asón ánfí itehá nkpa ánfí itamatá bu. 69 Anlahogyi, anilabí ánfí fúgyí Ɔha Wankihé amóó fotsú Bulu wá ámu ní.”

70 Inu Yesu lébláa amó ɔbéɛ, “Mlí ahá dúanyɔ nele, táme mlítɔ ɔku gyí ɔbunsám!” 71 (Simon Iskariot mu bi Yuda ɔde á. Tsúfé ogyi akasípú dúanyɔ ámutɔ ɔkole. Mu ɔbéle mu há ní.)

7

Yesu Mu Mv Apio Yinhé

1 Mú ɔma a, Yesu létsiá kí Galilea ɔmátó. Omekleá ɔbóyo Yudea ɔmátó, tsúfé Yudafɔ ahande amu buɛ mu téɛ abumɔ mu. 2 Táme Yudafɔ Kantankpatɔtsiá Nkegyí lafun. 3 Mú sv mu apio yinhé bebláa mu beɛ, “Nati yɔ Yudea nke ámu ogyíkpá, méní fú abúopu amóó bubu inu ámu é bówun ofúla ánfí fudebwe. 4 Ɔhá ánfí odekléá ahá bubú mu gymagyihe tamanjain iwí. Iníá fódé ntobiá igyi alí bwe á, wuna le mú suna, ɔyí féé abowun.” 5 (Mu apíó ámu kóráá bumɔhɔ mu gyi. Mú sv bebláa mu alí ní.)

6 Iní sv Yesu lébláa amó ɔbéɛ, “Bréá nóyo inu mɔkónyá fun. Mlí mó mlétalí yó inu brégyibré. 7 Ɔyítɔfɔ buméetalí lú mlí, táme mí mó buɛ mí lu, tsúfé nde amó ilá le. 8 Mliyɔ nke ámutɔ. Mí mó mmɔkónyá yó, tsúfé mí bré mɔkófɔn.”

9 Yesu léblí asón ánfí tá á, olesi tsiá Galilea ɔmátó.

Yesu Kantankpatɔtsiá Nke Amv Ogyíkpá Yɔ

10 Táme bréá Yesu apíó ámu benatí yó nke ámu ogyíkpá a, mu é olenjain iwí yó inu. 11 Yudafɔ ahande amu bodunká mu nke ámu ogyíkpá, buɛ ahá fité beɛ, “Oyin ámu me?”

12 Ɔdam ámu beblí asón tsɔtsɔtsɔ nklobító tsú Yesu iwí. Akv beɛ, “Ɔha wankláán ogyi.” Akv é beɛ, “Ekekeke, ɔde ahá mlé.” 13 Táme amótó ɔhaa méetalí blí mu iwí asón kókló ahá abonu, tsúfé buɛ Yudafɔ ahande amu ifú nya.

14 Bréá bowie nke ámu nsiné á, Yesu lódu wíé Bulu ɔtswékpa wunsínésú inu yéfi ató suná asi. 15 Mu atosunáhé lobwie Yudafɔ ahande amu ɔnó. Mú sv befíté aba beɛ, “Oyin ánfí mɔkókásí ɔwoló yó nkpa. Nkálí ulóbwe asa ɔlebu ɔwoló alí?”

16 Yesu léle mú ɔnó ɔbéɛ, “Megyí mí wá atosunáhé anfi itsú. Itsú Bulu wá. Mólwa mí sísí. 17 Ní ɔku dékléá ɔbóbwe Bulu apé á, obówun ní atosunáhé anfi itsú mí wá ntée Bulu wá. 18 Ɔhá ánfí ɔde mu onutó asón blí dé mu

numnyam dunká. Táme ní ọ̀kú todúńká numnyam há ọ́há ání ọ̀lọ̀wa mu sí sí á, ọ̀nọ̀kwalı̀pọ̀ ọ́há ámu gyí. Ọ́tamawá afunu. 19 Yéé Mose lópu mbła ámu ba mli a? Táme mli to ọ̀kọ̀kọ̀ mēdé mósó gyi. Ntogyi su mli dēkléá mli mlo mli?”

20 Inu ọ̀dọ̀m amu bebláa mu beé, “Ọ́je laláhe bu futo! Ma dékléá ọ̀bọ̀mọ̀ fú?”

21 Yesu lébláa amú ọ̀bée, “Ofúla kọ̀le pé nọ̀bwe ọ̀kpónú ọ̀daké, mli fée ọ̀nọ̀ lobwie mli. 22 Mose lówa mbła há mli ọ̀bée, mli tın keté. (Ibu mótó ání megyí Mose lótsọ keté tın, mli anáin léfi mú asi.) Yéé mú sọ mli tetun ahá keté ọ̀kpónú ọ̀daké ní a? 23 Ní mli dé keté tın ọ̀kpónú ọ̀daké, mēni mli mlo ọ̀kọ̀sú lí Mose mbła ámu su á, ntogyi sọ mli lanyá ọ̀bló mli sọ mli aa, natsá nyankpọ̀sa kēin ọ̀kpónú ọ̀daké? 24 Mli yo asóntó wankláán, asa amliha ipón. Mli pu ọ̀nọ̀kwalı̀ gyi asón.”

Yesu Iwí Nwéengyi

25 Yerusalemfo aku befité amú iwí beé, “Megyi oyin anfi Yudafọ ahande bu dedunká abumọ̀ ní? 26 Megyi mu líi ahátọ ọ̀detọ́, amótó ọ̀kọ̀kọ̀ mékpla mu a? Ntée ilawánkí amú ání mu gyí Kristo, (ọ́há amóú Bulu ladá mu ofúli amu) ni? 27 Oyin anfi mú a, aní fée anyin ọ́tínéá otsú, táme ní Kristo ámu ọ̀bá á, ọ́haa mēbi ọ́tínéá otsú.”

28 Bréá Yesu bu mósó ọ̀de ató ámu suná Bulu ọ̀swékpá wunsinésú inu á, olotsu ọ̀nọ̀ fúá blí ọ̀bée, “Mliyin mi, mliyin ọ́tínéá notsú, táme megyi mí onutó tımisú neba. Ọ̀nọ̀kwalı̀pọ̀ ọ́há amóú ọ̀lọ̀wa mí sí sí ámu gyí. Mli méyin mu. 29 Táme mí mú nyin mu, tsúfẹ̀ mli lówa mí sí sí. Mu wá notsu ba.”

30 Inu bekle abokita mu, táme bumọ̀pu ibi da mu, tsúfẹ̀ mu bré mọ̀kọ̀fun. 31 Táme amótó ahá tsọtsọtsọ bọ̀họ̀ mu gyi. Mú su befité beé “Ní Kristo amu ọ̀bá á, ọ̀bétalı́ bwé osúna dọ̀n mú anfi oyin anfi dēbwe?”

Bọ̀wa Bée Bokita Yesu

32 Bréá Farisifo ámu bonu ání ọ̀dọ̀m amu bu de Yesu iwí asón blí nklobító á, amóba Bulu igyi ahapó dehen amu bọ̀wa Bulu ọ̀swékpá agyópu beé bokita Yesu. 33 Inu su Yesu lébláa amú ọ̀bée, “Ilasí nke kpalobí pé nétsiá mli wá. Mú ọ̀ma a, néyinkí yó ọ́há amóú ọ̀lọ̀wa mí sí sí ámu wá. 34 Mli dundunká mí, táme mli mlo owun mi. Mli méetalí ba ọ́tínéá mbu é ekekekeke.”

35 Yudafọ ahande amu befité aba beé, “Nkónú oyin anfi obótu ọ̀kpá yó, su abódunká mu animóowun mu? Ntée odekléá ọ̀bọ̀yo Griikifo awúlu amóú aní pi badásáin yó mósó ámu su, ntée obóyósuná Griikifo ámu ató? 36 Asón anfi ọ̀deblí é asi mé? Ọ́bée, ‘Mli dundunká mí, táme mli mlo owun mi. Mli méetalí ba ọ́tínéá mbu é.’ ”

Nkpa Ntsu

37 Nke ámu eke tráheá igyi eke títriu á, Yesu lókusú líi kplon blí ọ̀bée, “Ní ọ̀mewóli de ọ̀kú á, ọ̀bá mí wá obonu ntsu. 38 Ọ́hagyiọ́ha ání ọ̀lọ̀họ̀ mi gyi a, ‘Nkpa ntsu bọ̀wí dalí mto.’ Alí bọ̀wanlín wá Bulu asón ámto ní.” 39 (Ọ́je Wankíhé amóú Bulu ọ̀béha ahá ání bọ̀họ̀ mu gyi amu iwí asón ọ̀deblí. Alí bré ámto á, Ọ́je Wankíhé amu mókónyá ba, tsúfẹ̀ Bulu mókónyá wá Yesu numnyam.)

Ahá Amotọ̀ Leye

40 Bréá ọ̀dọ̀m amu bonu Yesu ason blíhé anfi á, amótó aku beblí beé, “Lélé, Bulu ọ̀nọ̀sọ ọ́típu amóú anidé mu ọ̀kpá kí amu ni.”

41 Aku é beé, “Kristo amu ni!” Táme amótó aku é beblí beé, “Yéé megyi Galilea ọ́mátó Kristo amu obótsu o. 42 Bọ̀wanlín wá Bulu asón ámto beé, Owíe Dawid abusuantọ̀ Kristo amu ọ̀bédalı́ tsu. Bókwí mu Betlehem,

Dawid wúlutò.”⁴³ Ina Yesu iwí asón ánfí sù ìkòlèbwe metsiá amótó.⁴⁴ Amótó akò bekle abókíta Yesu, táme òhaa mópù ibí da mu.

Yesu Mdhogyi

⁴⁵ Ọma-ọma a, Bulu ọ̀swékpá agyópu amóú bọ̀wa sumbí ámu besankí ba Bulu igyí ahapú dehen pọ̀ Farisifó ámu wá. Befíté agyópu amu bée, “Ntogyi sù m̀hímékítá mu ba?”

⁴⁶ Bèlè mú ọ̀nó bée, “Ọ̀haa mókótói fẹ̀ oyin ánfí kí!”

⁴⁷ Farisifó ámu befíté amó bée, “Mú sù oyin ámu lamlé mlí é. ⁴⁸ M̀lulawun ọ̀hande ntée Farisiyin ọ̀kò lahò mu gyi kí? ⁴⁹ Èkèkèkè! Ọ̀dọm anfi bọ̀meyín Mose mbla ámu iwí tọ̀tọ̀. Mú sù Bulu ọ̀lwú amú.”

⁵⁰ Inu Farisifó ámutò ọ̀kòlè, ogyi Nikodemo amóú ọ̀lọ̀ọ̀ Yesu wá onyé ámu léfíté amó ọ̀bée, ⁵¹ “Aní mbla leha ọ̀kpa aní abéha ọ̀kò ipón asa abéfíté mu ọ̀nótó asón nú?”

⁵² Befíté mu bée, “Galileayin fú é fúgyi? Kí Bulu asón ámutò wankláán. Fówun aní Bulu ọ̀nású ọ̀táipú ọ̀kòkòkò móotsu Galilea ọ̀mátó.” ⁵³ [Inu amó fée benatí yó wóyító.

8

Ọ̀tsi Ọ̀kò Mbọ̀tò Pọ̀ M̀v Kítá

¹ Bréá ahá ámu bédasáin á, Yesu lódu yó Nfọ̀-nyíbu ámu sù* . ² Mú oyi kèhe bákè a, oleyinkí ba Bulu ọ̀swékpá wunsínésú inu. Ahá ámu fée bẹba mu wá. Mú sù oletsíá asi, olefi asi ọ̀de amó ató suná. ³ Bréá ọ̀détói á, Farisifó pọ̀ Mose mbla asunápú amu bẹkpa ọ̀tsi ọ̀kọ́á bakítá mu, ọ̀de mbọ̀tò ba belú amó ansító. ⁴ Múú bebláa Yesu bée, “Osunápú, bakítá ọ̀tsi ánfí mbọ̀wa ọ̀tákpá. ⁵ Mose Mbla ámu léblí ọ̀bée, adáa atsi ánfí odu abwi m̀. Nkálí fúdeblí tsú asón ánfí iwí?” ⁶ Asónklé sù befíté mu asón ánfí, abuyọ̀tò mu ha ahandé. Inu Yesu lóbun, pọ̀ osrebi ọ̀de ató wanlín ọ̀sólótó.

⁷ Bréá butráa bọ̀de asón ámu fité plá á, olobwii tsíá, bláa amó ọ̀bée, “M̀lító ọ̀há aní ọ̀m̀kòb́wé lakpan kí ogyánkpa da ọ̀tsi ánfí ibwi.” ⁸ Ọ̀lèblí mú ali á, oleyinkí bun ọ̀de mu ató wanlín ọ̀sólótó. ⁹ Bréá ahá ámu bonu mu asón ánfí á, bọ̀wa natí ìkòlè-kòlè bí, tsú ahandeso bọ̀tu nyebísó. Ilebese Yesu muwa ọ̀tsi ámu nkòlè ọ̀bun nsíné inu. ¹⁰ Yesu lóbwií tsíá, ọ̀lefíté ọ̀tsi ámu ọ̀bée, “Ọ̀tsi, nkú ahá ámu me? Ọ̀kòkò mésian aní ọ̀béha fú ipón?”

¹¹ Ọ̀tsi ámu lélé mú ọ̀nó ọ̀bée, “Owíé! Ọ̀kòkò méha mí pón o!” Múú Yesu lébláa mu ọ̀bée, “Ibu alé! Mí é mméeha fú ipón! Natí, mátrá bwe lakpan.”†

Ọ̀yító Wankí

¹² Inu ọ̀ma a, Yesu léyinkí bláa Farisifó ámu ọ̀bée, “Mígyi ọ̀yító wankí ní. Ọ̀hagyíọ̀ha aní obuò mu obénya wankí aní ibéha mu nkpa, oméésin oklúntò èkèkèkè.”

¹³ Inu á, Farisifó ámu bebláa mu bée, “Nfólí tamakánfú mu iwí. Fum̀kòb́lí tọ̀tọ̀.”

¹⁴ Yesu lébláa amó ọ̀bée, “Ní mí onutó nde mí iwí adánsiẹ gyí ó á, ọ̀nòkwali igyi. Tsúfè mí mú nyin ọ̀tínéá notsú pọ̀ ọ̀tínéá nọ̀yó. Táme m̀líméyín ọ̀tínéá notsú pọ̀ ọ̀tínéá nọ̀yó. ¹⁵ Anyánkpósa asóngyí ọ̀kpasu m̀lítegyi asón tson, táme mí mú ntamagyi ọ̀haa asón. ¹⁶ Ní negyi asón ó á, ọ̀nòkwali ọ̀kpasu negyi mú tson. Tsúfè megyí mí nkòlè tegyi mú. Mía mí Sí amóú ọ̀lọ̀wa mí sísí ámu nyọ tegyi mú. ¹⁷ Bọ̀wanlín wá mlí onutó Mbla ámutò bée, ‘Ní adansifó

* **8:1** Nfọ̀-nyíbu igyi obubwí kọ́á ibo mantáa Yerusalem, botetí mú Olifbu. † **8:11** Ima Griikifó nwlólú dada amu akoto.

abanyó beblí ason kua kole a, amó asón ibu mótó.’ 18 Mí onutó ntegyi mí iwí adánsiε. Mí Sí lówa mí sísi. Mv é otegyi mí iwí adánsiε.”

19 Befité mv beε, “Nkónó fú sí bu?”

Yesu léle mó onó obéε, “Mluméyín mí wankláán, mluméyín mí Sí ámu é. Ní mliyín mī wankláán á, tekī mlébi mí Sí ámu é.”

20 Yesu léblí asón ánfí bréá oδε ató suná Bulu oτswékpa tswitswí adáka otsiákpá. Táme ohaa mékítá mv, tsúfé mv bré məkónyá fon.

Yesu Osúsóyo

21 Yesu létrá bláa amó obéε, “Mí mó nayo. Mlódunká mí. Mlówu wá mli lakpantó. Mluméetalí ba otínéá nayo.”

22 Yudafo ahande amu befíté beε, “Mó obómó mv iwí, só oδεblí obéε, mluméetalí ba otínéá nayo?”

23 Yesu léle mó onó obéε, “Mli mó mlotsú oyí ánfító, táme mí mó notsú osósó. Oyí ánfítófo mligyí. Mmegyí oyí ánfítóyin mí mó ngyi. 24 Mú só nde mli bláa mbéε, mlówu wá mli lakpantó ní. Mlówu wá mli lakpantó, ní mlimóhógyi ání ‘Mígyí ohá ámú mbéε ngyi ámu.’ ”

25 Befíté mv beε, “Fógyí ma?”

Yesu lébláa amó obéε, “Ohá ámú ntebláa mli yái mbéε, ngyi ámu kén ntráa nde mli bláa a. 26 Mbu asón tsotsotsóá néblí tsú mli iwí póhá mli pón. Táme onəkwalipu ohá ámú oləwa mí sísi ámu gyí. Asón ání nonu tsú mv wá nde mli oyítófo bláa.”

27 Iməwankí amó ání mv Sí ámú obu osósó ámu iwí asón oδε amó bláa. 28 Mú sv Yesu lébláa amó obéε, “Ní mledá Nyankpusa-Mv-Bi ámu mántá oyikpalihεsv, tsú mó líí á, mlówun ání ‘Mígyí ohá ámú mbéε ngyi’ ámu. Mlébi ání ntamabwé tətətsə mí onutó túmitó. Múá mí Sí lópuwá mī onó á, mó nteblí. 29 Ohá ámú oləwa mí sísi ámu buo mī. Oməkóyínkí mí əma, tsúfé tśá itegyí mv ansí ntəbwé brégyíbré.”

30 Inu ahá ámú bonu mv asón ánfító tsətsətsə bəhə mv gyi.

Abraham Abi-aná

31 Yesu lébláa Yudafo ámú bəhə mv gyi amu obéε, “Ní mlobuo mí atosunáhé a, mligyí mí akasípó lélé. 32 Mlébi onəkwalí amu. Onəkwalí amu ibéha mlégyi iwí.”

33 Beblí beε, “Abraham abí-aná anígyí. Anímókóbwé ohaa nkpábi kí. Mó ntogyi só fúde aní bláa féε, ‘Mlégyi iwí?’ ”

34 Yesu léle mó onó obéε, “Onəkwalí nde mli bláa. Ohagyíoha ání otəbwé lakpan á, ogyi lakpan əkpábi. 35 Əkpábi tamatsiá mv wie wóyí yó, obí tetsiá mv sí wóyí yó. 36 Mú sv ní Bulu mv Bi ámu ohá mlegyi iwí á, mómú mliłagyi iwí féé. 37 Nyin ání Abraham abí-aná mligyí, táme mliđékléá mlómó mí, tsúfé mlimóhó mí atosunáhé. 38 Tśá nowun tsu mí Sí wá ndeblí. Mli é asón ání mliłónu tsú mli sí wásó mliđégyí.”

39 Bebláa mv beε, “Aní sí gyí Abraham.”

Yesu lébláa amó obéε, “Ní Abraham abí mligyí á, tekī mli bwehé ləlian Abraham. 40 Mliđékléá mlómó mí, tsúfé nde mli onəkwalíá nonu tsú Bulu wá bláa. Abraham móbwε alí! 41 Mli sí bwehé mliđébwε.”

Bebláa Yesu beε, “Megyí mbua bətsə kwíí aní. Bulu onutó gyi aní Sí. Anímá əsí əkoku tsia mvətsə.”

42 Yesu lébláa amó obéε, “Ní mli Sí gyí Bulu á, tekī mliłədwé mí, tsúfé mv wá notsu ba. Mlólwa mí sísi. Megyí mí onutó túmitó neba. 43 Ntogyi só mli mliđéde mí ason blíhé asi nu? Mli mliđéde mó asi nu, tsúfé mí asón de mli asutə wóo. 44 Obunsám gyi mli sí. Mó sv mli tekleá mlóbwe tśá mli sí tekle.

Ahá ɔmɔpó ogyi tsú nfiásí. Ɖamabuo ɔnɔkwali. Mú su ɔnɔkwali kɔku uma mɔtɔ. Ní ɔwá afunu a, mu tsiátó ɔwan ɔdele, tsúfɛ ofunupu ogyi. Mɔgyí afunupu fɛ́e ɔsí ní. ⁴⁵ Táme nteblí ɔnɔkwali. Mú su mlitamaho mí asónsú gyi ní. ⁴⁶ Mlito ma ɔbétalí súná ání lakpan ɔbwepú ngyi? Ní nde ɔnɔkwali blí á, mú ntogyi mlimósho mi gyi? ⁴⁷ Ɖhá ání otsú Bulu wá teyáá asu nú mu asón. Mli mó mlimótsú mu wá. Mú su mlitamayáá asu nú mu asón ní.”

Yesu Mva Nandin Abraham

⁴⁸ Yudafo ámu bebláa mu bee, “Ní ablí aniaa Samariayin fogyi, ɔɣe laláhe bu foto á, anlawá afunu?”

⁴⁹ Yesu lébláa amú ɔbéé, “Ɖɣe laláhe ma mító. Ntobú mí Sí, táme mli mó mlitamabú mí. ⁵⁰ Mmedé mí iwí numnyam wa. Ɖha ɔku bu inuá ɔde mú dunká há mí. Mɔgyí asón ogyípú wankláán ámu ní. ⁵¹ Ɖnɔkwali nde mli bláa. Ɖhagyísha ání otegyi mí atosunáhésu omóowu ekekekeke.”

⁵² Inu Yudafo ámu bebláa mu bee, “Séi ánfí mú á, anlawun ání lélé ɔɣe laláhe bu foto! Abraham mva Bulu ɔnósú atóipú amu bawú. Táme fó mú fɔdeblí fɛe, ɔhagyísha ání otegyi fó atosunáhésu omóowu ekekekeke. ⁵³ Anú náin Abraham lówu. Fvki fɛe fɔdɔn mu? Bulu ɔnósú atóipú amu é bowu. Nkálí fɔde fó iwí kí?”

⁵⁴ Yesu léle mú ɔnó ɔbéé, “Ní nɔwá mí iwí numnyam a, kpaali igyi. Mí Sí gyí ɔhá ání ɔtɔwá mí numnyam. Mu mlidéblí mlíaa ogyi mli Bulu ní. ⁵⁵ Ibo mótó ání mliméyín mu, táme mí mú nyin mu. Ní neblí mbée mmeyín mu a, nabwé ofunupu fɛ mli. Mí mú nyin mu, ntegyi mu asónsú. ⁵⁶ Mli náin Abraham lénya ansigyí ání mówun mí bábi. Olowun mú é, ansí legyi mu.”

⁵⁷ Yudafo ámu bebláa mu bee, “Fumókóhɔ nfi aduenu (50) kóráá, mú fɛe fɔtu Abraham?”

⁵⁸ Yesu lébláa amú ɔbéé, “Ɖnɔkwali nde mli bláa. Mbu inu asa bɔkwí Abraham.”

⁵⁹ Yesu lénya blí alí pé, ahá ámu bɔkolá abwi bee abutswi da mu mɔ. Táme Yesu lóbwɛ híéé, dáli Bulu ɔtswékpa wunsínésú inu.

9

Ansibi Obwiepú Ɖku Tsa

¹ Eke ɔku Yesu mva mu akasípú bɔna ɔkpatɔ, bowun oyin ɔkúá bɔkwí mu ansibi obwiepú. ² Yesu akasípú amu befité mu bee, “Osunápú, ma lakpan sú bɔkwí oyin ánfí ansibi obwiepú? Mu onutó lakpan su lóó, ntée mu akwíipú?”

³ Yesu léle mú ɔnó ɔbéé, “Megyí mu ntée mu akwíipú lakpan su bɔkwí mu ansibi obwiepú. Mboun alíá Bulu ɔbéle mu túmi súná tson mu ilo ámɔtɔ su. ⁴ Ilaí kpalobí owí ɔbéta. Ɖhaa méetalí trá yo agyómá. Mú su ilehián ání abóyo agyómá ámú ɔhá ámú ɔbwa mí sísí ámu lówa mí ɔbéé nyóo amu. ⁵ Iní nanya mbu oyí ánfíto á, mígyí oyí ánfíto wanki.”

⁶ Bréá Yesu lébláa amú asón ánfí tá á, olotu atson tswi ɔsolúto, ɔɔpu osrebi tsíá isi, títi mú tan ansibi obwiepú ámu ansibisú. ⁷ Mú ɔlebláa ansibi obwiepú ámu ɔbéé, “Nati yɔfwí ansítú Siloam paatitɔ.” (Siloam asu gyí, “Bɔwa mu sísí.”) Oyín ámu lóyɔfwí ansítú yínkí ɔbá wóyí á, ɔde ató wúun.

⁸ Mu aba pó ahá ání bɔtowun mu ɔde ató kólí befité bee, “Megyí oyin ánfí tetsíá kólí ató bré ámu ní?”

⁹ Amótó aku bee, “Mu ní!” Aku é bee, “O-o, lían ɔlehan mu.”

Inu oyin ámu onutó léblí ɔbéé, “Mí ní.”

¹⁰ Befité mu bee, “Nkálí ilóbwɛ asa fɔde ató wúun ngya?”

11 Ɔlele mú ɔnɔ ɔbée, “Oyin ámú ɔtɛtí mu Yesu amu lɔbwe ɔdiba tan mí ansibisu. Mú ɔlebláa mi ɔbée, nnátí yɔfwɔ ansító Siloam paatɔ. Nɔyɔfwɔ, mú nde ató wúun a.”

12 Befíté mu beɛ, “Nkónó ɔbu?” Mú ɔlele mú ɔnɔ ɔbée, “Ohwée.”

Farisifo Ansibi Obwiepó Amu Asón Fité

13 Inu beɔpa oyin ámú ɛki ogyi ansibi obwiepó amu yáa Farisifo wá. 14 Ɛke ámú Yesu lɔbwe ɔdiba pɔbwíi mu ansibi amu igyi ɔkpónó ɔdaké. 15 Mú su Farisifo ámu belafíté oyin ámu alíá ɔbwe asa ɔde ató wúun. Ɔlebláa amú ɔbée, “Ɔdiba ɔlɔpotan mí ansibisu, nɔyɔfwɔ ansító. Mú nde ató wúun ngya a.”

16 Farisifo ámu aku beblí beɛ, “Megyí Bulu ɔha oyin ámú ɔlobwíi mu ansibi amu gyí, tsúfé ɔtamagyi ɔkpónó ɔdaké mbla ámu su.”

Táme aku é befíté beɛ, “Nkálí lakpan ɔbweɔpó ɔbétalí bwé osúna anfi odu? Asón anfi su bumetrá bwe kule.”

17 Mú su belafíté oyin ámu beɛ, “Fɛɛ mɔlɔbwíi fú ansibi. Amansu fɔbu blí tsú mu iwɔ?”

Oyin ámu léle mú ɔnɔ ɔbée, “Bulu ɔnɔsú ɔtɔpó ogyi.”

18 Yudafɔ ahande amu bumohogyi ání lélé, ɔɔkwíi mu ansibi obwiepó asa séi ɔde ató wúun, kpéfɔn bréá beti mu akwíró ba. 19 Befíté amú beɛ, “Mli bí ámú mliáa, mu ansibi lobwie asa mlilókwíi mu amu ni? Nkálí ɔbwe asa ɔde ató wúun ngya?”

20 Mu akwíró amu bele mú ɔnɔ beɛ, “Aniyin ání aní bí ní. Aniyin ání anilókwíi mu ansibi obwiepó. 21 Táme alíá ɔbwe asa ɔde ató wúun pú ɔhá ání ɔlobwíi mu ansibi mú á, animéyín. Kókoli mli, mlifite mu onutó. Megyí kebi ogyi, aladan. Ɔbétalí lé mú ɔnɔ.” 22 Mu akwíró amu buɔde Yudafɔ ahande amu ifú nya. Mú su beblí alí ní. Tsúfé ahande amu bablí tswi beɛ, ɔhagyí ɔha ání ɔbéblí ɔbée, Yesu gyí Kristo, (ɔhá ámú Bulu ladá mu ofúli amu) a, bégya mu lé Yudafɔ ofiakpa inu. 23 Mú su mu akwíró amu beɛ, “Megyí kebi ogyi, aladan, mlifite mu onutó!” ní.

24 Belatí oyin ámú ɔɔkwíi mu ansibi obwiepó amu otse nyɔɔsi, bláa mu beɛ, “Ka ntam Bulu ansító ání féblí ɔnɔkwali. Aniyin ání lakpan ɔbweɔpó oyin ámú ɔlobwíi fú ansibi amu gyí.”

25 Mú oyin ámu léle mú ɔnɔ ɔbée, “Ní lakpan ɔbweɔpó ogyi o, yilé ɔbweɔpó ogyi o, mí mú mmeyín. Toku kule pé nyin. Múgyí, ɛki bré ámu ntamawun ató, táme séi mú ndewúun.”

26 Mú befíté mu beɛ, “Nkálí ɔbwe fú? Nkálí ɔlobwíi fú ansibi amu?”

27 Mú ɔlele mú ɔnɔ ɔbée, “Nabláa mli dodoodo, táme mlumónu. Ntogyi só ntráa bla mli? Mli é mlidékléá mlɔbwe mu akasíró lóó?”

28 Besia mu, bláa mu beɛ, “Fúgyí mu ɔkasíró. Aní náin Mose akasíró aní mú anigyí. 29 Aniyin ání Bulu lótoí bláa Mose asón, táme animéyín ɔtínéá oyin anfi mú otsú.”

30 Oyin ámu lébláa amú ɔbée, “Ngya nto asón ní? Mliméyín ɔtínéá otsú, táme mɔlɔbwíi mí ansibi ni o. 31 Aní féé aniyin ání Bulu tamanú lakpan abweɔpó isu. Ɔhá ání otobú mú, otegyi mu mblassu isu otonú. 32 Tsú bréá Bulu lɔbwe ɔyí ɔpá á, ɔhaa mókónú ání ɔku labwíi ɔhá ání ɔɔkwíi mu ansibi obwiepó ansibi ki. 33 Ní megyí Bulu ɔha oyin anfi gyí á, ɛki ɔmétalí bwé tɔtɔɔɔ.”

34 Ahande amu bele mú ɔnɔ beɛ, “Fú anfi fúgyi lakpan ɔbweɔpó tsú bréá ɔɔkwíi fú anfi dékléá fósuná aní asón?” Inu beɔpa mu lé ofiakpa inu.

Ɔhétó Ansibi Bwie

35 Yesu lónu ání bagya oyin ámu lé ofiakpa inu. Mú sv bréá olowun mu a, ɔɛfité mu ɔbéε, “Fɔhɔ Nyankpɔsa-Mu-Bi ámu gyi?”

36 Oyin ámu lébláa mu ɔbéε, “Owíé, suna mí ɔhá ání ogyi, mí anho mu gyi!”

37 Yesu lébláa mu ɔbéε, “Fawun mu dodo. Mɔgyí ɔhá áni ɔde fú asón bláa séi áni á.”

38 Múó oyin ámu lébláa mu ɔbéε, “Mí Wíé, nahɔ fu gyi.” Inu olosúm Yesu.

39 Yesu lébli ɔbéε, “Asón ogyíkpa neba ɔyi ánfito, ménu ahá ání bɔmɛdé ató wúun bówun ató. Ahá ání bɔdewúun é ansibi ibwie.”

40 Farisifo akwá bubu Yesu wá inu bonu asón áni. Múó befité mu beε, “Mú sv fodebli féε anu é anigyí ansibi abwiepó?”

41 Yesu léle mú ɔnɔ ɔbéε, “Ní ansibi abwiepó mligyí á, teki Bulu mééha mli ipón. Táme íná mhaa mli dé ató wúun sv á, mli lakpan lasin mli sv.”

10

Akúfa Ɔkpapó Mva Mu Akúfa

1 Yesu lébli ɔbéε, “Ɔnɔkwali nde mli bláa. Ɔhá áni ɔdó tson akúfa ibansu wíé mótó, ɔmɔtsun ɔkpa ɔnɔ á, owikpɔlu pú ogyo otswapó ogyi. 2 Tsúfé iban ɔnɔ akúfa ɔkpapó tɔtsun wie mótó. 3 Iban ámusu ɔkɔpu tefinkí mú há akúfa ɔkpapó ámu tebitíwíé. Ɔtɔpó akúfa amu dá tí amó, bɔtonú mu ɔme, ɔtekpá amó dáli. 4 Ní ɔkpá akúfa amu féé dáli a, otegya amú nkpa, bɔtobuo mu, tsúfé buyin mu ɔme. 5 Bɔtamabuo ɔfó. Srí bɔtesrí sí mu, tsúfé bɔmeyin mu ɔme.”

6 Yesu léha amó yébi anfi, táme bɔmonu mú asi.

Akúfa Ɔkpapó Wankláán Amu

7 Yesu létrá bláa amó ɔbéε, “Ɔnɔkwali nde mli bláa. Mígyí akúfa iban ámu ɔnɔ ní. 8 Awikpɔlu pú ogyo atswapó ahá áni begyankpá ba féé bugyi. Akúfa amu bɔmɛbi amó ɔme. 9 Mígyí akúfa iban ámu ɔnɔ ní. Ní ɔku ɔtsun mitó wíé dáli a, tɔtɔ mɔɔbwe mú. Obéyénia ató gyí mwe. 10 Owikpɔlu agywun gyí, ɔbá bowi, ɔmɔ, oyinta ató. Mí mú neba, ménu ahá bénya nkpa áni ilofo.

11 “Mígyí akúfa ɔkpapó wankláán ámu ni. Akúfa ɔkpapó wankláán tɔtsúlá hólí mu nkpa há mu akúfa. 12 Táme akúfa ɔkpapó áni ɔde ipa gyí, megyí mu onutó bó akúfa amu tesrí ní owun ɔkpataku ɔbá bekitá amó. Ɔkpataku ámu tekítá akúfa amoto ɔku, atráhe bɔtedásáin. 13 Oyin ámu tesrí, tsúfé ipa keke odegýí. Akúfa amu nkpa tamahían mu. 14 Mígyí akúfa ɔkpapó wankláán ámu ni. Nyin mí akúfa, mí akúfa é buyin mi, 15 fé alá mí Sí ámu yin mi á, alí mí é nyin mu ni. Ntɔhólí mí nkpa há mí akúfa. 16 Mbu akúfa bámbá aku é. Bɔma akúfa iban ánfito. Ilehían áni nékpa amó é ba. Amó é bónu mí ɔme. Amó féé bóbwε akúfa iku kole pú ɔkpapó ɔkole.

17 “Inu só mí Sí tekle mi asón ní. Tsúfé natsúlá áni nɔhólí mí nkpa há ahá, ménu nɛlanyá mú. 18 Ɔhaa méetalí swíí mí. Mí onutó latsúlá áni nɔhólí mú. Mbu ɔkpa hólí mí nkpa, mbu ɔkpa lánýá mú é. Inu mí Sí lébláa mi ɔbéε mbwée ní.”

19 Mu asun blíhé anfi sv Yudafo ahande amu bɔmetrá bwe kole. 20 Amótó aku bebli beε, “Ɔhe laláhe bu mutó. Mu nwun ideyintá. Ɔhaa mátrá nu mu asun blíhé.”

21 Aku é beε, “Ɔhá áni ɔhe laláhe bu mutó méetalí blí asón áni odu. Ɔhe laláhe ɔbétalí bwíí ansibi obwiepó ansibi?”

Yesu Kind

22 Ekeá bwtápókáin Bulu ótswékpá gyvrásu Yerusalem lófun. Alí bré ámu igyi lilitó. 23 Yesu lóyo odeki Bulu ótswékpato ótinekuá botetí unu “Salomo Abrándáásó.” 24 Yudafó ahande amu akú befa bomlí mu. Befité mu bee, “Ómenke kéní asa fébláa aní ònòkwalí amu? Ní fógýí Kristo, (ohá amóú Bulu ladá mu ofúli amu) a, wuna le mó tii aní.”

25 Yesu lébláa amó òbéé, “Nébláa mlí bòtsun, táme mlimédéhogyi. Ofúla amóú ndebwe mí Sí dátó ámu dé mí iwí adánsíe gyí. 26 Táme mlimédéhogyi, tsúfé mlimá mí akúfató. 27 Mí akúfa bwtónú mí òme. Nyin amó, bwtobuo mu. 28 Ntehá amó nkpa aní itamatá. Bwmóowu ekekeeke. Óhaa méetalí swíí mí amó. 29 Mí Sí amóú òlòpò amó há mí ámu òun tógýító. Óhaa méetalí swíí amó lé mí Sí íbitó. 30 Mía mí Sí angyí kole.”

31 Inu á, Yudafó ahande amu betrá kulá abwi bee abwtswí da Yesu mō. 32 Táme Yesu léfité amó òbéé, “Nabwé ofúla tsòtsòtsòá itsu mí Sí wá súná mlí. Mótó mòmò sò mli dékléá mléda mí abwi?”

33 Bebláa mu bee, “Megyí ofúla aní fabwé kòkòkò sò aníaa abéda fú abwi. Alí amóú fablí abususo pókósó líí Bulusu ámu sò. Nyankpòsa fógýi, táme fee Bulu fógýi.”

34 Yesu léfité amó òbéé, “Bwmòwanlín wá mlí Mbla òwóló ámutó bee, Bulu òbéé, ‘Mlgyí fé Bulu?’ 35 Aniyin aní ònòkwalí Bulu asón igyi. Mó sò ní Bulu létí ahá amóú òlòpò mu asón há ámu òbéé, bugyí fé mu a, ntogyi sò mli dé òbló nya? 36 Mí mó á, mí Sí léle mí yáí, ngyi mu kle, òlwa mí sísí òyí ánfíto. Ntogyi sò mli déblí mli aa nablí mbéé, ‘Bulu mu Bi ngyi’ sò nablí abususo pókósó líí mòmò? 37 Ní megyí mí Sí agyómá ndebwe mó á, mlimáhò mi gyi. 38 Táme ní mí Sí agyómá ndebwe, asa mlimáhò mi gyi kóráá á, mómú mli hò ofúla amóú ndebwe ámu mó gyi, amlíbi aní Mí Sí ámu bu mitó, mí é mbu mutó.”

39 Betrá bwe aní békitá mu, táme òledalí amó íbi, náti sí amó.

40 Yesu léyinkí fá Yordan òbún ba ótíné amóú Yohane létsiá bó ahá asú ámu, olesi tsiá unu. 41 Ahá tsòtsòtsò beba mu wá, bude aba bláa bee, “Yohane móbwe osúna kòkòkò, táme asón aní Yohane léblí tsú oyin ánfí iwí féé laba mótó pépéépé.” 42 Ahá tsòtsòtsò bòhò mu gyi unu.

11

Lasaro Lowu

1 Oyin òkuá botetí mu Lasaro mva mu apio tshé Maria pò Marta betsiá Betania wúlutó. Oyin ámu lóló. 2 Maria anfi létsei mu ofobí fánfáánfán wólí aní Wíe Yesu ayabisò, pò mu imi tsítsi mó ní. Mu pio yínhé gyí Lasaro anfi òda òdelò á.* 3 Mó sò mu apio tshé ánfí bòwa abí sísí Yesu bee, “Owíé, fú òdwepó délò.”

4 Yesu lónu asón ámu a, òleblí òbéé, “Megyí òlò ánfí òbómò mu, mbouin íbéle Bulu numnyam òwan. Íbòwa mí Bulu mu Bi ánfí é numnyam.”

5 Yesu tekle Marta mva Maria pò Lasaro féé asón. 6 Táme bréá olonu aní Lasaro délò á, òletrá sí tsiá ótínéá òbu nkenyó kéké. 7 Mó òma a, òlebláa mu akasípó òbéé, “Mliha ayinkí yo Yudea.”

8 Mu akasípó amu befité mu bee, “Osunápó, nwén nfi Yudafó ahande bakle abòda fú abwi mō. Mó fee fétrá yinkí yó unu?”

9 Yesu lópo yébi lé mó ònò òbéé, “Megyí ònhwírí dúanyò bu ekewólétò? Ní óha ná òyí kehetó á, ótamasúti, tsúfé nsaintó lówankí, sò odewúun. 10 Táme ní òku ná òklúntó á, otosúti, tsúfé òmedé ató wúun.” 11 Asón ánfí òma a, òletrá blí òbéé, “Aní nyáwíe Lasaro ladídu, táme òyó anyetsinkí mu.”

* 11:2 Imí kén bu 12:1-8to.

12 Akasípó amu bebláa mu beε, “Ani Wíe, ní ɔdedidi mú á, iwí b́owa mu ɔnlun!”

13 Lasaro lowu iwí asón Yesu déblí, táme akasípó amu mó buki beε mu didi keke iwí asón ɔdeblí. 14 Inu Yesu lówunáa kpa mó opulu ɔbéε, “Lasaro lawú. 15 Mli sv ilawá mí ansigyí ání mma unu asa olowu, ménu mlóhɔ mu gyi. Mliba ayeki mu.”

16 Inu Toma ání ogyi Tabí† lébláa mu aba ámu ɔbéε, “Mliha ania munyɔ féé ayɔ, ménu ní lowu igyi kóráá á, ania munyɔ awu!”

Ọhá Aní Ọtókósúa Ahá Tsú Afúlitɔ, Há Amó Nkpa

17 Yesu lówie Betania wúluto á, bebláa mu beε bopulá Lasaro ilagyi nkená. 18 Tsú Betania ya Yerusalem mafon máili anyɔ. 19 Mú sv Yudafɔ tsɔtsɔtsɔ beba Maria mva Marta gyɔwí ɔhakpá, amú pío lowu sv.

20 Benya bláa Marta ání Yesu ɔbá alí, ɔɔkɔsú yéfia mu ɔkpa. Maria mó lésin wóyító. 21 Múú Marta lébláa Yesu ɔbéε, “Mí Wíe, teki ní fubv nfi á, teki mí pío mówu sí mí. 22 Táme séi kóráá nyin ání tógyítáá f́kólí Bulu á, ɔbéha f́ú.”

23 Yesu lébláa mu ɔbéε, “Fú pío ámu ɔbélakósú.”

24 Marta lébláa mu ɔbéε, “Nyin ání ɔbókɔsú eke tráhe amúú afúli bókɔsú ámu.”

25 Yesu lébláa mu ɔbéε, “Mígyí ɔhá ání ntókósúa ahá tsú afúlitɔ, há amó nkpa. Ọhá ání ɔlɔhɔ mu gyi owú kóráá á, ɔbétrá tsiá nkpa. 26 Ọhá ání otsie nkpa, ɔlɔhɔ mu gyi é móowu ekekekeke. Fahɔ mósó gyi?”

27 Marta lótsulá mósó ɔbéε, “Ee! Mí Wíe, nahogyi ání f́ogyí Kristo, (ɔhá ámuú Bulu ladá mu ofúli), Bulu mu Bi ámuú beε ɔbéba ɔyító ámu ni.”

Yesu Lósú

28 Bréá Marta léblí alí tá á, oleyinkí ba wóyító beti Maria ya itsétó, bláa mu ɔbéε, “Osunápó laba, ɔde f́ú ti.” 29 Maria lénya nú mú alí, ɔɔkɔsú ý Yesu wá. 30 (Alí bré ámuú á, Yesu mókónyá wíe wúluto. Ọlí ɔtíné ámuú Marta lóyító mu amu.) 31 Bréá ahá ámuú butsie Maria wá wóyító, bude mu klɔn yíá ámu bowun ání alakósú ɔtsáwule pé ɔy á, bókɔsú buo mu. Buki beε ɔy ɔpulákpá unu yósu.

32 Bréá Maria lówie Yesu wá á, ɔleda akpawunu, bláa Yesu ɔbéε, “Mí Wíe, ní fubv nfi á, teki mí pío mówu sí mí!”

33 Bréá Yesu lówun ání Maria mva ahá ámuú bubuo mu amu féé budesú a, ilehie han mu. Mú sv mu ansí lepe. 34 Ọlefíté amú ɔbéε, “Nkónú mlulópulá mu.”

Inu bebláa mu beε, “Ani Wíe, beki.”

35 Inu Yesu lósú. 36 Mú sv Yudafɔ ámu beblí beε, “Kí alíá ɔtehié dwé Lasaro!”

37 Táme amótó ako beblí beε, “Megyí oyin ánfí lóbwií ansibi obwiepó ámu ansibi ni. Ntogyi só ɔmetalí kítá Lasaro yáí, alawú?”

Lasaro Kósúa

38 Yesu ansí létrá pé, ɔlenatí yó opulákpá unu. Ibwi alato bopulá mu, bemináa ibwi tin mó ɔnó. 39 Inu ɔlebláa amú ɔbéε, “Mlímína ibwi ámu lé ɔb́ó ámu ɔnó.”

Táme owupó ámu mu pio tsíhé Marta lébláa mu ɔbéε, “Mí Wíe, nde aná mó á, alayintá. Nde eke náási ɔpá bopulá mu.”

40 Yesu lébláa mu ɔbéε, “Mmebláa fu mbée ní fohogyi a, fówun alíá Bulu iwí bu ifú?” 41 Inu bemináa ibwi ámu lé ɔb́ó ámu ɔnó. Yesu lótsu ansí f́óá kí

† 11:16 Didimus móa Toma así gyí Tabí Griiki móa Hebri ɔblitɔ.

osósú, bílì òbée, “Mí Sí, neda fú ipán ání fanú mí òme. ⁴² Nyin ání fotonú mí mpáí ekekegyíeke. Táme ahá ánfí bulí nfi ánfí sù nablì alí, ménì bóhogyi ání fólówa mí.” ⁴³ Bréá òlòbò mpáí ánfí tá á, òlòkplón bílì òbée, “Lasaro, dali ba!” ⁴⁴ Lasaro lédali a, tati klì m̀v̀ ibi p̀v̀ m̀v̀ ayabi. Dúku é klì m̀v̀ ansítò. Yesu lébláa amó òbée, “M̀s̀s̀anki m̀v̀ ònatì.”

Bekiklì Yesu Nwunsv

⁴⁵ Yudafò amóú bobuo Maria ba inu ámu bowun tóá Yesu labwé. Mú sv amó tsòtsòtsò bòhò m̀v̀ gyì. ⁴⁶ Táme amótò akò b̀ỳỳ yébláa Farisifò ámu tóá Yesu labwé. ⁴⁷ Inu Bulu igyi ahapó dehen p̀v̀ Farisifò ámu beti aba asún agyípó fia. Múú befítè aba b̀èè, “Nkálì abóbwe? Lélé mú á, oyin ánfí dé osúna tsòtsòtsò bwe. ⁴⁸ Ní anuméka m̀v̀ itin á, òhagyíòha òbòhò m̀v̀ gyì. Ibéha Romafò b̀èbà bobwie anì Bulu òtswékpa amv, yíntá anì òmá!”

⁴⁹ Táme amótò òkuleá botetì m̀v̀ Kaiafa, ogyi Bulu igyi ahapó dehen ofi ámutò lébláa amó òbée, “M̀lì mú mluméyín òlala! ⁵⁰ M̀lì m̀òkòbì ání ibv aléá òbakòle obówu ahá f̀èé̀ nwunsv, òv̀n ání òmá ámutò ahá f̀èé̀ b̀é̀hì?” ⁵¹ Megyí Kaiafa onutò agywun òlòp̀v̀bí asún ánfí. Táme iná ofi ámutò mugyí Bulu igyi ahapó dehen sv á, igyi asún ání òleblì tswì ání ilehián ání Yesu obówu há Yudafò òmá. ⁵² Megyí b̀èè òmá ámu nkule pé sv obówu, mboun alíá òbékpa Bulu ahá ání badásáin f̀èé̀ b̀owa abato, b̀óbwe òkule sv.

⁵³ Tsú eke ámu b̀owa agywun bwe ání bómò Yesu bí. ⁵⁴ Inì sv Yesu métrá tsíá lé iwì òwan Yudafò. Mboun òlenatí yó wúlu kvá botetì mú Efraim, ání ibv òimbísú. M̀v̀ m̀v̀ akasípò amv betsiá inu.

⁵⁵ Bré ámutò á, Yudafò nkeá b̀p̀v̀gyi Israelfòsv Katsun Nke ámu lawié wóyí tá. Ahá tsòtsòtsò bòtsu awúlusò dó yó Yerusalem ání b̀ỳỳgyoráa iwì asa nke ámu ifun. ⁵⁶ Bréá b̀ỳỳ Bulu òtswékpa wunsinésú inu á, bodunká ání b̀owun Yesu. Mú sv befítè aba b̀èè, “Nkálì ml̀d̀ékì? M̀lìlahogyi m̀lìaa, òb̀èbà nke ánfítò lóó?” ⁵⁷ Táme bré ámutò á, Bulu igyi ahapó dehen p̀v̀ Farisifò ámu babláa ahá b̀èè, ní òkò owun òtínéá Yesu b̀v̀ a, òhá amó ibi, ménì b̀eyékitá m̀v̀.

12

Ofobí Fánfáanfán P̀v̀wólì Yesu
(Mateo 26:6-13; Marko 14:3-9)

¹ Ilesì nkensíé abugyi Israelfòsv Katsun Nke a, Yesu lóyò Lasaro amóú òlòkúsòa tsu afúlitò ámu wúlutò Betania. ² Mú ntópwesv bòtswì òp̀v̀nó há m̀v̀. Marta léye atogyihè òp̀v̀nó ámu asi. Lasaro m̀v̀ ahá amóú beti ámu b̀owa ibi gyì ató Yesu wá. ³ Inu Maria l̀p̀v̀v̀ ofobí fánfáanfán ání ibv ibiá p̀r̀ènt̀v̀a yílè òbò betséí wólì Yesu ayabisv, òlòp̀v̀ m̀v̀ nwunsv-imi tsítsi mú. Ofobí ámu òfan l̀hò wóyí ámutò f̀èé̀.* ⁴ Táme Yuda Iskariot, ogyi Yesu akasípú amutò òkule, òb̀èle Yesu há ámu mú léblì òbée, ⁵ “Ofobí ánfí b̀v̀ bíá. Ntogyi sù b̀umefè mú, p̀v̀ kòba amv há ahiánfò? Mú bíá b̀óbwe òbakòle ofi òkule akatua.” ⁶ Megyí ahiánfò nwewúun sv Yuda dé asún ánfí bí. Owikplu ógyi sv. M̀v̀ wá sika okentebì b̀v̀, otetsiá wí kv lé mútò.

⁷ Yesu léblì òbée, “M̀lìsì m̀v̀ òp̀v̀v̀ ofobí ánfí wólì mí ha mí opuláké. ⁸ Ahiánfò mú b̀etsiá m̀lì wá ekekegyíeke, támè mí mú nméetsiá m̀lì wá yó.”

Bekiklì Lasaro Nwunsv

* **12:3** Oyi kvá botetì Naadi nlin butòp̀v̀wé ofobí ámu.

⁹ Yudafə tsətsətsə bonu ání Yesu laba Betania. Mú sɔ begya əkpə yó mu əkíkpa. Megyí mu nkɔlɛ sɔ bəyó ɪnu. Bɛyékɪ Lasaro amóú Yesu lókɔsúa tsu afúlító ámu é. ¹⁰ Mú sɔ Bulu igyí ahapó dɛhɛn amu bəbwe agywun bɛɛ bómɔ Lasaro é. ¹¹ Tsúfɛ mu kɔsúa tsu afúlító sɔ Yudafə tsətsətsə bɔdɛ əma yinkí bəhə Yesu gyi.

Bəhə Yesu Fɛ Owie Yerusalem

(Mateo 21:1-11; Marko 11:1-11; Luka 19:28-40)

¹² Ɔyi kehɛ a, ədɔm amóú baba nkɛ ogyíkpa amu bonu ání Yesu əbá Yerusalem. ¹³ Mú sɔ bɛka mbláa, bəpu əkpə bɛyɛfia mu. Bɔdɛ okitikíti bɛɛ, “Hosiána! Bulu oyúla əhá ənfi əna anɪ Wie Bulu dátó əbá ənfi! Bulu oyúla Israel Owie amu!”

¹⁴ Yesu lénya afrímú əku, əlɔdu bian mɔsɔ, fɛ alíá bəwanlín wá Bulu asóntó bɛɛ,

¹⁵ “Sionfə, mlumánya ifú!

Mlɪ Wie dín afrímú ibísó əbá á!”

¹⁶ Yesu akasípó amu buməkasi nú asón ənfi asɪ. Táme bréá Bulu lókɔsúa Yesu tsú afúlító, wá mu numnyam əma a, bɛkaín ání bəwanlín asón ənfi tsú mu ɪwɪ. Mú bəbwe há mu a.

¹⁷ Aha ání bobuo Yesu bréá əlɛɪ Lasaro fúli-əbótó, kósúa mu tsú afúlító bəyó mósó dá asón ənfi əkan. ¹⁸ ɪnu sɔ ədɔm amu bɛyɛfia mu ni. Bonu ání alabwé osúna ənfi. ¹⁹ Farisifə amu bebláa aba bɛɛ, “Mlɪlawun ání anɪlabwé kásián. Mlɪkɪ, ahá fɛɛ bayó bɔbɔo mu o!”

Griikifə Akɔ Bodunká Yesu

²⁰ Griikifə akɔ bɔbɔ ahá amóú bɛba Bulu osúmkpá Yerusalem Israelfəsu Katsɔn Nkɛ ámɔtɔ. ²¹ Bəyɔ Filipino ání otsu Betsaida ání ɪbu Galilea əmátó wá yɛbláa mu bɛɛ, “Owíé, anidékłéá abówun Yesu.”

²² Filipino lébláa Andrea, mva mɔnyɔ bɛyɛbláa Yesu. ²³ Yesu lébláa amú əbɛɛ, “Bré lafun ání bəwa Nyankpɔsa-Mu-Bi ámu numnyam. ²⁴ Ɔnɔkwali ndɛ mlɪ bláa. Ní kpolibí məkówíé əbótó, ɪkwɛ, pló á, kpoli ibi-kɔlɛ amu kén igyi. Táme ní ɪkwɛ, pló á, ɪtəbwé abí tsətsətsə. ²⁵ Ní əku tɔdwé mu nkpa əyí ənfítɔ á, əbóhɔlú mú. Ní əku é tamadwé mu nkpa á, obénya nkpa ání ɪtamátá. ²⁶ Ní mlítɔ əku əbɛɛ mósúm mí á, ilehián ání obóbɔo mi, mɛnɪ obétsiá ətínéá mbɔ. Ní əku dé mí sum á, mí Sí əbówa mu numnyam.”

Yesu Lowu ɪwɪ Asón Blí

²⁷ Yesu lóyɔ mósó əbɛɛ, “Séi á, asón dé mí klɔn háan! Amansɔ néblí? Blí nteblí mbɛɛ, Mí Sí, ɛ mí tsu asɔn wunhɛ ənfítɔ lóó? O-o, mú sɔ nɛba ni. ²⁸ Mí Sí, wa fú ɪwɪ numnyam!”

ɪnu á, əmɛ əku lótsu əsós ba əbɛɛ, “Nawá mí ɪwɪ numnyam dodo. Nétrá wa mú.”

²⁹ Bréá ədɔm amóú bulí ɪnu ámu bonu əmɛ amu a, beblí bɛɛ “Ɔpráda lapótí.” Akɔ é bɛɛ, “Bulu-əbɔpu lábláa mu asón!”

³⁰ ɪnu Yesu lébláa amú əbɛɛ, “Mlɪ sɔ əmɛ ənfi lalun, megyí mí. ³¹ Bréá Bulu obégyi əyítáfo asón ní. Bréá Bulu əbékplí Ɔbɔnsám, əyísú ogyípó amu obíású ní. ³² Táme mí mó á, ní bɛdá mí mántá oyikpalihɛsɔ, tsú mó líí á, nékpə ahá fɛɛ ba mí ɪwɪ wá.” ³³ (Yesu léblí asón ənfi pòsúná lowu oduá mówu.)

³⁴ ɪnu ədɔm amu bɛfité mu bɛɛ, “Anɪ mú anɪlónu tsú anɪ Mbla əwɔlú ámɔtɔ ání Kristo, (əhá amóú Bulu ladá mu ofúli amu) obétsiá bré fɛɛ. Mú ntogyi sɔ fódɛblí fɛɛ, ilehián ání bɛdá Nyankpɔsa-Mu-Bi ámu mántá oyísú, tsú mó líí? Ma gyí Nyankpɔsa-Mu-Bi ámu?”

³⁵ Yesu lébláa amú òbée, “Bré kpalobí kv pé ɔlasí ání Wanki amv òbétrá tsiá mli wá. Iníá Wanki amv trá òbv mli wá á, mlinatí wanki amvto, méní owí méeta wá mli. Tsúfè òhá ání òna oklúntò tamabí òtunéá òyó. ³⁶ Bré ánfí wanki† amv trá òbv mli wá á, mliho mvo gyi, méní mlóbwe wanki amv abí.”

Yudafò Yesu Mahogyi

Bréá Yesu lébláa amú ason anfi tá á, òlenatí yérjaín. ³⁷ Iníá òlbwe osúna tsòtsòòtsò amú ansító ó á, bvmòho mvo gyi. ³⁸ Iní léha Bulu ònósú òtòipú Yesaia asón ámú òleblí tswi dodo amv léba mótó. Òbée, “Aní Wíe, ma láho asón ámú ònuléblí ámvsu gyi?”

Ma aní Wíe lalé mvo túmi súná?”

³⁹ Mú sv bvmetáí ho Yesu gyi, tsúfè Yesaia létrá blí òbée,

⁴⁰ “Aní Wíe Bulu lahá bvmédéwúun,

bómedé asón nu,

Mú sv bvmóowun ató,

bvmóonu asón, méní bédamlí ba mí wá,

nétsa amú ɔ.”

⁴¹ Yesaia lówun Yesu numnyam. Mú sv òleblí asón ánfí tsú mvo ɔwí ní.

⁴² Mú ó á, Yudafò ahande amv tsòtsòòtsò bəho mvo gyi, táme bvméle amú hógyi òwan. Tsúfè benya ifú ání Farisifò ámvo bébi amú, gya amú lé amú ofiakpa. ⁴³ Tsúfè bvtokle bee ahá bokánfv amú òvn ání Bulu òbékanfú amú.

Yesu Asón Bulu Òbòpvgyi Ahá Asón

⁴⁴ Yesu lókplon blí òbée, “Megyí mí nkole òhagyíoha ání òlho mvo gyi déhógyi. Òhá ámú òlwa mí sísí ámvo é. ⁴⁵ Òhagyíoha ání òde mí wúun dé òhá ámú òlwa mí sísí ámvo é wúun. ⁴⁶ Naba òyí ánfíto fè wanki, fèki òsolóv anfvsv ɔwanki, méní òhagyíoha ání òlho mvo gyi méésin oklúntò. ⁴⁷ Ní òkv onú mí asón, táme omegyí mósú á, megyí mí òbèha mvo ipón. Tsúfè mmèba asón ogyíkpa. Ahá nkpa òhókpa neba. ⁴⁸ Òha ání okíná mí, òmòho mí asón é bv asón ání bòpvhá mvo ipón. Mí ason blíhé amv òbèha mvo ipón eke tráhe amv. ⁴⁹ Tsúfè megyí mí onutó túmi nòpvtóí. Mí Sí lówa mí sísí. Mvléha mí asón ání mblí, pò alíá mblí mú. ⁵⁰ Nyin ání mvo asón ámvo itehá nkpa ání itamatá. Mú sv asón ání òtòwá mí blí kóún nteblí.”

13

Akasípú Amv Ayabiasí Fwí

¹ Asa béfi Israelfòsv Katsòn Nke ámvo gyí así á, Yesu lébi ání mvo bré lafòn ání médalí òyí ánfíto yó mvo Sí wá. Òlòdwe ahá ámú òbugyi mvo kle òsolósv nfi ámvo alu yófvn mvo owuké.

² Mva mvo akasípú amv befia ntópwe ató ogyíkpa. Alí bré ámvo á, òbònsám lawúna wie Simon Iskariot mvo bi Yuda klvntò ání òyéle Yesu ha.

³ Yesu yin ání mvo Sí lópv tógyító wá mvo ɔbitò. Oyin ání Bulu wá motsu ba, mvo wá méyinkí yó ní. ⁴ Mú sv òlele ɔbi òlepe ámvo, òlòkvsú wóí mvo atade tswi, tsú òsan sába. ⁵ Òletsei ntsu wá onuwétó, òlefi así òde mvo akasípú amv ayabiasí fwí. Òfwí òmáýín a, alapú mvo osiétó òsan ámvo tsítsi mvo ayabiasí.

⁶ Bréá ɔlòv Simon Petro a, òlefíté Yesu òbée, “Mí Wíé, fú òbòfwí mí ayabiasí?”

⁷ Yesu léle mú ònò òbée, “Fvmóonu tó ánfí ndebwe ánfí así séí. Òma asa fóbonu mú así.”

⁸ Múv Petro lébláa mvo òbée, “O-o! Mméési, afvfwí mí ayabiasí ekekekeke.”

Yesu lébláa mvo òbée, “Ní mmòfwí fú ayabiasí á, fvméenyá ogyíkpa mí wá.”

† 12:36 Yesu gyí Wanki amv.

⁹ Simon Petro lébláa mu obée, “Mí Wíé, megyí mí ayabi nkole. Wuna fwi mí ibi pó mí nwuntó é.”

¹⁰ Yesu lébláa mu obée, “Ọhá ání alabie ntsu métrá hián nsubíe. Mboun mu ayabiasí fwi pé, tsúfẹ alaln dodo. Mli iwí lalin, táme megyí mli fẹé.”

¹¹ (Yesu lébláa mu alí, tsúfẹ oyin ọhá ání obéle mu há. Mú su ọleblí obée, “Megyí mli fẹé lálun” ni.)

¹² Bréá ọlufwi amú ayabiasí tá á, ọlẹlatsú mu atadié wá, yínkí yétsiá ọpónú ámu así. Mú ọlẹfité amú obée, “Mlilanú itó ánfí nabwé há mli ánfí así?

¹³ Mliletí mí ‘Osunápó,’ mliletí mí ‘Owíé.’ Mú ọkpa ní, tsúfẹ mó ngyi ní. ¹⁴ Ní mí ání ngyi mli osunápó pó mli Wíe, nafwí mli ayabiasí á, mómú ilehián ání mli é mlófwí mli aba ayabiasí. ¹⁵ Nabwé súná mli, méní mlóbwé mú alí ámúú nabwé mú há mli ámu. ¹⁶ Ọnọkwali nde mli bláa. Osúmpú ọkọkọ módun mu wie. Alí kén sumbí ọyọpó módun ọhá ání ọlọwa mu ni. ¹⁷ Iná mlilabí ọnọkwali anfi á, Bulu obóyulá mli ní mlegyi mósú.

¹⁸ “Megyí mli fẹé iwí asón ndeblí. Tsúfẹ nyin ọhá ání nalé. Táme lehián ání Bulu asón ání ibéba mótó. Asón ámu obée, ‘Ọhá ámúú mía mnyo anidé ibi wa ọlẹpeto ámu lakúsó lí mí sú.’ ¹⁹ Nde mli bláa séi asa iba, méní ní ibá á, mlóhọ mí gyi ání mígyí ọhá ámúú mbée ngyi ámu ni. ²⁰ Ọnọkwali nde mli bláa. Ọhagyíọha ání ọlọhọ ọhá ání nọwa sumbí lahọ mí. Alí kén ọhagyíọha ání ọlọhọ mí lahọ mí Sí ámu ọlọwa mí sí sí ámu é ní.”

Yesu Lẹ Há

(Mateo 26:20-25; Marko 14:17-21; Luka 22:21-23)

²¹ Bréá Yesu léblí asón ánfí tá á, asón ihíe de mu háan mu kluntó. Mú su olowunáa kpa mó tati obée, “Ọnọkwali nde mli bláa, mlitọ ọkole obéle mí há.”

²² Akasípú amu bekpelé kí aba ansító, tsúfẹ bomeyín amótó ọmá ọde.

²³ Akasípú amutọ ọkoleá otsie mantáa Yesu, gyí ọmá Yesu tehíe dwé ní.

²⁴ Mú su Simon Petro lóbusu mu ansíbi obée, ọfite mu ọhá ání obéle mu há.

²⁵ Mú ọkasípú amu léyínkí kpísá Yesusu, fité mu obée, “Mí Wíé, ma obéle fú há?”

²⁶ Yesu lébláa mu obée, “Ọhá ámúú nébia bodobodo, pódá oputsútó há ámu gyí mu ni.” Inu olebia bodobodo pódá oputsútó há Yuda, ogyi Simon Iskariot mu bi. ²⁷ Olenya họ mó alí, Ọbunsám lówie motọ. Mú su Yesu lébláa mu obée, “Bwé tóá fudekléá fóbwe sasa!” ²⁸ Ahá ámúú butsie ọpónú ámu así ámutọ ọkọkọ mébi tóá sọá Yesu lébláa mu asón ánfí. ²⁹ Amótó akọ bukí bee, Yuda gyí amú sikasú ọkípú. Fíalí Yesu dé mu bláa obée, ọyóhọ atóá bọpugyi nke ámu, ntée ọpón tọku ya ahíánfọ.

³⁰ Yuda lénya họ bodobodo amu alí, ọlẹdalí. Owí latá alí bré ámu.

Mbla Pọpwe

³¹ Yuda lénya dáli obuto inu alí Yesu léblí obée, “Bréá Mí, Nyankpọsa-Mu-Bi ánfí numnyam bélin ọwan ní. Bulu ọbótsun misu lé mu numnyam ọwan. ³² Ní ọtsun misu lé mu numnyam ọwan á, alí kén ọbótsun mu iwísu lé mí numnyam ọwan ní. Ọbówa mí numnyam inu. ³³ Mí abí, mmétrá tsiá mli wá, wá ọpá. Mlódunká mí. Alí ámúú nebláa Yudafo ahande amu mbée, ‘Mlumétalí ba ọtínéá nọyó ámu’ a, alí kén nde mli bláa mli é ní. ³⁴ Mbla pọpwe ndewa há mli mbée, mlidwe aba. Alí ámúú nọdwe mli ámu a, alí kén mlípú ọdwe ámu dwe mli aba ní. ³⁵ Ní mlidé aba dwe á, ibósuná ahá fẹé ání mí akasípú mligyí.”

Petro Ọbáswú Ọbée Momeyín Yesu

(Mateo 26:31-35; Marko 14:27-31; Luka 22:31-34)

³⁶ Simon Petro léfité Yesu ɔbéɛ, “Mí Wíé, nkónu fɔyó?”

Yesu léle mú ɔnɔ ɔbéɛ, “Ɖtíné á mú ɔnɔyó á mú a, fóméetalí buo mí yó unu séí. Táme ɔma a, fóbobuo mí.”

³⁷ Petro léfité mú ɔbéɛ, “Mí Wíé, ntogyi sú mméetalí buo fu séí. Nówu fɔ su!”

³⁸ Yesu léfité mú ɔbéɛ, “Fówu mí su? Ɖnɔkwali nde fɔ bláa. Fɔswí pɔ ibi wá ogyá tse sa fee fumeýin mí asa bate ɔbéle ɔnɔ.”

14

Ɖsí Amu Wá Ɖkpa

¹ Yesu lébláa mú akasípó amu ɔbéɛ, “Opúni mátsii mí. Mliho Bulu gyi, amlího mí gyi. ² Otsiákpá tsɔtsɔtsɔ bu mí Sí wóyító. Ní otsiákpá ma unu á, teki mmébláa mí mbéɛ neyéla unu yái mí. ³ Ní nɔyó yéla otsiákpá amu yái mí tá á, néyinkí bá bekpa mí yáa mí iwí wá, méní mlétsiá ɔtínéá mbu. ⁴ Mliyin ɔkpa ání ida ya ɔtíné á mú ɔnɔyó.”

⁵ Inu Toma léfité mú ɔbéɛ, “Mí Wíé, anuméýin ɔtínéá fɔyó, nkáli abóbwe abébi ɔkpa á mú?”

⁶ Yesu léle mú ɔnɔ ɔbéɛ, “Mígyí ɔkpa á mú, ɔnɔkwali amu pɔ nkpa á mú. Ɖhaa méetalí yó mí Sí á mú wá, nkéti alatsɔn mú. ⁷ Ní mliyin mí lélé á, teki mlilabí mí Sí á mú é. Táme séí mú mlilawun mú, mlilabí mú é.”

⁸ Filipino lébláa mú ɔbéɛ, “Aní Wíé, suna aní fɔ Sí á mú. Mú kpán tso aní.”

⁹ Yesu léfité mú ɔbéɛ, “Filipo! Mbu mí wá dododo. Mú su fómakóbí mí? Ɖhagyíha ání alawun mí ki lawun mí Sí á mú. Ntogyi sú fúdeblí fee, nsúna mí Ɖsí á mú? ¹⁰ Fómohogyi ání mbu mí Sí á mútɔ, mú é ɔbu mítɔ? Asón ání nde mí bláa ání motsú mí onutó wá. Mbóun mí Sí á mú ɔbu mítɔ á mú dé mú agyómá ya. ¹¹ Ní nde mí bláa mbéɛ, mbu mí Sí á mútɔ, mú é ɔbu mítɔ á, mliho mí gyi. Ní mliwóho asón á músu gyi óó á, ofúla amú ɔndebwe á mú su mliho mí gyi. ¹² Ɖnɔkwali nde mí bláa. Ɖhagyíha ání ɔlho mí gyi a, ɔbóbwe itá ɔndebwe. Ɖbóbwe mú dun mí klé, tsúfé mí mú nɔyó mí Sí á mú wá. ¹³ Nóbwe tógyítá mlákolí mí idátó há mí, méní nówa mí Sí á mú numnyam. ¹⁴ Ní mlákolí tógyítá mí idátó á, nóbwe mú.”

Ɖhe Wankihé Amu Ibá

¹⁵ “Ní mlitɔdwé mí á, mlégyi mí mblasu. ¹⁶ Nókulí mí Sí, ɔbɔpu Ɖma Ɖlípó bambá sísí mí, ɔbéba betsiá mí wá bré féé. ¹⁷ Mogyí Ɖhe Wankihé. Mutósúná ɔnɔkwali ání ibu Bulutɔ. Ɖyítá ahá bóméetalí ho mú, tsúfé bómédé mú dunká. Bóméebi mú é, táme mí mú mliyin mú, tsúfé ɔbu mí wá, obétsiá mlitɔ.”

¹⁸ “Mméesi mí tswí fé awumbi. Néyinkí bá mí wá. ¹⁹ Ilasí kpalobí ɔyítá ahá bómétrá wun mí, táme mí mú mlówun mí. Iníá mbu nkpa su á, mí é mlétsiá nkpa. ²⁰ Ní eke á mú ifun a, mlébi ání mbu mí Sí á mútɔ. Mlí é mlihu mítɔ fé alí á mú mí é mbu mlitɔ á mú.”

²¹ “Ahá ání bude mí mblasu gyí a, amúgyí mí adwepó ní. Ɖhagyíha ání ɔtɔdwé mí á, mí Sí ɔbóbwe mú. Mí é nódwé mú, lé mí iwí ɔwan súná mú.”

²² Múó Yuda (megyí Yuda Iskariot) léfité mú ɔbéɛ, “Mí Wíé, ntogyi sú aní nkole pé féle iwí ɔwan súná, megyí ɔyítá ahá féé?”

²³ Yesu léle mú ɔnɔ ɔbéɛ, “Ní ɔku dé mí dwe á, ɔbóbwe dínká mí atosunáhésu. Mí Sí ɔbóbwe mú. Mía mí Sí á mú nyo abéba betsiá mú wá. ²⁴ Ɖhá ání ɔtamadwé mí ɔmóbwe dínká mí atosunáhésu. Asón ání ndeblí mlidénu ání motsú mí onutó wá. Mí Sí lówa mí, mú wá itsú.”

25 “Nde mli asón ánfí bláa, séi ánfí mbu mli wá. 26 Táme Oma Ọlúpó, ogyi Ọje Wankíhé amóú mí Sí ọ́bọ́wísí mí idátó ámu obósuná mli tógyító. Ọ́bẹ́kaín mli asúngyiasón aní nebláa mli.

27 “Iwilwii nde mli ha! Napó mí iwilwii há mli. Megyí mú amóú ọ́yítófo botehá ámu odu. Mlumáha opúni itsii mli. Ifú é mákítá mli. 28 Nabláa mli bọ́tsun mbée, ndenatí, táme néyinkí bá mli wá. Ní mli tódwé mí á, teki mlénya ansigyí aní nọ́yó mí Sí wá, tsúfẹ́ ọ́dun mu. 29 Nde mli iní fẹ́é bláa yáí, méní ní ibá mótó á, mlóhogyi. 30 Mmétrá tói yó nkpa, tsúfẹ́ ọ́yísó ogyípó ámu ọ́bá. Oma túmi mísó. 31 Ntonú mí Sí ọ́me, méní ọ́yítófo bébì aní ntódwé mu.

“Mlikọ́sọ anati.”

15

Wáin Oyi Onutó

1 Yesu léblí ọ́bée, “Mígyí wáin ifla onutó. Mí Sí gyí mú ọ́dọ́pọ. 2 Bámbigyíbámbiá ibu mí iwí, itamaswíé á, ọ́tekpálí mú tsítsá. Táme kugyíkọ́wá itoswíé á, ọ́telá mú wankláán, méní ibóswie tsọ́tsọ́tsọ́ dún. 3 Mí atosunáhé anfi mlilanú anfi sọ́ mli iwí latin dodo. 4 Mlitsia mító, mí é antsia mlitọ́. Bámbi kọ́kọ́kọ́ méetalí swíé abí, nkéti ita mú oyísó brégyíbré. Alí kén mli é mli méetalí swíé abí, nkéti mli bu mitọ́ ní.

5 “Mígyí wáin ifla ámu. Mligyí mú abámbi. Ọ́há aní ọ́bu mitọ́, mí é mbu mitọ́ obóswie abí tsọ́tsọ́tsọ́, tsúfẹ́ mli méetalí b́wé tọ́tọ́tọ́ tsun mí ọ́ma. 6 Ọ́hagyíọ́ha aní ometsie mitọ́ gyí fẹ́ bámbiá bakpálí mú bun, ibówọ́lì, békpa mú wá ogyá. 7 Ní mlitsie mitọ́, mí asón é ibu mlitọ́ á, mléfite mí Sí tógyítáá mli dẹ́klé, ọ́bẹ́ha mli. 8 Ní mloswíé abí tsọ́tsọ́tsọ́ á, ibówa mí Sí numnyam. Mú obósuná aní mí akasípọ́ mligyí ní. 9 Alí amóú mí Sí tódwé mí ámu a, alí kén mí é ntódwé mli ní. Mlitsia mító, méní nódwé mli yó. 10 Ní mlegyi mí mblasu á, nódwé mli yó, fẹ́ alí amóú mí é ntegyi mí Sí mblasu, ọ́tódwé mí yó ámu.

11 “Nabláa mli asón ánfí fẹ́é, méní ansigyí amóú ibu mitọ́ ámu bẹ́tsiá mlitọ́. Fówun ansí bẹgyi mli wankláán. 12 Mbla aní ndepuhá mli gyí; mli dwe aba fẹ́ alíá ntódwé mli. 13 Ọ́dwe kọ́kọ́ mọ́dún aní ọ́ku obówu mu nyawie nwunso. 14 Ní mlegyi mí mblasu á, mí anyawíe mligyí. 15 Mmétrá ti mli mí asúmpọ́. Tsúfẹ́ osúmpọ́ méyín tóá mu wie dẹ́bwé. Nde mli mí anyawíe, tsúfẹ́ nabláa mli tógyítáá nonu tsú mí Sí wá. 16 Megyí mli léle mí. Míléle mli yáí mbée, mli yó amliyoswie abíá ibẹ́tsiá bré fẹ́é, méní mí Sí ọ́bẹ́ha mli tógyítáá mlókolí mu mí idátó. 17 Mbla aní ndewa há mli gyí, ‘Mli dwe aba.’

Ahá Bólu Mli

18 “Ní ọ́yító ahá bọ́de mli lu á, mli káin aní mí begyankpá lú. 19 Ní ọ́yító ahá mligyí a, teki ọ́yító ahá bódwé mli fẹ́ amó abí. Táme nalé mli tsú ọ́yítófọ́tọ́, sọ́ mli má amótó. Iní sọ́ ọ́yítófo butolú mli ní. 20 Mli káin asón amóú nebláa mli mbée, ‘Osúmpọ́ ọ́kọ́kọ́ mọ́dun mu wie’ amuso. Ní ahá bọ́din mísó a, mli é bẹ́dinká mli sọ́. Ní begyi mí asónsọ́ á, mli é bẹgyi mli asónsọ́. 21 Táme mibó mli, sọ́ bọ́pọ́ iní fẹ́é gyi mli, tsúfẹ́ bọ́meyín ọ́há amóú ọ́lọ́wa mí ámu. 22 Ní mmakóbláa amó asoansu á, teki bọ́ma ipón kọ́kọ́ gyí. Táme séi ánfí mú bọ́ma ọ́nó lé. 23 Ọ́hagyíọ́ha aní otolú mí tolú mí Sí é. 24 Nabọ́wé agyómá aní ọ́haa mákóbwé mú odu kí amótó. Ní bọ́mọ́pọ́ amó ansibi wun mú á, teki Bulu mééha amó ipón. Bowun tóá nọ́bwé asa bọ́de mía mí Sí lu. 25 Ilehián aní ibẹ́ba alí, méní asón amóú bọ́wanlín wá amó Mblatọ́ bẹe, ‘Bolu mí kpaal’ ámu ibẹ́ba mótó.

26 “Nówa Oma Olípó obótsu mí Sí wá bá. Mvgyí Oje Wankíhé amu. Mutósúná onokwali ání ibu Bulutó. Obégyi mí iwí adánsiε. 27 Mli é mlégyi mí iwí adánsiε, tsúfé mlilatsiá mí wá tsú bréá nefi ató suná asi.

16

1 “Nabláa mli asón anfi fée, ménι mluméedida hógyitó. 2 Yudafo ahande bégya mli lé amó ofiakpa. Bré kv kórará íbéba ání ahá bómó mli, súsu bæε Bulu agyómá bodeyo. 3 Bópu íni gyi mli, tsúfé bómakóbí mí ntée mí Sí ámu. 4 Táme nabláa mli asón ánfι, ménι ní íbá á, mlékaín ání nebláa mli yái.

Oje Wankíhé Gyumagyihe

“Mmákósi bláa mli asón ánfι, tsúfé mbo mli wá. 5 Táme séi nde mli bláa, tsúfé nøyó ohá ámúyó olowa mí sí sí ámu wá. Táme mlitó okoku méfité mí obée, ‘Nkónú foyó.’ 6 Iná nabláa mli asón ánfι sv á, awireho lahíé kítá mli. 7 Táme nde mli onokwali bláa. Oklāa lawá mli ogyá ání nøyó. Tsúfé ní mmayo á, Oma Olípó amu oméeba mli wá. Táme ní nøyó á, nópu mu sí sí mli. 8 Ní obá á, obéle súná oyító ahá ání lakpanbwe sv bafwí, obéle tóá igyi Bulu yilébwε pó mu asóngyí é súná amú. 9 Bébi ání mísó máhógyi igyi lakpan. 10 Bébi tóá igyi Bulu yilébwε, tsúfé nøyó mí Sí wá, mlumétrá wun mli εκεκεεκε. 11 Bébi tóá igyi Bulu asóngyí, tsúfé Bulu lahá obonsám, ogyi oyísó ogyípó amu ipón dodo.

12 “Mbo asón tsotsotsó ání nebláa mli, táme mlumétalí nú mó fée asi séi. 13 Oje Wankíhé amu tósúná onokwali ání ibu Bulutó. Ní obá á, obéle asón ání igyi onokwali fée súná mli. Tsúfé megýi mu onutó túmitó obótó, mboún obéblí asón kugyíkúá olonu. Obébláa mli móá íbéba é. 14 Oje ámu obówa mí numnyam, tsúfé obébláa mli asón ání nteblí. 15 Tógyítóá mí Sí bów a, mí bó. Mó sv nabláa mli mbée, Oje ámu obébláa mli asón ání nteblí ní.

Akasípó Amu Awireho Pó Ansigyi

16 “Ílasi kpalobí mlumétrá wun mli, táme imóowa opa koku mlélawun mli.”

17 Akasípó amutó akv befité aba bæε, “Ngya ntó asón ní? Obée, Ílasi kpalobí, anumétrá wun mu, táme imóowa opa koku, abélawun mu. Odeblí é obée, ‘Nøyó mí Sí wá?’ 18 ‘Ílasi kpalobí’ ánfι asi mé? Anumédé asón ánfι odeblí ánfι asi nu.”

19 Yesu lébi ání akasípó amu bodeklé abufite mu asón ámutó. Mó sv oεbláa amú obée, “Blí ndeblí mbée, ílasi kpalobí mlumétrá wun mli. Táme imóowa opa koku mlélawun mli. Iní mlídé aba fité ní? 20 Onokwali nde mli bláa. Mlósu kpisíi, táme oyító ahá mó bénya ansigyí. Mlégyi awireho, táme mli awirehogyí amu íbéba bemli ansigyí. 21 Ní ikwíi de otsi dwiin á, ahomiti tekítá mu, tsúfé mu iwiasin wúunbi lafun. Táme onyákwií tá pé otetan mu iwiasin ámu sv, tsúfé ansi de mu gyí ání makwíi obi wá oyító. 22 Alí kén igyi há mli ní. Ahomiti de mli séi, táme nélawun mli. Mó sv mléhiε nyá ansigyí ání ohaa méetalí ká mli itin.

23 “Alí eke ámu á, mlumétrá kólí mí tótóto. Onokwali nde mli bláa. Tógyítóá mlókolí mí Sí mí idátó á, obéha mli. 24 Bóto nde mlímókófité tótóto mí idátó. Mlifite, obéha mli, ménι íbéhiε wá mli ansigyí.

Yesu Oyísó Gyi

25 “Nde mli asón ánfι bláa ayébisu, táme bré kv béba, mmétrá tóí ayébisu. Nówuná kpa mí Sí asón tati súná mli. 26 Tsú bré ámu sv pýya á, mlókolí mí Sí ámu ató mí idátó. Mmedéblí mbée, mí obókolí mu ató há mli. 27 Tsúfé mí Sí ámu onutó tódwé mli. Otódwé mli, tsúfé mlitódwé mí,

mlalahogyi ání notsú mvo wá. ²⁸ Mí Sí wá notsu ba oyító. Séi á, ndeyinkí tsú oyító nayo mí Sí ámu wá.”

²⁹ Inu akasípó amu bebláa mu beε, “Ehéen! Séi mó á, futráa fumedétó ayébisu. ³⁰ Séi mó anlábí ání foyin tógyító. Mó su mehián ání ohaa obétrá fité fó asuansu. Iní lahá anlalahogyi ání lélé fotsú Bulu wá.”

³¹ Yesu léfité amó obée, “Séi mó mlalahogyi? ³² Bré ku íbá. Uafun ta, mlédasáin. Mlító okugyíokv obóyo mu otsukpá sí mí. Táme iméesi mí nkole, tsúfé mí Sí ámu bu mí wá. ³³ Nabláa mlí asón ánfí fée, méní mlótsun misu nyá iwilwii. Mlówun iwíasun oyí ánfíto, táme mlíwa klón, tsúfé nagyí oyísó dodo!”

17

Yesu Lóbó Mpáí Mv Akasípó Nwunsu

¹ Yesu léblí asón ánfí tá, olotsu ansí fóá kí osósó bó mpáí obée, “Oo mí Sí, bré lafun. Wa mí numnyam, méní mí é nówa fú numnyam. ² Tsúfé feha mí túmi ahá féesó, ání nháa ahá ání feha mí fée nkpa ání itamatá. ³ Nkpa ání itamatá ámu gyí, bubú fó Bulu Onokwalupu okokónó okole pé ánfí, abubu mí Yesu Kristo ánfí fopósíí oyító ánfí. ⁴ Nawá fú numnyam osólóv anfisú, tsúfé namó agyómá ámuób fopuhá mí ámu fée onó. ⁵ Mí Sí! Wa mí numnyam fú ansító ngya, fé alí ámuób mbu mó fú wá yáí asa fobwe oyí ámu.

⁶ “Nalé fú suná ahá ámuób fele oyító há mí ámu. Fóbú amó, fopu amó há mí, bagyi fú asónsú. ⁷ Séi babí ání tógyítá mbu itsú fú wá. ⁸ Tsúfé nabláa amó asón ání fopuhá mí fée, banú. Babí ání lélé fú wá notsú, bahogyi ání fólówa mí.

⁹ “Nde fú kokóli ha amó. Megyi oyító ahá fée nde mpáí bó há. Mboun ahá ámuób fopuhá mí ámu, tsúfé fóbú amó. ¹⁰ Mí klé igyi fú klé, fú klé é igyi mí klé. Fatsun amósú lé mí numnyam owan. ¹¹ Nebá fú wá séi. Mmétrá tsíá oyító, táme amó mó bubu oyító. Mí Sí Wankíhé, pu fú idá ámuób fopuhá mí ámu túmi kí amósú, méní bóbwe kole fé alí ámuób míá fonyo angyí kole amu. ¹² Bréá mbu amó wá á, nekitá amó wankláán, idá ámuób fopuhá mí ámu túmitó. Nele ansí kítá amó wankláán. Mmeha amótó okoko mófwi, dun omvamúv ida yáí ání obéhi ámu, féki Bulu ason wanlínhé amu íbéba mótó. ¹³ Nebá fú wá séi. Táme bré ánfí ntráa mbu oyító nfi nde asón ánfí blí, méní bénya ansigyí fé alí ámuób mí é mbu ansigyító amu. ¹⁴ Nabláa amó asón ámuób febláa mí ámu. Mó su oyító ahá bude amó lu, tsúfé butráa bumegyí oyítófo, fé alí ámuób mí é mmegyí oyítóyin amu. ¹⁵ Mmedéblí mbée, folée amó le oyító. Mboun mbée fokú amósú wankláán, méní bomóowie lalaha obwepú* ámu íbitó. ¹⁶ Alí ámuób mmegyí oyítóyin ngyi ámu a, alí amó é bumegyí oyítófo ní. ¹⁷ Fú asón ámu gyí onokwali. Tsun mósú afopu amó bwe fú klé. ¹⁸ Alí ámuób fowa mí sísí oyító ámu a, alí mí é nawá amó sísí ní. ¹⁹ Amó su napu iwí há fú, méní amó é bótsun onokwali amusu mlí fú klé.

²⁰ “Megyi mí akasípó amu nkole nde mpáí bó há. Mboun ahá ání bótsun amó atosanáhésu ho mí gyi fée ndebo há. ²¹ Nde mpáí bó mbée, amó fée bubwée kole. Mí Sí, alí ámuób fubu mitó, mí é mbu foto ámu a, ha amó é abotsia anito alí kén, fówun oyító ahá bóhogyi ání fólówa mí sísí oyító. ²² Nawá ahá ánfí numnyam ámuób fowa mí ámu, méní bóbwe kole fé alíá ntsu tamatsun míá fonyo nsiné. ²³ Mbu amótó fé alíá fubu mitó, méní bóbwe kole, ntsu móotsun amó nsiné. Ní íbá alí á, oyító ahá bébi ání fólówa mí, futodwé amó fé alí ámuób futodwé mí ámu.

* **17:15** Obnsám gyí lalaha obwepú.

24 “Mí Sí! Ndeklé mbéé ahá ámóú fəpəhá mí ámu bétsiá mí wá ótíné ámóú mbu amu. Fówun bówun numnyam amóú fəwa mí ámu. Tsúfě fətədwé mí asa fəbwe óyí. 25 Mí Sí Yilé əbwepú! Óyítəfə bumebi fú, táme mí mu nyin fú. Ahá ánfí é buyin ání fóləwa mí sísí óyítə. 26 Nele fú súná amó. Nétrá le fú súná amó. Fówun ədwe amóú fətədwé mí ámu itsia amótə, méní mí é nétsiá amótə.”

18

Yesu Kitá

(Mateo 26:47-56; Marko 14:43-50; Luka 22:47-53)

1 Yesu lóbo mpái ánfí tá á, mva mu akasípú amu benatí yótson Kidron tsonkolitə wíé ndobíi kətə. 2 Yuda amóú ələle Yesu há ámu é yin ndobíi amutə, tsúfě Yesu mva mu akasípú botetsiá yéfiá mu. 3 Mú sv Yuda lékpa Romafə ísá akəpú pú Bulu ətswékpa agyópu akvá Bulu igyí əhapú dəhen pú Farisifə bəwa, bəyə mu. Bude mbia, nkandíe pú akətə. 4 Iníá Yesu yin tśá íbá mvsu sv á, əledalı fiá amó, fité amó əbéé, “Ma mlidédunká?”

5 Bele mú ənə beé, “Yesu Nasaretyin amu.”

Yesu lébláa amó əbéé, “Mí ní.”

(Yuda amóú əde mu le há ámu é líí amó wá mu.) 6 Bréá Yesu lébláa amó əbéé, “Mí ní!” á, besankí yédida lalá kpla. 7 Yesu lélafité amó əbéé, “Mbée, ma mlidédunká?”

Bebláa mu beé, “Yesu Nasaretyin amu.”

8 Yesu lébláa amó əbéé, “Nakú bláa mlí mbéé, mí ní. Mú sv ní mí mlidédunká mú á, mlíha ahá ánfí abunatí.” 9 (Ələbláa amó alí, méní asón amóú ələblí ámu íbəba mótə. Əbéé, “Ahá amóú fəpəhá mí ámutə əkuku máfwi.”)

10 Inu á, Simon Petro dé ədayí iya anyə, ələbití mú lé, kpá Bulu igyí əhapú dəhen osúmpú gyəpí isu. Osúmpú amu ídá gyí Malkus. 11 Yesu lébláa Petro əbéé, “Sankia fú ədayí wa mú əfletə! Imehián ání nówun iwəsın ání mí Sí lahá mí əbéé nwúun lóó?”

Yesu Kpa Ya Hana

(Mateo 26:57-58; Marko 14:53-54; Luka 22:54)

12 Inu ísá akəpú ámu, amó əhande pú Bulu ətswékpa agyópu amu bekitá Yesu, klí mu íbi. 13 Begyankpá kpá mu ya Kaiafa mu sia Hana. Kaiafa gyí Bulu igyí əhapú dəhen ofi ámutə ní. 14 Mələbláa Yudafə əhande amu əbéé, íbu aláə əbakóle obówu ahá féé nwunsv ní.

Petro Lékind Yesu

(Mateo 26:69-70; Marko 14:66-68; Luka 22:55-57)

15 Simon Petro mva əkasípú bambá bobuo Yesu. Bulu igyí əhapú dəhen amu yin əkasípú bambá ánfí wankláán. Mú sv olobuo Yesu bítiwíé Bulu igyí əhapú dəhen amu wóyítə. 16 Táme Petro mú lési olí wóyí ámu ənə. Əkasípú bambá ánfí óyin Bulu igyí əhapú dəhen anfi lédalí yébláa otsibi əkvá əde wóyí ámu ənə gyo, əlekpa Petro ba wóyí ámutə. 17 Otsibi amu léfité Petro əbéé, “Megyí oyin ámu akasípú amutə əku fúgyí?”

Petro léle mú ənə əbéé, “Ekəkəkəkə. Mma amótə.”

18 Atsalí bu mu. Mú sv asúmpú pú agyópu amu bəduvá ogyá, bulí mú asi. Petro é léyelí amó wá, əde ogyá ámu núu.

Bulu Igyí Əhapú Dəhen Léfité Yesu Asón

(Mateo 26:59-66; Marko 14:55-64; Luka 22:66-71)

19 Bulu igyí əhapú dəhen amu léfité Yesu asón, tsú mu akasípú pú mú atosunáhé iwí. 20 Yesu léle mú ənə əbéé, “Ahá ansítə nelí blí mí asón féé.

Netsiá súná ató Yudafo ofiakpa pó Bulu ɔtswékpa, ɔtínéá ahá fée bɔtefia. Mmɛblí asvansu n̄aintó. ²¹ Ntogyi só fòde mí asón ánfí fité. Fite ahá ání bonu asón ání nɛblí. Amó yín asón ání nɛblí.”

²² Bréá Yesu léblí asón ánfí á, inu agyópu amoto ɔkɛléá ɔlú mantáa mu léda mu isuto, fité mu ɔbéé, “Alí féle Bulu igyí ɔhapú dehen asón ɔnó ní?”

²³ Yesu lébláa mu ɔbéé, “Ní nablí asokpan á, le mú blí ɔhagyíɔha onu. Táme ní ɔnɔkwali nablí á, ntogyi su fòde mí da?”

²⁴ Yesu trá ɔda ɔféto ɔhande Hana lópu mu sísí Bulu igyí ɔhapú dehen Kaiafa.

Petro Létrá Kind Yesu

(Mateo 26:71-75; Marko 14:69-72; Luka 22:58-62)

²⁵ Simon Petro trá ɔlú ogyá ámu asi, ɔku léfité mu ɔbéé, “Megyí oyin ánfí akasípú amoto ɔkɛle fugyi?”

Petro lóswuí ɔbéé, “Ekekeke. Mma amótó!”

²⁶ Bulu igyí ɔhapú dehen amu osúmpó ɔku, ogyi ɔhá amóú Petro lékpa mu isu kɛle amu mu pio léfité Petro ɔbéé, “Megyí fíɔa mɔnyɔ nowun ndobii amoto ní?”

²⁷ Petro létrá swuí pó ibi wá ogyá. Inunu bate lóbon.

Yesu Kpa Ya Pilato

(Mateo 27:1-2, 11-14; Marko 15:1-5; Luka 23:1-5)

²⁸ ɔyi kehe bake-bake a, bekpa Yesu tsú Kaiafa wóyító ya Roma ɔhande ání ɔde Yudea ɔmáso gyí wóyító. Yudafo ahande amu bumedékléá bópu ifin da iwí. Mú su bumeditiwíé wóyító inu. Tsúfé budekléá béki ání amú iwí letin, méní bétalí gyi Israelfosu Katsun Nke ámu.* ²⁹ Mú alí su Pilato lédalí ba kpankpá befíté amú ɔbéé, “Amansu mlibu blí tsú oyin ánfí iwí?”

³⁰ Bebláa mu beé, “Ní ɔhá ánfí mókúbwé lakpan á, teki animékpa mu ba fu.”

³¹ Pilato lébláa amú ɔbéé, “Mómó mlíkpa mu ya, amlyegyí mu asón mli mbla ɔnó.”

Yudafo ahande amu bele mú ɔnó beé, “Animá ɔkpa mó ɔha.” ³² (Asón ánfí léba mótó, méní asón amóú Yesu léblí tsú mu lowu ání obówu iwí ámu íbɛba mótó.)

³³ Inu Pilato léyinkí wíé wóyító. Mú ɔleti Yesu, fité mu ɔbéé, “Fúgyí Yudafo owíé amu ní?”

³⁴ Yesu léle mú ɔnó ɔbéé, “Fú onutó ason fitéhé igyi, ntée aku lábláa fu mí iwí asón?”

³⁵ Pilato léle mú ɔnó ɔbéé, “Yudayin ngyi? Fú onutó ahá pó Bulu igyí ahapú dehen lékpa fú ba mi. Nto fabwé?”

³⁶ Yesu lébláa mu ɔbéé, “Megyí ɔyí ánfito nde iwíé gyí. Ní ɔyí ánfito á, teki mí abúopu bóko ho mi. Bómécha bómóɔpu mí wá Yudafo ahande íbitó, táme megyí ɔyí ánfito nde iwíé gyí!”

³⁷ Pilato léfité mu ɔbéé, “Mómó yéé owíé fugyi á?”

Yesu léle mú ɔnó ɔbéé, “ɔnɔkwali fablí fɛɛ Owíé ngyi. Mí á, bɔkwí mí nɛba ɔyí ánfito ání mbá ambegyi ɔnɔkwali amu iwí adánsiɛ. ɔhagyíɔha ání ogyí ɔnɔkwali amu klé tɛyaa asu nú mí ɔmɛ.”

³⁸ Pilato léfité mu ɔbéé, “Nto gyí ɔnɔkwali amu?”

Pilato Léha ɔkpa ɔbéé Bómó Yesu

(Mateo 27:15-31; Marko 15:6-20; Luka 23:13-25)

* **18:28** Ní fowíé ɔhá ání omegyí Yudayin wóyító a, ifin lada fu.

Pilato léblí asón ánfí tá á, ɔletrá dali yɔ Yudafo ámu wá wóyí ɔnó inu. Ɔlebláa amó ɔbéé, “Mmɔkówun lalaha kɔkɔkɔvá nɔpohá oyin ánfí ipón. 39 Táme mli amándíé ɔnó á, ntesí obu ɔdipó ɔkɔle há mli Katsun Nke kugyíkɔtɔ. Mlídéklé mlíaa, nsíi Yudafo Owíe anfi ha mli?”

40 Bɔkplón le mú ɔnó bée, “Ekekeke! Megyí mu. Si Baraba ha aní.” (Ogyo otswapó Baraba é gyí).

19

1 Inu Pilato léha bekpa Yesu ya, yépití mu ató wankláán. 2 Isá akɔpó ámu bɔlu obungyo-awu, bwé mú owíepa bun mu nwun, bɔwa mu ligá pepe ku. 3 Inu benatí bwé mu ahinlá bée, “Yudafo Owíe, fú nkpasu ɔnlinsu!” Fówun badá mu isɔtɔ kpa.

4 Pilato létrá dali yɔ wóyí ɔnó inu yébláa amó ɔbéé, “Nakpá mu neba mli, amliwun ání mmɔkówun lalaha kɔku mu iwɔl.” 5 Bréá Yesu lédali ba a, obungyo-awu ipa ámu bun mu nwun, ɔlɔwa ligá pepe amu. Pilato lébláa amó ɔbéé, “Mu ni!”

6 Bulu igyí ahapó dehen pó Bulu ɔtswékpa agyópu amu benya wun mu pé, bɔsɔrá okitikítí blí bée, “Da mu manta oyikpalíhesu! Da mu manta oyikpalíhesu!”

Pilato lébláa amó ɔbéé, “Mli onutó mlíkpa mu ya, amliyeda mu manta oyikpalíhesu. Mí mú mmɔkówun lalaha kɔku mu iwíá nɔpohá mu ipón.”

7 Yudafo ámu bebláa mu bée, “Aní mbla ɔnó á, ilehián ání obówu. Tsúfɛ ɔleblí ɔbéé, Bulu mu Bi mugyi.”

8 Bréá Pilato lónu asón ánfí á, ifú létrá kitá mu tsía mótó. 9 Oleyinkí yó mu wóyító yéfité Yesu ɔbéé, “Nkónó fotsú?”

Táme Yesu mékpla mu. 10 Mó su Pilato léfité mu ɔbéé, “Fuméekplá mí? Fumeyín ání mbu túmiá nétalí sí fú ntée nétalí há beda fú mántá oyikpalíhesu mó fú?”

11 Yesu léle mú ɔnó ɔbéé, “Ní megyí Bulu léha fú ɔkpa á, teki fuma túmi kɔku mísú. Inu su ɔhá ámú ɔlɔpu mí wá fú ɔbitɔ ámu lakpan dun fú klé.”

12 Pilato lónu asón ánfí á, olekle osi Yesu. Táme Yudafo ámu bɔsɔrá okitikítí kóklókóú blí bée, “Ní fesi ɔhá ánfí á, múmú megyí Roma owíe dehen* mu nyawie fugyi. Tsúfɛ ɔhagyíɔha ání ɔblí ɔbéé owíe mugyi á, alakósú líi Roma owíe dehensu!”

13 Bréá Pilato lónu asón ánfí á, ɔlekpa Yesu dáli ba kpankpá, tsía mu asóngyí obiá ání itsie ɔtnekúá bɔpu abwi bwé inu, botetí inu “Abwitɔ” su. (Botetí inu “Gabata” Hebrí ɔblítɔ.) 14 Eke ámu igyi ogyá ɔdɔdáké há Israelfɔsu Katsun Nke. Ibóbwɛ fɛ ɔpa dóduanyɔtɔ á, Pilato lébláa Yudafo ámu ɔbéé, “Mli Owíe amu ni!”

15 Bɔsɔrá okitikítí bée, “Kpa mu ya, kpa mu ya, afuyeda mu manta oyikpalíhesu.”

Pilato léfité amó ɔbéé, “Ndáa mli owíe manta oyikpalíhesu?”

Bulu igyí ahapó dehen amu bebláa mu bée, “Anímá owíe ɔkɔku dun Roma owíe dehen!”

16 Inu Pilato lési Yesu há amó ɔbéé buyéda mu manta oyikpalíhesu.

Yesu Da Mántá Oyikpalíhesu

(Mateo 27:32-44; Marko 15:21-32; Luka 23:26-43)

Isá akɔpó ámu bekpa Yesu náti. 17 Mu onutó olotsu mu oyikpalíhe dínká mu nkanta alu yéwie ɔtnekúá botetí inu “Nwun Okokobi Otsiákpá.” (Botetí

* 19:12 Roma Owíe dehen gyí Kaesare.

inu “Golgota” Hebri oblitó.)¹⁸ Bɛda Yesu mántá oyikpalíhesu inu, bɛda ayin abanyó aku é mántá nyikpalíhesu mu wá inu. Okole bu Yesu binasu, okole é bu mu gyɔpɔsu, Yesu bu amú nsiné.¹⁹ Pilato lówanlín asón mántá oyikpalíhe amu awunso. Asón ámu gyí, “YESU NASARETYIN, YUDAFɔ OWÍE.”²⁰ Yudafɔ tsɔtsɔtsɔ bɛkla asun wanlínhé anfi. Tsúfɛ ɔtínɛ ámuó bɛda Yesu mántá oyikpalíhesu ámu ibu mantáa Yerusalem. Ɖɛha bɔwanlín asón ámu Hebri oblí, Roma oblí pó Griiki oblitó.²¹ Bulu igyí ahapó dehen amu bebláa Pilato bɛɛ, “Máwanlín fɛɛ, ‘Yudafɔ Owíe.’ Mbóun wanlín fɛɛ, ‘Oyin ánti obéɛ, mígyí Yudafɔ Owíe.’ ”

²² Pilato lébláa amú obéɛ, “Múá nawánlín á, nawánlín mú dodo.”

²³ Isá akɔpó ámu bɛda Yesu mántá oyikpalíhe amusu tá á, botsu mu atadiɛ, beye mótó aku ana. Okugyíokó klé kole. Botsu mu ligá ání bɔbu mú tsú ɔsósú beyi asi.²⁴ Inu bebláa aba bɛɛ, “Mlímáha abali atadiɛ ánti mótó. Mlúha atswi abi ki bɛɛ, ma obénya mú.” Asón ánti léba, ménɪ Bulu asón ámuó bɔwanlín tswi bɛɛ, “Beye mí atadiɛtɔ,

bɔtswi abi mí ligásó” amu íbɛba mótó.

Isá akɔpó ámu bɔbwe dínká mósó.

²⁵ Yesu mu yin, mu yin mu pio tsíhé Maria, ogyi Klopa mu ka pó Magdalayintse Maria bulú oyikpalíhe amu asi.²⁶ Bréá Yesu lówun mu yin pó mu ɔkasípó ámuó ɔtɛhíé dwé ámu, bulú mantáa inu á, ɔlebláa mu yin obéɛ, “Amó yín, fó bí ní.”

²⁷ Múó ɔlebláa ɔkasípó amu é obéɛ, “Fó yín ní.” Tsú eke ámu a, ɔkasípó amu lékpa mu ya mu wóyító.

Yesu Lowu

(Mateo 27:45-56; Marko 15:33-41; Luka 23:44-49)

²⁸ Inɪ ɔma a, Yesu lówun ánti mu agyómá lamó ɔnó. Múó ɔleblí obéɛ, “Ɖmɛwólí dɛ mí.” Inɪ lɛha Bulu asón ámuó bɔwanlín tswi amu íbɛba mótó.

²⁹ Onuwé ku tsie inu, ntá ɔdáí íbɔ mú. Isá akɔpó ámu bɔpu ɔsapo dá ntá ámuó púsíán oyísó, tsú mú fóá yétin mu ɔnó.³⁰ Yesu lékpikpí mú mé. Inu ɔleblí obéɛ, “Íatá!”

Múó oloko nwuntó wá, ɔlele ɔhé á.

Yesu Abintɔ Ató Wɔ

³¹ Eke ámu igyí Fieda. Mú ɔyi kehe igyí ɔkpónó ɔdaké kɔnkpɔntɪ há Yudafɔ. Mú su bumekle ánti ahá ámu busíán nyikpalíhe amusu yófun owi tahé.† Mú su bɔkolí Pilato ɔkpa bɛɛ ɔháa mu isá akɔpó abuyebiabia amú ayabi, ménɪ bókási wú, fówun béle amú tsu nyikpalíhe amusu asa owi ɔta.

³² Mú su bɔɔyó yébiabia ayin abanyó ámu ayabi.³³ Táme bréá bowie Yesu wá á, bowun ánti alawú dodo. Mú su bumebia mu ayabi.³⁴ Táme isá akɔpó ámuó okole lópu mu pía wɔ Yesu abintɔ, ntsu múa obugya lefen dali.³⁵ (Ɖhá ámuó olowun mú ámu légyi mú íwɪ adánsɪɛ, fówun mlɪ é mlóhogyi. Megyí afunu igyi. Oyin ánti ɔnokwalɪ asón muɔleblí.)³⁶ Inɪ fɛé léba mótó, ménɪ Bulu asón ámuó bɔwanlín tswi bɛɛ, “Buméebia mu íwú kɔkɔkɔ” ámu íbɛba mótó.³⁷ Bulu asun wanlínhé amu kén leblí obéɛ, “Béki ɔhá ámuó bɔwɔ mu abintɔ pía ámu.”

Yesu Pulá

(Mateo 27:57-61; Marko 15:42-47; Luka 23:50-56)

³⁸ Inɪ fɛé ɔma a, Arimateayin Yosef léba bokokólí Pilato obéɛ, ɔpúu Yesu fúli amu ha mu. (Yosef anfi buo Yesu njáintɔ, tsúfɛ ɔde Yudafɔ ahandɛ amu

† 19:31 Yudafɔ ɔkpónó ɔdaké tefi asi tsú owi tahé.

ifú nya.) Pilato léha mu okpa. Mú su Yosef léyeye Yesu fúli amu oyópulá. ³⁹ Nikodemo amú ólaba Yesu wá eke oku onyé ámu é léba. Ólòpù afá fánfáánfán aku anyo† ání bókwe mú wá abato tsòtsòtsò ba. Mú odwin bóbwe kilo advasa (30). ⁴⁰ Ayin ánfí bápù óhráda kíklí afá ámu mántá fúli amu iwí fè alá Yudafo butóbwé amú afúli asa butopulá amú. ⁴¹ Ndobii ku ibu mantáa ótíné amú ó beda Yesu mántá oyikpalíhesu ámu. Bolotí butátó bwé mú fúli-óbó mu. Bómákópulá óhaa mótó kí. ⁴² Iníá eke ámu igyi ogyá ódòdáké, fúli óbó ámu é ibu mantáa mu su á, bopulá Yesu mótó.

20

Yesu Kúsú Tsú Afúlitó

(Mateo 28:1-8; Marko 16:1-8; Luka 24:1-12)

¹ Ndawótswító eke gyankpaw, igyi Kwasiéda baka-bake, bréá nsainto mókótítí a, Magdalayintse Maria lóyo Yesu opulákpá mu. Olenya wíe mu alí olowun ání bamína ibwi ámu lé óbó ámu ónó. ² Mú su oleyinkí srí ba ókasípó amú Yesu tshíé dwé mu amu mva Simon Petro wá, bebláa amú óbéé, “Balé Yesu óbó ámutó. Anímeyín ótínéá bapú mu yówa!”

³ Mú Petro mva munyo bápù okpa báyó opulákpá mu. ⁴ Amú abanyó ámu fèé betsií ósrí, táme ósrí sí Petro gyankpá yówie opulákpá mu. ⁵ Bréá olobun kí ntsán ámutó á, olowun ání óhráda ámu kpán dá, táme omebitíwíé mótó. ⁶ Simon Petro lóboto mu, ólòtsun bitíwíé ntsán ámutó, olowun óhráda amu dá. ⁷ Olowun óhráda amú bápùtó mu nwun ámu é, ilokuntá ida ífóntó. ⁸ Ókasípó amú olegyankpá wíe mu ámu é lébitíwíé mótó, wun óhráda ámu pú mú amú bápùtó mu nwun ámu alí olohoyí. ⁹ Bré ámutó á, Bulu asun wanlínhé amú ólèblí óbéé, ilehián ání Yesu óbókúsú tsú afúlitó ámu mókónyá wánkí amú. ¹⁰ Beyinkí yó wóyí.

Yesu Iwòwanlé Súná Magdalayintse Maria

(Mateo 28:9-10; Marko 16:9-11)

¹¹ Táme Maria lési ólú opulákpá mu odesú. Bréá odesú a, olobun kí óbó ámutó. ¹² Inu olowun Bulu-abápù abanyó ání bowa atadié futútúútú, butsie ótíné amú bápù Yesu fúli tswí amu. Ókole tsie mu adianwun, ókole tsie ayabiasí. ¹³ Befíté mu beé, “Amú yín, nkálí igyi só fodesú?”

Ólèlé mú ónó óbéé, “Balé mí Wíe náti. Mmeyín ótínéá bapú mu yótswí!”

¹⁴ Ólèblí tá á, óledamlí kí óma. Ókí a, Yesu líí mu óma, táme ómebiá Yesu ni. ¹⁵ Yesu léfité mu óbéé, “Amú yín, nkálí igyi só fodesú? Ma fodedunká?”

Mu mú ókí ání ndobii amutó agyómá óyópù ní. Mú su ólèbláa Yesu óbéé, “Aní sí, ní fólatsú mu yótswí ótínèku á, suna mí, anyetsu mu natí.”

¹⁶ Yesu lókpólí mu óbéé, “Maria.”

Óledamlí kí, kpólí Yesu Hebri óblító óbéé, “Rabuni!” (Mú así gyí, “Osunápó.”)

¹⁷ Yesu lébláa mu óbéé, “Mápu ibí da mí, tsífé mmókónyá yó ósúsú mí Sí wá. Mbóun natí yebláa mí apíó ámu féé, náyó mí Sí ání ogyi mlí Sí wá. Náyó mí Bulu ání ogyi mlí Bulu wá.”

¹⁸ Magdalayintse Maria léyebláa akasípó amu óbéé, “Nawun aní Wíe!” Ólèbláa amú asún ání Yesu lébláa mu.

Yesu Iwòwanlé Súná Mv Akasípó

(Mateo 28:16-20; Marko 16:14-18; Luka 24:36-49)

† 19:39 Afá aku anyo ámu adá gyí mire móa aloe.

19 Kwasiada ámu ntópwe su á, akasípó amu befia. Befin obu wá iwi, tsúfẹ bude Yudafo ahande amu ifú nya. Inu á, Yesu lébelí amú nsiné, ɔlebláa amú ɔbée, “Iwi ilwii mli.” 20 Ɖlebláa amú alí tá á, ɔɔpu mu ibito pú mu abinto súná amú. Ansi légyi amú, tsúfẹ bawun amó Wíe. 21 Yesu létrá bláa amú ɔbée, “Iwi ilwii mli. Alí ámu mí Sí lawá mí ámu a, alí nde mli wa ní.” 22 Inu ɔɔlon ɔɔhé fú wólí amúsú, bláa amú ɔbée, “Mliho Ɖɔɔe Wankíhé amu. 23 Ní mlesi ahá lakpan kíe amú á, Bulu lasíkíe amú. Táme ní mlimésikíe amú á, Bulu méesikíe amú.”

Yesu Iwiɔwanle Súná Toma

24 Bréá Yesu léba a, amótó ɔkuleá botetí mu Toma, butelátí mu Tabí má inu. 25 Mú su akasípó atráhe amu bebláa mu be, “Anlawun aní Wíe!”

Táme Toma lébláa amú ɔbée, “Ní mmákówun mu ibito ndatobi nɔ ámu, kpíe osrebi wá mótó, kpíe ibi wá mu abinto ɔɔ ámu ɔ á, mmóohogyi ekekeke.”

26 Nkekwe ɔma a, akasípó amu betrá fia obu ámu ɔ. Alí eke ámu mú á, Toma bú amótó. Befin obu ámu, táme Yesu lébelí amú nsiné, bláa amú ɔbée, “Iwi ilwii mli.” 27 Mú ɔlebláa Toma ɔbée, “Kí mí ibito, kpíe osrebi wa ní. Kpíe fú ibi wa mí abinto. Si nwéen gyí, afuhogyi!”

28 Toma léle mú ɔnó ɔbée, “Mí Wíe pú mí Bulu!”

29 Yesu lébláa mu ɔbée, “Alí ámu fawun mi ámu su fahogyi lóó? Ansi bégyi ahá ámu ɔ buma pu amú ansíbi wun, asa bohogyi amu!”

Tá Súbá Bɔwanlín Ɖwóló Anfi

30 Yesu létrá bwe osúna tsatsɔtsɔ mu akasípó amu ansító ání buma wanlín wá ɔwóló ánfító. 31 Táme bawanlín iní, mēni mlóhogyi ání Yesu gyí Bulu mu Bi Kristo amu. Asón ánfisú hógyi ɔbéha mlénya nkpa ání itamatá mu idátó ní.

21

Yesu Iwiɔwanle Súná Akasípó Abastén

1 Inu ɔma a, Yesu létrá le iwi ɔwan súná mu akasípó Tiberia ɔpu* ɔnó tsun ɔkpa ánfisú. 2 Simon Petro mu Toma ání butelátí mu Tabí, Nataniel, otsú Kana wúlúá ibi Galilea ɔmátó, Sebedeo abí ámu pú akasípó abanyó é befia. 3 Simon Petro lékla amú ɔbée, “Nɔyó ɔpusu yéle aye.”

Bebláa mu be, “Aní é abóbuo fu yó.” Iní su boyówie ɔklonto náti. Táme betsiá ntsusu onyé ámu féé, bumenya tɔtɔ. 4 Bréá ɔyí íbá beke a, bowun ɔku líi ɔpu amu ɔnó. Bumebi ání Yesu ní. 5 Mú Yesu léfité amú ɔbée, “Mí anyawíe, mliménya tɔtɔ?”

Bele mú ɔnó be, “Ee!”

6 Yesu lébláa amú ɔbée, “Mlitswi asawu amu wa gyɔpísu fón, mléle aye.” Mú su botswi wa inu. Aye ɔbolá asawu amu, bumetalí bití mú lé.

7 Mú ɔkasípó amú Yesu tɔhé dwé ámu lébláa Petro ɔbée, “Aní Wíe Yesu ní!” Bréá Petro lónu ání aní Wíe Yesu ní á, olotsu mu atadie mla iwi. (Tsúfẹ ɔɔwáí mu atadie tswi), olotu wíe ntsu ámu ɔ gyuaa, ɔdepítí ɔyó Yesu wá. 8 Táme akasípó atráhe amú búbu ɔklonto ámu bebitía asawu amú aklemetí búbu mú ámu ba otsubúno, tsúfẹ buma ífó ɔpu ɔnó inu. Mú ífótó bóbwe fé ayabi lafasa (300). 9 Bréá bowie ɔpu ɔnó á, bowun ání bawá agyawunu ogyá, bude iye tɔ mósú, bodobodo é da mú asu. 10 Mú Yesu lébláa amú ɔbée, “Mlile aklemetí ámu mlilalé ámu ko ba.”

* 21:1 Botetráa ti mú Galilea ɔpu.

¹¹ Mú sù Simon Petro léyinkí dó wíé òklùn amòtò, òleyébitíá asawu amóó aklemetí akpònkpòntí búbò mú ámu bòtswí ọ̀pọ̀ ọ̀nó. Aklemetí ámu bọ̀gyi lafakòlè aduenu-sa (153). Iníá bọ̀tso ó á, asawu amu metítú. ¹² Yesu létí amó ọ̀bée, “Mlibegyi ató.” Amótó òkòkò métalí wá klùn fité mu ọ̀bée, “Ma fọ̀gyi?” Tsúfè bebí ání amó Wíé ní. ¹³ Yesu lótsu bodobodo amu há amó, olotsu aye amu é há amó.

¹⁴ Bulu lókúsóá Yesu tsú afúlitò ọ̀ma a, ínı́ gyí otse saası́ ání ọ̀lẹ̀lẹ̀ ı̀wı́ ọ̀wan súná mu akasípú amu ní.

Yesu Mva Petro

¹⁵ Bréá begyi nyankı́ atogiyihe amu tá á, Yesu léfité Simon Petro ọ̀bée, “Yohane mu bi Simon, fútòdwé mí dún fú aba áńfi lóó?”

Petro léle mú ọ̀nó ọ̀bée, “Ee, mí Wíé, fuyin ání ntòdwé fú.”

Yesu lébláa mu ọ̀bée, “Kı́ mí akúfabi amòsu.” ¹⁶ Ọ̀lẹ̀trá fité Petro otse nyọ̀sı́ ọ̀bée, “Yohane mu bi Simon, fútòdwé mí?”

Petro léle mú ọ̀nó ọ̀bée, “Ee, mí Wíé, fuyin ání ntòdwé fú.”

Yesu lébláa mu ọ̀bée, “Kpa mí akúfa amu.” ¹⁷ Yesu léfité mu otse saası́ ọ̀bée, “Yohane mu bi Simon, fútòdwé mí lélé?”

Ilehan Petro, tsúfè otse saası́ Yesu lafité mu ọ̀bée, “Fútòdwé mí?” á. Mú sù ọ̀lẹ̀lẹ̀ mú ọ̀nó ọ̀bée, “Mí Wíé, fú onutó fuyin tógyító. Yéé fuyin ání ntehié dwé fú!”

Yesu lébláa mu ọ̀bée, “Kı́ mí akúfa amòsu. ¹⁸ Ọ̀nòkwalı́ nde mlı́ bláa. Bréá fúgyi ọ̀yasubi á, fú onutó fútetálí tsú fú atadié híhié ı̀wı́, kúsó yó ọ̀tınegyíọ̀tınéá fúdeklé. Táme ní fòbwe oyin dehen a, fétinkı́ ı̀bı́, há ọ̀ku ọ̀bédı́dá fú ató, kpá fú ya ọ̀tınéá fumedékle.” ¹⁹ (Yesu léblı́ asún áńfi, púsúná ọ̀kpa ání Petro ọ̀bòtsun mósó wú pówá Bulu numnyam.) Inu ọ̀lẹ̀bláa Petro ọ̀bée, “Buo mlı́!”

Yesu Mva Okasípúá Ọ̀tehié Dwé

²⁰ Petro lédamlı́ kı́ a, Yesu ọ̀kasípú amóó ọ̀tehié dwé ámu buo amó. (Múgyı́ ọ̀há amóó ọ̀leyinkı́ kpısá Yesusu ntópwe ató ogyíkpa, fité mu ọ̀bée, “Owíé, ma ọ̀béle fú há?” ámu ní.) ²¹ Bréá Petro lówun mu a, ọ̀lẹ̀fité Yesu ọ̀bée, “Mí Wíé, ntó ọ̀béba oyin áńfi ésó?”

²² Yesu léle mú ọ̀nó ọ̀bée, “Nı́ ndeklé mbéé otsı́a nkpa yófún bréá néyinkı́ ba a, fú asún igyi? Fú mú buo mı́ wóle!”

²³ Asún áńfi ı̀lekłéı́ wá Yesu abúọ̀pọ̀ amòtò, ání alı́ ọ̀kasípú amu mú móowu. Táme Yesu méblı́ ọ̀bée, omóowu. Blı́ ọ̀leblı́ ọ̀bée, “Nı́ ndeklé mbéé, otsı́a nkpa yófún bréá néyinkı́ ba a, fú asún igyi?”

²⁴ Múgyı́ ọ̀kasípúá olowun ínı́ fée, ọ̀lẹ̀wanlın mú tswı́ ní. Anı́yin ání mu asun blı́hé anfi igyi ọ̀nòkwalı́.

Ọ̀námá

²⁵ Ató tsòtsòtso ı̀tráa bu inuá Yesu lóbwe tsı́a inı́tò. Nı́ bọ̀wanlın mú fée wá nwulótó ikole-kole a, teki buméenya nwuló ámu ọ̀yaıkpa ọ̀sulóv anfisı́. Natóı́ tá.

Sumbi Ayɔpú Amu Gyumagyihe

¹ Mí wíé Tiofilo,

Mí Luka dé ɔwóló ánfí wanlín sísí fú. Mí ɔwóló gyankpapu amoto á, nɔwanlín Yesu ato bwehé pú mu atosunáhé fée; tsú bréá olefi mu agyómá asi, ² bɔfun ekeá Bulu lótsu mu ya ɔsósú. Asa Bulu lótsu mu náti á, ɔlɔtsun Ɔɣe Wankíhé túmito bláa ahá ámóú ɔlele ɔbéé, bɔbweé mu sumbí ayɔpú amu tóá bɔbweé. ³ Mu iwɔsɔn wúun pú mu lowu ɔma a, oletsíá lé iwɔ ɔwan ɔkpa ɔtsan-ɔtsansu súná amó, pósúná ání lélé ɔtsie nkpa nke advana ání ɔlɔlatsíá ɔsulósu fée; ɔde Bulu iwíegyí iwɔ asón blí. ⁴ Bré kuá muá amónyɔ befia a, ɔleda amó ɔlá ɔbéé, “Mlímánatí Yerusalem. Mlitsia unu gyo mí Sí atokiehé ámóú ɔlehie yáí ɔbéé méha mli, nebláa mli mú iwɔ asón amu. ⁵ Asú Ɔbɔpú Yohane lópu ntsu bó ahá asú, táme nke kútúkú ku ɔma a, Bulu ɔbópu Ɔɣe Wankíhé amu bó mli asú.”

Yesu Ɔsósú Yo

⁶ Mó su bréá muá amónyɔ belafia a, befité mu beé, “Aní Wíé, bré ánfito féyinkía iwíegyí amu há Israelfo ní?”

⁷ Yesu lébláa amó ɔbéé, “Imehián ání mlébi nke ntée bréá mí Sí nkole lahié mu onutó túmito. ⁸ Mboún ní Ɔɣe Wankíhé amu owíé mléto á, mlénya túmi táli gyi mí iwɔ adánsie tsú Yerusalem wúluto, Yudea pú Samaria ɔmátó fée yófun ɔyí ɔka.” ⁹ Bréá ɔleblí asón ánfí tá á, amó ansító unu Bulu lótsu mu ya ɔsósú, ɔɔfwɔ wíé nwólótáato.

¹⁰ Besi bude nwólótáa kú alu. Beláki a, ayin abanyó akúá bɔwa atadie futútú líí amó wá á. ¹¹ Ayin ámu befité amó beé, “Oo Galileafɔ ayin, nto mlidékú nwólótáasu alí? Alí ánfí mlɔlawun Bulu latsú Yesu ɔya ɔsósú ánfí á, alí kén obéyinkía mu ba nɔ.”

Matias Yuda Otsiákpá Tsiá
(Mateo 27:3-10)

¹² Unu beyinkí kplí tsú Nfɔ-nyíbu ámusu* ba Yerusalem. Ɔkpa ámu íbóbwe máli fun. ¹³ Bowie wúluto á, bɔbu yó abansóruɔ, ɔtíné ámóú butsie yáí ámu. Sumbí ayɔpúá bɔyo unu gyí: Petro, Yohane, Yakobo muá Andrea, Filipino muá Toma, Bartolomeo muá Mateo, Alfeo mu bi Yakobo, Simon ání ogyí iwɔsɔtsiá adunkápú ɔpasuato ɔha pú oyin ɔkuá butetí mu Yakobo mu bi Yuda. ¹⁴ Ahá ání betrá du yó unu gyí, atsi aku, Yesu mu yin Maria pú Yesu apíó. Ahá ánfí fée létsiá bwé ikole bó mpá.

¹⁵ Nke ámuto á, ahógyipu bóbwe fé lafakole-advanyɔ (120) befia. Unu Petro lókusó líí amó nsiné bláa amó ɔbéé, ¹⁶ “Mí apíó ahógyipu, Ɔɣe Wankíhé asón ámóú ɔleblí tson Owíe Dawidsu, íbu Bulu ason wanlínhé amoto, tsú Yuda Iskariot ámóú ɔlekpa ahá beyékitá Yesu iwɔ ámu ilaba mótó. ¹⁷ Yuda Iskariot anfi létsiá anito. Ania mɔnyɔ lóyo osum agyómá ánfí.”

¹⁸ Yuda lópu mu lalahe ání ɔlɔbwe ikóá beka mu yóho ɔsulóu ku. Ɔlekpa tsú ɔsósú beda ɔsulóu amusu pɔ, mu ipu lefa po, mu mpúni é lefen dalí worɔdo. ¹⁹ Ɔhagyíɔha ání ɔbu Yerusalem lónu asón ánfí. Bedinká ɔsulóu amu dá amó ɔblító beé, “Hakeldama.” Mó asi gyí, “Ɔsulóúá obugya lawólí mósú.”

* 1:12 Nfɔ-nyíbu igyi obubwí kuá íbu mantáa Yerusalem, butetí mó Olifbu.

²⁰ Petro lýɔ mu asónsú ɔbéɛ, “Tsúfɛ bɔwanlín wá Israelfɔ ulu ɔwóló ámuɔ bɛɛ,

‘Mu wóyí ídí kpan.

‘Jhaa mátsiá mútót.’

Betrá wanlín tswi bɛɛ,

‘Jha bambá otsiá mu otsiákpá.’

²¹⁻²² “Mó su ilehián ání ɔku ɔbétsa aní Yesu afúlitɔkɔsú ání iwí adánsɛ gyí. Ilehían ání ɔhá ámu ɔbótsu ayin ámuú betsiá anuɔ bré ámuú anilóbuo aní Wíe Yesu, náti kí ntíné-ntíné amuɔ. ɔhá ání olobuo aní tsú bréá Asú ɔbɔpó Yohane léblí asúɔ bɔsún alu bɔfun eke ámuú Bulu lótsu Yesu ya ɔsús sí aní ámu.”

²³ Inu su beɛe ahá abanyó, bɔgyi Yosef ání buɔetí mu Barsaba, buɔetráa ti mu Yustus mua Matia. ²⁴ Múú bɔbɔ mpái bɛɛ, “Aní Wíe, fuyin ɔhagyíɔha klɔntɔ asún. Suna aní ahá ánfítɔ ɔmuá falé, ²⁵ otsiá Yuda ámuú alakíná agyómá ánfí, nyá mu ɔsubúti ámu otsiákpá, ɔɔ fú osum agyómá ámu.”

²⁶ Múú bekapú ató ámu abanyó nwunsv. Ileyi Matiasv. Mú su bɔpu mu wá sumbí ayɔpó dúɔkɔn ámuɔ, beɛabwé dúanyɔ.

2

ɔɛe Wankihé Ibátɔ

¹ Pentekoste Eke, igyi Israelfɔ atɔ pɔpwe ɔnɔ ɔdaké ámu lɔfun a, ahógyipu amu fɛé beba befia ámu ofiakpa. ² ɔtsáwɔle pé á, olú kuá igyi fé afú kpɔnkpɔnti ilotsu ɔsús ɔbɔbulá wóyí ámuú bubu mútót ámu. ³ Inu bowun tákúá igyi fé ogya plɛnplɛn, ilehian ɔdandv. Iledasáin dínká ámuɔt okugyíɔkɔsv. ⁴ ɔɛe Wankihé lɔbulá okugyíɔkɔtɔ, ileha okugyíɔkɔ léfi así ɔde ɔblí bambá blí.

⁵ Bré ámuɔ á, Yudaɔá buɔenyá Bulu ifú, bubu ndító fɛé baba buɔsie Yerusalem. ⁶ Bréá ɔɔm ánfí bonu okitikíti amu a, besrí befia mu. Ámuɔt okugyíɔkɔ lónu mu wúluto ɔblí. Mú su ɔnɔ lobwie ámu. ⁷ Uɔwa ámu ifú, wá ámu wánwan. Mú su befité bɛɛ, “Ahá ánfí buɔetɔí á, megyí Galileafɔ són bɔgyi? ⁸ Mú nkáli lɔbwe asa anidenuá buɔde anuɔ okugyíɔkɔ wúluto ɔblí blí? ⁹ Anuɔ aku átsú Partia, Media, Elam, Mesopotamia, Yudea, Kapadokia, Ponto, Asia, ¹⁰ Frigia, Pamfilia, Egipte ɔmátó pú Libia awúlu ání ibu mantáa Kirene wúluto. Aku é botsú Roma wúluto, ¹¹ búgyi Yudaɔo pú ámuá buɔmegyí Yudaɔo bawíé Yudaɔo Bulusúmtó aná fɛé bubu anuɔ. Kretafɔ pú Arabifɔ é bubu anuɔ. Táme anidenuá buɔde Bulu atɔ kpɔnkpɔnti ání alabwé blí anuɔ okugyíɔkɔ ɔblí.” ¹² Alí ámuú asún ámu ilobwie ámu ɔnɔ ámu sv bɔbwe yɔɔ, sí buɔde ámu ába fité bɛɛ, “Ngya amansv é ní?”

¹³ Táme ámuɔt áku bɔbwe ahógyipu amu ahinlá bɛɛ, “Ntá banu bu.”

Petro Asóntɔle Sunda Ahá Amv

¹⁴ Inu Petro mua mu ába dúɔkɔn ámu bɔkɔsú líí. Múú Petro lótsu ɔme fúá bláa ɔɔm amu ɔbéɛ, “Apíó ába Yudaɔo pú mli fɛéá mliɔ Yerusalem, mliɔ yaa asv, anle asóntɔ suna mli. ¹⁵ Mlumákí mliɔaa ahá ánfí babú, tsúfɛ ɔyí mɔkóke. Bréá dokwebá ladá ní. ¹⁶ Mbuún asún ánfí lɔba nde ánfí Bulu ɔnɔsú ɔtɔipú Yoel léblí yáí ní. ɔbéɛ,

¹⁷ ‘Bulu ɔbéɛ, “Nke tráhe amuɔ á, nɔpu mí ɔɛe wá anyánpósa fɛétót.

Mli ábi yinhé pú mli ábi tsihé béblí asún ání nɔpuwá ámu ɔnɔ.

Mli nyasubi bówun ató.

Mli ayin dehen bókun nkude.

¹⁸ Nke ámuɔ á, nɔpu mí ɔɛe wá mí asúmpó

atsi móa ayin féétó.

Mó su béblí asón ání nǎpǎwá amó ǎnó.

19 Nǎbwe ofúla nwólótáasu,
bwé osúna ǎsolósu.

Ogyá, obugya pú ogyási tuun béba ǎyító.

20 Owí ǎbéta ǎpá.

ǎtsra é ǎbépe kǎǎ fé obugya,

asa aní Wíe numnyam eke kǎnkpǎntí ámu ibǎfǎn.

21 Ibéba ání ǎhagyíǎha ání okpǎlǎ aní Wíe a, ǎbéha mu obénya nkpa.” ’ ”

22 Petro lǎyǎ mósú ǎbéé, “Mí apíó Israelfǎ, mliyaá asu amlinu asón ání. Bulu lǎbwe ofúla móa ató kǎnkpǎntí pú osúna tsǎtsǎtsǎ tsun Yesu Nasaretyin amósu, pósúná ání mólǎwa mu. Mli féé mlilǎwun mó, tsúfé mli ansísú íni féé leba. 23 Igyi tǎá Bulu yin yaí dodo, igyi mu apé ání béle Yesu há mli. Mliléha ahá ání butamagyi mblasu bǎda mu mántá oyikpalíhesu, mó mu. 24 Táme Bulu léle mu lowu sínsínsíntó, kósóa mu tsú afúlitǎ. Tsúfé lowu méetalí gyi mósu, osin afúlitǎ. 25 Iní só Owíe Dawid léblí mu íwí asón ǎbéé,

‘Brégyíbré á, ntown aní Wíe mí ansísú.

Tsúfé ǎlǎ mí gyǎpǎsu, su tǎtǎ móǎwa mí ifú.

26 Mó su ansí tegyi mí,

ntǎtǎí ansigyísú.

Nyankpǎsa ngyi. Lowu da gyo mí,

táme nde Bulu ǎkpa kí.

27 Tsúfé foméesi mí ǎkláa wá afúlitǎ.

Fómécha mí fú osúmpú wankíhé mmǎǎplǎ.

28 Fólósuná mí ǎkpa ání ntsúun mósú, mí anya nkpa ání itamatá.

Ní fǎbu mí wá á, ansí bégyi mí ekekegyíeke.’ ”

29 Petro létrá bláa amó ǎbéé, “Mí apíó Israelfǎ, mbóa hie bla mli amlinu. Aní náin Owíe Dawid lǎwu, bopulá mu. Bótǎ nde mu ntsán da aní wá nfi.

30 Bulu ǎnású ǎǎpǎ ogyi, oyin ání ntam ání Bulu léka há mu béba mótó. Bulu léka ntam há mu ǎbéé, méha mu natina ǎku obétsiá mu obíású eke kó.

31 Iní aní náin Owíe Dawid lǎwun mó yaí su á, ǎlǎtǎí tsú Kristo, (ǎhá ámóú Bulu ladá mu ofúli amó) kusú tsú afúlitǎ íwí ǎbéé,

‘Bulu méesi mu wá afúlitǎ.

Mó su mu ǎyulǎw mmǎǎplǎ.’ ”

32 Petro lǎyǎ mósú ǎbéé, “Yesu gyí ǎhá ání Bulu lǎkosúa tsu afúlitǎ, aní féé anígyí mó adansíǎ. 33 Bulu lǎtsu Yesu ya ǎsósú, há mu otsiákpá yilé mu gyǎpǎsu. Aní Sí Bulu lǎpǎ ǎhe Wankíhé ání ǎlehie yaí ǎbéé, mópǎhá mu ahógyipǎ há mu. ǎhé ámu Yesu lapóhá aní á. Mó gumagyihe mlidéwúun, mlidénu á. 34 Megyí Owíe Dawid Bulu lǎtsu ya ǎsósú, támé móléblí yaí ǎbéé,

‘Aní Wíe Bulu lébláa mí Wíe ǎbéé,
Tsia mí gyǎpǎsu,

35 yǎfǎn bréá nǎpǎ fú alupó bwé fú ayabi oyíkpa.’ ”

36 “Mó su mli Israelfǎ féé mlinu. Ibu mótǎá mliléda Yesu mántá oyikpalíhesu. Táme mlihie bí ání Bulu ladá mu ofúli, bwé mu Kristo pú aní Wíe.”

37 Bréá Israelfǎ ámu bonu asón ání á, ílehie han amó. Mó su befité Petro mwa mu aba sumbí ayǎpǎ atráhe amó bee, “Apíó, ntǎ abwéé?”

38 Mósú Petro léle mó ǎnǎ ǎbéé, “Mlǎtǎ okugyíǎku ǎdámli kluntǎ, abǎ mli asú Yesu Kristo dátó, méní Bulu obési mli lakpan kíé mli, há mli ǎhe Wankíhé

amu. ³⁹ Tsúfě mliá mli abí-aná pú ahá ání bobu tsútsúútsú ání Bulu óbėti fěé òlehie Ɔhe Wankíhé anfi há.”

⁴⁰ Petro lébli asón tsòtsòtsò, pótói kplá amó óbée, “Mlié mli iwí tsu ndemba-abí laláhe anfitò.” ⁴¹ Amótó ahá tsòtsòtsò bohò Petro asón ámu. Mú sù bohò amó asú. Eke ámu a, ahá bóbwe fě mpim-sa (3,000) betsiá ahógyipu amotò. ⁴² Ahógyipu amu bele ansí kítá sumbí ayópú ámu atosunáhé, amó ikulebwe tógyítótó, ópasua ámutò atogyihetò yée pú mpáibótó.

Ahógyipu Amu Tsiátó

⁴³ Sumbí ayópú ámu bóbwe ofúla pú osúna tsòtsòtsò, ónó lobwie óhagyíóha. ⁴⁴ Ahógyipu amu fěé bóbwe tógyító kule. Betsiá ye amó ató há aba. ⁴⁵ Betsiá fě amó ató, ye kóba ání benyato há amótó okugyíókúá óma. ⁴⁶ Amó fěé betsiá fia Bulu ótswékpa wunsinésú ekekegyíeke. Bobu amó kluntò-òdwe tsiá gyi ató ópasuato amó aba wóyító. ⁴⁷ Betsiá kánfó Bulu, ahá fěé bekle amó asón, aní Wíe Bulu létsiá pú ahá ání ódele betsiá amótó ekekegyíeke.

3

Petro Mva Yohane Ibo Ɔku Tsa

¹ Eke óku ntópwe ósato mpáibò bré á, Petro mva Yohane boyo Bulu ótswékpa amu wunsinésú. ² Oyin ókúá bókwií mu ibò tetsiá Bulu ótswékpa amu ókpa ónó kúá butetí mú “Ɔkpa ónó Wankláán.” Ahá butotsú mu ba beyái mu ekekegyíeke, ótókúli ahá ání bówie Ɔtswékpa mu kóba. ³ Bréá ibò amu lówun ání Petro mva Yohane bodebitíwíé Ɔtswékpa mu á, ólókúli amó kóba. ⁴ Petro mva Yohane besi líi bode mu kí díín. Mú Petro lébláa mu óbée, “Fó mú kí aní wule.” ⁵ Ibo amu kí óbée, béha mu tóku. Mú sù olotsu ansí fúá óde amó kí. ⁶ Táme Petro lébláa mu óbée, “Mma sika futútú ntée pépe, táme néha fó tóá mbu. Kusù lu, afónati Yesu Kristo Nasaretyin amu dátó!” ⁷ Ibo Petro lékítá mu gyopi bi, tsú mu líi, mu ówónlín lowie mu ayabi pú mu ntsakpátó. ⁸ Olofulú kpáyí ósáwule pé, wá natí bi. Mú sù ólekplá buo Petro aná wíe Bulu ótswékpa wunsinésú mu; óna odefulú kpáyí; óde Bulu kánfó. ⁹ Ahá ání bobu mu fěé bowun mu ání óna óde Bulu kánfó. ¹⁰ Mú sù bréá ìwankí amó ání ibò amó ótetsiá Ɔkpa Ónó Wankláán mu kóli ató ámu ni á, ìwá amó wánwan, bwíé amó ónó.

Petro Tói Bulu Ɔtswékpa Wunsinésú

¹¹ Oyin ámu pú Petro mva Yohane kinkíinkín Bulu ótswékpa wunsinésú, ótnekuá butetí mu Salomo Abrándáású. Mu ìltsa ìwá amó wánwan. Mú sù besri ba amó wá mu. ¹² Bréá Petro lówun amó á, ólefite amó óbée, “Mí apió Israelfò, ntogyi sù asón anfi lawá mli wánwan alí? Ntogyi sù mlilaba mlidé aní kí alí? Mlíki mliáa, aní onutó túmi ntée aní Bulusúm wankláán láhá sù oyin anfi lakúsó óna? ¹³ Bulu ámóú aní anáín Abraham, Isak pú Yakob bosúm ámu lówa mu osúmpú Yesu numnyam. Táme mlilápu mu há mliáa bómó mu. Mlílékiná óhá anfi tekí Pilato lóbwe agywun ání mési mu ónati anfi. ¹⁴ Mlílékiná Ɔha Wankíhé pú Yilé Ɔbwepó anfiá bówanlín mu iwí asón wá Bulu asón ówólótó anfi, bláa Pilato mliáa, osíi ahá ómópú ámu mboún ha mli. ¹⁵ Mlíléha bómò nkpa óhapó anfi, táme Bulu lókúsá mu tsú afúlitò. Anígyí mú iwí adansífo ní. ¹⁶ Yesu túmi láhá ibò anfi mliyin yáí, mlidékú anfi iwí lawá mu ónlín. Aní Yesu hógyi látsá mu, mli fěé mlidéwúun a.

17 “Ini so mí apíó, nyin ání mábí léha mliha mli ahande mlilópu ini fée gyi Yesu. 18 Táme a, Bulu lébli tson mu onósú atáipú amu féesú yáí obéé, ‘Kristo, (ohá ámúú neda mu ofúli amu) obówun iwiasin.’ Mú so oleha leba alí ní. 19 Mú so mlidamli klontó, amliyinki ba Bulu wá, méní obési mli lakpan fée kíé mli, wá mli owonlín pópwe, 20 lápú Yesu sísí mli. Mu Bulu léda ofúli yáí há mli ní. 21 Ilehíán ání Yesu obétsiá osósú mu yófon bréá Bulu obéla tógyító bwé, fé alá oleha mu onósú atáipú wankíhé amu bebli tswi. 22 Aní náin Mose lébli obéé, ‘Mli Wie Bulu obéha mu onósú atáipú okvá ogyi fé mí obédalí tsú mlitá há mli. Mligyi mu ason blíhé féesú. 23 Ohagyióha ání omobu onósú atáipú anfi á, Bulu obéle mu lé mu ahátó, mó mu.’

24 “Tsú Samuelsu á, Bulu onósú atáipúá beba fée bótóí tsú asón anfi idebá nke ánfító wi. 25 Mligyi Bulu onósú atáipú amu abí-aná. Mlibú itó ámúú Bulu léhe yáí há aní anáin amu. Tsúfé Bulu lébláa Abraham obéé, ‘Nótsun fú abí-anású yúlá oyító ahá fée.’ 26 Iní só bréá Bulu léle mu osúmpú Yesu a, olegyankpá pú mu sísí mli Israelfó, obéé obóyulá mli, amlisi lakpan bwe ní.”

4

Petro Mva Yohane Onóle Yudafó Asón Ogyikpá

1 Bréá Petro mva Yohane bubu mósó buđetáí kplá ahá ámu a, Bulu igyi ahapú múa Bulu otswékpa agyópu ohande pú Sadukifó aku beba bótó amú. 2 Oblí lekítá ahande anfi. Tsúfé sumbí ayópó ámu buđe ahá ámu ató suná beé, Yesu lawú kósú tsú afúlitó. Mú so wukósú bu mu há ohagyióha. 3 Ahande amu bekítá Petro mva Yohane. Owí deta so bopu amú yówa obu yéha oyi kehe. 4 Táme ahá ámúú bonu amú atosunáhé amúto ahá tsotsotsó bohogyi, betsiá ahógyipu amúto. Mú so ahógyipu amúto ayin bóbwe fé mpím-nu (5,000).

5 Oyi kehe nyanki a, Yudafó awíé, amú ahande pú Mose mbli asunápú beba befia Yerusalem. 6 Ahá anfi pú ahande ání befia asón ámu asu gyi; Bulu igyi ohapú dehen Hana, mu wóyító ahande Kaiafa, Yohane, Aleksandro pú wóyí ámúto ahá fée. 7 Beha bopu Petro mva Yohane belí amú ansító, befité amú beé, “Ma túmitó ntée ma dátó mlilétsa oyin anfi?”

8 Inu á, Oje Wankíhé lóbulá Petroto. Mú so ileha mu túmi olebláa Yudafó awíé pú amú ahande amu obéé, 9 “Nde mú mlidé aní fité tóá svá anilawá awítale há ibó anfi, tsá mu ɔ? 10 Mómú tsú nde mliha Israelfó fée mlibi ání Yesu Kristo, Nasaretyin amu túmi pú mu dátó oyin anfi ólí mli ansító anfi lanyá ɔlótá. Múgyi ohá ámúú mliléda mántá oyikpalíhesu mó mu asa Bulu lókúsá mu tsú afúlitó ámu ní. 11 Yesu anfi iwí asón bəwanlín wá Bulu asón ámúto beé,

‘Ibwi ámúú mli obu ayípu mlilékiná ámu lábəbwe okonkísóbwi ní.’

12 Yesu anfi nkole pé gyi ohá ání Bulu lópohá aní oyí ánfító obéé, atsúun musu nya nkpa. Ohaa trá oma unvá odon mu.”

13 Iníá Yudafó ahande amu boyin ání Petro mva Yohane bóməkókási owuló ki, táme ifú medé amú sv á, onó lobwie amú. Iləwankí amú ání babuo Yesu ki. 14 Ahande amu bomenya asvansu blí. Tsúfé bowun ání ɔbó amúú alanyá ɔlótá ámu lí Petro mva Yohane wá. 15 Mú so bebláa Petro aná beé, buđalí asón ogyikpá inu kpalobí, abukita agywun. Múú ahande amu befité aba beé, 16 “Nkálí abóbwe ahá anfi? Ohagyióha labí Yerusalem wuluto ání amú labwé osúna kponkpontí anfi. Animéetalí gyi mó nwéen. 17 Táme

alíá íbòbwe asón ánfí méeétrá kléí á, mliha ada amó olá kínkíínkín aníaa bómátra bláa ðhaa asvansu Yesu dátó é.”

¹⁸ Inu belatí Petro mva Yohane ba obuto inu, beda amó olá bee, bómátra bláa ðhaa asóngyiasón ntée súná ató Yesu dátó ekekekeke. ¹⁹ Múú Petro mva Yohane bebláa amó bee, “Mli onutó mliki. Mómú bu alé Bulu ansító, ání abónu mli asón lóó, ntée Bulu klé? ²⁰ Tsúfé aní mó aníméetalí sí tóá anlawun pú asón ání anílanú blí.” ²¹ Bometalí bití amó isu, tsúfé ahá ámu fée bode Bulu kanfó ofúla kpánkpronti ámúú alabwé ámu su. Mó su ahande amu betrá da amó olá kínkíínkín, besi amó benatí. ²² Oyin ámu ílòtsá lówa ifú, tsúfé alahò ðon nfi advana (40) alí bré ámútò.

Ahógyipv Amv Atò Kolihé

²³ Yudafò ahande amu benya sí amó alí, Petro mva Yohane beyinkí ba amó aba ahógyipv amu wá. Bebláa amó asón ání Bulu igyí ahapú ðehen pú Yudafò ahande amu beblí fée. ²⁴ Bréá ahógyipv amu bonu asón ámu a, amó fée bopu ðme kole kólí Bulu bee, “Aní Wíe Bulu Otúmípu, fólóbwe ósú fóbwe asi, opu móa ntsu pú mótó ató fée. ²⁵ Fòtsun ðje Wankíhésu há aní náin Dawid, ogyi fú osúmpó léblí ðbée, ‘Ntogyi só ómá-ómá banyá ðbló?

Ntogyi só ahá fée babwé agywun kuku kpaalí?

²⁶ ðsulósu awíe badídá ató.

Wúlu ahande batí aba fia,

kítá agywun laláhe aní Wíe Bulu mva Kristo, (ðhá ámúú oléda mu ofúli) amusu.’ ”

²⁷ Petro lóyò mu asónsú ðbée, “Lélé á, asón ánfí laba mótó. Owíe Herode mva Pontio Pilatóá bomegyí Yudafò pú Israelfò babwé kole wúlu anfitò, kósú líí Yesusu. Múgyí fú osúmpú wankíhéá féda mu ofúli ni. ²⁸ Táme bumebu ání tóá fehíhíe yaí fee íbéba mótó fú apé pú fú túmitò dodo babwé á. ²⁹ Aní Wíe Bulu, kí alíá baká anísu, afukpa fú asúmpú, méní abétalí blí fú asón ámu, anuméenya ifú. ³⁰ Tsa ahá ðó fú túmitò, afóha abwe ofúla pú osúna fú osúmpú wankíhé Yesu dátó.”

³¹ Bréá bóbò mpáí ánfí tá á, amó ofiakpa inu fée ðòkpunkí. ðje Wankíhé lóbólá amótó. Mó su bowa klón dá Bulu asón ámu ðkan.

Ahógyipv Amv Atótó Yée

³² Ahógyipv amu fée bopu klón kole móa agywun kole tsíá. ðkuku méblí ðbée tóá muvb igyi mu nkole klé. Mbóún okugyíòku ató ðbwe amó fée klé. ³³ Sumbí ayópú ámu bopu túmi kpánkprònkpronti gyi aní Wíe Yesu iwí adánsíe bee, Bulu lakósóa mu tsú afúlitò. Bulu léhie wá awítòle há ahógyipv amu fée. ³⁴ Amótó ðkuku mégyi ohian, tsúfé amúá buvb ðsulósu pú wóyí betsiá fé mó, pú mó ðnó kóba ba ³⁵ sumbí ayópú ámu, betsiá ye mó há ðhagyíðha alíá ilehián mu.

³⁶⁻³⁷ Mó su alí kén Lewiyin ðkóá bútetí mu Yosef léfe ðsulósu, ðòpú kóba amu ba sumbí ayópú ámu ni. Yosef anfi otsú Kipro ðmátó, sumbí ayópú beha mu idá Barnaba, (mó asi gyí, “Ahá atetò-onlin ðwapú.”)

5

Anania Mva Safira

¹ Inu oyin ðkóá bútetí mu Anania mva mu ka Safira é befe amó siadie ku. ² Táme Anania léle kóba amu ku njáin, mu ka é yin mó iwí. ðòpú kóba amu tráhe ba sumbí ayópú ámu. ³ Múú Petro léfité mu ðbée, “Anania, ntogyi só fahá ðbonsám lagyi fusu, fapó kóba amúú fenya ámu ku njáin, bowa afunu

suná ɔɲe Wankíhé? ⁴ Fóbó fú ɔsolóv asa fefe mó. Iníá fefe mó é á, fóbó fú kóba. Ntɔ láhan fu sù fabwé itá igyi alí? Bulu fawá afunu suná o, megyí anyánkpsá.” ⁵ Anania lénya nú asón ánfí alí á, ɔletín da wú. Mó sù ifú lehie kítá ahá ání bonu asón ánfí féé. ⁶ Inu nyasubi aku bókusú tsú tati kíklí mu iwí, tsú mu yópulá.

⁷ Ilegyi fé dɔnhwírí asa ɔma asa mu ka Safira é lóbowie inu. Alí bré ámɔtɔ á, omeyín tásá ilaba mu kulusu. ⁸ Petro léfité mu ɔbéé, “Safira, bla mi. Kóba anfi gyí tásá fúa fú kulu mlilénnya bréá mliléfe ɔsolóv amu ní?”

Safira léle mó ɔnɔ ɔbéé, “Ee, alí anilénnya ní.”

⁹ Mó sù Petro léfité mu ɔbéé, “Ntogyi sù fúa fú kulu mlilabwé ɔnɔ-ɔkɔle mlíaa mlósɔ Aní Wíe ɔɲé kí? Kí, nyasubi ání bayópulá fú kulu yínkí lawíé obu-ɔnɔ inu á. Bósorá fú é ya.” ¹⁰ Inuɔ ɔtsí ámu é létín da Petro ayabitɔ inu wú. Bréá nyasubi ámu bobowie inu á, bowun ání Safira é lawú, sù botsu mu yópulá mu mantáa mu kulu. ¹¹ Ifú lehie wíe ɔpasua ámu pú ahá ání bonu asón ánfí féétó.

Sumbí Ayɔpó Ámu Ofúla Pó Osúna Bwe

¹² Bulu lótsun sumbí ayɔpó ámuɔv bwé ofúla pú osúna tsɔtsɔtsɔ wúlu amɔtɔ. Ahógyipu amu féé bɔbwe kɔle tsíá fia ɔtnekvá bɔtetí inu Salomo Abrándáásó. ¹³ Ahá ání bomegyí ahógyipu kóráá betí ahógyipu amu idayilé. Táme ɔkɔkɔ móbwe agywun ɔbéé, mébetsíá ahógyipu amɔtɔ. ¹⁴ Igyi alí óó á, atsi móba ayin tsɔtsɔtsɔ bɔhɔ aní Wíe Yesu gyí. Bulu létsíá pú amó tsíá ahógyipu amɔtɔ. ¹⁵ Sumbí ayɔpó ámu ofúlábwe sù wúlu amɔtɔ ahá betsíá tsú amó alɔpu ba brɔnusu, beyáí nklan tswí pú amó tswí mósó. Fówun ní Petro ɔbá bɔtsun inu á, mu yiyí bówólí amósó. ¹⁶ ɔdɔm ání botsú awúluá ibu bomlí Yerusalemɔ é bɔpu amó alɔpu pú ahá ání ɔɲe laláhe dé amó háan ba, sumbí ayɔpó ámu betsa amó ilɔ.

Sumbí Ayɔpó Ámu Lu

¹⁷ Sumbí ayɔpó ámu iwí lówa Bulu igyi ɔhapó dehen amu muv mu aba ání bɔbu Saduki ɔpasuatɔ olu. ¹⁸ Iní sù bekítá sumbí ayɔpó ámu wá obu. ¹⁹ Táme onyé, Bulu-ɔbɔpu ɔkɔ léba befinkí obu ámu, kpá sumbí ayɔpó ámu dálí. ²⁰ Bulu-ɔbɔpu amu lébláa amó ɔbéé, “Mlɔyɔ amlɔyelí Bulu ɔtswékpa wunsínésó inu, amlíbla ahá nkpa pɔpwe amu iwí asón féé.” ²¹ Sumbí ayɔpó ámu begyi Bulu-ɔbɔpu amu asónsú. Mó sù benatí yó wunsínésó inu bake, bɔde ahá ató suná.

ɔma-ɔma a, Bulu igyi ɔhapó dehen amu létí Yudafo asón agyípó amu féé fia. Mósó bɔwa abí beɛ buyéle sumbí ayɔpó ámu ba. ²² Táme bɔyɔ á, sumbí ayɔpó ámu buma inu. Iní sù beyínkí bebláa ahande amu beɛ, ²³ “Anlósɔ inu á, anlówun ání akɔn amu fin wankláán. Obu adípósó akípu amu bolí bɔde akɔn amu ɔnɔ gyo. Táme bréá aniléfinkí akɔn amu a, anumówun ɔhaa obu ámɔtɔ.” ²⁴ Bulu ɔtswékpa agyópu ɔhande muv Bulu igyi ahapó dehen amu bonu asón ánfí a, bɔbwe yɔɔ, sí bɔde asón ání íbɛba mó ɔma gywín. ²⁵ Inu ɔha ɔkɔ lébebláa amó ɔbéé, “Mlɔkí, ahá ámúsú mlílówa obu ámu bolí Bulu ɔtswékpa wunsínésó inu, bɔde ahá ató suná.” ²⁶ Mó sù Bulu ɔtswékpa agyópu ɔhande amu muv mu aba bɔyɔ yékpa sumbí ayɔpó ámu ba. Bekpa amó díín pú amó ba, tsúfé benya ifú ání ní bɔpó íbɛ da amó á, ahá bédá amó abwí.

²⁷ Bɔpu amó ba belí Yudafo asón agyípó amu ansító. Mósó Bulu igyi ɔhapó dehen amu léfité amó ɔbéé, ²⁸ “Anuméda mlí ɔlá aníaa, mlímátrá tí oyín ánfí dá súná ató? Táme mlɔkí tásá mlilabwé. Mlilahá mlí atosunáhé labólá Yerusalem wúluto féé. Mlídékléá mlópu mu lowu sórá aní.”

²⁹ Petro mwa sumbí ayǎpó atráhe amu bele mú ònó bee, “Bulu asónsú lehián aní abégyi, megyi anyánkpósa. ³⁰ Mliléda Yesu mántá oyikpalíhesu mó mu. Táme aní anáin Bulu lókúsó ma tsú afúlitó. ³¹ Olotsu mu ya asósó, pú mu yéyáí mu gyǎpisu, bwé mu ahá Ǫkparú pú Nkpa Ǫhópú. Fówun ǎkpa idí ha Israelfó abódamli klóntó, Bulu osi amú lakpan kie amú. ³² Angyí alí asón ánfí iwí adansífo ní. Ǫhe Wankíhé amóú Bulu lópukíé ahá aní bǔtegyi mu asónsú amu é dé mú iwí adánsíe gyí.”

³³ Bréá Yudafó ahande amu bonu asón ánfí á, lówa amú óbló. Mú su bǔbwe agywun bee, bómó sumbí ayǎpó ámu. ³⁴ Táme Yudafó ahande amóto ǎkwá ogyi Farisiyin, mu dá gyí Gamaliel, ogyi Mose mbala osunápú aní ahá féé bǔtobú mu lókúsó líí, blí óbéé bǔkpá sumbí ayǎpó ámu dalí kpalobí. ³⁵ Inu ǎlebláa Yudafó ahande amu óbéé, “Israelfó ayin, mlíkí wankláán itó ánfí mlíaa mlópoggyi ahá ánfí iwí. ³⁶ Mlíkaín aní bré kǔtá á, oyin ǎkwá bǔtetí mu Teuda létsiá. Ǫlóbwe mu iwí fé óha kǔnkpǔntí ǎku. Mú su ahá bǔbwe fé lafana (400) sónn bobuo mu. Táme bómó mu, mu abúopu féé bedasáín, mu bwehé é féé lowie ntsu. ³⁷ Mu óma a, Yuda aní ogyi Galileayin é léba aháklábi. Mu é ǎlekpa ódóm buo iwí. Táme bómó mu, mu abúopu amú féé bedasáín. ³⁸ Mú su nde mlí bláa mbéé, mlísi ahá ánfí. Mlímápu ibí da amú. Tsúfé ní itsú anyánkpósa wá á, mú féé íbéba bǔtsun. ³⁹ Táme ní itsú Bulu wá á, mlíméetalí ká amú itin. Mú su mlímábwe amú tǔto, méní imóóbwe fé mlíaa Bulunyo mlídéko.”

Yudafó ahande amu bǔtsulá dínká Gamaliel asón ánfísu. ⁴⁰ Inu beha betí sumbí ayǎpó ámu ba obuto inu. Beha bǔnwen amú ató, beda amú ólá bee, bómátra tí Yesu dá súná ató ekekeeke, besi amú benatí. ⁴¹ Bréá sumbí ayǎpó ámu bedalí Yudafó asón ogyíkpa inu bǔyó á, ansí de amú gyí. Tsúfé Bulu lahá amú é bawun iwíwusun Yesu su. ⁴² Sumbí ayǎpó ámu betsiá súná ató ekekegyíeke, dá Bulu asun wankláán ámu ǎkan Bulu ǔtswékpa inu pú wóyígyíwóyító bee, Yesu gyí Kristo, (óhá amóú Bulu ladá mu ofúli amu).

6

Ǫnó Alípó Abasiénó Le

¹ Bréá akasípó amu beba bǔdekleí á, ítré leda Yudafó Griiki ablípó amóú bǔteblí Hebrí óblí amu nsíné. Griiki ablípó amu bee, ekekegyíeke, ní bǔde ató yée a, bǔtamahá Griikífo asurapu amu. ² Mú su sumbí ayǎpó dúanyo amu betí ahógyipu amu féé fia, bláa amú bee, “Uma alá abési Bulu asón ǎkanda betsiá ye ató. ³ Iní su apíó, mlíkí mlíto amlíle ahá abasiénó aní obú bu amósó, Ǫhe Wankíhé múa nyánsa itsó amótó. Fówun apu amú lí atótó yée ònó, ⁴ méní aní é abéle ansí kí mpáibo pú Bulu asón ámu ǎkanda.”

⁵ Ansí legyi ahógyipu amu féé asón ánfí iwí. Mú su bele oyin ǎkwá mu hógyi ònó bu ǎnlín, Ǫhe Wankíhé é itsó muǔto, bǔtetí mu Stefano mwa Filipino, Prokoro, Nikanor, Timon, Parmena pú Nikolao, ogyi Griikiyin ǎkwá otsú Antiokia asa alawíé Yudafó osúmtó. ⁶ Bǔpu ahá ánfí bosuná sumbí ayǎpó ámu, sumbí ayǎpó ámu é bǔpu ibí dínká amósó, bǔ mpáí há amú.

⁷ Iní su Bulu asón ámu lekléí, akasípó amu bomoní Yerusalem. Bulu igyí ahapú ámu óó tsǔtsǔtsǔ bǔhǔ Yesu asón ámu.

Stefano Kítá

⁸ Bulu lówa awítǔle há Stefano túmi kǔnkpǔnkpǔntí. Mú su ǎlóbwe ofúla pú osúna kǔnkpǔntí ómá ámuǔto. ⁹ Táme aku bǔkúsó líí musu. Ahá ánfí bǔtsú ofiakpa kwá bǔtetí mú “Nkpábiá Bahó Iwíwutsiá.” Amú aku bogyi Yudafóá bǔtsú Kirene pú Aleksandria awúlusu. Aku é bǔtsú Kilikia pú Asia

omátó. ¹⁰ Táme Ɔhe Wankíhé léha Stefanó nyánsa ɔɔpɔtí. Mú sɔ bɔmetali gyí mɔ nwéen. ¹¹ Inɔ sɔ beha akɔ ɔnɔ beɛ bɔbli beɛ, bonu ání Stefanó détoí wɔ Mose mɔa Bulu. ¹² Inɔ léha ahá ání bɔbɔ inɔ pɔ Yudafo ahande pɔ Mose mbla asunápɔ amɔ benya ɔblɔ Stefanosɔ. Inɔ benatí yótu mɔ, kítá mɔ, kpá mɔ ya Yudafo Asón Agyípo amɔ ansító. ¹³ Belahá akɔ bɔwa afunu dínká mɔsɔ beɛ, “Oyin ání tótóí wɔ Bulu ɔswékpa wankíhé pɔ Mose mbla ámu ekekegyíeke. ¹⁴ Anilónu ání ɔdebli ɔbéɛ, ‘Yesu Nasaretyin amɔ obóbwie Bulu ɔswékpa amɔ, tse amándíé ání Mose lósuná anɔ fée.’ ” ¹⁵ Yudafo Asón Agyípo amɔ fée besi bɔde Stefanó kí dín. Inɔ beki a, mɔ ansító de ogyá kpa fée Bulu-ɔbɔpɔ ansító.

7

Stefano Iwɔ Ɔnɔle

¹ Bulu igyí ɔhapɔ dehen amɔ léfité Stefanó ɔbéɛ, “Asón ání bablí tsú fɔ iwɔ ání fée bɔ mótó?”

² Stefanó léle mɔ ɔnɔ ɔbéɛ, “Mí apíó pɔ mí así, mliyaa asɔ amlinu! Bulu Onumnyampɔ amɔ léle iwɔ ɔwan súná anɔ náin Abraham bréá otsie Mesopotamia ɔmátó, Kaldeafɔ asa olotu yétsiá Haran wúluto. ³⁻⁴ Inɔ Bulu lébláa mɔ ɔbéɛ, ‘Tu dali fɔ ɔmátó si fɔ abusuan, afɔyɔ ɔsólɔv kɔá nɔsuná fósó.’ Mú sɔ Abraham lótu tsú Kaldeafɔ ɔsólɔv yétsiá Haran wúluto. Mɔ sɔ lowu ɔma a, Bulu léha mɔ olotu ba ɔtíné ání mlɔtsie nde ání. ⁵ Bré ámutɔ á, Bulu mókónyá há Abraham ɔsólɔv anfi yabi oyíkpa kɔle kóráá. Táme Bulu léhie mɔ asɔ yaí ɔbéɛ, mɔa mɔ abí-aná obégyi ɔsólɔv anfi ekekó. Alɔ bré ámutɔ á, Abraham mókókwií obí. ⁶ Asón ání Bulu lébláa mɔ gyí, ‘Fɔ abí-aná bóbwe afɔɔ ɔsólɔv kɔsɔ. Bɔpɔ amɔ bwé nkpábi, wá amɔ amomɔyɔ nfi lafana (400). ⁷ Táme négyi ɔmá ámutɔ fɔ abí-aná béyetsiá amɔ asɔ ámu asón, bíti amɔ isɔ. Mú ɔma a, néle amɔ lé amɔ ibitɔ, fówun béba bosúm mí nfi.’ ⁸ Bulu léka ntam há Abraham. Ntam amɔ ɔnɔ á, Abraham ɔbétin mɔ abí-aná keté. Mú sɔ mɔ bi Isak lóhɔ nkekwe á, Abraham létin mɔ keté. Isak é létin mɔ bi Yakob keté. Yakob é létin mɔ abí, bɔgyi anɔ anáin dúanyɔ ámu keté amɔ nyebitɔ.

⁹ “Anɔ anáin anfi befe amɔ gyama Yosef, mɔ iwɔ olu sɔ. Mú sɔ ɔbɔyɔ yébwɛ ɔkpábi Egypte ɔmátó. Táme Bulu léli mɔ ɔma, ¹⁰ lé mɔ lé mɔ asɔn wunhe féeétó. Bulu léha mɔ nyánsa, há Egypte owie lénya mɔ iwɔ ansigyí. Mú sɔ ɔbɔwɛ Yosef mɔ ɔmá pɔ mɔ wóyí féeésú ɔkípu. ¹¹ Akón kɔ léhá Egypte pɔ Kanaan ɔsólɔv fée. Iɔpɔ ikplán ba ɔmá ámutɔ. Anɔ anáin amɔ bɔmenyá ató gyi. ¹² Mú sɔ bréá Yakob lónu ání atogyihe bɔ Egypte a, ɔbwa anɔ anáin anfi sísi. Bɔyɔ inɔ eke gyankpapɔ yénɔ atogyihe ba. ¹³ Beyinkí yó otse nyɔɔsi a, Yosef léle iwɔ ɔwan súná amɔ ɔbéɛ, mɔgyi amɔ gyama Yosef ní. Inɔ sɔ Egypte owie é lébi Yosef abusuan. ¹⁴ Mú ɔma a, Yosef lówa mɔ apíó sísi ɔbéɛ, bɔyékpá mɔ sɔ Yakob pɔ mɔ abusuanfɔ, bóbwe fée ahá aduesienónu (75) ba, abubetsiá Egypte ɔmátó. ¹⁵ Inɔ Yakob lóyɔ Egypte. Inó mɔa anɔ anáin amɔ bowu ní. ¹⁶ Nfi tsɔtsɔtsɔ ɔma a, bɔpɔ amótó akɔ afúli ya Sekem. Wúlu anfitɔ Abraham légyankpá tsíá ní. Bopolá amɔ ilán kɔá Abraham lɔpɔ kɔba hɔ tsu oyin ɔkɔá butetí mɔ Hamor abí wátó.

¹⁷ “Nke ámutɔ Bulu léhie Abraham amɔ lotsutsúá ibɔfon a, anɔ anáin amɔ bakléi wá Egypte ɔmátó. ¹⁸ ɔma a, Egypte owie ɔkɔá ɔmebi Yosef lébetsiá obíá ámusɔ. ¹⁹ Owie anfi lówa owuntalin anɔ anáin amɔsɔ. Ɔleka amɔ híé ɔbéɛ, butswú amɔ abí bɔbwɛ tsalifwɔ abuwu. ²⁰ Alɔ bré ámutɔ bɔkwú Mose ní. Ogyi obí ání ɔhíé ɔb akíle, Bulu ansí legyi mɔ iwɔ. Mɔ yin léyaí mɔ tsra asa mɔ sɔ wóyító. ²¹ Bréá bele mɔ mɔ wóyító a, Farao mɔ bi tsíhé lótsu

mu, pú mu bwé mu bi alı, ɔledan. ²² Egyptefɔ bosuná Mose amó amándíé kugyíko. Ɔɔɔbwe ɔha kpɔnkpɔntı mu itı́ı pú mu bwehétó.

²³ “Bréá Mose lóhɔ nfi advana (40) á, ɔɔɔbwe agywuɔn ɔbéé, móyo yéki alıá Egyptefɔ bɔpu bɔde mu apı́o Israelfɔ kpa. ²⁴ Inu á, olowun anı́ Egypteyin dé mu apı́o Israelfɔ ámutɔ ɔku da. Mú su ɔɔɔyo ɔyóhɔ mu pio ámutó ide mu dónu amu, ilemlı́ muá Egypteyin amu nyo. Inu ɔleda Egypteyin ámu mó. ²⁵ Mose mú ki ɔbéé, ıbówankı́ mu apı́o Israelfɔ anı́ Bulu dépu mu hɔ amú nkpa, táme ımówankı́ amú. ²⁶ Mú ɔyi kehe a, olowun Israelfɔ abanyó bɔdeko. Ɔɔɔyo ɔyékpatá amú, ɔlebláa amú ɔbéé, ‘Mlı́ki, apı́o mlı́gyı́. Ntogyı́ só mlı́ wɔlewɔle mlı́de aba amomoyɔ wa?’ ²⁷ Táme ɔmɔamú ɔde mu ba da ámu lówutá Mose sísi, fité mu ɔbéé, ‘Ma lówa fú ɔbéé fubégyı́ anı́su, afɔgyı́ anı́ nsıné asón?’ ²⁸ Fɔdekléá fómɔ mí, fé alı́ ámutó ıgye fómɔ Egypteyin amu lóó?’ ²⁹ Mose lénya nú asón ánfı alı, ɔlesrı́ dalı́ Egypte ɔmátó yó Midiafɔ ɔsolósu. Oletsı́a inu kwı́ı abi anyɔ.

³⁰ “Nfi advana ɔma a, Bulu-ɔbɔpu léle ıwı́ ɔwan súná Mose dimbı́sı́ oyı́bi kuá ıbu awu, ogyá detsı́ı mútótó, mantáa Sinaıbu. ³¹ Mose lówun mú á, ılɔwa mu ifú. Bréá ɔɔɔkpukpé ɔyó yéki mú wankláán á, Bulu lébláa mu ɔbéé, ³² ‘Mı́gyı́ fú anáın Abraham, ısak pú Yakob Bulu.’ Mose lénya ifú, ɔɔɔkpı́nkı́ kpakpakpakpa. Mú su ɔmetalı́ ki mú. ³³ Anı́ Wı́e Bulu lébláa mu ɔbéé, ‘Wɔı́ fú ntɔkɔta tswı́, tsúfé ɔtıné ánfı fulı́ ánfı ıgyı́ ɔtıné wankı́hé. ³⁴ Nawun anı́ mı́ ahá bɔde ıwı́ɔsın wúun Egypte ɔsolósu. Nanú amú ısu. Mú su nakplı́ nebá bɔhɔ amú. Ba, anwa fú Egypte.’

³⁵ “Mose anfi Israelfɔ bekiná Egypte ɔmátó, fité mu beé, ‘Ma lówa fú ɔbéé fubégyı́ anı́su, afɔgyı́ anı́ nsıné asón?’ ní. Mose anfi kén Bulu léha ɔbéé, ɔbwéé anı́ anáın amúsú ogyı́pú pú amú ɔlepó ní. Bulu lówa mu sumbí ánfı tsɔn Bulu-ɔbɔpu amú ɔlele ıwı́ súná mu ogya plenplentɔ ámusu. ³⁶ Mu kén gyı́ ɔhá anı́ ɔlekpa amú dalı́ Egypte, bwé ofúla pú osúna tsɔtsɔtsɔ Egypte ɔsolósu, Ɔpu Pepe amu ɔnó pú dimbí ámusu nfi advana (40) kéké ní. ³⁷ Mu kén lébláa Israelfɔ ámu ɔbéé, ‘Bulu ɔbéle mu ɔnósú ɔtáı́pú ɔkuá ogyı́ fé mı́ tsú mlı́tɔ há mlı́’ ní. ³⁸ Bréá muá Israelfɔ ámu befia dimbí ámusu á, Mose anfisı́ Bulu-ɔbɔpu amu lótı́ı tsɔn Sinaıbu ámusu há anı́ anáın amu ni. Mu kénsó Bulu lópu mu nkpa asón ámu tsɔn, ide anı́ é tu ní.

³⁹ “Táme anı́ anáın bɔmɔbu mu. Bekiná mu asón nu. Amú nkɔle su mú á, tekı́ bɔtráa bɔbu Egypte ɔmátó. ⁴⁰ Inı́ su bebláa Aaron beé, ɔyáı́ ıkpı́ anı́ békpa amú ha amú. Tsúfé bɔmeyın t́á ılabwé Mose amú ɔlekpa amú tsú Egypte amu. ⁴¹ Alı́ bré ámutɔ á, beblı́ sika pepe ɔnantswı́eбі́ pówwé ɔkpı́, tsı́á há mú ıgyı́. Amú ansı́ legyı́ amú ıbı́ ɔnó itɔ bwehé ánfı ıwı́. ⁴² Bulu lési amú asón, bɔyo bɔde owı́ muá ɔtsra pú ntsrakpabi tswéé. Fé alı́ bówanlın wá Bulu ɔnósú atáı́pú amu ɔwulótó beé,

‘Israelfɔ! Megyı́ mı́ mlı́lómɔ mbwı́ bó afɔde há
nfi advana (40) ámutó mlı́létsı́a dimbí ámusu.

⁴³ Mbouın ɔkpı́ Molok tati-obu
pú Refan ntsrakpabi ɔkpı́
mlı́lóbwe sórá, nátı́ tswé.

Inı́ su négya mlı́ yówa Babilonfɔ ɔsolósu ɔma ɔtıneko.’

⁴⁴ “Tati-obu ámutó itosúná amú anı́ Bulu bu amú wá ámu é letsı́a anı́ anáın amu wá dimbí ámusu. Mose lóbwe mú ahá Bulu lósuná mu ɔbéé, ɔbwéé mú pépéépé. ⁴⁵ Anı́ anáın amu bowu sí Bulu tati-obu ámu há anı́ ası́, Yosua légya amú nkpa bɔpuha ɔsolósu anfisı́. Amú onutó ansıtó Bulu légya ɔmá-ɔmá lé ɔsolósu anfisı́ púhá amú. Bulu tati-obu ámu letsı́a amú wá alı́

bətu Owie Dawid brésú. ⁴⁶ Bulu ansí legyi Owie Dawid ɪwɪ. Mú sɔ Dawid lókólí mɔ ɔbéɛ, mɔyɪi obu ha mɔ, ménɪ anɪ Yakob abí-aná fée abósum mɔ ɪwɪ. ⁴⁷ Táme Owie Salomo mboún lébeyi obu ámu.

⁴⁸ “Táme Ɔsúsú Bulu tamatsiá nyankpɔsa obu yihetɔ. Fé alá Bulu ɔnású ɔtáipú ɔku léblí ɔbéɛ,

⁴⁹ ‘Anɪ Wíe Bulu ɔbéɛ, “Ɔsúsú gyí mí owie obía,
 ɔsolúv é igyi mí ayabi oyíkpa.

Ntɔ obu mlíaa mléyi ha mí?

Nkónɔ gyí mí ɔkpónú ɔdakpá?

⁵⁰ Megyí mí lóbwɛ ntobí ánfɪ fée?” ’ ”

⁵¹ Stefano lómɔ mɔ asún ɔnɔ ɔbéɛ, “Asɔtɔ-ɔnlɪn awíé, klɔntɔ bɔ mlɪ odwin. Mlɪlakíná Bulu asún ámu nu. Mlɪ é mlɪtɔkúsú líí Ɔhe Wankíhé amɔ asónsú brégyibré, fé alá mlɪ anáin amɔ betsiá bwé. ⁵² Bulu ɔnású ɔtáipú ɔmɔmɔsú mlɪ anáin bɔmɛdunká? Bɔmɔ Bulu ɔnású atáipú amú bɛblí yáí bɛɛ, Yilé Ɔbwɛpú ámu ɔbéba amɔ é. Mlɪléɛ Yilé Ɔbwɛpú ámu há, bɔmɔ mɔ. ⁵³ Mlɪlólɔ Mose mbla ámu tsú Bulu-abɔpɔ ámu wá ní, táme mlɪmégyi mósú.”

Stefano Abwi Da Mɔ

⁵⁴ Bréá Yudafo ahandɛ amɔ bonu Stefano asɔn blíhé anfi á, ɔblɔ léhɛ kítá amó, bɛda ansítɔ kpɔn. ⁵⁵ Táme Ɔhe Wankíhé lóbolá Stefanotɔ, olotsu ansí fɔá, ɔde ɔsúsú kí. Olowun Bulu numnyam, Yesu líí Bulu gyɔpɪsɔ. ⁵⁶ Múú ɔlébláa amú ɔbéɛ, “Mlɪkɪ, nawun ání ɔsúsú lafinkí, Nyankpɔsa-Mɔ-Bi ámu líí Bulu gyɔpɪsɔ.”

⁵⁷ Bréá bonu ɪnɪ á, bɔpɔ ɪbɪ tin asɔ. ɪnɔ amó fée bɔsɔrá okitikítí tú bun mɔsɔ, ⁵⁸ bɛbitía mɔ dalɪ wúlu amɔtɔ bɛyédá mɔ abwi mó. Adansífo ámu bɔwɔí amó awunso atadiɛ tswɪ ɔyasubi ɔkɔá bɔtɛtí mɔ Saulo wá. ⁵⁹ Bɔde mɔ abwi dá alu, olokpolí anɪ Wíe ɔbéɛ, “Mí Wíe Yesu, hɔ mí ɔhɛ.” ⁶⁰ ɪnɔ á, ɔléda akpawunu, kplón kɔklókúú ɔbéɛ, “Mí Wíe, si lakpan ánfɪ kie amó.” Olenya blí alɪ pé, olomu ɔnɔ.

8

¹ Saulo é lótsulá dínká Stefano mɔsɔ.

Saulo Ɔpasua Amɔsɔ Dínká

Tsú eke ámɔsɔ á, bɛdínká ɔpasua amó ɪbɔ Yerusalem amɔsɔ, wá amó mɔ bɪ. Mú sɔ ɔpasua ámu fée bɛdasáin wá Yudea pɔ Samaria ɔmátɔ, sí sumbí ayɔpú ámu nkɔle pé wá ɪwɪ. ² Táme Bulu asúmpɔ akɔ bosu Stefano, bɪn mɔ.

³ Saulo mú léfɪ ɔpasua ámu bwie asɪ. Oletsíá kí ahá wóyítɔ, bítía ahógyipɔ atɪ móa ayin fée yówa obu.

Filipo Bulu Asún Ɔkanda Samaria Wulutsɔ

⁴ Ahógyipɔ amɔ bɛda Bulu asɔn wankláán ámu ɔkan ɔtínegyíɔtíné ání bɛdasáin yó. ⁵ Mú sɔ Filipo lóyɔ Samaria wúlu yilé kɔtɔ yébláa amó Kristo, (ɔhá amó Bulu ladá mɔ ofúli amɔ) ɪwɪ asɔn wankláán ámu. ⁶ Afɪapɔ amɔ fée bonu mɔ asɔn blíhé, bowun osúna ání ɔɔbwɛ é. Mú sɔ bɔhɔ mɔ asún ámu. ⁷ Ɔhe laláhe lósvrá okitikítí dálɪ ahá tsɔtsɔtsɔtɔ. Ahá ání amú ifón lawú pɔ tsukole asínɔpɔ tsɔtsɔtsɔ é benya ɪlɔtsá. ⁸ Mú sɔ ansí léhɛ gyi Samariafo ámu.

⁹ Alɪ bré ámɔtɔ á, ɔfáipú kpɔnkpɔntɪ ɔkɔá bɔtɛtí mɔ Simon bɔ wúlu amɔtɔ. Bréá Filipo mókóba ɪnɔ á, ɔtɔbwé túmila súná mɔ pɪ amɔ, ɪtɔwá amó ifú. Ɔtɔpɔ ɪbɪ sí kántó blí ɔbéɛ, ɔtúmíɔpɔ kpɔnkpɔntɪ mɔgyí. ¹⁰ Nyebí ahandɛ fée bɔtobú mɔ, blí bɛɛ, “Oyin ánfɪ dé Bulu túmɪ kpɔnkpɔntɪ ámu.” ¹¹ ɪnɔ

ḗdepu mu asuma bwé ofúla suná amó, ɔlawá ḗpá su á, amó f́éé bḗhḗ mu gyi. ¹² Táme bréá Filipino léba bēda Bulu iwíegyi ṕo Yesu Kristo iwí ason wankláán ámu ḗkan a, atsi móa ayin bḗhḗ mu asón ámusu gyi, ɔbḗbḗ amó asú. ¹³ Simon onutó é lóhogyi, ɔleha Filipino lóba mu asú. Mu asúbḗ ɔma a, ɔlpu iwí mantáa Filipino. Bréá olowun alá Filipino dé ofúla móa osúna bwe á, ɔnḗ lobwie mu.

¹⁴ Sumbí ayḗpó ámóú bḗbu Yerusalem amu bonu ání Samariafḗ baho Bulu asón ámu. Mú su bḗwa Petro mwa Yohane amó wá. ¹⁵ Bréá boyówie mu á, bḗbḗ mpái há Samariafḗ ahógyipu amu bee, bḗnyáa ɔḗe Wankíhé. ¹⁶ Tsúf́é asú keke babó amó aní Wíe Yesu dátó, táme amótó ɔkḗku mókónyá ɔḗe Wankíhé amu. ¹⁷ Inu Petro mwa Yohane bḗpu ibi dínká amó nwunso, Bulu léha amó ɔḗe Wankíhé amu.

¹⁸ Simon lówun ání ibi keke sumbí ayḗpó amu bapú dínká ahógyipu amu nwunso, Bulu lahá amó ɔḗe Wankíhé. Mú su ɔlele kóba há Petro mwa Yohane, ¹⁹ ɔlebláa amó ɔb́éé, “Mliha mí túmi ánfí ku, méní ní mí é nḗpó ibi dínká ɔku nwunso á, Bulu ɔb́éha mu ɔḗe Wankíhé.”

²⁰ Táme Petro lébláa mu ɔb́éé, “F́óba f́ó kóba ámu nyo f́éé mlihi. Tsúf́é fukí f́éé, f́étalí ṕo kóba hḗ Bulu itokiehé ánfí. ²¹ F́oma ogyíkpa nt́éé ɔlúkpa aní gyumagyihe anfitó, tsúf́é f́ó klontó metin Bulu ansító. ²² Damli klontó tsu f́ó lakpan ánfíto, afokuli aní Wíe Bulu. F́íahí obési agywun laláhe anfi fabwé ánfí kíé f́ó. ²³ Tsúf́é nawun ání f́uhíé f́óbu ɔnsipe, lakpan lagyi f́osu.”

²⁴ Simon lébláa Petro mwa Yohane ɔb́éé, “Nobwíí ipa, mlíkoli mli Wíe Bulu ha mi, méní ɔḿéha asón ánfí fablí ánfíto kuku ḿéeba muso.”

²⁵ Bréá Petro mwa Yohane begyi adánsie, dá Yesu iwí asón ámu ḗkan tá á, beyinkí yó Yerusalem. Bréá bḗna bḗyó á, bēda ason wankláán ámu ḗkan Samaria nkuda tsḗtsḗtsḗ asi.

Etiopia Owie Sikasu ɔkípu Klontódamlí

²⁶ Alí bré ámḗto á, Bulu-ḗbḗpu lébláa Filipino ɔb́éé, “Kusu pu ɔsaasi dimbisó ɔkpa ámóú ida tsu Yerusalem iyó Gasa amu.” ²⁷ Múú Filipino lókusó ṕo ɔkpa. Bréá ɔyó á, ɔlotu Etiopia ɔmá ɔhande ɔkḗá baflo mu. ɔhande amu gyí Etiopia owíe tsihé Kandake sikasu ɔkípu. Oyin ánfí layó Yerusalem yósum Bulu, ²⁸ yínkí ɔyó wóyí, otsie mu kekétó, mpḗnkḗ bḗde mu bití. ɔde Bulu ɔnósó ɔtḗpú Yesaia ɔwóló ámu kláa. ²⁹ Múú ɔḗe Wankíhé lébláa Filipino ɔb́éé, “Kpḗkpe manta keké ánfí.” ³⁰ Filipino lésrí tó keké ámu wun ání Bulu ɔnósó ɔtḗpú Yesaia ɔwóló ámu oyin ámu dé kláa. Mú su ɔlefíté mu ɔb́éé, “ɔhande, f́ude asón ámóú f́udekláa amu asi nu?”

³¹ ɔhande amu léle mú ɔnḗ ɔb́éé, “Nkálí ɔb́bwe nónu mú asi ní ɔku ḿéle mú asi súná mí?” Mú su ɔlebláa Filipino ɔb́éé, “Du tsia mí wá ayo.” ³² Bulu asón ání ɔdekláa ɔwóló ámḗto gyí:

“ɔbḗbwe díín f́é kufa ání bapú beya ɔmḗkpa. ɔmobwíí mu nnonyo.

ɔbḗbwe díín f́é alá kufa tḗbwé
ní bḗde mu iwí imi dínkí.

³³ Bḗkpḗí mu, bḗmegyi mu asón ɔnḗkwalsu.

ɔhaa ḿéetalí súná mu abí-aná,
tsúf́é beka mu nkpa tin ɔsulóu anfisó.”

³⁴ Múú ɔmá ɔhande amu léfíté Filipino ɔb́éé, “Ma iwí asón Bulu ɔnósó ɔtḗpú anfi déblí, mu onutó nt́éé ɔha bambá?” ³⁵ Inu Filipino lélí Yesaia ason wanlínhé anfisó bláa mu Yesu iwí ason wankláán ámu. ³⁶⁻³⁷ Bḗpu bḗyó á,

bətu ntsu kv. Múú əmá əhande amu léfité Filipino əbéé, “Ntsu dá a, ntə létin mí asúbə əkpa?”*

³⁸ Mú sv əmá əhande amu léha mu keké amu əbitípú lélí. Mva Filipino bekplí wíé ntsu ámutə, Filipino lóbə mu asú. ³⁹ Bréá bedalı ntsu ámutə á, anı Wíe Əhé lotsu Filipino náti. Əmá əhande amu métrá wun mu, táme əlpu ansigyi náti əyó wóyí. ⁴⁰ Filipino é léyedalı Asoto wúlutə. Əlenatı kı ınu awúlusu dá asun wankláan amu əkan alı, oloyówie Kaesarea wúlutə.

9

Saulo Klwtədamli

(Gyumagyihe 22:6-16; 26:12-18)

¹⁻² Alı bré ánfıtə féé á, Saulo mókúsi Yesu akasípú amu bláa əbéé, mómo amú. Mú sv əlpu Bulu igyi əhapú dehen wá yókúli mu əbéé, əwánlin əwolú puə mu suna Damasko Yudafo ofiakpa ahande, méni ní mu ıbi da oyin ntée ətsı əkv, əna anı Wíe əkpa ámu sv a, mékitá mu, kpá mu ba Yerusalem.

³ Saulo lópu əkpa əyó Damasko. Əleta wie tá á, nsaintə lekpa ogyá wa mu. ⁴ Əledıda əsolótə kpıa. ınu olonu əme kv. Əme amu léfité mu əbéé, “Saulo, Saulo, ntogyi só fúđın mí sá alı?”

⁵ Saulo léfité əbéé, “Fú ma ni, mí Wíé?” Múú əme amu lébláa mu əbéé, “Mí Yesu ni. Mísú fúđın ní. ⁶ Kúsv, afuyə wúlutə ınu. Əkv obósuná fú tóá lehián áni fóbwe.”

⁷ Saulo aba áni mva amónyo buna besi líi dfin. Bonu əme amu, táme bumowun əhaa. ⁸ Saulo lókúsi líi. Olobwıi ansıbi, táme əmedé ató wúun. Mú sv bekıtá mu ıbi, kpá mu ya Damasko wúlutə. ⁹ Oletsıá nkensá owıtó omowun ató. Omegyı ató, omonu tətə é alı bré ámutə.

¹⁰ Alı bré ámutə á, Yesu əkasípú əkv bu Damasko, butetı mu Anania. Olowun ató. Mótó á, anı Wíe Yesu lókpólı mu əbéé, “Anania!”

Olotsulá əbéé, “Mí Wíé, mí ní.”

¹¹ Múú anı Wíe lébláa mu əbéé, “Kúsv, yə brənu amúú butetı mú ‘Əkpa Tswíihé’ amúsv. Wie Yuda wóyıtó, afufite oyin amúú otsú Tarso, butetı mu Saulo amúsv. Alaba, əbu ınu əde mpái bə. ¹² Alawun áni oyin əkwá butetı mu Anania laba bəpu ıbi dínká mu sv, mu ansıbi labwıi.”

¹³ Múú Anania lébláa anı Wíe əbéé, “Mí Wíé, nanú oyin ánfı ıwı asón. Alıá ədepu lalahé gyi fú ahá áni bəbu Yerusalem. ¹⁴ Igyı əhapú dehen amu é bahá mu túmi bée, əbá Damasko bekıtá ahá áni butəbó mpái fú dátó féé.”

¹⁵ Anı Wíe lébláa mu əbéé, “Yə, mílalé mu mbée, əbwée mí osúmpó, əha əmá bábátəfə, amú awíe pú Israelfə féé abubi mí. ¹⁶ Mı onutó nósuná mu alıá əbókəkv wun ipian mí sv.”

¹⁷ Mú sv Anania lóyo Yuda wóyıtó, yópu ıbi dínká Saulo sv, bláa mu əbéé “Opıó Saulo, anı Wíe Yesu amúú əlele ıwı əwan súná fú bré amúú febá nfi ámu lává mí fú wá. Əbéé, mbeha fú afulawun ató, Əhe Wankíhé əbula fútó.”

¹⁸ Təkúá igyi fé klemetı afwı lémain lé mu ansıbisu kpádá ınu sv. Mú sv əlela əde ató wúun. ınu ələkúsv, bəbə mu asú. ¹⁹ Beha mu ató olegyi, əwunlin lelawıé mu.

Saulo Bulu Asón Əkanda Damasko

Saulo létsıá akasípú amu wá nke kpalobı. ²⁰ ınu sv əlenatı yó amú ofiakpa, yéfi Yesu ıwı asón əkan da asi əbéé, “Yesu gyı Bulu mu bi ámu ni.”

* **8:36-37** Mótó yée 37 bu nwolú dada amu akoto: Filipino lébláa mu əbéé “Nı faho Kristo gyi tsú fú kılun féétó a, nétalı bə fú asú.” Əlebláa Filipino əbéé, “Ee, nahogyi mbée Yesu Kristo gyi Bulu mu Bi.”

²¹ Ahá ání bonu mu asón blíhé anfi fée onó lobwie amó. Mú su befité bee, “Megyí mudé Yesu asúmpó mō Yerusalem ní? Megyí amó okitákpá oḗba nfi, okpa amó ya igyí ahapú dehen amó?”

²² Táme Saulo lélanýá túmi blí asón ámu owonlínso obée, lélé Yesu gyí Kristo, (ohá amó Bulu ladá mu ofúli amó). Alíá oḗhe lé asón ámuto leha Yudafó ání bobu Damasko inu bobwe basaa. Bomowun móá bótso.

²³ Nke tsotsotsó oma a, Yudafó ámu befia kítá agywun bee bómō Saulo. ²⁴ Mú su betsiá gyo wúlu amó onó opa onyé, méní bénya mu mó mu. Táme akv bowi tsá Saulosu bee, alí Yudafó ámu babwé agywun ní. ²⁵ Mú su eke okv onyé á, Saulo abúopv amuto akv botsu mu wá lakpátó, pó mu tson ikwito kplí mu yi iban oma, oḗsrí náti.

Saulo Yerusalem Yó

²⁶ Bréá Saulo lówie Yerusalem a, oḗtsun okpa kugyíkusu ání obówie Yesu akasípó amuto. Táme bomohogyi ání alabwé okasípó. Mú su benya mu ifú. ²⁷ Inu Barnaba lékpa mu ya, yéle mu súná sumbí ayópó amó. Oḗbláa amó alíá aní Wíe léle iwí owan súná Saulo Damasko okpató, mva Yesunyo bató; pó alíá Saulo lówa klvón dá Bulu asón ámu okan owonlínso Yesu dátó Damasko wúluto. ²⁸ Mú su Saulo lówie amótó, beki Yerusalem wúluto. Oḗwa klvón blí Bulu asón ámu Yesu dátó. ²⁹ Mva Yudafó amó boteblí Griiki oḗlí amó betsiá tóí, gyi aba nwéen. Táme alí bré amuto fée á, bode agywun bwe ání bómō mu. ³⁰ Bréá mú afú lówolí ahógyipv amó a, bekpá mu yáa Kaesarea, há mu oḗenatí yó Tarso.

³¹ Mú su iwí lolwií opasua ání bu Yudea, Galilea pó Samaria omátó. Oḗe Wankíhé lékpa amó bekleí, dan hógyito, betsiá tsiátóá ilegí aní Wíe Yesu ansí.

Aha Akv Ilo Tsa

³² Petro lénatí ki Samaria nkudasí. Eke okv oḗyéki Bulu ahá ání bobu Lida wúluto. ³³ Inu á, oḗyéfia oyin okvá boteḗí mu Enea, olesin tsukole nfikwe ní. ³⁴ Petro lébláa mu obée, “Enea, Yesu Kristo latsá fú ilo. Kusu kunta fú oklan.” Inu Enea lókusu. ³⁵ Ahá ání butsie Lida wúluto pó Saron nsántó fée bowun oyin ámu. Mú su bohogyi, bobuo aní Wíe.

³⁶ Oḗtsi okv bu Yopa wúluto, ogyi okasípó. Boteḗí mu Tabita. Mu dá ámu así Griiki oḗlíto gyí, “Dorka.” Mú así gyí, “Abre.” Yilé obwepó ogyi. Oḗv awitole há ahiánfó. ³⁷ Bréá Petro bu Lida a, ilo leda Tabitasu. Olowu, bebie mu ntsu, sí mu tswi abansórv koto. ³⁸ Yopa móa Lida awúlu imafó aba wá. Mú su bréá akasípó amó bobu Yopa amó bonu lowu ání á, bowa abi anyó sísí Petro bee, bobwíí ipa há mu, owáa oḗa tu amó. ³⁹ Inu Petro lówa oḗa bwé, móa amúnyo benatí. Bréá olobowie inu á, bekpá mu ya abansórv amuto. Wúlu amuto asurapv fée bobu fúli amó así. Bekpá pútá Petro bodesú, bode atadiéá Dorka lóbwe bréá otsie nkpa pvsúná mu. ⁴⁰ Petro légya asurapv amó fée lé obu amuto. Mú oḗeda akpawunu bó mpá, asa oḗdamlí kí fúli amó blí obée, “Tabita, kusu.” Inu Tabita lóbwií ansíbi. Bréá olowun Petro a, oḗkusu tsíá. ⁴¹ Inu Petro lékitá mu bi, oḗkusu líí. Petro létí asurapv amó pó ahógyipv atráhe amó. Mú oḗepv Tabita súná amó ání alatsínkí. ⁴² Asón ání lekleí wá Yopa wúluto. Mú su ahá tsotsotsó bōho aní Wíe gyi. ⁴³ Petro létsiá Simon ání oḗyó owuló-kpákpá iwí agyómá wá Yopa inu wá opa.

1 Oyin oku létsiá Kaesarea inu, butetí mu Konelio. Ogyi Romafó isá akápó opasua kuá butetí mú Italia ohande. 2 Obo nsi Bulusúm iwí. Mva mu wóyító fée butosúm Bulu. Konelio tekíe Yudafó ahíanfó ató. Otóbó mpái há Bulu brégyíbré. 3 Eke oku Konelio lówun ató ntópwe dsatá. Mu atowunhe amoto á, olowun Bulu-óbopu ansí káin, Bulu-óbopu amu lókpólí mu obéé, “Konelio!”

4 Ifú lekítá mu. Mú su olesi ode Bulu-óbopu amu kí. Mú ólefíté Bulu-óbopu amu obéé, “Mí Wíé, nkálí igyi?”

Bulu-óbopu amu lébláa mu obéé, “Bulu laho fú mpái. Fú ahá ató kie é lagyi mu ansí. 5 Wa abí aboyó Yopa yetí Simon Petro ba. 6 Oloyóswí owulókpa kpa iwí agyómá oyopó Simon wóyító, mantáa opu onó.” 7 Bréá Bulu-óbopu amu lénatí á, Konelio létí mu asúmpú abanyó ání bobu mu wóyító pú mu obisufe ání ogyi isá okápó, otenyá Bulu ifú. 8 Olebláa amú asón ání daba fée, obwa amú sísí Yopa.

9 Mú oyi kehe bokusú boyó Yopa. Beta inu wie tá á, ibóbwe fé opa dóduanyotó. Petro é dédu oyó obu awunso mpái obokpa. 10 Akón ihíé de mu. Mú su olekle ání obénya taku wá onó. Bréá bude ató ámu nuná há mu a, Petro lówun ató. 11 Atowunhe amoto á, olowun ání osósó lafínkí, takuá igyi fé ohráda téihé, bude mu nsiebí ana, idekplí íbá osólósu. 12 Oyító mbwí otsan-otsan, mbwíá bobu ayín, táme buteká abona pú oyító mbubwi fée bobu ohráda ámutó. 13 Mú olonu ome ku lédalí obéé, “Petro, kusú mo mbwí ání afwí.”

14 Táme Petro léle mú onó obéé, “O-o! Mí Wíé, bokwí mí opa á, mmakógyi tóá Yudafó amándíé lekisí ntée mú iwí metin kí.”

15 Ome amu léla bláa mu obéé, “Máti tóá Bulu latin mú iwí atokisíhé.” 16 Atowunhe amu pú ome amu léba tse sa. Mu ansító inu á, botsu ohráda ámu ya osósó otsáwole pé.

17 Bréá Petro dé nwuntó bu tsú atowunhe anfi iwí á, Konelio abí ámu é bafité wun Simon wóyító, ba bulí okpa onó. 18 Konelio abí ámu bokpolí fité beé, “Ofó oku tsie nfi, butetí mu Simon Petro?”

19 Petro trá ode nwuntó bu tsú atowunhe amu iwí, Ohe Wankíhé lébláa mu obéé, “Simon, ahá abasá aku baba bude fú dunká. 20 Kusú bwe, afokplí yefia amú amlínati. Mágyi nwéen, tsufé mlawá amú fú wá.” 21 Inu Petro lékplí yótu amú, bláa amú obéé, “Mígyí ohá ámúú mlidédunká ámu ní. Ntogyi só mliná?”

22 Ahá ámu bele mú onó beé, “Animédé tsitsa. Isá akápó ohande Konelio ání otenyá Bulu ifú, Yudafó fée butetí mu idayilé lówa aní fú wá. Bulu-óbopu oku labébláa mu obéé, obá beti fú afuba mu wóyító, méni obónu asón ání fóbu blí.” 23 Mú Petro lékpa amú wá wóyító, oheha amú odikpa.

Oyi kehe a, Petro mva amónyo bokusú pú okpa boyó Kaesarea. Bréá boyó á, ahógyipu akvá bobu Yopa inu é bobuo amú yó. 24 Mú oyi kehe a, boyówie Kaesarea wúlutó. Botsutsúa abuwie inu á, Konelio latí mu wóyító ahá pú mu anyawíe kláklá befia, ode amú okpa kí. 25 Bréá Petro lówie wóyí ámu onó á, Konelio lókusú yéfia mu, dá akpawunu mu ayabitó súm mu. 26 Táme Petro léha mu okusú. Ohebláa Konelio obéé, “Kusú, máda akpawunu há mí. Nyankpusa mí é ngyi.” 27 Petro mva monyo buna budetó alu olowie wóyító. Inu olowun ání ahá tsotsotsó bafia. 28 Mú olebláa amú obéé, “Mli onutó mlyin ání Yudafó mbala meha okpa ání Yudayin mva omá bámbátóyin bubwéé anyawíe ntée obóyo mu wá kpán. Táme Bulu lahá mí nabí ání mmákí mbéé oku iwí metin ntée omafón amándíé okpasu. 29 Mú só bréá fowa abí fée bubéti mí á, mmakpukpúú nwuntó ní. Amansu igyi? Bla mi.”

³⁰ Múó Konelio lébláa mu óbée, “Nde eke náási, ntópwe dosato mbu wóyító nde mpái bə. Otsáwole pé á, nowun oyin oku lí mí ansító. Oyín ámu lówa atadié futútú. ³¹ Oyín ámu lébláa mi óbée, ‘Konelio, Bulu lanú fú mpái. Fú ahá ató kie é lagiyi mu ansi. ³² Mú su wa abí aboyó Yopa wúluto yeti Simon Petro ba. Ówuló-kpákpá iwí agyómá oyópó Simon wóyí ólaswí. Otsie mantáa opu ónó.’ ³³ Mú su unonu nɔwa abí sísí fú. Ibo aléá faba. Séi á, aní fée anlafia Bulu dátó. Anigyó aní Wíe asón aní alapóhá fú óbée, fubláa aní.”

Petro Asun Blíhé

³⁴ Múó Petro lótsu ónó blí óbée, “Nawun aní lélé Bulu tamakí ohaa ansító. ³⁵ Mboun óhá aní otenyá mu ifú, ótóbwé yilé asón otekle ómagyíomátó. ³⁶ Mliyín asun wankláán aní Bulu lópuhá Israelfó. Asón ámu gyí, Bulu lapó iwílwii ba tsun Yesu Kristo, ahá fée Owíe amusu. ³⁷ Mliyín asón kpɔnkpɔnti aní ileba Yudea omátó fée. Ilotsu así tsú Galilea omátó, bréá Asú Óbópó Yohane léda asúbə okan oma. ³⁸ Mliyín aní Wíe Yesu Nasaretyin amu. Mliyín aní Bulu lópu mu Óje Wankíhé pú túmi wá muto, oleki ótinegyíótíné bwé yilé, tsá ahá aní bubu óbunsám túmi así ɔ, tsúfé Bulu buo mu. ³⁹ Anigyí ahá aní anilówun mu bwéhé aní ólóbwe Yudea pú Yerusalem omátó fée ní. Beda mu mántá oyikpalíhesu mó mu. ⁴⁰ Táme mó eke sáási a, Bulu lókusóa mu, lé mu ówan, ahá bowun mu. ⁴¹ Megyí oyító ahá fée lówun mu, táme aní ahá ámu Bulu léle yáí óbée, abwée mu adansífo ámu mó anilówun mu. Mu kósó tsú afúlito oma a, ania munyó légyi, anilówi ní. ⁴² Ólehie aní óbée, adáa mu asun wankláán ámu okan suna ahá, agyi mu iwí adánsie aní mogyí óhá aní Bulu laléá obégyi akiankparu pú awupó fée asón ní. ⁴³ Bulu ónósó atópó amu fée beblí beé lélé, ohagyíoha aní ólóbó Kristo gyi a, Bulu obési mu lakpan fée kíe mu Kristo dátó.”

Omá Bámbásífo Óje Wankíhé Nya

⁴⁴ Bréá Petro dé asón ánfí blí á, Óje Wankíhé lébá ahá ámu bode mu asón ámu nu ámu féesú. ⁴⁵ Ónó lobwie Yudafó ahógyipu amóó bobuo Petro ba un ámu aní Bulu lapó mu Óje Wankíhé amu kíe ahá aní bomegyí Yudafó. ⁴⁶ Tsúfé bowun aní ahá ámu bode óblí bámbá blí, bwhíé bode Bulu kanfó. Mú su Petro lébláa amó óbée, ⁴⁷ “Bulu lahá ahá ánfí é Óje Wankíhé fé aní. Oku óbétalí tin amó okpa óbée bumábə amó asú?” ⁴⁸ Mú su óleblí óbée, bubó amó asú Yesu Kristo dátó. Mú oma a, bokokóli Petro beé, otsia amó wá kpalobí.

11

Petro Iwí Asón Ónóle Yerusalem

¹ Yesu sumbí ayópó ámu pú ahógyipu amóó bubu Yudea omátó ámu bonu aní omá bámbátófo é bahó Bulu asón ámu. ² Mú su bréá Petro lóyo Yerusalem wúluto á, mwa ahógyipu akwá butekléá ahá butín keté asa abowie opasua ámuto bebití asón. Befité mu beé, ³ “Ntogyi su fayó ahá aní bumetun keté wóyí, fúa amónyó mlilawá ibi gyi ató?” ⁴ Mú su Petro léle asón aní ilebató súná amó ikole-kole óbée,

⁵ “Mbu Yopa wúluto nde mpái bə nowun ató. Mótó á, nowun aní tókwa igyi fé óhráda téihé, bode mó nsiebí ana lékplí tsú ósósú bá mí wá. ⁶ Nowun pututo-mbwí pú wúluto mbwí, mbwíá bubu ayín, táme buteká abonó pú oyító mbubwí fée óhráda ámuto. ⁷ Inu nonu óme ku ledali bláa mi óbée, ‘Petro, kusó mo mbwí ánfí afowi.’

⁸ “Múú nēblí mbéé, ‘Mí Wíe, ekekekeke. Bòkwí mí ɔpá á, mməkògyi tóá Yudafo amándíe lekisi ntée mó iwí metin kí.’

⁹ “Múú ɔme amu lótsu ɔsósú lábláa mí ɔbéé, ‘Máti tóá Bulu latin mó iwí atokisihé.’ ¹⁰ Tsesa sósón nowun atowunhe anfi. Mó ɔma a, ɔlayínkí yó ɔsósú.

¹¹ “Alí bré ámɔto kén á, ayin abasá akvá bɔwa mí wá tsú Kaesarea baba bulí wóyí ámóú ntsie mótó ámu ɔnó. ¹² Ɔhe Wankíhé lébláa mí ɔbéé, mbúo amó yó, mmágyi nwéén. Apíó abasié ánfí bɔtsú Yopa anfi é bobuo mí yó Kaesarea, aní fée anɔlyɔ Konelio wóyító. ¹³ Konelio lébláa aní ɔbéé, mowun Bulu-ɔbɔpu ɔku mu wóyító, ɔlebláa mu ɔbéé, ‘Wa abí abuyɔ Yopa yeti oyin ɔkvá bɔtetí mu Simon Petro ba. ¹⁴ Ɔbébláa fu asón aní fúa fu wóyító ahá fée mlótsun mósó nyá nkpa.’

¹⁵ “Nenya tsú ɔnó ndetóí alí, Ɔhe Wankíhé léba amósú fē alíá ɔleba anísu eke gyankpapu amu. ¹⁶ Inu nekáin aní Wíe ason blíhésu. Ɔbéé, ‘Yohane lópu ntsu bó ahá asú. Táme mlí mó á, Bulu ɔbɔpu Ɔhe Wankíhé bó mlí asú.’ ¹⁷ Mú su ní Bulu lapó mu atokiehé ámu kíe amó, fē alíá ɔbɔpukíe aní ahá ámóú anɔláhɔ aní Wíe Yesu Kristo gyi amu a, mígyí ma aní nétin Bulu ɔkpa?”

¹⁸ Bréá sumbí ayɔpó ámu bonu asón ánfí á, besi Petro tóí wa, bekanfó Bulu beé, “Mómó Bulu lahá ahá aní bomegyí Yudafo ɔkpa ɔbéé, amó é bɔdámli klɔntɔ, abunya nkpa.”

Kristo Ɔpasua Aní Ibu Antiokia

¹⁹ Stefano lowu ɔma a, beɔnká ahógyipu amusu. Mú su beɔdasáin yó Foinike móa Kipro ɔsulósu pó Antiokia wúluto. Yudafo nkɔle bebláa Bulu ason wankláán ámu. ²⁰ Táme amótó aku mó bɔtsu Kipro pó Kirene ɔmátó ba Antiokia bebláa Griikifɔ ámu aní Wíe iwí ason wankláán ámu. ²¹ Aní Wíe Bulu lélí amó ɔma. Mú su amótó ahá tsɔtsɔtsɔ bohogyi, dámlí klɔntɔ ba aní Wíe Yesu wá.

²² Yerusalem ɔpasua ámu bonu asón ánfí. Mú su bɔwa Barnaba sísi Antiokia. ²³⁻²⁴ Barnaba gyí ɔha wankláán, Ɔhe Wankíhé pó hógyi é itso mɔto. Bréá olowie Antiokia, olowun alíá Bulu lagyi amó bɔale a, ansí legyi mu. Múú ɔlɔtɔí kplá amó ɔbéé, bɔpóu amó klɔn fée dinka aní Wíe Yesusu, abuyi mu mblasu. Iní su ahá tsɔtsɔtsɔ bɔtsun mu asón ámusu hɔ aní Wíe gyí. ²⁵ Mú ɔma a, Barnaba lóyɔ Tarso wúluto yóɔnká Saulo. ²⁶ Bréá olowun mu a, ɔlekpa mu ba Antiokia. Betsiá inu ofi ɔkɔle, tsíá fia ɔpasua ámu, súná amó ató. Antiokia begyankpá tí akasípó amu beé “Akristofɔ” ní.

²⁷ Bulu ɔnósú atáípu aku bɔtsu Yerusalem ba Antiokia alí bré ámɔto kén. ²⁸ Amótó ɔkɔle dá gyí Agabo. Ɔlɔkúsú líí, blí Ɔhe Wankíhé túmito tswí ɔbéé, “Akón kpɔnkpɔnti ku béba Roma ɔmátó fée.” Ɔleba mótó bréá Roma Owíe Klaudio tsie obíású. ²⁹ Akasípó amu bɔbwe agywun beé, amótó okugyiáku obóɔnká tóá obénya, abupu yekie apíó ahógyipu aní bubu Yudea ɔmátó. ³⁰ Begyi dínká mósú, bɔpɔhá Barnaba móa Saulo bɔpɔya ɔpasua ámu ahandé.

12

Petro Obudi

¹ Alí bré ámɔto á, Owíe Herode léɔnká ɔpasua ámɔto akusu, wá amó amomuyɔ. ² Ɔleha betin Yohane mu pio Yakobo ɔdayító. ³ Herode lówun aní ibu Yudafo ámu ɔdwe. Mú su omesi, ɔleyékítá Petro é. Alí bré ámɔto bɔde Israelfɔ Bodobodo Mátúhénke gyí. ⁴ Mú su bréá ɔlekítá Petro a, ɔbɔpu mu tswí obu, ɔlele ísá akópó dúasie ɔbéé, bɔtsiá gyo mu iwí abaná-abaná.

Ɔɔbɔwe agywun ɔbée, begyi Nke ámu tá á, mégyi Petro asón dɔnsu. ⁵ Bɔwa Petro obu, táme ɔpasua ámu bɔbɔ mpáí kinkíínkín há mu.

Petro Obule

⁶ Onyé asa ɔyí ɔbée Owie Herode ɔbée Petro ba dɔnsu begyi mu asón á, bɔwa Petro ikan anyɔ kéké, ɔda ɔdedidi isá akɔpú abanyó nsiné. Isá akɔpú aku é bulí buɔe obu ámu ɔnó gyo. ⁷ Ɔtsáwule pé á, Bulu-ɔbɔpu ɔku lébelí amó wá obuto inu, inu féé lówankí. Bulu-ɔbɔpu amu lópu ibi da Petro abunto, oletsinkí. Ɖlebláa Petro ɔbée, “Wa ɔsa kusu.” Inu ikan amu lówɔí lé mu ibi. ⁸ Múú Bulu-ɔbɔpu amu lébláa mu ɔbée, “Kusu pu ɔfé klí osíétó, afotsu fú ntukota wa.” Petro lóɔwe. Múú ɔletrá bláa Petro ɔbée, “Tsu fú ligá wa afoba ayɔ.” ⁹ Petro lóbuo Bulu-ɔbɔpu amu dáli obu ámuto. Imɔwankí Petro ní akíankpatɔ ntée atowunheto Bulu-ɔbɔpu amu dé mu asón bláa. ¹⁰ Mɔa Bulu-ɔbɔpu amu bɔtsun obu-ɔnó gyankpapu pú nyɔɔsi agyópusu. Beba bɔtu dáto iklun ání fɔpɔdáli wie wúluto. Iklun amu onutó lefinkí há amó bɔtsun. Bɔpɔtsun brɔnu kusu bɔyó á, Bulu-ɔbɔpu amu lófwi sí Petro.

¹¹ Bréá Petro ansító letití mu a, ɔleblí ɔbée, “Séi mú nawun ání lélé Bulu lawá mu ɔbɔpu, alabele mí Owie Herode ibi pú tóá Yudafɔ buɔe ɔkpa kíto.”

¹² Iná Petro lówun mú alí su á, ɔlenatí yó Yohane ání bɔtetráa tí mu Marko mu yin Maria wóyí. Alí bré ámuto á, ahá tsɔtsɔtsɔ bafia inu buɔe mpáí bɔ. ¹³ Petro léda amó iklunso, osúmbi tsihé ɔkɔvá bɔtetí mu Rode lébeki ɔhá ání ogyi. ¹⁴ Bréá Rode lébi ání Petro ɔme ni á, ansí lehie gyi mu. Mú su ɔletan obu ámu finkí. Mboún oleyinkí sri yébláa amó ɔbée, “Petro laba ɔlí obu-ɔnó.” ¹⁵ Ahá ámu bebláa mu beɛ, “Fó nwun layíntá.” Táme ɔlɔyɔ músó, ɔleblí ɔbée, “Lélé a.” Mú su bebláa mu beɛ, “Mómó fiahi Bulu-ɔbɔpúvá ɔteki Petrosu ní.”

¹⁶ Alí bré ámuto féé á, Petro trá ɔde iklun amuso da. Bréá bɔyɔ yéfinkí mú, bowun Petro a, ɔnó lobwie amó. ¹⁷ Petro lóɔwe ibi súná amó ɔbée bukásu, ɔlebláa amó alíá aní Wie lalé mu obu. Ɖlebláa amó ɔbée, “Mɔibla Yakobo mɔa apíó ahógyipu atráhe amu asón ánfí.” Múú ɔlenatí amó wá yó ɔtne bambá á.

¹⁸ Bréá ɔyí leke a, isá akɔpú ámu féé begyigyáa, fité aba beɛ, “Nkí Petro me?” ¹⁹ Owie Herode léha bodunká Petro ɔtinegyíɔtíné, táme bɔmowun mu. Mú su ɔleti obu adípúsú akípu amu, fité amó asón, ɔleha bɔmɔ amó.

Mú ɔma a, ɔlenatí Yudea ɔmátó yétsiá Kaesarea wúluto nkensá ku.

Owie Herode Lowu

²⁰ Bré kɔto á, ɔblí lehie kítá Owie Herode Tiro móa Sidonfo su. Mú su awúlu anyɔ ánfí bele abí beɛ buyókokóli mu, iwílwii itsia amó nsiné. Tsúfé Owie Herode ɔmátó bɔtenyá atogyihe tsú. Ahá ámu begyankpá yéle asóntó súná Owie Herode wóyísú ɔkípu ɔkɔvá bɔtetí mu Blasto, olotsulá gya amó nkpá bɔyɔ Owie Herode wá yókokóli mu.

²¹ Owie Herode léhie amó eke. Eke ámu lófun a, ɔlehihie iwí dáli betsiá mu obiású, bláa amó asón. ²² Ahá ámu bɔkplón blí beɛ, “Megyí nyankpɔsa détoí, mboún ɔkpi détoí o!” ²³ Inunu Bulu-ɔbɔpu léda Herode, anyambi bɔwi mu, olowu. Tsúfé ɔmɔpu numnyam há Bulu.

²⁴ Bulu asón lɔyɔ músó, kléi yó tsútsúútsú.

²⁵ Barnaba mɔa Saulo bɔyɔ amó agyómá tá Yerusalem, bekpa Yohane ání bɔtetráa tí mu Marko buo iwí yínki yó Antiokia.

13

Barnaba Mɔa Saulo Sumbí Wa

¹ Bulu ɔ́násó atáíró pú ató asunápó akú betsiá Antiokia ɔpasua ámutó. Amógyí: Barnaba aní Simeon aní butetí mu Obibi, Lukio aní otsú Kirene ɔmátó, Manaen aní beyaí mu Galilea ɔmásó ogyíró Herodenyɔ tsukole pú Saulo. ² Bréá beklí ɔ́nó, buɔe aní Wíe súm á, Ɔhe Wankíhé lébláa amó ɔ́bée, “Mlile Barnaba mu Saulo ha mi, abuyɔ agyómá ámuú neti amó mbée bubóyɔ ámu.”

³ Mú su bréá beklí ɔ́nó ámu bó mpáí tá á, bɔpu ibi dínká amó nwunso, sí amó ɔkpa.

Barnaba Mva Saulo Kipro Ɔsólósu Yɔ

⁴ Ɔhe Wankíhé lówa Barnaba mu Saulo sumbí. Bɔyɔ Seleukia wúluto yótsu ntsusu-yibi fá yó ɔsólósu kuá ibu ntsu nsiné, butetí mú Kiproso. ⁵ Bréá bowie wúlu kuá ibu inu, butetí mú Salamis á, bɔyɔ Yudafɔ ofiakpa yéda Bulu asón ámu ɔkan. Yohane ámuú butétráa ti mu Marko amu é lóbuo amó yétsa amó agyómá yɔ.

⁶ Bedali Salami wúluto, benatí alu bowie ɔsólósu kuá butetí mú Pafoso. Inu befia ɔfápó kpɔ́nkpɔ́nti ɔkuá butetí mu Bar-Yesu. Ogyi Yudayin, ɔtɔwá afunu ɔ́bée Bulu ɔ́násó ɔ́táíró muɔgyi. ⁷ Mu nyawie gyí inu ɔmásó ogyíró Sergio Paulo. Ɔmásó ogyíró anfi létin ansí. Ɔlɔwa beyéti Barnaba mu Saulo ba mu wóyító. Tsúfɛ odekléá mónu Bulu asón. ⁸ Táme ɔfápó Bar-Yesu anfi mu dá asi gyí, Elima Griiki ɔblítɔ anfi méha amó ɔkpa abubla ɔmásó ogyíró amu Bulu asón ámu. Ɔlɔbɔ mbódi aní ɔmásó ogyíró amu mánu Yesu iwí asón ámu, fówun ɔmáɔhɔ mósó gyi. ⁹ Inu Ɔhe Wankíhé lóbulá Saulo amóú buɔe mu ti Paulo amutɔ, olesi ɔlú ɔde ɔfápó amu ansító kí. ¹⁰ Múú ɔlebláa ɔfápó amu ɔ́bée, “Ɔbunsám mu bi, futekísí itɔ wankláán kugyíku. Fapó ahámle pú lalahegyí bwé fú agyómá. Mú su foméesi Bulu ɔ́nɔkwali amu afunuto wa? ¹¹ Kí, Bulu ɔ́bɛbití fú isu. Fú ansíbi bóbwie. Fumétráa wun ɔyi keheto owí alu yófun bré ku.”

Inunu Elima ansító loklun mu. Mú su ɔlɔwa tatápu bi, ɔde ɔku dunká ɔkita mu oyító. ¹² Bréá ɔmásó ogyíró amu lówun tsá ilaba a, ɔlɔhɔ aní Wíe gyi. Aní Wíe iwí asón ámuú buɔe mu suná ámu leha ɔ́nó lobwie mu.

Barnaba Mva Paulo Antiokia Aní Ibo Pisidia Ɔmátó Yɔ

¹³ Paulo mu mu aba ámu botsu ntsusu-yibi tsú Pafu wúluto yó Perge aní ibu Pamfilia ɔsólósu. Táme Yohane Marko mú léyinkí amó ɔma tsú inu yó Yerusalem. ¹⁴ Bɔkɔsú tsú Perge yó Antiokia aní ibu Pisidia ɔsólósu. Ɔkpónú ɔdaké á, bɔyɔ inu Yudafɔ ofiakpa yétsiá asi. ¹⁵ Bekla ató tsú Mose Mbla pú Bulu ɔ́násó atáíró nwólótɔ ta á, ofiakpa amu ahande bɔwa abí beyébláa Paulo aná bee, “Apíó, ní mlidé asvankúá mléblí pówá ahá anfi ɔwɔnlín á, ɔkpa da.” ¹⁶ Múú Paulo lókusú líí, ɔlɔbwe amó ibi ɔ́bée bukásu. Múú ɔlebláa amó ɔ́bée,

“Apíó Israelfɔ pú ɔmá bámbásófɔá mlitenyá Bulu ifú, mliyaa asu amlinu. ¹⁷ Israel Bulu léle aní anáin bwé mu ahá. Ɔleha bekléí bréá bugyi afɔó Egyipte ɔsólósu. Ɔlɔpu mu túmi kpɔ́nkpɔ́nkpɔ́nti kpá amó dali ɔmá ámutɔ. ¹⁸ Olenya klɔn kpá amó nfi advana (40) kéké dimbí ámu. ¹⁹ Oleyintá ɔmá asienó kéké Kanaan ɔsólósu, oleye amó ɔsólósu amu póbwé siadié há aní anáin. ²⁰ Nfi lafana aduenu (450), ɔlɔpɔbwé inu fée há amó.

“Mú ɔma a, ɔleha asón agyíró bekpa amó alu bɔtu Bulu ɔ́násó ɔ́táíró Samuel. ²¹ Bréá bebláa Bulu bee ɔyáí awíe ha amó á, Bulu léyaí Kis mu bi Saulo owíe há amó. Saulo otsú Benyamin abusuaná. Olegyi iwíe nfi advana (40). ²² Bréá Bulu lékplí mu a, ɔleha beyaí Dawid obíasó há amó.

Asón ánfí Bulu léblí tsú mu iwí ní. Ǫbéé, ‘Yisai mu bi Dawid gyí óhá ání mí klón dín muṣu, tsúfé óbáḅwe tógyítá nébláa mu mbéé óḅwéé.’

²³ “Dawid anfi abí-anátó Bulu labele Yesu tsú há Israelfo óbéé, óḅwéé amó Ǫlepú fé alá ólehe yáí. ²⁴ Asú Yesu lébá a, Asú Ǫḅopú Yohane légyankpá dá ókan suná Israelfo féé óbéé, budámli klontó, abuha mu óḅo amó asú. ²⁵ Bréá Yohane óbá ḅomó mu agyómá ónó á, ólefíté ahá ámu óbéé, ‘Ma mlidésusúu mliaa ngyi? Megyi mígyí óhá ámóú mlidé ókpa kí amu. Mu mó óbéba mí óma. Mmofun ání nówóí mu ntókota.’

²⁶ “Mí apió, Abraham abí-aná pó ómá bámbásófóá mlitenyá Bulu ifú, mliyaa asu amlinu. Anigyí ahá ání Bulu lópu nkpahóó asón ámu sísí. ²⁷ Yerusalem atsiápú pó amó ahande ḅumebi ání Yesu gyí Ǫlepú. ḅumonu Bulu ónósú atóipú amu asón ání ḅowanlín tswí asi. Butekla mó ókpónú ódaké kugyíku. Táme begyi Yesu asón, há mu ipón, mó mu; ileha Bulu ónósú atóipú amu asón ánfí leba mótó. ²⁸ ḅumenya Yesu iwí asón kókóá béli mósú mó mu, táme bebláa Pilato beé óhá abumó mu. ²⁹ Mó su bréá ḅḅwé tóá ḅowanlín tsú mu iwí féé tá á, bele mu tsú oyikpalíhe amṣu yópulá mu. ³⁰ Táme Bulu lókusóa Yesu tsú afúlitó. ³¹ Mó óma a, oletsíá le iwí suná ahá ámóú muḅa amónyó benatí tsú Galilea yó Yerusalem amu bré tsotsótsó. Ahá ánfí gyí ahá ání ḅude mu iwí adánsie gyí suná Israelfo ní.

³²⁻³³ “Aní mó anidé mli asón wankláán ámu bláa. Mógyí, Bulu labwé tó ámóú ólehe aní anáin amu há amó abí-aná. Amógyí aní á. Tsúfé alakósúa Yesu tsú afúlitó há aní, fé alá ḅowanlín wá Israelfo lu nyóótsó beé, ‘Mí Bí gyí fú.

Nde nabwé fú Sí.’

³⁴ Bulu létrá tóí tsú Yesu kusó tsú afúlitó pó mu oyolóu amóú imóópló wá óbótó ekekeke ámu iwí óbéé,

‘Nópu mí oyúla wankíhé amóú nehie mbéé, ibwé aliágyialíá nópohá Dawid amu há mli.’

³⁵ Owíe Dawid é létrá lawánlín wá Israelfo lu bámbátó óbéé, ‘Fumécha fú osúmpó wankíhé móópló wá fúli óbótó.’

³⁶ Owíe Dawid lósum Bulu mu nkpató, bwé Bulu apé tá á, olowu, bopolá mu mu anáintó, óopló. ³⁷ Táme Yesu anfi Bulu lókusóa tsu afúlitó ánfí mó móplo. ³⁸⁻³⁹ Mó su apió, mlinu asón ánfí anidé mli bláa anfi asi. Yesu anfi nkulesu mlótsun nya lakpansikíé. Mose mbli métalí há amligyi asu Bulu ansító. Táme ohagyíóha ání alahó Yesu anfi gyi obégyi asu Bulu ansító.

⁴⁰ Mó su mlíkí wankláán, méní asón ámóú Bulu ónósú atóipú beblí tswí amu mééba mliṣu. ⁴¹ Asón ámu gyí,

‘Asón ámu iwá mli

ahá ání mlitowá Bulu asón nyányáa ifú, amliwu.

Tsúfé ní nde óku óblí gyuma ání ndegyí mlitó kórará á, mliímóohogyi.’ ”

⁴² Bréá Paulo muḅa Barnaba ḅudedali Yudafó ofiakpa inu á, ahá ámu ḅokolí amó beé ḅubá ókpónú ódaké ámóú íbá ámu, abutra ḅotóí tsu asón ámu iwí suna amó. ⁴³ Bréá ahá ámu bedali Yudafó ofiakpa inu á, Yudafó tsotsótsó pó ómá bámbátó abí ání bawíe Yudafó osúmtó bekplá buo Paulo muḅa Barnaba. Mó su sumbí ayópú ánfí ḅotóí kplá amó beé, ḅupúu ansí dinka Bulu awitalesu.

⁴⁴ Ǫkpónú ódaké amóú bebláa amó beé ḅubá amu lófun a, ilesi kpalobí teki ahá beta wúlu amoto. Amó féé beba Bulu asón onukpá Yudafó ofiakpa inu.

⁴⁵ Bréá Yudafó bowun óḅom amu a, Paulo aná iwí lówa amó olu. Iní su begyi Paulo asun blíhé amu nwéén, síá mu. ⁴⁶ Táme Paulo muḅa Barnaba

bɔwa klɔn bláa ahá ámu bæe, “Teki mli lehián aní abégyankpá bláa Bulu asón ánfí. Táme iníá mlílékiná mú nu, mlídé mli iwí kú mliáa, mlíméhián nkpa aní itamatá ámu su á, anílayínkí ayó omá bámbásófo wá. 47 Tsúfè alí Bulu lówa aní ní. Ǫbée,

‘Napó fó bwé ɔkandíe há omá bámbásófo.

Ǫyító ahá fée bótsɔn fɔsu nyá nkpa aní itamatá.’ ”

48 Bréá omá bámbásófo ámu bonu asón ánfí á, ansí legyi amó, békanfó aní Wíe asón ámu. Inu ahá aní Bulu lalé ɔbée, bonyáa nkpa aní itamatá bɔhɔ asón ámu su gyi.

49 Aní Wíe asón ámu ilekléi wíe omá ámu ɔtínegyíɔtíné. 50 Táme Yudafɔ ámu pú atsiá bɔbɔ Yudafɔ osúmtó, obú bu amúsó pú wúlu ahande bɔkusó líi Paulo mɔa Barnabasɔ, gya amó lé omá ámu ɔ. 51 Sumbí ayɔpó ámu bekpakpáa amó ayabito-isi wólí amó nwnusu, benatí yó Ikonion wúluto. 52 Táme Ǫye Wankíhé pú ansigyi lɔbulá Antiokia akasípó amoto.

14

Paulo Mɔa Barnaba Bulu Asón Blí Ikonion Wúluto

1 Ikonion wúluto é á, alí kén Paulo mɔa Barnaba bɔyɔ Yudafɔ ofiakpa ni. Beblí Bulu asón inu wankláán. Mú su Yudafɔ pú Griikífo tsɔtsɔtsɔ bɔhɔ Yesu gyi. 2 Táme Yudafɔ ámu bɔmohogyi amu bɔtói wá omátófo ámu asoto, há amó bɔkusó líi ahógyipu amusu. 3 Ifú mekitá Paulo mɔa Barnaba. Betsiá inu wá ɔpá blí aní Wíe Yesu asón ámu wankláán. Yesu é lélí amó ɔma, su bɔbwe ofúla pú osúna púsúná aní mu awítale asón ámu bɔdeblí ámu igyi ɔnɔkwali. 4 Mú su wúlu amoto ilɔbɔí anyɔ. Aku bobuo Yudafɔ ámu, aku é bobuo sumbí ayɔpó ámu.

5 Mú ɔma a, Yudafɔ, omátófo pú amó ahande bɔbwe agywun bæe, bówa sumbí ayɔpó ámu iwíɔsinto, dá amó abwi mó. 6 Sumbí ayɔpó ámu bonu asón ánfí. Mó su besrí yó Likaonia awúlu yilé Litra móa Derbe pú awúluá lɔbɔ mantáa inusu. 7 Beda ason wankláán ámu ɔkan inu é.

Paulo Mɔa Barnaba Gyumagyihe Litra Móa Derbe

8 Oyin ɔku létsiá Litra wúluto, bɔkwí mu lɔ. Ǫmɔkókúsó líi mu ayabisu ki. 9 lɔbɔ anfi tsie ɔde Paulo ason blíhé nu. Paulo lési líi ki mu ali, olowun aní alahogyiá Bulu ɔbétalí tsá mu. 10 Mú su ɔlɔkplón kuklókóó blí ɔbée, “Kusu lu fó ayabi anyɔsu.” Inu oyin ámu lɔkusó ɔtsáwule pé, wá natí bi. 11 Bréá ɔdam amu bowun tóá Paulo labwé á, bɔkplón blí Likaonia ɔblítɔ bæe, “Ukpi ámu badámlí anyánpósa kplí ba aní wá.” 12 Mú su bɔpu amó ɔkpi kɔnkpɔntí dá tí Barnaba bæe, “Seus.” Bɔpu mu ɔtsiámu dá tí Paulo bæe, “Hermes,” tsúfè Paulo líi amó ɔnɔ, ɔdetóí ní. 13 Ǫkpi Seus ɔtswékpa bu wúlu ɔnɔ. Seus igyi ɔhapó lóyópu nnantswie pú oyí ntswítswí ba wúlu ɔnɔ inu. Tsúfè mɔa ɔdam amu bɔdekléá bótswe sumbí ayɔpó ámu.

14 Bréá Barnaba mɔa Paulo bonu tóá bebá bɔbwe á, bekitá amó atadié balí. lɔsúná aní bɔmotsulá dínká itó ámu bɔbwe ámu su. Besrí wíe ɔdam amoto blí bæe, 15 “Ntogyi mlídé iní bwe? Aní é anyánpósa anigyi fé mli. Bulu ason wankláán abá bebláa mli, amlisi atɔkpan ánfí ɔmagyáa bobuo aní Wíe Bulu Ǫkiankpa. Mólɔbwe ɔsú móa asi, ɔpu pú mótó ató fée. 16 Bímí ámu a, olesi ɔkpa há ɔmágyíomá aní bɔbwe tóá bɔdeklé. 17 Táme mó ó á, Bulu mókósi ató wankláán tsɔtsɔtsɔ bwe, púsúná aní mu bu inu. Mutéhá nyankpu totswie, mli ndɔtɔ ató tɔwá alé. Mutéhá mli atogyihe, ɔtéhá ansí tegyi mli.” 18 Paulo aná ason blíhé anfi fée ɔma a, lówa ɔnlun asa betalí ká ɔdam amu tin bæe, bɔmátin mbwí wólí amó ayabiasí tswé amó.

¹⁹ Mú ɔma a, Yudafɔ akw botsu Antiokia ání ɔbu Pisidia ɔmátɔ pú Ikonion wúlutɔ ba beblí asón pútse ɔdɔm amw agywun, bɔkɔsú líí Paulosw. Bɛda Paulo abwi, bitía mw dáli wúlu amwɔ. Bwki beɛ alawú, sw besi mw tswi. ²⁰ Táme bréá akasípó amw beba bobomlí Paulo a, ɔlɔkɔsú yínkí yó wúlu amwɔ. Mú ɔyi kehe a, mwa Barnaba benatí yó Derbe wúlutɔ.

Antiokia Aní ɔbu Siria ɔmátɔ Yínkí Bá

²¹ Paulo mwa Barnaba bɛda aswɔn wankláán ámw ɔkan Derbe. Ahá tsɔtsɔtsɔ bɛdamlí klɔntɔ mlí Yesu akasípó. Móbú belayínkí yó Listra, tsɔn yɔ Ikonion alí bebedalí Antiokia ání ɔbu Pisidia ɔmátɔ. ²² Inw Paulo mwa Barnaba bɔwa akasípó amw atɛtɔ-ɔnlɔn beɛ, bwkíta hógyi amwɔ. Bebláa amó beɛ, “Ilehián ání abótswɔn ipian tsɔtsɔtsɔtɔ asa abówie Bulu iwíegyi ámwɔ.” ²³ Bɔtɔ ɔpasua kugyíkw á, bwteklí ɔnɔ bɔ mpái, yáí ahande há amó, pú amó wá aní Wíe amóú amó ansí dɔn mwsu ámw ɔbɔ.

²⁴ Beki Pisidia ɔmátɔ ɔpasua ámwsw tá á, beba Pamfilia ɔmátɔ. ²⁵ Bɛda Bulu aswɔn wankláán ámw ɔkan Perge wúlutɔ. Bɔkɔsú tsú inw yó Atalia wúlutɔ. ²⁶ Paulo mwa Barnaba belatsiá ntsusu-yibitɔ tsú inw bowie Antiokia. Inw gyí ɔtínéá ahógyiɔ amw begyankpá klí ɔnɔ bɔ mpái, ání Bulu ɔwáa awítɔle ha amó, méní bɔyɔ agyómá ánfí bamó mú ɔnɔ ánfí ní.

²⁷ Bréá bowie Antiokia a, beɔ ɔpasua ámw féé fia. Bebláa amó alíá Bulu lapó amó gyí gyoma, pú alíá Bulu lahá ahá ání bomegyí Yudafɔ é bahɔ mw gyí. ²⁸ Betsiá akasípó amw wá nke tsɔtsɔtsɔ.

15

Sumbí Ayɔpó Pú ɔpasua Amw Ifla Yerusalem

¹ Bréá Paulo mwa Barnaba bɔbɔ Antiokia a, ayin akw botsu Yudea ɔmátɔ ba inw. Bosuná ahógyiɔ amóú bomegyí Yudafɔ ámw ató beɛ, ní bɔmɔkótín keté Mose mbla ɔnɔ á, Bulu mɔɔhɔ amó nkpa. ² Paulo mwa Barnaba bɔkɔsú líí asón ánfisw. Mú sw amóa ató asunápó amw begyi mú nwéɛn kínkíínkín. Inw sw beblí beɛ, bɔwa Paulo mwa Barnaba pú Antiokia ahógyiɔ amw akw Yerusalem, abuyowun Yesu sumbí ayɔpó pú inw ɔpasua ahande amw tsú asón ánfí iwí.

³ ɔpasua ámw besi ahá ámw ɔkpa benatí. Bréá bɔyɔ á, bɔna Foenike pú Samaria ɔmátɔ. Bebláa inwɔ ámw beɛ, ahá ání bomegyí Yudafɔ é badámli klɔntɔ ba Bulu wá. Asón ánfí lehiɛ wá ahógyiɔ amw féé ansigyí. ⁴ Bréá bowie Yerusalem a, ɔpasua ámw, amó ahande pú sumbí ayɔpó ámw bɔhɔ amó atúu. Paulo aná bebláa amó tɔá Bulu labwé tsɔn amósú féé. ⁵ Táme ahógyiɔ amw akwá botsú Farisifɔtɔ bɔkɔsú líí blí beɛ, “Ilehián ání ɔmá bambásúfɔ ámw bétin keté, gyi Mose mbla ésú.”

⁶ Sumbí ayɔpó ámw pú ɔpasua ahande amw befia yɔ asón ánfítɔ. ⁷ Bɛbití asón ánfí wá ɔpá. Mú ɔma a, Petro lɔkɔsú líí, bláa amó ɔbéɛ, “Mí apíó, mlyin ání tsú bré kɔtɔ á, Bulu léle mí tsú mlítɔ ɔbéɛ, mbláa ahá ání bomegyí Yudafɔ mw aswɔn wankláán ámw, méní amó é bónu, hɔ mósú gyí. ⁸ Bulu yín nyankpɔsa klɔntɔ. ɔlɔpɔ ɔhe Wankíhé amw há amó, fé aliá ɔlɔpɔhá aní púsúná ání alahɔ amó. ⁹ Olosuná ání bomegyí ɔtsan há aní, tsúfé ɔleha amó klɔntɔ letin bréá amó é bohogyí. ¹⁰ Ntogyí sw mlídé Bulu sɔw kí? Ntogyí sɔ mlídéɔ Mose mbla ánfí aní aní anáin anímétalí gyi mósú ánfí han akasípó ánfí? ¹¹ Ekekeke! Anilahogyí ání Bulu ɔbótswɔn aní Wíe Yesu awítɔlesw hɔ aní nkpa fé amó.”

¹² Bréá Petro lótáí tá á, afiapɔ amw féé bɔbwe díín. Móbú Paulo mwa Barnaba bebláa amó alíá Bulu lótsɔn amósú bwé ofúla pú osúna tsɔtsɔtsɔ

ahá ámúú bomegyí Yudafo ámúú. ¹³ Bréá Paulo mva Barnaba bətoi tá á, Yakobo lóyə mósú əbéé, “Apíó, mliya a sʉ amlinu. ¹⁴ Simon Petro labláa anı əbéé, Bulu légyankpá lé súná ání otekle ahá ámúú bomegyí Yudafo ámu asón. Mú sʉ əléé amótó aku bwé mu ahá. ¹⁵ Asón ánfı pú Bulu ənsó atəipú amu ason blíhé labwé kole. Tsúfé bəwanlín wá Bulu asón ámúú bəé,

¹⁶ ‘Bulu əbéé. Inı əma a, nélatsú Dawid iwíegyí

amúú ıladıda ámu kósó.

Nélayı mú abuntıı féé,

há mú bélı wankláán,

¹⁷ méni aha tráhe amu pú amúá bomegyí Yudafo,

mı dá dın amósú féé bódunká mıá nyı amú Wıe, wun mı.

¹⁸ Alı mı, mı Wıe Buluá

nəlé inı súná tsú bímbı ndəblı ní.’

¹⁹ “Inı sʉ tsá mı Yakobo ndəblı gyı, mlımáha apʉ asʉansʉ kıkli ahá ánfı bomegyí Yudafo, badámlı klontə ba Bulu wá ánfı. ²⁰ Mboún mliha awanlın əwóló bláa amú anıaa, bəmágyı atogyihéá bapóhá ıkpı, tsúfé mú ıwı metın. Bəmáwa atsi múa ayın asón. Bəmágyı əbwıá bəpʉsáa mu mó pú obugya. ²¹ Tsúfé bímbı əpá á, bʉtedá Mose mbıla ámu əkan wúlugyıwúlutu, bʉtekla mú Yudafo ofiakpa kugyıkʉ əkpónú ədaké é.”

Ɔwóló Pʉsısí Ahógyıpʉá Bomegyı Yudafo

²² Mú sʉ sumbí ayəpú ámu, əpasua ahande amu pú əpasua ámu bəbwe agywun bəé, bele ayın aku tsú amótó abəbuo Paulo mva Barnaba yə Antiokia. Bele Yuda ání bʉtetı mu Barsaba mva Silas. Amú féé bʉgyı akpəpú há ahógyıpʉ amu. ²³ Ɔwóló ání bəpʉhá amú bəpʉyátə asón gyı:

“Ahógyıpʉá mlımégyı Yudafo, mlıbʉ Antiokia, Sirıa pú Kilikıa əmátó. Mlı apıó sumbí ayəpú pú əpasua ahande dé əwóló ánfı wanlın sısí mı.

“Anıdé mı itsıá ha.

²⁴ “Anlónu ání anı apıó aku bʉtsu anıtə ba mı wá ınu, bəpʉ asʉankʉ kıkli mı, púyıntá mı agywun. Anımókówá amú. ²⁵ Inı sʉ anıafia, tsúlá ání abéle aha aku abukpa anı apıó adwepú Barnaba mva Paulo ba mı wá. ²⁶ Ahá ánfı lásı amú nkpa há anı Wıe Yesu Kristo agyómá ámu sʉ ní.

²⁷ Mó sʉ anıdé Yuda mva Silas wa anıaa, bʉpʉú əns bəbláa mı asón amúú anılawánlın wá əwóló ámúú ámu kén. ²⁸ Ɔhe Wankíhé lalé súná anı, anı é anılahə mú ání ıma aléá abəpʉ atə dwindwın kəkʉ sórá mı, dʉn mbıla ánfı mú ıwı dehián anfi. ²⁹ Mbıla ámu gyı, ‘Mlımágyı atogyihéá bapóhá ıkpı. Mlımágyı əbwıá bəpʉsáa mu mó pú obugya. Mlımáwa atsi múa ayın asón.’

“Nı mlıdé mbıla ánfı sʉ gyı a, ıbówa alé há mı. Anılafʉn nfi.”

³⁰ Bəwanlın əwóló ánfı há amú tá á, besi amúá sumbí ayəpú ámu əkpa bəpʉya Antiokia. Boyówie ınu tí ahógyıpʉ amu féé fıa, pú əwóló ámu wá amú ıbıtə. ³¹ Bekla əwóló ámu a, ansı lehıe gyı amú, tsúfé mótó asón leha klɔn lédi amú ası. ³² Yuda mva Silas, bʉgyı Bulu ənsó atəipú amu bətoi kplá amú wankláán pówá amú əwonlın, wá amú atətə-ɔnlın. ³³⁻³⁴ Betsıá amú wá nke kpalóbı, əpasua ámu lési amú əkpa iwılwııtə, beyinkı yó ahá amúú bəwa amú sumbí ámu wá.*

³⁵ Paulo mva Barnaba é betsiá Antiokia ınu yófʉn bré kʉ. Amúá ınu ahógyıpʉ amu aku betsiá súná ató, tsıá dá anı Wıe ason wankláán ámu əkan.

Paulo Mva Barnaba Abasımáın

* **15:33-34** 15:34 Mótó yéé 34 bʉ nʉwóló dada amu akota: Táme Silas mú lóbwe agywun ání obésın Antiokia ınu.

³⁶ Bré kv oma a, Paulo lébláa Barnaba obéé, “Ha ayinki yó awúluá aniladá aní Wíe ason wankláán ámu okan féesú, ayeki alíá butsie.”
³⁷ Barnaba lékléá békpa Yohane aní butetí mu Marko buo iwí. ³⁸ Táme Paulo léblí obéé, ima aláá Marko obóbuo amú, tsúfé ometrá buo amú abuyó Bulu agyómá ámu. Oleyinkí amú oma tsú Pamflia wúluto ópá. ³⁹ Paulo mva Barnaba beprí asón ánfí kínkíínkín, íleha bemaín abasu. Barnaba lékpa Marko buo iwí, botsu ntsusu-yibi yó Kipro omátó. ⁴⁰ Paulo é lékpa Silas buo iwí, Antiokia ahógyipu amu bəpu amú wá Bulu íbitə, bəpu okpa. ⁴¹ Paulo lóyotsun Siria móa Kilikia omátó; oləwa opasua amúó íbubu inu ámu owonlín.

16

Timoteo Léyetsiá Paulo Mva Silastə

¹ Paulo mva Silas benatí yó Derbe pú Lистра. Ohógyipu okwá butetí mu Timoteo bu Lистра wúluto inu. Mu yin gyí Yudayin aní oləhə Yesu gyi, támé mu si gyí Griikiyin. ² Apíó aní bubu Lистра pú Ikonion betí Timoteo idayilé. ³ Paulo lékléá obékpa Timoteo náti. Mú su oləha betun Timoteo keté, tsúfé Yudafə amúó bubu inu ámu fée buyin aní Griikiyin Timoteo mu si gyí. ⁴ Bréá bəyó á, bowíé wúlugyíwúlusu butosúná inu ahógyipu mbla odwá Yesu sumbí ayəpú ámu pú opasua ahande amúó bubu Yerusalem amu bawá bəe bəgyíi mósú. ⁵ Iní su opasua ámu benya owonlín hógyitə, kléi ekekegyíeke.

Paulo Makedonia Omátó Yə

⁶ Paulo mva mu aba ámu bətsun Frigia pú Galatia omású. Tsúfé Ŋe Wankíhé méha amú okpa obéé, budáa Bulu asón ámu okan Asia omátó. ⁷ Bréá bowie Misia osólú oká á, bəbwe agywun bəe bəyinkí tsun yə Bitinia omátó, támé Yesu Ŋe méha amú okpa. ⁸ Mú su bətsun Misia osólúso kplí yó Troa wúluto. ⁹ Mú onyé á, Paulo lówun ató. Olowun aní Makedoniayin okw lí mu ansítə, əde mu kokóli obéé, “Fa əpu amu ba Makedonia, afəbegyi aní buale.” ¹⁰ Paulo lénya wun ató ámu alí, ílowankí mu aní Bulu dé aní wa obéé, ayó yeda ason wankláán ámu okan inu. Mú su aniləpu okpa yó Makedonia.

Lidia Kləntədamlí Filipi Wúluto

¹¹ Aniləwie ntsusu-yibitə tsú Troa, fá əpu yó Samotrake osólúso. Mú əyi kehe a, aniləlatsiá yó Neapoli wúluto. ¹² Aniləpu ayabitə tsú Neapoli yó Filipi wúluto. Filipi gyí Makedonia wúlu yilé ní. Romafə bəw wúlu anfitə. Anilətsiá inu nke kpalobí. ¹³ Ŋkponú ədaké á, anilədali wúluto yó əpu onó ətnekwá anki aníaa, abówun ətínéá Yudafə butefia bə mpá. Anilətsiá inu bláa atsi akwá bebefia inu Bulu asón. ¹⁴ Atsiá bonu asón ámutə okole gyí Lidia. Tiatirayin ogyi, ətəfé tatiá mú ntsu lepe, íbu bíá. Bulu osúmpó ogyi. Aní Wíe léha mu olonu Paulo ason blíhé amutə. ¹⁵ Mú su bréá aniləbə mva mu woyítə ahá asú á, olobwí ipa há aní, blí obéé, “Ní mlíahogyi aní nahə Yesu gyi a, mlíbetsiá mí woyítə.” Ŋtsi ánfí bu anísu alí aniləbuo mu yó mu woyítə.

Paulo Mva Silas Obudí Filipi

¹⁶ Eke okw ayó Yudafə mpá obəkpa inu á, anilətu otsibi okwá ogyi okpábi inu. Atóla ŋé bu mvsu, otelá ató, blí asón aní íbéba. Ŋəbwe kóba tsətsətsə há mu awíé tsú mótó. ¹⁷ Otsibi ipfi lékplá buo aní Paulonyə. Ŋna ədekplón blí obéé, “Ahá ánfí gyí Ŋsósúsú Bulu ámu asúmpó ní. Amúdé mlí nkpahó

okpa suná ní.”¹⁸ Ɔlobwe mú nke tsotsotsò. Iní lehan Paulo. Mú su ɔledamlí bláa otsibi amu ɔbé, “Atóla ɔhé, nde mbla wa há fú Yesu Kristo dátó, dali m̀to!” Inu ɔhé ámu lédali m̀to.

¹⁹ Ɔkpábi amu awíe bowun ání amó kóba okpa latin. Mú su bekítá Paulo m̀ba Silas, bítía amó ya wúlu ahande ansító. ²⁰ Bɔpu amó ya Romafɔ asón agyípó be, “Yudafɔ ahá ání bɔgyi, buɔde asón klée wa aní wúlu anfito. ²¹ Buɔde amándíe laláhe ání aní mbla meha mú iwí okpa suná. Romafɔ aní mú anígyí. Anuméetalí hɔ amó amándíe ámu gyi m̀sú.” ²² Inu ɔɔm amu botu bun Paulo m̀ba Silasu.

Asón agyípó amu beha be ɔwóí amó atadiɛ, abɔnwen amó mpli. ²³ Bepítí Paulo m̀ba Silas ató wankláán tá á, beha bɔpu amó tswi obu. Bebláa obu adípúsú ɔkípu be, ogyóo amó wankláán. ²⁴ Asón amóú bebláa obu adípúsú ɔkípu amu su ɔɔpu amó yétswi obutótó, wá amó ayabi kplakitsi.

Obu Adípúsú Ɔkípu Yesu Hógyi

²⁵ Mú ɔyi-nsin é á, Paulo m̀ba Silas buɔde mpáí bɔ, buɔde ilu wa kánfó Bulu. Obu adípó atráhe amu é buɔda buɔdenu. ²⁶ Ɔtsáwɔle pé á, ɔsulú ɔlékpinkí ɔwɔnlínsú, ɔlékpinkí obu ámu ntswiasí. Mú aklɔn féé lefinkí. Obu adípó ámu ikan pú amó kplakitsi amu féé lɔwáí. ²⁷ Obu adípúsú ɔkípu amu létsinkí, wun ání aklɔn amu féé lafinkí. Inu ɔlele ɔdayí iya anyɔ ɔbé amuwɔ iwí, tsúfé ɔkí ɔbé obu adípó ámu féé badáí srí. ²⁸ Táme Paulo lóklɔn kóklókóú bláa mu ɔbé, “Mábwe iwí tɔtɔ. Aní féé aníbu inu.”

²⁹ Obu adípúsú ɔkípu amu léha botsu ɔkandíe ba mu, ɔlɔwa ɔsa wíe obu ámuɔ. Ifú de mu, su ɔdekpinkí kpakpakpakpa. Ɔleyéda akpawunu Paulo m̀ba Silas ayabitɔ. ³⁰ Inu ɔlekpa amó dáli yéfité amó ɔbé, “Mí awíé, ntɔ mbwéé asa Bulu ɔhɔ mi nkpa?”

³¹ Mú Paulo m̀ba Silas bebláa mu be, “Hɔ Yesu gyi, méní Bulu ɔbóhɔ fúa fú wóyító ahá féé nkpa.” ³² Mú bebláa m̀ba mu wóyító ahá féé aní Wíe Yesu asɔn wankláán ámu. ³³ Onyé-onyé ámu a, oyin ámu léyiá amó iwí nɔ amóú benya bré amóú bepítí amó ató ámu. Ɔleha amó bɔbɔ m̀ba mu wóyító ahá ámu asú inu. ³⁴ Obu adípúsú ɔkípu aní lópu amó ya mu wóyító, ɔleyéha beniná ató há amó begyi. Iná m̀ba mu wóyító ahá féé bahɔ Bulu gyi su á, ansí lehie gyi amó.

³⁵ Mú ɔyi kehe a, asón agyípó amu bɔwa ahá akítápó aku be buyébláa obu adípúsú ɔkípu amu be, ɔsíí ahá ámu abɔnati.

³⁶ Mú su oyin ámu lébláa Paulo ɔbé, “Asón agyípó amu bapó ɔme sísí mí be, nsíí fúa Silas amlnati. Mú su mlnati iwílwíiɔtɔ.”

³⁷ Táme Paulo lébláa ahá akítápó amu aku ɔbé, “Bumegyí aní asón, táme banwén aní ató ɔbɔntɔ. Romafɔ anígyí, táme bawá aní obu. Ntogyi su buɔdekléá bési aní nájantɔ? Ekekeke! Asón agyípó amu onutó bubá be aní.”

³⁸ Ahá akítápó amu beyinkí yó yébláa asón agyípó amu. Bréá bonu ání Romafɔ Paulo m̀ba Silas bɔgyi á, ifú lehie kítá amó. ³⁹ Mú su boyóbwíí ipa há Paulo aná, bekpa amó dali yókokóli amó be buɔdálí wúlu amɔtɔ. ⁴⁰ Inu Paulo m̀ba Silas benatí yó Lidia wóyító. Befia apíó ahógyipu amu inu, tóí kplá amó, wá amó ɔwɔnlín asa benatí.

17

Paulo Tesalonika Yɔ

¹ Bréá Paulo m̀ba Silas benatí tsú inu bɔyó á, buna Amfipoli pú Apolonia awúlusu beba Tesalonika. Yudafɔ ofiakpa ku bu inu. ² Fé alíá Paulo tɔbwé

brégyíbré á, ɔɔɔɔ ofiakpa unv ɔkpónó ɔdaké, mva amónyɔ bɔyɔ Bulu ason wanlínhé amɔtɔ. Ɔɔbɔwɛ mú alí tse sa són. ³ Ɔɔɔɔ Bulu asón amɔtɔ súná amó, dínká íbwi mósú ɔbée, “Ilehián ání Kristo, (ɔhá amóú Bulu ladá mɔ ofúli amɔ), obówun iwɔɔsin wú, lákósú tsú afúlitɔ.” Ɔɔɔɔ mɔ asón amɔsv ɔbée, “Yesu anfi nde mɔ iwɔ asón blí anfi gyí Kristo amɔ ní.” ⁴ Paulo asón anfi lɔwankí Yudafɔ amɔtɔ akv. Mú sv bobuo mva Silas. Alí kén Griikifɔ Bulu asúmpɔ pɔ atsiá obú bv amósú tsɔtsɔtsɔ é bobuo amó ní.

⁵ Iní léha Paulo mva Silas iwɔ lówa Yudafɔ ámu olu. Mú sv bekpa aha laláhe akv buo iwɔ tsú brɔnsv, bɔpɔ ahá tsɔtsɔtsɔ yéhan agywun wúlu amɔtɔ. Betsií yó oyin ɔková bɔtɛtí mɔ Yason wóyítɔ, bɔde Paulo mva Silas dúnká abubítá amó ba ɔɔm amv ansítɔ. ⁶ Táme bɔmowun Paulo mva Silas. Mú sv bebítá Yason mva ahógyipv amv akv ya wúlu ahande ansítɔ, bɔde okitikítí bee, “Ahá anfi ná bɔde agywun háan ɔyítɔ fée ní. Bawíé nfi, ⁷ Yason lahɔ amó yáí mɔ wóyítɔ. Amó fée bɔdekusú líí Roma Owíe Dehen mblasv. Tsúfé bɔde ahá bláa bee, owíe bambá ɔkv bv unv, mɔ dá gyí Yesu.” ⁸ Bréá wúlu ahande pɔ ɔɔm amv bonu asón anfi á, ilehie han amó. ⁹ Táme bebítá Yason mva mɔ aba ámu isv, beka ikɔ, ká ntam bee bɔmétrá han agywun, besi amó benatí.

Paulo Mva Silas Beroia Yɔ

¹⁰ Besi owí leta, ahógyipv amv beha Paulo mva Silas benatí yó Beroia wúlutɔ. Benya wíé unv alí, bɔyɔ Yudafɔ ofiakpa. ¹¹ Yudafɔá bɔbv wúlu anfitɔ botsulá hɔ asón ámu dɔn amóá bɔbv Tesalonika. Bɔpɔ ansigyí hɔ Bulu asón ámu, tsíá yó Bulu ason wanlínhé amɔtɔ ekekegyíeke kí bee, ɔnɔkwali Paulo dé amó bláa. ¹² Yudafɔ tsɔtsɔtsɔ pɔ Griikifɔ atsi mva ayin ání obú bv amósú é bɔhɔ asón amsv gyi. ¹³ Yudafɔ amóú bɔbv Tesalonika amv bonu ání Paulo layɔ ɔde Bulu asón ámu ɔkan dá Beroia. Iní sv begya ɔkpa yó unv bɔde unfv ámu agywun yintá. ¹⁴ Ɔsasv, ahógyipv amv bele Paulo lé wúlu amɔtɔ ya ɔpɔ ɔnɔ, táme Silas mva Timoteo mú besi bɔbv unv. ¹⁵ Ahá amóú beyési Paulo ɔkpa ámu bekpa mɔ alí yówie Atene wúlutɔ. Bréá bɔdeyinkí á, Paulo lópv ɔme sísí Silas mva Timoteo ɔbée, bɔwáa ɔsa bɔtv mɔ.

Paulo Atene Yɔ

¹⁶ Bréá Paulo lési otsie ogyo Silas mva Timoteo Atene wúlutɔ á, unv tsiá lehie han mɔ. Tsúfé olowun ání ikpí són bv wúlu amɔtɔ. ¹⁷ Mú sv ní ɔyɔ Yudafɔ ofiakpa unv á, mva Yudafɔ pɔ Griikifɔ amóú bɔde Bulu súm ámu bɔtetsiá lé asóntɔ há aba. Alí kén mva dɔnsv atsiápɔ é betsiá tsií tsú mú iwɔ ní. ¹⁸ Mva atiansipv akvá botsu Epikuro pɔ Stoak ɔpasuatɔ* ba unv é betsiá bití asón anfi. Amótɔ akv befíté bee, “Ntɔ ɔkan ɔnótɔ ɔkapú anfi déda?”

Aha akv bele mú ɔnɔ bee, “Idebwe fé ikpí akv iwɔ ɔdetáí tsú.” Tsúfé Paulo dé Yesu mva afúlikósú iwɔ asón ɔkan da. ¹⁹ Múú bekítá Paulo, kpá mɔ ya Areopago, igyi amó wúlu ahande ofiakpa. Ahande amv bebláa Paulo bee, “Anidéklé aniaa, futúí tsu fú atosunáhé pɔpwe amv iwɔ suna aní. ²⁰ Anumókónú asón anfi kí. Mú sv anidéklé aniaa, fulée mótɔ suna aní.” ²¹ Tsúfé Atenefɔ pɔ afɔɔá bɔbv unv fée bɔtamabwé tɔtɔ dɔn asón ání ilaba nu pɔ mú blí.

²² Inu Paulo lókusú líí afiapv amv ansítɔ ɔbée, “Atenefɔ, nawun ání mlitehié tswɛ ikpí. ²³ Tsúfé iníá ndeki wúlu anfitɔ fée á, nawun ntobí oduá mlitɔtswe. Nawun afɔɔɔe-asubwi kvá bɔwanlín dínká mósú bee, ‘BULUA

* **17:18** Epikuro ɔpasuatɔfɔ bɔgyi aha akvá bɔteblí bee, ilehián ání ansí bégyi aní. Fowú á, ilatá. Stoak ɔpasuatɔfɔ é bee, mehián ání ansí bégyi aní dɔbɔdɔbɔ, awirehɔ é mákítá aní dɔbɔ.

ANIMÉYÍN Mú.’ Mú sù Bulu á múú mlídésú, mlíméyín mú dá ámu iwí òkan ndeda súná mli á. ²⁴ Bulu lóbwe òyí pú mótó ató fée. Múgí òsú móa así Owíe. Òtamatsíá òtswékpá ání anyánpósa ibí léyí mótó. ²⁵ Òtamadúnká tótó tsú òhaa wá, méní ìbwe fé tákú tehían mú. Tsúfé mutéhá ahá fée nkpa, òjé pú tógýtá itehían amó. ²⁶ Móléha sù ahá fée beln tsu òbakóle péto, òléha bekléí wá òyító fée. Móléha òmá kugyíku òtínéá bótisíe pú bréá bétisíá yófun. ²⁷ Òlóbwe mú alí, méní nyankpósa òbódunká mú wun mú. Táme tekí òma ifó anító òkòkú wá. ²⁸ Tsúfé òkú léblí òbée, ‘Bulu sù anítisíe nkpa. Mú sù anítékán iwí, anígíí ahá anígíí.’ Fé ahá mli ìb awapú akú beblí bée, ‘Bulu ahá aní é anígíí.’

²⁹ “Iníá Bulu ahá anígíí sù á, anímákí aníaa, Bulu gíí fé tunkuá nyankpósa lapú sika pepé, sika futútú ntée ìbwi pwé mú ahá òdeklé. ³⁰ Bímí ámu a, ahá bómébi ahá Bulu gíí. Bulu lóbun ansíbi múso, támé séí mú á, alabláa anyánpósa fée òbée, budámli klòntó. ³¹ Bulu lalé eke yáí ání òbótson òhá á múú alalé yáí ámú sù gíí òyító òhagíyí òha asún ònòkwálisú. Òdeklé òbée ahá bobúí ání ònòkwáli gíí. Mú sù òbókúsoa òhá ámu tsú afúlitó ní.”

³² Iníá Paulo lótoí tsú afúlikúsoú iwí sù á, akú bómási mú. Táme amótó akú beblí bée, “Anúdeklé aníaa, futráa ba afóbebláa aní asún ánfí kú é.” ³³ Inú Paulo lókúso dáli ofiakpa inu. ³⁴ Táme ahá kpalóbí kú bòhò Paulo asún ámú sù gíí, bobuo mú. Amótó òkòle dá gíí Dionisio, oletsíá wúlu ahande amúto. Mú òtsí òkúá bütetí mú Damari pú aha akú é.

18

Paulo Korinto Yò

¹ Iní òma a, Paulo lókúso tsú Atene yó Korinto wúluto. ² Òbáyòtu Yudayin òkúá bütetí mú Akwila, bókwií mú Italia òmanti kúá bütetí mú Pontotó. Akwila mva mú ka Priskila beba Korinto inu məkówá òpá. Tsúfé alí bré ámúto á, Roma Owíe Klaudio lagya Yudafo fée lé Roma wúluto. Paulo lóyo amó wá. ³ Tati-obubí abwepó amó é bogyi. Mú sù Paulo létsíá amó wá, mva múnyo bétisíá bwé tati-obubí ámu fé. ⁴ Òkpúnó òdaké kugyíku á, Paulo tàyó Yudafo ofiakpa yéle Bulu asún ámúto wankláán súná Yudafo pú Griikífo ámu, méní bòhò Yesu gíí.

⁵ Bréá Silas mva Timoteo botsu Makedonia bətu Paulo a, olesi agyómá ámu yo, pú Bulu asún ámu òkanda kóun bwé mú gyumagyihe. Oletsíá gíí adánsíe súná Yudafo ámu òbée, Yesu gíí Kristo, (òhá á múú Bulu ladá mú ofúli amó) ní. ⁶ Táme bómòhò mú asún ámu. Bókúso líí musú, síá mú. Mú sù Paulo lófwí ibí lé amó asóntó, bláa amó òbée, “Tsú nde pòya a, nalé ibí mli asóntó. Ní lowu mlídéklé a, íbá mli sù. Néyébláa ahá ání bómegíí Yudafo mbóun Bulu asún.” ⁷ Iní sù Paulo lédalí Yudafo ofiakpa inu yétsíá oyin òkúá bütetí mú Tito Yustus wóyító. Megíí Yudayin oyin ámu gíí, támé ogyi Bulu osúmpó. Mú wóyí ìbú mantáa Yudafo ofiakpa inu. ⁸ Táme Krispu ání ogyi Yudafo ofiakpa inu òhande mva mú wóyító fée mú bòhò aní Wíe Yesu gíí. Korintofó ámu tsòtsòtsò é bohogyi, bóbò amó asú.

⁹ Eke òkú onyé á, Paulo lówun ató. Mótó á, aní Wíe lébláa mú òbée, “Mánya ifú. Yó múso afóda asún ámu òkan wòle. Mákpa ònó bun. ¹⁰ Tsúfé míá fúnyo ná. Òhaa méetalí bwé fú tótó. Mí ahá bütso wúlu anító.” ¹¹ Mú sù Paulo létsíá Korinto inu súná ahá ámu Bulu asún ofi òkòle móa ifun.

¹² Bréá Galio létsíá Roma owíe otsiákpá, òde Griikífo òsaasí òmanti kúá bütetí mú Akaiasó kíí a, Yudafo ámu bóbwe ònò-òkòle, kítá Paulo, pú mú ya

mu ansító. ¹³ BEE, “Oyin ánfí dé ahá asokpan suná òbée busúm Bulu tson òkpa ání ìlòkòsú líí aní mbłasusu.”

¹⁴ Paulo lénya bwíí ònò òbée amòtò alí Galio lébláa Yudafò ámu òbée, “Ní tsítsa ntée lakpan ku oyin ánfí labwé á, tekú ìbú aláá néyaa asu nú mli asón. ¹⁵ Táme ìníá adá pò mli onutó mbla ìwí asón ìwí nwéén mlídégíyí sù á, mliyò amliyèblí mú. Mméegyí asón ánfí odu.” ¹⁶ Múò òleha begya amú lé asón ogyíkpa ìnù á. ¹⁷ Ahá ámu féeé bowunáa kítá Sostene ání ogyí Yudafò ofiakpa ìnù òhande, dá mu ìnù. Táme Galio mótsu kòkò lé móótó.

Paulo Yinkí Yò Antiokia

¹⁸ Paulo létsiá ahógyipù amu wá Korinto yòfon bré ku. Múò òlekklá amó, mu Priskila pò Akwila bènati yò Kenkrea wúlutò. Paulo lékpa mu nwun Kenkrea ìnù, púsúná ání alamó ntam kúá òleka ònò. Múò botsu ntsusu-yibi pò bòyò Siria òmátó á. ¹⁹ Bréá bowie Efeso wúlutò á, Paulo lénati sí Priskila mu Akwila, yò Yudafò ofiakpa, mu Yudafò ámu bode asóntó le há aba. ²⁰ Bokokóli mu bee, òtráa tsia amú wá kpalobí, omotsulá. ²¹ Táme bréá òdedalí ogyí á, òlebláa amú òbée, “Ní Bulu lótsulá á, néyinkí ba mli wá.” Ìnù olowie ntsusu-yibitò tsú Efeso ìnù náti.

²² Bréá òlekplí Kaesarea a, òlòdu yò Yerusalem yéha òpasua ámu tsiá. Múò oleyinkí kplí yò Antiokia a. ²³ Oletsíá Antiokia ìnù kpalobí. Mú òma a, òlenati ìnù beki Galatia pò Frigia òsulòsò, òde akasípú amu Bulu asón bláa, pówá amú òwunlín.

Apolo Bulu Asón Òkanda Efeso Mba Korinto

²⁴ Alí bré ámu òtò á, Yudayin òkúá butetí mu Apolo laba òbu Efeso wúlutò. Bòkwí mu Aleksandria, wúlu ání ìbú Egipte òmátó. Oyin tóí, oyin Bulu ason wanlínhé amu é wankláán. ²⁵ Bosuná mu aní Wíe òkpa ámu. Mú sù Yesu ìwí ònòkwá amu blí telié wá mu ansigyí. Táme Asú Òbòpó Yohane asúbò ámu pé oyin. ²⁶ Apolo ménya ifú. Òlòwa klòn súná ató Yudafò ofiakpa ìnù wankláán. Bréá Priskila mu Akwila bonu mu ason blíhé a, bekpa mu yáa wóyítò yòsuná mu Bulu òkpa ámu wankláán òn alíá oyin yaí. ²⁷ Bréá Apolo lóbwe agywun òbée, òbòyò Akaiá òsulòsú á, ahógyipù amu bowa mu ateto-ònlun. Bòwanlín òwulú sísí ìnù ahógyipù bee, bohò mu wankláán. Bréá oloyówie ìnù á, òlehié bóa ahá ání ìna Bulu awitòlesu bahò Yesu gyi. ²⁸ Apolo mu Yudafò ámu begyi Bulu ason wanlínhé amu ìwí nwéén, òlòtòí lé asóntó túmisù pógyi amúsó. Òlòpù Bulu ason wanlínhé amu súná amú ání Yesu gyí Kristo, (òhá ámuó Bulu ladá mu ofúli amu).

19

Paulo Bulu Asón Òkanda Efeso

¹ Bréá Apolo bu Korinto a, Paulo lódu yótsen òsósó awúlusu bedalí tíí Efeso. Òlòtu akasípú aku ìnù. ² Múò òlefíté amú òbée, “Mlilénya Òje Wankíhé bréá mlilòhogyi?”

Bele mú ònò bee, “Animókónú kí ání Òje Wankíhé ku bu ìnù.”

³ Paulo létrá fité amú òbée, “Asú mòmò bòbò mli?”

Bele mú ònò bee, “Yohane asú ámu bòbò aní.”

⁴ Paulo lébláa amú òbée, “Yohane lóbò ahá ání badámlí klòntò asú. Òlebláa amú òbée bohò òhá ámuó obuo mu òbá ámusu gyi. Múgyí Yesu.”

⁵ Bréá ahá ámu bonu asón ánfí á, beha bòbò amú asú aní Wíe Yesu dátó.

⁶ Mú òma a, Paulo lópu ìbú ònká amú nwunso, Òje Wankíhé leba amúsó. Beblí òblí bábá, blí Bulu ònò asón é. ⁷ Amú féeé bóbwe ayin dúanyò.

⁸ Paulo lélatsiá yó Yudafó ofiakpa inu. Ɖɔwa klɔn tóí lé asóntó suná amó tsra asa kéké. Omenya ifú, méní bóhó asón amóú ɔdeblí tsú Bulu iwíegyi íwí ámuɔ gyi. ⁹ Táme amó aku bówa klɔntɔ odwin, bɔmɔhɔ mu asónsú gyi. Bɔtɔí wɔ aní Wíe Ɖkpa amóú Paulo dé amó suná amó ahátɔ inu. Mó sɔ Paulo lékpa akasípó amó náti, oletsíá suná amó ató oyin ɔkɔá bɔtɔtí mu Tirano ató ɔkasíkpa. ¹⁰ Paulo lósuná amó ató nfinyó kéké. Mó sɔ Yudafó pú Griikífo aní bɔbɔ Asia ɔmátó fée bonu aní Wíe asón amó.

Skewa Abi Asón

¹¹ Bulu lótsɔn Paulosu bwé ofúla akpɔnkpɔnti ku. ¹² Ahá bɔkolá mu adúkubi pú mu íwíɔ ató yédinká alɔpɔsɔ, benya ɔlɔtsá, ɔɣe laláhe é ledali ahátɔ. ¹³ Yudafó aku é bɔbɔ nsiné inu buna bɔdeki gya ɔɣe laláhe lé ahátɔ. Bɔwa klɔn bɛɛ, bópu aní Wíe Yesu dá gya ɔɣe laláhe lé ahátɔ. Mó sɔ bɔkplón wa ɔɣe laláhe bɛɛ, “Dalí Yesu amóú Paulo dé mu íwí asón ɔkan da amó dátɔ.” ¹⁴ Igyí ahapú ɔhande ɔkɔá bɔtɔtí mu Skewa abi yinhé abasiénó létsiá bwé iní.

¹⁵ Eke ɔku ɔɣe laláhe léfité amó ɔbɛɛ, “Nyin Yesu, nabí Paulo, mli é mé, amendi mligyi?” ¹⁶ Ɖhá amóú ɔɣe laláhe bu muɔ amó lótu wíé amótó, dá amó, títi amó atadié fée. Inu amó fée bɔpu amó yaya pú amó íwí nɔ srí dalí wóyí amótsɔ. ¹⁷ Yudafó pú Griikífoá bɔbɔ Efeso inu fée bonu asón ánti. Ifú lekítá amó. Mó sɔ bɔpu obú há aní Wíe Yesu. ¹⁸ Ahá amóú bohogyi amótsɔ tsɔtsɔtsɔ beɛ amó lakpan blí. ¹⁹ Amótó aku bɔgyi okó alepú. Botsu okó amó nwoól ba bówa mú fée ogyá ahá ansítɔ inu. Bobu amó nwoól amó ibiá á, ɔlɔbwe sika futútú mpím-aduenu (50,000)*. ²⁰ Ina aní Wíe Yesu tímísu mu asón amó lenya ɔkpa kléi wankláán.

Demetrio Mva Mu Aba Ikó Le Wá Efeso

²¹ Asón ánti fée ɔma a, Bulu Ɖɣé amó léha Paulo lóbwe agywun aní ɔbóyo Makedonia pú Akaia ɔsulɔsɔ, fówun ɔyo Yerusalem. Mú Paulo lébli ɔbɛɛ, “Ní nowíé inu á, ilehián aní néyékí Roma wúluto é.” ²² Mó sɔ ɔlɔwa mu abúápu abanyó, bɔgyi Timoteo mva Erasto sísí Makedonia. Mu onutó olesi tsiá Asia ɔmátó kpalobí.

²³ Alí bré amótsɔ á, aní Wíe Ɖkpa amóú bɔde ahá suná amó sɔ asón kpɔnkpɔnti ku leda Efeso inu. ²⁴ Oyín ɔkɔá ɔtɔbwé sika futútú ató, bɔtɔtí mu Demetrio bu inu. Oyín ánti tɔpú sika futútú bwé ɔkpi yilé Artemi† ɔtswékpa akusubi aní ɔlɔhan mu ɔtswékpa yilé amó fɛ. Mva mu aba agyómá ánti ayɔpú bɔtenyá kóba tsɔtsɔtsɔ tsú mótó. ²⁵ Ɖletí mu aba amó pú ahá aní bɔtɔbwé agyómá amó odu fia. Mú ɔlebláa amó ɔbɛɛ, “Mí apíó, mlyín aní agyómá ánti sɔ aní fée anlawá alé ní. ²⁶ Yéɛ mlɔtsie mlidénu, mlidéwúun tɔá Paulo débwe? Alatá ahá bláa ta Efeso wúluto pú Asia ɔmátó fée fia ɔbɛɛ, ikpi aní ahá bapó ɔbɔ pwe bomegyi tɔtɔ. Alatá ahá ɔnó mlé tá, bɔde mu asónsú hógyi. ²⁷ Megyi aní agyómá wɔle ibéyintá. Ɖhaa méétrá bu ɔkpi tsihé Artemi ɔtswékpa yilé amó. Ɖkpi amó dá é bófwí lé ɔyítɔ. Táme tekí mu gyí ɔkpiá ahá fée bɔtɔtswe Asia ɔmátó pú ɔyítɔ fée ní.”

²⁸ Bréá ɔɔm amó bonu asón ánti á, benya ɔbló, sórá okitikítí bɛɛ, “Ɖkpi kpɔnkpɔnti aní Efesofó ɔkpi Artemi gyí!” ²⁹ Kpokiti leda wúlu amótsɔ fée. Ahá amó bekítá Paulo abúopu Gaio mva Aristarko aní botsú Makedonia srí pú amó ya wúlu ofiakpa. ³⁰ Paulo onutó lékléá ɔbóyo ofiakpa inu, ɔyɔtí kpla ɔɔm amó, táme akasípó amó bomeha mu ɔkpa. ³¹ Ɖmá amótsɔ ahande

* 19:19 Sika futútú mpím-aduenu (50,000) bóbwé ɔbakóle nfi lafakóle-adɔasa (130) ɔkóká.

† 19:24 Artemi gyí ɔkpi kpɔnkpɔnti ɔku dá.

akpɔ̀kpɔ̀ntɪ akwá bugyi Paulo anyawíe é bɔ̀wa obí lóyóbwií ipa há mu beɛ, ɔ̀máyo ofiakpa inu. ³² Kpokiti léda ofiakpa inu. Anɪ beɛ alɪ, anɪ é beɛ alɪ. Amótó ahá tsɔ̀tsɔ̀tsɔ̀ bɔ̀mɛbɪ t́á śá befia inu. ³³ Yudafɔ́ ámu akw bɔ̀yo ofiakpa inu. Bowutá Aleksandro sísí ɔ̀bɔ̀ntɔ̀, bɔ̀de mu asón aní ɔ̀yéblí bláa. Inɪ sɔ̀ Aleksandro lótsu ibi f́á, ɔ̀béɛ amɔ̀le mu ɔ̀nɔ̀. ³⁴ Táme bréá bowun aní Yudayin ogyi á, belasórá okitikítí, blí asɔ̀n kua kwle dɔ̀nhwírɪ anyɔ̀ kéké beɛ “Ɔ̀kpɪ kpɔ̀kpɔ̀ntɪ anɪ Efesofɔ́ ɔ̀kpɪ Artemi gyí!”

³⁵ Inɪ f́éɛ ɔ̀ma a, wúlu ató ɔ̀wanlínpó léha ɔ̀dɔ̀m amɔ̀ bekpɔ̀ ɔ̀nɔ̀ bun. Múú ɔ̀lebláa amó ɔ̀béɛ, “Efesofɔ́ ayin, ma méyín aní Efeso nfi gyí anɪ ɔ̀kpɪ kpɔ̀kpɔ̀ntɪ Artemi pú mu ibwi ámuú ɪlekpɔ̀ tsú ɔ̀sósú ámu nwun?” ³⁶ Ɔ̀haa má inóá ɔ̀bétalí gyí asón ánfɪ iwɪ nwéɛn? Mlɪnya klɔ̀n, ménɪ mlɪmóoko mli. ³⁷ Ahá ánfɪ mlɪlakpá ba nfi ánfɪtɔ̀ ɔ̀kuku mókówí tɔ̀tɔ̀ tsú ɔ̀twékpɔ̀ inu. Bɔ̀mɔ̀kóblí asɔ̀nsɔ̀ kúsú lí anɪ ɔ̀kpɪ tsíhé Artemisɔ̀. ³⁸ Táme ní Demetrio mɔ̀a mu aba agyómá ayɔ̀pú amɔ̀ beɛ bɔ̀bɔ̀ ɔ̀ku iwɪ asón á, asón agyíyú bɔ̀bɔ̀ inu, asón ogyíkpa é bu inu. Bétalí pú asón ámu ya inu kpéblí mú. ³⁹ Ní mlɪbu asɔ̀n bambá ku tsía inɪtɔ̀ mú á, bétalí yéblí mú ɔ̀tíné ámuú anɪ f́éɛ anitefia gyi asón ámu. ⁴⁰ Tsúf́é ní anuméki wankláán á, abénya asón aní anɪlahan wúlu amɔ̀ agywɪn nde. Ní befité anɪ é á, anuménya asɔ̀nsɔ̀ pólé mú ɔ̀nɔ̀.” ⁴¹ Olenya blí asón ánfɪ tá alɪ, ɔ̀leha amó f́éɛ bedasáin.

20

Paulo Yinkí Yó Makedonia Ḿa Griikifɔ̀tɔ̀

¹ Kpokiti amɔ̀ ɔ̀ma a, Paulo léba betɪ akasípú amɔ̀ f́éɛ fia, t́í kplá amó, wá amó atetɔ̀-ɔ̀nlɪn. Ɔ̀leklá amó asa ɔ̀lɔ̀pɔ̀ ɔ̀kpa ɔ̀yó Makedonia ɔ̀solósu. ² Oleki nsuné inu ɔ̀pasua ámu sɔ̀ t́í kplá amó asa olobowie Griikifɔ́ ɔ̀solósu. ³ Oletsia inu tsra asa. Bréá ɔ̀ɔ̀bwe agywɪn ɔ̀béɛ, méfa ɔ̀pɔ̀ yó Siria ɔ̀solósu á, olowun aní Yudafɔ́ bɔ̀de mu téɛ abókita mu. Mú sɔ̀ ɔ̀ɔ̀bwe agywɪn ɔ̀béɛ mélayótsɔ̀n Makedonia ɔ̀solósu. ⁴ Ahá aní bekpɔ̀ mu ya inu gyí Beroiayin Sopater, ogyi Piro mu bi; Tesalonikafɔ́ Aristarko mɔ̀a Sekundo pú Derbeyin Gaio; amóa Timoteo pú Asiafɔ́ Tihiko mɔ̀a Trofimo. ⁵ Alɪ ahá ánfɪ begyankpá yógyo anɪ Troa wúlutɔ̀. ⁶ Israelfɔ́ begyi amó Bodobodo Mátúhénkɛ ɔ̀ma a, anɪlétsia ntsusɔ̀-iyibitɔ̀ tsú Filipi wúlutɔ̀. Anɪlénatí nkená owító. Eke núúsi a, anɪlɔ̀bɔ̀tɔ̀ nkpa agyápu amɔ̀ Troa wúlutɔ̀. Anɪ f́éɛ anɪlétsia inu nkenásiénó.

Eutiko Tsinkí Tsú Lowutɔ̀

⁷ Kwasiéda, igyi ndawótswí ámu tɔ̀ eke gyankpapɔ̀ ntópwesɔ̀ á, anɪléfia abégyi ató abatɔ̀ fé alí anɪ Wie lósuná anɪ. Iníá Paulo dékléá ɔ̀bénatí ɔ̀yi kehe sɔ̀ á, ɔ̀lɔ̀t́í kplá amó alɪ yéha ɔ̀yínsuné. ⁸ Nkandíe tsɔ̀tsɔ̀tsɔ̀ bu ɔ̀sósú obu ámuú anɪléfia mótó ámu tɔ̀. ⁹ Oyimbi ɔ̀kwá bɔ̀tetí mu Eutiko lódu bian nfánsrɪ ɔ̀nɔ̀, ɔ̀de asón ámu nu. Iníá Paulo lótsí wá ɔ̀pá sɔ̀ á, didí lowie mu, fóru mu. Ɔ̀lekpɔ̀ tsú ɔ̀sósú abansóru saasɪ nfánsrító inu beda ɔ̀solótɔ̀. Bréá boyótsu mu a, alawú f́éɛ. ¹⁰ Múú Paulo lékplí yó inu, yémlí bun musɔ̀, látá mu pútá, blí ɔ̀béɛ, “Opúni mátsíí mlɪ, ɔ̀hé bu mu tɔ̀.” ¹¹ Paulo léyinkí dó yó ɔ̀sósú inu, mɔ̀a mu aba ámu nyɔ̀ bebiabía bodobodo gyi. Ɔ̀lɔ̀yo mu t́í amusu alɪ yófun ɔ̀yi kehe, ɔ̀lenatí. ¹² Múú ahá ámu békpɔ̀ kebi ámu ya wóyí á. Ansí lehie gyi amó aní ɔ̀bu nkpa.

Paulo Troa Tsu Yó Mileto Wúlutɔ̀

¹³ Anɪlégyankpá yówie ntsusɔ̀-iyibi ámu tɔ̀ ayó Aso wúlutɔ̀ yótsu Paulo inu. Tsúf́é Paulo léha anɪ ibi ɔ̀béɛ, ɔ̀bótɔ̀n ayabitɔ̀ ɔ̀kpa ká t́í inu. ¹⁴ Bréá

ana mnyo anilényfia aba Aso wúluṭo inu á, olowie ntsusu-yibi ámṭo, anléfa yó Mitilene wúluṭo. ¹⁵ Anilénaṭi inu oyi kehe, anilóksú inu yówie Kio. Eke nyooṣi a, anilóksú inu yówie Samo wúluṭo. Mú eke sáási é á, anilétra kúṣú inu yówie Mileto wúluṭo. ¹⁶ Paulo mékléa obéyintá bré Asia omátó. Mú su omekplí Efeso wúluṭo, tsúfé odekosi áni ní obétalí á, obóyówie Yerusalem asa abogyi Pentekoste nke ámu.

Paulo Efeso Opasua Ahande Klá

¹⁷ Bréa aniloyowie Mileto wúluṭo á, Paulo lówa abí sísi Efeso opasua ahande obéé, bubá bəṭu mu. ¹⁸ Bréa ahande amu bebefia mu a, oḗbláa amú obéé, “Mhiyin alíá mía mlinyo anilóptsíá tsú eke gyankpapu áni neba Asia omátó. ¹⁹ Mhiyin alíá neba iwiasí yó agyómá há mí Wíe, pú alíá Yudafo bokúṣú líi mísú, nowun ipian, su kóráá. ²⁰ Mhiyin áni mməṣṣu asón áni íbəkpa mli nájín mli bréa neda Bulu asón ámu okan dunsu pú mli wóyító. ²¹ Alíá nətóí kplá Yudafo pú Griikífo fée mbéé, busii lakpan bwe abodamli ba Bulu wá, abubəhə aní Wíe Yesu gyi.

²² “Séi ánfí á, nəyó Yerusalem, fé alíá Ōje Wankíhé labláa mi. Mmeyín tóá íbəba mīsu inu. ²³ Táme múá Ōje Wankíhé tēbláa mí wúlugyíwúlusu, nyin gyí, asón wunhe pú obudí da gyo mí. ²⁴ Táme mmotsu mú asónbogya. Mboún alíá nómə agyómá ámuṅú aní Wíe Yesu léha mí ámu onó. Agyómá ámu gyí, nébláa ahá Bulu awitəle asón wankláán ámu.

²⁵ “Séi ánfí a, nyin áni mli ahá ánfí nebeda Bulu iwíegyi íwí asón okan mlito ánfito okoku méetra wun mi ekekeke. ²⁶ Mú su nde mli bláa mbéé, ní mlito oku ménya nkpa áni itamatá á, megyí mí su omenya. ²⁷ Tsúfé nabláa mli tógyítá Bulu déklé obéé mlibí.

²⁸ “Mú su mlíkí mli íwí pú ahá ámuṅú Ōje Wankíhé ləṣṣwá mli íbətə ámuṣu wankláán. Mlíkpa Bulu opasua ámuṅú oleyai tsən mu onutó mu bi lowusu ámu wankláán. ²⁹ Nyin áni nenátí á, akwá bogyi fé nkpataku, bubu iyin béba bowie mlito, dá opasua ámu sáin. ³⁰ Mlito aku óó bokúṣú, dámlí onokwali amu púbitíá mlito aku buo íwí. ³¹ Mú su mlída íwísu. Mlíkaín áni netsiá mli wá nfinsa són, pú ansí ntsú yíri íwí súná mli ató opa onyé.

³² “Mú su séi á, ndepu mli wá Bulu mwa mu awitəle asón ámṭo. Mu awitəle asón ámu íwá mli oṅwónlín, íha amlídan, talí lu kínkín, amlinya ató ámuṅú oḗhe yáí há mu ahá ámuṅú bamli mu kle amu. ³³ Bréa mbu mli wá á, mmepé ansí ohaa sika pepé, mu sika futútú ntée mu atósú. ³⁴ Mli onutó mhiyin áni mí íbí anfi nəṣṣyó agyómá nyá tóá íde mía mí aba ámu híán fée. ³⁵ Natsun okpagyókpasu súná mli alíá mləṣṣu íbí yó agyómá, púgyí ahá áni íwí ma amú onlín buale. Mlíkaín aní Wíe Yesu onutó asón blíhésu. Obéé, ‘Bulu toyúlá oḗá áni otekíé ató dvn oḗá áni butekíé mu.’ ”

³⁶ Bréa Paulo lébli asón ánfí tá á, mwa amúnyo fée beḗa akpawunu bó mpái. ³⁷ Amú fée bosu bréa belatá aba pútá, klá aba. ³⁸ Tóá ílowa amú aḥumutí gyí mú ámuṅú oḗblí obéé, moméetra wun amú ekekeke ámu. Besi mu okpa yówie opu onó, olowie ntsusu-yibito.

21

Paulo Yerusalem Yo

¹ Bréa anilégyí nkla tá á, anilówie ntsusu-yibito, náti laa yó Ko wúluṭo. Eke nyooṣi a, anilóyo Rodo. Tsú inu á, aniléba Patara otsubúno. ² Anilénya ntsusu-yibi kwá íyó Foinike otsubúno, anilówie mótó. ³ Bréa ayó á, anilówun oṣulúṣ kwá butetí mú Kipro sísi. Anlési mú tswí bunasu ifón, tsən yo Siria omátó. Anléyekplí Tiro otsubúno, tsúfé inó béle ntsusu-yibi ámṭo

ató ní. ⁴ Anilótu akasípó aku inu, anilétsiá amó wá nkeniénd. Ɔhe Wankíhé léle súná amó ɔbéé, Paulo máyo Yerusalem wúlutɔ. ⁵ Aní nke lɔfun, anilótúá aní ɔkpasu. Bréá anidénatí á, akasípó amu, amó aká pú amó abí fée beyési aní ɔkpa alu yówie ɔpu ɔnó. Inu á, aní fée aniléda akpawunu bó mpáí. ⁶ Anilégyí nkla, anilówie ntsusu-yibi ámutɔ pú ayó, amó é beyinkí yó wóyí.

⁷ Aniléduká ɔpusu tsú Tiro alu bowie Ptolemai otsubúno. Bréá anilówie inu á, aniléyeha ahógyipu ání bubu inu itsiá, anilétsiá amó wá ekewóle. ⁸ Ɔyi kehe a, anilókusú tsú inu ba Kaesarea otsubúno. Anilóyɔswí Bulu asón ɔkan ɔdapú Filipino wóyí. Oyin ání gyí ahá abasiénd amó bɛle Yerusalem bɛɛ, butsáa ahande agyómá yɔ ámutɔ ɔkule. ⁹ Filipino bu abi tshé abaná, bumakúyó ayin wá ki. Bulu ɔnós atáipú mu abi tshé ání bɔgyi. ¹⁰ Anilégyí nke kpalobí inu. Eke ɔku Bulu ɔnós ɔtáipú Agabo lótsu Yudea ɔmát ba inu. ¹¹ Olenya bowie laa alí olotsu Paulo osiétó ɔfé klí mu onutó ɔbú pú mu ayabi. Múú ɔleblí ɔbéé, “Ɔhe Wankíhé ɔbéé, ‘Alí Yudafá bubu Yerusalem békli ɔhá amóú ɔbu ɔfé ání, pú mu wá ahá ání bumegyí Yudafá ɔbitɔ ní.’ ”

¹² Bréá anilónu asón ání á, ania ahá amóú bubu inu ámu fée anilókokólí Paulo aniaa ɔmáyo Yerusalem. ¹³ Inu Paulo léfité aní ɔbéé, “Ntogyi só mlidésú, mlidahá iwí lawú mí alí? Mí mó á, megýí klí amóú békiklí mɔ Yerusalem amu pé nalá iwí yáí há. Mboun nalá iwí yáí ání nówu aní Wíe Yesu su é.”

¹⁴ Paulo ɔnó lɔfun aní. Mú su anlési mu tóí wa. Múú aniléblí aniaa, “Íbá mótó alíá aní Wíe déklé.”

¹⁵ Iní ɔma a, anilókulá aní ató du yó Yerusalem. ¹⁶ Ania Kaesareafɔ akasípó aku lóyo inu. Bekpa aní ya oyin ɔkúá butetí mu Mnason wóyító bɛɛ, aswí mu wá. Akasípó agyankpapu amutɔ ɔkule ogyi, otsú Kipro ɔmát.

Paulo Yerusalem Wie

¹⁷ Bréá anilówie Yerusalem inu á, ahógyipu amu bohɔ aní atúu. ¹⁸ Ɔyi kehe ania Paulonyɔ aniléyeki Yakobo. Ɔpasua ahande amu fée beba inu. ¹⁹ Paulo lówa amó ɔnó, ɔlebláa amó tógyítá Bulu latsun musu bwé ahá ání bumegyí Yudafá. ²⁰ Bréá bonu Paulo asón ání á, amó fée bekanfɔ Bulu. Múú bebláa mu bɛɛ, “Opíó nu, Yudafá mpím-mpím ání badámlí kluntɔ fée bɔde Mose mbla ámutɔ kinkínkín. ²¹ Táme aku babláa amó bɛɛ, fasúná Yudafá ání bubu ɔmá bámbású fée fɛɛ, bumágyi Mose mbla ámusu. Ɔma é á, fɛɛ bumátun amó abí keté, bumágyi aní amándíé ésú. ²² Ibwebwéebwé á, ahá bónu ání faba nfi. Nkálí abóbwɛ tsú mó iwí? ²³ Abébláa fu tóá fubwéɛ. Ayin abaná akúá bubu anitɔ baká ntam há Bulu. Ilehían ání bógyuráa iwí. ²⁴ Kpa amó ya, amlyɔgyuráa iwí. Ka amó atɔ yintáhé fée ikɔ, méní békpa amó nwun. Iní ɔbéha ahá fée bébɔ ání fotegyí Mose mbla ámusu. Iní su fú iwí asón amóú bonu ámu uma mótó. ²⁵ Anilawánlín ɔwolú sísí ahógyipúá bumegyí Yudafá dodo. Anilówanlín aniaa, anilablí ání bumágyi atogyihéá bapóhá ikpi. Bumágyi obugya pú ɔbwíá bapósa mɔ. Bumáwa atsi múa ayin asón é.”

²⁶ Mó su bréá ɔyí léke a, Paulo lékpa ayin abaná ámu ya, muá amónyo bɔyógyuráa iwí. Ɔlɔyo Bulu ɔtswékpa inu yéblí ekéá amó iwígyuráa amu ɔbómɔ ɔnó, ɔbéba bɔbɔ afɔdie há amótó okugyíɔku.

Paulo Kitá Bulu Ɔtswékpa

²⁷ Bréá nkeniénd amó íbá bɔfun a, Yudafá akúá botsú Asia ɔmát bowun Paulo Bulu ɔtswékpa inu. Ɔdom amóú bubu wunsinésú inu ámu fée benya ɔbló Paulosu, bekítá mu. ²⁸ Bɔsurá okitikítí bɛɛ, “Israelfɔ ayin, mlidalí ba oo! Oyin amóú ɔna ɔde ahá ató suná, yíntá amó agywun ámu ní. Modékusú

lí omá ánfí, Mose Mbla pú Bulu ɔtswékpa amusu ní. Alakpá Griikifó kóráá ba Bulu ɔtswékpa wunsínésó nfi. Mú su alapú ifin da ɔwankíkpá amú.”²⁹ Bèblí mú alí, tsúfè bowun Efesoyin ɔkúá bütetí mu Trofimo mu Paulo wúlu amúto dodo. Iní su bukí bée Paulo lópu oyin ámu yáa Bulu ɔtswékpa inu.

³⁰ Wúlu amúto fée lèda kpokiti. Ahá bedalí tsu amú wóyító srí ba bekítá Paulo, bebítia mu dáli ɔtswékpa wunsínésó inu, fin iban ámu. ³¹ Bréá bude mu da, budekléá bómó mu a, ɔku léyèbláa Romafó isá akápú ɔhande ɔbée, “Kpokiti ladá Yerusalem wúluto.” ³² Inonu ɔhande amú lékpa isá akápú ámu aku pú amú ahande aku besrí yó inu. Ɔdóm amú benya wun amú alí besi Paulo dá. ³³ Ɔhande amú lénatí yótu Paulo, ɔleha mu isá akápú ámu bekítá mu, wá mu ikan anyó. Múú ɔlefíté ahá ámu ɔbée, “Ma gyí oyín ánfí? Ntó alabwé?” ³⁴ Ɔdóm amú bude okitikítí, budetótó. Aku bée alí, aku é bée alí. Okitikítí amú ɔnó lówa ɔnlín. Mú su ɔhande amú mébú ɔnɔkwaliá ibu asón ámúto. Iní su ɔleha ɔbée, bukpá Paulo ya isá akápú ámu otsiákpá. ³⁵ Bréá bowie obu-ɔnó ɔdukpá á, ɔdóm amú bude iyin wa. Mú su isá akápú ámu botsu Paulo wá nkɔnkó. ³⁶ Ahá ámu fée bubuo Paulo, bude okitikítí bée, “Mliha awuna mɔ mɔ! Mliha awuna mɔ mɔ!”

Paulo Iwi Ɔnóle

³⁷ Bréá bowie obu ámu ɔnó, bódu wíé amú otsiákpá inu á, Paulo lébláa ɔhande amú ɔbée, “Nobwíí ipa, mbláa fu asvankú.”

Ɔhande amú léfíté mu ɔbée, “Futonú Griiki ɔblíí? ³⁸ Mú su megyí fógýí Egyipteyin amúú ɔleha kpokiti lèda bré kutó, ɔlekpa ahá amápú mpím-na (4,000) buo iwí ya dimbísó ámu ní?”

³⁹ Inu Paulo léle mú ɔnó ɔbée, “Yudayin ngyi mí mú. Tarso ání ibu Kilikia ɔmátó bɔkwí mí. Megyí wúlubitó notsú. Nobwíí ipa, ha mí ambla ahá ánfí asón.”

⁴⁰ Isá akápú ɔhande amú léha mu ɔkpa. Mú su Paulo léyelí obu-ɔnó ɔdukpá inu, bwé ahá ámu ibu békasú. Inu lóto diin. Múú Paulo lébláa amú asón Hebri ɔblíto ɔbée,

22

¹ “Mí así, apíó aba, mliyaa asu mí anle mí ɔnó amlinu.” ² Bréá bonu ání Hebri ɔblíto Paulo détoí á, inu lóto diin. Múú Paulo lóyo mu asónsú ɔbée,

³ “Yudayin ngyi. Tarso wúluto bɔkwí mí Kilikia ɔsolósu, táme Yerusalem nfi beyaí mí. Gamaliel lósuná mí aní anáin mbla ámu wan-kláán. Nɔwa nsi Bulusúm iwí fé alíá mli é mlidé mu súm nde. ⁴ Ahá ání buna aní Wíé ɔkpa ánfisú á, nedinká amúsó. Nɔmɔ aku kóráá. Nekítá amótó atsi móa ayin aku, kíkí amú yótwsí obu. ⁵ Bulu igyí ɔhapó dehen pú Yudafó asón agyípo amú fée bétalí gyi asón ánfí iwí adánsé. Amú wá nɔhɔ ɔwoló tsú pú neya apíó ání bubu Damasko wúluto, mí anyekítá alí ahá ámu wa amú ikan, pu amú ba Yerusalem, abubítí amú isu.

Paulo Klwntɔdamlí Iwi Asón Blí (Gyumagyihe 9:1-19; 26:12-18)

⁶ “Èkéá nɔpu ɔkpa nɔyó, neta Damasko wúluto wie tá, ibóbwe fé ɔpa dóduanyɔto á, ɔsáwule pé, wankí kuá mú ɔnó ihíé bu ɔnlín, itsú ɔsúsó lɔwankí wólí mísú. ⁷ Múá nówun a, nda ɔsolóto. Inu nonu ɔme ku. Ɔme amú léfíté mí ɔbée, ‘Saulo, Saulo, ntogyi só fúdin mísú alí?’ ⁸ Inu nefíté mbée, ‘Fó ma ní, Owíé?’ Múú ɔme amú lébláa mí ɔbée, ‘Mí Yesu, Nasaretyin ámúú fúdin mísú amú ní.’ ⁹ Mí aba ámúú mía amónyɔ anuná ámu bowun wankí amú, táme bɔmonu asón ání ɔme amú dé mí bláa. ¹⁰ Nefíté mbée, ‘Owíé,

nto mbwée?’ Aní Wíe lébláa mi óbée, ‘Kusu, afuyo Damasko wúluto. Bébláa fu tógýtáá Bulu lahá fu óbée fobwée.’ ¹¹ Wanki amu onó bu onlin. Mú su mmetrá wun tótó. Iní su mí aba ámu lékitá mí ibi, kpá mí ya Damasko wúluto.

¹² “Oyin ókúá bütetí mu Anania, otenyá Bulu ifú bu wúlu amoto. Otegyi Mose mbala ámusu wankláán. Mú su Yudafo ání bubu wúlu amoto fée bütetí mu idayilé. ¹³ Oyin áñfi léba belí mí ansító, bláa mi óbée, ‘Opíó Saulo, bwii ansibi afóki ató.’ Inonu mí ansibi lobwíí, nowun mu. ¹⁴ Ólebláa mi óbée, ‘Aní anáin Bulu ámu léle fu yáí óbée, fobébi mu apé, afóbi mu Bi Yilé Óbwepó ámu, afonu mu óme. ¹⁵ Tsúfí féba begyi mu iwí adánsie, bláa ahá fée asón ání fonu pú múbá fowun. ¹⁶ Ntó fotráa fúgyo? Kusu kokoli aní Wíe, afuha abubo fu asú, ófwí fu lakpan fée le.’

Paulo Bulu Asón Okanda Omátófoto

¹⁷ “Bréá neyinkí yó Yerusalem wúluto nde mpáí bó Bulu ótswékpa unu á, nowun ató. ¹⁸ Mútó á, nowun aní Wíe Yesu, ólebláa mí óbée, ‘Wa ósa bwe, afúdali Yerusalem nfi. Tsúfí bómóhó fu adánsie ání fégyi tsu mí iwí.’ ¹⁹ Inu nebláa mu mbée, ‘Mí Wíe, amó onutó boyin ání netsiá yó Yudafo ofiakpa yékitá ahá ání bóhó fu gyi, dá amó, wá amó obu. ²⁰ Boyin ání bréá bómó fu ódansiyin Stefano a, mbu unu. Nelí amó óma mbée bómó mu, nóhó ámu atadie kórará kítá.’ ²¹ Táme aní Wíe lébláa mi óbée, ‘Nati, nówa fu fýo tsútsúúsú, ahá ání bomegyí Yudafo wá.’ ”

²² Ahá tsótsótsó amu beya asu nú Paulo ason blíhé alu bətu bréá óleblí óbée, Bulu lówa mu ahá ání bomegyí Yudafo wá. Inu bəsurá okitikíti kúklókúú, blí bəe, “Míle mu unu! Ima aleá obétsiá ósolóu anfisú!” ²³ Inu bəsurá okitikíti, nyá óbló wóí amó atadie tswi tsalífwí, kpá isi tswi wá afútó. ²⁴ Múú isá akópó óhande amu lébláa mu ahá óbée, “Mlíkpá Paulo, amlipú mu ya mlí otsiákpá. Mlípiti mu ató óbli ónəkwalí, abí tóá súbá ahá ámu bude okitikíti súbá mu nwunsu alí.” ²⁵ Bréá beklí Paulo tá, bəe abuda mu a, ólefíté isá akópó óhande ókúá olí mu wá óbée, “Mbla leha ókpa ání mlípiti Romayin oduá bómókógyi mu asón, há mu ipón ató?”

²⁶ Bréá isá akópó óhande amu lónu asón áñfi á, óleyébláa mu óhande amu óbée, “Fakle afóse wolu manta iwí. Sáa Romayin oyin ámu gyí oo!”

²⁷ Múú óhande amu léba Paulo wá, befité mu óbée, “Bla mi, lélé Romayin fúgyi?”

Paulo lébláa mu óbée, “Romayin ngyi.”

²⁸ Múú óhande amu lébláa mu óbée, “Mí mú á, íkó kpónkpónti neka asa nemlí Romayin.”

Táme Paulo lébláa mu óbée, “Mí mú á, Romayin onutónutó ngyi.”

²⁹ Inonu ahá ámuú bəe abofite Paulo asón ámu fée badásáín. Ifú lékitá óhande amu onutó ó, bréá ólebi ání Romayin Paulo gyí asa alahá bawá mu ikan.

Paulo Yudafo Asón Agyípó Ansító Lú

³⁰ Oyi kehe a, óhande amu lékléá óbébi tóá Paulo lóbwe, súbá Yudafo bude asón kláa dinká musu. Mú su óleha bəwóí Paulo lé íkan amoto, óleha betí Bulu igyí ahapó dehen pú Yudafo asón agyípó amu befia. Múú óleha bekpá Paulo belí amó ansító.

23

¹ Paulo lótsu ansí kí Yudafo asón agyípó amu díín. Múú ólebláa amó óbée, “Mí apíó Israelfó, nyin mí klóntó ání mməkótsiá nkpa laláhe Bulu ansító bətu nde.” ² Múú igyí óhapó dehen Anania lébláa ahá ámuú bulí mantáa

mu amu obée, budáa mu onósó. ³ Inu Paulo lébláa mu obée, “Fó Bulu obéda. Fabwé iwí fé buntíiá bakpá mú afá futútú, fabetsiá asi fée fópú Mose Mbla gyi mí asón. Fode ahá bláa fée budá mí ansító. Fó mú megyí mbla ámu fatón a?”

⁴ Aha akvá bulí mantáa Paulo befité mu bee, “Bulu igyí ohapú dehen fodesia alí á?”

⁵ Paulo lébláa amú obée, “Mí apió, mmeyín mbée, mugyí Bulu igyí ohapú dehen. Tsúfé bōwanlín wá Bulu asón ámutò bee, ‘Máblí ohá aní òde fú omású gyi iwí asón laláhe.’ ”

⁶ Bréa Paulo lówun aní Yudafó asón agyípó amutò aku bugyi Sadukifó, aku é bugyi Farisifó á, òlòsórà okitikíti asón ogyíkpa inu obée, “Mí apió, mí ánfí nlí á, Farisiyin gyi. Mí anáin é á, Farisifó bugyi. Mí é nohogyi aní awupó bélakúsó. Mú ndeblí su bakpá mí ba asón ogyíkpa nfi ní.”

⁷ Olenya blí alí pé, ahá tsòtsòtsò amutò leye anyò. Farisifó ámu pú Sadukifó ámu bōwa aba nwéengyi bí. ⁸ Tsúfé Sadukifó buteblí bee, kvsó tsú afúlitò koku má inu. Bulu-abòpu pú òhe laláhe koku é ma inu. Táme Farisifó mú bohogyi aní iní fée bu inu. ⁹ Iní léha nwéen amu onó lehie wá onlun. Mbla asunápóá bugyi Farisifó bókvsó líí blí bee, “Anumókówun tsitsa koku oyin ánfí iwí. Fíalí òhé kv ntée Bulu-òbòpu òkv lébláa mu.”

¹⁰ Nwéen amu onó lehie wa onlun, ideklé imli ikó. Inu isá akópú ohande amu lénya ifú aní bóbwe títi Paulo. Mú su òlebláa isá akópú ámu obée, “Mlīwa òsa kpa Paulo ya mlī otsiákpá inu.”

¹¹ Mú onyé á, aní Wíe lébelí Paulo wá, bláa mu obée, “Wa klun! Alí ánfí fagyí mí iwí adánsie Yerusalem nfi á, alí kén fuyégyi mú Roma wúlutò é ní.”

Paulo Mò Iwí Agywun Kítá

¹² Mú òyi kehe a, Yudafó ámu aku befia, kítá Paulo iwí agywun. Beka ntam bee ní bómakómó Paulo bóméegyí ató, bómóonu ntsu. ¹³ Ahá ámuó beka ntam amu budun advana (40). ¹⁴ Bòyo Bulu igyí ahapú dehen pú Yudafó ahande wá, yébláa amú bee, “Anilahíé ká ntam aniaa, ní anumókómó Paulo anuméeda tòtò onó. ¹⁵ Mú su t́á anidéklé aniaa f́oa Yudafó asón agyípó amu mlīb́wée ha aní gyí, mlíkí ansí wa abí sísí isá akópú ohande amu mlīaa, òpú Paulo ba, amlīlanu mu asóntó. Anladá iwísu aniaa, obótsutsúa obowie nfi anlámó mu.”

¹⁶ Paulo mu bitepu òkv lónu asón ánfí fée. Mú su òlesrí yó isá akópú otsiákpá inu yówi tsá Paulosu. ¹⁷ Inu Paulo létí isá akópú ohande òkv, bláa mu obée, “Kpa òyasubi ánfí ya mlí ohande wá. Òde asoanku, obébláa mu.”

¹⁸ Isá akópú ohande amu lékpa òyasubi ámu ya amú ohande wá, yébláa mu obée, “Obu òdípú Paulo obée, nkpá òyasubi ánfí ba fu. Òde asoanku, obébláa fu.”

¹⁹ Ohande amu lékítá òyasubi ámu ibí, kpá mu yáa itsétó yéfité mu obée, “Amansu fubv aní fébláa mí?”

²⁰ Òyasubi ámu lébláa mu obée, “Yudafó ahande babwé agywun bee bépina wa abí fú wá bee, fúkpá Paulo ba obowun amú òke, abulanu mu asón ámutò wankláán. ²¹ Táme máhò músú gyi, tsúfé amú ayin aní budun advana (40) bee bérjaín òkpatò gyo Paulo, mó mu. Amú fée baká ntam bee, tòtò méeda amú onó, kpéfún bréa bamó mu. Fó nkole bugyo séi aní fótisulá kpá mu ba.”

²² Múó ohande amu léda òyasubi ámu òlá obée, “Máyébláa ohaa fée fawí asón ánfí tsá mísú.” Olesi mu òkpa.

Paulo Le Ya Kaesarea

²³ Inu ðhande amu léti isá akapó ahande abanyó, ðlebláa amú ðbéé, “Mlile isá akapó lafanyo (200), mpánkoso adinkápo aduesienó (70) pó pía atswípo lafanyo (200) abokosu onyeni dokwebátó yo Kaesarea. ²⁴ Mliha Paulo mpánkó, odunká amósó yo. Mlikpa mu, amliha mu oyowie amásó ogyípo Felike wá pisii.” ²⁵ ðhande amu lówanlín ðwuló mántá musu ðbéé,

²⁶ “Mí Klaudio Lisia dé ðwuló áñfi wanlín sísi fú, amásó ogyípo onumnyampu Felike. Nde fú itsiá ha. ²⁷ Nde fú ibi ha ání Yudafó lékítá oyin áñfi, bodekléá bómó mu, táme mía isá akapó tsotsotsó anilóyóhó mu lé amú ibi. Tsúfé nonu ání Romayin ogyi. ²⁸ Ndeklé mbéé, nébi tóá ðobwe. Mú su nǎpu mu ya amú Yudafó asón agyípo ansító. ²⁹ Inu nowun ání amú mbala iwí nwéen bodegyí. Mú su amókóbwé lakpan kókóá bómó mu, ntéé bówa mu obu. ³⁰ Táme oku laba bowi tsá mísó ðbéé, Yudafó amu aku babwé agywun beé bómó mu. Inu nǎbwe agywun mbéé, nǎpu mu sísi fú. Nabláa mu anyabá amu é mbéé bupúu amú asón ba fu. Nafun nfi. Nehá fú itsiá gyágyáágyá.”

³¹ Isá akapó amu bǎbwe dínká amú ðhande asun blihésu. Onyé-onyé amu bekpa Paulo kánkankon alu yówie Antipatri wúluto. ³² Bréá oyi léke a, beha mpánkoso adinkápo amu bekpa mu yáa Kaesarea, ayabito anatópo amu beyinkí yo amú otsukpá. ³³ Bréá mpánkoso adinkápo amu boyówie unu a, bǎpu Paulo pó ðwuló amu wá amásó ogyípo amu ibito. ³⁴ Amásó ogyípo amu lékla ðwuló amu, ðefité Paulo ðbéé, “Nkónu yin fuygi?” Bréá ðlebi ání Kilikia amátó Paulo otsú á, ³⁵ ðlebláa Paulo ðbéé, “Ní fú anyabá amu bebá á, nónu fú onó asón.” Inu ðlebláa amú ðbéé, bupúu Paulo yowa Owie Herode wóyító, abogyo mu iwí.

24*Paulo Onótin*

¹ Nkenú oma a, igyi ðhapó ðehen Anania muu Yudafó ahande aku pú Mose mbala ðhapó okvá butetí mu Tertulo beba Kaesarea. Bebá bekla asón ání bobu tsu Paulo iwí súná amásó ogyípo Felike. ² Beti Paulo belí. Múu Tetulo lékla mu asón ðbéé,

“Onumnyampu Felike, fahá iwilwii laba amá áñfitó. Fú nyánsa lalá ató tsotsotsó bwé aní amá áñfitó. ³ Fú bwéhé legyi aní ansí otínegyíotíné. Fódé ató bwe. ⁴ Mmedéklé mbéé néyintá fú bré tsotsó. Mú su nokókóli fu, nya klun ha aní, afunu aní asón tinbí áñfi. ⁵ Anilawun ání ató oyintápo oyin áñfi gyí. Otéhá kpokiti tedá Yudafóto oytó otínegyíotínéá otóyó. Otráa ogyi Nasaret opasua amu Bulu igyi ðhapó. ⁶⁻⁷ Alakle opu ifin da Bulu otswékpa unu, asa okláa ogyá anilékitá mu. * ⁸ Ní fú onutó fefité mu a, fówun ání asón áñfi anidéblí tsú mu iwí áñfi fée bu mótó ntéé uma mótó.” ⁹ Inu amu fée botsulá mósó beé, asón amúu alablí amu bu mótó.

Paulo Onóle Felike Ansító

¹⁰ Amásó ogyípo Felike lóbwe Paulo ibi ðbéé, olé mu onó. Inu Paulo lébli ðbéé,

“Nyin ání fode asón gyí amá áñfitó ilawá opá. Inu su ibu mi odwe ání néle mí onó fú ansító. ¹¹ Nobwíi ipa, fétalí fité nú ání ibu mótóá nǎyo Yerusalem yósum Bulu, umókódon nke dúanyo. ¹² Mí anyabá áñfi bómowun mía ohaa agyi nwéen Bulu otswékpa unu. Bómowun mí anha kpokiti ida Yudafó

* **24:6-7** Inu bu nwuló dada amu akoto: Anilóbwe agywun ání abópu aní onutó mbala gyi mu asón. Táme isá akapó ðhande Lisia lópu mu túmi bohó mu lé aní ibito. Mú oma a, ðlebláa aní ðbéé, apó mu asón ba fu.

ofiakpa kuku ntée otinetine wúlu amuto. ¹³ Boma asvansová bópugyi adánsie ání amó asón áñfi bọ mótó. ¹⁴ Táme natsúlá ání ntosúm aní anáin Bulu tsun aní Wíe Okpa ámóbó bode mó ti ọpasua laláhe amusu. Nohó Mose Mbla ámu pọ mọá Bulu ọnósó atọpọ amu bọwanlín tswi é féesó gyi. ¹⁵ Nde okpa kú fé alá amó é bode okpa kú ání Bulu ọbókúsó aha yilé pọ aha laláhe fée tsú afúlitó eke kó. ¹⁶ Iní su ntóbó mbódí ání mí klón méetsiá há mí pón Bulu mva anyánkpósa fée ansító brégyíbré.

¹⁷ “Iníá nedali Yerusalem ilawá ọpá á, nayínkí ba inu, napọ atokiehé neba mí ahá abubuha ahíánfó, mí anha Bulu igyí. ¹⁸ Mú ọbwekpá mbu Bulu ọswékpá inu. Bréá nọgyuráa iwí tá amándíe ámu ọnó á, beba bọtu mí inu. Megyí mía ọdam kuku lóyo inu. Kpokiti kuku é mēda inu. ¹⁹ Yudafó aku botsu Asia ọmátó ba bọbu inu. Ní nọbwe ito laláhe ku á, teki amó kóráá ọbēba bebláa fọ, mía amúnyo abéblí mó. ²⁰ Ní ibówa alé kóráá á, ha ahá áñfi onutó abubli tsitsa oduá Yudafó asón agyíró amu bowun mí iwí, bréá bọpọ mí ya amó ansító. ²¹ Asun kua kóle péá nọkplón blí bréá nli Yudafó asón agyíró amu ansító gyí, ‘Mhídé mí asón gyí nde, tsúfé nohogyi ání awupọ bélakósó tsú afúlitó.’”

²² Iníá onumnyampọ Felike yin aní Wíe okpa ámu wankláán su á, olotu asón ámu híe. Ọleblí ọbée, “Ní isá akọpọ ọhande Lisia ọbá nfi á, nówun alá nómó asón ámu ọnó.” ²³ Ọlebláa isá akọpọ ọhande ámu ọbée, ogyóo Paulo iwí wankláán, ọha mu otsia iwilwiito. Ọhá mu aba okpa abuki musu.

Paulo Felike Mva Mu Ka Drusila Ansító Lú

²⁴ Nke kpalobí ku ọma a, Felike mva mu ka Drusila ání ogyi Yudayintse beba. Felike léha beyékpá Paulo ba, ọlọbátí tsú mu hógyi ání ọbu Kristo Yesuto iwí súná amó. ²⁵ Táme bréá ọdetí tsú yilébwe, iwisugyi pọ Bulu asón ogyíké amóbó ibá ámu iwí á, ifú lekítá Felike. Mú su ọlebláa Paulo ọbée, “Ku yínkí asa. Nenyá bré wankláán ku á, nēlatí fú.” ²⁶ Bré ámutó fée Felike léki okpa ání Paulo obódunká tọku beha mu ọnó. Mú su ibu nu bu inu á, alapina wa abí bayéti Paulo, mva munyo bató.

²⁷ Nfinyo ọma a, Felike lénatí. Porkio Festo lébetsiá mu obiásó. Iníá Felike déklé ọbée, mu asón iwá Yudafó ámu ọdwe su á, olesi Paulo wá obu náti.

25

Paulo Roma Owie Okpa Wá Yó

¹ Ọmásó ogyíró Porkio Festo lébetsiá obiásó Kaesarea. Mú eke sáási a, ọlọbu yó Yerusalem. ² Inu Bulu igyí ahapọ dehen pọ Yudafó ahande aku bọpọ Paulo iwí asón yótswi mu ansító. ³ Bọbwe agywuin ání bóyowa obúun okpató, mó Paulo. Mú su bọyókulí Festo be, ọpọ Paulo ba Yerusalem. ⁴ Táme Festo lébláa amó ọbée, “Paulo da obu Kaesarea wúlutó dodo. Imóowa ọpá mí é néyínkí yó inu. ⁵ Mliha mli ahande amu aku abubuo mu yó inu, abuyéblí tsitsa oduá alabwé.”

⁶ Festo létrá tsiá Yerusalem nkekwe ntée nke dú asa oleyínkí yó Kaesarea. Olowie inu á, ọlọwa bọyọpọ Paulo ba, oletsiá asón ámu su ọyi kehe. ⁷ Paulo lénya wíe inu alí, ahande amóbó botsu Yerusalem ba amu bekaflia mu, kla asón tsotsotsó dínká musu. Táme bometalí nyá tọtọ púsúná ání asón ámu ibu mótó. ⁸ Mú Paulo léle mu ọnó ọbée, “Mmókótón Yudafó mbla kuku, ntée bwé tọku pọ ifn da Bulu ọswékpá amu ntée pọ laláhe kuku é gyi Roma owie dehen.”

⁹ Festo déklé ọbée mu asón iwá Yudafó ámu ọdwe. Mú su ọlefíté Paulo ọbée, “Fodeklé fée fọyo Yerusalem, mí anyegyí fú asón inu?”

¹⁰ Paulo léle mú ònó òbée, “Roma Owíe Dehen asón ogyíkpa nli. Nfi ilehián ání bégýi mí asón. Fú onutó fuyin ání mmakóbwé Yudafo tótó. ¹¹ Ní natón mbla, ilehián lowu á, mmakótin òkpa mbée bumámò mí. Táme ní asón ání Yudafo babli dínká misú anfi ma mótá á, jhaa má òkpa ání òbópu mí wá amó ibitò. Mú sù mú bupú mí asón ya Roma Owíe Dehen onutó ogyi mú.”

¹² Inu Festo mva mu ahande bəyɔ abriwa wá. Mú òlebebláa Paulo òbée, “Fú onutó fée, Roma Owíe Dehen ogyi fú asón. Mú sù abópu fú ya mu wá.”

Festo Agripa Paulo Iwi Asón Bláa

¹³ Nke ku òma a, Owíe Agripa mva Berenike beba Kaesarea. Beba beba Festo nwunkpa. ¹⁴ Betsiá inu wá òpá. Mú sù Festo lébláa amú Paulo iwi asón. Òbée, “Felike lówa oyin òku obu nfi, olesi mu wá náti. ¹⁵ Bréá nɔyɔ Yerusalem a, Bulu igyí ahapó dehen pú Yudafo ahande beba beblí asón tsòtsòtsò dínká musu, bláa mi beɛ nháa mu ipón, abumò mu. ¹⁶ Táme nebláa amú mbée, ‘Ima aní Romafò amándiétó ání béha òku ipón, nkéti mva mu anyabá bafia gyi asón.’ ¹⁷ Mú sù ekeá mía Yudafo ámu anilóbowie Kaesarea nfi á, mmesi wá obiátó. Ọyi kehe kótóó neha bəyɔpu oyin ámu ba, netsiá asón ámusu. ¹⁸ Nkí mbée mu anyabá ámu bénya tsitsa ku tsú mu iwi, táme bumenya. ¹⁹ Mboún amú Bulusúm pú Yesu òkúá alawú tsun, táme Paulo òbée, òtráa otsie nkpa iwi asón budebití. ²⁰ Mú sù mmowun alíá nɔyɔ asón ámutò. Nefíté Paulo mbée, obòtsulá abuyɔ Yerusalem, yégyi asón ámu inu. ²¹ Táme òleblí òbée, mudekléa mu asón iyó Roma Owíe Dehen asón. Mú sù neha bowa mu obu yófun bréá nɔpu mu sísi Roma Owíe Dehen.”

²² Mú Agripa lébláa Festo òbée, “Mí é ndeklé mbée nónu asón ání tsú mu onutó ònótó.” Festo lébláa mu òbée, “Ọke néha bópu mu ba, òbele asón ámutò suna fú.”

Paulo Agripa Ansító Lú

²³ Ọyi kehe a, Agripa mva Berenike behíi iwi, isá akápó pú wúlu ahande bobuo amú ba. Festo léha bekpá Paulo ba inu. ²⁴ Mú òleblí òbée, “Owíe Agripa mva ahá ání bafia nfi fée, mlilawun oyin ání òlú? Yudafo ání bubu nfi pú Yerusalem fée bəpu mu asón ba mi. Beɛ, mehián ání òbétrá tsiá nkpa. ²⁵ Bréá nɔyɔ asón ámutò á, mmowun tóá alabwé sù bómò mu. Táme mu onutó òbée, mpúu mu asón ya Roma Owíe Dehen. Mú sù nabwé agywuun mbée, néha bópu mu ya. ²⁶ Táme mmowun tsitsa kuku mu iwi ání nówanlín mántá musu bópu mu ya. Mú sù nakpá mu ba mli ansító ní, títriu fú Owíe Agripa. Ndekla atéte asón ámutò, òtínéá ileyéyi a, mí anya asoanku wanlín sísi mu. ²⁷ Tsufé nawun ání ima aleá bópu obu òdípó sísi, bumowanlín tóá alabwé mántá musu.”

26

Paulo Iwi Onóle Agripa Ansító

¹ Mú Owíe Agripa lébláa Paulo òbée, “Nahá fú òkpa, kusu le fú ònó.” Paulo lótsu ibi fúá, lé mu ònó òbée,

² “Owíe Agripa, nawun ání òkláa lawá mí ogyá nli fú ansító, nde mí ònó le tsú asón ání Yudafo bakla dínká misú anfi iwi. ³ Múá ibu ansigyí kóráá gyí, fuyin Yudafo amándiétó pú tóá butegyí mú iwi nwéen fée. Inu sù kókoli, nya klon afonu mí ònó.

⁴ “Yudafo fée buyin mí tsiátó. Buyin alíá nɔpotsiá mí òmátó tsú mí nyebitò pú alíá nɔpotsiá Yerusalem wúluto. ⁵ Amú fée buyin mi dodoodo. Ní

budeklé a, amó onutó bétalí bláa fu ání Farisiyin ngyi wankláán. Farisifo é butegyi Yudafo Bulusúm mbla ámuṣu wankláán don ɔpasua kugyíku. ⁶Tóá sáa nde nli nfi, fude mí asón gyí gyí, nde ɔkpa kí ání Bulu ɔbóbwe dínká mu asón ámuṣu ɔleka mú iwí ntam há aní anáin amṣu. ⁷Aní abusuan dúanyɔ ámu fée bapɔ ansí dínká ntam anfiṣu ání íbéba mótó há amó. Mú sò buḍe Bulu súm ekekegyíeke ní. Nanáin, ntam anfi sò Yudafo buḍe asón kláa dínká mísó nu. ⁸Ntogyi sò mli Yudafo ánfí mú mlimétálí hógyi ání Bulu ɔbétalí kósúa ahá tsú afúlitó?

⁹“Teki mí óó nohogyiá nóbwe tógyítóá nétalí pótin Yesu Nasaretyin amu gyumagyihe ɔkpa. ¹⁰Íni gyí tóá nóbwe Yerusalem nu. Bulu igyi ahapó dehen amu beha mí túmi bee, nkíta Bulu ahá ámu tswi obu. Ní bómó amó é á, mí é ntotsúlá mbée bómó amó. ¹¹Netsiá yó Yudafo ofiakpa kugyíkoto, ntehá butekítá amó, bíti amó isu, híé amó buteblí Yesu iwí abususu. Amó iwí ɔbló su ntedínká amósó yó ɔmá bámbásó yékítá amó, bíti amó isu.

*Paulo Iklvntadamli Iwi Asón
(Gyumagyihe 9:1-19; 22:6-16)*

¹²“Mú ɔkpa eke ɔku Bulu igyi ahapó dehen amu beha mí nɔyó Damasko wúluto yóbwe ní. ¹³Bréá nna ɔkpatɔ nɔyó á, Nanáin, íbwe fée ɔpa dódúanyɔtɔ, wanki ku lówanki tsú ɔsósó wólí mísó. Iłowanki don owí. Iłowanki wólí mía mí aba ámuṣu aniná ámuṣu. ¹⁴Ínu aní fée anlédida. Nonu ɔme ku Hebrí ɔblíto ɔbée, ‘Saulo, Saulo, ntogyi sò fòdin mísó alí? Iwi tóí fòḍewa.’ ¹⁵Móú nefíté mbée, ‘Owíé, fò ma ní?’ Móú aní Wíe lébláa mi ɔbée, ‘Mí Yesu nu. Mísó fòdin ní. ¹⁶Nabele iwí ɔwan súná fó, méní fóbwe mí osúmpó. Kus, afuyebláa ahá tóá fawun tsu mí iwí nde, pú móá néle súná fó. ¹⁷Nóko ho fu tsú ahá ámuṣu nde fú wa sísi, bugyi fú onutó ahá Yudafo pú amóá bomegyí Yudafo íbitɔ. ¹⁸Fóbwií amó ansí, bédali tsu oklúnto ba wankitɔ. Fée amó tsú Satan túmi asi ba Bulu wá, méní obési amó lakpan kíé amó, fówun bénya otsiákpá ahá ámuṣu Bulu latsun amó hógyiṣu bwé amó mu ahá amutɔ.’

Paulo Gyumagyihe Iwi Asón

¹⁹“Nanáin Agripa, íni su nóbwe dínká ató ámuṣu nowun itsú ɔsósó ámuṣu. ²⁰Gyankpapu a, nɔyó Damasko wúluto. Mú ɔma a, nɔyɔ Yerusalem pú Yudea ɔmátó fée. Nɔyɔ ahá ámuṣu bomegyí Yudafo ámu é wá. Neyébláa amó mbée, búsii lakpan bwe, abudamli ba Bulu wá, abotsia tsiátó ání ilosuná ání badámli klvnto. ²¹Íni sò Yudafo ámu bekítá mí bréá mbu Bulu ɔtswékpa ínu bee bómó mí ní. ²²Táme Bulu dé mí kpa alí bɔfon nde. Mú sò nli nfi nde, nde mli nyebí-ahande fée tóá nawun bláa nu. Asón ání Mose muḅa Bulu ɔnósó atáipó amu beblí bee íbéba mótó kén ndeblí. ²³Bee, ‘Ilehián ání Kristo, (ɔhá ámuṣu Bulu ladá mu ofúli amó) obówun iwíasin wú, méní ɔbóbwe ɔha gyankpapu ání ɔbókusó tsú afúlitɔ. ɔbópɔ wanki ba Yudafo pú ahá ání bomegyí Yudafo é.’ ”

²⁴Bréá Paulo léblí íni á, ɔmásó ogyípó Festo lókplon wa Paulo ɔbée, “Paulo, fú nwun layintá! Fú ɔwolóbí dɔbɔdɔbɔ amu lahá fude gbedé lo.”

²⁵Móú Paulo lébláa mu ɔbée, “Onumnyampɔ Festo, mmedé gbedé lo. ɔnɔkwali onutónutó nde mli bláa. ²⁶Nanáin Agripa yin asón ánfí fée iwí. Nétalí bláa mu faan. Nahogyi ání megyí ason nainhé igyi há mu, tsúfée bómóbwe mú nain. ²⁷Nanáin Agripa, fohó Bulu ɔnósó atáipó ason wanlínhé amósó gyí? Nyin ání fohó mósó gyí.”

²⁸Ínu Owíe Agripa lébláa Paulo ɔbée, “Fahogyi fée fétalí dámlí mí bwé Okristoyin bré ínbí ánfíto?”

²⁹ Paulo lébláa mu obéé, “Bré tinbí o, bré tsotsotsə o, mí mpáí aní ndəbó há Bulu gyí, fóa ahá anfi mlidé mí asən blíhé nu nde anfi fée mléba bəbwe fée mí. Táme bumáwa mli ikan anfi mú.”

³⁰ Inu á, Owíe Agripa mua əmású ogyípú Festo pú Berenike mua ahá amóú bətsie inu amu fée bəksú dáli. ³¹ Beyélí itsétó, amú wəlewəle bədeblí bəe, “Oyin anfi mókóbwé tətəá ilehián ha mu lowu ntée mu obuwa.” ³² Múú Owíe Agripa lébláa Festo obéé, “Teki ní oyin anfi méblí obéé, Roma owíe dēhen kóún ogyíi mu asón á, teki fétalí sí mu.”

27

Paulo Pəya Roma Wúluta

¹ Bréá beblí alí tá á, bekítá agywun bəe, abótson əpusu yó Italia əmátó. Bəpu Paulo mua obu adípó aku é wá Romafə isá akəpó əhande əkuá butetí mu Yulio ibitə. Əhande anfi bu Roma Owíe Dēhen Augusto isá akəpó əpasuato. ² Anilówie ntsusu-yibi kuá itsú Adramitio fón, iyó əpu ənó awúluá ibu Asia əmátó. Makedoniayin Aristarko, otsú Tesalonika amu é bu anitə. ³ Əyi kehe a, anilélí Sidon əpu ənó. Isá akəpó əhande Yulio lówun Paulo nwe, əleha mu əlɔy mu aba wá, méní béha mu atáá ibéhián mu. ⁴ Anilóksú tsú inu, afú lefia aní əpu aməsu. Múú anilóyotsən Kipro əsolóu awunso fón, tsúfə afú amu mədétson inu mú. ⁵ Anilótsən əpusu yótsən Kilikia pú Pamfilia fónsú yówie Likia əsolósu, Mira wúluta. ⁶ Isá akəpó əhande amu lówun ntsusu-yibi kuá itsú Aleksandria wúluta iyó Italia əmátó, əlele aní wá mótó.

⁷ Anidín əpu aməsu pətə. Mú su anilégyí nke tsotsotsə əkpatə. Ilepian aní asa anilówie Knido. Afú amu méha aní əkpa. Mú su aniləpu yótsən mantáa Kreta əmá. Inu á, aniləpukplí tsən Salmone wúlu əsaasí fón. Tsúfə afú mədétson inu mú. ⁸ Iníá anilótsən əpu ənó-əno kóráá ó á, ilepian aní asa aniləbowie ətnekúá butetí inu “Otsubúno Wankláán,” ibu mantáa Lasea wúluta.

⁹ Nke tsotsotsə ləbətsən, nkeá butəpóklí əno kúli lakpansikíé é ulətsən. Nke amətə é á, əpu amu idəda. Mú su mósú tsən ləwa ifú. Iní su Paulo lótoí kplá amú obéé, ¹⁰ “Mí awíé, nawun aní ní anuméki wankláán aní əkpa anfi natítə a, abəhulí ató tsotsotsə. Megyí ató pú ntsusu-yibi amu wəle, aní onutónutó é abésin mótó.” ¹¹ Táme isá akəpó əhande amu ləhə ntsusu-yibi amətə əhande pú mu wie asón sí Paulo. ¹² Iníá otsubúno inu ima aleá abétsiá inu nyankpətswíebí su á, amótó ahá tsotsotsə beblí bəe abénatí inu. Amó ansí dn aní abóyówie Foinike, igyi Kreta otsubúno, ibu owí əkplíwíekpá fón, tsíá inu nyankpətswíebí amu.

Atsufú Kpənkpənti Əpusu Tsóvn

¹³ Inu afú kuá itsú gyəpísu ləwa tsóvn breuv bi. Iní su ahá amətə aku bosusúu aní amú agywun amu bəkanáa. Mu su belatsú simpíá itehá ntsusu-yibi telí tsukəle wá ntsusu-yibi amətə, bəpətsən Kreta əpu ənó-əno. ¹⁴ Táme iməwa əpá kəku afú kpənkpənti ku lóksú tsú Kreta ifónsú. Afú amu dá gyí “Binasu-owí-ədalíkpa-afú.” ¹⁵ Afú amu lébefia aní. Iníá anumétalí sánkíá ntsusu-yibi amu su á, anilési iwí há afú amu, uləpu ntsusu-yibi amu natí. ¹⁶ Uləpu mú srí yótsən mantáa əpu nsíné əsolóu kuá butetí mú Kauda asi. Iləwa ənlín asa betalí tsú əklunbi amóú butəpólé ahá aní bəde ntsu wie, isian ntsusu-yibi amu əma amu wá yibi amətə. ¹⁷ Inu ntsusu-yibi amətə agyómá ayəpó bəbitía əklunbi amu wá ntsusu-yibi amətə. Bəpu əfé klí ntsusu-yibi amu kinkíinkín, méní iméemáin. Benya ifú bəe afú amu

ibátsvan ntsusu-yibi ámu yówie Libia otsubúnə osublúto. Mú sv bele tati ání isian ntsusu-yibi ámusv, ménı ntsusu-yibi ámu bənátı pətə. Mú óó á, afú ámu lótsvan ntsusu-yibi ámu náti əwənlínsú. ¹⁸ Mú əyi kehe a, afú ámu ənó lehié wá ənlın. Mú sv bəwa amó atə svráhé le wá əpətə bı. ¹⁹ Əke sáási a, bele ntsusu-yibi ámu iwı ntobı kugyıká amó ıbı ləda wá əpv amuto. ²⁰ Anıtráa anımédé owı móa ntsrakpabi wúun nke tsətsəətsə, afú ámu ənó é ıtráa bə ənlın. Mú sv anı ansı metrá dınká tətəsv dən lowu.

²¹ Nke tsətsəətsə lətsən, ahá ámu bətráa bəmedé ató gyı. Inu Paulo lókusú líı amó fée ansıtó, bláa amó əbée, “Mı awıé, teki ní mlılónu mı əme, anıménatı Kreta otsubúnə a, teki anımókó befia ipian, hólı anı ató alı. ²² Táme séı á, mbláa mlı amlınu. Mlıwa klən, tsúfée anıtə əkuku móowu, ntsusu-yibi ánfı wəle obéyintá. ²³ Igye onyé á, mı Bulúá ntosúm lówa mv əbəpv mı wá. ²⁴ Əlebláa mı əbée, ‘Paulo, mánya ifú. Ibwébwéəbwé á, félı Roma Owıe Dehen ansıtó. Bulu lawá awıtəle há fú. Mó sv alahá ahá ánfı fóa amónyə mlıná ánfı fée nkpa.’ ²⁵ Mú sv mı awıé, mlınya klən, tsúfée mı ansı dın ání Bulu əbəha ıbəba mótó fée alá mv əbəpv labəbláa mı. ²⁶ Táme ıbwébwéəbwé á, afú ámu ıbədə anı ya əpv nsıné əsləbv kusv.”

²⁷ Əke dúanası onyé á, afú ámu bə mósú ıde anıda yáa nsıné ınu əpvá bótətı mó Adriasv. Mú əyínsıné á, ntsusu-yibi ámuto agyómá ayəpú bosusúu ání anulatá əsləbv tv tá. ²⁸ Mú sv bəpv əfée kápú əpv amv oklú kı. Benya ayabi lafakule aduanyə (120). Bré kpalobı əma bətrá kapú mó kı a, benya ayabi adukwebá (90). ²⁹ Ifú lekıtá ntsusu-yibıtə agyómá ayəpú ámu ání abódu abótású. Mú sv bəda asımpı ání bətəpókıtá ntsusu-yibi líı ana kéké sıán mó əma, sı mó wá əpv amuto. Bokokólı Bulu bəe əyi ıkée amó. ³⁰ Agyómá ayəpú amv akv bekleá bésrı dalı ntsusu-yibi ámuto. Mú sv beki ansı lé əklən kusubi ámu dınká əpv amusv híée, fée sımpı ámu bədeposıán əklən ámu ənósú. ³¹ Táme Paulo lébláa ıá akəpú ámu pú amó əhande əbée, “Nı ntsusu-yibi ámuto agyómá ayəpú bəmetсіá mótó á, mlımėenya nkpa.” ³² Mó sv ıá akəpú amv beka əklən kusubi ámu əfée tın, há afú lətsvan mó náti.

³³ Əyi ıbá beke a, Paulo lóbwiı ıpa há amó fée əbée, bəgyıı ató. Əleblı əbée, “Kwasieda anyə són ní, atogyıhe medınká mlı əwólı. Mlımókúgyı tətəəto. ³⁴ Nobwiı ıpa há mlı, mlıgyı ató ngya, ménı mlımóowu. Mlıtə əkuku nwunsu-ımi kule kúrúá móəfwı.” ³⁵ Paulo lətıá tá á, əlele bodobodo ipın, dá Bulu ıpán amó fée ansıtó, əlemaın kv wá gyı bı. ³⁶ Inu anıtə okugyıkə lówa klən gyı ató. ³⁷ Anı ahá lafanyə aduesienó-sie (276) bə ntsusu-yibi ámuto. ³⁸ Bréá amó fée begyi ató alá bétalı á, bele ayó ámóú ıbv ntsusu-yibi ámuto ámu fée wá əpətə, há ntsusu-yibi ámu ləta odwin.

Ntsusu-yibi Amv Bwiebwıe

³⁹ Bréá əyi deké a, agyómá ayəpú ámu bowun ání əpv amv bámbı lowıe əsləbv kusv, táme bəmebı otsubúnə oduá igyi. Inu bəbwe agywun bəe bėkan ntsusu-yibi ámu ya ınu. ⁴⁰ Mó sv bekaáa sımpı ámu tıntın wa əpətə. Besankı ntsusu-yibi ámu mpai é. Móbú bətsu tati yılé ámóú isian ntsusu-yibi ámu ansıtó ámu fóa, fla afú ámu, bəpv bəyó əpv ənó. ⁴¹ Táme ntsusu-yibi ámu ləyódu ınesısv, sıın ınu, əpv amv ləda wólı əklən amv əma máın-máın mó.

⁴² ıá akəpú ámu bəbwe agywun bəe bómə obu adıpú ámu fée, ménı əkuku méepıtı dalı, srı. ⁴³ Táme amó əhande léklé ání əbóhə Paulo nkpa. Mú sv əmeha amó əkpa ání bəmósú obu adıpú ámu. Táme əlebláa amó əbée, əhagyıəha ání əbétalı á, otúu wie əpv amuto, əpıtı dalı. ⁴⁴ Əma a, əleha

atráhe amu é bədu dínká ntsusu-yibi ámu afonsu yówie ogbémgbesu. Amó fée begyi mbala ámuṣu, bəyɔ ogbémgbesu inu.

28

Malta Wuluto Asón

¹ Aní fée anilédinká ogbémgbe amṣu. Oma asa anlébi aní ɔpu nsiné ɔsolóv kóá butetí mó Malta ni. ² Nyankpu détswíe, su atsali bu inu. Táme inu atsiápó amu begyi aní buale dódá ogyá ɔpu ɔnó inu há aní, aní fée anlétsiá mó asi. ³ Paulo lékpa ngyayibí ɔbée amṣu ɔpwa ogyá ámṣtə. Sáa ibe bu mótó. Ogyá ámu okunkúu su ibe ámu lótswi yi Paulo ɔbiwetə. ⁴ Bréá inu atsiápó amu bowun aní iwə ámu yí mu a, bebláa aba beɛ, “Ahá ɔmɔpó oyin ánfí gyí. Ibu mótó aní aladáli ɔpu amṣtə, táme aní ɔkpi ámú ɔtebíti isu ámu médekle ɔbée otsiá nkpa.” ⁵ Inu Paulo lówónáa ibi, iwə ámu lékpa wíe ogyá, táme tətə móbwe Paulo. ⁶ Amó fée besi bulí budekí. Buki beɛ Paulo obópunya, ntée ɔbétin wu. Táme bréá belí wá ɔpá tətə méba a, beladámli amó agywun blí beɛ, “Ɔkpi ɔku ɔhá ánfí gyí.”

⁷ Ɔhande ɔku bu ɔsolóv ku ɔpu nsiné inu. Mu dá gyí Publio. Ɔlɔhɔ aní atúu, kpá aní ya mu wóyító, anilétsiá mu wá nkensá kéké. ⁸ Alí bré ámṣtə á, owísó lakítá ɔhande amu mu si, mu iwito latú; ɔda. Paulo léyeki mu, ɔlɔpu ibi dínká muṣu bó mpái há mu, iwí lówa mu ɔnlun. ⁹ Mú ɔma a, bəpu aləpúá bubu ɔsolóv amṣu fée ba, Paulo létsa amó ilo. ¹⁰ Anilétsiá inu tsra asa, inufɔ ámu bəwa aní numnyam, kíe aní ató tsətsətsə. Bréá anidénatí á, bəpu atóá ibehián aní ɔkpatə fée sí aní ɔkpa.

Roma Wuluto Yɔ

¹¹ Anilóyɔ ɔpu ɔnó yótsu ntsusu-yibi kóá ilatsiá inu nyankpotswíebi amu fée. Itsú Aleksandria wuluto. Besré atabí akóá bugyi ikpi yi ntsusu-yibi ámu ansító. ¹² Aniléyelí ɔpu nsiné ɔsolóv ku ɔsubúnə, butetí mó Sirakus, anilétsiá inu nkensá. ¹³ Tsú inu á, anilóbomli tsən bowie wúlu yílé kóá butetí mó Regiosu. Mó ɔyi kehe a, afú ku lówa tsúon bi tsu ayasi fón. Nkenyó ɔma a, anilóyowie ɔsubúnə kóá butetí mó Puteoli. ¹⁴ Aniléfia ahógyipu aku inu. Bokokóli aní beɛ, atsiá amó wá nkensiénó. Anilókusó tsú inu á, anilóyɔ Roma wuluto. ¹⁵ Apíó aní bubu Roma wuluto bonu aní abá. Mú su amótó aku beba ibiá ogyíkpa, butetí inu Apia. Aku é beba ɔtnekóá butetí inu Afó Ɔswíkpa Asa, ibu ɔkpatə befia aní. Bréá Paulo lówun amó á, mu ansí legyi, ɔleda Bulu ipán.

Bulu Asón Ɔkanda Roma Wuluto

¹⁶ Bréá anilóyowie Roma wuluto á, Roma aban léha Paulo ɔkpa aní ɔbétali yétsiá ɔtínéá odekle, táme isá ɔkəpó ɔku obógyo mu iwí brégyíbré.

¹⁷ Eke sáási a, Paulo léti Yudafo ahandéá bubu inu fée fia. Mú ɔlebláa amó ɔbée, “Mí apíó, ibu mótáá mməpu lalaha kəkukv gyi mí ɔmátófo, mmeyintá aní anání amándíé kəkú é. Táme aní ahandé aní bubu Yerusalem bekítá mí ya Romafə. ¹⁸ Bəyɔ mí asóntó á, tekí bekleá bési mí, tsúfí bomowun tsitsa kəkú mí iwí asa beɛ bumóó mí. ¹⁹ Táme Yudafo ámu bumotsulá aní busii mi. Amó bwehé su nəkulí ɔkpa mbée, Roma Owie Dehen onutó ogyí mí asón. Megyí beɛ mbu mí ɔmá iwí asənsu. ²⁰ Mú su natí mli fia ni. Tsúfí ɔhá ámúó Israelfə bude mu ɔkpa kí amu só nda ikan anfitə.”

²¹ Amó é bebláa Paulo beɛ, “Animókóhɔ ɔwoló kəkú tsú Yudea ɔmátó tsú fú iwí. Aní apíó Yudafo ámṣtə ɔkukv é mókótsú inu bebláa aní ason laláhe kəkú tsú fú iwí. ²² Táme ha aní abí fú agywun. Tsúfí aniyin aní ahá buteblí ason laláhe tsú Bulusúm ɔpasua ánfí fúbu mótó ánfí iwí ɔtinegyíɔtíné.”

23 Mú sɔ mva Yudafɔ ámu behie ekeá béfia. Eke ámu lófɔn a, Yudafɔ tsɔtsɔtso beba befia Paulo wóyí inɔ. Paulo lɔtɔí kplá amó. Ɔlɔpɔ Mose Mbla pú Bulu ɔnɔsú atɔípú amɔ asɔn wanlínhé lé Bulu iwíegyí ámu iwí asɔntɔ súná amó tsú nyanki pɔn owí. Ɔlɔbɔ mbódí ání ɔbédamlí amó abɔhɔ Yesu Kristo iwí asɔn ámusɔ gyi. 24 Amótɔ akɔ bohogyi, táme akɔ bɔmohogyi. 25 Amó wɔlɛwɔlɛ amɔ ɔnɔ mɔbwe kɔlɛ, bɔwa asɔn ámu príu bi. Táme Paulo létrá bláa amó asɔn kua kɔlɛ asa bedasáin. Ɔlebláa amó ɔbéɛ, “Ɔhe Wankíhé lébláa mli anáin ɔnɔkwali amɔ tson Bulu ɔnɔsú ɔtɔípú Yesaiasɔ. Ɔbéɛ,

26 ‘Yɔ ahá ánfí wá afuyɛbláa amó fɛɛ,

Bónu lánú, táme bɔmóonu mó asi.

Béki láki, táme bɔmɛɛbi mú.

27 Tsúfé klɔntɔ bu amó odwin.

Batílá asɔ, bun ansíbi é.

Ní megyí ali á, teki bówun atɔ

bónu asɔn,

amó agywɔin bóbwií.

Bédamlí ba mí wá,

nétsa amó ilo.’”

28-29 Paulo lɔmɔ mɔ asɔn ɔnɔ ɔbéɛ, “Mú sɔ ndekléa mlibú ání Bulu nkpahɔ asɔn ámu lawíé ahá ání bɔmegyí Yudafɔ é wá dodo. Amó mú bóhɔ asɔn ámu.”* 30 Paulo létsiá inɔ nfinyɔ kéké. Oletsiá mɔ onutɔ obu háihɛtɔ. Oletsiá hɔ afɔɔ ání beba besináa mɔ fɛé. 31 Ɔlɔwa klɔn dá Bulu iwíegyí ámu iwí asɔn ɔkan, olosuná aní Wie Yesu Kristo iwí asɔn é ahá fɛé ansítɔ. Ɔhaa métin mɔ ɔkpa.

* **28:28-29** Mótɔ yéɛ 29 bu nwulɔ dada amɔ akɔtɔ: Bréa Paulo lébli asɔn ánfí tá á, Yudafɔ ámu bɔkɔsɔ nátí, amó wɔlɛwɔlɛ bɔna bɔde asɔn ámu nwéɛn gyí.

ᾠωυλόά Paulo Lówanlín Sísí Romafó

¹ Mí Yesu Kristo osúmbi Paulo dé ᾠωυλό ánfí wanlín sísí mlí Romafó. Bulu léti mí ᾠéé, mbóbwε mu sumbí ᾠᾠpó. Ólεε mí yáí aní néda mu ason wankláán ámu okan.

² Bulu léhie ason wankláán ánfí yáí tson mu ᾠósó atóipósu dodoodo, bōwanlín mú wá mu ason wanlínhé amotó. ³ Ason wankláán ámu ɔtótí tsú mu Bi, ogyi aní Wíε Yesu Kristo iwí. Anyánkpósa okpasu á, ɔlεin Owíε Dawid abusuantó. ⁴ Bulu léle súná aní lélé mu Bi ní. ɔlɔtson ɔhe Wankíhé túmitó kósóa mu tsú afúlitó. Múgyí aní Wíε Yesu Kristo. ⁵ Ina musu Bulu lawá awítale lé mí mu sumbí ᾠᾠpó, méní nékpa omá bámbásófó bóhó mu gyi, nú mu omε. ⁶ Mlí Romafó ánfí Bulu latí ᾠéé, mlibóbwε Yesu Kristo klé é mlibu mótó.

⁷ Iní su mí Paulo ndε ᾠωυλό ánfí wanlín sísí mliá mlibu Roma fée. Bulu lahíε dwé mli, tí mli, pú mli bwé mu ahá. Nde aní Sí Bulu mva aní Wíε Yesu Kristo kokóli mbéε, bogyi mli buale, abuha mli iwilwii.

Paulo Bulu Ipánda

⁸ Gyankpapu a, nna Yesu Kristosu ndε mí Bulu ipán da mlitó okugyíokvo nwwunso. Tsúfε mli Kristo hógyi so mli dá de ᾠyító fée. ⁹ Napó mí klun fée ndε Bulu sým tson mu Bi Yesu iwí ason wankláán okan ámóú ndεda ámósu. Obégyi mu adánsie aní ntekáin mlisu brégyíbréá ndε mpái bō. ¹⁰ Ntetsiá kokóli mu ekekegyiεke mbéε, otsúla finki okpa ha mi, antali besúnáa mli nke ánfító. ¹¹ Tsúfε idin mí ᾠwólíá mía mlinyó abéfia, méní nébeha mlénya ɔhe Wankíhé atokiehé aní ɔbówa mli ᾠwónlín. ¹² Múá ndεblí gyí, ní nebá mli wá á, mí hógyi bówa mli ᾠwónlín, mli klé é ɔbówa mí ᾠwónlín.

¹³ Mí apió, ndekléá neha mli bi aní nabwébwéébwé agywun aní nébesúnáa mli, táme tóku de mí okpa tiin bōfon ndε. Ndekuléá néba mu gyi omá bámbátó. ¹⁴ Iní gyí tóá ilehián aní nóbwε ahá féeótó nu. Ilehián aní nóbwε mó Griikifó pú ɔblí bámbá ablípó, atiansupu pú aha mimláhe féeótó. ¹⁵ Iní so mí ansí lapé aní nébláa mli ahá aní mlibu Roma wúluto é ason wankláán ámu.

Bulu Ason Wankláán Amu Túmi

¹⁶ Bulu ason wankláán ámu ima mí péli. Tsúfε mógyí Bulu túmi aní ɔdepuhó ɔhagyíoha aní ɔlōhó Kristo gyi nkpa ní. Yudafó gyánkpá, asa ahá aní bomegyí Yudafó bōbuo. ¹⁷ Tsúfε ason wankláán ámótó Bulu léle alíá ɔtóbwé oha yilé ɔbwepó súná. Mú ɔsó-así fée ilí hógyisu. Iní Bulu ason wanlínhé amu leblí ní. “Ohá aní mu hógyi so Bulu latsú mu aní mu asón da okpa obénya nkpa.”

Lakpan ɔbwepú ɔhagyíoha Gyí Bulu Ansító

¹⁸ Bulu léle mu ɔblí súná tsú ɔsósó. Olenya ɔbló ahá aní bōtamanyá mu ifú, bōde lalahε bwε, bapó amó owuntólin bōde Bulu asón aní igyi ɔnokwal okpa tiin. ¹⁹ Bulu ɔbébití amó isu. Tsúfε tóá ilehián aní bébi tsú Bulu iwí ida amó ansító dodo. Bulu onutó léle mó ɔwan súná ámu. ²⁰ Ihu mótó aní ohaa tamawun Bulu túmiá itamatá pú alá ogyi. Táme tsú bréá Bulu lóbwε ɔyí ɔpá á, Bulu tsiátó menjain. Tsúfε mu ató bwéhé lele mó súná wankláán aní ahá bétali wun mó, póbí mu. Iní so ohaa má ɔnó koku lé. ²¹ Bōyin Bulu, táme bōmōwa mu numnyam aní iletsiá mu, bōmōpu ipán koku é há mu. Mboún tóá ima asi bótogywun tsu Bulu iwí. Bōtamatráa nu mu asón ámu

asi. Basin oklúnto. ²² Buteki amó iwí bεε betun ansí, táme bemimláa. ²³ Basí Bulu okiankparu amu tswi, yó bude ikpi ání buma nkpa súm. Bopwe amó, ntée sré amó fé nyankpusa ání otowú, ntée mbubwi, ntée mbwí pú awó aku.

²⁴ Iní so Bulu ladámli oma há amó, basí bude ató laláheá bodeklé tsu amó klontó bwe, amóa amó aba bude iwí supáa. ²⁵ Butamatráa ho Bulu onakwalí amusu gyi. Asón ání uma mótó mboún bodehógyi. Iní so bayó bude Bulu ató bwehé mboún súm, sí ató féé Obwepó ámu onutó. Kanfó letsíá mu bré féé! Amen.

²⁶ Amó bwehé ánfí so Bulu lédamli oma há amó, buna bude hakpanla bwe. Amó atsi kóráá besi ayin wá di, fé alíá ida yáí, amó wolewole buda aba wá. ²⁷ Alí kén ayin é besi atsi wá di fé alíá butóbwe mú yáí, buda aba wá ní. Hakpanla anfi bwe so Bulu lébití amó iso ání lekanáa ha amó, bude mú wúun ní.

²⁸ Iníá bakíná Bulu bí so á, Bulu ladámli oma há amó, bude asokpan susúu, bude tsá uma aleá oha obóbwe bwe. ²⁹ Lalahe sósón bu amótó. Iku gyí; lakpanbwe, opotsuawa, olu, onsípe, ahámó, mblikpée, ahámlé, agywun laláhe bwe pú ahátsíi. ³⁰ Ahá onótin, Bulu asónkiná, atómábú, iwítsú, iwí adábi da. Lakpan okpagyáa, akwípóso kusólí. ³¹ Butamagywún, butamagyí amó ason blíhésu. Butamadwé ahá, butamawun ahá nwe. ³² Iníá boyin ání Bulu mbla ámu losuná ání oha ání otsíá atsiábi anfi odu obówu óó á, megyí iní ánfí nkole budebwe. Butráa bude lalahe abwepó é ateto-onlin wa dínká mósó.

2

Bulu Tamaki Oha Ansító

¹ Iní so fóá fútsie fúde fú aba ilá le, fuma onó kuku lé Bulu ansító. Tsúfé fúde aku ilá le, táme fúde mú odu kén bwe. Mú so ní fúde amó ilá le á, iwí pón fúdeha. ² Anyin ání Bulu obéha ahá ání bude iní odu bwe ipón. Anyin é ání mu asón da okpa. ³ Mú so ní fúde ahá ilá le lakpan ání fú onutó fúdebwe so á, bí ání Bulu é obéha fú ipón. Fuméetali kolu dalí mu ibi. Ntée fumeyín alí? ⁴ Bulu lalé mu yilé pú mu awitole owan súná fú, alanyá klun há fú, táme fumobu mu. Ntée fumeyín ání alíá fédamli klontó yínki ba mu wá so alalé mu awitole súná fú? ⁵ Táme klontó bu fu odwin, asoto bu fu onlin. Mú so isutobití ání ida gyo fú ekeá Bulu Onakwalipu obégyi asón itráa démoní tsía. ⁶ Bulu obéka ohagyícha iko mu bwehé onó. ⁷ Aku bapó ansí dínká ání bénya numnyam, idayilé pú nkpa ání itamatá. Mú so banyá klun bude yilé bwe ekekegyíeke. Amó Bulu obéha nkpa ání itamatá ní. ⁸ Táme akvá bubu onsípe, bakíná onakwalí amu pú yilébwe, bubuo lalahe mú á, Bulu obópu oblé gyi amó asón, bití amó iso wankláán. ⁹ Ason wunhe móa iwíwosin béba lalahe abwepó féésó. Ibégyankpá tó Yudafó, asa íbótu ahá ání bumegyí Yudafó. ¹⁰ Táme Bulu obówa yilé abwepó numnyam, há amó iwílwii, trá ha amó aye. Obégyankpá há Yudafó, asa íbótu ahá ání bumegyí Yudafó. ¹¹ Tsúfé Bulu tegyi asón onakwalíso, otamakí ohaa ansító.

¹² Ahá amóó bumeyín Mose Mbla ámu, bude lakpan bwe ámu óó bófwí. Táme Bulu móppu mbla ámu gyi amó asón. Ahá amóó boyin mbla ámu asa bude lakpan bwe ámu mú á, Bulu obélí mbla ámu so há amó ipón. ¹³ Tsúfé megyí ahá ání boyin Mose Mbla ámu asón da okpa Bulu ansító. Mboún ahá ání butegyí mósó. ¹⁴ Ibo mótóá ahá amóó bumegyí Yudafó bumeyín Mose Mbla ámu. Táme ní amó onutó bude mbla ámu so gyí a, budesuná ání boyin yilé móa lalahe amó klontó. ¹⁵ Amó bwehé ánfí desuná ání Bulu lówanlín mbla ámu dínká amó klonso. Amó klun de adánsie gyí ání lélé

bɔyin mó. Tsúfɛ bré kɔtɔ á, amó agywun tehá amó ipón, bré kɔtɔ é á, itehá amó asu. ¹⁶ Alí kén íbɛba ɛke ámóú Bulu ɔbótsun Yesu Kristosu gyi tóá ahá babwé ñáintɔ iwí asón ní. Alí Kristo iwí asun wankláán ámóú nde mó ɔkan da ámu idesuná ní.

Yudafɔ Pó Mose Mbla

¹⁷ Fó fɛɛ Yudayin fɔgyi, fó ansí dɪn Mose Mbla ámɔsu, fódɛpu íbɪ sí kántó fɛɛ Bulu mu bi fɔgyi. ¹⁸ Fɔyin Bulu apé, tsúfɛ fakásí Mose Mbla ámu. Mó su fɔyin tóá íbu alé. ¹⁹ Fɔtɛkí fó iwí ansibi abwiepó ɔkpapó, fɔgyi fé ɔkandíe há ahá ání bɔmeyín Bulu, basin oklúntɔ. ²⁰ Fó fɛɛ fɔgyi aha mimláhe ansí ɔtínpu. Fétalí súná ahá ání bɔmeyín ɔlala tóá íbu alé. Tsúfɛ fatsúlá fɛɛ Mose Mbla ámu su fabí tógyító, fabí ɔnɔkwali kugyíkɔ é. ²¹ Táme íniá fódɛ ahá yilé suná á, ntogyi su fɔmóosuná fó iwí mó? Fódɛ ɔkan da bláa ahá fɛɛ bɔmáwi ató, táme fó onutó fɔdewí? ²² Fɛɛ bɔmáto mbɔa, táme fódɛ mbɔa tɔ? Fɛɛ bɔmásum ikpi, táme futowí ɔkpiasí ató. ²³ Fɔtotsú iwí Mose Mbla ámu su, táme fɔtɛpán mósó. Iní su fódɛ Bulu kpóí. ²⁴ Bulu asun wanlínhé amu lébli ɔbéɛ, “Mlí Yudafɔ bwehé su ahá ání bɔmegyí Yudafɔ bɔde Bulu iwí asun laláhe blí.”

²⁵ Ní mlidé Bulu mbla ámɔsu gyí á, mli ketétín bu labi. Táme ní mlitamagyi mósó á, mligyi fé ahá ání bɔmetin keté. ²⁶ Ní ɔku métin keté, ɔde Mose Mbla ámɔsu gyí a, ogyi fé keté ɔtínpu Bulu ansító. ²⁷ Mlí Yudafɔ mliyin mbla ámu, tsúfɛ bɔwanlín mó tswí mli, betin mli keté é, táme mlitɛpán Mose Mbla ámɔsu. Mó su ɔhá ání ɔmetin keté kóráá, táme ɔde mbla ámɔsu gyí ɔbéɛ mli ilá. ²⁸ Tsúfɛ megyí keté ɔtínpu gyí Yudayin onutó. Ketétín onutónutó bu ínu. Megyí ɔyulósu ketétín keke. ²⁹ Ní ɔku gyí Yudayin onutónutó á, mu klontɔ tósúná. Ketétín onutó itsú klontɔ. Bulu ɔhé ámu tɔbwé mó, megyí mbla ámóú bɔwanlín tswí amɔsu gyí. ɔhá ání Bulu ɔhé ámu íletin mu keté á, Bulu onutó tékánfú mu, megyí nyankpɔsa.

3

¹ Mómó labi mɔmɔ Yudafɔ bɔbu dɔn ahá ání bɔmegyí Yudafɔ? Ntée labi mɔmɔ ketétín bu? ² Íbu mótóá labi ámu ihíé itsó! Gyankpapu gyí, Bulu lópu mu klɔnsu asón wá Yudafɔ íbɔtɔ. ³ Íbu mótó ání amótó aku bɔmɔhɔ Bulu asón ámɔsu gyí. Táme amó tsiátó anfi odu íbétalí há Bulu ɔbési tóá ɔlehe ání ɔbɔbwe lóó? ⁴ ɛkekekeke! Megyí alí igyi! Ní afunupu ahá fée bɔgyi óó á, Bulu mó á, ɔnɔkwali pu ogyi. Igyi fé ahá Owíe Dawid lébláa Bulu ɔbéɛ, “Ní fɔtɔí á, ahá bɔbli bɛɛ fó asón igyi ɔnɔkwali.

Ní begyi fó asón é á, bɔbli bɛɛ fó asón da ɔkpa.”

⁵ Ní aní tsiátó laláhe lalé Bulu tsiátó wankláán súná á, mómó ní ɔde aní ísu bití aní tsiátó laláhe su á, nkálí abéblí? Abéblí aníaa, Bulu má ɔkpa bití aní ísu? (Nyankpɔsa asun blíhé ndeblí á.) ⁶ ɛkekekeke! Ima mótó alí. Ní Bulu asón mɛda ɔkpa á, nkálí obégyi ɔyító ahá fée asón?

⁷ ɔku ɔbɛfité ɔbéɛ, ní mí ɔnɔkwali mawá lalé súná ání Bulu bu ɔnɔkwali, ílatsú mu dá fúá á, mómó ntɔ sɔ Bulu ɔbétrá ha mí pón ɔbéɛ lalahe ɔbwepó ngyi? ⁸ Ní igyi alí á, mómó ntɔ sɔ aníméblí aníaa, “Mlíha abwe lakpan, fówun Bulu tsiátó wankláán ílun ɔwan?” Fé alí ámóú aku bɔde mí ɔnɔ tun bɛɛ, nna ndeblí ámu. Bulu ɔbéha amó ipón alíá ílekanáa.

ɔhaa Megyí Yilé ɔbwepó

⁹ Nkálí mɛɛ abéblí pómó mó ɔnɔ? Mó su aní Yudafɔ anidɔn ahá ámóú bɔmegyí Yudafɔ ámu lóó? ɛkekekeke! Anímódun amó ɔkpagyi ɔkpasu. Nablí

bɔtsɔn mbée, ikɔle Yudaƒɔ pɔ ahá ámóú bomegyi Yudaƒɔ ámu fée bugyi. Tsúfɛ lakpan lagyi amó féesú. ¹⁰ Bulu asón leblí ɔbée,

“Ŋhaa asón meɗa ɔkpa Bulu ansító. Ɖbakóle kóráá méɗali mótó.

¹¹ Ŋhaa tamanú Bulu asón asi;
ɔhaa tamadúnká Bulu ɔkpa.

¹² Amó fée badámlí ɔma há Bulu,
ámó fée bafwí.

Yilé ɔbwepó ɔkɔkɔ má inu. Ɖbakóle kóráá méɗali mótó.”

¹³ Bulu asón ámu létrá blí ɔbée,

“Butekle asokpan blí.

Buɔpú amó ɔnó mlé ahá.

Amó ɔnótó asɔn blíhé tamó fɛ iwɔ elín.”

¹⁴ Bulu asón ámu létrá blí ɔbée,

“Uwí pɔ asɔn-sɔnsin blí buɔtegyi dɔ.”

¹⁵ Ɖletrá blí ɔbée,

“Ahámɔ ma amó ɔpá.

¹⁶ Ɖtinegyiɔtínéá buna á, buɗe ahá yintá, buɗe ahá ipiantɔ wa.

¹⁷ Bomeyín ɔkpa ání itɔpó iwílwii ba.”

¹⁸ Bulu asón ámu kɔ é leblí ɔbée,

“Buɔtamanyá Bulu ifú.”

¹⁹ Séi á, aniyin ání asóngyiasón ání Mose Mbla ámu losuná á, ida ha Yudaƒɔ amóú bɔpɔ mbla ámu há ámu. Mú sɔ ɔkɔkɔ méenya ɔkpa lé asɔnsɔ ɔnó bréá Bulu dé ahá fée asón gyí. ²⁰ Tsúfɛ Mose Mbla ámu sɔ gyí méetalí há ɔha ogyi asɔ Bulu ansító. Há mbla ámu itehá anitebí ání lakpan abwepó anigyí.

Alá Ŋha Tegyi Asɔ Bulu Ansító

²¹ Séi á, Bulu lasúná ɔkpa ání ɔtatsɔn mósú há ɔha asɔ. Imená Mose Mbla ámu sɔ gyisɔ. Táme Mose Mbla ámu pɔ Bulu ɔnósú atɔpú amɔ asɔn wanlínhé leblí ɔkpa ámu iwí asón yáí. ²² Ɖkpa ámu gyí ɔkpa ání Bulu tɔtsɔn há ɔha asɔ mu ansító ní. Yesu Kristo hógyisɔ Bulu tɔtsɔn hɔ ɔhagyíɔha. Ma fɔgyi o, ma bomegyí o, nkónɔ fotsú o, nkónɔ fumotsú o, ɔhaa mótsɔn ɔtsan Bulu ansító. ²³ Tsúfɛ ahá fée babwé lakpan. Mú sɔ bahólí Bulu numnyam. ²⁴ Awítɔle Bulu lawá há aní. Mú sɔ nyankpɔsa abégyi asɔ mu ansító ní. Awítɔle anfi ina Kristo Yesusɔ. Muléka nyankpɔsa nɔwunsɔ iko. ²⁵⁻²⁶ Anyánkpɔsa buɗe lakpan bwe tsú bré ɔpá, támɛ Bulu lénya klɔn há amó, ɔmebití amó isɔ. Séi á, Bulu labɔpɔ Yesu bó afɔɗie, pɔ mu obugya lé aní iwí mbusuo, méní abɔtsɔn mu hógyisɔ nyá lakpansikié. Bulu lóbwɛ mú alí pɔsúná ání mu asón da ɔkpa, méní ibósuná nke ánfítɔ ání yilé ɔbwepó ogyi. Ototsú ahá ání bɔhɔ Yesu gyi ání amó asón da ɔkpa mu ansító.

²⁷ Séi mé, tɔku bu inɔv́ abɔtsu iwí mósú? Tɔtɔ má inu. Ntogyi sɔ anuméetalí tsú iwí? Mose Mbla ámu sɔ lóó? O-o! Aní hógyi sɔ anuméetalí tsú iwí.

²⁸ Megyí atɔ wankláán amóú Mose Mbla losuná aní bwe ámu sɔ anitegyi asɔ Bulu ansító. Ina Kristosɔ hógyisɔ abégyi asɔ Bulu ansító. ²⁹ Yudaƒɔ nkɔle Bulu ógyi? Megyí ahá ání bomegyí Yudaƒɔ mú Bulu ogyi? Ee! Amó é amó Bulu ní. ³⁰ Bulu ɔkɔle pé bu inu. Mú sɔ ina hógyisɔ olotsulá ání Yudaƒɔ asón da ɔkpa. Ina hógyi kénsú ɔlɔhɔ ahá amóú bomegyí Yudaƒɔ ámu é ání amó asón da ɔkpa. ³¹ Mú sɔ ilehián ání abóhɔ Yesu gyi, sí Mose Mbla ámu sɔ hógyi lóó? Ekekeke! Megyí alí igyi. Yesu hógyi téhá anitekítá mbla ámu tɔ kinkíínkin.

4

Abraham Iwi Asɔn Lasɔnd Alɔ Hɔgyi Bv Labi

¹ Sɛi á, amansu anɔ Yudafɔ abɛblɔ tsú anɔ náin Abraham iwi? Ntɔ olowun tsu Bulu aháhɔ asɔn ánfɔ iwi? ² Ní yilébwɛ sɔ Abraham légyi asu Bulu ansítɔ á, múmú ɔbu tɔ́á ɔ́bɔ́pɔtsú iwi, támɛ megyi Bulu ansítɔ. ³ Nkálɔ Bulu asɔn wanlínhé amu léblɔ? Ɔlɛblɔ ɔ́bɛɛ, “Abraham lóhɔ Bulu gyi. Mú sɔ Bulu lótsu mu ání mu asɔn da ɔkpa.” ⁴ Ní ɔku ɔ́yɔ agyómá á, bɔteká mu ikɔ. Megyi atokiehé ikóká ámu gyi. Igyi tɔ́á ilehián ání obénya tsú mu agyómá yɔ́tɔ. ⁵ Támɛ megyi ahá bwéhé sɔ, mboún amú hɔgyi sɔ Bulu totsú amú ání amú asɔn da ɔkpa. Tsúfɛ Bulu téhá lakpan abwepú ání bɔhɔ mu gyi bɔtegyi asu mu ansítɔ. ⁶ Owie Dawid léblɔ oyúla asɔn ánfɔ kén dodo. Ɔlɔtɔ́ tsú ahá ání Bulu mékɔ amú bwéhé asa olotsu amú ání amú asɔn da ɔkpa iwi. Ɔlɔwanlín mú wá Bulu asɔn ámɔtɔ ɔ́bɛɛ,

⁷ “Bulu layúlá ahá ání alasi amú lakpan kíé amú,
alagyóra amú!

⁸ Ahá ámú Bulu lasi amú lakpan kíé amú, ɔ́mɛɛtrá kaín músó ámu bégyi ɔ́dwe!”

⁹ Keté atínpu nkɔle bú ɔ́dwegyi anfi Owie Dawid dé mú iwi asɔn blí ánfɔ? O-o! Ahá ámú bɔmɛtin keté ámu é bɔbɔ mótɔ. Kain ání anɔlakla asɔnku Bulu asɔn wanlínhé amɔtɔ. Anɔ, “Abraham lóhɔ Bulu gyi. Mú sɔ Bulu lótsu mu ání mu asɔn da ɔkpa.” ¹⁰ Bré mɔmu Bulu lótsu mu ání mu asɔn da ɔkpa? Ɔlɛtin keté asa lóó? Ekɛkɛkɛ! Bulu lótsu mu ání mu asɔn da ɔkpa dodoodo. ¹¹ Ɔma-ɔma asa ɔlɛbetin keté púhie mu nsu. Ilosuná ání mu hɔgyi sɔ Bulu lótsu mu ání mu asɔn da ɔkpa. Inɔ sɔ ogyi fé ahá ámú bɔmɛtin keté, támɛ bɔhɔ Bulu gyi, Bulu lótsu amú ání amú asɔn da ɔkpa ámu. Mú sɔ ogyi amú féé ɔ́sɔ ní. ¹² Ogyi keté atínpu amu é ɔ́sɔ. Tsúfɛ megyi amú ketétin sɔ, mboún amú Buluhɔgyi sɔ. Fé alɔ ámú Abraham lóhɔ Bulu gyi asa betin mu keté ámu.

Tɔ́á Bulu Léhie Yáí Mu Ahɔgyipɔ

¹³ Bulu léhie Abraham mɔa mu abí-aná ání ɔ́yítɔ féé ɔ́bɔ́bwɛ amú klé. Megyi bɛɛ Abraham légyi Mose mblasu, sɔ Bulu léblɔ asɔn ánfɔ. Támɛ ínɔ́ ɔ́bɔ́hɔ Bulu gyi, Bulu é lótsu mu ání mu asɔn da ɔkpa mu ansítɔ sɔ. ¹⁴ Ní ahá ání bɔdɛ Mose Mbla ámɔtɔ obégyi Bulu atɔ́ á, múmú ɔ́ha Bulu hɔgyi igyi kpaali. Bulu nhɔhie há ɔ́ha é ma labi kɔku. ¹⁵ Tsúfɛ Bulu ɔ́blɔ mbla ámu teti. Támɛ ní mbla má mu á, mblatɔ́n é ma mu.

¹⁶ Mú alɔ sɔ ina hɔgyisɔ ahá bétalí nyá atɔ́á Bulu léhie yáí há amú. Atokiehé ámú ɔ́bɔ́pɔhá Abraham abí-aná ámu ɔ́bɛda amú ibi. Megyi ahá ání bɔtegyi mblasu nkɔle bú, támɛ ahá ání bɔhɔ Bulu gyi fé Abraham é. Tsúfɛ Abraham gyi anɔ féé ɔ́sɔ. ¹⁷ Fé alɔ ámú Bulu asɔn wanlínhé amu ɔ́lɛblɔ ɔ́bɛɛ, “Nápú fú bwé ɔ́má tsɔtsɔtsɔ ɔ́sɔ ámu. Abraham gyi anɔ féé ɔ́sɔ Bulu ansítɔ.” Tsúfɛ olohogyi ání Bulu téhá awupú nkpa, ɔ́tɛhá tɔ́á ma mu yáí itɛba mótɔ fé tɔ́á mu yáí. ¹⁸ Bréá tɔ́tɔ má muvá Abraham ɔ́bɔ́pu mu ansɔ́ dínká músó á, ɔ́bɔ́hɔ Bulu gyi ání ɔ́bɔ́bwɛ mu ɔ́má tsɔtsɔtsɔ ɔ́sɔ alɔ ámú ɔ́lɛblɔ yáí ámu. Bulu lébláa mu ɔ́bɛɛ, “Fú abí-aná békɛlé fé ntsrakpabi.” ¹⁹ Alɔ bré ámɔtɔ á, Abraham lahɔ nfi lafakɔle (100). Mú sɔ aladan tsɔn kwíísó. Alɔ kén mu ka Sara é ɔ́kwíipúni lawú, ɔ́mɛɛtrá kwíí ní. Oyín ínɔ́ féé, támɛ ɔ́mekpa mu hɔgyi ɔ́ma. ²⁰ Inɔ́ féé ɔ́ma a, omegyɔ́ nwéɛn ɔ́bɛɛ, itɔ́ ámú Bulu léhie mu amu ɔ́mɛɛba mótɔ. Mboún ɔ́lekítá mu hɔgyitɔ́ kinkíínkín, ɔ́lekanfú Bulu mú sɔ. ²¹ Tsúfɛ ɔ́hié oyín ání Bulu ɔ́bétalí bwé itɔ́ ámú alahíé há mu amu. ²² Mu hɔgyi anfi sɔ Bulu léblɔ ɔ́bɛɛ, mu asɔn da ɔkpa ní. ²³ Megyi mu

nkɔle sɔ bɔwanlín wá Bulu asón ámɔtɔ beɛ, “Bulu lótsu mu ání mu asón da ɔkpa.” ²⁴ Aní é, aní sɔ bɔwanlín mú. Ní anilóhɔ Bulu gyí a, obótsu aní aní aní asón da ɔkpa. Mɔgyí ɔhá aní ɔlɔkusúa aní Wíe Yesu tsú afúlitɔ. ²⁵ Aní lakpan só Bulu léha beɛ mu há bɔmɔ mu. Bulu lókusúa mu tsú afúlitɔ, ménu obótsu aní é aní aní asón da ɔkpa.

5

Isvgyí Bulu Ansító

¹ Aní hógyi só Bulu latsú mó aní aní asón da ɔkpa. Mó sɔ aní Wíe Yesu Kristo lalá ania Bulunyɔ nsiné. ² Hógyi sɔ ɔkpa lafínkí há aní ngya. Iní aní Wíe Yesu só Bulu awítɔle anfi laba aní sɔ, anilapó hogyi nyá ɔlúkpá ngya a, ihíé bɔ aní ɔdwe. Tsúfé anidín ansí aní abébenya mu numnyam amu kv. ³ Ansí itráa de aní gyí aní anidé ipian wúun. Tsúfé ipian téhá anitɔwá nsi. ⁴ Nsiwa téhá anitebí tsíá alá ilegyi Bulu ansí. Ní abí tsíá alá ilegyi mu ansí á, abédínká ansí mɔsɔ. ⁵ Ansí pɔdínká Bulusɔ mééha péli méékítá aní. Tsúfé Bulu lótsɔn Ɖɣe Wankíhé amóú ɔlɔpɔhá aní ámɔsɔ pɔ mu ɔdwe wá aní klɔntɔ.

⁶ Bréá anitráa anigyí lakpan abwepú, anímá ɔwɔnlín á, Kristo lóbowu há aní lalahɛ abwepú bréá Bulu onutó léhiɛtɔ. ⁷ Ní ɔkv asón da ɔkpa kóráá á, íbɔwa ɔnlun asa ɔkv obótsulá wú há mu. Fíalí ɔha yilé mó á, ɔkv ɔbɔwa klɔn wú há mu. ⁸ Táme tóá ilosuná aní Bulu tɛhíé dwé aní gyí, bréá anigyí lakpan abwepú á, ɔleha Kristo lóbowu há aní. ⁹ Ina Yesu Kristo obugya amóú ilɔwólí así ámɔsɔ Bulu lési aní lakpan kíé aní, tsú aní aní aní asón da ɔkpa. Kristo sɔ ɔbéle aní kokooko. Ɖméɛbití aní isɔ lakpan abwepú isɔ-ɔbitíkɛ amu. ¹⁰ Teki Bulu alupó anigyí. Táme tsóɔn mu Bi ámu lowusɔ á, alabwé aní mu anyawíe kláklá. Iní anilabwé mu anyawíe sɔ á, ɔbɔhɔ aní nkpa kokooko. Tsúfé Kristo é bɔ nkpa. ¹¹ Megyí mó wɔle. Móá itráa dɔn kóráá gyí, anidé ɔdwe gyí. Tsúfé aní Wíe Yesu Kristo lalá ania Bulunyɔ nsiné. Mó sɔ anilabwé Bulu anyawíe.

Adam Mva Kristo

¹² Adam nkɔle bwɛhé sɔ lakpan léha ɔyító. Mu lakpan ámu só lowu léba ɔyító. Iní sɔ lowu lénya túmí ɔhagyíɔhasɔ, tsúfé ahá féé babwé lakpan. ¹³ Lakpan bɔ ɔyító asa Bulu lópu mu mbɔla ba Mose. Táme bréá Bulu mókópú mbɔla ámu ba mu a, olobun ansíbi lakpansɔ. ¹⁴ Tsú Adam brésú bɔtu Mose brésú lowu legyi iwíe anyánkpósa féésú. Ibo móttɔ aní bɔmɔtɔn mbɔla koku fé Adam, táme amó é bowu.

Akú alá Adam léklé ɔlan ɔmapɔ amu. ¹⁵ Adam ná ɔtsan há Yesu Kristo. Tsúfé Bulu awítɔle amu megyí fé Adam lakpan ámu. Adam nkɔle lakpan só ahá féé bowu. Táme Yesu Kristo nkɔle awítɔlewa sɔ Bulu laláwá awítɔle, pɔ mu atokiehé há ahá tsɔtsɔtsɔ. Mu atokiehé ámu Ibo bíá dɔn lowu ámu. ¹⁶ Tóá anyánkpósa benya tsú Bulu atokiehé ámɔtɔ ina ɔtsan há tóá benya tsú Adam lakpan ámɔtɔ. Mu lakpan kɔle pé amu léha ɔhagyíɔha légyi pón Bulu ansító. Mólópu lowu ba, táme lakpan tsɔtsɔtsɔ ɔma a, Bulu atokiehé kɔle pé léha Bulu lótsu ahá féé aní amó asón da ɔkpa mu ansító. ¹⁷ Ɖbakóle lakpan sɔ lowu légyi iwíe ahásɔ. Táme alá Bulu lahíé wá awítɔle há ahá Ibo wánwan. Alatsɔn Yesu Kristo nkɔlesɔ tsú aní aní aní asón da ɔkpa, ania mɔnyɔ abégyi iwíe aní nkpatɔ féé.

¹⁸ Iní sɔ alí amóú ɔbakóle lakpan sɔ Bulu léha ahá féé pón ámu a, alí kén ɔbakóle yilébwɛ sɔ Bulu lahá ahá féé bagyi asɔ mu ansító, alahá amó nkpa aní itamatá é ní. ¹⁹ Alí amóú ina ɔbakóle asɔtɔ-ɔnlun sɔ ahá féé bemlí lakpan

abwepɔ́ ámu a, alí kén ina ɔ́bakóle obú sɔ Bulu obótsu ahá tsɔtsɔɔtsɔ́ ání amó asón da ɔ́kpa ní.

²⁰ Bulu lópu mbla ámu ba, méní ahá bówun lakpan ání buɔɔbwe wankláán. Táme bréá lakpan dékléí á, Bulu awítale é idekléí tsía. ²¹ Lakpan légyi ahásɔ, ileha ahá bowu. Alí kén Bulu lawá awítale tsú ahá ání amó asón da ɔ́kpa mu ansító ní. Iní lahá ahá batsɔn aní Wíe Yesu Kristosɔ nyá nkpa ání itamatá.

6

Kristo Sɔ Aníbu Nkpa

¹ Nkálí abéblí séí? Ilehíán ání abóyɔ aní lakpanbwe sɔ, méní Bulu awítale bómoní tsía? ² Ekekekeke! Igyi fé anílawú, mó sɔ lakpan ma túmí aní sɔ. Ntogyi sɔ abétrá tsía bwé lakpan? ³ Bré ámúú bɔbɔ aní asú ámu a, ania Kristo Yesunyɔ anílbwé kole. Mliyin mó alí? Alí bré ámúú á, ania Kristonyɔ lówu, ⁴ bopulá aní, tsúfé ania mɔnyɔ anílabwé kole. Mó sɔ alí ámúú aní Sí Onumnyampɔ amú lókúsóa mu tsú afúlitɔ ámu a, alí kén aní é abétsiá itsiá pɔpwetɔ ní.

⁵ Mó sɔ iníá ania mɔnyɔ anílbwé kole mu lowutɔ á, alí kén ania mɔnyɔ lóbwé kole mu kúsú tsú afúlitɔ é ní. ⁶ Mlibi ání bréá beda Yesu mántá oyikpalíhe amú sɔ á, mu a aní tsiátɔ dada amú lówu, méní anímétrá bwe lakpan nkpábi. ⁷ Tsúfé ní ɔha owú á, ɔtamatráa bwe lakpan. Lakpan má mú sɔ túmí. ⁸ Iníá ania mɔnyɔ anílawú sɔ á, aníbu hógyi ání ania mɔnyɔ abétsiá nkpa. ⁹ Aníyin ání Bulu lókúsóa Kristo tsú afúlitɔ. ɔmétrá wu ekekekeke. Lowu itráa ma mú sɔ túmí. ¹⁰ Yesu lówunáa wu ɔtsáwɔle, méní ɔbélé lakpan inu. Táme iníá ɔtsie nkpa á, ɔtsie ha Bulu. ¹¹ Mli é mlíkí mli iwí ání mlílawú há lakpan, amlíde mli iwí le mó túmí asi. Mlitsia nkpa ha Bulu, tsúfé mlia Kristo Yesunyɔ mlílabwé kole.

¹² Iní sɔ mlímáha lakpan igyi mli nyankpɔsa-oyí ání ibówu ání sɔ, méní iméha ɔwólí laláhe igyi mli sɔ, amlíbwe tás ideklé. ¹³ Mlímápu mli nyankpɔsa-oyí iwí ató há lalahé bwe. Mboún mlípu mli iwí féé ha Bulu, fé ahá ání alakúsóa amú tsú afúlitɔ ba nkpatɔ, ɔpu mli bwe tás ida ɔ́kpa. ¹⁴ Ima aláá lakpan ɔbétrá gyi mli sɔ, tsúfé séí mlítráa mlímá Mose Mbla ámu asi. Bulu awítale asi mboún mlibu.

Yilébwe Nkpábi Anígyi

¹⁵ Iní ɔma a, amansɔ abéblí? Ibu aláá abétrá bwe lakpan séí ání ánimá mbla ámu asi, aníbu Bulu awítale mboún asi? Ekekekeke! ¹⁶ Mlíméyín ání ní mleba iwíasi há tɔku, mlídé mó apé bwe, mlídé mó súm fé mli wíe a, mlílabwé mó nkpábi? Ní mleba iwíasi há lakpan á, mó mó mlówu, táme ní mleba iwíasi há Bulu á, mlégyi asɔ mu ansító. ¹⁷ Mlílbwé nkpábi há lakpan bré kutɔ. Séí á, mlílapú mli klɔn féé hɔ atosunáhé amúú bapóhá mli ámu, mlídé mósú gyí. Mó sɔ nde Bulu ipán da. ¹⁸ Bulu lahá mlílagyi iwí le lakpan ibítɔ, mlílabwé nkpábi há yilébwe. ¹⁹ Alíá íbɔbwé mlónu asón ání asi, sɔ napó nkpábi tsiátɔ nde mli suná. Bré kutɔ á, mlílbwé mli iwí nkpábi há hakpan móa lalahé bwe. Alí kén ilehíán ání mlílbwé mli iwí nkpábi ha yilébwe, méní mlí sɔn yi ní.

²⁰ Bré ámúú mli gyi nkpábi há lakpanbwe ámu a, yilébwe má túmí mli sɔ. ²¹ Labi mɔmu mlílénya tsú lakpan ámúú mlílbwé, nde íbu mli péli amúú? Mó labi gyí lowu. ²² Táme séí mó á, Bulu lahá mlílagyi iwí lakpanbwe túmí asi. Mlílamlí mu nkpábi. Labiá mlénya tsú mó tó gyí; mlétsiá tsiátɔá ílɔfɔn yi, nyá nkpa ání itamatá. ²³ Tsúfé lakpanbwe íkóká gyí lowu, táme Bulu

atokiehé gyí nkpa ání itamatá. Mó òbɔpɔgyi anɪ bɔale tson ania anɪ Wíe Kristo Yesu ikolɛbweɓu ní.

7

Mbla Amu Itráa ma Túmi Akristofɔsu

¹ Mí apíó, mli fée mliyin Mose Mbla ámu. Mliyin ání bréá òha tsie nkpa á, òbu mbla asi. ² Fée ní òtsi tsia okúlu, mo kulu amu mókówú á, òbu mo kulu amu asi. Táme ní mo kulu amu owú a, alagyi iwɪ, okúlu wóyí mbla koku itráa medé mu. ³ Mó alɪ su ní mo kulu amu mókónyá wú, òdálɪ mo òma a, alató mbua. Táme ní mo kulu amu owú mó á, òtráa òma okúlu wóyí mbla asi. Mó su ní òláyétsiá oyin bámbá á, òmákótó mbua. ⁴ Mí apíó, alɪ kén igyi há mli ní. Mli é bréá mliðhɔ Kristo gyi a, mliá mɔnyɔ mliðowu. Mó su mlitráa mliamá Mose Mbla asi. Séi á, mliabwé òhá ámúú Bulu lókúsúa tsu afúlitó ámu klé, ménɪ mlóbwe yilé há Bulu. ⁵ Tsúfée bréá anɪbu anɪ tsiátó dada amɔtɔ á, mbla ámu léha anɪ òwólɪ laláhe legyi anɪsu. Mó su anilóbwe tóá itɔpó lowu ba. ⁶ Táme séi mó á, Bulu lahá anɪlagyi iwɪ tsú mbla ámúú tekɪ anɪbu mó asi ámu ibitɔ. Ania Kristonyɔ lówu. Mó su mbla ámu itráa ma túmi anɪsu. Anɪlagyi iwɪ, anidé Bulu súm tson òkpa pɔpwe ání Òhe Wankíhé dé anɪ sunású. Megyi òkpa ání mbla wánlínhé amu lósuná anɪsu.

Mbla Amu Mba Lakpanbwe

⁷ Mó su anidéblɪ aniaa, ito laláhe Mose Mbla ámu gyi? Ekekeke! Mbla ámu ibéha abébi tóá lakpan gyí. Tekɪ ní mbla ámu imeblɪ òbé, “Mápe ansí fú bá atósú” a, tekɪ mmebi tóá gyi ònsípe. ⁸ Ina alɪ mbla ání su lakpan lénya òkpa pú ònsípe kugyíku wá mító. Tsúfée ní mbla ámu má inu á, tekɪ lakpan má túmi mísú. ⁹ Mí onutó netsiá bré kɔtɔ, mmebi mbla ámu. Táme bréá nebebi mó á, nowun ání napán músú. Lakpan òbwepó ngyi. Mó su nówu. ¹⁰ Nowun ání mbla ámúú nkɪ mbéé, ibéha mí nkpa ámu lópu lowu ba mɪ. ¹¹ Tsúfée lakpan lénya òkpa tson mbla ámuɓu mlé mí, mó mí.

¹² Tsiátó mbla ámu mó á, tsitsa koku ma mó iwɪ. Mó nhíhé kugyíku lɔwankí, ida òkpa, ibu alé é. ¹³ Mó su idesuná ání Bulu mbla ánífu ibu alé ánífu lópu lowu ba mɪ? Ekekeke! Megyi alɪ igyi. Lakpan lótsɔn ito wankláán ámuɓu pú lowu ba mɪ. Ina mbla ámuɓu lakpan léle iwɪ súná ání itépi ma ale.

Atád Idekɔ Nyankpɔsɔtɔ

¹⁴ Anɪyin ání òjétó ató mbla ámu gyi, táme mí mó á, nyankpɔsa ngyi. Nabwé lakpan òkpábi. ¹⁵ Mmetálɪ bí mí tsiátó, tsúfée megyi tóá ndeklé ntóbwé, tóá mmedéklé mbouín ntóbwé. ¹⁶ Ní tóá mmedéklé ndebwe mó á, natsúlá ání Mose Mbla ámu ibu alé. ¹⁷ Idesuná ání megyi mí dé alɪ ató ánífu bwe. Mbouín lakpan túmiá ibu misu téhá ntóbwé mó. ¹⁸ Nyin ání bré ánífu mbu mí tsiátó dada anfitɔ á, ito wankláán koku má mító, tsúfée nyankpɔsa ngyi. Ntekleá nóbwe yilé, táme nakásián. ¹⁹ Mmedé yiléá ndeklé bwe. Lalahé amúú mmedékléá nóbwe ámu mbouín ndebwe. ²⁰ Ní nde lalahé amúú mmedékléá nóbwe ámu bwe á, mómú idesuná ání megyi mí onutó dé mó bwe. Mbouín lakpan túmi ámúú ibu mitɔ ámu dé mó bwe.

²¹ Mó su nawun ání mbla ánífu lagyi misu. Ní ndekléá nóbwe yilé á, lalahé kóun ntóbwé. ²² Tsúfée nhíhé ndekléá négyi Bulu mbla ámuɓu tsú mí kluntɔ. ²³ Táme ntowun ání mbla kɔ dé mbla ámúú ibu mí kluntɔ ámu isá kɔ, gyi músú, bwé mí lakpan òkpábi. Ilahá lakpan ámúú ibu mitɔ ámu ide mí bwehé kugyíkuɓu gyí. ²⁴ Kɪ ipian kpɔnkpɔnkpɔntiá mbu mótó! Ilapú mí iya lowutɔ. Ma òbéle mí tsú mótó? ²⁵ Táme anɪ Wíe Yesu Kristo su nde Bulu ipán da ání alalé mí!

Mí klɔntɔ mó á, tekɪ ndekléá nóbwe Bulu mbala ámu ɔkpábi. Táme tsiátɔ laláhe amóú ɪbu mitɔ ámu lahá nabwé lakpan ɔkpábi mbóun.

8

Nkpatsiá Dínká Bulu Ɖhé Amu Asónsɔ

¹ Ɔni sɔ séi á, Bulu méétrá ha ahá áni amóá Kristo Yesunyɔ babwé kole ɪpón. ² Tsúfé Kristo Yesu sɔ Ɖhé Wankíhé túmi áni ɪtehá nkpa lahá anlagyi ɪwɪ tsú lakpanbwe móa lowu ɪbitɔ. ³ Mose Mbala ámu metálí lé anɪ tsú anɪ lakpantɔ. Tsúfé anɪ tsiátɔ dada amóú ɪtehá anɪtɔbwé lakpan ámu imeha animégyí mbala ámu atosunáhésɔ. Táme Bulu lótsɔn ɔkpa pɔpwesɔ hɔ anɪ. Ɖlɔwa mu Bi onutɔ lébá fé nyankpɔsa áni ɔtɔbwé lakpan, táme mu mó ɔmɔbwe lakpan. Bulu lótsɔn mu lowusɔ mó anɪ tsiátɔ dada amóú lakpan legyi mósú ámu. ⁴ Ɖlɔbwe mó alɪ, ménɪ ní anɪbuo Ɖhé Wankíhé amu a, abétalí tsiá tsiátɔ wankláán amóú tekɪ mbala ámu lósuná ámu, animéétrá tsiá anɪ tsiátɔ dada amu. ⁵ Tsúfé laláhe ahá áni tsiátɔ dada amóú ɪtɔbwé lakpan ide amósú gyí bɔtɔgywíun. Táme ahá áni bɔbuo Ɖhé Wankíhé amu a, tɔá Ɖhé ámu tekle bɔtɔgywíun. ⁶ Ɖhá áni lakpan lagyi mu tsiátɔsɔ tenyá lowu tsú móú. Táme ɔhá áni Ɖhé Wankíhé lagyi mu sɔ mu mó tenyá nkpa móa iwílwii. ⁷ Tsúfé ɔha áni lakpan lagyi mu tsiátɔsɔ tolu Bulu. Ɖtamagyi Bulu mbalasɔ, tsúfé ɔméetalí gyi mósú ekekeeke. ⁸ Ahá áni lakpan lagyi amó tsiátɔsɔ bɔméetalí gyi Bulu ansí.

⁹ Táme Bulu Ɖhé bu mlɪtɔ lélé. Mó sɔ mlɪméétrá tsiá mlɪ tsiátɔ amóú lakpan legyi mósú ámu. Mlɔbwe tɔá Ɖhé Wankíhé amu tekle. Ní ɔku má Kristo Ɖhé ámu a, omegyí mu kle. ¹⁰ ɪbu móúá lakpan sɔ mlɪ nyankpɔsa-oyí ánfɪ obówu. Táme ní Kristo bu mlɪtɔ á, mlɪ ɔkláa bu nkpa. Tsúfé Bulu latsú mlɪ áni mlɪ asón da ɔkpa mu ansítɔ. ¹¹ Bulu lókusúá Kristo tsú afúlitɔ lélé. Mó sɔ ní mu Ɖhé bu mlɪtɔ á, mómu ɔbótsɔn Ɖhé ámusɔ há mlɪ nyankpɔsa-oyí amóú ɪbówu ámu nkpa pɔpwe.

¹² Ɔni sɔ mí apíó, imehián áni abétrá tsiá anɪ tsiátɔ dada amu, bwé tɔá anɪ ɔwólɪ laláhe tekle. Mbóun lehián áni abóbwe tɔá Ɖhé Wankíhé tekle. ¹³ Tsúfé ní mlétsiá mlɪ tsiátɔ dada amutɔ á, mlówu tsítsá. Táme ní mlɔtsɔn Bulu Ɖhé ámusɔ kíná mlɪ nyankpɔsa-oyí ámu apé bwe á, mlétsiá nkpa áni ɪtamátá. ¹⁴ Tsúfé ahá áni bahá Bulu Ɖhé de amó kpa gyí Bulu abí. ¹⁵ Megyí Ɖhé áni ɪbéha mlɔbwe nkpábi, tsiá nyá ifú Bulu lópuwá mlɪtɔ. Mbóun Ɖhé ámu lóbwe mlɪ Bulu abí. Ɖhé ámu sɔ anɪtetálí su kpolí Bulu anɪaa, “Abba, mí Sí!” ¹⁶ Ɖhé ámu totsúlá há anɪ áni lélé á, Bulu abí anɪgyí. ¹⁷ Ní Bulu abí anɪgyí á, mómu anɪgyí mu atɔ agyípo. Anɪa Kristonyɔ obégyi mu atɔ. Tsúfé ní awun Kristo ɪpian ámu kv á, mómu abénya mu numnyam amu é kv.

Numnyam Aní Abénya Ekekú

¹⁸ Ní nekɪ numnyam áni ida gyo anɪ, Bulu ɔbéle súná anɪ á, ɪpian ánfɪ anɪdewúun bré ánfɪtɔ ɪmɔfɔn mó ɔtɪnetɪne. ¹⁹ Bulu atɔ bwehé féé bɔhíé bɔde ɔkpa kí ha ekeá Bulu ɔbéle mu abí numnyam ɔwan. ²⁰ Tsúfé Bulu atɔ bwehé féé lasí ida keke. Megyí mó onutɔ apé igyi. Mbóun mlɔbwe mó alɪ, ɪha mu atɔ bwehé féé ɪkɪ ɔkpa ²¹ áni ekekú á, ɔbéha amó féé bégyi ɪwɪ, bɔméétrá yintá ekekeeke. Mu atɔ bwehé ámu ɪbénya mu abí ɪwɪgyí pó amó numnyam amu kv. ²² Anɪyin áni bɔtɔ nde á, Bulu atɔ bwehé féé ide ɪwɪɔsɪn wúun. Idekmí fé alá ɪkwíu todwíin ɔtsɪ. ²³ Megyí Bulu atɔ bwehé ámu nkole dékmí. Anɪ amóú alapú mu Ɖhé, igyi mu atokiehé gyankpapu wá anɪtɔ ámu é anɪdékmí anɪ klɔntɔ. Anɪhíe anɪtsie anɪgyó ekeá Bulu ɔbéha anɪ nyankpɔsa-oyí ánfɪ obégyi ɪwɪ, ɔbóbwe anɪ mu abí. ²⁴ Tsúfé ɔkpakú anɪ sɔ

ɔlɔhɔ anɪ nkpa. Butamakɪ tɔ́á fɔ́bɔ ɔkpa, tɔ́á fuma ɔkpa butekɪ. ²⁵ Ní anɪdɛ tɔ́á animá ɔkpa kú a, anɪtenyá klɔn tsíá gyo mó.

²⁶ Ɖɛ Wankihé amɔ tɛtsá anɪ anɪ pɔ́ntɔ. Tsúfɛ anɪmɛyɪn alíá abókɔlɪ Bulu atɔ́, íbɛgyi mɔ anɪ. Ɖɛ́ ámu onutó tɛhíé kímí pókólí Bulu atɔ́ há anɪ, dɔn alíá anɪ onutó abétalí. ²⁷ Bulu yin ɔhagyíɔha klɔntɔ asón. Mó sɔ oyin mɔ Ɖɛ́ ámu agywuɪn. Tsúfɛ Ɖɛ́ ámu tokókólí Bulu há mɔ ahá alíá Bulu onutó dé mó klé.

²⁸ Anɪyin ání Bulu tɛhá tógyítɔ tɔ́wá alé há mɔ adwɛpú. Amógyí ahá ání mɔ onutó ɔletɪ mɔ nhɪhé ɔ́nɔ ní. ²⁹ Tsúfɛ ahá ámuú Bulu yin yaí ámu a, amó ɔlele. Ahá ámuú ɔlele ámu ɔletɪ ɔ́bɛɛ, bubélian mɔ Bi ámu. Fówun mɔ Bi ámu ɔ́bɔ́wɛ ɔ́dɛ́hɛn mɔ abí tsatsɔ́tsɔ́. ³⁰ Ahá ámuú Bulu yin yaí dodo amɔ ɔletɪ. Ahá ámuú ɔletɪ ámu olotsu ání amó asón da ɔkpa mɔ ansítɔ. Ahá ámuú olotsu ání amó asón da ɔkpa ámu ɔ́lɔ́wa numnyam.

Yesu Bulu Ɖdwe Ɖwanle

³¹ Amansɔ anɪtráa anɪbɔ blí tsú íní iwɪ? Ní Bulu bɔ anɪ wá á, ma ɔ́bétalí kósó líí anɪsɔ? Ɖhaa má inɔ! ³² Bulu mékiná mɔ onutó mɔ Bi ámu si há lowu anɪ fɛ́ɛ nwunsv. Olesi mɔ há faan. Nkálí sɔ́ ɔ́mɔ́ɔpɔ atɔ́ tráhe fɛ́ɛ tsia mɔ Bi ámuɔ há anɪ? ³³ Ma ɔ́bétalí ká asón dínká ahá ámuú Bulu lalé ámuɔsv? Bulu lóó? Ekekekeke! Mɔgyí ɔ́há ání alatsú anɪ ání anɪ asón da ɔkpa mɔ ansítɔ. ³⁴ Ma ɔ́bétalí há anɪ ipón? Ɖhaa má inɔ! Tsúfɛ Kristo Yesu gyí ɔ́há ání olobowu há anɪ, Bulu lókɔ́sɔ́a mɔ tsú afúlitɔ. Alayó otsie Bulu gɔ́pɪsɔ, ɔ́de mɔ kokólí anɪ nwunsv. ³⁵ Ma ntɛɛ ntɔ ɔ́bétalí títi anɪa Kristonyɔ nsɪné ɔ́dwɛtɔ? Asɔn wunhe lóó, ntɛɛ ikplán? Ní bɔdɪn anɪsɔ lóó, ntɛɛ akón? Yayá natí lóó, ntɛɛ lowu? ³⁶ Tsúfɛ bɔ́wanlín wá Bulu asɔn wanlínhé amɔtɔ bɛɛ, “Fú sɔ bɔ́de anɪ mɔ ekekegyíke.

Bɔ́de anɪ kú fɛ́ akúfa ání bapú bɛya ɔ́mɔ́kpá.”

³⁷ Táme íní fɛ́étɔ́ a, ɔ́dwe ámuú Kristo bɔ ha anɪ ámu sɔ anɪlagyi isɔ dáfá. ³⁸ Tsúfɛ nhíé nyin ání tɔ́tɔ méetalí ká ɔ́dweá Bulu bɔ ha anɪtɔ. Lowu o, nkpa o, Bulu-abɔpɔ o, túmí kugyíkɔ́á ítráa de iwíe gyí ɔ́sɔ́sɔ́ o, atɔ́á íbɔ nu séí pú móá íbɛba o. ³⁹ Tógyítɔ́á íbɔ ɔ́sɔ́ pú asɪ ntɛɛ ɔ́sɔ́lɔ́bɔ́n ayasɪ kokɔ́kɔ́ méetalí ká ɔ́dwe ámuú Bulu ladwé anɪ tsɔn anɪ Wíe Kristo Yesusɔ́ amɔtɔ ekekekeke.

9

Ahá Aní Bulu Lalé

¹ Mía Kristonyɔ anɪlabwé kɔle. Mó sɔ ɔ́nɔ́kwálí asón ndɛblí séí. Ɖɛ Wankihé dé mí kpa. Mó sɔ mí klɔn é de mí bláa ání mmɛdé afunu wa. ² Mí pɪ Israelfɔ sɔ asón ihíé de mí háan, ahómítíá umeká itin de mí. ³ Ní íbɔ́wa aléá nényá ílwí, mía Kristonyɔ nsɪné bɛyintá, méní bénya nkpa ání itamatá kóráá á, tekí nɔ́pɔ iwɪ há. ⁴ Mí pɪ Israelfɔ gyí ahá ání Bulu léle póbwé mɔ abí. Amó ɔlele mɔ numnyam súná. Ɖleka ntam há amó, pú mɔ mbɪa wá amó íbɔtɔ. Olosuná amó ɔkpa ání bɔ́pɔ́tswe mɔ. Ɖlebláa amó tɔ́á alahíé ání ɔ́bɔ́pɔ́há amó fɛ́é. ⁵ Amó lélin tsu Israelfɔ anáin akpɔ́nkpɔ́ntɪ ámuɔtɔ. Móá ídɔn kóráá á, amótɔ́ Kristo amɔ lébelɪn ɔ́sɔ́lɔ́bɔ́n anfisɔ. Kanfú letsiá Kristo, (ɔ́há ámuú Bulu ladá mɔ ofúli amɔ), ogyi Bulu, atɔ́ fɛ́ésɔ́ ogyípó amɔ bré fɛ́étɔ́! Amen!

⁶ Inɪ imosuná ání Bulu asón ámuú ɔ́leblí tswɪ amɔ ímɛ́ɛba mótɔ. Tsúfɛ megyí Israelfɔ ámu fɛ́é gyí Israelfɔ onutónutó. ⁷ Megyí Abraham abí fɛ́é gyí mɔ abí onutó. Tsúfɛ Bulu lébláa Abraham ɔ́bɛɛ, “Isaktɔ́ fú abí-aná bédalu tsu.” ⁸ Inɪ lósuná ání megyí ahá ání bɔ́tsú Abraham abí fɛ́étɔ́ gyí Bulu ahá. Abraham abí-aná ámuú Bulu léhíe há mɔ amɔ nkɔle gyí Bulu ahá. ⁹ Tsúfɛ

tṣá Bulu léhiε Abraham gyí, “Néyinkí bá ofiébá seεεbre. Néba a, fú ká Sara lakwí obiyímbi.”

¹⁰ Megyí iní wole. Rebeka lókwí atabí há aní náin Isak. ¹¹ Táme bréá omakónyá kwí amó, abudan bi yilé ntée lalahebwε á, Bulu lébláa Rebeka amó iwí asón. Bulu lóbwε mó ali, méni íbósuná aní aní okpa ámóú ototsun móúsú hε ahá ámu imená aní bwehésó. Mboún ina mu nkole pé apé pó aliá otelé mu ahásv. ¹² Asa Rebeka obókwí nyebí ámu a, Bulu lébláa mu obée, “Odehen obósum okosv.” ¹³ Fε aliá bowanlín wá Bulu ason wanlínhé amoto beε, “Ntódwé Yakob don Esau.”

¹⁴ Séi á, nkáli abéblí? Abéblí aniaa, Bulu asón meda okpa lóó? Ekekeke! ¹⁵ Tsúfε Bulu lébláa Mose obée, “Ahá aní nówun amó nwe á, amó nówun nwe. Amóá nahíéá négyi buale a, amó négyi buale.” ¹⁶ Mó sv megyí oha apé ntée mu nsiwa Bulu teki. Mboún mu onutó nwewúun igyi. ¹⁷ Bowanlín wá Bulu ason wanlínhé amoto beε, Bulu lébláa Egypte owíε Farao obée, “Atoku anyo ánfí sv neyai fú iwíε, aliá nótsun fvsu lé mí túmi súná, pó aliá oyító ahá fée bónu mí dá, kanfó mí.” ¹⁸ Iní sv ní Bulu ohíε aní obówun oku nwe á, otowun mu nwe. Ní ohíε aní obéha oku obówa kluntó odwin é á, otéhá mu otówá kluntó odwin.

Bulu Obónya Pó Mv Ahá Nwewúun

¹⁹ Mliε oku obéfité obée, “Ní ali igyi ní mó á, ntogyi sú Bulu dé nyankpusa ipón ha? Ma obétali tin Bulu okpa?” ²⁰ Táme nde mli fité mbée, fógyi ma aní fεle Bulu ílá? Olo obétali fité mu opwepó obée, “Ntogyi sv fapwé mí ali?” ²¹ Aliágyialíá igyi á, ató opwepó tópo obón pwé tṣá odeklé. Obétali pó obón ipin kole pwé nlonyo. Obópu kole bwé oló nu ntsu, kpá nsúó wá koleto.

²² Ali kén igyi há Bulu ní. Obo okpa lé mu obló súná, méni ahá bówun mu túmi. Táme olehiε nyá klon há ahá ámóú olenya obló amósú amv. Teki ulofon aní obéhi amó. ²³ Bulu bu okpa lé mu numnyam kpónkpónti ámu owan ahá ámóú olele yáí aní obówun amó nwe, owa amó numnyam amosv. ²⁴ Anigyí ahá ámóú olele yáí ámu ni. Megyí Yudafó nkuletó olele ahá. Olele ahá aní bomegyí Yudafó akv é. ²⁵ Bulu léblí mu onósú otáípo Hosea owulótó obée, “Néti ahá ámóú teki bomegyí mí ahá ámu mí ahá.

Ahá ámóú teki ntamakle amó asón ámu obóbwe mí adwepó.

²⁶ Otíné ámóú teki nebláa amó mbée, ‘Megyí mí ahá mligyí’ ámu a, unfo néti mbée, ‘Bulu Okiankpapv abí’ ní.”

²⁷ Bulu onósú otáípo Yesaia lókplovn bláa Israelfó obée, “Ní Israelfó bekléi fε opv onó isí kóráá á, amótó ahá kpalobí pé nóhε nkpa. ²⁸ Tsúfε obisav aní Wíε obégyi oyító ahá fée asón, búa mó wankláán.” ²⁹ Tsúfε Bulu onósú otáípo Yesaia légyankpá wanlín wá Bulu ason wanlínhé amoto obée, “Ní mí Wíε Bulu, túmi fée Owíε mési aní abí-aná akv yáí á, teki aní fée abéhi fε Sodom móa Gomorafó.”

Israelfó Bulu Máhogyi

³⁰ Nkáli anidéblí ngya? Anidéblí aniaa, ahá ámóú bomegyí Yudafó ámu bomebo mbódi koku, asa Bulu léha amó asv! Hógyi sú benya mó. ³¹ Táme Israelfó ámóú amó ansí lepe, bode mbla ámosv gyí, Bulu oha amó asv ámu bometali. ³² Ntogyi sv? Tsúfε bomepe ansí pó hógyi dúnká mó. Uobwe amó fε mbla ámosv gyísv Bulu obótsun ha amó asv. Iní sv bosutiin “Ibwi ámóú itelé ahá dá” ámosv dida kpla. ³³ Ibwi ánfí iwí asón bowanlín wá Bulu ason wanlínhé amoto beε, “Bulu obée, ‘Mliki!

Ndepu Ibwi* tswi Sion wuluta.
Aha bɔsutiin ibwi amusu dida.
Peli meekita dhagyidha ani dloho mu gyi.' ”

10

1 Mi apio, ta ntekle mi klonta, pu mpa ani ndebo gyi, Bulu oboho mi aha Israelfo. 2 Netal gyi amu iwi adansi mbe, amu ansi lahie pe Bulusum iwi, tame bomeyin okpa ani botsun musu sum mu wanklaan. 3 Tsufe bomeyin okpa ani Bulu tatsun musu ha aha asu. Mu su beyiri iwi bude amu okpa dunka, menu begyi asu Bulu ansito. Mu al su bomeba iwasi ha okpa amuu Bulu tatsun musu ha aha asu amu. 4 Onokwali amu gyi, Kristo loma Mose Mbla amu fee on. Mu su dhagyidha ani dloho mu gyi obegy asu Bulu ansito.

Nkpaɔɔ Bu Inu Ha Dhagyidha

5 Mose lowanlin tsu dhagyidha ani tekli mbla amu ani musu Bulu obotsun tsu mu ani mu ason da okpa iwi obee, “Dhagyidha ani otegyi mbla amusu obotsun musu nya nkpa.” 6 Tame hogyisu bototsun gyi asu Bulu ansito. Bulu ason wanlinhe amu lebli obee, “Mafite iwi fee, ‘Ma obodu yo ososu?’ ” (Fefite al a, ilosuna ani foyopu Kristo tsua ososu ba.) 7 Ntee fite iwi fee, “Ma obekpli yo osolu ayasi?” (Fefite al a, ilosuna ani foyopu Kristo tsua afulito ba.) 8 Mboun ason ani Bulu ason wanlinhe amu lebli gyi, “Bulu ason amu uma ifo fu wa. Ibo fu onoto, ibo fu klonta dodo.” Ason amu gyi hogyi ason amuu anidibli amu ni. 9 Ni fobwii on bli fee, “Yesu gyi anu Wie,” fopu fu klun fee hogyi ani Bulu lokusa mu tsu afulito a, Bulu oboho fu nkpa. 10 Tsufe klun dha topoho Kristo gyi. Fowun Bulu obotsu mu ani mu ason da okpa. On e dha topubli obee, Yesu gyi mu wie, menu Bulu oboho mu nkpa. 11 Alu ken Bulu ason wanlinhe amu lebli obee, “Peli meekita dhagyidha ani dloho mu gyi ekekeke” ni. 12 Inu su imefahon ani Yudayin foyi, ntee bomegyi Yudayin. Tsufe owie okule pe asi amu fee bubu. Obopu mu yilebwe gyi aha ani bosu kpoli mu fee buale. 13 Alu ken Bulu ason wanlinhe amu lebli obee, “Dhagyidha ani otosu kpoli anu Wie obenya nkpa” ni.

14 Tame nkali betali su kpoli dha ani bomoho mu gyi? Nkali betali ho dha ani bomakonu mu iwi ason gyi? Nkali bonu mu iwi ason ni dhaa meda mu okan suna amu? 15 Nkali betali da mu okan suna amu, ni bomakowa amu? Bulu ason wanlinhe amu lebli obee, “Ihie bu akile ani fowun ani dha oba beda Bulu ason wanklaan okan!” 16 Tame megyi Israelfo fee loho Bulu ason wanklaan amu. Tsufe Bulu onoso otapi Yesaia lowanlin wa mu owuloto obee, “Mi Wie, dhaa moho anu ason blihe amusu gyi.” 17 Tame ason wanklaan amu teha botohogyi. Ina Kristo ason anfi blisu aha botonu mu ason. Mu nu so aha botoho mu gyi.

18 Mbee, be nu bomonu ason amu? Bonu! Tsufe Bulu ason wanlinhe amu lebli obee,
“Amu ome lawie oyito fee,
amu ason e lawie tsutsuutsu.”

19 Ntraa fite. Israelfo bomonu mu ason asi? Mota Mose leblaa amu gyankpapu gyi,
“Bulu obee, ‘Nopu oma ani bomegyi Israelfo wa mli ansipepe.

Noyula oma mimlahe powa mli obl.’ ”

20 Bre bambato a, Yesaia lowa klun blaa amu obee, “Bulu obee,
‘Aha ani bome me mi dunka lementi mi.

Aha ani bomefite miso nele iwi owan suna.’ ”

* 9:33 Ibwi amu gyi Kristo.

21 Táme Israelfɔ ámu mú á, Bulu lébli amó iwɔ asón ɔbéɛ, “Inúá natéi ibɔtɔ bré fée ání nǎhɔ amó atúu ó á, bɔtráa bɔde asɔtɔ-ɔnlɔn wa. Bɔmedé mí bu.”

11

Bulu Israelfɔ Nwewitun

1 Nde mli fité mbée, mú sɔ Bulu lakíná mu onutó ahá léle? O-o! Mí onutó ánfɔ óó Israelyin ngɔi. Abraham abí-anátó notsú. Benyamin abusuantɔ obí ngɔi. 2 Megyí bɛɛ Bulu lakíná mu onutó ahá amóú ɔlele amó yáí ámu. Mlikaun alɔ amóú Bulu ason wanlínhé amó lébli tswɔ ɔbéɛ, Bulu ɔnósú ɔtɔípú Elia lékla Israelfɔ iwɔ asón súná Bulu amusu. 3 ɔbéɛ, “Mí Wíé! Israelfɔ bamó fú ɔnósú atɔípú fée. Babwíé fú afɔdɛ-asubwi é fée. Uasí mí nkɔkónú nkɔle. Bɔdekléá bómɔ mí é.” 4 Bulu léha Elia mbuaɔ ɔbéɛ, “O-o! Megyí fú nkɔle lásí. Tsúfé nalé ahá mpím-sienó (7,000) ání bɔmɔkótswɛ ɔkpɔ Baal* kí há mí iwɔ.” 5 Alɔ igyí nde nke ánfɔtɔ é ní. Bulu lawá awɔtɔle lé Israelfɔ kpalobí akɔ yáí. 6 Ní alawá awɔtɔle lé aha akɔ á, mómó itráa megyí ɔha bwehé sɔ ɔbéle mu. Tsúfé ní una ahá bwehésó mú á, tekɔ mu awɔtɔle amó ilesian.

7 Mú nkálɔ ilegyí? Israelfɔ ibɔ meda itó amóú bɛɛ ansi bɔdedunká ámu. Amótó ahá kpalobí akɔá Bulu léle yáí nkɔle ibɔ léda mú. ɔleha atráhe bɔwa asɔtɔ-ɔnlɔn bréá ɔde ahá ti. 8 Bulu ason wanlínhé amó lébli ɔbéɛ, “Bulu léha ileln amó ɔwólɔ. Mú sɔ bótɔ nde bɔmetálɔ pú amó ansíbi wun ató, pú amó asɔ é nú asón.” 9 Owíe Dawid é lébli ɔbéɛ,

“Amó ɔdwe ogyíkpa íbwée mpósa abɔda mótó. Ibwée agbláa, ikpa kíta amó. Ibwée ima, abɔsrɛɔ dɔda mótó, íbwɛ ísɔbtí ha amó.

10 Ansító iklún amó, ménɔ bɔmétrá wun ató.

Ha abɔtsia ípiantɔ bré fée.”

11 Mú sɔ ntráa ndefíté mbée, Yudafɔ basréi dɔda, bɔmétralɔ trá kɔsú? Ekekeke! Amó lakpan sɔ Bulu lóhɔ ahá ání bɔmegyí Yudafɔ nkpa. Fówun ɔpe amó ansí. 12 Séi á, anɔyin ání Yudafɔ lakpan sɔ ɔmá fée banyá atɔ wankláán. Amó dɔda lawá labi há ahá ání bɔmegyí Yudafɔ. Ní belányá nkpahó mú á, mómó labi ání ahá ání bɔmegyí Yudafɔ bénya ima blító.

Ahá Aní Bɔmegyí Yudafɔ Nkpahó

13 Ahá ání mlumégýí Yudafɔ, mli nde asón ánfɔ bláa ngɔa a. Kristo sumbí ɔɔpú ngɔi. ɔlɔwa mí sumbí mli wá. Mí gymagyihe legyi mí ansí. 14 Fíalɔ nétalɔ há mí ahá Yudafɔ ansí bɛɛ, fówun Bulu obénya ɔkpa hɔ amótó akɔ nkpa. 15 Bréá Bulu lédamlɔ ɔma há Yudafɔ á, leha ɔmá atráhe fée bɔbwe Bulu anyawíe. Ní igyí alɔ mú á, brégyíbréá Bulu ɔbóhɔ amó é á, íbɔbwe fé afúli fée bakósú tsú afúlitɔ.

16 Ní belé tɔkɔtɔ gyankpapɔ há Bulu igyí a, mómó itó ámu fée igyí mu kle. Ní Bulu bú oyí nlin á, idesuná ání oyí ámu abámbi é igyí mu kle. 17 Bekpalí oyí bámbi pú bambá tsá mósú. Yudafɔ gyí oyí ámu. Mli ahá ání mlumégýí Yudafɔ gyí bámbi bambá amóú bapú betsa mósú ámu, ménɔ mlénya oyí ámu tɔ ntsu wankláán ámu kɔ. 18 Mú alɔ sɔ á, mlímákɔ mlíaa mli dɔn oyí ámu onutó abámbi amóú Bulu lékpalí lé ámu. Mlumátsu iwɔ amó ansító, tsúfé oyí ámu nlin tamanu ntsu lé mli tɔ. Mli mbóun tonu ntsu lé mótó pódan.

19 Fíalɔ mli akɔ mléblɔ mlíaa, “Bekpalí abámbi amó, ménɔ anɔ é abénya oyíkpa.” 20 Ibo mótó alɔ. Itsú alíá Israelfɔ bɔmohogyi sɔ Bulu lékpalí amó tsítsá. Mli é mli hógýi sɔ Bulu lapó mli tsá mósú. Mú sɔ mlumáha nwuntɔ

* **11:4** Baal gyí ɔkpɔ ɔkɔá ahá amóú begyankpá tsía ɔsólɔ amusu asa Israelfɔ beba betsiá unu ámu bosúm.

ɪwa mli ɔdwe. Mliha ifú ikita mli. ²¹ Tsúfɛ Israelfɔ á múbɔ bugyi oyí á mú onotó abámbi kóráá bɔbwe lakpan, Bulu lébití amó ɪsɔ, mú mli? ²² Séi á, mlilawun ání Bulu bu awitɔle, táme mu asón bu ɔnlɩ. Ɔbu ɔnlɩ ahá ání badida hógyitɔsɔ. Táme alawá awitɔle há mli. Ɔbɔwa awitɔle há mli ní mli ansí dɩn mɔsɔ. Ní megyí alí á, ɔbébití mli ɪsɔ mli é. ²³ Táme ní Yudafɔ á múbɔ besi mu hógyi amu beyinkí bɔhɔ mu gyi a, Bulu ɔbélapó amó tsá oyí á mɔsɔ. Tsúfɛ ɔbu túmi ání obéyinkía amó tsá. ²⁴ Mli ahá á múbɔ mlímégyí Yudafɔ á mú mú á, oyí laláhe bámbi mlígyí, bɔpɔ mli tsá oyí á mɔsɔ. Teki ima ɪnu alí. Israelfɔ mú á, oyí wankláán á mú onotó abámbi bugyi, bekpálí amó tsítsá. Mú sɔ amó yinkía yi mú yintɪsɔ móɔwa ɔnlɩ há Bulu.

Bulu Towun Ahá Fɛé Nwe

²⁵ Mí apió, asɔn n̄ainhé ku bu ɪnɔ́á ndekléá mlibí, ménɩ mlíméeki mli ɪwɩ ání mliletɩn ansí dubi. Asón á mú gyí, Yudafɔ á mú aku bɔbɔ asɔtɔ-ɔnlɩ. Bɔwa asɔtɔ-ɔnlɩ alu bɔfɔn bréá Bulu lahá ahá ání bomegyí Yudafɔ fɛé baba mu wá. ²⁶ Mó ɔma a, Bulu ɔbɔhɔ Yudafɔ fɛé nkpa. Bulu asón á mú léblí ɔbéé,

“Sion wúlutɔ Nkpa Ɔhópɔ amu ɔbéln tsu.

Ɔbéba beha Yakob abí-aná fɛé bési lalahé bwe.

²⁷ ɪnɩ gyí ntam ání néka há amó bréá néle amó tsú amó lakpantɔ ní.”

²⁸ ɪnɩá Yudafɔ á mú bɔmɔhɔ asɔn wankláán á mɔsɔ gyi sɔ á, bemlí Bulu alupó, ménɩ ɪbɔ́wa labi há mli á múbɔ mlímégyí Yudafɔ á mú. Táme ɪnɩá bugyi ahá ání Bulu léle sɔ a, amó anáin sɔ otekle amó asón. ²⁹ Ní Bulu ɔlé ɔku ntéé ɔpó mu atokiehé há ɔku á, ɔtamatráa tse mu agywun. ³⁰ Bré kutɔ á, mli ání mlímégyí Yudafɔ ání mlímóbu Bulu. Táme séi á, Yudafɔ bɔmedé Bulu bu. Mó sɔ Bulu lawun mli nwe. ³¹ Alí kén Bulu ɔbéba bɔwun Yudafɔ á múbɔ bɔmedé mu bu á mú é nwe fɛ alí alawun mli nwe ní. ³² Tsúfɛ Bulu lótsu mú ání ahá fɛé bɔbɔ asɔtɔ-ɔnlɩ, alí ɪbɔ́bwe obɔ́wun amó fɛé nwe sɔ.

Mliha Akánfɔ Bulu

³³ Ɔo, mliki Bulu awitɔle wɔle! Mu nyánsa pó mu asónbɩ ma ɔka! Ma ɔbétalí bí mu ɔkpa pó mu asóngyítɔ? ³⁴ Bɔwanlín wá Bulu asɔn wanlínhé amɔtɔ beé,

“Ma yín anɩ Wie nwuntɔ?

Ma ɔbétalí súná mu asón? Ɔhaa má ɪnu.

³⁵ Ma lápú tɔku há mu, ɔde ɔkpa kíá ɔbélaka mu ikɔ?”

³⁶ Bulu lóbwé tógyítɔ. Mubó tógyítɔ. Tógyítɔ bu ɪnu há mu. Kanfó ɪbwéé mu kle bré fɛétɔ. Amen!

12

Tsiátá Bɔtɔpɔsum Bulu

¹ ɪnɩá Bulu híé ɔde anɩ nwe wúun alí sɔ á, mí apió, nde mli kokóli mbéé, mlipɔ mli ɪwɩ fɛé ha Bulu mli nkpatɔ. ɪbwéé fɛ igyí aható wankíhé ha mu. ɪnɩ gyí osum ání itsú klɔntɔ, ilegɩ mu ansí ní. ² Mlímáha ɔsulób anɩsɔ atsiábi igyí mli sɔ. Mliha Bulu ɔtse mli agywun, ɪha mli tsiátɔ tse. Fówun mlétalí bí ání Bulu apé bu alé, ɪbu ɔdwe, ɪɔfɔn.

³ Bulu agyómá á múbɔ alawá awitɔle póhá mí á mɔsɔ nde mlitɔ okugyíɔku bláa mbéé, ɔhaa máki mu ɪwɩ dáfá alíá ogyi. Ɔhagyíɔha ɔbá ansí asɩ, ɔki ání ɔmɔdɔn hógyi amóbul Bulu lapóhá mu amu. ⁴ Nyankpɔsa-oyí ɪwɩ ató anɩ fɛé anɩgyí. Ntóbí amɔtɔ kugyíku bu mó gyɔma ání itegyí nyankpɔsa-oyí á mɔsɔ. ⁵ Alí kén ɪbu mútɔ ání anɩtsó, táme anɩ Kristonyɔ anilabwé ɔsulób

okole ni. Mú su anigí ntabí ɔtsan-ɔtsan ání anítsátsáa abasu, anilóbwe ɔyulú okole amu. ⁶ Bulu atokiehé ámú ɔleha aní ámu ina ɔtsan-ɔtsan. Ilehían ání aní fée abópu mu atokiehé ámu yó agyómá ató ámú ɔleha aní ámu ɔnó. Mú su ní ɔku atokiehé gyí Bulu ɔnó asónblí á, ɔhá ámu ɔbwée mú alíá mu hógyi losuná mu. ⁷ Ní ɔku klé gyí mu aba ahógyipu buá a, ɔbúa amó. Ní ɔku klé gyí ató suná á, osúna mú. ⁸ Ní ɔku klé gyí ahá ateto-ɔnlun wa á, ɔwá ahá ateto-ɔnlun. Ní ɔku é klé gyí ató kie á, ɔlé iwitɔ okie mú. Ní ɔku klé gyí ahá ɔnó lí á, ɔwáa nsi ɔbwe mú. Ní ɔku klé é gyí ahá nwe wúun a, ɔbwée mú ɔdwetɔ.

⁹ Mlidwe ahá tsu mli klontɔ. Mlikisi lalahé kugyíku. Mlikita yilébwetɔ kinkíinkín. ¹⁰ Mliha mli ansí ipɛ mli aba Akristofó dwesu, amlibu aba wankláán. ¹¹ Mlimáha mli nsiwa bwé ató ɔnó iba asi. Mliha ɔɣe Wankíhé amu ɔwa mli ɔwonlín, amlisum aní Wíe. ¹² Mli ɔkpakí amu su mlyná ansigyí, amlilu kínkín mli ipiantɔ. Mlibɔ mpái bré féétɔ. ¹³ Mlibua mli aba Bulu ahá ání bubu ikplántɔ. Mliyiri iwí hɔ afó.

¹⁴ Mliyula ahá ání buɔɔn mliwu. Mliyula amó, mlimálwí amó. ¹⁵ Ní aku buɔe ansigyí nya á, mliá amónyɔ mlyná ansigyí. Ní aku buɔesú é á, mliá amónyɔ mliwu. ¹⁶ Mli fée mliɔsia wankláán. Mlimátsu iwí. Mlipu iwí manta ahá ání ahá buɔtamabú amó. Mlimákí mli iwí ání mliɔn aku.

¹⁷ Ní ɔku ɔpó lalahé gyi mli á, mlimápu lalahé ká mu ikɔ. Mlibɔ mbóɔí amlibwe tóá ibu aléá ahá fée bótsulá dínká mósó. ¹⁸ Alíagyíalíá igyi mli mú á, iwílwí itsia mliá ɔhagyíɔha nsuné. ¹⁹ Mí apíó adwɛpú, mlimápu lalahé ká mli aba ikɔ. Mliɔi tógyítɔ ha Bulu. Tsúfɛ bɔwanlín wá Bulu asón ámɔtɔ beɛ, “Bulu ɔbéɛ, ‘Mí, mli Wíe téká ikɔ. Mí ɔbéka ahá akɔ amó lakpan su.’ ” ²⁰ Bulu asun wanlínhé létra blí ɔbéɛ, “Ní akún de fú olupó á, ha mu ató ogyi. Ní ɔmewóli de mu a, ha mu ntsu onu. Ní ɔbwé mú alí á, ibéha péli békítá mu ɔbétse.”* ²¹ Mlimáha lalahé igyi mliwu, mboún mlibwe yilé pógyi lalahesu.

13

Iwiasíá Ha ɔmá Akpapó

¹ Ilehían ání ɔhagyíɔha ɔbéba iwiasí há ɔmá akpapó. Tsúfɛ Bulu téhá ɔmá akpapó túmi. ɔmá akpapó ɔkoku má iwá megyí Bulu léyaí mu. ² Iní su ní ɔku ɔkósó líí ɔmá akpapó ɔkusu á, alakósó líí Bulu túmisu. Mú su ɔhá ámu dé iwíbití klé ha iwí. ³ Tsúfɛ ɔmá akpapó buɔmegyá yilé abwɛpú, lalahé abwɛpú bugya. Mú su ní buɔmedéklea funyáa ɔmá akpapó ifú á, múmú bwe yilé abukanfu fú. ⁴ Bulu osúmbi ɔhagyíɔha ání bapó mu yáí ɔmá ɔnó gyí. Mli yilé su buɔe agyómá yɔ. Táme ní ɔku dé lalahé bwe á, múmú obénya amó ifú, tsúfɛ buɔbu ɔkpa bítí ahá isu. Bulu asúmbi bugyi, ɔleha amó ɔkpa ání buɔbití lalahé abwɛpú isu ha mu. ⁵ Iní su ɔhagyíɔha ɔbá iwiasí ha ɔmá akpapó. Megyí beɛ buɔe ifú nya ání bébití amó isu nkole su. Mboún amó klɔn dé amó bláa ɔbéɛ, ilehían ání bóbu amó.

⁶ Iní kén só ilehían ání mléka tswitswí é ní. Bulu asúmbi ɔmá akpapó bugyi. Bapó amó bré fée buɔe ɔmáású kí. ⁷ Mlika ikɔ kugyíkuá idin mliwu. Mlika tswitswí múa lampóo. Obú ɔkpasu á, mlibu amó fée. Ní igyi kanfú é á, mlikanfú amó fée.

Abadwe

⁸ Mlimákítá ɔhaa ikɔ dun mli abadwe. Ní ɔku dé mu aba dwe á, ɔde mbla ámu féesú gyí. ⁹ Mose Mbla ámu léblí ɔbéɛ, “Mátɔ mbua.” “Mámɔ ɔha.” “Máwí ató.” “Mápe ansí fú ba atósú.” Iní pú mbla tráhe amu fée nwun gyí

* 12:20 Igyi fée fakpá ogyá wóli mu ɔtantra.

mbla kule á múú ìlèblí òbée, “Dwè fú bá fè fú iwí” á mú. ¹⁰ Ní òkú dé mú ba dwè á, òmòòpú lalàhè gyí mú èkèkèkè. Iní sù òhá ání òtòdwè mú aba lagyi mbla á mú féesú.

¹¹ Mlí onutó mlýin bré oduátó anubv. Bré lafòn ání mlétsinkí, tsúfè aní nkpahóo lafòn ta òn bré á múú anulégyankpá hò Kristo gyí amv. ¹² Onyé òtèsúòv, òyí lake ta. Mó sù mliha así oklúntò bwehé fées bwe, atsu aní òyí kehètò akòtò tsan. ¹³ Mliha aní tsíátó ibwe fè ahá ání butsie wankítò. Mlímáha ayinta aní bré yetsiá òdwè ogyíkpa, anidé atò òdédé gyí, anidé ntá núu bv. Anímáwa atsi móa ayin asún. Anímáwa ònsípe, anímátre kó. ¹⁴ Mboún mlípú aní Wíe Yesu Kristo tin mlí iwí. Mlímátrá tsíá tsíátó dada amóú mlí òwólí laláhe tekle amv.

14

Akristofɔ Ilále Ɔkpa Laláhesu

¹ Mliho mlí aba Akristofá buma òwònlín hògyitò wa mlitò. Ní bée tòkú bv alé ntée ima alé a, mlímágyi amú nwéén. ² Ɔkú lóhogyi ání òbv òkpa gyí tógyító, táme òkú é hògyi ònó ima ònlín. Mó sù òtamagyi iye. ³ Ɔkpa má uná òhá ání otegyi tógyító òbéle òhá ání òtamagyi tòkú ilá. Alí kén òhá ání òtamagyi tòkú é òmále òhá ání otegyi tógyító ilá ní. Tsúfè Bulu lahò amó. ⁴ Fúgyi ma ání fèha òkú osúmí pón? Mv wie nkòle pé búb òkpa ání òbéblí òbée, òtsie wankláán ntée òmetsie wankláán. Ɔbétalí tsíá wankláán, tsúfè Bulu òbétalí há mv òbétisiá wankláán.

⁵ Ɔkú òbétalí blí òbée, èkè kú òn mó aba, òkú é òbéblí òbée nke á mú fées igyi kule. Ɔhagyiáha òyó mv klúntò wankláán, òtsu móá ibv alé. ⁶ Ní òkú òlé èkè òkú òbée igyi èkè yílé á, òde mósó gyí pútsú Bulu fúá. Ní òkú é tegyi tógyító á, òde mó gyí pútsú aní Wíe fúá. Ní òkú é tamagyi iye a, mv é òde mó kísi pútsú aní Wíe fúá. Tsúfè amú fées butedá Bulu ipán mósó. ⁷ Anitò òhaa métsie nkpa há mv iwí, anitò òkòkú é móowu há mv iwí. ⁸ Ní anitsie nkpa á, anitsie ha aní Wíe. Awú é á, anilawú há mv. Mó sù ní anilawú o, anitsie nkpa o, aní Wíe bó aní. ⁹ Tsúfè Kristo lówu, yínkí kósó ba nkpatò, méni òbóbwe akiankparv pú awupú fées Owíe. ¹⁰ Iní sù imehián ání fèha fú bá ipón ntée fèkí fú bá ansítò kótíkótí. Tsúfè aní fées abéyélí Bulu ansítò, òbégyi anitò okugyiáòkú asún. ¹¹ Bòwanlín wá Bulu asún ámòtò bée, “Aní Wíe Bulu òbée,

‘Nanyá mv nkpa ánfí á,

òhagyiáha òbéda akpawunu mí ansítò;

òhagyiáha òbéle blí òbée, Bulu ngyi.’ ”

¹² Mó sù anitò okugyiáòkú òbéle mv asún ònó Bulu ansítò.

Máha Fú Bá Ɔdida Mv Hógyitò

¹³ Mó sù mliha así aba ilá le. Mboún abwéé agywun ání anímòòbwe tòtòá òbéha aní bá òkòkú méèsrèí ntée òdida. ¹⁴ Séí òniá namlí Okristoyin sù nabí ání atogyihe kòkú má uná mv iwí metín. Táme ní Kristoyin òkú lóhogyi ání tòkú iwí metín a, mó móú mv wá mó iwí metín. ¹⁵ Ní fótègyi tòkú, òde fú bá háan a, mó móú fú bwehé medé òdwè suná. Máha fú atogyihe iha fú bá ání Kristo lówu há mv òfwí. ¹⁶ Mó sù máha tóá fuyin ání ibv alé ibwe tsitsa ahá ansítò. ¹⁷ Tsúfè Bulu iwíegyi á mú imegyi atogyihe ntée atonuhe asún, mboún yilébwe, iwílwíi pú ansigyi ání itsú Ɔhe Wankíhé amòtò asún igyi. ¹⁸ Ɔhagyiáha ání otosúm Kristo òkpa ánfisv á, mv asún tegyi Bulu ansí. Ahá é butobú mv.

¹⁹ Ɔni sɔ mliha anɔ anɔ ɔpe tɔ́á ɔbɔpu iwilwii ba, ɔbɔwa apíó aba ɔwonlín hógyitɔsɔ brégyibré. ²⁰ Máyintá Bulu gyumagyihe fɔ atogyihe sɔ. Ɔkpa bu inɔ́ á abétalí gyi tógyítɔ́, táme ní ɔku dé tɔ́á ɔbéha mu ba ɔbɔbwe lakpan bwe mú á, uma alé. ²¹ Ní ɔku tamagyi iye ku, ntée nu ntá ntée bwé tɔ́á ɔbéha mu ba ɔbédida á, ɔbu alé. ²² Mó sɔ tógyítá fohogyi tsu ntobí ánfɔ ɔwɔ á, ha mú ɔbwe fɔ́á fɔ́ Bulunyɔ nsiné asón. Ní ɔku opúni medé mu tsíi mu bwehésú á, múmó ɔkláa lawá mu ogyá. ²³ Táme ní mu klɔn medí mu asɔ mu atogyihe ku gyi sɔ, ogyi mú á, Bulu lahá mu ɔpón dodoodo. Tsúfɛ mu ató ámu gyí melíí hógyisɔ. Tógyítá ɔha mɔpu hógyi bwé igyi lakpan.

15

Ahá Ansísó Ató Bwe

¹ Ɔlehián ání anɔ ahá ání anɔ hógyi ɔnɔ bu ɔnlɔn abénya klɔn há ahá ání amó hógyi ɔnɔ uma ɔnlɔn. Megyí tɔ́á ɔletsíá anɔ wɔle ɔbɔbwe. ² Ɔlehián ání anɔ ɔkugyíɔku ɔbɔbwe tɔ́á ɔbu alé há mu ba, ménɔ ɔbéha mu ɔbédan hógyitɔ́. ³ Tsúfɛ Kristo kúráá mɔbwe tɔ́á mu onutó otekle. Mu ɔwɔ asón bɔwanlín wá Bulu asón ámɔtɔ beɛ, “Asiabí ámú besia fɔ ámu fɛé ɔlebedunká mísú.” ⁴ Asón kugyíkúá bɔwanlín wá Bulu asón wanlínhé amɔtɔ tsú tɔ́tɔ́ a, bɔwanlín mú ání ɔbósuná anɔ ató, wá anɔ atetɔ-ɔnlɔn, atomi lu kínkíínkín. Fówun abénya klɔn kí ɔkpa ha ató ámú anɔ ansí dɔn mú sú ámu. ⁵ Bulu téhá ahá bɔtenyá klɔn. Mutówá ahá atetɔ-ɔnlɔn. Nde mu kulí mbéɛ, ɔhá amlɔbwe kɔle, fɛ alhá Kristo Yesu lósuná anɔ. ⁶ Ɔni ɔbéha mli fɛé mlɔpu ɔme kɔle kánfó Bulu, ogyi anɔ Wíe Yesu Kristo mu Sɔ ámu ní.

Ahá Aní Bɔmegyi Yudafɔ Asɔn Wankláán Bláa

⁷ Ɔni sɔ mliha aba atúu fɛ alhá Kristo lóhɔ mli, ménɔ ɔbɔwa Bulu numnyam. ⁸ Tsúfɛ nde mli bláa mbéɛ, Kristo labwé Yudafɔ osúmpú, ménɔ ɔbósuná ání Bulu obégyi mu tó ámú ɔlehu amó anáin amɔsɔ. ⁹ Kristo léba, ménɔ ahá ání bɔmegyí Yudafɔ bétɔ Bulu ɔdayilé, nwe ámú ɔlowun amó ámu sɔ. Fɛ alhá Bulu asón wanlínhé amɔ ɔleblí. Asón ámu gyí, “Anɔ Wíe Bulu, ɔni sɔ nɔ́wa fɔ́ numnyam ahá ání bɔmegyí Yudafɔ ansítɔ.

Nówa ɔbu kánfó fɔ́.”

¹⁰ Bulu asón ámu létrá blí ɔbéɛ,

“Mli ahá ání mli mégyí Yudafɔ, mliha Bulu ahá mli nya ansigyí!”

¹¹ Betrá wanlín beɛ,

“Ahá ání mli mégyí Yudafɔ fɛé, mli kanfɔ anɔ Wíe Bulu.

Ɔmá fɛé abí, mli kanfɔ mu.”

¹² Bulu ɔnɔ́sú ɔtɔ́pú Yesaia é léblí tswɔ ɔbéɛ,

“Ɔha ɔku ɔbéln tsu anɔ náin Yisai* abí-anátɔ.

Mu obébegyi iwíe ahá ání bɔmegyí Yudafɔsɔ ní.

Mú sú bédunká ansí ní.”

¹³ Buluá bɔtekti ɔkpa há ogyi. Nde mu kokóli mbéɛ, ɔhá ɔwɔ lwii mli, ansí igyí mli amlɔhɔ mu gyi. Mu Ɔhe Wankíhé ɔháa mli túmi, ménɔ mu ɔkpakú mɔ́kpan mli.

Tɔ́á Svá Paulo Léle Ɔwɔtɔ Wánlín Ató Alí

¹⁴ Mí apíó Akristofɔ, mí onutó nhíé nyin ání aha wankláán mlgyí, mli labí asón tsɔtsɔtsɔ, mlétalí tɔ́i kplá aba. ¹⁵ Táme nawá klɔn nhíé nde mli asón bláa ɔwɔlɔ ánfɔtɔ pókáin mli. Tsúfɛ Bulu lawá awitɔle pú agyómá ánfɔ wá mí ɔbitɔ ɔbéɛ mbwéɛ. ¹⁶ Múgyí, mbɔbwe Kristo Yesu osúmbi ahá ání bɔmegyí Yudafɔtɔ. Mó sɔ nde osum agyómá ánfɔ yɔ́ fɛ Bulu igyí ɔhapú. Nde

* 15:12 Yisai lókwíí Owíe Dawid ání ogyi Yesu Kristo mu nain.

ahá ámóú bomegyí Yudafo ámu Bulu ason wankláán ámu bláa, méní bémlí igyí aható ání Ɔhe Wankíhé latin mó iwí, ilegyi Bulu ansí. ¹⁷ Iníá míá Kristo Yesunyɔ anilabwé kole sɔ á, mbu ɔkpa tsú iwí agyómá ánfí ndeyɔ há Bulu ánfí sɔ. ¹⁸ Tsúfɛ mmɛetalí blí asvansɔ tsía atɔ́á Kristo latsun mí ason blíhé pú mí bwehésú bwé ahá ání bomegyí Yudafo, méní bóbu Bulu. ¹⁹ Ina ofúla móa osúna amóú nɔbwe Bulu Ɔhe ámu túmitɔ ámusɔv netalí dá Kristo ason wankláán ámu fɛé ɔkan, tsú Yerusalem alu yédalí Iliriko ɔsulósv. ²⁰ Tɔ́á idin mí klonsɔ bré fɛé, ndekléá nóbwe gyí, nénatí dá Bulu ason wankláán ámu ɔkan ntínéá bómákónyá nú Kristo asón kí. Mmedékléá nótúá ɔku gymagyihe sɔ. ²¹ Tsúfɛ bəwanlín wá Bulu asón ámvɔ bɛɛ,
 “Ahá ání bómákónú mv nka kí bówun mv,
 áhá ání bómákónú mv asón kí é bónu mó así.”

Paulo Roma Ɔpasua Yésinda

²² Iní láhá mmákónyá ɔkpa ba mlí wá bətv nde ní. ²³ Táme séi mó á, mí agyómá lamó ɔnó nfi fónsú. Nfi tsətsətsə ní ndekléá néba mlí wá beki mlí. ²⁴ Mó sɔ nabwé agywun ání ní ndetsúvun nɔyó Spania a, nótson kí mlí. Agyi ɔdwe kpalobí á, mlílasi mí ɔkpa nayó mv. ²⁵ Séi á, nabwé agywun ání négyankpá yó Yerusalem, yóbvɔ́á Bulu ahá ání bəbv mv. ²⁶ Tsúfɛ Akristofɔ́á bəbv Makedonia pú Akaia ɔsulósv bapú ɔdwe dúnká ató bɔdɛpúsísi Bulu ahá ání bvgyi ahíánfɔ Yerusalem. ²⁷ Ibv amó ɔdwe ání bóbvɔ́á ahíánfɔ. Bawun ání ilehián ání bóbvɔ́á Yudafo é ká ikɔ. Tsúfɛ banyá Ɔhétó ató, nú nkpahó́v asón ámu tsú amó wá. Mó sɔ ilehián ání bódunká ɔyító ató kv há amó é. ²⁸ Ní nɔpó kóba ání bətswitswí ha mí fɛé wá amó ibitɔ á, nóbətsvun mlí wá yó Spania. ²⁹ Nyin ání ní nehá á, nópɔ Kristo oyúla kɔnkpəɔnkpəntí ba mlí.

³⁰ Mí apíó adwepú, ndɛpv aní Wíe Yesu Kristo pú ɔdweá Bulu Ɔhe lahá mlí há mlí aba kókólí mlí mbéɛ, mlílí mí ɔma, amlíbɔ mpáí ha mv kínkíínkín. ³¹ Mlívɔ mpáí mlíaa, Bulu ɔléɛ mí tsu Yudafo ámóú bóməhɔ mv gyi amv ibitɔ. Mlívɔ ha mv, Bulu ahá ání bəbv Yerusalem mv abəhɔ ató ámóú napó neya amó ámv. ³² Fówun ní Bulu lótsulá á, néba mlí wá ansigyí kɔnkpəɔnkpəntitɔ, beda ɔkpónú. ³³ Buluá ɔtéhá iwílwí, otsía mlí fɛé wá. Amen!

16

Itsíahá

¹ Nde opio tshé Foibe le súná mlí. Kenkrea wúluto ɔpasuatɔ ahandɛ ɔbvápv ogyi. ² Mlívɔ mv aní Wíe Yesu dátó alíá ulékanáa ání Bulu ahá bóbwe, amlívɔa mv ɔkpagyíɔkpasu alíá odeklé. Tsúfɛ mv onutó alabúá ahá tsətsətsə, alabúá mv é.

³ Nehá Priska mvɔa mv kulu Akwila fɛé tsía. Mía amónyɔ létsiá bwé aní Wíe Kristo Yesu agyómá. ⁴ Bəpv amó iwí há ání bówu mí sv kúráá. Nde amó ipán da wankláán. Megyí mí nkule. Akristofɔ́á bomegyí Yudafo ɔpasua fɛé bɔde amó ipán da. ⁵ Nehá ɔpasua ámóú betsiá fia amó wóyító ámv é fɛé tsía.

Nehá mí ɔdwepú Epaineto tsía. Mólégyankpá hɔ Kristo Asia ɔmátó fɛé ní. ⁶ Nehá Maria ámóú olowun ipian mlí sv ámv tsía. ⁷ Nehá mí aba Yudafo Androniko mvɔa Yunia tsía. Bawá mía amónyɔ obu kí. Bvgyi Kristo sumbí ayópú ání obú bv amósú. Begyankpá hɔ Kristo asa natá bəhɔ.

⁸ Nehá mí pío ɔdwepú Kristotɔ Amplia tsía. ⁹ Nehá aní Kristo agyómá ɔvɔ́bá Urbano mvɔa mí nyáwíe kláklá Staki tsía. ¹⁰ Nehá Apele amóú alalé súná wankláán ání alapó mv iwí há Kristo amv mvɔa Aristobulo abusuanfɔ

fě́é tsiá. ¹¹ Nɛhá mí bá Yudayin Herodion tsiá. Nɛhá Narkiso abusuanfɔ ání bɔgyi Akristofɔ tsiá.

¹² Nɛhá Trifaina mɔa Trifosa, bɔgyi atsi á múú bɔde Kristo agyómátó kinkíínkín ámu tsiá. Nɛhá mí ɔdwɛpú tsihé Persi, ɔde Kristo agyómá yɔ kinkíínkín ámu é tsiá. ¹³ Nɛhá Rufo mɔa mu yin á múú mí é ntɛtí mu mí yín ámu tsiá. Rufo gyí aní Wíe agyómá ɔyɔpú ání alahɔ dá agyómá ámuɔ.

¹⁴ Nɛhá Asinkrito, Flegon, Herme, Patroba, Herma pú apíó Akristofɔ á múú bɔbɔ amó wá ámu fě́é tsiá. ¹⁵ Nɛhá Filologo, Yulia pú Nereo mɔa mu pio tsihé pú Olimpa mɔa Bulu ahá á múú bɔbɔ amó wá ámu fě́é tsiá.

¹⁶ Mlilata aba puta Bulu ɔdwɛɔ. Kristo ɔpasua ámu fě́é bɔde mli tsiá ha.

Tɔ́á Roma Ahógyipu Amu Bɔbwéɛ

¹⁷ Apíó, nokókóli mli, mlikɩ wankláán, ménɩ mlétalí wun ahá ání bɔbɔ mliɔ, bɔde mli dasáin. Alɩ ahá ámu bɔtɛhá ahá bɔtɛɔɔda hógýitɔ. Amó atosunáhé tɛdá mú á múú noşuná mli ámu mú. Mlikula iwɩ le amósó.

¹⁸ Tsífé ahá ámu odu á, megyí aní Wíe Yesu Kristo budesúm. Amó ɔwólɩ laláhe budesúm. Bapú amó ɔnɔwankɩ pú ahákanfɔ bɔna bɔde ahá ání bɔmeyín ɔlala mlé. ¹⁹ Táme mli mú á, ɔhagyíɔha lanú alíá mliɔpú mli iwɩ há Kristo. Mú sɔ ɩbɔ mɩ ɔdwɛ, ansí de mí gyi wankláán mli sɔ. Táme ndekléá mliɩn ansí, amlɩbɩ tɔ́á ɩbɔ alé. Mlimáwa ɩbɩ lalahɛɔ. ²⁰ Bulu téhá aní iwílwii. Imóɔwa ɔpá á, ɔbétsa Satansɔ mántá ɔsolóv tántáántán, mlélí mɔsɔ.

Aní Wíe Yesu Kristo ogyíi mli bɔale, ɔlu mli ɔma.

²¹ Mí bá agyómá ɔyɔpú Timoteo dé mli tsiá ha. Alí mí aba Yudaɔ Lukio mɔa Yason pú Sosipatro é bɔde mli tsiá ha ní.

²² Mí mli pío Okristoyin Tertio ání nɔwanlín ɔwoló ánfɩ há Paulo, nde mli tsiá ha.

²³⁻²⁴ Mí wóyí mu wie Gaio amúú ɔpasua á múú bɔtɛfia mu wóyító amu dé mli tsiá ha. Erasto, ogyi wúlu kóbasɔ ɔkípu mɔa aní pío Kwartɔ é behá mli tsiá.*

Paulo Bulu Kanfɔ

²⁵ Mliha akanfɔ aní Bulu! Mu ɔbétalí tsɔn Yesu Kristo asón amóú nablí ámu sɔ há mlélí kinkíínkín hógýitɔ. ɔlɔpɔ ɔnɔkwali anfi nájín tsú ɔyí ɔpá.

²⁶ Séi mú á, alatsɔn mu ɔnósó atɔípú amu atɔ wanlínhésɔ lé mú ɔwan. Fé alíá Buluá ɔbɔ ɩnɔ bré fě́étó lahá ɔmá-ɔmá babí mú, ménɩ ahá fě́é bóhɔ mu gyi, bú mu.

²⁷ Bulu nkɔle gyí Bulu. Mu nkɔle bóv nyánsa. Numnyam ání ɩlekanáa ɩtsɔvɔn aní Wíe Yesu sɔ ɩtɔ mu bré fě́étó. Amen!

* **16:23-24** Mótó yée 24 bɔ nwaló dada amu akotɔ: Aní Wíe Yesu Kristo ɔwáa awitɔle ha mli fě́é. Amen!

ᾠωολύ Gyankpapwá Paulo Lówanlín Sísí Korintofó

¹ Mí Kristo Yesu sumbí ᾠωopó Paulo ání Bulu létí mu apétó pú aní pío Sostene dé ᾠωooló ánfí wanlín.

² Anidé mó wanlín sísí Bulu ᾠpasua ání ibu Korinto wúlutó, Bulu lalé amó, bwé amó mu ahá. Amówa Kristo Yesu babwé kole, fée aní Wíe Yesu Kristo asúmpwá bubu ᾠyító fée, Yesu Kristo gyí aní fée Owíe.

³ Aní Sí Bulu mwa aní Wíe Yesu Kristo bugyí mli bwaé, abuha mli iwilwii.

Ania Kristo Iklebweo Oyúla

⁴ Ntedá Bulu pán brégyíbré, ahá mliwa Kristo Yesu kolebwe su alawá awítale há mli. ⁵ Tsúfée mó su mlilanyá iwí tógyítótó. Móá idon gyí mli tóí pú mli asónbí féeétó. ⁶ Iní lasúná ání asón amóú anulébláa mli tsú Kristo iwí ámu bu móótó. ⁷ Iní su ᾠyétó atokiehé kugyíku medé mli hián séi ánfí mlihié mli dé ekeá aní Wíe Yesu Kristo obótsu esúsó ba beé iwí ᾠwan okpa kí anfi. ⁸ Mu onutó obówa mli ᾠwonlín yófon eke amóú obésankí bá begyi aní asón ámu, méní aswanso méetsiá mli iwí. ⁹ ᾠnəkwalipw Bulu gyí. Muletí mli obée, mliwa mu Bi, ogyi aní Wíe Yesu Kristonyo mli bóbwe kole.

ᾠpasua Amwto Iklembwé

¹⁰ Apío, nᾠpó aní Wíe Yesu Kristo kókóli mli ání mli fée mli bwée kole, méní mli mēēdasáin. Mliwa mli agywun ibwe kole mli ason blíhé kugyíkwto. ¹¹ Mí apío, tóá soá nde asón ánfí blí gyí, akwá botsú Kloe abusuanto babláa mi beé, asón bubu mli nsiné. ¹² Beblí beé, mliwto akw mliwa, “Paulo anibuo.” Abambá beé, “Apolo anibuo.” Akw é beé, “Petro, butetráa ti mu Kefa anibuo.” Akw é beé, “Kristo anibuo.” ¹³ Nfite mli, beye Kristotó? Paulo beda mántá oyikpalíhe amwso há mli, ntée mu dátó bōbo mli asú?

¹⁴ Nedá Bulu ipán ání Gaio mwa Krispu ᾠma a, mmetrá bō mliwto okoku asú. ¹⁵ Mó su ᾠhaa méetalí blí obée, mí idátó nōbo mu asú. ¹⁶ Ké! Nakáin, nōbo Stefana mwa mu wóyító ahá é asú. Amó ᾠma a, mmeekáin ání netrá bō ᾠhaa asú. ¹⁷ Kristo mówa mí ahá asúbō. Mboún obée, mbedá ason wankláán ámu okan. Megyi ᾠnōwanki pú anyánpōsa agywun nōpublí mó, tsúfée ní nᾠpó mó blí mó á, túmi kōkōwku iméetrá tsíá Kristo oyikpalíhe amwto.

Bulu Túmi Pó Mu Nyánsa

¹⁸ Aní Wíe Yesu oyikpalíheso lowu iwí asón ámu igyi mimlála há ahá ání bōdehi. Táme igyi Bulu túmi há aní ahá ání Bulu dé nkpa ání itamatá ha. ¹⁹ Tsúfée bōwanlín wá Bulu asón amwto beé, “Néyintá anyansapw nyánsa.

Mmóᾠhō amó agywun wankláán kōko.”

²⁰ Ní igyi ah á, mó mó ntō onyansapw gyí? Ntō Mose mbli osunápó gyí? ᾠyí ánfito nwēen agyíró me? ᾠyító ansitún mé, imegyí mimlála Bulu ansító?

²¹ Bulu lópw mu onutó nyánsa bwé mó. Nyankpōsa méetalí pú mu nyánsa bí mu ekekeke. Mó su alapó aní mimlá okan amóú anidéda ámu hō ahá ání bahō mu gyi nkpa. ²² Tsúfée osúna ání itsú Bulu wá Yudafo butekleá bōpubí ání asón ámu bu móótó. Griikifó é á, nyánsa butekleá bōpubí ání ibu móótó. ²³ Mó su ní adá okan aniaa, beda Kristo mántá oyikpalíhesu á, itókósú lí Yudafo, igyi mimlála ᾠmá bāmbásófo é ansító. ²⁴ Táme ahá ání Bulu lalé, bugyi Yudafo pú Griikifó mó á, Kristo gyí Bulu túmi kōnpōnti pú

mu nyansa há amó. ²⁵ Tsúfě Bulu mimlála igyi ansítínla don nyankpɔsa nyansa. Mu pón é kóráá don nyankpɔsa ɔwɔnlín.

²⁶ Apíó, mlíkain alíá mlígyí bréá Bulu létí mli. Ahá butamabú mli ɔdɔdɔ ání mlíétun ansí. Mli ɔdɔdɔ mlímégýí iwí anyapó, ɔdɔdɔ é bɔmotsú abusuan kpliklito. ²⁷ Bulu léle ahá ání bɔma nyansa ɔyí ánfito, méní ɔbópu amó sɔpa atiansipɔ. Ɔlele ɔyí ánfito apónpu é, méní ɔbópu amó wá awɔnlínpu pélito. ²⁸ Ɔlele ahá ání obú ma amósú, pú amóá bɔma labi kɔku ɔyí ánfito, méní ɔbópu amó wá amóá obú bu amósú pélito. ²⁹ Ɔɔbwe mó fěé alí, méní ɔhaa móotsu iwí mu ansító. ³⁰ Bulu sɔ mlíá Kristo Yesunyo mlilabwé kɔle, alapú Kristo bwé aní nyansa. Mólátsú aní ání aní asón da ɔkpa mu ansító, alabwé aní mu ahá. Alahɔ aní lé lakpan nkɔpábitɔ, há anilagyi iwí. ³¹ Mó sɔ fě alíá Bulu asón ámu léblí á, “Ɔhagýíɔha ání ɔbée, mótsu iwí á, ɔpóu tóá aní Wíe labwé tsu iwí.”

2

Kristo Da Mántá Oyikpalíhesu

¹ Mí apíó, bréá neba beda Bulu asɔn ñaínhé amɔ ɔkan súná mli á, mmɔpu ɔnɔwanki ntée nyansa kɔku bebláa mli Bulu asón ámu. ² Tsúfě bréá mbu mli wá á, nɔbwe agywun ání nótóí tsú Yesu Kristo pú mu oyikpalíhesu lowu nkɔle iwí. ³ Bréá neba a, mí awútó yóyóyó. Ifú de mí, ndekpinkí. ⁴ Megýí mí nyansa pú mí ɔnɔwanki nɔpɔdá asón ámu ɔkan súná mli. Mbóún Ɔhé Wankíhé amɔ túmí léha asón ámu lɔwankí mli. ⁵ Ileba alí, méní mlénýa mli hógýí tsú Bulu túmitɔ, megýí nyankpɔsa nyánsatɔ.

Bulu Nyansa

⁶ Táme ní nowíe ahá ání badan hógýí amɔtɔ wá á, ntɔpó Bulu nyansa bláa amó asón amó. Megýí nde ɔyí kehetɔ nyansa, ntée ɔyí ánfito isɔ agýípú ání béba bohólú amó túmí klé. ⁷ Nyansa ánfí anidé mó iwí asón blí ánfí igyi nyansa ání Bulu lópuñáín asa ɔyí lebelun, ání ɔbópuwá aní numnyam. ⁸ Ɔyí ánfito otúmípu ɔkɔku mébú nyansa ánfí. Ní bebí mó á, tekí bɔmɔda aní Wíe Onumnyampɔ amɔ mántá oyikpalíhesu. ⁹ Táme fě alíá bɔwanlín wá Bulu asón ámu á,

“Tóá ansíbi makówun kí, asu mókónú kí,
má kóba nyankpɔsa agywuntɔ é kí a,
mó Bulu lalá yáí há mu adwepó ní.”

¹⁰ Táme anlabí ín, tsúfě alalé mó súná aní tson mu Ɔhé Wankíhé amɔsu. Ɔhé ámu tokwí tógýítótó kí, ɔtelé Bulu asɔn ñaínhéá ibɔ ɔtótótótó kóráá súná aní. ¹¹ Ɔhaa tamawun mu ba nwuntɔ, nkéti mu onutó ɔhé. Alí kén Bulu Ɔhé ámu nkɔle tówun Bulu nwuntɔ ní. ¹² Aní mó á, Bulu lópu mu Ɔhé wá anitɔ, megýí ɔyí ánfito ɔhé bu anitɔ. Mbóún Ɔhéá itsú Bulu wá, méní abétalí nú itó ámuó Bulu lapókíe aní faan amɔ asi.

¹³ Mó sɔ megýí aní onutó nyansa asón anidé mli bláa. Mbóún asón ání itsú Ɔhé Wankíhé ámu wá. Mó anidépolé Ɔhéétó ɔnɔkwali asón asi ní.

¹⁴ Ɔhá ání ɔma Ɔhé Wankíhé méetalí hɔ tóá itsú Bulu Ɔhé ámu wá, tsúfě igyi mimlála mu wá. Ɔhá ání Ɔhé Wankíhé bu mutɔ tónú asón ání Ɔhé ámu déblí asi. ¹⁵ Mutetalí tété tógýítótó nú mó asi. Táme mu mó á, ɔhaa méetalí tété mu asóntó, nú mu asi ekekεεεε. ¹⁶ Nkálí íbóbwε asa bétalí nú mó asi? Igyi fě alíá Bulu asɔn wanlínhé amɔ léblí ɔbée,

“Ma ɔbétalí bí aní Wíe agywun?
Ma ɔbétalí súná mu asón?”

Táme Kristo agywun bu anitɔ. Mó sɔ aní mó abétalí bí mu agywun.

3

Bulu Asúmpó

¹ Apíó, bréá neba mli wá á, mmetalí tóí mli ansító fě ahá aní Ŋɛ Wankíhé bu amótó. Nebláa mli asón fě ahá aní amó agywun idin ɔyi ánfito atósó, bumakódan Kristotó. ² Nyópu-ntsu neha mli. Mmeha mli atogyihe onutó. Ali bré ámutó á, mlimákófon atogyihe onutó gyí. ³ Tsúfě ɔyi ánfito tsiátó itráa bu mliṭo. Mliḍé aba lu, mliḍétré. Ní mliḍé iní bwe mé, imosuná aní mli agywun trá din ɔyi ánfito atósó, mligyí fě ɔmátófó? ⁴ Mliṭo aku mliaa, “Paulo mbuo.” Mliṭo aku é mliaa, “Apolo mbuo.” Mbéé, iní medésuná aní mligyí fě ɔmátófó?

⁵ Mbéé, ma gyí Apolo, ntée ma gyí Paulo, só mliḍétré aní su? Bulu asúmpó keke anigyí, mliḍatsun aní ibiṭo mli mu ahógyipu. Aniṭo okugyíáku légyi gyuma aní Bulu léha mu. ⁶ Mílódu, Apolo lówóli mó ntsu, táme Bulu léha mó ɔḍedan. ⁷ Megyí odupó móa ntsu ɔwólípó lóbwe tótó. Bulu nkole tóbwe, tsúfě motéhá mó ɔḍedan. ⁸ Odupó móa ntsu ɔwólípó fěé bogyi kékée Bulu ansító, ɔbéka okugyíáku ikó mu bwehé ɔnó. ⁹ Agyómá ayɔpó mía Apolo anigyí há Bulu. Mligyí Bulu ndo, mligyí mu obu é ní.

¹⁰ Bulu lówa awiṭale há mí, bwé mí obu oyípu ɔtiansipu. Mó só nɔpu abwi wá obu ámu ntswasi, aha bambá betali buḍepwe dínká mósó ní. Táme ɔhagyíɔha ɔkí wankláán obu ámu pwetó. ¹¹ Tsúfě ɔhaa méetalí wá ntswasi bambá don mó ámúú ida yaí, igyi Yesu Kristo amu. ¹² Ní ɔku ɔpó sika pɛpɛ o, sika futútú o, abwi aní ibo bíá o, nyí o, afitáa ntée ipí yi dínká ntswasi ámusu á, ¹³ ɔbí aní kugyíku ibélin ɔwan eke ámúú Bulu obégyi aní asón ámu. Ogyá ɔbópɔsɔ mó ki beé, ɔbɔbwe mó wankláán. ¹⁴ Ní ogyá ámu mɔhɔ obu ámu yintá á, Bulu ɔbéda mu ipán. ¹⁵ Táme ní obu ámu lóhɔ a, ɔbéhe hólí ató. Bulu ɔbóhɔ mu nkpa, táme obófufu fě ɔhá aní alarí dalu ogya plenplento.

¹⁶ Mliméyín aní Bulu ɔswékpa mligyí, Bulu Ŋɛ ámu tsie mliṭo? ¹⁷ ɔhagyíɔha aní oleyintá mu ɔswékpa a, Bulu é obéyintá mu, tsúfě Bulu ɔswékpa bɔwankí. Mu ɔswékpa amu gyí mli á.

¹⁸ ɔhaa mámlé mu iwí! Ní mliṭo ɔku dé mu iwí ti ɔtiansipu nde ɔyi ánfito á, ilehián aní ɔbóbwe mu iwí ɔha mimláhe, méní ɔbóbwe ɔtiansipu onutó. ¹⁹ Tsúfě ɔyi ánfito ansitún igyi mimlála Bulu ansító. Fě alíá bɔwanlín wá Bulu ason wanlínhé amotó beé, “ɔtiansipu agywun láláhe Bulu tɔpókítá mu.” ²⁰ Bulu ason wanlínhé amu letrá blí ɔbéé, “Bulu yin aní ɔtiansipu agywun itépí ma labi.” ²¹ Iní su ɔhaa mápu ansí dínká ɔhaasu tsú iwí. Mlibú tógyító. ²² Paulo o, Apolo o, Petro o, ɔyi ánfi o, nkpa ntée lowu o, nde o, ɔke o, mlibú mó fěé. ²³ Kristo bó mli, Kristo é gyí Bulu klé.

4

Kristo Sumbi Ayɔpó

¹ Iní su ɔhagyíɔha ɔtsú mó aní Kristo asúmbi keke mía Apolo anigyí, Bulu lapó mu ason nɔáinhé amu agyómá wá aní ibiṭo. ² Tóá ihíe dehián gyí, ɔhá aní bapú agyómá wá mu ibiṭo obégyi ɔnɔkwali. ³ Mí mó á, ní mliṭo aku ntée aha bambá buḍe mí pón ha kóráá á, imegyí tótó mí ansító. Mí onutó ó mmakóhá iwí pón ntée asu. ⁴ Nyin mí klɔnto, táme imosuná aní mí asón da ɔkpa. Aní Wíe Yesu gyí mí asón ogyípó. ⁵ Iní su mlimákɔsí lé mli aba lá kpéfɔn aní Wíe ɔbáke amu. Mu ɔbówankí wólí oklúnto atósó, lé aní agywun ɔwan, asa Bulu ɔbékanfó ɔhagyíɔha alíá ilehián ni.

⁶ Mí apíó, mli só ndepu mía Apolo tsiátó súná mli ató, méní mlónu mó ámúó ahá boteblí bεε, “Mlímányankí tóá bəwanlín tswisv” ámu así, fówun mlímóowun ohaa tsú iwí. ⁷ Ma lébláa fu obéε fudun oku? Nto fubvá imegyí Bulu léha fó? Ní Bulu léha fó tógyító á, ntogyí só fúde iwí tsu fé megyí ha beha fó?

⁸ Mlídékú ání mlílamwé! Mlílanya iwí! Mlílawúna mlídé iwíε gyí. Mí sv mó á, tekí mlídé iwíε amv gyí lélé, méní ania mlínyo abégyi iwíε amv. ⁹ Ide mí bwe fé Bulu lahá aní sumbí ayópú ánfí anílabwé oha agyápu fé ndoun bakpá bəyómə. Tsúfé anílamlí ató kíε há oytó féé, Bulu-abəpu móa anyánkpósa féé. ¹⁰ Kristo só anílabwé aha mimláhe, mli mó mlílatun aní. Anígyí apónpu, mli mó mlíbv əwunlín. Ahá bude mli bu, aní mó ohaa tamabú aní. Megyí alí mlídé aní kí ní? Ntéε megyí alí? ¹¹ Bófón séi á, akón móa əmewólí de aní, atatídatə anída. Bude aní atswε folí, animá ədikpa. ¹² Aníteyírí iwí pú aní íbí yó agyómá pónyá aní ató híánhe. Ní bəlwí aní á, anitoyúlá amú. Ní bvdin anísv é á, anítotomí. ¹³ Ní beblí aní iwí asvñ laláhe a, anitópú ədwe lé mó ənó. Bəfón séi á, anílabwé wúna, bude ipí potsítsá anísv oytí ánfíta.

¹⁴ Mmedé ínı wanlín pósópa mli, mboún ndeputóí kplá mli fé mí abí adwepú. ¹⁵ Tsúfé ní ahá mpím-dú (10,000) lósuná mli Kristo iwí asón kórará á, əbakóle pé abí mligyí əjéto. Nəbwe mli sí Kristo Yesutə bréá neda asvñ wankláán ámu əkan súná mli. ¹⁶ Mó sv nde mli kokóli, mlíkasi mí tsiátó. ¹⁷ Inı sv nde Timoteo wa sísí mli. Mí bí ní, ntədwé mv. Əbv ənəkwali Kristotə. Mv əbéba bekaín mli tsiátó oduá nəpu mbuo Kristo, ndepusúná əpasua kugyíkúá íbv ətínegyíətíne ní.

¹⁸ Mlító akv bude iwí tsu. Bvki bεε, fialí mmétrá ba mli wá ekekeεke. ¹⁹ Táme ní aní Wíε Yesu lótsulá á, iməowa əpá kuku néba mli wá beki bεε, asón keke iwí atsupú ánfí budeblí lóó, ntéε lélé bəbv Bulu túmi. ²⁰ Tsúfé megyí asvñ blíhé keke Bulu iwíegyí ámu igyi, mboún Bulu túmi. ²¹ Ní nebə mli wá á, ntə mpóba? Mpú mpli ba lóó, ntéε ədwe móa íkvn lwííhé?

5

Mbvato Iwí Asón

¹ Bahié bebláa mli bεε, mlító akv bude atsi móa ayin asón wa. Əmátófo kórará bumedé mó odu bwe. Mlító okv mó kórará laswíí mv sí mv ka, ² íbv mli ansigyí! Ima mli awireho. Péli medé mli, méní mlégya oha ánfí odu lé mli əpasuatə. ³ Iníá mlímédé mí wúun ó á, mbv mlító əjéto. Nahá oha ánfí əbv tsiátó anfi odu ipón dododo, fé mbv ív. ⁴ Mlító əpasua ámu fia aní Wíε Yesu Kristo dátó. Nétsiá mlító əjéto, aní Wíε Yesu Kristo túmi é íbétsiá mlító. ⁵ Inv á, mlípu mv wa Əvnsám íbitə, oyinta mv əyulóv, méní Bulu əbóho mv əkláa nkpa aní Wíε Yesu əbáke amv.

⁶ Kpaali mlídé iwí tsu. Mlíméyín ání bodobodotu-afá kpalobí téhá bodobodo amv féé itotú? ⁷ Inı sv mlíle lalahε əbwepú anfi mlító, méní mli iwí bétun fé bodobodoá bəməwa afá mótó, tsúfé alí mlíhíé mligyí ní. Megyí bodobodoá bəməwa afá mótó, imotu bətəpógyí Katsvñ Nke? Bamó aní Israelfəsv Katsvñ Nketə Okúfabi, ogyi Kristo amv, lé aní nwunsv mbusuo há aní dododo. ⁸ Mó sv mlíha apv bodobodoá imotu, igyi íwítún móa ənəkwaliwa gyi Katsvñ Nke ámu. Mlímáha apv bodobodoá ílatú, igyi tsiátó laláhe móa lakpan gyi mó.

⁹ Nəwanlín wá əwuló kvá nəpusísí mlító mbéε, mlímápu mbua atópú gyi mba. ¹⁰ Megyí oytó mbua atópú, ənsipe awapó, awíkplu ntéε íkpi atswépu

iwí asón neblí. Mómó teki mlédali óyí ánfító asa mlimóowa amó mba ní. ¹¹ Tóá nòwanlín sísí mli gyí, mlimápu óhá ání óbée Okristoyin mogyi, táme ótótó mbua ntée óbu ónsípe, ótatswe ikpi, otesíá mu aba, ótóbú ntá ntée otowí ató gyi mba. Mlia óhá ámu nyó mlimáwa ibi gyi ató kóráá.

¹² Nto só négyi ahá ání boma ópasua ámuto asón? Megyí ahá ání búbu mótó, búde lakpan ání odu bwe mboún asón lehián ání mlégyi? ¹³ Bulu obégyi ahá ámóú boma ópasua ámuto ámu mó asón. Táme bòwanlín wá Bulu ason wanlínhé amuto bee, “Mli mó mligya lalahé óbwepú le mlito.”

6

Bulu Ahá Wolewole Nsiné Asóngyi

¹ Ní mlito óku mua mu ba Okristoyin benyá á, ntogyi só mlitowá klón póya ómátófo asón ogyíkpá, mlitamapó ya Bulu ahá abubli mó? ² Mliméyín ání Bulu ahá obégyi óyító ahá fée asón? Ní mli obégyi óyító ahá asón á, mó ntogyi só mliméetalí gyi mli wolewole nsiné asón? ³ Ntée mliméyín ání aní obégyi Bulu-abópu é asón? Ntogyi só aníméetalí gyi ekekegyíeke asón mó? ⁴ Ní asón idá mli nsiné á, ntogyi só mlitópóya ómátófo asón agyípó amóú mli ópasuafó bútamabú ámu? ⁵ Nde asón ání wanlín sísí púsópa mli. Mó su ótiansipu ókole kóráá má mli ópasuato ání óbétalí gyi mu aba nsiné asón? ⁶ Ntogyi só ohógyipu óbésamáa mu ba, móa idon kóráá pó mu yélí ómátófo ansító?

⁷ Alí amóú asón ibi mli Akristofó wolewole nsiné ámu kóráá ilosuná ání mlilagyí pón dodo. Ntogyi só mli bá ópó ilá gyí mli, ntée osisi mli, mliméesikié? ⁸ Mli mboún latsun gyankpá mlidé mli aba sisii, mlidé lalahé pugyi mli aba? ⁹ Ntée mliméyín ání aha laláhe bumóowie Bulu iwíegyi ámuto? Mlimámle mli iwí. Ahá ání bútówá atsi móa ayin asón, ikpi atswépu, mbua atápó, ayin ání bútekle amó aba ayin, ¹⁰ awikpulu, ónsípe awapó, ntá abupó, ahá asiapó pó ahá asisípu buméenya ogyíkpá Bulu iwíegyi ámuto. ¹¹ Teki bré ámu a, alí mlito aku mligyi ní. Táme Bulu labie mli ntsu, alabwé mli mu ahá. Alatsun mu Dhé ámu pó aní Wíe Yesu Kristosu tsú mli ání mli asón da ókpa mu ansító.

Mli Oyulú Pwá Bulu Numnyam

¹² Mlito óku óbétalí blí óbée, “Mbu ókpa bwé tótógyító.” Ee! Táme nde mli bláa mbée, “Megyí mó fée óbówa labi.” Óku é óbébli óbée, “Mbu ókpa bwé tótógyító, táme mmécha tótó méegyí misu.” ¹³ Ibo mótóá óku óbétalí blí óbée, “Atogyihe bu unu há ipu, ipu é bu unu há atogyihe.” Ee! Táme mó fée íbèhi ekekó. Bulu móbwe nyankpusa há atsi móa ayin asón wa. Mboún aní Wíe bó aní oyulú, aní oyulú é bú aní Wíe. ¹⁴ Bulu lókusóa aní Wíe Yesu tsú afúlito. Óbópu mu túmi ámu kósúa aní é.

¹⁵ Ntée mliméyín mliaa, mli oyulú igyi Kristo nyankpusa-oyí ámu iwí ató? Mó nkáli só mpúu Kristo oyulú yeda obu-ónó otsiápó oyulú? Itsóun misu! ¹⁶ Ntée mliméyín mliaa, ní óku ópó ibi da obu-ónó otsiápó a, mua mnyó oyulú labwé kole? Tsúfé Bulu ason wanlínhé amu lébli óbée, “Oyin ámu mua ótsi ámu babwé oyulú kole.” ¹⁷ Táme ní óku mua Kristo bóbwé kole a, mua mnyó babwé ikole óhétó é.

¹⁸ Mlimápleí atsi ntée ayintó. Lakpan kugyíkúá óha tóbwé tamakósú líí mu oyulú. Táme ní óku ówá atsi móa ayin asón mó á, alabwé lakpan ání ílókúsú líí mu onutó oyulú. ¹⁹ Ntée mliméyín mliaa, mli oyulú gyí Dhe Wankíhé amu ótswékpa obu? Bulu lópu mu há mli, otsie mlito. Mó su megyí

młibó młi iwı. ²⁰ İbíá kpekplékpé Bulu lóhó młi. Mó sọ młıpu młi ọyólọw wa Bulu numnyam.

7

Akúlu Mva Aká, Akpankọ Pọ Asvrapọ Atosunáhé

¹ Nayó asun fitéhé amóó młılówanlín sísí mí ámọtọ kı a,

Ee! İbu aláá oyin mọ́ọpu İbı da ọtsı. ² Táme mboatọ ladọbı sọ oyıngıoyın onyá mọ onutó ọká, ọtsıgyı́ọtsı é onya mọ onutó okúlu. ³ İlehián ánı okúlu obégyı ọkátsıá mbla féésó ha mọ ka, ọká é ọbóbwe mọ alı ha mọ kulu. ⁴ Megyı́ ọtsı bó mọ iwı, mọ kulu bó mọ. Alı megyı́ oyin é bó mọ iwı, mọ ka bó mọ nı. ⁵ Mó sọ młımákiná aba ọdikpa ha, nkéti młı abanyó ámọ młılatsúlá ánı młétsıá nke kpalóbı, ménı młétsıá bó mpáı, asa młélayó aba wá. Młılawun aba mó ọma, ménı Ọbọnsám méetalı sọ młı kı, ní młımétalı kítá iwı.

⁶ Ọkpa ıda ánı młóbwe mọ alı, táme megyı́ ọhıé igyı. ⁷ Mı nkọle sọ mọ á, teki młétsıá kpankọ fé mí, táme ọhagyı́ọha bọ mọá Bulu lópokıé mọ. Ọmóbwe anı féé kékéé. Ọhagyı́ọha mva mọ kle.

⁸ Séı nde akpankọ mọá asvrapọ bláa mbéé, ní bótsulá tsıá mí atsiábi a, teki İbı alé. ⁹ Táme ní młıméetalı kítá iwı ntéé gyı młı iwı sọ mọ á, młıtsia akúlu mọá aká, dọn ánı młénatı dá tsọn.

¹⁰ Táme akúlu mọá aká awıé mọ á, mbla kọ bọ İnóá megyı́ mí, mboún anı Wıe Yesu lówa há amó. Ọbée, ọká mákiná mọ kulu. ¹¹ Táme ní ọmáın mọ kulusọ a, ọkíta iwı ntéé oyıńkı yọ mọ kulu wá. Okúlu é mákiná mọ ka.

¹² Młı aha tráhe mọ á, mí onutó dé młı İnı bláa. Megyı́ anı Wıe Yesu dé mó blı. Nı ohógyıpu yínhé tsıa ọtsıá omegyı́ ohógyıpu, táme ọtsı ámọ latsúlá ánı mva mọnyọ bétsıá á, ọmákiná mọ. ¹³ Nı ohógyıpu tsıhé é tsıa oyin ánı omegyı́ ohógyıpu, táme alatsúlá ánı mva mọnyọ bétsıá á, mọ é ọmákiná mọ. ¹⁴ Tsúfé ohógyıpu tsıhé ámọ sọ Bulu ọbóhó mọ kulu. Alı kén ohógyıpu yínhé ámọ sọ Bulu ọbóhó mọ ka é ní. Nı megyı́ alı á, Bulu móotsu amó abı́ ánı amó asón da ọkpa mọ ansıtó, táme İnı sọ Bulu latsú amó ánı amó asón da ọkpa mọ ansıtó. ¹⁵ Táme ní okúlu ntéé ọká ánı omegyı́ ohógyıpu dékléá obékiná mọ tsiába ohógyıpu a, ohógyıpu amọ osıı mọ ọnatı. Mbla kọkọ meklı mọ, tsúfé Bulu létı anı ọbée, abétsıá iwılwiıtọ. ¹⁶ Ohógyıpu tsıhé, fuyin ní fọ ọbóhó fọ kúlu nkpa? Ntéé ohógyıpu yínhé, fuyin ní fọ ọbóhó fọ ká nkpa?

Tsia Alá Fúgyı

¹⁷ Mó sọ ọhagyı́ọha ọpúb tóá anı Wıe Yesu léha mọ asa Bulu létı mọ tsia. Mógyı́ tóá ntebláa ọpasua kugyı́kọ ní. ¹⁸ Nı ọkọ létın keté asa Bulu létı mọ a, ọmálayıńkı yébwé mọ iwı tọtọtọ. Nı ọkọ é méttın keté asa Bulu létı mọ é á, ọmáyéttın. ¹⁹ Ketétın ntéé ketémátın megyı́ tọtọ. Bulu mbla ámọsọ gyı mboún gyı asón. ²⁰ Ọhagyı́ọha ọtsıa alá ogyı asa Bulu létı mọ. ²¹ Ọkpábi fúgyı asa Bulu létı fú? İmáhan fu. Táme ní ọkpa İbá ánı fégyı iwı á, kọsọ mósú. ²² Tsúfé ní ọkpábi fúgyı asa anı Wıe létı fú á, alahá fúgyı iwı. Alı kén ọhá ánı ọtsıe mọ iwı sọ asa anı Wıe létı mọ é gyı ọkpábi séı há Kristo nı. ²³ Bulu lóhó młı İbíá kpekplékpéé. İnı sọ młımábwe młı iwı nkpábi há anyánkpósa. ²⁴ Mı apıó, aláhgyı́alıá ọhagyı́ọha gyı asa Bulu létı mọ a, ọpúb mó alı tsia.

Mbitebi Mva Asvrapọ

²⁵ Młı mbitebíá młımákwótıa akúlu kı mó á, mma mbla kọkọá İtsú anı Wıe wá há młı. Táme anı Wıe mva mọ nwewuún, alahá mí nyánsa ánı młéetalı họ mı gyı. ²⁶ Asón ánı nde há młı gyı, ọyıtó lawá ọnlın séı. Mó sọ

nahogyiá ɪbu aléá ɔhagyíɔha obétsiá alá otsie yaí. ²⁷ Ní fòbɔ ɔká á, mákiná mu. Ní kpanku fúgyi é á, mátepi tsía. ²⁸ Táme ní fetsiá ɔká á, fómákóbwé lakpan. Ní obitebiá ɔmákótsiá okúlu kí é otsiá a, ɔmákóbwé lakpan. Asun wunhéá íbéba teki ndetsu kósu akúlu múa akású. Mú su nde ɪni blí.

²⁹ Mí apió, múa ndeblí gyí, bré itinbí ɪasí. ɪni su tsú séi á, ɔhá ání ɔbu ɔká ɔbwéé fé ɔhá ání ɔma. ³⁰ ɔsun ígyi o, ɔdwe ígyi o, ɪwinya ígyi o, ɔbwéé ɪwí fé aswansu medín musu. ³¹ Ahá ání bɔde ɔyí ánfítɔ ató pɔbwé tɔku bɔmápu amó ansí féé dínká músú. Tsúfé ɔyí ánfí pú mótó ató féé béba bɔtsun.

³² Mmedékléá asún iháan mli. ɔhá ání ɔma ɔká tɔpú mu ansí dínká aní Wíe agyómású, méní obégyi mu ansí. ³³ Táme ɔká mu wie mú tɔpú ansí dínká ɔyító atósú, méní obégyi mu ka ansí. ³⁴ Mú su mu agywun tɔbwé anyɔ. Alí kén ɔtsí kpanku é tesí mu ɪwí há aní Wíe, ɔyulób múa ɔjéto féé, méní obégyi Bulu ansí ní. Táme okúlu mu wie mú tɔpú mu ansí dínká ɔyító atósú, méní obégyi mu kulu ansí.

³⁵ Mli yilé su nde asún ánfí blí. Mmedé mli itin ka. Mboun ndekléá mlibwéé tóá ɪda ɔkpa, amlisi mli ɪwí féé há aní Wíe Yesu.

³⁶ Ní oyin ɔfíté ɔtsisu, owun ání ɔméetalí kítá ɪwí, ɔtsí ámu é déklé ɔdan tsun a, ɔyékpáin mu. Megyí lakpan igyi. ³⁷ Táme ní ɔlábwé agywun ání ɔméetsiá mu, ɔbétalí kítá ɪwí tsíá kpanku á, ɔbu ɔkpa bwé tóá odeklé. Ní ɔbétalí kítá ɪwí á, múmú ɔkíta ɪwí. ɪbu alé dɔn. ³⁸ ɪbu aléá obétsiá ɔká, táme ní ometepí tsíá a, ɪbu alé dɔn.

³⁹ Mbla léklí ɔtsí ání ɔméekiná mu kulu yófon mu owuké. Táme ní oyin ámu owú á, ɔbu ɔkpa tsíá oyin ání odeklé. Táme ilehián ání ɔhá ámu ɔbóbwe Okristoyin. ⁴⁰ Mí nkɔle su mú á, ní otsie kpanku á, ansí béggyi mu dɔn. Nyin ání Bulu ɔjé ámóú ɪbu mɪto ámu sù natalí nde mli asún ánfí bláa.

8

ɔkpɪto Atogyihe

¹ Mliha abli ɔkpɪto-ató gyí ɪwí asún ámóú mliɔwanlín sísí mí ámu.

Mlidéblí mliha, “Aní féé anyin asún.” ɪbu mótó, táme mlibí ání asónbɪ tɔhá ɔha tɔtsú ɪwí, ɔdwe é itɔhá ɔha tɔdan. ² Ní ɔku ɔbée, muvin asún dɔbɪ a, ɔmákónyá bí tóá idehián. ³ ɔhá ání ɔtɔdwé Bulu á, Bulu é yin mu.

⁴ Mú su nkálí anidéblí tsú ɔkpɪto ató gyí ɪwí? Aní féé anyin ání ɔkpɪ mégyí tɔtɔtɔ. Anyin ání Bulu ɔkɔle pé é bu ɪnu, ɔkɔku trá ɔma ɔtɪnetɪne. ⁵ ɪniá ɪkpɪ múa túmí tsɔtsɔtsɔ bɔbɔ ɔsú múa así ó á, ⁶ aní mú anyin ání Bulu ɔkɔle pé bu ɪnu. Mɔgyí aní Sí, ɔsú múa así ɔbwepú. Mu anitsie nkpa há. Aní Wíe ɔkɔle pé é bu ɪnu. Mɔgyí Yesu Kristo. Musu Bulu lótsun bwe tógyító. Mu kén su anitsie nkpa ní.

⁷ Táme megyí Akristofó féé yín alí asún ánfí. ɪkpɪsúm lamántá amó dodo. ɪni su ní begyí ɔkpɪto-ató á, bɔde mú tsu ání basúm ɔkpɪ ámu ni. Mú su ifin lada amó, tsúfé bɔmákódan hóggyito. ⁸ Megyí tóá anitegyi só ania Bulunyɔ nsúné bówa alé. Ntɔ anilégyí o, ntɔ anímégyí o, tɔto meyintá aní ɪwí.

⁹ Táme mliki wankláán ání ɔkpa ánfí mlibu gyi ɔkpɪto-ató ánfí ɪmééha ɔhá ání ɔmákódan hóggyito ɔméedida. ¹⁰ Ní ɔhá ání ɔmákódan hóggyito owun fú ánfí féé fuyin asún, fɔde ató gyí ɔkpɪto á, ɪbu alé? Múmu yéé fɔde mu atɔto-ɔnlun wa féé, ogyí ɔkpɪto ató ánfí mu onutó oyin ání ma ale anfi ní o. ¹¹ Múmu fapú fú asónbɪ mlé fú pió wá. Fahá fú pió ánfí ɔmákódan hóggyito, Kristo lówu há mu anfi lafwí. ¹² Ní fɔpó ɪlá gyi fú pió Okristoyin ání ɔmákódan hóggyito, fehá mu ɔbwé tóá oyin ání ma ale á, Kristo fapú

ilá gyi a. ¹³ Mó sù ní tóá négyi íbéha mí píó Okristoyin òbòbwe lakpan á, mméetepí trá gyi iye ekekéeké, ménì imééha mu òdida.

9

Sumbi Ɔyɔpó Túmí Pó Mv Gyumagyihe

¹ Mlìkì mlíaa mmetsie mí iwísv? Ntée megyí sumbí ɔyɔpó ngyi? Mmàkòwun anì Wíe Yesu kí? Megyí mí gyumagyihe sò mlílamlí anì Wíe klé ndé? ² Ní mmegyí sumbí ɔyɔpó há akú á, mlì mú m̀h̀yin ánì sumbí ɔyɔpó ngyi. Tsúfé íniá m̀h̀gyí Akristofò á, ilegyi adánsié ánì anì Wíe sumbí ɔyɔpó ngyi.

³ Inì gyi tóá ntòpólé mí iwí ònò súná ahá ánì butélé mí ilá ní. ⁴ Mía Barnaba mú anímágyi ató, nu ntsu? ⁵ Anumá ɔkpa tsía ohógyipò, kpá mu buo iwí, fé sumbí ayɔpó atráhe amu pò anì Wíe apíó múa Petro aná? ⁶ Ntée mía Barnabanyò mú ayòó agyómá kí anì iwísv? ⁷ Isá ɔkápú onutó téká iwí ikò? Ekekéeké! Ɔ̀d̀t̀p̀v̀ ɔ̀m̀m̀v̀ tamagyi mu ndòtò-ató? Mb̀ẁi ɔ̀yáí̀p̀v̀ ɔ̀m̀m̀v̀ tamagyi mu ɔ̀b̀ẁi yáíh́é?

⁸ Anyánk̀p̀s̀a agyẁin ndep̀blí inì? Yéé Mose Mbla óó ì̀eblí alí á? ⁹ Tsúfé b̀wanlín wá Mose Mbla ámutò b̀eé, “Butamawá ɔ̀nantswiéá ɔ̀de ayó da ɔ̀nò ìkan.”* Fahogyi féé nnantswie iwí dé Bulu hián sò ɔ̀eblí asón ánfì? ¹⁰ Megyí anì sò ɔ̀de asón ánfì blí? Anì sò ɔ̀de mú blí a. B̀wanlín wá Bulu asón ámutò b̀eé, “Íflé ɔ̀wòp̀v̀ muv̀ ató ɔ̀kp̀t̀íp̀v̀ féé b̀yogv̀ tóá b̀énya tsú agyómá ámutò bayó ámutò.” ¹¹ Ní anilabláa mlì ason wankláán ámu, igyi ɔ̀h́é́tò abíá aniladú wá mlìtò á, anì mú anumá ɔkpa nyá anì ɔ̀yítò atohiánhe tsú mlì wá? ¹² Ní akú b̀b̀b̀v̀ ɔkpa nyá ató tsú mlì wá á, anumá ɔkpa d̀v̀n amó?

Támé anumótsu k̀k̀v̀ lè ínìtò. Anilapó kl̀v̀ntò pisii h̀v̀ tógyítò, ménì anumó̀p̀v̀ t̀t̀t̀t̀v̀ tin Kristo ason wankláán ámu ɔkpa. ¹³ Mlíméyín mlíaa, Bulu ɔ̀swékpá inu agyómá ayɔpó é b̀b̀b̀v̀ ogyíkpa inu? Ntée mlíméyín ánì afòdié-asubwí amu así asúmpò b̀tegyi mú así ató? ¹⁴ Alí kén anì Wíe léhíe ánì mu ason wankláán ámu ɔkan adapó é b̀gyii ató tsu ahá ánì b̀v̀de labi nya tsú asón ámutò wá ní.

¹⁵ Támé mí mú mmàk̀p̀v̀v̀ alí ɔkpa ánfì mb̀v̀ anfi nyá t̀t̀t̀v̀ tsú mlì wá. Megyí b̀eé ndekléá néfì mú así, sò nde asón ánfì wanlín sísí mlì. Ibv̀ mí aléá nówu, d̀v̀n ánì ǹh̀l̀v̀l̀v̀ itò ánfì ǹp̀t̀s̀ú iwí ánfì. ¹⁶ Támé ní nde ason wankláán ámu ɔkan da a, imegyí tóá ǹp̀t̀s̀ú iwí. Tsúfé ɔ̀h́é́ igyi há mí. Bulu ɔ̀b́ébití mí isv̀ ní mméda mú ɔkan. ¹⁷ Ní mí onutó léblí mb́éé nóbwe mú á, tekí Bulu ɔ̀b́éda mí ipán. Támé megyí mí onutó apétò nde mú b̀we. Ɔ̀kp̀b̀i ngyi, Bulu lóbu mí ɔ̀ǹk̀wálip̀v̀ pò agyómá ánfì wá mí íb̀t̀v̀. ¹⁸ Ik̀k̀á m̀m̀v̀v̀ nénya tsú m̀t̀v̀v̀ ngya? M̀gyí néda ason wankláán ámu ɔkan, b̀m̀ééka mí t̀t̀v̀. Tekí mb̀v̀ ɔkpa p̀k̀le t̀k̀v̀ há mí iwí, támé mmòb̀we mú alí.

¹⁹ Ntsie mí iwísv. Mma ɔhaa así, támé nabwé iwí ɔ̀kp̀b̀i há ɔ̀hagyíɔha, ménì nékpá ahá tsòtsòtò ba Kristo. ²⁰ Ntòb̀wé iwí fé Yudayin ní mb̀v̀ Yudafòtò, ménì nétalí nyá Yudafò ámu. Mma Mose mbla así, támé ntòb̀wé iwí fé ahá ánì b̀b̀b̀v̀ mú así, ménì nétalí nyá amótò akú. ²¹ Alí kén ní mía ɔ̀mátòfòá b̀v̀ma Mose mbla así aniná á, ntòb̀wé iwí fé amó, ménì nétalí kpá amó ba Kristo ní. Inì medésuná ánì mma Bulu mbla ámu así, tsúfé ntòb̀v̀ Kristo mbla ámu. ²² Ntòb̀wé iwí fé ahá ánì amó h́gyi ɔ̀nò ma ɔ̀nl̀n, ménì nétalí há amó bédan Kristotò. Ntédamlí iwí ɔkpa ɔ̀san-ɔ̀sansu há ahá féé, ménì nétalí kpá amótò akú ba Kristo.

* **9:9** Deut. 25:4. Kí ató táanheá bu ifon XXX, (1 Ti. 5:18). Mú así gyi, “Butamalé ɔ̀kwén pò íb̀i tsítisi ɔ̀sólòtò.”

²³ Asun wankláán ámu só ntábwé íni fée, méní mí é nénya ogyíkpa mótó. ²⁴ Mlikan ání ní ahá bwsrí a, okugyíákw tɛyírí iwí, táme ɔbakóle tégyi ísu, bɔtekíé mu ató? Mlí é mliyírí iwí srí, méní mlégyi ísu, békie mli ató. ²⁵ Ɔsrí ɔtsíípú okugyíákw tekítá iwí, méní ɔbwsrí púhɔ idá ání itamatsíá yó. Táme aní mó anidé íni bwe, méní abóhɔ idá ání imóɔfwí ekekeke. ²⁶ Iní su megyí kpaali nsrí. Mí ansí din tákusu. Ntamatswí atswé wá afútó. ²⁷ Ntesen ansító, bwé mí iwí ɔkpábi, méní ní nedá asón ámu ɔkan súná ahá ta á, Bulu méébláa mli ɔbéé, nabwé tsítsá.

10

Ikrisúum Iwí Ɔláda

¹ Mí apíó, ndekléa mlibí tóá Bulu lóbwé há aní anáin amu fée bímbí ámu. Ɔleha agyinde lobun amó féesú, ɔleha ɔpu pepe bɔnkpato lése, ɔlekpa amó fée tsun ɔpu amɔtá. ² Bulu lópu agyinde móa ɔpu amu bó amó fée asú, pósúná ání bɔgyi Mose abúɔpu. ³ Amó fée begyi ɔhétó atogyihe oloku ɔkule amu. ⁴ Bonu ɔhétó ntsu oloku ɔkule amu tsú bɔtá amóú ɔlekpa amó amɔtá. Kristo gyí bɔtá ámu ní. ⁵ Táme íni fée ɔma a, Bulu ansí megyí amó ɔɔɔɔɔ iwí, ɔlehi amó dimbí ámusu ínu.

⁶ Ntóbí áñfi íleba amósú áñfi fée igyi atosúánhe há aní, méní amó laláhe amu odu bwe méédinká aní ɔwóli, ⁷ ánimóosúm ikpí é fé amó. Tsúfé Bulu asun wanlínhé amu íleblí ɔbéé, “Ahá ámu betsiá así gyí ató, nu ntá, kósó kóm.” ⁸ Mlimáwa atsi móa ayin asón fé alíá amótó aku bɔbwé, íleha amótó mpím adwanyɔ-sa (23,000) benya lowu ekewóle. ⁹ Mlimáha asó Kristo kí fé alí amótó aku bɔbwé, awá bodundun amó mó ámu. ¹⁰ Mlimále Bulu ílá fé alíá amótó aku bɔbwé, Bulu lópu ɔbɔpu sísí, ɔlɔbɔmɔ amó.

¹¹ Ntóbí áñfi íleba amósú fée igyi atosúánhe há aní. Bɔwanlín mú tswí, pódá aní ahá áñfi ɔyí ɔnómábi lató aní áñfi ɔlá.

¹² Mú su ní fuki fée folí kinkíinkín Kristo hógyitá á, kí wankláán, méní foméédida. ¹³ Bɔ ání fú ísókí amu mɔtsun ɔtsan há aha tráhe klé. Ɔnɔkwalpu Bulu gyí. Ɔmééha ísókíá ídun fu íba fusu. Táme ní fowíé ísókítá á, Bulu obósuná fú ɔkpa ání fítsun mósú tálí líí mú ɔnó, méní fédalí mótó.

¹⁴ Mú su apíó adwepó, mlimáwa iwí ikpísúmtó ekekeke. ¹⁵ Atiansipu mligyí. Mú su mli onutó mlyɔ asón áñfitá amlíkí. ¹⁶ Ní adá Bulu ípán, anu aní Wíe Yesu ɔpónúasí ewe ámɔtá ntá á, imosuná ání ania Kristo obugya labwé kule? Ní abíá bodobodo amu é ye aba á, mú é imosuná ání ania mu ɔyólú labwé kule? ¹⁷ Iníá aní tsó ó á, bodobodo ipin kule anitegyi. Mú su aní fée anlábwe ɔyólú kule fé bodobodo ipin ámu.

¹⁸ Mliɔkí Israelfa, megyí ahá amóú bɔtegyi afɔɔɔie-ató ámu tóbwé kule afɔɔɔie ámu bɔtá? ¹⁹ Mú su nkáli mí asón áñfi desuná? Blí ndeblí mbéé, ikpí ntéé atogyihe amóú bapóhá amó igyí amu íbu labí? ²⁰ Ekekeke! Tóá ndeblí gyí, ní akpíú behá ikpí igyí a, ɔhe laláhe bɔpuhá, megyí Bulu. Mú su mmedékléa mlia ɔhe laláhe mlóbwé kule. ²¹ Mluméetalí pú aní Wíe ewe tin ɔnó, láyɔpu ɔhe laláhe ewe é tin ɔnó. Mlia Kristo mluméetalí wá íbú gyí ató, mlia ɔhe laláhe é amlíwa íbú gyí ató. ²² Ní abwé mó alí á, anímóowa Bulu ɔblí fé Israelfa? Ntéé anikíá aníbu ɔwɔnlín dɔn Bulu?

²³ Ahá bɔteblí bée, “Aníbu ɔkpa bwé tógyító.” Ibu mótó alí, táme megyí mó fée bu labí. Fɔdeblí fée, “Aníbu ɔkpa bwé tógyító.” Táme megyí mó fée tóbúa aní. ²⁴ Mlimáki mli nkole klé, mboún mlikí mli aba é klé.

²⁵ Tóá mliwḃwée gyí, mliwḃ ibiásó iye kugyíkḃ. Mliwáfíté mó iwḃ asḃanso, mli klḃn é imáha mli pón. ²⁶ Tsúfḃ bḃwanlín wá Bulu asón ámḃtḃ bḃe, “Bulu bó gyí móa mótó ató fḃé.”

²⁷ Ní omátóyin otí fú ató ogyíkpa, iletsiá fú á, fayó. Táme ní foyó á, máfíté mó iwḃ asḃanso, fú klḃn é imáha fú ipón. ²⁸ Táme ní okḃ obláa fu obé, “Okpítḃ-ató igyi” á, alá iméehan ohá ámu so mágyi ató ámu. ²⁹ Megyí alá ibéhan fu so, mbouín ohá ámu so. Múú ntogyi só tóá okḃ désusúu ibétin mí iwígyí okpa?

³⁰ Ní ntedá Bulu ipán atogyihḃso asa ntegyi mó á, ntogyi só okḃ obéle mí alá ató ámu so?

³¹ Mó so ní fodegyí o, fodenúu o, bwe mó fḃé pḃwa Bulu numnyam. ³² Mliwáha mli tsiátó itin Yudafo pú Griikifo ntéé Bulu apasua ámu Kristo wá ba okpa. ³³ Ntamakle mí nkḃle yilé. Tógyítóá ntḃwḃé á, ntḃbó mbódí aní néha ahá ansí bégyi amó, méní Kristo obóhḃ amó nkpa.

11

1 Mlikasí mí tsiátó, fḃ alá mí é nekasi Kristo klé.

Alá Atsi Bópḃtsiá Apasuato

² Mí apíó, ntekánfó mli, tsúfḃ mli ansí dun mísó. Mliḃḃwḃe dínká Kristo atosunáhé amóú nḃpḃhá mli ámu so. ³ Táme ndekléá mlinúu mó asi aní oyingyíoyin bḃ Kristo asi, otsgyíotḃi bḃ oyin asi, fḃ alá Kristo é bḃ Bulu asi. ⁴ Iní so oyingyíoyin aní obun ató nwun asa oḃe mpái bḃ ntéé oḃe asón aní Bulu lapówá mó onó blí médé Kristo bu. ⁵ Táme otsgyíotḃiá omeklí nwun asa oḃe mpái bḃ ntéé oḃe asón aní Bulu lapówá mu onó blí é médé mu kulu bu. Igyi fḃ alakpá nwun. ⁶ Ní omáppḃ ató klí nwun á, múmó okpáa mó. Táme ní otḃi okpá nwun, ibḃ mu péli a, ppḃ ató klí músó. ⁷ Bulu lóḃwḃe oyin fḃ mu iwḃ, pówá mu iwḃ numnyam. Mó so mehián aní obḃppḃ ató bun nwun asa obósum Bulu. Táme otḃi mó á, Bulu lóḃwḃe mu pówá oyin numnyam. ⁸ Tsúfḃ oyin médalí tsu otḃitḃ, otḃi mbouín lédalí tsú oyintḃ. ⁹ Megyí otḃi só Bulu lópḃwḃe oyin, mbouín oyin só olḃḃwḃe otḃi. ¹⁰ Iní so ilehián aní otḃi obéklí nwun, pḃsúná aní obḃ túmi asi, tsúfḃ Bulu-abḃppḃ bḃde mu kí. ¹¹ Iní ania Kristonyḃ anlabwḃe kḃle so á, otḃi léhián oyin, oyin é léhián otḃi. ¹² Tsúfḃ alá amóú otḃi gyankpapḃ lédalí tsu oyintḃ ámu a, alí kén otḃi é lókwí oyin ní. Táme Bulu lóḃwḃe tógyító.

¹³ Mli onutó mliyo asón ánfítḃ amlíkḃ. Ibḃ alá otḃi méeklí nwun asa obóḃḃ mpái há Bulu? ¹⁴ Fḃ alá Bulu léle oyító á, ima alá oyin obési mu imi ibówa iwḃ fḃ otḃi klé. ¹⁵ Imi tintín igyi numnyam há otḃi, tsúfḃ Bulu lópḃ mó há mu fḃ nwun-abúntḃ. ¹⁶ Táme ní okḃ dé mó iwḃ nwéen gyí a, asón aní mbḃ blí gyí, mmotsulá dínká kḃkḃso dun iní. Alí kén Bulu apasua atráhe fḃé bḃmotsulá dínká músó ní.

Opónvasiyo

(Mateo 26:26-29; Marko 14:22-25; Luka 22:14-20)

¹⁷ Mmḃekanfó mli asón ánfí nebá bebláa mli ánfí mótó. Tsúfḃ yilé kḃkḃ tamadálí tsu mli ifiatḃ. Lalahḃ kóun itetí há mli. ¹⁸ Gyankpapḃ a, babláa mli bḃe mli tamabwḃe kḃle ní apasua ámu befia. Nahogyi aní asón ánfí kḃ bḃ mótó. ¹⁹ Lélé mó á, ilehián aní nwéengyí bḃtsiá mliḃ, méní mlówun onḃkwaliá ibḃ mótó. ²⁰ Táme beblí bḃe, ní mlefia a, megyí opónvasiyo so mlitefia. ²¹ Tsúfḃ mli tamagyo aba. Akḃ bḃtegyi amó ató, bḃtamahá aba. Mó so akḃ butonu bḃ, akḃ é bḃtsie akón. ²² Mli onutó mliwá woyiá mlitegyi ató, nu ntá mótó? Ntéé mliḃḃekléá mlósḃpáa Bulu apasua ámu, amlíwa

ahíanfɔ ámu pélitɔ? Amansɔ mbli tsu inɪ iwɪ? Nkánfɔ mli? Inutɔ mú á, ekekeeke, mméekanfɔ mli!

²³ Tsúfé t́á nosuán tsu anɪ Wíe wá kén nde mli bláa a. Anɪ Wíe Yesu léle bodobodo ipín onyé ámuó bele mu há ámu, ²⁴ ɔleda Bulu ipán, bíábía mótót, bli ɔbé, “Mí ɔyólóá ndepuhá mli ní. Mlitsia bwe inɪ pɔkaun mísó.” ²⁵ Alɪ kén atogyihe amu ɔma a, olotsu ntá-ewe ámu, bli ɔbé, “Ntá-ewe ánfɪ gyí mí obugya ání Bulu dépusí ntam pɔpwe ámuó ibu mlia munyɔ nsuné ámusu ní. Brégyibréá mlónu mú á, mlinu mú pɔkaun mísó.”

²⁶ Tsúfé brégyibréá mlidé bodobodo anfi gyí, nu ntá tsú ewe ánfɪtɔ á, mlidé anɪ Wíe lowu ámu akan da kpéfɔn bréá obéyinkí bá. ²⁷ Mú su ɔhá ání obégyi alɪ bodobodo anfi, nu ntá tsú anɪ Wíe ewe ánfɪtɔ mábú ɔkpasɔ á, alagyi anɪ Wíe ɔyólóu pú mu obugya amu iwɪ pón. ²⁸ Inɪ su ilehián ání mlóyɔ mli nwuntɔ wankláán, asa mlégyi bodobodo anfi, nu ntá-ewe ánfɪtɔ. ²⁹ Tsúfé ní mlumóbu anɪ Wíe Kristo ɔyólóu, mlilégyí bodobodo amu, nu ntá ámu é dínká ifinsɔ á, Bulu ɔbéha mli ipón mú su. ³⁰ Mú só mlitɔ ahá tsɔtsɔtsɔ bapɔn, aku budelo, aku mú kóráá bawú ní. ³¹ Ní anutɔyɔ anɪ nwuntɔ wankláán asa a, tekɪ Bulu méeha anɪ pón. ³² Táme ní anɪ Wíe ɔlé anɪ ilá, bití anɪ isɔ á, ɔméeha ania ɔyítɔ ahá f́éé ipón kole.

³³ Inɪ su mí apíó, ní mleyéfiá ɔpónú ámu asɪ á, mlitsia gyo aba. ³⁴ Ní akón de ɔku á, ogyí ató tsu wóyítɔ asa ɔba, ménɪ mli ifia amu uméeti isubití há mli. Mí onutɔ néba bebláa mli t́áá mlɔbwéé tsu asɔn tráhe amu iwɪ.

12

Ɔhe Wankíhé Atokiehé

¹ Séi á, apíó, ndekléá néle Ɔhe Wankíhé atokiehé asón amó asɪ wankláán suná mli.

² Mliyin ání bréá mli gyí ɔmátófɔ á, bosuná mli asunakpan, ileha mlilóyɔ mlidé ikpáá butamatóí sum. ³ Mú su ndekléá mlɔbú múá itsú Bulu wá. Ɔhagyíoha ání ɔdepu Ɔhe Wankíhé t́í méetalí lwúú anɪ Wíe Yesu. Ɔhá ání Ɔhe Wankíhé dé mu kpa nkole ɔbétalí bli ɔbé, “Yesu gyí mí Wíe.”

⁴ Bulu atokiehé ɔtsan-ɔtsan bu inɔ, táme Ɔhe Wankíhé amu kén teye mú f́éé. ⁵ Bulusúm agyómá igyi ɔtsan-ɔtsan, táme anɪ Wíe amu kén anɪ f́éé anidésu. ⁶ Ɔkpa ɔtsan-ɔtsansɔ Bulu t́oyó agyómá tsɔn anisɔ, táme Bulu ámu kén dé mú f́éé bwe tsɔn anɪ f́éésú. ⁷ Bulu telé mu Ɔhé ámu ɔwan tsɔn ɔkpa ɔkusɔ anitɔ okugyiokɔtɔ, ménɪ abópɔkpá aba. ⁸ Ɔhe Wankíhé tehá ɔku t́opú nyánsa t́í kplá ahá, ɔtehá ɔku é tebí asón. ⁹ Ɔtehá ɔku tehíé hɔ Bulu gyí, ɔtehá ɔku é tetsá ahá ilɔ. ¹⁰ Ɔhe Wankíhé amu kén tehá ɔku túmí ɔtɔpóbwé ofúla, ɔtehá ɔku é teblí asón ání Bulu lópowá mu ɔnó. Ɔtehá ɔku tetálí bí ɔhéá itsú Bulu wá pú múá itsú ɔhe laláhe wá. Ɔtehá ɔku teblí ɔblí bámbá, ɔku é tonú mú asɪ. ¹¹ Ɔhe Wankíhé amu nkole t́ɔbwé inɪ f́éé, oteye atokiehé ánfɪ há ɔhagyíoha ahá odeklé.

Ɔpasua Amu Igyi Nyankpɔsa-oyí Ɔkɔle

¹² Nyankpɔsa-oyí iwɪ ató itsɔ, táme mú f́éé lóbwe nyankpɔsa amu. Alɪ kén igyi Kristo é ní. Mu ɔpasua ámu gyí mu nyankpɔsa-oyí ámu ni. ¹³ Anitɔ aku anɪgyí Yudafɔ, aku Griikifɔ, aku nkpábi ntéé adíhe, táme bɔpɔ Ɔhe Wankíhé amu bó anɪ f́éé asú wá Kristo ɔyólóu kole amutɔ, Bulu lópu Ɔhé ámu kén núná anɪ f́éé.

¹⁴ Táme mégyí toku kole lóbwe nyankpɔsa-oyí ámu, mboun iwɪ ató ɔtsan-ɔtsan. ¹⁵ Ní yabi ɔbli ɔbé, “Mma nyankpɔsa-oyí ámu iwɪ, tsúfé megyí ibu ngyi” á, ilosuná ání megyí nyankpɔsa-oyí ámu iwɪ ató ogyí? ¹⁶ Ní isɔ é ɔbli

ɔbée, “Mma nyankpɔsa-oyí ámu iwɪ, tsúfé megyí nsíbi ngyi” á, ilosuná ání megyí nyankpɔsa-oyí ámu iwɪ ató ogyi? ¹⁷ Ní nsíbi nkole gyí nyankpɔsa-oyí ámu fée á, nkálí ɔbóbwe obónu asón? Ntee ní ɪsu nkole gyí nyankpɔsa-oyí ámu fée á, nkálí ɔbóbwe ató afú? ¹⁸ Táme Bulu lópu iwɪ ató tsɔtsɔtsɔ bwe nyankpɔsa-oyí ámu, ɔlɔpu kugyíku yi ɔtínéá odeklé. ¹⁹ Ní iwɪ ntobí ámu igyi toku kole a, nkálí nyankpɔsa-oyí ámu ɪbóbwe? ²⁰ Iwɪ ntobí ámu ɪtsɔ mó, táme mó fée lóbwe nyankpɔsa-oyí ámu nɪ.

²¹ Mó sɔ nsíbi méetalí bláa ɪbɪ ɔbée, “Fɔma labi há mí!” ekekεεke. Nwun é méetalí bláa yabi ɔbée, “Fɔma labi há mí!” ²² Ní akɪ a, iwɪ ató ámóú anidéku aniaa ɪlɔpɔn amu iwɪ téhian nɪ. ²³ Mó ámóú anidékiá obú ima mósú ámu anitobú dɔn nɪ. ɔtíné ámóú anitamaklé áhá bɔwúun amu é anitɔpú ató tin nɪ. ²⁴ Táme anitamapú ató tin anɪ iwɪ ntobí ámóú ɪbu akíle amu. Bulu lóbwe anɪ iwɪ ató ámu alɪ, méni abóbu mó ámóú ima numnyam amu, kɪ mósú wankláán. ²⁵ Fówun ɪkɔlɔbwe bétsiá amótó, méni gyɔpi okpítá bina a, bina é lakpítá gyɔpi. ²⁶ Ní nyankpɔsa-oyí ámu iwɪ tɔku dé ɔsun wúun a, nyankpɔsa-oyí ámu fée towun mó. Ní bekánfó mótó ku é á, ansí tegyi nyankpɔsa amu.

²⁷ Yoo, ayó nkpa. Kristo ɔyólúu kole amu mlɪ fée mlɪgyí. Mlɪgyí mu ɔpasua ámu nɪ. Mlɪtɔ okugyíáku gyí mu nyankpɔsa-oyí ámu iwɪ tɔku. ²⁸ Bulu léhɪhɪe ɪnɪ fée wá mu ɔpasua ámutɔ. Gyankpapu, sumbí ayɔpú. Nyɔɔsɪ, Bulu ɔnósú atóipó, saasi, ató asunápú. Mó ɔma a, ofúla abwepú. Amóú bubu ɪlɔtsá túmɪ, buale agyípu, ahande pó ɔblí bambá ablípó. ²⁹ Amó fée gyí sumbí ayɔpú? Ekekεεke! Amó fée gyí Bulu ɔnósú atóipó, ntee ató asunápú, ntee ofúla abwepú? Iméeba mótó alɪ! ³⁰ Amó fée bu ɪlɔtsá atokiehé? Amó fée téblí ɔblí bambá, ntee amó fée tetálí nú ɔblí bambá ámu asi? ³¹ Mlɪbɔ mbódí amlɪdunka atokiehé ámutɔ móá idehián dɔn.

Nélasúná mlɪ ɔkpa ání ɪdɔn ɪnɪ tsía mótó.

13

ɔdwe

¹ Ní ntetalí blí anyánkpɔsa pó Bulu-abɔpu ɔblí fée, táme ntamadwé mí aba á, ngyi fé ɔkan ntee gbémgbléín ání bɔde mó da, ɪdelín kóklókóú. ² Ní mbu Bulu ɔnó asónblí, Bulu ason nainhé bi pó hógyi kpɔnkpantiá ntetalí pópúlí abɔ, táme mma mí bá iwɪ ɔdwe á, mómó mma labi kɔku. ³ Ní nɔpú mí ató fée kíe ahíánfɔ, nɔpú mí iwɪ há mbée bɔwáa mí ogyá, táme mma mí bá iwɪ ɔdwe á, mma labi há ɔhaa.

⁴ Ahá ɔdwe pú tenyá ɪklɔn, ɔbu awɪtɔle. ɔma olu, ɔtamaká ɔnótó, ɔtamatsú iwɪ. ⁵ Otobú ató, ɔma ɔnsípe. ɔtamakósi nyá ɔbló, ɔtamahɔ asón wá iwɪtɔ. ⁶ ɔtamatsúlá asukpan, ɔnɔkwali otobuo. ⁷ Otenyá klɔn há tógyító, ɔtɔhɔ asónsú gyí. Mu ansí tedínká asónsú, ototomi é.

⁸ ɔdwe mó ɪtamatá, táme Bulu ɔnó asónblí bómɔ ɔnó. ɔblí bambá blí béka itin, asónbɪ é ɪbéba bɔtsɔn. ⁹ Tsúfé anumókónyá bí tógyító tá, anumókónyá blí Bulu ɔnó asón é yi. ¹⁰ Táme ɔhétó atokiehé ánfɪ fée ɪmɔfɔn. Ní móá ɪlɔfɔn yi ɪbá á, ɪnɪ fée bófwi.

¹¹ Ig yi fé ɪnɪ. Bréá ngyi kebi á, nɔtɔí fé kebi. Mí atɔ bwehé pó mí ason susúhe fée lóbwe fé kebi. Táme séi ánfɪ nadan a, nasí nyebitɔ bwehé ámu fée bwe. ¹² Séi á, anidé ató kí fulaa fé ogyásitɔ anidé mó kí. Bré ɪku béba a, abówun mó wankláán. Séi á, anɪ atóbɪ mɔfɔn. ɔma a, abéba bebɪ mó fé alíá Bulu yin anɪ.

¹³ Ɖ̀nakwal a, atoku asa ánfı obétsıá ní. Hógyı, akpakú pú adwe, táme adwe dvn mú fée.

14

Ɖ̀he Wankıhé Atokıehé Bámbá

¹ Mlıdunka adwe akpa, amlıdunka Ɖ̀hétó atokıehé é. Múá ıdvn a, Bulu Ɖ̀nó asónblı. ² Tsúfı ní akv dé ɔblı bambá blı á, megyı anyánkpósa adébláa, Bulu adébláa. Ɖ̀haa tamanú mú asi, tsúfı mv Ɖ̀hı dé asvn Ɖ̀aınhé blı. ³ Táme Ɖ̀há ání adı Bulu Ɖ̀nó asón blı mú á, ahá adébláa, adıpúbúa amó abudan hógyıto. Ɖ̀dıpówá amó ɔwvnln, adıpulwıı amó ıkvn é. ⁴ Ɖ̀há ání adı ɔblı bambá blı nkıle tényá ɔwvnln Bulusúmtó. Táme Ɖ̀há ání adı Bulu Ɖ̀nó asón blı mú tówá ɔpasua ámv ɔwvnln.

⁵ Tekı ndekléá mlı fée mléblı ɔblı bambá, táme ní mlıdé Bulu Ɖ̀nó asón blı á, ıbv mlı alé dvn. Tsúfı Bulu Ɖ̀nósó ɔtáıpó dvn ɔblı bambá ɔblıpó. Nkétı ní ɔblı bambá ɔblıpó ámv tetálı lé mú asi, ménı ɔpasua ámv bénya tıku tsú mtó. ⁶ Mı apıó, ní naba mlı wá séı bıblı múá bambá kv, mmele mú asi á, labı mımv ıbówa há mlı? Táme ní neblı asón, nehá mléblı asón, ntée neblı asvn lesúnáhé kv, ntée neblı Bulu Ɖ̀nó asón kv, ntée súná mlı ató á, ıbówa labı há mlı dvn.

⁷ Mlıpıkı itóá fedá mú itotsúlá, fé ıkwı, oténte ntée akpe aná. Nı fomıda mú itsula wankláán á, butamanú mú asi. ⁸ Nı klunsi ɔdapó méblı dá mú á, Ɖ̀haa tamanú mú asi, dídá ató yó isá. ⁹ Alı kén ní mlıdé ɔblı ání Ɖ̀haa médé mtó nu blı á, mlıdétoı wá afútó ní. ¹⁰ Ɖ̀blı tsotsotso bv ɔyıtó. Kugyıkv ıdvn, ıbv mú ablıpó anulé. ¹¹ Táme ní akv dé ɔblı kv blı, mı é mmedé mtó nu á, ntamanú mv asi, mv é ɔtamanú mı asi. ¹² Mú sv ıniá mlıhı mlıdé Ɖ̀he Wankıhé atokıehé ámv dunká á, mlıkvlı múá ıbówa ɔpasua ámv ɔwvnln.

¹³ Inı sv Ɖ̀há ání ɔteblı ɔblı bámbá akólı Bulu mú asınu, ménı ɔbetalı le mú asi súná mú anupó. ¹⁴ Tsúfı ní ndıpv ɔblı bámbá bó mpáı á, mı Ɖ̀hı dé mú bv, táme mmedé asón ání ndıblı ası nu. ¹⁵ Nkálı meı nóbwe? Nóbv mpáı Ɖ̀hıtó bré kvto, pú mı agywıvn é bó mú bré bámbátó. Alı kén nówa ıbv Ɖ̀hıtó, pú mı agywıvn wá mú bré kvto é ní. ¹⁶ Tsúfı ní fıde Bulu kanfú Ɖ̀hıtó pé á, nkálı ıbóbwe Ɖ̀há ání ɔmedé mú asi nu ɔbetsa fı? Nkálı bétıa fı Bulu ıpán da ní bımedé asón ání fıdeblı ası nu? ¹⁷ Fıalı fıde Bulu ıpán da wankláán, táme ıtamawá fı bá ɔwvnln.

¹⁸ Nedá Bulu ıpán ání nteblı ɔblı bambá dvn mlıto okugyıakv. ¹⁹ Táme ní afıa a, ntekleá néblı asón anu pé ání ɔhagyıha obónu mú asi, ıbóbvá amó é dún ání néblı asón mpım-dú (10,000) ɔblı bámbátó ání Ɖ̀haa mónu mú asi.

²⁰ Mı apıó, mlımábwe agywıvn fé nyebı. Mlıbwe ıwı fé kebi-bóbwe lakpanbweto, táme mlıgywıvn fé ahande. ²¹ Bıwanlın wá Bulu asón ámvto bıı,

“Nótóı tsvn afóósó, bébláa mı ahá ɔblı bambá.

Mú ó á, mı ahá bımóonu mı ɔmı.” Anı Wıı léblı.

²² Inı sv ɔblı bambá blı igyı osúna há ɔmátófı, megyı ahógyıpv. Bulu Ɖ̀nó asón blı é igyı osúna há ahógyıpv, megyı ɔmátófı.

²³ Nı ɔpasua ámv ifıa, ɔhagyıha dé ɔblı bambá blı, Ɖ̀ha bambá pú ɔmátóyn bebá mlıto á, bıméıblı bıı, mlı nwn layıntá? ²⁴ Táme ní mlı fée mlıdé Bulu Ɖ̀nó asón blı, ɔmátófı ntée ahá ání butamanú mtó bebá mlıto á, amó onutó bıyó asón ámvto, nú ıwıası ání babwé lakpan. ²⁵ ıbéha amó klvntó asón bılın ɔwan, béda akpawunu, kánfú Bulu bıı, “Lélé, Bulu bv mlıto.”

Ɖ̀pasua Ámvto Nıhıé

²⁶ Mí apió, ní mlebá befia Bulu osúmkpá, mlítò òkò tɔwá ilò, òkò tosúná ató, òkò towun ató, òkò tɛblí òblí bábmbá, òkò é tonú mó así á, búbwéé mó pɔwá ɔpasua ámu ɔwɔnlín. ²⁷ Ní akú bɛblí òblí bábmbá á, búbwéé ahá abanyó. Ní butso kórará á, abasá. Bublí mó ikòle-kòle, ménì òkò ɔbéle mó así. ²⁸ Ní ɔhaa má ofiakpa inwá ɔbéle mó así mó á, búkpá ɔnó bun, amóa amó Bulu abɔtá nklobító. ²⁹ Bulu ɔnású atáipó abanyó ntéé abasá bótá, atráhe abuyɔ amó asɔn blíhé amɔtɔ. ³⁰ Táme ní Bulu ɔlé ató súná òkòá otsie ofiakpa inw á, Bulu ɔnású atáipó ámu osii tói, ɔhá ámu ɔblí tóá alawun. ³¹ Mlì fée mlétalí blí Bulu ɔnó asón ámu ikòle-kòle, ménì mlì fée mlósuán t̀kò tsú mótó pówá iwí ɔwɔnlín. ³² Bulu ɔnású atáipó amú bɔnyáa túmì ɔhè ámóú idé amó kpa amósó, ménì bótáí há amó aba ɔkpa. ³³ Tsúfè Bulu asón lolwíí, omegyí basabasa.

³⁴ Ní ɔpasua ámu ifia a, atsi búbwéé díín. Buma ɔkpa tói. Búbá iwiasí fè alíá Mose Mbla léblí. ³⁵ Ní bɔdekléá bónu asɔankɔtò á, bɔfíte amó akúlu wóyító, tsúfè ibo péliá ɔtsí ɔbótáí ofiakpa.

³⁶ Mlilahogyi mliaa, mlì wá Bulu asón ámu ilotsuá así? Ntéé mlì nkòle látsò mó nu? ³⁷ Ní òkú dékú ání Bulu ɔnású atáipó mɔgyí, ntéé ɔbu Ɔhétó atokiehé kú á, iwánkí mɔ ání aní Wíe onutó mbla ígyi ndewanlín sísí mlì. ³⁸ Ní ɔm̀hò asón ání á, mlì é mlímáhò mɔ asón.

³⁹ Mí apió, ínì sɔ mliprì ání mléblí Bulu ɔnó asón, támé mlímábláa ɔhaa mliaa, ɔmáblí òblí bambá. ⁴⁰ Mlìbwé tógyító dínka mó ɔkpasu wankláán, ifun.

15

Kristo Kɔsú tsú Afúlitò

¹ Mí apió, séí á, nkáin mlì asɔn wankláán ámóú neda mó ɔkan súná mlì, mlíðhò mósú gyí, mlì hógýí ilí mósú ámu. ² Asón ání ɔbéha mlì nkpa ání itamatá, ní lélé mlíðhò mósú gyí nì. Táme ní mlekíná mósú hogýí mó á, mlì hógýí labwé kpaali!

³ Tsúfè asón ání ihíe dehián bɔpɔhá mí nɔpɔba mlì ígyi. Mógýí, Kristo lóbowu aní lakpan sɔ, fè alíá Bulu asɔn wanlínhé amú léblí. ⁴ Bopulá mɔ, Bulu lókusúa mɔ tsú afúlitò eke sáásí fè alíá Bulu asɔn wanlínhé amú íleblí. ⁵ Ɔlele iwí ɔwan súná Petro. Mú ɔma a, ɔlele iwí ɔwan súná sumbí ayɔpó dúanyɔ ámu fée. ⁶ Iní ɔma a, ɔlele iwí ɔwan súná mɔ abúɔpɔ tsɔtsɔtsɔá bɔdɔn ahá lafanu (500) ɔtsáwɔle. Amótó akú bawú, támé ɔdɔdɔ bɔtráa bɔtsie nkpa. ⁷ Ɔlele iwí ɔwan súná Yakobo é. Ɔma a, ɔlele iwí ɔwan súná sumbí ayɔpó ámu fée.

⁸ Itráhe-tráhe a, ɔlele iwí ɔwan súná mí onutó ání nésin ɔma ba anfi. ⁹ Tsúfè mígyí sumbí ayɔpó ámɔtɔ ɔkɔsɔ nì. Teki mmɔfɔn ání bétí mí sumbí ayɔpó kórará, tsúfè nedínká Bulu ɔpasua ámɔsɔ. ¹⁰ Táme Bulu awítale sù nde namlì alì. Mú awítale amú inɔbwe kpaali. Tsúfè nayó agyómá dɔn amótó okugyíakú. Táme megyí mí ɔwɔnlín nɔpɔyó mó. Mú awítale amú dé mí kpa. ¹¹ Iní sɔ ní mlétrá da asón ámu ɔkan o, amó o, móá idehián gyí mlíðhò aní asón ámɔsɔ gyi.

Ani Kɔsú Tsú Afúlitò

¹² Ní anítédá Bulu asón ámu ɔkan aníaa, Bulu lókusúa Kristo tsú afúlitò á, ntogyí sù mlítò akú mó bæé, awupó bɔm̀òakusú tsú afúlitò? ¹³ Ní awupó bɔm̀òakusú mó á, idesuná ání Bulu m̀kúsúa Kristo é. ¹⁴ Ní Kristo m̀kúsú tsú afúlitò á, tekí aní asɔn wankláán amú ɔkanda ígyi kpaali. Mlì mósú hogýí é ígyi kpaali. ¹⁵ Ní Bulu tamakósúa awupó mó á, mómó afunu

anidewa tin Bulu onó, bli aniaa alakósúa Kristo tsú afúlitó. Ní otamakósúa awupó á, mómó asón ánfí ima mótó. ¹⁶ Ní otakósúa amó mó á, mómó otakósúa Kristo é ní. ¹⁷ Ní otakósúa Kristo a, mómó kpaali mlilaho mu gyi. Idesuná ání mlulasin lakpantó. ¹⁸ Mómó itráa desuná ání Kristo ahógyipwá bawú é bafwí. ¹⁹ Ní oyi ánfíto nkpa nkulesó aní ansídin Kristosú mó á, mómó aní lá bu nwe dón ohagyísha.

²⁰ Táme onakwalá ida gyí, Bulu lakósúa Kristo tsú afúlitó. Kristo labwé ahá ání Bulu obókúsúato ogyankpapu. ²¹ Alí amóú lowu léba tsón nyankpúsasú ámu a, alí kén kusó tsú afúlitó é ileba tsón nyankpúsasú ní. ²² Tsúfé alí amóú ahá butowú amóa Adam ikolebwe sù ámu a, alí kén amóa Kristo ikolebwe sù amó féé bénya nkpa ní. ²³ Táme anitó okugyíokú bu mu bré. Kristo Bulu légyankpá kósúa tsu afúlitó. Ní Kristo oyínkí bá a, mu é obókúsúa mu ahá féé. ²⁴ Mó oma a, Kristo obégyi onétó túmi laláhe, iwíegyi pó túmiá ide oyi sù gyí féésó asa oyi obómó onó. Mó oma a, obéyinkía iwíegyi ámu wá aní Sí Bulu ibitó. ²⁵ Tsúfé ilehián ání Kristo obégyi iwíe kpéfón bréá alagyi mu alupó féésó, pó mu ayabi tsá amósó. ²⁶ Olupó tráhe ání obéhu gyí lowu. ²⁷ Tsúfé Bulu asón wanlínhé amu ileblí obéé, “Bulu lópu tógyító wá mu asi.” Iní imosuná ání Bulu bu Kristo asi. ²⁸ Ní Kristo ogyi tógyítósó tá á, obópu iwí wá Bulu asi. Móléha mu túmi dínká tógyítósó, fówun Bulu é obégyi tógyítóá ibu otinegyíotínésó.

²⁹ Ní Bulu móakúsúa awupó á, ntogyi só ahá bude asú bó há ahá ání bawú? Ntogyi só béha bóbó amó asú há amó? ³⁰ Ntéé ntogyi só aní mó abópu aní nkpa pléí brégyibré? ³¹ Mí apió, nekáse, ntefia alowusú ekekegyíeke! Igyi tóá ntópúsú iwí ání mliá aní Wíe Kristo Yesu mlilabwé ikole. ³² Mó sù kpaali nako Efesofáa bugyi fé mbwíkitá-ato? Ní Bulu móakúsúa awupó mó a, “Mómó mliha agyi, awí, anu, tsúfé óke sesebre anlawú.” Fé aliá bowanlín wá Bulu asón ámu to.

³³ Mlimáha ahá ání buteblí asón ánfí odu abumle mli! Tsúfé ahande bée, “Mba laláhe gyí teyintá oha.” ³⁴ Mlilabwe agywun wankláán, amlisi lakpan bwe. Tsúfé mlitó aku butépi bomeyin Bulu. Nde asón ánfí wanlín sísi mli púsópa mli.

Oyólúwá Abópukósú Tsú Afúlitó

³⁵ Okú obéfíté obéé, “Nkáli Bulu obókúsúa awupó? Oyólúw mómó bópukósó?” ³⁶ Oha mimláhe! Bí ání ní fodú ató-abí á, itopló asa itakwe. ³⁷ Megyi itóbí amóú fopowá osólóto ámu gyi obán amóú itedan amu. ³⁸ Bulu tchá mó oyólúw papwe ání mu onutó odeklé. Ochéá ató-abí kugyíku mó oyólúw otsan.

³⁹ Alí amóú ató-abí otsan-otsan búu inu ámu a, alí tógyító oyólúw igyi otsan ní. Anyánkposá, mbwi, mbubwi pó ntsutso aye féétó okugyíokú oyólúw otsan.

⁴⁰ Osósó-ató bu inu, osólúsú-ató é bu inu. Mó féé ibu oyólúw otsan-otsan. Osósó klé numnyam otsan, osólúsú klé é numnyam otsan. ⁴¹ Owí numnyam igyi otsan há otsra. Otsra klé é igyi otsan há ntsrakpabi. Otsrakpabi kugyíku ná otsan, mó numnyam é ina otsan há mó bá.

⁴² Alí ibóbwe bréá Bulu obókúsúa awupó ní. Aní osólúsú-oyólúw anfi itowú, pló ánfí ibótsón otsan há móa Bulu obókúsúa tsu afúlitó, tsúfé mó mó imóowu ekekekeke. ⁴³ Aní oyólúw anfi tapon bréá bopúlá mó, táme ní Bulu okósúa mó á, itenyá owonlín, wá numnyam. ⁴⁴ Osólúsú-oyólúw igyi séi, táme ní Bulu okósúa mó á, ibóbwe onétó oyólúw. Tsúfé alí amóú osólúsú-oyólúw bu inu ámu á, alí onétó klé é bu inu ní. ⁴⁵ Bulu asón wanlínhé amu lébláa aní

ɔbée, “Adam gyankpapu amu lóbwe ɔkiankpapu.” Táme Adam tráhe, ogyi Kristo amu mú gyí ɔhjá ɔtehá nkpa. ⁴⁶ ɔsolósu-ɔyólú anitegyankpá nyá asa anitebenya ɔhjá klé. ⁴⁷ ɔsolótɔ-ɪsɪ Bulu lópuwé nyankpusa gyankpapu, ogyi Adam amu. Kristo, amú obuo amu mú otsú ɔsósú. ⁴⁸ Nyankpusa okugyáku bu ɔsolósu-ɔyólú fé Adam, táme anɪ ɔsósú-ɔyólú mú bóbwe fé Kristo klé. ⁴⁹ Alɪ ámú anɪgyí fé ɔsolósu Adam amu a, alɪ kén abóbwe fé Kristo amú otsú ɔsósú ámu é ekekó ní.

⁵⁰ Apíó, tásá ndeblí gyí, anɪ ɔyólú anfi igyi ɔyólú múa obugya anfi iméenya ogyíkpá Bulu iwíegyi ámɔtɔ. Tásá iteyíntá iméetalí nyá ogyíkpá tásá itamayíntátó.

⁵¹ Táme mliyaá asu amlinu asun ɔhínhé kuá Bulu lalé súná mí. ɔbée, megyí anɪ féé obówu, táme anɪ féé ɔyólú bétse. ⁵² Ní ɔkpe tráhe ifólí pé á, anɪ féé abétse ɔsáwɔle pé. Bulu ɔbókúsá awupó ámu. Amú ɔyólú iméetrá yíntá, ɔbétse anɪ nkpa atsiápó é féé. ⁵³ Tsúfé ilehián aní Bulu ɔbétse anɪ ɔyólú anfi itowú pló anfi, há anɪ ɔyólú itamawú, itamapló. ⁵⁴ Ní íbá mótó aní Bulu latse tásá itowú, bwé mú tásá itamawú, tásá itopló é lábwe tásá itamapló á, inó Bulu asun wanlínhé anfi íbéba mótó ní. ɔbée, “Batú lowu asɪ plíplíplíplí. Isugyi onotó laba.”

⁵⁵ Bulu asun wanlínhé ku é léblí ɔbée, “Oo lowu, nkónu fú ɔkpe bu?”

Nkónó fú isugyi bu?”

⁵⁶ Lakpan igyi ɔkpe aní itómó, Mose mbla ámu é itehá lakpan túmi. ⁵⁷ Nkálí kórará abókuku da Bulu ípán? Múláhá anilatsun anɪ Wíe Yesu Kristosɔ gyi asu.

⁵⁸ Mú su apíó adwepó, mlilu kínkíínkín, mli mákpunkí. Mlisi mli ɪwí féé ha Bulu agyómá brégyíbré, tsúfé mliyin aní mli gymagyihe móbwe kpaali.

16

Itswitswi Ha Yerusalem Ahíánfɔ

¹ Itswitswi ha Bulu ahá aní búbu Yerusalem asón ámu é á, mli bwé mú fé alɪ ámú nebláa ɔpasua ámú íbubu Galatia ɔmátó mbée búbwéé mú ámu. ² ɔhagyíɔha ɔkí mu kóba alíá otenyá ɔnó, ɔle ku yaɪ Kwasiédagyíkwasiéda. Mli mágyo mliáa mbá asa amlitswitswi mú. ³ Ní nebá á, nówanlín nwló há ahá aní mli onotó mléle mliáa, búpú ató ámu ya Yerusalemfɔ ámu, pólé amú súná amú. ⁴ Ní íbo aléá nýɔ á, múmó bóbuo mi yó.

Paulo ɔkpatu Nɔhíé

⁵ Ní nókósú tsú Makedonia a, néba mli wá, tsúfé ndekléá nótson unu asa néba. ⁶ Fíalɪ nétsiá mli wá kpalobí. Fíalɪ kórará nétsiá unu nyankpu múa atsalɪ bré ámu féé, fówun mli lasí mí ɔkpa nayó ɔtínegyíótínéá nýɔ. ⁷ Séi mú á, mmedékléá néba beka tsun mli wá keke. Ní Bulu lótsulá á, nétsiá mli wá kpalobí.

⁸ Táme nétsiá Efeso nfi kpéfɔn Pentekoste eke ámu. ⁹ Tsúfé ɔkpa kpɔnkpɔntɪ lafínkí há mí aní nýɔ agyómá aní íbówa labi. Íbu mótóá mí alupó tsɔtsɔtsɔ búbu nfi mú.

¹⁰ Ní Timoteo owíé mli wá á, mli máha ifú ikɪta mu, tsúfé anɪ Wíe agyómá ámu kén ɔdeyó fé mí. ¹¹ Mli máha ɔhaa ɔkɪ mu ansító kótíkótí. Mlisi mu ɔkpa wankláán oyínkí bɔtu mí, tsúfé ntsie ngyo múa anɪ apíó atráhe amu.

¹² Anɪ píó Apolo asón ámu a, nalí mɔsu mbée, obúo apíó ámu ba mli wá, táme omedékléá ɔbéba séi. Ní onyá ɔkpa á, ɔbéba.

¹³ Mlida iwisu, amlilu kinkíinkín mli hógyitə. Mliwa klun, amlwa iwí
 əwənlín. ¹⁴ Mlipu ədwe bwe mli tógyító.

¹⁵ Mí apió, mliyin ání Stefana mva mɔ wóyító ahá gyí agyankpapuá
 bədamlí klontə Akaia nsáintə. Basí iwí há, bɔde Bulu ahá ámu súm.

¹⁶ Nokókóli mli, mliɔa iwiası ha amúa ahá ání béba bətsiá amótó, bópu nsi
 yó agyómá ámu.

¹⁷ Ansí lagyi mı ání Stefana mva Fortunato pú Akaiko baba mí wá. Tsúfé
 bɔde mli əbwekpá bwe. ¹⁸ Bawá mí atətə-ənlun wankláán, fé alı ámuó bəwa
 mli ámu. Mliɔu ahá ánfı odu.

¹⁹ Əpasua ámuó ıbu Asia amu féé bɔde mli tsiá ha. Akwila mva Priska pú
 əpasua ámuó ıbu amó wóyító amu é behá mli tsiá wankláán anı Wíe ıdátó.

²⁰ Apió aba ámu féé behá mli itsiá gyágyáágyá.

Mlilata aba puta Kristotə.

²¹ Mí Paulo onutó lapú mí ıbı wanlín ını, ndəpohá mli tsiá.

²² Nı əku tamadwé anı Wíe Yesu a, ılwıı dın mvsu!

Marana-ta! (Mú ası gyí, “Anı Wíe, ba!”)

²³ Anı Wíe Yesu Kristo ogyii mli bɔale.

²⁴ Anıa anı Wíe Kristo Yesu ıkuləbwe sɔ ntəhíé dwé mli féé. Amen!

ᾠωλό Νυᾠσιά Paulo Λᾠwanlín Sísí Korintofó

¹ Μί Paulo ánι ινα Bulu apétó nabwé Kristo Yesu sumbí ᾠᾠpó muα anι πίο Timoteo dé ᾠωλό άνfi wanlín.

Anidé mó wanlín sísí Bulu ᾠpasua ánι ιbu Korinto wúluto pó Bulu ahá άνι bubu Akaia ᾠsolósu fée.

² Anι Sí Bulu muα anι Wíe Yesu Kristo bugyíi mlι buale, abuha mlι iwilwii.

Paulo Bulu Ipánda

³ Mliha akanfu Bulu. Mogyí anι Wíe Yesu Kristo mu Si pó mu Bulu. Mogyí anι Síá otowun anι nwe pó anι Buluá otolwíi anι klon ᾠkpagyíᾠkpasu!

⁴ Otolwíi anι klon anι asun wunhe kugyíkoto, ménι anι é abétalí pó klon lwíihé ámóú anilanyá tsú mu wá ámu lwíi anι aba klon amó asun wunheto.

⁵ Alι ámóú Kristo léhie wun ipian kponkponkronti, anι é anidé mó ku wúun amu a, alí kén Bulu ná Kristosu dhíe ᾠde anι klon lwíi ní. ⁶ Mó su ní anidé ipian wúun a, mlι iwilwii pó mlι nkpahóo su anidé mó wúun. Tsúfé Bulu dé anι klon lwíi, ménι anι é abólwíi mlι klon, fówun mlétalí nyá klon, tomi wun anι ipian ámu odu kén. ⁷ Ifú medé anι mlι su, tsúfé aniyin άνι ania mlinyo dé ipian ámu wúun. Mó su Bulu obólwíi mlι klon fé anι.

⁸ Apíó, ιbu aléá mlébi άνι iwiasin ámóú anilówun Asia ᾠmátó ámu ᾠnó lehie wá ᾠnln. Iekle dun anι. Ifú lekítá anι, aníkí άνι abówu kokooko.

⁹ ᾠnokwali asón, ιᾠbwe anι fé bahá anι lowu ipón. Táme alía animóᾠpu ansí dínká anι iwisu, mbouín Buluá ᾠtókósua awupósó, su ιleba alι. ¹⁰ Lélé mó á, ᾠlele anι tsú lowuto. Anilahogyi άνι obétsiá lé anι brégyíbré. ¹¹ ᾠbéle anι, tsúfé mlidé mpái bu anι nwunsu. Inι su ahá tsotsᾠotsᾠ bédá Bulu ipán anι nwunsu, tsúfé alawá awitole há anι, mpái ámóú ahá tsotsᾠotsᾠ buᾠebu há anι ámu su.

Paulo Nhíhé Tse

¹² Abétalí pó ιbi sí kántó aniaa anι klon mókóhá anι pón anι nkpató, títriu ania mlinyo nátito. Megyí anι ᾠsolóu anfisv nyánsa anilópu anidé anι agyómá yo, mbouín Bulu awitole só anilatálí lé iwito anidé tógyító bwe ᾠnokwalisu. ¹³⁻¹⁴ Tsúfé megyí asón άνι mliméetalí kla, nu mó asι anitᾠwanlín sísí mlι. Ιbu mótóá mlimédé mó asι nu yi, támε nahogyiá mlóbonu mó asι wankláán ekekó. Fówun mlι é mlétalí pó anι tsú iwι, fé alía anι é abópu mlι tsú iwι anι Wíe ᾠbáke amu.

¹⁵ Μί ansí dun asón anfisv. Mó su ᾠbwe agywun άνι néba mlι wá, ménι mlénya oyúla anyo. ¹⁶ Múgyí, nótsun mlι wá yó Makedonia. Ní neyínkí é nélatson mlι wá; fówun mlétalí sí mí ᾠkpa, néyinkí ba Yudea ᾠmátó.

¹⁷ Mléfité mliaa, ntogyi só nalátse mí agywun. Ntéε nabwé fé ᾠyító ahá ámóú buᾠebli beε, “Ee” latsé amó ᾠnó beε “O-o” amoto ᾠku? ¹⁸ Alι ámóú Bulu bu ᾠnokwali, ᾠtamawá afunu amu a, alí mí “Ee” igyi mí “Ee” ní. ¹⁹ Tsúfé Bulu mu Bi Yesu Kristo amu tamablí ᾠbéε “Ee” latsé mó ᾠbéε “O-o.” Mu mó á, “Ee” kóún ototsúlá. Mu iwι asón ᾠkan mía Silas pó Timoteo aniléda súná mlι ní.

²⁰ Tsúfé motótsúlá “Ee” há Bulu nhíhé kugyíko ιteba mótó. Mó só akánfó Bulu tá á, anitebli aniaa, “Amen!” ní. ²¹ Bulu téhá ania mlinyo anitetálí líi kínkínkín ania Kristonyo ikolebweᾠ. Mogyí dhá άνι ᾠleᾠa anι ofúli. ²² Mu kén lópu ᾠhe Wankíhé amu wá anι klontó, póhie anι nsu; isuna άνι muᾠbó anι, ᾠbóᾠwe tóá ᾠlehie há anι.

23 Bulu obíti mí ɛsɔ ní megyí ɔnɔkwali nde mli bláa. Alíá mméeba bowun tsitsa kòkò blí tsú mli ɛwí sò mmétrá bɔtsɔn ɛwí. 24 Anumédékléá ɛbóbwɛ fɛ anidé mli hɛ alíá mli ɛlópò mli hógýi yó agyómá. Mboún alíá ansí bégýi mli sò ania mlɛnyɔ anidé agyómá yɔ. Aniyin ání mli hógýi sɔ mlílí kínkínkín dodo.

2

1 Mú sɔ nabwé agywun ání mmétrá ba bɔwa mli awɛrɛhɔ. 2 Tsúfɛ ní neba bɔwa mli awɛrɛhɔ á, ma ɔbéha ansí bégýi mli dɔn mli á múbú nawá awɛrɛhɔ á mú? 3 Mú sò nɔwanlín ɔwóló gyankpapɔ amɔ sísi mli ní. Fówun ní neba á, mli á múbú mléha ansí bégýi mli á mú mlíméela há awɛrɛhɔ mboún ɛkita mli. Tsúfɛ mí ansí dɔn mli fɛésó ání ní ansí de mí gyí á, mli é ansí bégýi mli. 4 Megýi ansigyí nɔpɔwánlín ɔwóló ámu. Asɔn ihíe de mí háan, ndesú asa nɔwanlín mú! Táme megyí alíá néha mlégýi awɛrɛhɔ sɔ nɔwanlín mó. Mboún alíá mlébi ání ntehíe dwe mli sɔ.

Lakpansikié

5 Ohá á múbú ɔlɔpɔ asón ba ɔpasua ámuɔ ámu mókópó ɔlala gyi mli. Ní beɛ bukú mó á, ɔpasua ámu fɛé alapú asón gyí. (Mmedékléá nódɔn mó blí.) 6 ɛsɔbití á múbú mli ɔdɔdɔ mlilébití mli amɔ itɔ mli. 7 ɛlafɔn ání mlésikíé mli, yíá mli klɔn nya. Fówun asón mɔdɔn mli, ɛwí mɔowu mli. 8 Mú sɔ nokókóli mli, mlíle suna mli ání mlítráa mlíbu mli ɛwí ɔdwe. 9 Ndekléá nébi ní mlítegyi mí asón ámu fɛésó. Mó sɔ nɔwanlín ɔwóló ámu ní. 10 Ní mlesikíé ɔkɔ á, mí é nasikíé mli. Ní nesikíé mli é á, mli sò nasikíé mli Kristo idátó, ní ilehián ní, 11 méni ɔbunsám oménya aní ɛwí ɔkpa, tsúfɛ aniyin ɛkpa ání ɔtɔtsɔn músó fɛé.

Paulo Klɔn Médi Mɔ Así

12 Bréá neba Kristo asɔn wankláán ámu ɔkan ɔdakpá Troa wúlɔtɔ á, nowun ání aní Wíe lafínkí ɔkpa há mí. 13 Táme mí klɔn médi mí así, tsúfɛ mmɔtɔ mí píó Tito ɛwí. Mó sɔ neklá amó ká tsɔn yɔ Makedonia nsáunto.

ɛsɔgyí Kristo Idátó

14 Táme nde Bulu ɛpán da ání Kristo ɛsɔgyí sɔ alabwé aní ndoun, alakpá aní buo ɛwí, anidé mli ɛsɔgyí amɔ nke gyí. Ní ayó ɔtínegyíɔtíné a, ɔtɔtsɔn aní sɔ bláa ahá ámu Kristo asɔn wankláán ámu, fɛ alíá ofóbí fánfán tɔwá ɔfan yó tsútsúútsú. 15 Lélé mó á, Kristo gyí atɔ tɔhé, anigyí mó ɔfan ání ɛkɔsú há Bulu, há ahá ání bɔde nkpa nya pú amóá bɔdefwí fɛé. 16 Itobon ahá ání bɔdefwí, kpá amó ya lowutɔ, itɔwá ahá ání ɔde amó nkpa hɔɔ ɔfan, kpá amó ya nkpatɔ. Ma mee lófɔn ha gyoma ánífi odu yɔ? Oháa má ɛwí. 17 Aní mó anumégýi fɛ ahá ɔdɔdɔá bɔde Bulu asón ámu fe pòkle kóba. Iníá Bulu lówa aní sɔ á, aniteblí mó ɔnɔkwali sɔ fɛ Kristo asúmí ání bulí Bulu ansító.

3

Bulu Ntam Pɔpwe Asímpó

1 Asón ánífi anidéblí ánífi ɛtráa desuná ání anidé ɛwí kanfó súná mli lóó? Ntée ilehián ání abópɔ aní adánsíe nɔwóló bá mli, ntée abóhɔ mó tsú mli wá fɛ alíá aku bɔtɔbwé? 2 ɛkɛkɛkɛ! Mli onutó tsiátó gyí adánsíe nɔwólóá bawánlín dínká aní klɔnsɔ, ɔhagyíɔha dé mó wúun kla, póbí ání anidé agyómá wankláán yɔ. 3 Mligýi ɔwólóá Kristo lówanlín, ɛlɔtsɔn aní sɔ ba. Táme megyí oyípe ɔlɔpɔwánlín mó, Bulu ɔkiankpapɔ amɔ

Ɖhé ɔ̀pɔ̀wánlín mó. Megyí abwi pétéplé anyɔ̀sɔ̀* é ɔ̀wánlín mó dínká, mbóun anyánkpósa klɔ̀nsɔ̀.

⁴ Anɔ̀bu ɔ̀kpa blí alí, tsúfé Kristo sɔ̀ aní ansí dɔ̀n Bulusɔ̀. ⁵ Anɔ̀yin ání anímófon ání abétalí bwé tɔ̀tɔ̀ aní onutó iwɔ̀sɔ̀. Bulu sɔ̀ anilófon há tógyító bwé. ⁶ Mɔ̀láhá anɔ̀labwé mɔ̀ ntam pɔ̀pwe amɔ̀ asúmpó. Megyí ɔ̀bu Bulu lóɔ̀wánlín mó mó, mbóun Ɖhé Wankíhé amɔ̀. Tsúfé mbla wanlínhé amɔ̀ itɔ̀pó lowu ba, támé Ɖhé Wankíhé klé amɔ̀ mó itɔ̀pó nkpa ba.

⁷ Mbla dada amóú Bulu lówanlín dínká abwi anyɔ̀sɔ̀ amɔ̀ ɔ̀pɔ̀ lowu ba. Támé mó numnyam léha Mose ansító lehɛ wankí asa ɔ̀pɔ̀ba Israelfɔ̀. Bréá numnyam amɔ̀ ɔ̀nó ide asibá ó á, bɔ̀metalí kɔ̀ mɔ̀ ansító. ⁸ Iníá mbla wanlínhé amɔ̀ lénya numnyam alí á, mómó Ɖhé Wankíhé amɔ̀ gɔ̀magyihe numnyam ibéhɛ dɔ̀n mó! ⁹ Mbla wanlínhé amóú itehá anitegyi ipón amɔ̀ kóráá ɔ̀bu numnyam. Mómó nkálí Ɖhé Wankíhé gɔ̀magyihe amóú ihíé bu numnyam dɔ̀n mó amɔ̀ ɔ̀bɔ̀bwé? Tsúfé itehá anitegyi asɔ̀ Bulu ansító! ¹⁰ Mómó idesuná ání Bulu mbla dada amɔ̀ itráa ma numnyam kóráá. Pɔ̀pwe anfi numnyam lagi mósó. ¹¹ Tsúfé ní Mbla dada amóú imetsiá wá ɔ̀pá amɔ̀ bu numnyam alí á, mómó pɔ̀pwe anfi ibétsiá bré fée anfi klé ibéhɛ dɔ̀n mó!

¹² Aní ansí dɔ̀n ntam pɔ̀pwe anfi sɔ̀. Mó sɔ̀ anɔ̀bu ɔ̀kpa tóí faan. ¹³ Anímégyí fé Mose ání oletsíá pó tati bun nwun, méní Israelfɔ̀ bɔ̀móowun mɔ̀ ansító wankí, bréá mó ɔ̀nó ide asibá. ¹⁴ Támé mó óó á, Bulu léha amó klɔ̀ntɔ̀ lówa odwin bɔ̀fon nde. Mó sɔ̀ ní bɔ̀de Bulu mbla dada amɔ̀ kláa amó ofiakpa a, bɔ̀tamanú mó asi, tsúfé tati amɔ̀ létin amó agyɔ̀wun. Tɔ̀tɔ̀ méetalí bwíí tati amɔ̀ lé amó agyɔ̀wunsɔ̀, nkéti amóa Kristo babwé kɔ̀le. ¹⁵ Bótɔ̀ nde kóráá ní bɔ̀de Mose mbla amɔ̀ kláa a, tati amɔ̀ itráa bun amó agyɔ̀wunsɔ̀. Mó sɔ̀ bɔ̀tamanú mó asi. ¹⁶ Támé ní ɔ̀ha onyá dámli klɔ̀ntɔ̀ ba aní Wíe wá pé, Kristo labwíí tati amɔ̀ lé mɔ̀ agyɔ̀wunsɔ̀. ¹⁷ Aní Wíe amóú asón anfi idetóí tsú mɔ̀ iwí amɔ̀ gyí Ɖhé Wankíhé amɔ̀ ní. Ɖ́tinegyiɔ̀tínéá Ɖhé amɔ̀ ɔ̀bu a, iwígyí tétsiá ɔ̀bu. ¹⁸ Aní Wíe dé tati amɔ̀ bwíí lé aní fée ansító. Mó sɔ̀ anidé mɔ̀ numnyam amɔ̀ le súná ní. Mɔ̀ Ɖhé amɔ̀ lahá anidé mɔ̀ lían, tsúfé mɔ̀ numnyam amɔ̀ itráa dɛwankí anitɔ̀ tsía.

4

Ɖlótó Siadie

¹ Bulu láwun aní nwe pó agyómá anfi wá aní ɔ̀bɔ̀. Mó sɔ̀ abato tamawí aní. ² Anɔ̀lakíná tóá ɔ̀bu péli pó oklúntɔ̀ ató fée. Anumédé ahá mlé, anumédé Bulu asón amɔ̀ é damli bun. Mbóun anidé ɔ̀nkwalí amɔ̀ onutó blí pólé iwí súná ahá fée, iwankí amó ahá anigyí Bulu ansító. ³ Ní tɔ̀ku ibun ason wankláan amóú anidébli amɔ̀sɔ̀ kóráá á, ahá amóú bɔ̀defwí amɔ̀ nkɔ̀le ibun há. ⁴ Ɖ̀bɔ̀nsám gyí ɔ̀yí láláhe anfi sɔ̀ agyí pó. Mɔ̀lápó ató tin ahá anfi bɔ̀tamahɔ̀ Bulu gyí anfi ansíbi. Mó sɔ̀ bɔ̀medé ason wankláan amóú igyi wankí amɔ̀ asi nu ní. Wankí amɔ̀ gyí Kristo. Muléhɛ lían Bulu numnyam ní. ⁵ Tsúfé aniména anumédé aní onutó iwí asón ɔ̀kan da. Yesu Kristo iwí asón ɔ̀kan anidéda aníaa, mɔ̀gyí aní Wíe. Tóá anitebli tsú aní iwí gyí, Yesu sɔ̀ anɔ̀labwé mli asúmpó. ⁶ Tsúfé Bulu amóú ɔ̀leblí ɔ̀béé, “Wankí idáli tsu oklúntɔ̀!” amɔ̀ kén lahá mɔ̀ wankí amɔ̀ idɛwankí aní klɔ̀ntɔ̀. Ulahá anɔ̀labí ání mɔ̀ numnyam amɔ̀ idɛwankí Yesu Kristo ansító.

⁷ Támé anigyí fé nló pwehé ání siadie bu mótó. Siadie amɔ̀ gyí wankí móa túmi anfi idɛwankí aní klɔ̀ntɔ̀. Idesuná ání túmi kpɔ̀nkpɔ̀nkpɔ̀ntɔ̀ anfi

* 3:3 Abwi pétéplé anyo amóú Bulu lówanlín mɔ̀ Mbla dú dínká mósó há Mose amɔ̀.

imotsú aní, Bulu wá itsú. ⁸ Bude aní háan okpagyíokpasu, táme bomokótálí sá aní tin. Iwí de aní klí, táme imokókpon aní. ⁹ Budin anísu, táme Bulu mókósí aní há. Butefin aní dá, táme Bulu su anumókowú. ¹⁰ Anilatsúlá ide aní oyulúv anfi ipian brégyíbré, anidéwu fé Yesu, méní mu nkpa ámu ibéluw anito. ¹¹ Yesu sún su aní nkpa atsiápo anfi anitefia lowu brégyíbré. Alíá ibóbwe mu nkpa béluw aní oyulúv anfi idewu ánfito su. ¹² Iní désuná aní lowu dé aní laláa, mlí é mlíde nkpa aní itamatá nya.

¹³ Táme aníbu mósó anidé Bulu asón ámu okan da. Tsúfé anilóho mu gyí fé alá Israel íbu owapó ámu lówanlín wá Bulu asón ámote obé, “Nóho Bulu gyí. Móláhá só nde mú okan da ní.” ¹⁴ Aniyin aní alí ámóó Bulu lókwóó aní Wíe Yesu tsú afúlitó ámu a, alí kén obókwsóó aní, obékpa ania mlínyo féé ba mu iwí wá ní. ¹⁵ Iní féé bówá labi há mlí, méní ní Bulu híe ode awitole wa, kpá ahá oduduo ba Kristo wá á, béhie dá mu ipán, wá mu numnyam.

Hógyi Potsiá

¹⁶ Mú su abato tamawú aní. Ibu mótá aní oyulúv anfi idewu mú, táme Bulu dé aní okláo owunlín wa ekekegyíeke. ¹⁷ Tsúfé iwíasin kpalobí anfi anidéwuúun séi anfi íbéha abénya numnyam kponkponkrontiá itamatá, ídun iwíasin anfi. ¹⁸ Mú su animédé iwíasin anfi anidéwuúun anfi bu. Múá nyankpusa ansibi tamawun okpa anidéki. Tsúfé iwíasin anfi íbéba batsun. Ansigyí ámóó íbu oma, íbétsiá bré féé ámu okpa anidéki.

5

¹ Aní oyulúv anfi igyi fé kantankpa aní anitsie mótó. Ní bobwíé mú á, Bulu obéha aní obu bámbá osúsó. Mómó á, megyí nyankpusa léyi mú. Mu onutó léyi mú, imóobwie ekekeeke. ² Tsúfé séi kóráá ide aní ipian osulúsv-oyulúv anfito. Anihíe anigyó ekeá obópu aní osúsó-oyulúv wá aní fé atadié. ³ Mómó anumóbwe fé ojeá ima oyulúv, aniná yayá. ⁴ Ide aní ipian, anidékumí bré anfi anitráa aníbu aní oyulúv dada anfito. Megyí beé anidékléá awú, adalí oyulúv anfito. Mboún anidékléá Bulu owáa aní osúsó klé amóó tamawú pló ámu, méní íbégyi mú anfi itowú pló ánfisv. ⁵ Bulu onutó léla aní yáí há mú, obópu Oje Wankihé amu wá anito. Mógyí íbwiá oledinká mósó ní.

⁶ Mú su anitowá klón brégyíbré. Ibu mótá bré anfi aníbu osulúsv-oyulúv anfito á, aníbu ífó aní Wíe wá. ⁷ Iní su hógyi anílapó anitsie nkpa, megyí tóá ansibi dewúun. ⁸ Ee! Anihíe anidé klón wa, tsúfé tóá anihíe anidédkwá gyí abówa ífó osulúsv-oyulúv anfi wá, ayetsiá aní Wíe wá. ⁹ Mú su ní aníbu osulúsv nfi o, otine bambá o, tóá idun aní klónsv bré féé gyí, abóbwe tóá íbégyi aní Wíe ansí. ¹⁰ Tsúfé aní féé abéyélíí Kristo ansító, obégyi anito okugyíoku asón, ká mu íko aní osulúsv-oyulúv anfi bwehé onó. Yilé igyi o, lalahé igyi o.

Bulu Onyawiele

¹¹ Anihíe aniyin aní ilehián aní abénya aní Wíe ifú. Mú su anidétóí kplá ahá aníaa, amó é bunyáa mu ifú. Bulu híe oyin aní. Nahogyi aní mlí é mlíyin aní mlí klontó. ¹² Megyí iwí anitráa anidétsu súná mlí. Mboún anidé mlí okpa suná, méní mlótsu iwí aní sv. Fówun ní ahá bude iwí tsu tóá oha tópo ansibi wun sv, imegyí tóá íbu oha klontó sv á, mlénya kw bláa amó. ¹³ Tsúfé ní beé aní nwun layintá kóráá á, Bulu asón igyi. Táme ní beé aní ansító da mú á, ida ha mlí. ¹⁴ Odwe ámóó Kristo bu ha aní ámu dé aní kpa, tsúfé anlanú iwíasi aní mu nkole lówu há ahá féé. Mú sv muá ahá féé bawú. ¹⁵ Olowu há ahá féé lélé, méní ahá aní bénya nkpa pópwe amu boméétrá

tsiá nkpa alá bodeklé. Mboún bétsiá nkpa há Kristo amó olowu, Bulu lókúsóa mu há amó ámu.

¹⁶ Inu su anitráa animédé ÷haa kí fé alá ÷yító ahá buteki mu. Ibu móttá bré ámu anilétsiá kí Kristo fé alá ÷yító ahá buteki mu, táme anitráa animédé mu kí alí. ¹⁷ Mó su ní ÷ha muá Kristo bóbwé ikole a, alabwé ÷ha pópwe. Mu tsiátó dada amu féé ulatsón. Mu tsiátó labwé pópwe! ¹⁸ Nkpa pópwe anfi itsú Bulu wá. Mólótsón Kristosó bwé aní anfi anigyí mu alupó anfi mu anyawíe. Alapó agyómá anfi wá aní ibitò, ÷béé aléé aha bambá é anyawíe ha mu. ¹⁹ Tsúfé Bulu lótsón Kristosó ÷de ÷yító ahá damlí bwé mu anyawíe. Ìtráa ÷medé amó lakpan iwí akúnta bu há amó. Inu ÷lópwwá aní ibitò ÷béé, abláa ahá ní.

²⁰ Kristo atsiámu anigyí, Bulu déttí tson anisó há mlí. Mó su anilíí Kristo ÷líkpá anidé mlí kokóli aniaa, “Mliha Bulu ÷bwe mlí mu anyawíe!” ²¹ Tsúfé Kristo móbwe lakpan kóku! Táme Bulu lópu mu bó afdíe aní lakpan so, méní ÷bótsón ania monyò ikolebwe so tsú aní aní aní asón da ÷kpa mu ansító.

6

¹ Ania Bulunyò anidé agyómá yò. Mó su anidé mlí kokóli aniaa, mli máha Bulu awítale amó mli lanyá ámu ÷bwe kpaalí. ² Tsúfé Bulu léblí mu asón wanlínhé amòto ÷béé,

“Bréá mí bré lófón aní nówun ahá nwe a,
nonu mlí ÷me.

Mí nkpa ÷hóke amu ÷lòfón é á, negyi mlí buale.”

Mlinu! Bré ámu lófón a. Nde gyí mlí nkpa ÷hóke amu ní!

³ Animédékléá abétin ÷haa aní Wie wá ba ÷kpa, méní ÷haa méenya asoansó blí tsú aní agyómá anfi iwí. ⁴ Mboún aní bwehé fééttó a, anitelé súná aní Bulu asúmbi anigyí ÷nòkwalisó. Anitotomi aní iwíwásín, aní ikplán pú aní asón wunhe kugyíku étó. ⁵ Bepití aní ató, wá aní obu, bekpa bun anisó dá aní. Anilóyo agyómá aní idón aní. Nkekó anitamadídi, nkekó é anitetsiá akón. ⁶ Anilótsón aní tsiátóso lé súná aní ifin kóku má aní iwí. Aniyin asón, anitenyá iklon. Aníbu awítale, ÷je Wankíhé amu tsie anitò. Anitehíé dwé ahá é tsú aní klòntò. ⁷ Anitedá Bulu asón ámu ÷kan ÷nòkwalisó pú Bulu túmitò. Yilébwe gyí isá-akotóá anidépókó ahá, anidéputin aní iwí é. ⁸ Aku butobú aní, aku é butósúpa aní. Aku butekánfú aní, aku é butòkpí aní. Aní asón da ÷kpa, táme bode aní bu afunupu. ⁹ Fé animégyí tótò ahá ansító, táme ahá anigyí. Fowun aní fée anidéwu ní, táme kí, aníbu nkpa. Botesian aní mò, táme anitedáli móttó. ¹⁰ Aníbu iwíwásintò, táme Kristo so aníbu ansigyító. Ahiánfò anigyí, táme anilahá ahá bamlí iwí anyapó. Animá tótò, táme aníbu tógyító Kristo so.

¹¹ Korintofó! Anitehíé nyá mlí iwí ansigyí, lé iwíto bláa mlí asón. ¹² Anitamakólá iwí mli so, táme mlí mó mli dé iwí kolá anisó. ¹³ Nde mlí asón bláa fé mí onutó abí. Mli é mli mápu asoansó njáin aní.

Ìmátòfò Pvgyi Mba

¹⁴ Mliá ÷mátòfò mli mágyi mba. Nkálí yilé móa lalahé bétalí tsiá tsukole? Nkálí wankí móa oklún é bóbwe kole? ¹⁵ Kristo muá Ìbonsám* bétalí bwé agywun kole? Èkekèkè! Nkálí ohógyipu muá ÷há aní ÷ma hógyi bóbwe kole? ¹⁶ Nkálí bótswé ÷kpi Bulu ÷tswékpa? Tsúfé anigyí Bulu Ìkiankpa pu amu ÷tswékpa ní. Igyi fé alá bòwanlín wá Bulu asón ámòto beé,

* **6:15** Paulo létí Ìbonsám ÷béé, ‘Belial.’

“Bulu obée, ‘Nétsiá mí aháto,
mía amónyo abénatí.

Nóbwe amó Bulu,
amó é bóbwe mí ahá.’ ”

¹⁷ Bəwanlín wá Bulu asón ámutə é bee,

“Aní Wíe Bulu obée,
‘Mlidalí amótót, amlimain iwí le amósó.’ ”

Betrá wanlín wá Bulu asón ámutə bee,

“Mlímáwa ibi lalaheto,
mí anhə mlí.”

¹⁸ Betrá wanlín wá Bulu asón ámutə bee,

“Bulu obée, ‘Nóbwe mlí Sí,
mlí é mlóbwe mí abí.’
Alí aní Wíe Otúmípu déblí ní.”

7

¹ Mí apíó adwepó, Bulu lahié ntobíá igyi alí yáí aní. Mó sɔ mlíha afwí ibi le tógýítá íbókpaí aní ɔyolúv pú aní ɔkláa fféétó. Mlíha anya Bulu ifú, méni íbéha aní iwí bétin, ifin kɔkɔ méétrá tsíá aní iwí.

Paulo Ansigyi

² Kókoli, mlímákolá iwí anisú! Anumókópó lalaha gyi əhaa. Anumókóyintá əhaa, anumókósisi əhaa é. ³ Megyí ipón nde mlí ha só nde asón ánfí blí. Tsúfé nablí bətsɔn mbée, anitekile mlí asón. Lowutə o, nkpatə o, anuméetan mlisɔ ekekekeke. ⁴ Ntetalí bla mlí mí klontə asón, nde iwí é tsu mlisɔ wankláán. Aní ipian féé əma a, mlilawá mí atetə-ɔnlɔn. Ansigyi kpənkpənti kɔ labúlá mí klontə.

⁵ Tsúfé bréá anilówie Makedonia a, anuménya əkpa dá əkpónó. Atsɔn nfi asón, ayínkí nfi itré. Mó sɔ ifú letsíá aní ayetə. ⁶ Táme Buluá otolwíí ahá ámóú iwí lawú amó iklɔn amó lékpa Tito ba aní, púlwíí aní iklɔn. ⁷ Megyí mɔ íbá amó nkɔle léha iklɔn lolwíí aní, mbóún asón ání əlɔpɔtsúa mɔ ba é. Ɖlebláa aní obée, mlíhié mlídekléá mlówun mlí. Alíá asón ámu lahan mlí, mlilanú iwiasí ání mlímébi bwé pú alíá mlilahíé tsúlá dínká mí klésɔ, sɔ ansí letrá gyi mɔ tsíá.

⁸ Tsúfé ní mí ɔwoló ámutə asón lehan mlí kóráá á, mí mó imehan mlí. Ibv mótsá ilehan mlí bré kɔtə, tsúfé nowun ání ileha awirehə lékitá mlí kpalobí. ⁹ Ansi de mí gyí séi. Megyí alíá iləwa mlí awirehə sɔ. Mbóún alíá awirehəsú amó ilahá mliladámli klontə sɔ. Tsúfé mlí awirehəsú anfi odu Bulu tekle ni. Mó sɔ mí asón ámu imeyintá tətə tsú mlí iwí. ¹⁰ Tsúfé awirehəsúá igyi Bulu apé təpó klontədamli bá. Itchá anitenyá nkpa. Mó odu bɔ əsin, táme ima əsin. Ɖyítá awirehəsú mó á, lowu itəpəba. ¹¹ Mlíki tás awirehəsúá igyi Bulu apé latí há mlí! Ilahá mlilatsú ikɔ lé asón ámutə, mlídesuná ání mlí asón dá əkpa sɔ əbló é de mlí. Ilatsí mlí opúni, ilahá mlíhié mlídekléá mlówun mlí, mlilatsúlá dínká mí klésɔ. Mlíhié mlídedunká ání mlébití lalaha əbwepó ámu isɔ. Lélé, mlilalé súná ání mlímégyi pón asón ánfito.

¹² Nəwanlín ɔwoló sísi mlí, táme megyí ahá ánfí sɔ. Megyí əhá ámóú əlbəwe ilá, ntée əhá ámóú əlɔpɔ ilá gyí mɔ amó sɔ. Alíá néle súná mlí Bulu ansító ání mlilatsúlá dínká mí klésɔ mbóún sɔ. ¹³ Iní lahié wá aní atetə-ɔnlɔn.

Móá idɔn kóráá á, ansí legyi aní, bréá anilówun ání mlí féé mlilahá ansí de Tito gyí, tsúfé mlilahá iklɔn ladí mɔ asi. ¹⁴ Ní nekanfó mlí mɔ ansító kóráá á, mlíméha péli mekitá mí. Alí ámóú asón ámóú anilébláa mlí ámu féé igyi ənəkwali amó a, alí kanfó ámóú nekanfó mlí mɔ ansító ámu é laba

mótó ní. ¹⁵ Ní Tito òkàín alá mlí fěé mliteyaa asu há mu, hò mu asun blíhé, pò alá mletenyá ifú kpínkí mu ansító á, òtetráa nya mlí iwí òdwe tsía. ¹⁶ Ansí ihíe dé mí gyí ání nétalí pò ansí dínká mlísu òkpagyíòkpasu.

8

Akristofò Atókíe

¹ Apíó, anidékíeá mlíbú awítoléá Bulu lawá há òpasua ámóú búbu Makedonia òmátó ámu. ² Iníá búbu ipian múa asun wunhe tsòtsòtsòtò kóráá á, bəpu amó ohian futútúútú lé amó awítolé kpənkpəənkprənti súná ansigyísó tson amó atokiehétó. ³ Něblí mbéé, bekie ató dun alá bétalí kóráá, tsú amó klontó. ⁴ Betsiá kólí aní òkpa bəe, ahá amó é abunya òkpa wa awítolé ha Bulu ahá ání búbu Yerusalem. Fówun amó é amó ibi bówie osun agyómá ánfíto. ⁵ Bəbwe dun alá anilósusúu. Gyankpəpə a, besi amó iwí há aní Wíe, belasi amó iwí há aní Bulu apétó. ⁶ Mú su aníahá Tito amóú olegyankpá bəha mlíłwa nsi ámu aníaa, òtráa yinki bəha amlíwa nsi mō mlí awítolé agyómá ámu ònó wankláán. ⁷ Mlilafun òkpagyíòkpasu, tsúfě mlíhíe mlíbu hógyi, mlíyin tóí, mlíletun ansí. Tətə tamakpən mlí, mlítehíe dwé aní é. Ndekíeá mlíbóó mbódí awítolé agyómá ánfí étó dun òhagyíòha.

⁸ Mmédé mlí hie mbéé, mlíbwéé mó. Mboún ndepu mlí òdwe kápú akvá budepri ání amó é bóbúá. ⁹ Tsúfě mlíyin alá aní Wíe Yesu Kristo lódwe ahá, wá awítolé. Iwí onyapó ogyi teki, táme aní su òbəwe iwí ohíáni, méni abótsun mu ohian ámusu bwé iwí anyapó.

¹⁰ Mí agywun gyí, ní mlómó agyómá ámóú mlíléfi así ofíku ámu ònó á, ibówa labi há mlí. Tsúfě mlígyí òpasua gyankpəpə ání mlíłbwé agywun ámu, mlí kén léfi mú así. ¹¹ Mlílwuna bwe mó mō ònó. Mlile íklontó bwe mó, fě alá mlíléfi mú así. Mlíkie mó mlí òwənlín ònó, méni íbėkanáa agywun ámóú mlíłbwé ámu. ¹² Ní ihíe igyi mlí apéá mléha á, mlíkíe tóá mlíbu. Mótegyi Bulu ansí, megyi múá mlumá.

¹³ Megyi bəe, anidékíeá abéha iwí bólwií akú, iwí íklí mlí mó; mboún alá iwí bólwií mlía amónyo fěé kékéé. ¹⁴ Séi mlíbu ató tsòtsòá mlétalí póbúa amó. Mómó ní iwá alé há amó, iwí leklí mlí é á, amó é bétalí búa mlí, méni mlía amónyo fěé mlénya kékéé. ¹⁵ Mlíkaun ání Bulu asun wanlínhé amu léblí òbéé, “Ọhá ámóú òlekpa tsòtsòtsò ámu ménya mó dubi. Ọhá ámóú òlekpa kpəlobí ámu é klé ləfun mu.”

Tito Mva Mv Aba

¹⁶ Adá Bulu ipán ání alahá Tito é latsulá dínká mlí klésu fě mí. ¹⁷ Bréá aníłwa mu aníaa òbá mlí wá á, olotsulá. Mu onutó óó, ibu mu òdwe ání òbétrá ba inu. ¹⁸ Anidé mva opíó òku wa sísí mlí. Ọpasua ámu fěé bude mu kanfó, asun wankláán ámu òkan da su. ¹⁹ Makedonia òpasua ámu fěé léle mu ání ania munyo anáti ki, ahə atokiehé ámu ya Yerusalem. Anidé ató ánfí bwe pówá aní Wíe numnyam, méni íbósuná ání aní onutó latsú dínká iwísu ání abóbwé mó.

²⁰ Anidé aní iwí kí wankláán, méni òhaa méele aní ílá, tsú alá aníłpu anidé atokiehé ámusu kí. ²¹ Tóá anidésusúu gyí, alá abóbwé múá ída òkpa Bulu mva anyánkpósa fěé ansító.

²² Iní su anílapú aní apíó ámótə òku mántá Tito anásó. Anílasə mu kí, anílawun ání òhíe òbu nsi. Alahə mlí gyi séi. Mó su òhíe òdekíeá òbétsa aní agyómá ámu yo. ²³ Ní òku léfíté musu á, mlíbla mu mlíaa, mía munyo dé agyómá yo pòsúm mlí. Makedonia òpasua lówa apíó atráhe amóú mva

amónyo bebá ámu. Iní désuná ání Kristo bode numnyam wa. ²⁴Mó su mlile mli ödwe suna amó. Isuna opasua ámu féé ání mli su anibo okpa tsú iwí.

9

Akristofá Bvma Təto Bvđ

¹ Imehián ání nówanlín mli owóló tsú alhá mli dé Bulu ahá ání bubu Yerusalem bóa iwí. ² Tsúfé nyin ání mli híe mli dékléá mlóbóá amó. Nagyí mli iwí adánsie súná amó mbée, tsú ofiku opa Akristofá bubu Akaia osólósu beda iwísu yáí ání bóbóá. Mli nsiwa lahá ogyá ku lawíe amó ödödüto. Mó su amó é bafi mó asi. ³ Táme nde apió ánfí wa sísí mli, isuna ání megyí kpaali negyí mli iwí adánsie súná amó. Mli da iwísu, fé alhá nebláa mli yáí, amlíka mli tswitswi féé. ⁴ Tsúfé ní Makedonia Akristofó ámutó aku bobuo mli ba inu, bowun ání mli mókódá iwísu féé alhá nebláa amó á, abósópáa amó ansító, táme mlósópáa dön mi. ⁵ Mó su nabwé agywun ání néha Tito mva mu aba ámu abogyankpa ba mli wá, iha amlidunka tóá mli léhie ání mléha yáí. Táme mli ha mó tsú mli klóntó, megyí ohíe igyi.

⁶ Mli kaín ání ohá ání odú kpalobí á, kpalobí otokpótí, táme ohá ání odú tsotsó tokpótí tsotsó. ⁷ Mli to okugyíaku oháa móá obétalí tsu mu klóntó. Imábwe ohíe, tsúfé ohá ání otópó ödwe kíe ató asón Bulu tekle. ⁸ Bulu tēhá mli tóá mli déhián brégyíbré, dön alhá ilehián mli. Mó su mlénya tóá ide mli hián brégyíbré. Ibófon mli sian, mlópobwé yilé há aha bambá. ⁹ Fé alhá bəwanlín wá Bulu asón ámutó bee, “Bulu oha telé iwito kíe ahianfo ató. Mu yilébwe tamatá.”

¹⁰ Bulu tēhá adətopu atə-abí butodú, otehá ahá atogyihe. Mli gyí fé amó. Obéha mli atə-abíá mlópu iku kíe ahá, atogyihe tsotsəotsə bédali tsu mli yilébwe ámutó. ¹¹ Obéhie yúlá mli okpagyíokpasu, méní mlówa awitəle há ahá brégyíbré. Iní ibéha ahá ámu bēda Bulu ipán, ató ámutó mli lapótsun anisə há amó ámu su. ¹² Tsúfé atoku anyə obédali tsu mli atə hahé ánfito. Megyí ató ámutó mli lapóhá Bulu ahá ámutó ató de amó hián, bubu Yerusalem amu nkole, mboun ibéha ahá tsotsəotsə bēhie dá Bulu ipán. ¹³ Tsúfé ní mli há amó á, ibéha bēkanfó Bulu. Ibósuná ání lélé mli dé Kristo ason wankláán ámutó mli lóhə amosə gyí, mli dé awitəle é wa há amó aha bambá. ¹⁴ Bēhie káin mli su, bó mpái há mli, tsú awitəle kponkponi ámutó Bulu lapóhá mli ámu su. ¹⁵ Adá Bulu ipán há mu atokiehé ánfí idon blí ánfí!

10

Paulo Gyumagyihe Onóle

¹ Ibo móttá mli to aku mli tēblí mli aa, ní mbo mli wá á, mí asón lolwií, táme ntəwánlín mí nwóló túmisə. Táme mí Paulo nde mli kokóli mbée, mli póku alhá Kristo asón lolwií, əleba iwiasu. ² Mli to aku bodeblí bee, mí bwēhé lahan oyító ahá. Mó su ní netrā ba inu á, nawun ání ilehián ání mí ansító bówa onlin. Kókoli, mli máha ampə tsiátó anfi odu ba inu. ³ Ibo móttá oyí ánfito anibo, táme megyí oyí anfito agywun anidépókó isá. ⁴⁻⁵ Megyí oyító akətó anidépókó. Bulu akətóá ibu túmí anidépobwíe okpikplikpa kugyíkuá itəkósó lí Bulusə. Anitəpóyíntá afunu asón kugyíkuá ahá butəpótsú iwí, itēhá amó butamabí Bulu. Anitəpódámli agywun laláhe kugyíku, há itobú Kristo. ⁶ Ní mli aha tráhe amu mli lapó iwí há Kristo, mli dé mu asónsó gyí a, abébutí ahá ámutó bode asutə-onlin wa ámu é asu.

⁷ Mli ki onəkwali amóú ida mli ansító ámu. Ní mli dékiá Kristo bó mli á, mó móú mli ki mó wankláán, amlibi ání móbó aní é. ⁸ Ní nde iwí tsu túmí

ámóú aní Wíe lapóhá aní ámu sɔ dubi a, ima mí péli. Tsúfě ɔlɔpohá aní ɔbée, apóbuwa mli amlidan. Megyí ɔbée, apóyinta mli. ⁹ Imábwe mli fě nde nwołó wanlín, pówá mli ifú. ¹⁰ Tsúfě aku bεε, “Mákpla Paulo. Mu asɔn wanlínhé bu odwin, ɔtɔpóhíé ahá. Táme ní mu onutó ɔbu aní wá á, ololwií, mu asɔn blíhé é ima ibíá!” ¹¹ Iwánkí ahá ámu aní asón aní anitɔwánlín sísí ahá kén anitɔbwé ní anibu amó wá ní.

¹² Lélé mó á, amendi anigyiá abópu iwí kápó ahá ánfí buɔe iwí kanfó ánfí? Amó wolewole dépu iwí kápó aba, buɔe ansí pɔdínká abasu. Mimlá igyi amó. ¹³ Aní mó anumóotsu iwí dáfá, mboun ɔkpa ámóú Bulu léhe há aní ámu ɔnó abótsu iwí fun. Múgyí agyómá aní anilabwé bɔtu mli ní. ¹⁴ Anilégyankpá pó Kristo asɔn wankláán ámu ba mli. Mó sɔ ní anidé mli asón bláa a, anumókótóí dáfá. ¹⁵ Animédépu ɔhaa agyómá é tsú iwí. Mboun anidé ɔkpa kí aní mli hógyi bédan. Agyómá ámóú anidéyo mlitɔ ámu é ibékłéí tsía. ¹⁶ Mómú abétalí dáfá mlisɔ yéda asɔn wankláán ámu ɔkan ɔmá bámbá éśó, méní imáɔbwe fě anilapú ɔtínéá ɔku lagyankpá yó agyómá tsú iwí.

¹⁷ Táme Bulu asɔn wanlínhé amu lébli ɔbée, “ɔhagyíɔha aní ɔbée, mótsu iwí á, ɔpóu tśá aní Wíe labwé tsu iwí.” ¹⁸ Tsúfě ní Bulu ɔkánfó fú gyí asón, iwí kanfó mó kpaali ígyi.

11

Paulo Mva Sumbi Ayɔpó Afunupu

¹ Mlunya klɔn, amlunu mí mimlála kpalobí ánfí así! Kókoli, mlunya klɔn ha mli. ² Mmesi mli tswí fě alíá Bulu tamasi mli tswí. Tsúfě mli gyí fě obitebíá omeyín oyin, napú mli há oyin ɔkuɔe, ogyi Kristo. ³ Táme alí ámóú iwɔ ámu lópu mu alape mlé Hawa amu á, ifú de mí aní ɔku ɔbémlé mli, mli ansí bédunkí ɔnɔkwaliwa pó ɔdwe wankíhé ámóú mli bu ha Kristo amusu. ⁴ Tsúfě nyin aní ní ɔku ɔbá beda Yesu bámbá ɔku iwí asón ɔkan súná mli, imegyí ɔmɔamóú aniléda mu iwí asón ɔkan súná mli ámu a, mlókɔsí hogyi. Ní mlenyá ɔhíé bámbá kúá ina ɔtsan há móámóú mli légyankpá nyá ámu é á, mlóhɔ mó gyí. Alí kén ní mlonú asɔn bambá aní ina ɔtsan há móámóú anilébláa mli ámu é á, mlókɔsí hɔ mósú gyí ní!

⁵ Mmedéhogyiá ahá ánfí buɔe iwí ti “Sumbí ayɔpó akpɔnkpɔnti” ánfí buɔn mi ɔkpa ɔkukusu. ⁶ Ní mmeyín tóí kóráá á, nyin asón aní ndeblí. Nahogyiá anilaha asón ánfító ilawánkí mli ɔkpagyi ɔkpasu.

⁷ Iníá nɔpu iwiasibá pú obú há mli bréá neda Bulu asɔn wankláán ámu ɔkan súná mli, mmɔhɔ mli tɔtɔ sɔ yéé tsitsa nɔbwe á? ⁸ ɔpasua bámbá ató nɔswí, póbá bɔyo agyómá há mli. Mó sɔ netalí súm mli, mmɔhɔ mli tɔtɔ ní. ⁹ Bréá mbu mli wá, iwí lekli mí á, mmesi ipian tswí mlitɔ ɔkukusu. Mboun apíó ámóú bɔtsu Makedonia ba amu léha mí mí atohiánhe. Iní sɔ mmesi ipian dínká mlitɔ ɔkukusu, mméesi dínká é. ¹⁰ Iníá ɔnɔkwali nenyá ndeblí tsú Kristo iwí mó á, ɔhaa méetalí ká mí itin ɔbée, mmápu asón ánfí tsú iwí Akaia ɔsulósu fée. ¹¹ Ntogyi sɔ? Ntamadwé mli lóó? Ekekeke! Bulu yin aní ntɔdwé mli!

¹² Nóbwe mí agyómá fě alíá nde mó bwe dodo. Nóbwe mó pótin amó ɔkpa, ní buɔe iwí tsu bεε, gyoma kuɔe ania amónyo anidébwe. ¹³ Afunupu bugyi. Bapina bwe iwí fě Kristo sumbí ayɔpó, buna buɔe mli mlé. ¹⁴ Táme ima wánwan! Tsúfě ɔbunsám kóráa tekí ansí bwe iwí fě Bulu-ɔbɔpu wankíhé! ¹⁵ Mó sɔ ima wánwan aní mu asúmpú anfi é bapina bwe iwí fě yilé abwepó. Amó ɔnómɔ béle amó bwehé kugyíko ɔwan.

Paulo Asɔn Wunhe

¹⁶ Ntráa nde mli bláa mbée, ɔhaa mábu mí ɔha mimláhe. Táme ní mli dé mí bu ali óó á, mli tsu mó ali, mí é anya ɔkpa tsú iwí kpalobí. ¹⁷ Aní Wie tamatói ali, táme nabwé iwí fɛ ɔha mimláhe. ¹⁸ Ahá tsɔtsɔtsɔ butotsú iwí fɛ ɔyító ahá, sɔ mí é nótsu iwí. ¹⁹ Ee á, íniá mli aa atiansipɔ mligyí óó á, mli tsú alá há aha mimláhe. ²⁰ Tsúfɛ ní ɔku ɔpó mli bwé nkɔpábi kóráá á, mli tsú alá. Ní ɔpó mli nyá iwí, ogyi iwíe mli sɔ, obú mli tɔku odu, ɔdá mli isɔtɔ kóráá á, mli tsú alá há mɔ. ²¹ Mli mma ansítɔ-ɔnlɔn. Ee, natsú alá. Mí klé ma unɔ.

Táme tógyítá ɔku labwé ɔdepɔtsú iwí á, mí é nétalí pó mí kle tsú iwí. (Táme nahogyi aní igyi mimlála.) ²² Ní beɛ Hebrifɔ búgyi á, mí é Hebriyin ngyi. Ní Israelfɔ é búgyi á, Israelyin mí é ngyi. Ní beɛ botsú Abraham abí-anátó a, unɔ mí é nɔtsú ní. ²³ Beɛ Kristo asúmpó búgyi? Mblí mó mimlá sɔ, ndɔn amó! Nayí iwí yó agyómá ɔn amó. Nadí obu ɔn amó. Badá mí ɔn amó. Nesian wu bré tsɔtsɔtsɔ. ²⁴ Yudafo banwén mí mpli tsé advasa-kwebá (39) tse nu kéké. ²⁵ Romafɔ é bapítí mí ató tse sa kéké. Beda mí abwi ɔsáwɔle. Tse sa kéké ntsusɔ-yibi labun mɔ, nasin ntsutso ekewóle owító. ²⁶ Mí ɔkpa tsɔtsɔtsɔ tutó á, nafá ntsu akpɔnkpɔnti, natsɔn ogyo atswapó ibitɔ dáli. Natsɔn ɔmá bámbásófo pó aní pɔ Yudafo fɛé ibitɔ dáli. Natsɔn awúlusɔ pó adimbísó, nafá ɔpɔ. Natsɔn ahá á mú ɔ bu de amó iwí tɔ beɛ, Akristofɔ á mu aná fɛé ibitɔ dáli. ²⁷ Nayó agyómá kpékplé, ilapíán mí kɔ. Ntamadídi nkekó. Ntetsiá akón múa ɔmewóli, ntekli ɔnó, ntedí atsalí, náti yayá aná fɛé. ²⁸ Iní fɛé ɔma a, tásá idin mí klɔnsɔ, ntɔgywíun mó iwí ekekegyíe gyí ɔpasua á mu fɛé aléwa. ²⁹ Ma lɔpɔn, mmotsu kɔku lé mu asóntó? Ma beɛkpa wá lakpantɔ, unɔwa mí ɔbló.

³⁰ Ní beɛ ntsú iwí á, ntobíá itehá mí hógyi teba así nɔpɔtsú iwí. ³¹ Bulu, ogyi aní Wie Yesu mɔ Si, ɔlekanáa kanfó bré fɛé tó á mu yin aní mmedé afunu wa. ³² Owíe dehen Areta léha mɔ ɔmá sɔ ɔkɔpɔ léyete mɔ Damasko wúlu ɔnó, ɔkita mí. ³³ Táme bɔpɔ mí wá lakpátó, lé mí tsɔn ikwítɔ, kpí mí yi buntí aní bɔpwe wá wúlu amɔ ɔma, nesí sí mu.

12*Paulo Atowunhe Pó Mv Atɔ Lesúndhé*

¹ Ilehíán aní nótsu iwí, táme tɔtɔtɔ ima iwí tsútó. Táme mblí atásá nowun pó tásá aní Wie lalé súná mí. ² Nfi dúana (14) ní, bɔwan mɔ ya ɔsúsú saasítɔ. (Mí nyankpɔsa-oyí lóyɔ unɔ o, mí ɔkláa o, mméetalí bí. Bulu nkɔle yín.) ³⁻⁴ Fɛ alí nakóblí á, bɔwan mɔ ya Paradiso. (Mí nyankpɔsa-oyí lóyɔ unɔ o, mí ɔkláa o, mméetalí bí. Bulu nkɔle yín.) Nonu asón aní ima blítɔ, ɔhaa é má ɔkpa blí mó. ⁵ Nétalí pó itó á mú ɔ nowun amɔ tsú iwí, táme mmó ɔpɔ mí atɔ bwehé tsú iwí. Ntobíá itehá mí ɔwɔnlín ɔnó teba así nɔpɔtsú iwí. ⁶ Ní mbée nótsu iwí kóráá á, mmóotsu iwí fɛ ɔha mimláhe, tsúfɛ nébli ɔnɔkwali. Táme mmó ɔbwe. Mmedékléá ɔhaa ɔkí mɔ dafa alí mí tsíátó gyí, ntée asón á mú ɔnɔpɔba amɔ.

⁷ Alíá mmó ɔpɔ ntobí á nfi ibu ifú, ibu wánwan, Bulu lalé súná mí á nfi tsú iwí sɔ á, ɔlɔpɔ owu kɔ wá mí awító, igyi ɔbɔnsám-ɔbɔpɔ. Itedá wɔ mí, méni mmóotsu iwí. ⁸ Nakókóli aní Wie Yesu tse sa kéké mbée, ɔlé itó á mu mító. ⁹ Táme asón aní ɔtebláa mɔ brégyíbré gyí, “Mí awítale pé gyí tásá fehíán. Tsúfɛ ɔhá aní mu ɔwɔnlín ɔnó laba asítɔ mí túmi tɔhíe lun ɔwan.” Iní sɔ ibu mɔ ansígyi aní nɔpɔ tásá itehá mí ɔwɔnlín ɔnó teba así tsú iwí, méni Kristo túmi á mu íbéhe bun misɔ. ¹⁰ Kristo sɔ ansí bégyi mɔ brégyíbré. Ní mí

ᾠωνλίν ᾠὸς ἴβα ἀσί, βυδε μί sia, mbo ikplánto, bodin mísó, ntée iwí de mí ᾠsin, tsúfē ní mí ᾠωνλίν ᾠὸς ἴβα ἀσί á, mú ntelányá ᾠωνλίν ní.

Korinto Ὀpasua Iwi Asón

¹¹ Nabwé iwí fé ᾠha mimláhe, táme mluláhá ἴlaba alí. Teki ilehián ání mléblí ason wankláán tsú mí iwí. Tsúfē ἴbu mótsá mmegyí tótó, táme ndon “sumbí ayᾠpó akpᾠnkᾠntí” ánfí mú. ¹² Bréá mbo mlí wá á, notomi bwé tsá ἴbu wánwan pú osúna móa ofúla ᾠtsan-ᾠtsan, púsúná mlí ání lélé sumbí ᾠyᾠpó ngýi. ¹³ Ntᾠ dé mlí háan? Tsá nᾠbwe mlítᾠ, mmᾠbwe ᾠpasua bámbátó gyí, mmesi iwí tswí mliᾠ. Kókoli, mliᾠsikie mí!

¹⁴ Séi á, otse saasi ndebweá néba mlí wá á. Mméeba besi iwí tswí mliᾠ, tsúfē mmédé tótó fité tsú mlí wá. Mli onutó ndehián. Kebi tamatsú mu sí wá akᾠnkᾠ, mu sí tótsú mu wá akᾠnkᾠ. ¹⁵ ἴbu mí ᾠdweá néyintá tógyítá mbo mlí sv, sí mí iwí féé kóráá há mlí. ἴniá nde mlí dwe dúbí alí á, ntogyi sv ᾠdweá mlí mó mliᾠ há mísó dedínkí?

¹⁶ Fíalí mlílawun ání lélé, mméeba besi iwí tswí mliᾠ, táme mlídéblí mliáa, nofwifwí ansí. Ndepu ató tsun mlí omuá wá mlí ᾠó. ¹⁷ Ὀkpa ᾠmᾠmᾠsv? Nᾠtsun ahá ámóú nᾠwa mlí wá ámᾠtᾠ ᾠkusú sísi mlí lóó? ¹⁸ Bréá nokokóli Títo, nᾠwa móa aní pió Okristoyin amu mlí wá mé, olebesisí mlí? Ekekeke! Tsúfē agywun kole mía mᾠnyᾠ anidépᾠbwé toku kole.

¹⁹ Fíalí mlídé mó tsu bré ánfítᾠ féé mliáa, anidétóí póká iwí lé. Megyí alí ἴgyi. Akristofó anigyí, anidétóí Bulu ansító. Mí adwepó, anidé tógyító bwe pᾠwá mlí ᾠωνλίν. ²⁰ Tsúfē ifú de mí ání néba mliᾠmétsie wankláán. Mó sv mí ason blihé bᾠwᾠ mlí asᾠtᾠ. Fíalí nᾠbᾠtᾠ ἴtré, ᾠnsipe, ᾠblí, ᾠlu, ahásia, ahá iwí asónblí, iwítsú pú abasᾠda mlítᾠ. ²¹ Nhíé nde ifú nya ání ní nebá ἴnu á, mí Bulu ᾠbétrá ba mí así mlí sv. Nᾠsu, tsúfē mlítᾠ akᾠ mliᾠmókósi mlí lakpan dada amᾠ bwe, dámlí klontᾠ sí mᾠbatᾠ, hakpanla pú ᾠwólí laláhe amᾠ.

13

ἴklá Pó Ὀláda

¹ Otse saasi nebá mlí wá á. Bulu asón leblí ᾠbéé, “Asa mléha ᾠku ἴpón á, mliᾠnu adansifᾠ abanyᾠ ntée abasá ᾠó.” ² Bréá neba mlí wá otse nyᾠᾠsi a, neda ahá ámóú bᾠde lakpan bwe ámu féé ᾠlá. Ntráa nde amúa aha tráhe féé ᾠlá da, tsúfē ní nebá ἴnu á, néhié bití amó ἴsv. ³ Tsúfē mlídékléá mléblí ání lélé Kristo déttóí tsun mliᾠsv. Kristo ᾠωνλίν ᾠó mᾠkóba así mlítᾠ. Mu túmi é ἴhié tso mlítᾠ. ⁴ ἴbu mótsá mu oyikpalíhesu lowu ilosuná ání alapᾠn, táme séi á, otsie nkpa Bulu túmitᾠ. Bréá ania mᾠnyᾠ anidᾠbwe kole a, anidᾠpᾠn, táme séi ania mᾠnyᾠ anitsie nkpa Bulu túmitᾠ. Mó anidépᾠkpá mlí ní.

⁵ Mlyᾠ mlí nwuntᾠ kí beé, ahógyipᾠ onutó mliᾠgyí? Mliᾠkapᾠ mlí iwí kí beé, lélé Kristo Yesu bu mlítᾠ? Mliᾠlawun ání ᾠbu mlítᾠ? Ní mliᾠmókᾠwun mu mlítᾠ mó á, mó mó megýi ahógyipᾠ onutó mliᾠgyí. ⁶ Nahogyiá mléba bebí ání Kristo ahógyipᾠ onutó anigyí. ⁷ Anidé Bulu kokóli aniaa, mliᾠmátrá bwe laláhe kᾠkᾠ. Megyí alíá ἴbósuná ání anigyí Kristo ahógyipᾠ onutó sv. Táme ní ahá bᾠdekú beé megýi Kristo ahógyipᾠ onutó anigyí ó á, ᾠhá mlí mó amlibwe tsá ἴda ᾠkpa. ⁸ Tsúfē aní mó animéetalí kósó líí ᾠnakwalí asón ámᾠsv, don ání abéha mó ἴbᾠyᾠ nkpa wole. ⁹ Ní aní mó aní ᾠωνλίν ᾠó laba así, mlí klé ἴlawá ᾠnlín á, ansí bégyi aní. Tsá anidé Bulu kolí gyí, ᾠhá amlilalu kínkíínkín, amlídan Kristo hógýitᾠ. ¹⁰ ἴni só nagyankpá nde ᾠwóló ánfí wanlín sísi mlí, asa amba ἴnu ní. Méné ní nebá á, mmᾠᾠbotsu ἴbi mliᾠsv. Tsúfē ndekléá nᾠpu túmi ámóú aní Wíe lapóhá mí ámu búa mlí amlídan. Mmᾠᾠpyintá mlí.

¹¹ Apíó, ítráhe a, ansí igyí mli. Mlibo mbódí amlilu kinkíinkín, amlidan Kristo hógyitō. Mliwa aba ōwōnlín. Mli agywun íbwé kōle, amlitsia iwilwiitō, méní Bulu ámóú ōtōdwé aní, ōtēhá aní iwilwii amv obétsiá mli tō bré fēé. Nēhá mli itsiá gyágyáágyá.

¹² Mliha aba itsiá, amlilata aba puta ōdwesu.

Bulu ahá ámóú bobv nfi ámv fēé bēhá mli itsiá gyágyáágyá.

¹³ Aní Wíe Yesu Kristo bōalegyí, Bulu ōdwe pú Ōhe Wankíhé kōlebwe itsiá mli fēésó.

Ɔwɔlɔ́a Paulo Lɔ́wanlín Sísí Galatiafɔ

¹ Mí sumbí ɔyɔpɔ Paulo dé ɔwɔlɔ́ anfí wanlín. Megyí anyánkɔpɔsa ntée ɔhaa lɔ́wa mí. Yesu Kristo mva aní Sí Bulu ámú ɔ́akɔsúa mu tsú afúlitɔ ámu lɔ́wa mí. ² Nde mú wanlín sísí ɔpasua aní ɔbu Galatia ɔsɔlɔ́sɔ fée. Mía Akristofɔá bɔbɔ nfi fée anidé mli itsiá ha ania,

³ “Aní Sí Bulu mva aní Wíe Yesu Kristo bɔgyii mli boale, abɔha mli iwilwii.”

⁴ Yesu anfi lési ɔwɔ há bɔmɔ mu aní lakpan sɔ, méní ɔbéle aní tsú ɔyí laláhe anfitɔ; fé alí ámú aní Sí Bulu léhie yáí ámu. ⁵ Akánfɔ Bulu bré fée. Amen!

Asɔn Wankláán Kɔkɔ Má Inu Ɔma

⁶ Mli Galatiafɔ, mli ɔwɔ lawá mí ifú aní mli lawúna yinkí Bulu ɔma. Bulu lɔtsɔn Kristo awítɔlesɔ tí mli ɔbéle, mli bɔbɔwe mu ahá. Mli kɔ alíá mli lawúna mli dé asɔn bambá hɔ́ mli ha, múgyí asɔn wankláán ámu. ⁷ Táme ina ɔtsan há asɔn wankláán ámu. Aha akɔ dékléá báyintá mli agywun, abɔtse Kristo asɔn wankláán ámu. ⁸ Táme ní aní, ntée Bulu-ɔbɔpɔ ɔku kóráá lɔtsɔ ɔsɔsɔ bá, beda asɔn wankláán bambá ku ɔkan súná mli, ina ɔtsan há mú ámú anilébláa mli ámu a, Bulu ɔwí mu. ⁹ Nakú blí asún anfí, táme ntráa nde mli bláa mbée, ní ɔku ɔbá beda Bulu asɔn wankláán bambá ku ɔkan súná mli, ina ɔtsan há mú ámú anilébláa mli ámu a, Bulu ɔwí mu.

¹⁰ Megyí be, ndekléá ahá bɔdwée mí. O-o! Bulu mbóun ndekléá ɔdwée mí. Ní ntráa ndekléá ahá bɔdwée mí á, tekí mme gyí Kristo osúmbi.

Paulo Sumbí Ɔyɔpɔ Bwe

¹¹ Mí apíó, ndekléá ɔwánkí mli aní Bulu asɔn wankláán ámú nde mú ɔkan da ámu imotsú nyankɔpɔsa agywuntɔ. ¹² Megyí ɔhaa wá nɔtsúa mú, ntée ɔku lɔsuná mí. Yesu Kristo onutɔ léle mú súná mí.

¹³ Tsúfɛ mlilanú mí tsiátɔ asún, alíá ngyi bréá mbuo Yudafo-osum ámu, pú alíá nehie dínká Bulu ɔpasua ámɔsɔ, nɔbɔ mbódiá néhi amú fée. ¹⁴ Nɔhɔ gyankpa mí abatɔ Yudafo-osum ámutɔ, pú alíá nɔwa nsi gyi mí anán amándíe kugyíkɔsɔ.

¹⁵ Táme Bulu lɔ́wa awítɔle há mí. Ɔlele mí yáí tsú bréá mbu mí yín ɔwítɔ, ɔleti mí ɔbéle, nyó mu agyómá. ¹⁶ Ɔlele mu Bi ámu súná mí, méní néda mu ɔwɔ asɔn wankláán ɔkan ahá aní bɔmegyí Yudafo. Mmɔyɔ ɔhaa wá mbée, osúna mí asún alí bré ámutɔ. ¹⁷ Mmɔyɔ Yerusalem mbée, noyówun Kristo sumbí ayɔpɔ ámú bɔbɔ inu asa neba amu é. Mboún nenatí laa yó Arabia ɔsɔlɔ́sɔ, neyinkí ba Damasko wúlutɔ. ¹⁸ Yesu léle ɔwɔ súná mí, mú ofi-saasitɔ á, nɔyɔ Yerusalem yówun sumbí ayɔpɔ Kefa aní bɔtetráa tí mu Petro, netsiá mu wá nke dúanu (15). ¹⁹ Mmetrá wun sumbí ayɔpɔ ɔkɔku don aní Wíe Yesu mu gyama Yakobo.

²⁰ Ɔnɔkwali asún ndewanlín sísí mli. Bulu yín aní mmedé afunu wa.

²¹ Mú ɔma a, nɔyɔ Siria pú Kilikia ɔsɔlɔ́sɔ. ²² Alí bré ámutɔ á, Akristofɔ ɔpasua ámú ɔbɔbɔ Yudea ɔsɔlɔ́sɔ ámu bɔmɔkónyá bí mí. ²³ Múá bɔdenú tsú mí ɔwɔ fée gyí, ahá bɔdeblí be, “Oyin ámú ɔdun anisɔ ámu ná ɔde hógyi ámú anidé mú asún blí, ɔde aní itin ka ámu kén ɔkan da.” ²⁴ Ina mí sɔ bekanfɔ Bulu.

2

Paulo Mva Sumbí Ayɔpɔ Atrɔhe Amu

¹ Nfi dúana ɔma a, mía Barnaba anilékpá Tito buo ɪwɪ, yínkí yó Yerusalem. ² Bulu léle súná mí ání nyó ɪnu, só nɔyɔ. Ahá mí agyómá móɔbwe kpaali sɔ á, negyankpá lé asóntó súná ɔpasua ahande amu nkɔle ɪtsétó. Nebláa amú asun wankláán amóú nna nde mó ɔkan da ahá ání bomegyí Yudafo ́ amu. Botsulá dínká mósó. ³ ɪbu móttó ání Griikiyin Tito amóú anilékpá buo ɪwɪ ámu gyí, táme bomehie mu beɛ, ɔ́ɪn keté. ⁴ ɪbu móttóá Akristofɔ afunupu akwá beki ansí bowie anɪto bekleá ɔ́ɪn keté. Tsúfé bodunká ání b́eyintá ɪwɪsɪtsiá amóú Kristo Yesu lahá anɪ ámu; abɔbwe anɪ amlɪ nkpábi ha Yudafo mbɪa ámu. ⁵ Táme animesi ɪwɪ há amú kpalobi kóráá, ménɪ ɔ́nkwaliá ɪbu asun wankláán ámutɔ ɪméetse ha mlɪ.

⁶ ɔpasua ahande amóú bɔbu ɪnu ámu bomebláa mɪ asɔansɔ beɛ, mpótsia asón wankláán amóú ndeblí ámutɔ. (Iníá nde amú tɪ ahande kóráá á, megyí beɛ, amú hande amu ɪbu mɪ labi, tsúfé Bulu mó tamakɪ ɔ́haa ansító.) ⁷ Táme ahande amu bowun ání Bulu lópu asun wankláán ámu há mí ɔ́beɛ, ndáa mó ɔkan ahá ání bomegyí Yudafo, * fé alíá ɔ́lɔpohá Petro é ɔ́beɛ, ɔ́dáa mó ɔkan Yudafo. ⁸ Tsúfé Bulu léha Kefa ání bɔtráa tɪ mu Petro túmɪ, ogyi mu sumbí ɔ́ɔpó Yudafo. Mu kén láhá mí túmɪ, ngyi mu sumbí ɔ́ɔpó ahá ání bomegyí Yudafo é ní. ⁹ ɪnu á, ɪwɔwankí Yakobo muɔa Petro pó Yohane amóú bɔhíé bɔgyi ɔ́pasua ámu ɔ́tan ámu ání Bulu lápú alɪ agyómá ánfɪ kíé mí. Mó sɔ bɔwa mía Barnaba ɪbi, pósúná ání anɪlabwé kɔle. Botsulá ání mía Barnaba ayó agyómá ahá ání bomegyí Yudafo, amú é abɔyɔ agyómá Yudafo. ¹⁰ Móá bodunká tsú anɪ wá gyí, akáin amóttó ahá ání boma tɔ́tɔsɔ. Mó kén gyi tóá ndekléá nóbwe é ní.

Paulo ɪynwa Wá Petro

¹¹ Táme bréá Petro léba Antiokia wúluto á, nɔwa ɪyin wá mu ahá ansító, tsúfé tóá ɔ́lɔbwe itépi ma alɛ. ¹² Bréá ɔ́leba a, muɔa ahógyipuá bomegyí Yudafo bɔtɔwá ɪbi gyi ató, táme Yudafo akw benya tsú Yakobo wá ba pé, ɔ́lebití ɪwɪ lé ahá ámutɔ, tsúfé ɔ́de ahógyipu amóú beɛ butín keté ámu ifú nya. ¹³ Iníá ndeblí á, Yudafo atráhe amu é bɔbuo Petro apinabwebí ánfɪ. Barnaba óó léyinkí yó obuo amú. ¹⁴ Nowun ání amú bwehé ámu ɪmekanáa ɔ́nkwaliá ɪbu asun wankláán ámutɔ. Mó sɔ nebláa Petro ahá ámu féé ansító mbéɛ, “Petro, Yudayin fɔgyi, táme fumedé Yudafo amándíésú gyí. ɔ́mátófɔ amándíésú fudegyí. Ntogyi só fude ahá amóú bomegyí Yudafo ámu hie féɛ, bɔbwéɛ Yudafo amándíé ání fakíná?”

Hógyisú Bulu Tɔ́tsɔn Hɔ́ Yudafo Pó ɔ́má Bámbásófɔ Nkpa

¹⁵ Yudafo lókwú mía fɔnyɔ. Megyí ahá amóú bomegyí Yudafo, bomeyín Bulu mbɪa ámutɔ atsú. ¹⁶ Táme anɪ Yudafo Akristofɔ ámu mó anyin ání megyí Mose mbɪa ámu sɔ gyi sɔ Bulu totsú ɔ́ha ání mu asón da ɔ́kpa mu ansító, nkéti Yesu Kristo hógyi. Mó sɔ anɪlahɔ mu gyi, ménɪ Bulu ɔ́bótsɔn mu hógyi amú sɔ há anɪ asu ní. Tsúfé ní mbɪa ámu sɔ gyi sɔ mó á, tekɪ ɔ́haa méegyi asu Bulu ansító. ¹⁷ Anɪdédunká ání Bulu ɔ́tsúɔn anɪ Kristo hógyisɔ, otsu anɪ ání anɪ asón da ɔ́kpa mu ansító. Táme ní Yudafo akw bɔde anɪ mboún kí lakpan abwepú á, mó mú imosuná ání asukpan Kristo dé anɪ suná a? Ekékeke! ¹⁸ Ní nakíná Mose mbɪa ámu, láyó nde mósó gyi a, mó mú ilosuná ání ɪto laláhe nɔyɔ nde bwe á. ¹⁹ Tsúfé Mose mbɪa ámu ilosuná ání nawú. ɪleha negyi ɪwɪ, ménɪ nétsiá nkpa pɔpwe há Bulu. Mía Kristonyɔ bɛda mántá oyikpalíhesu ɔ́ɛtét. ²⁰ Mó sɔ ntsie nkpa séi, táme megyí mí onutó tsie nkpa ɔ́sɔlɔv anfisɔ. Kristo, ogyi Bulu mu Bi ámu tsie

* **2:7** Ahá ání bomegyí Yudafo támatin keté. Yudafo gyí keté atinpu.

mitɔ. Mɔlɔ́dwe mí, bowu há mí. Mu hógýi sɔ ntsie nkpa. ²¹ Mú sv mmedé Bulu awɔ́tɔle amu kiná. Tsúfɛ ní Mose mbla ámu sɔ ɔha obégýi asu Bulu ansító á, múmó kpaali Kristo lówu!

3

Mbla Amusu Gyí Ntée Kristo Hógýi

¹ Oo Galatiafɔ aha mimláhe! Ma lálé mli ansí ali? Megýi mli onutó ansító behie lé súná mli aliá beda Yesu Kristo mántá oyikpalíhesu, mɔ mu? ² Nfíte mli asun kua kole. Mose Mbla ámusu gyí léha mlilénýa Ɖhe Wankíhé amu lóó, ntée asun wankláán amúú mlilónu, mlidé mósú hógýi amu sv? ³ Aha mimláhe mlilókoku mligýi ali á? Iníá mlilópu Ɖhe Wankíhé amu tsúa mli Kristotɔtsiá así mé, mli onutó túmi mlíaa mlópu mɔ ɔnɔ ngýa? ⁴ Kpaali sɔ mlilówun ipian ámu fée asun wankláán ámu sv? Megýi kpaali sv! ⁵ Ntráa fite mli. Mli Mose mbla ámusu gyí sɔ Bulu lapó Ɖhe Wankíhé ámu há mli, ɔde ofúla é bwe mlitɔ? Ekekeke! Aliá mlilónu asun wankláán ámu, hɔ mósú gyí sɔ ɔlɔpuhá mli.

⁶ Mliɔkɔ anɔ náin Abraham. Ibo Bulu asun wanlínhé amɔtɔ ání, “Abraham lóhɔ Bulu gyi. Mú sv Bulu lótsu mu ání mu asón da ɔkpa.” ⁷ Mú sv ilehián ání mlébiá ahá amúú bɔhɔ Bulu gyi amu gyí Abraham abí onutó ní. ⁸ Bulu asun wanlínhé amu lébli yáí ání Bulu ɔbótson ahá amúú bomegyí Yudafɔ ámu hógýisɔ, tsú amú ání amú asón da ɔkpa. Inɔ sɔ Bulu lébláa Abraham asun wankláán ámu dodoodoo ɔbé, “Fúsú nótson yulá ɔsolúsɔ ahá fée.” ⁹ Abraham lóhɔ Bulu gyi. Mú sv Bulu lóyulá mu. Mú sv séi ánfɔ á, Bulu ɔbɔpu oyúla amúú ɔlɔpu yulá Abraham amu yulá ahá ání bahɔ Kristo gyi.

¹⁰ Táme ilwí dɔn ahá ání amú ansí dɔn Mose mbla ámusu gyisɔ. Tsúfɛ bɔwanlín wá Bulu asón amɔtɔ be, “Bulu lalwí ɔhagyíɔha ání omegyí mbla amúú bɔwanlín wá Bulu mbla ɔwolótɔ ámu féesú.” ¹¹ Séi á, ilawánkí ání ɔhaa má inɔá mu mbla ámusu gyí sv Bulu obótsu mu ání mu asón da ɔkpa. Tsúfɛ Bulu asun wanlínhé amu lébli ɔbé, “Ɖhá ání mu hógýi sv Bulu latsú mu ání mu asón da ɔkpa obénya nkpa.” ¹² Mbla ámusu gyí mená hógýisɔ, táme Bulu asun wanlínhé amu lébli ɔbé, “Ɖhagyíɔha ání otegyí mbla ámusu ɔbótson mósú nyá nkpa.”

¹³ Táme anɔ sɔ Kristo lémlí ɔha ilwíhé bréá beda mu mántá oyikpalíhe amusu. Mú sv ɔlele anɔ tsú ilwí amúú mbla ámu létɔ há anɔ ámu así. Tsúfɛ Bulu asun wanlínhé ámu lébli ɔbé, “Ilwí dɔn ɔhagyíɔha ání beda mántá oyisú.” ¹⁴ Kristo lówu, ménɔ Bulu ɔbɔpu oyúla amúú ɔlehie há Abraham amu kén yulá ahá ání bomegyí Yudafɔ, ménɔ abótson anɔ Kristo Yesu hógýisɔ nyá Ɖhe Wankíhé amúú ɔlehie ámu.

Mbla Amu Pó Bulu Nihíé

¹⁵ Mí apíó, mpún nde tsiátɔ asón kv flo asón ánfɔ ha mli. Ali amúú ɔha ɔdinká ibwi mu asónsú ɔbé, ɔku ogyíi mu ató, ɔhaa má ɔkpa tse mú, ntée lé iku mótɔ ámu a, ali igyi ntam amúú Bulu léka há Abraham amu é ní. ¹⁶ Anɔ náin Abraham mva mu nanyɔ Bulu léka ntam há. Ali asón ánfɔ imosuná ání mu aná tsotsɔtsɔ, mboún mu na ɔkole pé. Mu na ámu gyí Kristo a. ¹⁷ Asón ání ndébli gyí, Bulu léka ntam há anɔ náin Abraham, ɔledinká ibwi mósú púsúná ání obégýi mósú. Mbla amúú ɔlɔwa há Mose nfi lafana advasa (430) ɔma amu méetalí ká ntam amúú ɔledinká ibwi mósú ámu, ntée tse mú ekekeke. ¹⁸ Tsúfɛ ní mbla ámusu gyí sv ɔha ibi béda agyapadie amúú Bulu léhie yáí ámu a, múmó megyí hie Bulu léhie mú yáí Abraham. Táme ɔnɔkwali amu gyí, kie ɔlɔpu kɛ mu.

19 Mómó labi mɔmɔ mbla ámu bu? Bulu lɔpu mú é mántá mósó, ménu íbósuná ahá t́á lakpan gyí. Táme ɔlwa mbla ámu aní íbétsiá alu ýfɔn bréá Abraham mu na ámu ɔbéba. Mɔgyí mu ató ogyípó nu. Ɔlɔpu mbla ámu há mu abɔpu bɔpu bɔwa Mose íbitɔ. Múlóbwe Bulu móa Israelfɔ nsiné ɔlapú ní. 20 Nsiné ɔlapú tamalíí há ɔbakóle, táme ɔbakóle Bulu gyí.

Labíá Mbla Amu Ibv

21 Bulu mbla ámu ílɔksú líí mu nhíhé ámuó ɔlehíe yáí ámuvo? Ekekeke! Ní mbla ku íbétalíí há aní nkpa aní ítamatá á, tekí abétalíí gyí asu Bulu ansító, ní anlégyí mósó. 22 Táme Bulu ason wanlínhé amu íleblí aní lakpan lagyi ɔyító ahá f́éésó plíplíplíplí. Mú su ató ámuó Bulu léhíe yáí ámu igyi Kristo ahógyipu klé.

23 Táme asa Yesu Kristo hógyi lébá ɔyító á, mbla ámu íleklí aní fé obu adípó. Ɔhaa ménya mu íwí, bɔfɔn bréá Bulu lébele Kristo hógyi ɔwan. 24 Mú su mbla ámu lóbwe anisu ɔkípu bɔfɔn bréá Kristo léba, ménu Bulu obótsu aní aní aní asón da ɔkpa mu ansító, tsóun aní Kristo hógyisu. 25 Iníá Kristo hógyi laba su á, imehián aní mbla ámu ɔbétrá bwe anisu ɔkípu.

26 Tsúfé mlí Kristo Yesu hógyi su mlí f́éé mlílabwé Bulu abí. 27 Mlí ahá aní mlía Yesu Kristo mlílabwé kule tsɔn asúbɔsu mlílatsú mu tsiátó f́éé. 28 Mú su Yudayin ntée Griikiyin trá ɔma unv. Ɔkpábi ntée ɔdíhíe, ɔtsí ntée oyin trá ɔma unv. Tsúfé mlí f́éé mlílabwé kule mlía Kristo Yesunyo íkulebweto. 29 Iníá mlílabwé Kristo klé su á, mlílabwé Abraham abí-aná onutó, pú mu ató agyípó. Iní su itó ámuó Bulu léhíe yáí Abraham amu igyi mlí klé.

4

1 Mliyɔ asón ánfito ki. Ní ɔha owú, sí mu agyapadié yáí mu abí bréá bɔmɔkódan a, bɔgyi fé nkpábi. Ibv mót́á amóbú amó sí ató f́éé, 2 táme ílehián aní béba íwiasí há amósó ɔkípu alu ýfɔn nfi oduá amó sí lósuná aní bɔhó, asa abɔpu ató ámu wa amó íbitɔ. 3 Alí aní é angyí asa Kristo léba nu. Anulóbwe nkpábi há ɔhé, ntée túmiá íde ɔyí ánfiso gyí. 4 Táme bréá bré ámu onutó lɔfɔn a, Bulu lówa mu Bi sísí, ɔha tsihé lókwí mu wá mbla ámu asi. 5 Bulu lówa mu aní ɔbá bɔhɔ aní ahá ámuó angyi nkpábi há Mose mbla ámu tsu nkpábitɔ, ménu ɔbóbwe aní mu abí onutó.

6 Bulu lódunká aní obósuná aní mlílabwé mu abí. Mú sɔ ɔlɔpu mu Bi ámu Ɔhé wá aní íklɔntɔ ní. Ɔhé ámu téhá anitokpólí mu aniaa, “Abba, mí Sí!” ní. 7 Mú su opió, fɔtráa fɔmegyí ɔkpábi, mboún Bulu mu bi. Iníá mu bi fɔgyi su á, mu ató f́éé igyi f́ó klé.

Galatiafɔ Iwí Ipián

8 Bréá mlímókónyá bí Bulu á, mlílóbwe nkpábi há íkpíá bɔmegyí tɔto. 9 Táme séi mlílabí Bulu, ntée néblí mbée, alabí mlí. Ntogyi sɔ mlídekléá mléyinkí yósum túmi ánfí íma labi kɔkɔkɔ? Ntogyi sɔ mlétrá yinkí yóbwe amó nkpábi fé bré ámu? 10 Mlíde amándíé ku bwe nke kɔtɔ, tsra kɔtɔ, bré kɔtɔ pó nfi kɔtɔ. 11 Mlí bwehé ánfí su ífú bɔ mɔtɔ. Íde mí bwe f́éé ípián ámuó ndewúun mlí su ámu f́éé íbóbwe kpaali.

12 Mí apió, nokókóli mlí, nabwé mí íwí fé mlí. Ntráa mma mbla kɔku asi. Mú su mlítisia mí atsiábi. Megyí bæe mbée, mlílapú lalahé kɔku gyí mi, sɔ nde ínu blí. 13 Mlílakáin aní íwí ma mí ɔnlín asa néba unv bæda Bulu ason wankláán ámu ɔkan éke gyankpapu? 14 Ísókí kpɔnkpɔntí mí ílɔ ámu lóbwe há mlí, táme mú óó á, mlímóbu mí tɔku. Mboún mlílóhɔ mi fé Bulu-ɔbɔpu, ntée Kristo Yesu onutó kóráá. 15 Ansí lehíé gyi aní alí bré ámɔtɔ! Ntɔ lébá? Mí onutó nowun aní ní mlétalíí á, tekí mlílólotí mlí ansíbi wá mí alí bré

ámuto. Mú nto dé mli séi? ¹⁶ Alí á múú nde mli ɔnɔkwali bláa amu sv namlí mli olupó?

¹⁷ Ahá á múú budekléa mligyí Yudafɔ mblasu ámu buma mli iwí agywun wankláán kuku. Tóá budeklé gyí bémaín mli lé mísó, méní mlékle amó asón. ¹⁸ Ibo alá ahá bódunká ání mlidwée amó, agywun wankláán ɔkpasu. Megyí bréa mbo mli wá wɔle. ¹⁹ Mí abí adwepú! Iwí trá ide mí ɔsun há mli, fɛ ɔtsiá ikwú de mu dwiin. Nkétí mlilanyá Kristo tsiátó mlito asa iwí bési mí ɔsin. ²⁰ Ihíe de mí háan ha mli. Ní mí nkole sv mó á, tekí mbo mli wá séi, méní nétse mí tóto.

Hagar Mva Sara Nfántóhón

²¹ Nfíte mli ahá á múú mlidékléa mlóbuo Mose mbla ámu. Mlimónu asón ání ileblí asi? ²² Bɔwanlín wá Bulu asón ámu bɛɛ, Abraham lókwí abi yinhé anyɔ. Ɔkole mu yin gyí ɔkpábi, onyɔɔsi mu yin gyí ɔdihie. ²³ Ɔkpábi amu lókwí mu bi keke, táme ɔdihie ámu mó á, Bulu léhie mu yáí ání méha mu obí asa ɔlɔkwí. ²⁴ Mliha anu asón ání así tson ɔkpa ánfis. Atsí abanyó ání bulí há ntam anyɔ ání Bulu léka. Hagar líí há Sinaibusu klé, tsúfɛ nkpábi mu abí bogyi. ²⁵ Sinaibu ámu bu Arabia ɔmátó. Ilií há nde Yerusalem wúlu. Yerusalem pó mótó ahá fɛé bogyi nkpábi, Mbla ámu sv. ²⁶ Sara mó gyí ɔdihie, ɔlíí há ɔsósú Yerusalem. Mogyí aní yín ní. ²⁷ Tsúfɛ Bulu asón wanlínhé amu léblí ɔbée, “Ɔtsi mákwípó, nya ansigyí!

Ɔtsiá ikwú mɔkódwíin mu kí, kplɔn, afusora okitikiti ansigyísó. Tsúfɛ ɔtsi á múú mu kulu lési mu tswi amu obénya abí tsɔtsɔtsɔ, dun ɔmɔmú mu kulu da mu wá ekekegyíeke ámu.”

²⁸ Mí apíó, séi á, mlilabwé Bulu ahá tson mu tóá ɔlehie yáísú; fɛ alá ɔlehie yáí asa bɔkwí Isak. ²⁹ Alí bré ámu á, obí á múú bɔkwí mu keke, ogyi Ismael amu lédunká Isak á múú bɔkwí mu Ɔɣe Wankíhé túmito ámu sv. Alí kén igyi há aní nde ní. ³⁰ Táme nkáli Bulu asón wanlínhé amu léblí? Ɔbée, “Gya ɔkpábi amu mva mu bi, tsúfɛ megyí ɔkpábi mu bi ámu mva ɔdihie mu bi ámu obégyi amó sí ató.” ³¹ Mó sv apíó, megyí ɔkpábi amu abí anigyí. Ɔdihie ámu abí anigyí.

5

Mlú Mli Iwígyísv

¹ Aní iwígyí sv Kristo lahá anlagyi iwí! Mú sv mlilu kinkíínkin. Mlimátrá tsulá abɔbwe mli nkpábi ha mbla ámu.

² Mlinu! Mí Paulo dé mli bláa ání ní mlesí iwí há, betun mli keté a, ilosuná ání tó á múú Kristo lóbwɛ ámu ima mli labi kuku. ³ Ntráa nde mli ɔlá da mbée, ɔhagyíɔha ání ɔleha betun mu keté á, ilehián ání obégyi Mose mbla ámu fɛésó. ⁴ Nde mli bláa mbée, mli ahá á múú mlidé mbla ámu sv gyí, méní Bulu obótsu mli ání mli asón da ɔkpa mu ansító ámu mlilamáin iwí lé Kristosv. Bulu awitɔle amu ɔatswi mli pan. ⁵ Aní mó aní ansí dín ání Bulu obótsu aní ání aní asón da ɔkpa mu ansító. Iní gyí tóá anidé ɔkpa kí tson Ɔɣe Wankíhé á múú ɔde agyómá yɔ anito, tson aní hógysín ámu sv ní. ⁶ Tsúfɛ ní ania Kristo Yesu anigyí kole a, ketétún ntée ketémáin mehián. Móá idehián gyí anibɔ hógýiá itehá anitɔdwé Bulu pó aní aba.

⁷ Tekí mlidé mbódí bɔ asa. Ma kóún latin mli ɔkpa ɔbée, mlimátrá buo ɔnɔkwali amu? ⁸ Megyí Bulu bwéhé igyi, tsúfɛ mɔléle mli. ⁹ Mlikaun ání bodobodotu-afá kpalobí téhá bodobodo amu fɛé itotú. ¹⁰ Aní Wíe lahá

nahogyi, ání mlíméetrá hɔ ɔha bambá atosunáhé dɔn mí nkɔle klé. Bulu ɔbébtí ɔhá ámúú ɔde mli agywɔn damlí ámu isɔ.

¹¹ Mí apíó, ní ntráa nde ɔkan da blí mbéé, ilehián ání ahá bɔtún keté á, mómó ntogyi sù Yudafo bɔtráa bɔdɔn mísó? Mómó ní nde Kristo oyikpalíhesɔ lowu ámu é ɔkan da á, yéé ɔhaa mээdinká mísó o. ¹² Mí sɔ mú á, tɛkí ahá ámúú bɔde mli háan bée, ilehián ání mlétɔn keté ámu bawúna flo amú iwí.

¹³ Mí apíó, Bulu léle mli ɔbéé, mlíbégýi iwí. Táme mlímátsɔn mli iwígyí amɔsɔ láyótsu mli tsiátó dada amɔ. Mboún mlipɔ ɔdwe sum mli aba, ¹⁴ tsúfé Mose mbla ámu féé lú mbla kɔle pé ámúú idɛblí ɔbéé, “Dwe fó bá fé fó iwí.” ámɔsɔ. ¹⁵ Táme ní mlilabwé mli iwí fé mbwíkítá-atɔ, mlidé aba fin, mlidé aba lalá a, mómó mlikí wankláán; ní megyí alí mléhi aba.

Tsiátó Dada Pó ɔhétó Atsiábi

¹⁶ Mú sɔ nde mli bláa mbéé, mliha ɔhe Wankíhé amɔ ɔkpa mli. Mómó mlímáɔbwe tóá mli tsiátó dada tekle. ¹⁷ Tsúfé tóá aní tsiátó dada tekle ihíé na ɔtsan há tóá ɔhe Wankíhé amɔ tekle. Tóá ɔhe Wankíhé amɔ tekle é ihíé na ɔtsan há tóá aní tsiátó dada tekle. Atoku anyɔ ánfí idɔkɔsú líi abaso, méní mlímáɔbwe tóá mlitekle. ¹⁸ Ní ɔhe Wankíhé amɔ dé mli kpa á, mómó mlímá Mose mbla ámu así.

¹⁹ Tsiátó dada bwehé telin ɔwan. Mógyí; atsi múa ayin asónwa, agywɔn laláhe bwe, ifintotsiá, ²⁰ ikpɔtswéé, afátopleí, olu, itré, fú nkɔle klé dunká, ɔblókpán, ɔnsipe, aba asumánú, iwímaín lé fú abaso, ²¹ ɔkabágyáa, ntábu, pléikpada pó múá ilelian ínɔ aná. Mú aná iwí asón nde mli bláa, fé alhá nebláa mli yaí. Mbéé, ahá ání bɔtɔbwé ínɔ odu bɔméenya Bulu iwíegýi ámɔtɔ agyapadié kɔkɔ.

²² Táme ní ɔhe Wankíhé amɔ dé aní kpa á, mú abi swiehé ání ibétsiá aníto gyí, ɔdwe, ansigyí, iwílwii, iklɔnya, awítɔle, yilébwe, ɔnɔkwali, ²³ ilwíí pó iwíswogyí. Mbla kɔkɔkɔ má inɔá iletin alí ntobí ánfí ɔkpa. ²⁴ Ahá ání bɔgyi Kristo klé bamó amú tsiátó dada pó amú ɔwólí laláhe Kristo Yesu oyikpalíhe amɔsɔ. ²⁵ ɔhe Wankíhé amɔ lahá aní nkpa pɔpwe. Mú sɔ mliha agyi mu asónsó. ²⁶ Anímátsu iwí súná aba, ntée wá aba ɔbló, ntée pé ansí aba atósó.

6

Iku Tsu Lé Aba Asóntó

¹ Mí apíó, ní mlíto ɔku ɔbwé lakpan kɔ á, mli ahá ámúú ɔhe Wankíhé de mli kpa ámu mlínya klɔn tɔi kpla mu pɔtɔ. Táme mlikí mli iwí wankláán, méní mli é mlíméedida isókí amɔ odutɔ. ² Mlitsɔ iku lé mli aba asóntó. Ní mlidé mú bwe alí á, mlidé Kristo mbla ámɔsɔ gyi ni. ³ Ní ɔku dé mu iwí kí ɔbéé mɔfɔn tógyítótó, táme omegyí tɔtɔ a, ɔde mu iwí mlé. ⁴ Mlikapɔ mli onutó tsiátó kí. Ní ibɔ alé á, mómó mlétalí pó ibɔ sí kántó mli bwehé sɔ, mlímáɔpɔ kápú ɔha bambá klé. ⁵ Tsúfé aníto okugyíɔku ɔbósɔrá mu onutó atɔ sɔráhé.

⁶ Bulu asón ámu akasípú buyée atɔ wankláán ání bobu iku ha amú asunápó.

⁷ Mlímámlé mli iwí. ɔhaa tamamlé Bulu. ɔhagyíɔha ɔbókpotí tóá olodu. ⁸ Ní ɔku lódu tsiátó laláhe wá mu klɔntɔ á, lowu ɔbókpotí tsú mótó. Táme ní ɔleha ɔhe Wankíhé amɔ lódu tsiátó wankláán wá mu klɔntɔ á, ɔbókpotí nkpa ání itamatá tsú mótó. ⁹ Mú sɔ yilébwe mákpɔn aní, tsúfé ní abato mowu aní á, abókpotí nkpa ání itamatá mú brétó. ¹⁰ Mú sɔ brégyibréá anyá mú iwí ɔkpa á, mliha abwe yilé ha ɔhagyíɔha, títriu aní apíó ahógyipu.

Itsiáha Pó Oláda

- ¹¹ Mlíki atɔ wanlínhé akpɔnkpɔntiá napó mí onutó ɔ́i wánlín sísí mli!
¹² Ahá ámuó bodedunká ání bégyi asu ahá ansító ámu líí mliɔ bɛɛ, mliháa abɔtɔn mli keté ní. Megyí tɔtɔ só bɔde ínɔ bwe. Alá Yudaɔ bɔmédunká amósú bɛɛ, bɔdeblí bɛɛ Kristo oyikpalíhɛsu lowu ámu pésú ɔ́ha ɔ́bótsɔn nya nkpa. ¹³ Keté atínpu amu onutó óó bɔtamagyi Mose mbla ámuɔ. Táme bɔdekléá mliɔn keté, ménɔ bɔpɔtsú ɔ́wɔ súná amó aba ání bahá mliɔtɔn keté. ¹⁴ Mí mó á, ɔ́mába mótsó ání nótsu ɔ́wɔ ɔ́yí ánfɔtɔ tɔtɔɔtɔsu, dɔn anɔ Wíe Yesu Kristo oyikpalíhɛsu lowu ámu. Tsúfɛ mu lowu ámu su ɔ́yító tsiá ɔ́tráa ma mí labi, mí é mma labi kòkò há mó. ¹⁵ Ketétíun ntéɛ ketémátun megyí tɔtɔ. Múá idehián gyí ɔ́ha obémli ɔ́ha pɔpwe. ¹⁶ Iwilwii múa nwewúun itó ahá ámuó bɔde mbla ánfɔsu gyí amu, pó ahá ání bɔhíé bɔgyi Bulu ahá!*
- ¹⁷ Asa nékpa mí asún opulu á, mbláa mli. Mliɔ ɔ́haa mátrá wa mí tó. Tsúfɛ mí ɔ́wɔ apɔná ánfɔ idesuná ání Yesu ɔ́kpábi ngyi.
- ¹⁸ Mí apió, anɔ Wíe Yesu Kristo ogyíi mli bɔale. Amen!

* **6:16** Ahá ání bɔhíé bɔgyi Bulu ahá gyí Israel pɔpwe amu nɔ.

ᾠᾠᾠᾠ Paulo Lᾠwanlᾠn Sᾠsᾠ Efesof

Itsidha

¹ Mᾠ Paulo ᾠnᾠ Bulu ᾠpᾠ sᾠ nabwᾠ Kristo Yesu sumbᾠ ᾠᾠᾠᾠ, dᾠ ᾠᾠᾠ ᾠnᾠ wanlᾠn sᾠsᾠ mᾠ Bulu ᾠhᾠ ᾠnᾠ mᾠlahᾠ Kristo Yesu gyi, mᾠia mᾠnyᾠ mᾠlahbwᾠ kole, mᾠibᾠ Efeso wᾠlutᾠ. Ndᾠ mᾠ itsiᾠ ᾠ.

² ᾠnᾠ Sᾠ Bulu mᾠa ᾠnᾠ Wᾠe Yesu Kristo bugyᾠi mᾠ buale, abᾠha mᾠ iwilwii.

ᾠsᾠsᾠ Oyᾠla ᾠnᾠ ᾠnᾠbu Kristotᾠ

³ Mᾠha akanfo ᾠnᾠ Wᾠe Yesu Kristo mᾠ Sᾠ pᾠ mᾠ Bulu. Tsᾠfᾠ tsᾠn ᾠnᾠa Kristonyᾠ ikolebwetᾠ ᾠ, alapᾠ ᾠᾠtᾠ atᾠ ᾠbᾠkpa ᾠnᾠ fᾠᾠ yᾠlᾠ ᾠnᾠ tsᾠ ᾠsᾠsᾠ.

⁴ ᾠsa Bulu lᾠbwᾠ ᾠᾠ ᾠ, ᾠlele ᾠnᾠ bwᾠ mᾠ kle tsᾠn ᾠnᾠa Kristonyᾠ kolebwesᾠ, ᾠnᾠ abwᾠᾠ ᾠhᾠ ᾠnᾠ ᾠmᾠ ᾠwᾠ letᾠn, ifin kᾠkᾠ mᾠ ᾠnᾠ ᾠwᾠ mᾠ ᾠnsᾠtᾠ.

⁵ Inᾠ ᾠ Bulu tᾠdwᾠ ᾠnᾠ sᾠ ᾠ, ᾠᾠbwᾠ agywᾠn yᾠ ᾠbᾠᾠ, mᾠpᾠ ᾠnᾠ bwᾠ mᾠ abᾠ tsᾠn Yesu Kristosᾠ. Inᾠ gyᾠ tᾠ ᾠlekle, igyi mᾠ ᾠpᾠ nᾠ. ⁶ Mᾠha akanfo Bulu, mᾠ awitᾠle ᾠnᾠ ᾠbu numnyam, ᾠᾠwa tsᾠn mᾠ Bᾠ ᾠdwᾠpᾠsᾠ ᾠ ᾠnᾠ faan ᾠnᾠ sᾠ. ⁷ ᾠᾠpᾠ mᾠ Bᾠ ᾠmᾠ obugya kᾠ ᾠnᾠ nwunsᾠ ikᾠ, sᾠ ᾠnᾠ lakpan kᾠ ᾠnᾠ. Awitᾠle ᾠnᾠ Bulu lᾠhᾠ wᾠ ᾠ ᾠnᾠ ᾠnᾠ ᾠbu ifᾠ dᾠbi. ⁸ Mᾠ nyᾠnsa pᾠ mᾠ ᾠsᾠn-ᾠsᾠnᾠ lalᾠ mᾠ fᾠᾠ ᾠwan sᾠnᾠ ᾠnᾠ tsᾠn ᾠkpa tsᾠtsᾠtsᾠsᾠ.

⁹ ᾠlahᾠ ᾠnᾠlabᾠ mᾠ ᾠsᾠn ᾠᾠnᾠhᾠ ᾠnᾠ ᾠlekᾠklᾠ yᾠ ᾠdᾠdᾠdᾠ ᾠbᾠᾠ, mᾠbwᾠ tsᾠn Kristosᾠ. ¹⁰ Mᾠ ᾠsᾠn ᾠᾠnᾠhᾠ ᾠmᾠ gyᾠ, nᾠ brᾠ ᾠmᾠ ifᾠn ᾠ, mᾠbwᾠ mᾠ atᾠ bwᾠhᾠ ᾠbu ᾠsᾠ mᾠa ᾠsᾠ fᾠᾠ kole, pᾠwᾠ ᾠnᾠ Wᾠe Kristo ᾠsᾠ.

¹¹ Bulu tehᾠ mᾠ nwuntᾠ ᾠsᾠn pᾠ mᾠ ᾠpᾠ teba mᾠtᾠ brᾠgyᾠbrᾠ. Mᾠ onutᾠ lᾠle ᾠnᾠ ᾠbᾠᾠ abwᾠᾠ mᾠ abᾠ tsᾠn ᾠnᾠa Kristonyᾠ ikolebwetᾠ. Tsᾠfᾠ alᾠ ᾠᾠbwᾠ agywᾠn yᾠ ᾠdᾠdᾠdᾠ nᾠ. ¹² ᾠlele ᾠnᾠ agyankpapᾠ ᾠmᾠᾠ ᾠnᾠ ᾠnsᾠ dᾠn Kristosᾠ ᾠmᾠ ᾠbᾠᾠ, abᾠkanfᾠ mᾠ numnyam.

¹³ Alᾠ ilegyᾠ ᾠ mᾠ ᾠ nᾠ. Brᾠ ᾠmᾠᾠ mᾠlᾠnᾠ ᾠnᾠkwalᾠ ᾠsᾠn, igyi ᾠsᾠn wanklᾠᾠn ᾠmᾠᾠ ᾠᾠhᾠ mᾠ nkpa ᾠmᾠ, ᾠ ᾠmᾠsᾠ gyᾠ ᾠpᾠ mᾠia Kristonyᾠ mᾠlᾠbwᾠ kole. Bulu lᾠpᾠ mᾠ ᾠᾠe Wankihᾠ ᾠmᾠ hᾠe mᾠ nᾠsᾠ, pᾠsᾠnᾠ ᾠnᾠ mᾠbᾠ mᾠ, fᾠ alᾠ ᾠmᾠᾠ ᾠlehiᾠ yᾠ ᾠbᾠᾠ mᾠbwᾠ ᾠmᾠ. ¹⁴ ᾠᾠe Wankihᾠ ᾠmᾠ gyᾠ nᾠswᾠᾠsᾠ ᾠdesunᾠ ᾠnᾠ ᾠnᾠ ᾠbi bᾠda agyapadiᾠ ᾠmᾠᾠ Bulu lᾠla yᾠ ᾠ ᾠnᾠ abᾠ ᾠmᾠ nᾠ. Idesunᾠ ᾠnᾠ alakᾠ ᾠnᾠ nwunsᾠ ikᾠ, pᾠwᾠ mᾠ numnyam.

Paulo Mpᾠ

¹⁵ Mᾠ ᾠ sᾠ, tsᾠ brᾠᾠ nonu ᾠnᾠ mᾠlahᾠ ᾠnᾠ Wᾠe Yesu gyi, pᾠ alᾠ mᾠlitᾠdwᾠ Bulu ᾠhᾠ fᾠᾠ ᾠ, ¹⁶ mᾠmᾠkᾠsᾠ Bulu ᾠpᾠn da mᾠ nwunsᾠ. Nᾠ ndᾠ mpᾠ ᾠ ᾠ, nᾠekᾠn mᾠsᾠ. ¹⁷ Nᾠkᾠkᾠlᾠ ᾠnᾠ Wᾠe Yesu Kristo Bulu, numnyam ᾠsᾠ ᾠmᾠ mbᾠᾠ, ᾠhᾠ mᾠ ᾠᾠ ᾠmᾠ ᾠha mᾠ nyᾠnsa. Uᾠ mᾠ ᾠwan sᾠnᾠ mᾠ, mᾠnᾠ mᾠlᾠbi mᾠ wanklᾠᾠn. ¹⁸ Nᾠkᾠlᾠ mᾠ mbᾠᾠ, obwᾠi mᾠ ᾠnsᾠ, ᾠmᾠwᾠn atᾠ wanklᾠᾠn ᾠmᾠᾠ ᾠbᾠᾠ, mᾠlᾠbᾠkᾠ ᾠkpa ᾠ ᾠmᾠ, mᾠnᾠ mᾠlᾠbi ᾠnᾠ atᾠ ᾠmᾠᾠ ᾠlelayᾠ ᾠ ᾠnᾠ ᾠhᾠ ᾠmᾠ ᾠhᾠ ᾠbi. ¹⁹ ᾠhᾠ ᾠmᾠlᾠbi ᾠnᾠ mᾠ tᾠmi dᾠn tᾠmi kugyᾠkᾠ ᾠ ᾠnᾠ ᾠhᾠgyipᾠ. Mᾠ tᾠmi ᾠnᾠ ᾠma ᾠ, kᾠkᾠ mᾠ ᾠnᾠ. ²⁰ Mᾠ kᾠn ᾠlele sᾠnᾠ brᾠᾠ ᾠᾠkᾠsᾠa Kristo tsᾠ ᾠfᾠlᾠtᾠ, pᾠ mᾠ yᾠyᾠ mᾠ gyᾠpᾠsᾠ ᾠsᾠsᾠ ᾠnᾠ nᾠ. ²¹ Inᾠ Kristo dᾠ iwᾠe gyᾠ ᾠwᾠe fᾠᾠ, tᾠmi kugyᾠkᾠ, ᾠᾠe lalᾠhe pᾠ ᾠmᾠsᾠgyᾠ tᾠmi fᾠᾠsᾠ nᾠ. Mᾠ dibia dᾠn dibia kugyᾠkᾠ ᾠbu nᾠ sᾠi pᾠ ᾠᾠ ᾠmᾠᾠ ᾠbᾠba ᾠmᾠtᾠ. ²² Bulu lᾠpᾠ tᾠgyᾠtᾠ wᾠ mᾠ ᾠsᾠ, ᾠᾠpᾠ mᾠ bwᾠ tᾠgyᾠtᾠ nwun ᾠ ᾠnᾠ ᾠpasua. ²³ ᾠpasua ᾠmᾠ gyᾠ Kristo ᾠyᾠlᾠbᾠ. Kristo wᾠ ᾠpasua ᾠmᾠ tenyᾠ tᾠmi kugyᾠkᾠ tsᾠ. Mᾠtᾠhᾠ tᾠgyᾠtᾠ tᾠwᾠ alᾠ yᾠ ᾠnᾠnegyᾠtᾠnᾠ.

2

Tsɔ Nkpa Dadatɔ Ba Pɔpwetɔ

¹ Asa mlilɛmlɛ Akristofɔ á, asutɔ-ɔnlun mɔ́a lakpanbwe sv mligyí ɔ́ɛtɔ aha wuhé. ² Alɛ bré ámɔtɔ á, mlilɛtsiá ɔ́mátɔfɔ atsiábi. Mlilóbuo ɔ́ɛ laláɛ féé owíe Ɔ́bunsám. Mɔ́gyí ɔ́ɛ laláɛ ání ɛde agyómá yɔ́ ahá ámúú bɔ́tamabú Bulu ámɔtɔ ní. ³ Lélé mɔ́ á, anɛ féé anlɛtsiá amú atsiábi, bwé laláɛá anɛ ɔ́wólí léklé. Anlóbuo tɔ́á anɛ ɔ́ylóú pú anɛ agywɛun létsiá súná anɛ. Tsiátɔ anfi sù tekɛ Bulu ɔ́bɛ́bití anɛ ɛsv fé aha atráɛ nɛ.

⁴⁻⁵ Táme íniá Bulu nwewúun ɛtsɔ, ɔ́ɛhíé dwé anɛ sv á, ɔ́lɔtsɔn anɛa Kristonyɔ́ ɛkɔ́lɛbwɛsv há anɛ nkpa, bré ámúú anɛgyí aha wuhé Bulu ansítɔ anɛ lakpan sv ámɔ. Mv awítɔle sù ɔ́lɔhɔ anɛ nkpa. ⁶ Anɛa Kristo Yesunyɔ́ ɛkɔ́lɛbwe ánfɛ sv Bulu lakúsɔ́a anɛa mɔ́nyɔ́ tsú lowutɔ, alahá anɛ otsiákpá Kristo wá. Anɛa mɔ́nyɔ́ abégyi iwíe ɔ́súsú. ⁷ Bulu léle mv awítɔle kpɔ́nkpɔ́nkpɔ́ntɛ ánfɛ súná anɛ tsɔn Kristo Yesusu, ménɛ ahá ání bétrá lun féé bówun ání mv awítɔle lomóní dɔn tógýítɔ. ⁸ Bulu awítɔle pú mlɛ Kristo hógýisv Bulu lɔ́tsɔn hɔ mlɛ nkpa. Inɛ mɔ́tsú mlɛ, Bulu atokiehé igyi. ⁹ Megyí mlɛ bwehé wankláán kɔ́kɔ sv, ménɛ mlɛtɔ ɔ́kɔ́kɔ mɔ́ɔpv ɛbɛ sí kántɔ. ¹⁰ Bulu lábwé anɛ alɛ ánfɛ anɛgyí. Alabwé anɛ aha pɔ́pwe tsɔn anɛa Kristo Yesunyɔ́ ɛkɔ́lɛbwɛsv, ménɛ abóbwe yilé ání mv onutɔ ɔ́lela yáí há anɛ ɔ́bɛɛ abwéɛ.

Kristotɔ Ɔ́kɔ́lɛbwe

¹¹ Mú sv mlɛkɛn ání tekɛ ɔ́mátɔfɔ mligyí. Bré ámɔ a, Yudafɔ bɔ́tɛtí mlɛ bɛɛ, “Ahá ání bɔ́mɛtɛn keté,” bɔ́tɛtí amú ɛwɛ keté atɛnpɔ. (Táme ketétɛtɛn amú ó á, nyankpɔsa ɔ́ylóúsv pú ɛbɛ ɔ́nɔ ató igyi.) ¹² Mlɛkɛn ání alɛ bré ámɔtɔ á, mlɛmégýi Kristo. Afɔ́ mligyí. Mlɛmégýi Yudafɔ ɔ́kpagyíɔ́kpasv. Mlɛmá ogyíkpa Bulu nhíhé ámúú ɔ́leka mú ɛwɛ ntam há Yudafɔ ámɔtɔ. Múá ɛdɔn kóráá á, mlɛ ansí mɛdín tɔ́tɔsv, mlɛmégýin mv é. ¹³ Táme séi á, mlɛa Kristo Yesunyɔ́ mlɛlabwé kɔ́le. Inɛ sv Kristo latsɔn mv obugya amúú ɔ́letséi wólí há anɛa mlɛnyɔ́ ámɔsv, kpá mlɛ ahá ánfɛ tekɛ mlɛbɔ́ ɛfɔ́ ánfɛ ba Bulu wá. ¹⁴ Tsúfé Kristo onutɔ lapú iwɛlwií wá Yudafɔ pú ɔ́má bámbásúfɔ nsiné, bwé anɛ afonka anyɔ́ ámɔ féé kɔ́le. Alalé olu ámúú ɛlabwe buntíi wá anɛ nsiné ámɔ. ¹⁵ Ɔ́leka Yudafɔ mbɛla pú amú amándiétɔ, ménɛ afonka anyɔ́ amú bóbwe ɔ́pasua pɔ́pwe ɛkɔ́le mɔ́tɔ. Fówun mɛva amónyɔ́ bóbwe kɔ́le, iwɛlwií bɛtsiá amú nsiné. ¹⁶ Ɔ́lɔtsɔn mv oyikpalíhesv lowu ámɔsv lé olu lé amú nsiné. Oyikpalíhe amɔsv ɔ́lɔtsɔn tsɛwɛ amúa Bulunyɔ́ ɔ́nɔ ntsu. ¹⁷ Bréá Kristo lébá a, ɔ́leda Bulu iwɛlwií asón ámɔ ɔ́kan há ahá féé. Mlɛ ɔ́mátɔfɔ ání mlɛa Bulunyɔ́ nsiné bv ɛfɔ́ pú Yudafɔ ání amúa Bulunyɔ́ nsiné ma ɛfɔ́ féétɔ. ¹⁸ Kristo sv ɔ́kpa latíi há anɛ afonka anyɔ́ ámɔ féé. Ɔ́ɛ Wankíhé ámɔ sv abétalí ba anɛ Sí Bulu ansítɔ.

¹⁹ Inɛ sv mlɛtráa mlɛmégýi afɔ́. Mlɛa Bulu ahá mlɛlabwé ɛkɔ́le, mligyí Bulu wóyí abí. ²⁰ Mligyí fé obuá bayi. Yesu sumbí ayɔ́pú ámɔ pú Bulu ɔ́nɔsú atáípú amɔ gyí mú nkpabí. Kristo Yesu onutɔ gyí obu ámɔ ɔ́tan. ²¹ Mv sv obu ámɔ ɛtsa aba hógýitɔ. Mɔ́téhá mú itomóní bwé Bulu ɔ́tswékpa obu wankíhé. ²² Iníá mlɛa Kristonyɔ́ mlɛlabwé ɛkɔ́le sv á, ɔ́de mlɛa Yudafɔ ámɔ pɔ́tsá abasv, ɔ́de obu ání Bulu obétsiá mótɔ ɔ́ɛtɔ yíi.

3

Paulo Ɔ́má Bámbásúfɔ Bulu Asón Bláa

¹ Mí Paulo nda obu Kristo Yesu asɔn wankláán ámúú nde ɔ́kan da mlɛ ahá ání mlɛmégýi Yudafɔtɔ ámɔ sv. ² Nyin ání mlɛlanú awítɔléá Bulu lówa há mí, pú agyómá ánfɛ wá mí ɛbɛtɔ ɔ́bɛɛ, mbwéɛ, ɛwa labi ha mlɛ. ³ Bulu

léle mu ason ñáínhé á múú òlekikí yáí ámu ówan súná mí. Mú nawánlín kútúkú á. ⁴ Ní mlekla ówulò ánfí a, íbówankí mlí ání nanú Kristo íwí ason ñáínhé ámu así. ⁵ Tsú óyí ópá á, Bulu mǎkólé ason ñáínhé ánfí súná nyankpúsa ókoku. Táme séi ánfí á, alabéle mú ówan tson mu Òhè ámusu súná ahá á múú alalé, bogyi mu sumbí ayópó pó mu ónǎsú atóipú wankíhé ámu. ⁶ Mu ason ñáínhé ámu gyí, Bulu layulá ómá bámbásófó é fé Yudafó, tson mu ason wankláán ámusu. Amóa Yudafó bamli ólere ókuletó ató agyípó, alabwé amóa Yudafó kole. Mú su babwé óyulú kole. Amó é bénya ató á múú Bulu léhie ání óbéha Yudafó tson Kristo Yesusu ámu ku.

⁷ Ina Bulu awitále pó mu túmisu ólóbwe mí mu ason wankláán ámu osúmpó. ⁸ Ibo mótáá kebikúso ngyi Bulu ahá féétó. Táme Bulu lówa awitále há mí óbéé, ndáa Kristo oyúla á múú idon blí ámu íwí ókan ha ahá ání bomegyí Yudafó. ⁹ Múlówa mí óbéé, nháa anyánkpúsa féé abobí alíá ódepu mu ason ñáínhé ámu yó agyómá. Múlóbwe ósú móa así, ólópó mu asón ánfí ñáín tson óyí ópá. ¹⁰ Ólóbwe mú alí, méní óbótson mu ópasua ámusu lé mu nyánsa ótsan-ótsan súná òhe laláhe awíe pó atúmipóá búbu ótínéá búde iwíe gyí féé. ¹¹ Iní gyí tóá Bulu léhíhé yáí asa ólele óyí ní. Alahá mú ílaba mótó séi tson aní Wíe Kristo Yesusu. ¹² Iníá anílahó mu gyí, ania munyó anílabwé ikule su á, abétalí wá klón yó mu ansító faan, anímétrá nya ifú. ¹³ Mú su nde ípa bwíí há mlí mbéé, mlímáha abató iwu mlí, íwíasin ánfí ndewúun ha mlí ánfí su, tsúfé íbówa labí há mlí.

Kristo Ódwe

¹⁴ Iní su mí akpawunu iyi así, nde aní Sí ámu kokóli. ¹⁵ Mutó abusuan kugyíkúá íbu ósú móa así lelín tsu. ¹⁶ Mubúu oyúla akpónkpóntí há mu abí. Mú su nde mu kokóli mbéé, mu Òhè ámu óhíe wa mlí ókláa ówónlín tsu mu oyúla kpónkpóntí atokíehé ámutó, ¹⁷ Kristo ótson mlí hógýisú tsia mlí klóntó brégyíbré. Nde mu kólí mbéé, óhá amlíle nlin yó ótótó, Buludwe pó mlí abadweto, amlílu kínkíínkín. ¹⁸ Fówun mlíá Bulu ahá atráhe mlétalí bí ání Kristo ódwe lehíe móní, ílehíe téí, íhíe bú íswí, ílehíe fúá, ílehíe wíe ótótó. ¹⁹ Ntráa nde mu kokóli mbéé, óhá amlíbi Kristo ódwe á múú nyankpúsa ókoku méetalí nú mú así yí ámu. Fówun mlí tsiátó bóbwe fé Bulu klé.

²⁰ Iníá Bulu túmí de agyómá yó anitó su á, ótetalí bwé ató há aní don alíá anitókólí mu, ntéé anitosúsu. ²¹ Iní su mlíha akanfó Bulu. Anyánkpúsa líntó féé bokánfó mu ató akpónkpóntí á múú ódebwe Kristo Yesu pó ópasua ámutó ámu su, tsú séi yófón bréá itamatá. Amen!

4

Ania Kristonyó Ikwélebwé

¹ Iní su mí ánfí nda obu aní Wíe agyómá yó su ánfí nde ípa bwíí há mlí mbéé, mlítsia tsiátó oduá ílekanáa alíá Bulu léle mlí óbéé, mlíbétsiá. ² Mlíba íwíasi, amlílwíi. Mlunya klón ha aba, amlídwé aba. ³ Òhe Wankíhé ámu lahá mlílabwé kole. Mú su mlíbo mbódí amlítsia iwílwíitó, méní ikwélebwé ámu íbétsiá mlító yó. ⁴ Óyulú kole íwí ntóbí aní féé anígyí. Òhe Wankíhé kole pé bú un. Alí kén Bulu léle aní féé óbéé, abékí toku kole pé ókpa ní. ⁵ Owíe ókole; hógýi kole; asúbó kole. ⁶ Bulu ókole. Múgyí aní féé Ósí. Múdé aní féésó gyí, óde agyómá yó tson aní féésó, ótsie aní féétó.

⁷ Kristo lówa awitále ye atokíehé há aní féé óbéé, apóyó mu agyómá, ⁸ fé alíá ówanlín wá Bulu asón ámutó beé,

“Bréá ólójó ósúsú á,

ólekpa ndoun buo íwí,

kíe ahá ató.”

⁹ Ní bōwanlín wá Bulu asón ámwòtò bēē, “Ọ̀lọ̀yọ̀ ọ̀sọ̀sọ̀” á, idesuná ání Kristo légyankpá kplí wíé ọ̀sulótò. ¹⁰ Mómú idesuná ání ọ̀há ámwú ọ̀lekplí wíé ọ̀sulótò ámwú kén lóyọ̀ ọ̀sọ̀sọ̀, ọ̀tínéá ọ̀fóvá dún ní, méní ọ̀bóbúlá ọ̀sọ̀ múa así fẹ́é, há mú ifun. ¹¹ Kristo onutó lóbwē anító akú m̀v̀ sumbí ayọ̀pó. Akú Bulu ọ̀nósú atọ̀ípó. Akú m̀v̀ asun wankláán ámwú ọ̀kan adapó. Akú é akpapó pú asunápó. ¹² Kristo léle amó alí, méní Bulu ahá bétalí yó m̀v̀ agyómá, pówá Kristo ọ̀yulúbú ọ̀kọ̀le; igyí m̀v̀ ọ̀pasua ámwú ọ̀wunlín, ¹³ méní aní fẹ́é abóbwē kọ̀le hógyítò, bí Bulu m̀v̀ Bì ámwú. Fówun abédan, fun ọ̀kpagyíakpasu fẹ́ Kristo. ¹⁴ Iní sù aníméetrá bwe fẹ́ nyebíá ahá ání amó ọ̀nó b̀v̀ ọ̀dwe bétalí pú amó atosunáhé pəpwe kugyíku bēmlé, fẹ́ alíá ntsu tédá ọ̀klon ya ọ̀tínegyíótínéá ideklé. ¹⁵ Mboún mlíha abláa aba ọ̀nəkwali asón ámwú ọ̀dwe, méní abédan tógýtótó, bwe fẹ́ Kristo, ogyí ọ̀pasua ámwú nwun. ¹⁶ Ina m̀v̀sù ọ̀yulúbú, igyí ọ̀pasua ámwú ọ̀tínegyíótíné it̄sa aba, ide aba wankláán. Ní nyankp̄usa-oyí iwí ntobí ámwú fẹ́é ide m̀v̀ agyómá yó wankláán á, Kristo tēhá m̀v̀ itédan ọ̀dwe.

Nkpa Dada M̀v̀a Pəpwe

¹⁷ Mú sù nde mlí ọ̀lá da aní Wíé ọ̀dátó mbéē, mlímátrá tsiá fẹ́ ahá ání b̀m̄meyín Bulu. Itáá m̀d̀owa labí há amó iwí butəgywíun. ¹⁸ Amó nwuntó lóklun. Mú sù b̀ma nkpa pəpwe amóú itsú Bulu wá ámwú, tsúfẹ́ b̀m̄meyín tətó. Ikluntó b̀v̀ amó odwin. ¹⁹ Lalahēbwe tamawá amó péli, butekle hakpanla kugyíku bwe. Butəbwé lalahē kugyíku, butamatálí kítá iwí.

²⁰ Táme mlí mú á, megyí tsiátó anfi odu mlílékasí tsú Kristo iwí. ²¹ Nyin ání mlílanú Yesu iwí asón, basúná mlí ọ̀nəkwaliá ọ̀b̀v̀ m̀v̀tò é. ²² Mú sù mlísi mlí tsiátó dada amóú mlílétsiá ámwú. Mlí ọ̀wólí laláhe lémlé mlí alí bré ámwú, ọ̀leha mlí tsiátó leyintá. ²³ Mlíha Bulu ọ̀bwe mlí klon pú mlí agywíun pəpwe. ²⁴ Mlitsia tsiátó pəpweá igyí Bulu atsiábi, mú iwí letin, ina dínká ọ̀nəkwali ọ̀kpa ámwú.

²⁵ Mú sù mlíto okugyíaku ọ̀mátrá wa afunu. Ọ̀hagyíoha ọ̀bláa m̀v̀ ba Okristoyin ọ̀nəkwali. Tsúfẹ́ aní fẹ́é anigyí nyankp̄usa-oyí ọ̀kọ̀le amú iwí ató. ²⁶ Ọ̀bló ikítá mlí á, mlímáha mú ọ̀ha amlíbwē lakpan. Imátsiá mlíto yófun owi tahé. ²⁷ Mlímátepí há Ọ̀b̀unsám ọ̀kpa ọ̀mlé mlí, amlíbwē lakpan. ²⁸ Owikplu mátrá wí ató. Ọ̀púv̀ m̀v̀ ọ̀b̀v̀ yó agyómá, méní obénya tóku kpá m̀v̀ iwí, nyá ọ̀kú é há ahá ání b̀ma kuku. ²⁹ Mlímáha asun laláhe kuku ọ̀dalí tsu mlí ọ̀nó. Mboún múá ọ̀bóbúá ọ̀ha, ọ̀bóbwe yilé, wá labí, wá mú anupó ọ̀wunlín. ³⁰ Mlímábwe tóá ọ̀b́ehan Ọ̀je Wankíhé ámwú. Tsúfẹ́ m̀v̀ Bulu lóp̄v̀hie mlí nsu, p̀súná ání m̀v̀bó mlí, móhó mlí nkpa eke ámwú ní. ³¹ Mlídé ọ̀nsupəkpan, olu pú ọ̀blókpán, it̄ré, isia pú lakpan kugyíku agywíun le mlíto. ³² Mboún mlíwa awítòle ha aba. Mlíwun aba nwe, amlísi lakpan kie aba fẹ́ alí ámwú Kristo sù Bulu lési mlí klé kíe mlí ámwú.

5

Akristofō Atsiábi

¹ Iníá Bulu abí ání ọ̀téhíé dwé mlígyí sù á, mlitsia m̀v̀ atsiábi. ² Mlídwe aba ọ̀kpagyíakpasu, fẹ́ alíá Kristo lódwe aní, tsúlá b̀m̄m̀v̀ m̀v̀ aní sù. Ọ̀lọ̀p̄v̀ m̀v̀ iwí bwe ató hahé pú afódié-abótáá ọ̀b̀v̀ ọ̀fan fánfáánfán há Bulu, ilegyí m̀v̀ an sí.

³ Bulu latin mlí iwí. Mú sù mlímáwa atsi múa ayin asón, wá hakpan, ntéé ọ̀nsípe. ⁴ Mú ọ̀ma a, uma aléá mléblí asón ání ọ̀b̀v̀ péli pú múa uma anulé, ntéé wá ọ̀pləkp̄an. Mboún mlída Bulu ọ̀pán brégyíbré. ⁵ Iwánki mlí ání mbua

ᾠτοῦ, ὁἰακπαν ντέε ὄσιπε ὄπαῖ ᾠκου μέεnya ogyíkpa Kristo mva Bulu iwíegyi ámutò. (Tsúfè ὄσιπε ὄπαῖ gyí fè ᾠkpi ᾠswépu).

⁶ Mlímáha ᾠkpa ὄhaa ᾠῖῖ asón ání uma labi kuku mlé mli. Tsúfè tsiátò laláhe anfi odu só Bulu tenyá ὄbló bíti ahá ání bḡḡ asḡḡ-ḡnlin isv ní. ⁷ Mú sv mlímáḡḡ amú gyi mba. ⁸ Bré ámu a, oklúntò mltsie mlidé lakpan bwe, táme séi á, mli aní Wíenyò mlilabwé kule. Mú sv mltsie wankitò. Iní sv mli tsiátò isúna ání mltsie wankitò. ⁹ Tsúfè ὄhá ání ὄbu wankitò tḡbwé yilé. Mv asón da ᾠkpa, ὄbu ὄḡkwali. ¹⁰ Mú sv mliḡḡ mbódí amlikasí tḡá Bulu tekle. ¹¹ Mlímágyi mba. Labi kuku uma mótò. Mḡḡn mliḡḡ amú bwehé ὄwan. ¹² Ihíé bḡ péli ání bébli ntobíá ahá bḡtḡbwé ḡáintò iwí asón kóráá. ¹³ Táme ní itò wankíhé iwánkí wólí tḡá ḡḡ oklúntḡsv á, itemlí itowunhe. ¹⁴ Tsúfè atò wankíhé telé tógyítò ὄwan. Mú só bebli beé, “Ḳḡḡḡpó, tsinki.

Kḡsv tsu afúlitò,

Kristo ὄwankí wólí fúsú.” ní.

¹⁵ Iní sv mliki mli tsiátò wankláán. Mlímátsiá nkpa fè aha mimláhe, mḡḡn mltsia fè atiansḡḡ. ¹⁶ Ní mlenyá bréá mlḡḡḡbwé itò wankláán á, mlímáyintá mú. Tsúfè lalahḡbwe lamóní alí bré ánfítò. ¹⁷ Mú sv mlímábwe mimlála. Mḡḡn mliḡḡ mbódí amlibí tḡá aní Wíe tekle, amlibwe mú.

¹⁸ Mlímánu ntá bḡ, tsúfè iteyíntá ὄha. Mḡḡn mliha Ḳḡḡ Wankíhé amv ὄbḡla mli brégyíbré. ¹⁹ Mliḡḡ Bulu asón wá ḡḡ, amlíwa ḡḡá Ḳḡḡ Wankíhé lḡḡwá mli klḡntò potò kpla aba; amlíwa ḡḡ é tsu mli klḡntò kanfḡ aní Wíe. ²⁰ Mliḡḡ aní Sí Bulu ḡḡn tógyítòtḡ brégyíbré, aní Wíe Yesu Kristo idátò.

Akristofò Akúlu Mva Aká Tsiátò

²¹ Mliḡḡ iwiasí ha aba fè alíá mliḡḡba iwiasí há Kristo.

²² Ḳtsi, ba iwiasí ha fú kúlu fè alíá fḡḡḡba iwiasí há Kristo. ²³ Tsúfè okúlu bḡ túmi mv kasv, fè alíá Kristo bḡ túmi ᾠpasua ámusv. ᾠpasua ámu gyí mv ᾠḡḡḡ, Kristo amv onutò gyí mú Ḳḡḡḡ. ²⁴ Alí ámúḡ ᾠpasua ámu tḡba iwiasí há Kristo amv a, alí kén ᾠká é ὄbá iwiasí ha mv kulu tógyítòtḡ ní.

²⁵ Akúlu, mliḡḡwḡ mli aká fè alí ámúḡ Kristo lḡḡwḡ ᾠpasua ámu, tsúlá bḡmḡ mv mú sv ámu. ²⁶ Kristo lḡḡsulá bḡmḡ mv pḡḡḡn ᾠpasua ámu iwí há Bulu. Olebie ᾠpasua ámu ntsu, pḡ mv asón ámu gyḡra mú iwí. ²⁷ Omekleá ifin pḡ asḡansv bétsiá ᾠpasua ámu iwí, ntéé mú ὄḡḡneko ḡḡkḡḡkḡḡ tía, méní ḡḡwa mv onutò ámu akíle fè obitebí, ὄbékpa mv ba mv iwí wá. ²⁸ Alí kén lehián ání oyin ὄbḡḡwḡ mv ka fè mv iwí ní. Oyin ání ὄḡḡḡwḡ mv ka tḡḡwḡ mv onutò iwí. ²⁹ Tsúfè ὄhaa tamalú mv iwí, bulá ὄḡḡḡlá mv iwí, kḡ mv iwísv wankláán fè alíá Kristo é tḡbwé há ᾠpasua ámu. ³⁰ Tsúfè aní fḡḡ anígyí Kristo ᾠḡḡḡ iwí ntobí. ³¹ Fè alíá bḡwanlín wá Bulu asón ámutò beé, “Iní sv oyin ὄbḡnátí sí mv sv mva mv yín, yémantá mv kasv. Fḡwun amú abanyò ámu bḡḡwḡ ᾠḡḡḡ kule” ní. ³² Ḳḡḡkwali, Bulu asón ḡáínhé anfitò bḡ odwin. Nḡkú mbéé, Kristo mva ᾠpasua ámu iwí asón igyi. ³³ Mli é mli asón igyi. Mú sv ntráa nde mli bláa mbéé, oyinyíoyin ὄḡwḡḡ mv ka fè mv onutò iwí, ὄtsi é obu mv kulu.

6

Abí Mva Akwíḡḡ

¹ Abí, mli aní Wíenyò mlilabwé kule. Mú sv mliḡḡ mli akwíḡḡ. Tsúfè mógyí tḡá ida ᾠkpa ání mlḡḡwḡ ní. ² Iní gyí mbla ámutò gyankpapḡá ὄlehe oyúla mántá músó ní. “Bu fḡ sí móa fḡ yín, ³ méní ḡḡwa alé há fḡ. Fḡwun fḡḡḡn fulí nwun fḡ nkpa ánfítò.”

⁴ Abí así, mlimátsiá wá mli abí ðbló. Mbouín mliyaí amó, amlisuna amó ató alhá aní Wíe tekle.

Nkpábi Pó Amó Awíe

⁵ Nkpábi, mli bu mli awíe. Mliya amó ifú, amlibu amó tsu mli klóntó fé alhá mlitobú Kristo. ⁶ Mlimábwe yilé amó ansító alhá békanfó mli sv. Táme fé Kristo nkpábi a, mli bwe ató tsu mli klóntó fé alhá Bulu tekle. ⁷ Mli e iwító yo agyómá ansigyísó ha amó, fé Kristo mli dé mó yo há, megyí nyankpósa. ⁸ Mli dinka ansí aní aní Wíe ðbéka ðhagyíðha ikó, itó wankláán kugyíkóá ðlbwe sv. Ní ðkpábi fugyi o, futsie fú iwísv o.

⁹ Awíe, mli é mlikita mli nkpábi wankláán, fé alhá nablí bótson. Mlimábwe amó kpóunkpóun. Mli kaun aní mli amónyo féé owíe ámu bu ðsósó. Mu mó ðtamakí ðhaa ansító.

Bulu Akotó

¹⁰ Mí asón tráhe-tráhe gyí, apíó, mlitsun ania aní Wíenyó ikólebwe sv amliha mu ðwa mli ðwonlín tsu mu túmi kpóunkpónti ámutó. ¹¹ Mli dida isá-akotó fééá Bulu lahá mli ðbéé, mli póko ðbonsám, méní mlétalí líí mu ðmle ámu ðnó. ¹² Tsúfé megyí ania anyánpósa déko. Mbouín ania ðjéto túmi laláhe, atúmipó pú ðhe laláheá bóbó ðyí klúnhe anfitó pú ðtinegyíótíné déko. ¹³ Mó sv mli dida Bulu akotó ámu féé, méní ekeá lalahé ku ifwíé mlitó á, mli méesrí, mlétalí líí mó ðnó, trá nya ðjé wá ðwonlín líí kinkíinkín.

¹⁴ Mó sv mli kósv, amlida iwísv. ðnókwaliwa íbweé ðféá ikli mli osiésó. Yilé bwe íbwe mli kántó-atíntó. ¹⁵ Iwísvda há iwílvii asón wankláán ámutó kitá pú mó blí íbweé mli isátó ntókota. ¹⁶ Iní féé ðma a, mli kita Kristo hógyi ámutó brégyíbré. Íbweé mli atíntóá mlóputin mli iwí, méní ðbonsám mbín píñpíñn ámuó ídetsóun ámutó kóko imóowó mli. ¹⁷ Mli bu Bulu nkpahó ámu bwe mli kótópa. Mli kita Bulu asón ámutó, íbwe mli isátó ðdayí aní ðhe Wankíhé ámu téhá mli. ¹⁸ Mli ha Bulu ðhe ámu ðkpa mli, amlibó mpái brégyíbré. Mli kóli Bulu, ðtsa mli ðkpagyíðkpasó. Mó sv mli dinka ansí iwísv. Mlimási mpái bó há Bulu ahá féé. ¹⁹ Mli bó mpái ha mli. Ní nobwíí ðnó á, Bulu ðpó mu asón ámu wa mí ðnó; ðha mí antali wa klón blí asón ñáínhé ámuó íbó mu asón wankláán ámutó ámu féé. ²⁰ Asón ámu iwí sumbí ðyópó ngyi. Mó ðkanda só nda obu ní. Mli bó mpái mli aa, Bulu ðhá mí antali wa klón blí mó alhá ilehián.

Ikli

²¹ Osúmbi ðnókwaliwo aní píó ðdwepó Tihiko gyí aní Wíe agyómá ámutó. ðbébláa mli mí iwí asón féé, méní mlébi alhá ngyi pú tóá ndebwe. ²² Iní kóun sv nde mu wa mli wá ní. Ndeklé mbéé, ðbébláa mli alhá tógyító íde mósó yo nfi. ðtaí kpla mli pówa mli ðwonlín.

²³ ðsí Bulu muva aní Wíe Yesu Kristo boháa mli ahógyipó ámu féé iwílvii. Boháa amlitsia dwe aba, mli ansí idinka Bulusv bré féé. ²⁴ Ogyíí ahá aní bótamasí aní Wíe Yesu Kristo dwe féé bóale.

ᾠῶλόá Paulo L'wanlín Sísí Filipifó

Itsidha

¹ Mí Paulo pó aní pió Timoteo aní anígyí Kristo Yesu asúmpó dé ᾠῶλό ánfí wanlín sísí mli Bulu ahá aní mliḅu Filipi wúlutó, mliá Yesu Kristo mliḅabwé kóle. Mliá mli ᾠpasua ahandé pó amó abúápu fée anidé mó wanlín sísí.

² Aní Sí Bulu mva aní Wíe Yesu Kristo ḅogyí mli ḅuale, abuha mli iwílwii.

Paulo Atókwli Pó Ipánda

³ Ntedá mí Bulu ipán ní nekáín mliḅu brégyíbré. ⁴ Brégyíbréá nde mpáí ḅó há mli fée á, ansí tegyi mí. ⁵ Tsúfí tsú ekeá mliḅótsá ason wankláán ámu nu á, mliḅé aní tsa anidé mó ᾠkan da ḅotv nde. ⁶ Nyin aní Bulu ámuó olefi agyómá wankláán ámu así mliḅó ámu kén ᾠbóyo mósu alí yóḅon Kristo Yesu ᾠbáke ámu. ⁷ Ulekanáa aní núsusúu mli fée iwí alí, tsúfí ntehié dwé mli. Iníá nda obu, ntée ndekó ason wankláán ámu nwnunḅu, mliḅí mí ᾠma a, aní fée Bulu dé ḅuale gyí. ⁸ Bulu yin aní ntosúsu mli iwí, ntehié dwé mli fí alá Kristo Yesu tódwé mli.

⁹ Nde Bulu kokóli mbée, ᾠhá amlídwé aba ḅon alí, amlítin ansí, nú asón ámu é así wankláán, ¹⁰ méní mliḅí tóá ihíé iḅu alé, amlítsia nkpa aní mó iwí letin, ᾠlala uma mó iwí, alí yóḅon ekeá Kristo ᾠbélaba. ¹¹ Yesu Kristo ᾠháa mu yiléḅwé iḅola mliḅó fí alá oyí toswíé abí, ipu numnyam móa kanfó ha Bulu.

Paulo Ikantódi Léha Bulu Asón Lekléi

¹² Mí apíó, ilehián aní mliḅí aní ikplán anfi ílató mí anfi lahá ason wankláán ámu lakléi tsía. ¹³ Tsúfí ᾠhagyíḅha aní ᾠḅu nfi, pó ísá akᾠpóá ḅotogyo owíe wóyí aná fée babí aní Kristo-ḅúo su nda ikantó. ¹⁴ Mí ikantódi su apíó tsótsótsó ḅapó ansí dínká aní Wíeso. ḅuhíé ḅude klón wa dá ason wankláán ámu ᾠkan, ifú medé amó.

¹⁵ Iḅu mótsá mí iwí olu pó mí iwí ahin só aku ḅude Kristo iwí asón ámu ᾠkan da. Táme amó aku é balé klóntó ḅude mó ḅwe. ¹⁶ Alí ahá anfi ḅudepu mí iwí ᾠdwé dá ason wankláán ámu ᾠkan. Tsúfí ḅuyin aní Bulu lópu mí ba nfi aní mbépri mu asón ámu nwnun. ¹⁷ Ahá ámuó ḅumedeé Kristo iwí asón ámu ᾠkan da tsú amó klóntó ámu mó á, amó nkole inya su ḅude mó ḅwe. Nda ikantó su ḅudekléá béyintá mí iwí tsía.

¹⁸ Táme imedé mí han, ní yilé só ḅude mó ḅwe o, lalahé su o. Móá ide mí hián gyí, banyá ḅude Kristo asón ámu ᾠkan da ní. Iní só ansí ihíé de mí gyí ní. ¹⁹ Tsúfí nyin aní mli mpáí pó Yesu Kristo ᾠḡé ámu ᾠbékpa mí, nédalí ikplán anfiḅó. ²⁰ Nhíé nyin, mliḅu hógyi aní mmóḅḅwe tóá iḅéha péli békítá mí. Mboún nétrá wa iwí ᾠwonlín, méní ní lowu ígyi o, nkpa ígyi o, mí tsiátó fée iḅówa Kristo numnyam. ²¹ Tsúfí ní ntsie nkpa á, ntsie ha Kristo. Ní nowú é á, iḅówa mli labi ḅon. ²² Táme ní ntráa ntsie ᾠyító á, négyi gyoma aní iḅówa labi há mí. Iní su mmowúun móá nlée. ²³ Nagyígyáa, táme iḅu mli aláá néyétsiá Kristo wá mboún. Móḅu alé ḅon. ²⁴ Táme mli su iḅu aláá nétsiá nkpa. ²⁵ Nyin alí. Mó su nétsiá mli wá abóyo agyómá ámu, méní mlédan, nya ansígyí mli Kristo hógyi su. ²⁶ Mómuó bréá neyinkí bá mli wá á, mliénya ᾠkpa kánfó Kristo Yesu, itó ámuó alabwé há mí ámu su.

²⁷ Tóá idehián séi gyí, mliha mli tsiátó ikana Kristo ason wankláán ámu. Mómó ní nehá mli wá ó, mmeba ó, nónu ání mliú kinkíinkín ikolebwetó; mli dé hógyi amóú ibv ason wankláán ámótó ámu é nwun prú. ²⁸ Mlimánya ahá ání bókúso líi mli sù ifú akpa akokoso. Mli iklonwa ibóbwe osúna há amó ání Bulu onutó abéhi amó fée, táme abóhó mli mó nkpa. ²⁹ Tsúfé megýi Kristo hógyi nkole só Bulu lóphá mli. Mboún ahá mlówun ipian há mu é. ³⁰ Isá amóú mli lówun ání ndekó ámu kén mli dékó á. Mó kéntó ntráa mbu ni.

2

Mlikasi Kristo Iwiasibá

¹ Mlia Kristonyo mli labwé kole. Mó su alawá mli atetó-onlun. Mu odwe lalwíi mli klón. Mlia mu Ọjé ámu kolebwe so alahá mlia mli aba mli labwé kole, mli dé iko tsu lé mli aba asóntó, mli dé aba nwe wúun. ² Mó su mli bwe kole, amlitsula dwe aba tsu mli klontó. Mli bwe agywun kole, amliyó agyómá wa abató poha mí ansigyí ifon. ³ Mlimábwe awonsípó. Mlimátsu iwí. Mboún mli ba iwiasí, amlitsu mó ání mli aba budon mli. ⁴ Mlimádunká mli nkole klé. Mli dunka mli aba é klé. ⁵ Mliha mli agywun ibwe fé Kristo Yesu klé.

⁶ Iná oshian Bulu akpacyí akpasu ó á,

omabwe agywun ání obótsu mu iwí ání mba Bulu bugyi kékée.

⁷ Mboún olesí mu tógyító omagyáa,

bwé mu iwí osúmpó.

Bakwí mu fé ahá bakwí ohagyíoha.

⁸ Mu nyankposabwetó á, oshia iwiasí.

Olobu ató alu wú oyikpalíhesu,

fé lalaha obwepó.

⁹ Iní su Bulu lótsu mu fóá ya osúsóúsó,

há mu dá ání idon adá fée,

¹⁰ méní ntobíá bubu osú mba así

pó osolón ayasí bédá akpawunu há mu;

¹¹ ohagyíoha obéle blí ání “Yesu Kristo gyí Owie!”

pówá aní Sí Bulu numnyam.

Mliwankí Fé Ntsrakpabi

¹² Iní su apíó adwepó, ahá amóú mli tobú mí bré amóú mbu mli wá ámu a, iná mma mli wá ó á, mli bwa mbódí amlibwe mó ahá. Mli pu ifú móa kpiní yo mli nkpahó agyómá ámu mwa onó. ¹³ Tsúfé Bulu onutó dé agyómá yo mli to. Alahá mli latsulá mli dé mu apé móa tóá otekle bwe.

¹⁴ Mlimátóí ntée gyí tógyítóá mlóbwe iwí nwéen, ¹⁵ méní olala méetsiá mli iwí; mli iwí bétin, fé Bulu ahá bré ání mli tsie lakpan kugyíko abwepó oyí ánífito. Mliwankí fé ntsrakpabi amó ansító. ¹⁶ Mli yo mósó amlibla ahá asón amóú itehá nkpa ámu, méní mli su nétalí pó ibi sí kántó ekeá aní Wíe Kristo abélaba, ání mí mbódí ntée mí gyumagyíhe mabwe kpaali.

¹⁷ Táme ní ibéba mótó ání bápú mí obugya wólí así fé ntá mli hógyi iwí afódie pó Bulu agyómá ání mli déyosú kóráá á, ibówa mí odwe. Ansí bégýi mía mli nyó fée. ¹⁸ Mó su iwá mli odwe, ansí igyi aní fée.

Timoteo Mba Epafrodito

¹⁹ Ní aní Wíe Yesu lótsulá á, umóowa opá nówa Timoteo mli wá. Ní oyínkí bebláa mli ání mli tsie wankláán á, ansí bégýi mli. ²⁰ Mma ohá ání olotsu iko lé mli asóntó don mu. ²¹ Tsúfé atráhe amu fée bode amó onutó klé kí,

megyí Yesu Kristo klé. ²² Táme mliyin alá Timoteo lagyi mu iwí adánsie wankláán. Alatsá mí anladá ason wankláán ámu okan fé obí móa así. ²³ Mó so nde okpa kí aní ní nenyá wun tśá íbēba misu nfi pé á, nōwa mu mli wá. ²⁴ Nahogyiá aní Wíe obékpa mí, imōowa opá mí onutó néba mli wá.

²⁵ Táme nōbwe agywun aní nélayinkía Epafrodito sísi mli. Aní pió aní mía mōnyo anidé agyómá yo, anidékō ason wankláán ámu nwunsu. Mōgyí mli bí aní mlilōwa mliāa, obá beki misu ní. ²⁶ Tsúfé ode mliśu kaín dōbi. Uhié de mu háan, tsúfé mlilōnu mu ilo. ²⁷ Lélé mó á, alaló sian wu, táme Bulu lōwun mu nwe. Megyí mu nkole, mía mōnyo féé, méní awirehō móōdōn mi kitá. ²⁸ Mó so nhíe ndekléá nōkōsí wá mu mli wá, méní ní mlelāwun mu a, ansí bēgyi mli. Mí é mí ason susúhesu bēkalá kúká. ²⁹ Mlihe pu ansigyí hō mu fé mli bá Okristoyin, amlipu obú ha mva ahá aní bōgyi fé mu. ³⁰ Tsúfé olesi mu nkpa há Kristo agyómá ámu. Olekle owu mótó bréá olí mli dátó, mu nkole ode tōgyitá tekí ní mliśu nfi mlōbwe há mí bwe.

3

Yesu Lōwu Hō Aní Nkpa

¹ Itráhe a, mí apió, aní Wíe so mliya ansigyí. Imōkōkpon mi aní nétrá wanlín ason kua kole anfi sísi mli. Igyi asón aní íbékpa mli é. ² Mliki aha laláhe anfi bōgyi fé akíai anfi wankláán. Lalahē abwepó bōgyi, bude ahá háan beē butún keté kpaali. ³ Tsúfé aní ahá ámóú anitōpó Ōhe Wankíhé sūm Bulu ámu gyí keté atínpu onutó ní. Mó so abétali tsú iwí itó ámóú Kristo Yesu labwé há aní ámu so. Anitamapó ansí dínká tśá nyankpōsa lapó íbī bwésú. ⁴ Mí onutó oó mbu okpa pú ansí dínká mó anású. Ní oku obéē, mōbu okpa pú ansí dínká mósú á, mí mboún búb okpa pú ansí dínká mósú dōn. ⁵ Tsúfé bōkwú mí, tūn mi keté eke kwésí. Israelyin ngyi. Benyamin abusuantō notsú. Mó so Hebriyin onutónutó ngyi. Mose mbla ámusu gyí okpasu é á, Farisiyin ngyi. ⁶ Nēhie wá nsi, dínká Kristo opasua ámusu. Negyi Mose mbla ámusu wankláán, olala metsiá mí iwí. ⁷ Táme ntobí anfi bré ámu ntekiá íbu mi labi anfi féé á, Kristo so nde ítráa megyí mí tōtō. ⁸ Móbá idōn mó kórāá gyí, ní nōpōkí alá nōpōbí mí Wíe Kristo Yesu a, nawun aní íbu labi dōn tōgyitá. Nawun aní nahólí ntobí anfi ntekiá íbu mi labi anfi féé, alá Kristo obéda mi íbī su. ⁹ Iní su íniá mbu mu wá su á, megyí Mose mbla ámusu gyí obéha négyi asu Bulu ansító. Kristosu hōgyi mboún obéha négyi asu Bulu ansító. ¹⁰ Mí agywun gyí, ndekléá nébī Kristo pú túmi ámóú Bulu lōpōkōsúa mu tsú afúlitō ámu tsíá. Ndekléá nōwun ipian fé alá Kristo lōwun ipian wú, ¹¹ méní okpagyíokpasu á, mí é Bulu obókōsúa mi tsú afúlitō!

Srí Buo Kristo

¹² Mmedéblí mbéē, mí íbī lada ntobí anfi féé ntēē Bulu labwé mí nafōn. Ntráa nde nsi wa alá íbōbwe mí íbī bēda tś ámu so ámóú Kristo Yesu íbī lada mi ámu. ¹³⁻¹⁴ Mí apió, mmedéblí mbéē, mí íbī lada mó. Nde mó ámóú idetsōon amōsu táan. Móbá ida mí ansító okpa ngya. Mí ansí lapé, méní nénya siadiē ámóú Bulu obótson Kristo Yesusu tí mí nōyo mu wá osósú ámu. ¹⁵ Ilehíán aní aní ahá ámóú anladan hōgyitō ámu féé abóhō alí asón anfi. Ní íkō mówankí mli á, Bulu obówankí mótó súná mli. ¹⁶ Táme mliha akita onokwalí amóú Bulu lasúná aní ámōtō.

¹⁷ Mí apió, mlikasi mí tsiátó. Mlikasi ató tsu ahá ámóú bakásí aní tsiátó ámu wá. ¹⁸ Tsúfé ntetsíá bla mli asón anfi. Napó ntsú ntráa nde mli bláa mbéē, ahá tsotsōtsō tsiátó losuná aní Kristo oyikpalíhesu lowu ámu alupó

bugyi. ¹⁹ Ahá áñfi béhi. Amó apu gyí amó Bulu. Amó numnyam é gyí péli. ʒsolósu ató iwí pé bʉtosúsu. ²⁰ Táme aní mó á, ʒsósó gyí aní otsiákpá. ʒtíné ámóú anidé aní ʒhópu, ogyi aní Wie Yesu Kristo ʒkpa kú ání obótsu ba amu. ²¹ Mubúv túmi, otegyi tógyítósó. Mv ʒbéba betse aní ʒyolúv wuhé áñfi, bwé mó fé mv numnyam ʒyolúv amu.

4

¹ Iní sv apió adwepó, ntádwé mli. Idin mí ʒwólí ání nówun mli, tsúfé mli sv ansí de mí gyí, nénya ipánda é! Mí adwepó, alí ilehián ání mlélí kínkín mli Kristo hógyitó ní.

Tóá Bwbwée

² Nde mí apio tshé Euodia mva Sintike kokóli ání bʉnúu aba asi, tsúfé aní Wie abúopu bugyi. ³ Mí agyómáyǒbá onutó, nde fú é kókoli mbée, futó kpla amó abʉbwe kole. Tsúfé bawá nsi tsá mía Klement pó atráhe amu aniladá asʉn wankláán ámu ʒkan. Bulu lawánlín amó adá wá nkpa ání itamatá atsiápu ʒwolótó.

⁴ Mlihe nya ansigyí aní Wie sv brégyíbré! Ntráa nde mli bláa mbée, mlihe nya ansigyí!

⁵ Mliha ʒhagyíha owun ání mlilólwii. Aní Wie íbábí lafon. ⁶ Tóto imáhan mli. Mboún kugyíkʉvá igyi á, mlibo mpái kokoli Bulu dinka mósó, amlida mu ipán. ⁷ Méné Bulu ʒbéha mli iwilwii ání idʉn blí, íbékpa mli klʉn pó mli agywun, mli Kristo Yesu íkolebweto.

⁸ Itráhe a, mí apió, mlipu mli agywun dinka tóá igyi ʒnkwali, tóá íbétí obú, tóá ida ʒkpa, tóá mó iwí letin, tóá itegyí ahá ansí pó tóá ahá békánfúsó. Mligywun tóá íbo alé, ahá bʉtekanfú aná iwí. ⁹ Mliyo mósó amlipu ntobí áñfi nasúná mli áñfi, móá mlilónu tsú mí wá pó móa mlilówun mli ʒbʉwe féé wa mli tsiátó, méní Bulu ámóú ʒtehá iwilwii amu ʒbékpa mli.

Ipánda

¹⁰ Bulu lahá ansí íhé de mí gyí, tsúfé mlilatráa kaín mísó. Nawun ání mlímókúsí mí iwí gywún, táme talí mlímétalí lé mó súná. ¹¹ Mmedé asún áñfi blí pósúná ání mbʉ íkplántó, tsúfé nakásí, nabí alíá tóá mbʉ íbófon mli, ní mbʉ óó, mma óó! ¹² Nasúan alíá nóptsíá ní mbʉ óó, mma óó. Nabí alíá tsiátó kugyíkʉtá mbʉ íbégyi mli ansí. Ní ntsie akón o, namwé o, mbʉ o, mma o. ¹³ Ntetálí bwé tógyító, tsúfé Kristo tawá mí ʒwónlín.

¹⁴ Mó alí óó á, íbo aléá mlilatsú íku lé mí íkplán anfíto. ¹⁵ Mó ʒma a, Filipifō, mliyin ání bréá nʉtsə mli Yesu Kristo iwí asʉn wankláán ámu bláa, nedali Makedonia ʒmátó á, mli ʒpasua áñfi nkole dé mí bʉá, mlidé mí ató sísí ní. ¹⁶ Bréá ntráa mbʉ Tesalonika wúluto kóráá, iwí lékplan mli á, mlilétsiá sísí mí. ¹⁷ Megyí bʉe nde tǒku kolí tsú mli wá. Mboún ndekléá mlínyá tǒku dinka awítale amóú mlidéwa há mí ámuʉ. ¹⁸ Mí íbí lada tógyítóá mlilópuhá Epafrodito mlihaa ʒpúv ba mli. Itsə kóráá dʉbi. Mó sv nanyá tógyítóá íbéhián mli. Itó áñfi mlilabwé áñfi igyi fé mlilahá Bulu igyí ání íbo ʒfan fánfáánfán, ílagyi mu ansí. ¹⁹ Mí Bulu ʒbéha mli tógyítóá íde mli hián tsú mv numnyam ató tsətsətsəá íbo ania Kristo Yesunyo íkolebweto. ²⁰ Numnyam íbwée aní Sí Bulu klé bré féé. Amen!

Íklá

²¹ Nehá Bulu ahá ání bugyi Kristo Yesu klé féé itsiá. Apióá bʉbv mí wá nfi é behá mli itsiá. ²² Bulu ahá atráheá bʉbv mí wá nfi féé bʉde mli itsiá ha. Titriu amóá bʉtsú Roma owíe dehen wóyító.

23 Aní Wíe Yesu Kristo ogyii mlí bualé.

Ɔwɔlɔ́ Paulo Lɔ́wanlín Sísí Kolosefɔ

Itsiáha

¹⁻² Mí Paulo ání Bulu apé sɔ nabwé Yesu Kristo sumbí ɔyɔpó pú aní pío Timoteo dé ɔwɔlɔ́ ánfí wanlín.

Anidépɔsísí aní apíóá bɔgyi Bulu ahá, bɔbɔ Kolose wúlutɔ, bɔbɔ ɔnɔkwali há Kristo Yesu, mɔa amúnɔ é babwé kɔle.

Aní Sí Bulu mɔa aní Wíe Yesu Kristo bɔgyíi mlí bɔale, abɔha mlí iwílwii.

Ipánda Mpáí

³ Anitédá aní Wíe Yesu Kristo mɔ Sɪ Bulu ipán brégyíbréá anidé mpáí bɔ mlí nwunsɔ. ⁴ Tsúfɛ anílanú ání mlílɔhɔ Kristo Yesu gyi, mlíbɔ ɔdwe é há Bulu ahá fɛé. ⁵ Mlídé ɔkpa kí ha tɔá bapóyáí há mlí ɔsósó; fɛ alá mlíyin tsú bréá mlilégyankpá nu ɔnɔkwali asón ámúb igyi Bulu asɔn wankláán ámu.

⁶ Asɔn wankláán ámu kén dékleí wá ɔyító, ide ahá tsiátó tsɛe ɔ́négýíótíné; fɛ alá íletsɛ mlí tsú ekeá mlílónu mó, mlílébi ání lélé Bulu tegyi ahá bɔale.

⁷ Aní osúmɔa ɔdwepó Epafra gyi ɔhá ání ɔlɔpɔ asɔn wankláán ámu ba mlí. Yesu Kristo osúmɔi ɔnɔkwaliɔ gyi, ɔde mlí bɔá aní ɔfansɔ.* ⁸ Móléba bebláa aní ɔdweá Ɖye Wankíhé ámu lapówá mlíta.

⁹ Mó sɔ anímókósi mpáí bɔ mlí nwunsɔ tsú ekeá anilónu mlí iwí asón ánfí. Anidé Bulu kokóli aniaa, ɔháa amlíbi mɔ apé kugyíku wankláán. Ɖháa mɔ Ɖye Wankíhé ámu ɔha mlí nyánsa móa asón asinu fɛé, ¹⁰ méní mlétalí tsiá tsiátóá íbɔwa aní Wíe numnyam, amlígyi mɔ ansí ɔkpagyíakpasɔ. Ɖháa amlíbwe yilé brégyíbré, trá bi Bulu tsia. ¹¹⁻¹² Ania ɔháa mɔ túmiá mó ɔnɔ bɔ ɔnlín iwa mlí ɔwɔnlín, amlítali tomi, nya klɔn, pɔ ansigyí da aní Sí Bulu ipán. Móláhá mlílafon ání mlía mɔ ahá mlénýa agyapadié ámúb alalá yáí mɔ iwíegýí wankíhéto ámu ikɔ. ¹³ Tsúfɛ mólalé aní tsú ɔhá ámúb ɔde oklúnsɔ gyí ámu túmi así, pú aní ba mɔ Bi ɔdwepó ámu iwíegýí amɔta. ¹⁴ Mɔ Bi ánfisɔ ɔlɔtsɔn hɔ aní, alási aní lakpan kíe aní ní.

Kristo Dɔn Tógyító

¹⁵ Ɖhaa tamawun Bulu, Kristotɔ ɔlɛlín ɔwan. Ɖbɔ inɔ asa Bulu lóbwe tógyító, ɔdɔn Bulu itɔ bwehé kugyíku. ¹⁶ Mɔsɔ Bulu lótsɔn bwe tógyítóá íbɔ ɔsɔ móa así. Múá bɔtowun pú múá bɔtamawun fɛé, ɔhétó awíe, ɔmásógyí túmi, atúmipɔ, pú ísɔ agyípó fɛé. Mɔsɔ Bulu lótsɔn bwe ɔyí fɛé, pówá mɔ numnyam. ¹⁷ Ɖbɔ inɔ asa tógyító lefi así. Mɔsɔ ató ámu fɛé ide agyómá yɔ wá abato. ¹⁸ Múgyi nwun há mɔ nyankpɔsa-oyí, igyi ɔpasua ámu, ɔde mó nkpa ha. Mólégyankpá kɔsɔ tsú afúlito, gyi tógyító nkpa ogyáɔ. ¹⁹ Tsúfɛ íbɔ Bulu ɔdwe ání mɔ tsiátó fɛé bétsiá mɔ Bi ámɔta. ²⁰ Mɔsɔ Bulu lótsɔn yinkía tógyító ba mɔ iwí wá. Ɖlɔtsɔn mɔ obugya ámúb ílɔwólí así bréá beda mɔ mántá oyikpalíhe ámɔsɔ pú iwílwii wá mɔa tógyító nsíné. Múá íbɔ ɔsósó pú móá íbɔ ɔsólósu fɛé.

²¹ Teki mlí é mlílédamlɔ ɔma há Bulu, mlígyí mɔ alupó mlí asón susúhe pú mlí bwehé laláhe sɔ. ²² Táme séi á, ítráa megyí alí. Kristo lóbwe nyankpɔsa, olowu. Bulu lótsɔn mɔ oyikpalíhesɔ lowu ámɔsɔ lá mlía mɔnyɔ nsíné. Mó sɔ ifín pú asɔvansɔ má mlí iwí, ɔbékpa mlí ba mɔ ansító. ²³ Táme ilehián ání mlɔhɔ asónsɔ ánfí gyi, líi kinkíínkín. Mlímáha abɔtse mlí agywun le

* 1:7 Mlí ɔfansɔ bɔ nwóló dada ámu akɔta.

itò ámóú mlidé mú òkpa kí, asòn wankláán ámu lapóba mli ámuṣu. Asòn wankláán ánfí osúmpú mí Paulo ngýí ní. Asón ánfí òkan buḍeḍa oyító fée é ní.

²⁴ Iḅu mī ansigýí ání nde ipian wúun mli sù. Tsúfè nde iwɔsin ámóú Kristo lówun sian amu kù wúun ha mu ɔpasua, igyi mu nyankpɔsa-oyí ámu. ²⁵ Bulu lóḅu mu asón wankláán ámu wá mí ibitò, ání ndáa mú fée òkan suna mli, ampɔsum ɔpasua ámu. ²⁶ Ɔlɔḅu asón ánfí ñáín bímbí ɔpá, táme alalé mú ɔwan súná mu ahá séí. ²⁷ Iḅu Bulu ɔdwe ání ɔbéle mú ɔwan súná mliá mli mégyí Yudafo. Asòn ñáínhé amu gyí, Kristo tsie mliṭo. Iḅu ibiá, iḅu numnyam é. Múdésuná ání abénya mu numnyam amu iku ní. ²⁸ Mu iwí asón anidé ahá fée bláa, anidé amó ɔlá da, pò nyánsa ámóú Bulu lahá aní ámu súná amó atò; méní bɔfɔn, abékpa amó ba Bulu, amóa Kristo ikoleḅwetò. ²⁹ Iní sù nahíe ndeprí, pù Kristo túmí ámóú iḅu mliṭo ámu yó agyómá ní.

2

¹ Ndekléá mliḅí iprí ání ndeprí ɔwɔnlínsó, mliá ɔpasua ámóú iḅu Laodikea pò ahá ámóú bɔmòkówwun mī kī amu fée nwunsu. ² Nde mó bwe pówá amó ɔwɔnlín, abɔbwe kole, dwe aba, nu asón así wankláán, méní bónu Bulu asón ñáínhé ámóú igyi Kristo amu fée asi. ³ Kristotò Bulu lóḅu mu atonyahéá igyi mu nyánsa pò mu asónbì fée wá.

⁴ Nde mli asón ánfí bláa, méní ɔhaa móɔḅu asón ání iḅu anulé kòku bemele mli. ⁵ Iḅu mótóá mḅu ifò mli wá, táme ntosúsu mli iwí brégyíbré. Ansí é ide mí gyí ání mlitsie wankláán, mliḷí kinkíinkín Kristosù hógyitò. ⁶ Iníá mli lahá Kristo Yesu gyi ání mgyí mli Wíe sù á, mliyo músó mliá mnyo amlibwe kole. ⁷ Mli é mlihe lu kinkíinkín Kristo hógyitò, amlinya ɔwɔnlín tsu mliá mnyo ikoleḅwetò. Mliyo músó amlihò mu iwí asón ámóú buḍe mli suná, igyi ɔnòkwali amu, fé alhá oyí nlin tɔyó ɔtótótó, yódúnká ntsu há mú itedan, amlida Bulu ipán é brégyíbré.

⁸ Mli máha òkpa ɔhaa ɔmle mli, pù mu ansitún móa afunu asón ání igyi amándiéá anyánpɔsa bɔwa kòku, itsú ɔñé ntée túmiá ide oyí ánfisù gyí, imotsú Kristo wá beha amlimli mu nkpábi. ⁹ Tsúfè Kristotò Bulu tsiátò onutónutò ámu fée iḅu nyankpɔsa òkpasu. ¹⁰ Iníá mliá Kristonyo mli labwé kole sù mli lafɔn. Mgyí ɔhá ání ɔbò túmí ɔñétò atúmipù pò isu agyípò féesò.

¹¹ Mliá mnyo ikoleḅwe sù aladínkí mli tsiátò dada amu lé mli sù fé alí ámóú bɔtetɔn keté, dínkí awɔlì lé músó ámu. ¹² Bréá bɔbò mli asú á, bopulá mli tsiátò dada amu fé alhá bopulá Kristo; Bulu lókúsóa mli ba nkpatò fé alhá ɔlòkusóa Kristo, tsúfè mli lóhogyi ání Bulu bɔ túmí kúsóa mu tsú afúlitò. ¹³ Teki mli lakpan pò mli tsiátò dada ámóú bɔmòkódínkí lé mli sù ámu sù mli lówu fé ɔhá ání ɔmòkótɔn keté. Táme séí á, Bulu lakúsóa ania Kristonyo ba nkpa pɔḅwetò, alási aní lakpan fée kíe aní. ¹⁴ Ɔledínkí asón ámóú bɔwanlín wá Mose mblatò, ide aní ulá le ámu lé anisù, yéda mó mántá Kristo oyikpalíhe amuṣu. ¹⁵ Bulu lóswí ɔñétò atúmipù pò isu agyípò túmí, ɔlekítá amó ndoun, lé amó ɔwan, wá amó pélite, bré olegyi amósú Kristo oyikpalíhe amuṣu.

¹⁶ Mó sù mli máha ɔhaa ɔle mli ulá mli atogyihe, mli atonuhe, nkegyí, ɔtsra pɔḅwe nke, ntée Yudafo òkpónú ɔdaké aná sù. ¹⁷ Yiyí keke iní fée igyi há atò ámóú ibéba amu onutò. Mó onutónutò ámu lé lín ɔwan Kristotò. ¹⁸ Mli máha òkpa ɔhaa ɔmle mli amliba iwiasí sum Bulu-ɔbɔḅu, amlihuli ipán ání Bulu léhe yáí mli. Ní ɔbéle alawun tòku tsú mú iwí kóráá pò á, oyító ansitún láhá mu ɔde iwí tsu. ¹⁹ Ɔhá ánfí odu lamáín iwí lé Kristo ámóú

ogyi ɔpasua ámu nwun ámuɔ. Tsúfɛ ɔpasua ámuɔ anɔ fɛ́ɛ anúlɛtsa abaso, Kristo amóu ogyi nwun ámu dé anɔ ɔwɔnlín wa, ménɔ abédan alá Bulu déklé.

²⁰ Mliha Kristonyɔ lówu. Mú sɔ mlítráa mlímá ɔyítɔ túmi koku asi. Ntogyi sɔ mlítráa mlídé mbala ánfɔ anásó gyí? ²¹ Bɛɛ, “Mágyi ínɔ. Mápɔ ɔbɔ da ínɔ, mátsu ínɔ é!” ²² Ní bɔpú ntobí ánfɔ fɛ́ɛ bwé atɔ tá á, iteyíntá. Anyánkɔ́sa onutó mbala pú amó atosunáhé igyi. ²³ Anídé mbala ánfɔ kú fɛ́ tɔ́a nyánsa bu mótó, ɔbɛ́ha abówa alá Bulu ansító, abéba ɔwiasɔ há mu, wá ɔwɔ ɔsun aniaa ɔbɛ́ha abébi gyi ɔwɔsɔ. Táme ínɔ aná fɛ́ɛ ɔméetalí há aníméegyí ɔwɔsɔ.

3

Nkpa Pɔpwe Tsiá

¹ Mú sɔ ní Bulu lakósúa mliha Kristonyɔ ba nkpa pɔpweɔ á, mlídunka atɔ́a ɔbɔ ɔsósú, ɔtíné amóu Kristo tsie Bulu gyɔpɔsɔ ámu. ² Mliha agywuun ɔwɔ atɔ ɔwɔ, megyí ɔsolósɔ klé. ³ Tsúfɛ mlílawú, Bulu lapú mliha Kristonyɔ nkpa onutó nájín muɔ. ⁴ Ekéá ɔbɛ́le Kristo amóu ogyi mlí nkpa onutó ámu ɔwan súná ɔyí á, eke ámu kén ɔbɛ́le mliha muɔnyɔ ɔwan mu numnyamɔ ní.

Tsiátɔ Dada Múa Pɔpwe

⁵ Mú sɔ mlímá tsiátɔ dada amóu ɔbɔ mlítɔ ámu. Móggyí; atsɔ múa ayin asúnwa, ifintotsiá, ɔwólɔ laláhe múa pélɔla. ɔyí ánfɔ atɔ wankláán ɔmápe mlí ansí, tsúfɛ ɔnsípe igyi fɛ́ ɔkpɔsúm. ⁶ Ntobí ánfɔ odu abwepósú Bulu tɛ́híe nyá ɔblɔ ní. ⁷ Mú aná mlítɔbwé bréá mlígyí ɔmátɔfɔ ní.

⁸ Séi gyí bréá mlíle ɔblɔ, ɔblókpan, olu, abakpói, asokpan blí aná lé mlítɔ ní. ⁹ Mlímáwa afunu súná aba, tsúfɛ mlílasí mlí tsiátɔ dada amu pú mú bwéhé fɛ́ɛ. ¹⁰ Mlílalátsú tsiátɔ pɔpwe. Bulu gyí mú ɔbwepó, ɔde mú bwe pɔpwe han mu ɔwɔ bré ánfɔ mlídé mu bɔ ánfɔ. ¹¹ Tsiátɔ pɔpwe anɔ mú á, ɔmefáhɔn aní Griikiyin ntéɛ Yudayin fɔgyi. Fetun keté ntéɛ fɔmetun, ɔkpótɔpɔ ntéɛ okudasíyin, ɔkpábi ntéɛ ɔdíhe fɔgyi. Kristo gyí tógyítɔ, ɔbɔ amó fɛ́ɛtɔ.

¹² Mú sɔ íná Bulu lalé mlí póbwe mu ahá aní amó ɔwɔ latin pú mu adwepú á, mliha nwewúun, awítalewa, ɔwiasíba, ilwíi pú klɔnya itsia mlítɔ. ¹³ Mlínɔ ɔklɔn ha aba. Ní ɔku muɔ mu ba benya á, mlísikie aba fɛ́ alá Kristo lési mlí klé kíé mlí. ¹⁴ Múá ɔdɔn a, ɔdwe tóbwe anɔ fɛ́ɛ ɔkole. ɔbwé mlí tati didáhé. ¹⁵ Mliha Kristo iwílwii igyi mlí klɔnsɔ, tsúfɛ mótó Bulu latí mlí bɔwa; mliha mu nyankɔ́sa-oyí ámu mlílabwé kule ní. Mlida mu ɔpán é brégyíbré. ¹⁶ Mliha Kristo asún ámu ɔhe bula mlí klɔntɔ, ɔha mlí nyánsa. Mlípɔtɔ kpla aba, suna aba atɔ. Mliwa Israelfɔ ɔbɔ, ɔsankuosɔ ɔbɔ pú ɔhétɔ ɔbɔ mlí klɔntɔ pɔtsu Bulu fɔba, pɔda anɔ Sí Bulu ɔpán. ¹⁷ Mlí atɔ bwéhé pú mlí asɔn blíhé fɛ́ɛ ɔbwé anɔ Wíe Yesu ɔdátɔ, amlípɔ ɔpán ha anɔ Sí Bulu tsɔn muɔ.

Akrístofɔ Tsiátɔ

¹⁸ Aká, mlíba ɔwiasɔ ha mlí akúlu alá ɔlekanáa ha ahá aní bɔgyi Kristo klé.

¹⁹ Akúlu, mlí é mlídwé mlí aká. Mlímábwe amó kpóunkpoun.

²⁰ Abí, mlíbu mlí akwíwí, tsúfɛ mú Bulu tekle ní.

²¹ Akwíwí, mlímáwa mlí abí ɔblɔ, ménɔ ɔwɔ mósowu amó.

²² Nkpábi, mlíbu mlí ɔsolósɔ awíe tógyítɔá mlíbwéɔ. Mliha amó ansí igyi mlí ɔwɔ brégyíbré, megyí amó ansítɔ wole. Mlíbwé mú tsú klɔntɔ, tsúfɛ mlítobú anɔ Wíe. ²³ Mlíbwé tógyítɔ tsu mlí klɔntɔ, fɛ́ anɔ Wíe mlídé mú bwe há, megyí anyánkɔ́sa. ²⁴ Mlíkaun aní anɔ Wíe ɔbɔ mlénɔ mlí ɔkáká aní

alalá yáí mu abí. Tsúfɛ Kristo gyí Owíe ání mliɔ́sum. ²⁵ Táme ní fɔ́bwé tɔ́a ima ale a, ɔ́bɛka fú ikɔ, tsúfɛ ɔ́tamaki ɔ́haa ansító.

4

¹ Nkpábi awíe, mliɔ́ tɔ́a ibu alé, igyi ɔ́nɔkwali kpa mli nkpábi, tsúfɛ mli é mliɔ́ Owíe ɔ́súsó.

² Mlikiɔ́ta mpaibótó. Mliɔ́nka ansí iwíɔ́, ipánda é itsia mli klɔ́ntɔ. ³ Mliɔ́ mpáí ha aní é. Bulu ofínki ɔ́kpa ha aní atali da Kristo iwí asɔ́n ɔ́áínhé amu ɔ́kan. Mú sɔ́ nda obu ní. ⁴ Mliɔ́ mpáí mliaa, ndáa mú ɔ́kan wankláán, alíá ilehián.

⁵ Mliki mli nátiɔ́ ɔ́mátófoto. Ní ɔ́kpa ifínkí há mli á, mliumáyintá mú. ⁶ Mli itíi wa anulé, iwa labi, méní mliétalí lé ɔ́hagyíɔ́ha asɔ́n fitéhé ɔ́nó wankláán.

Iklá

⁷ Ania opió ɔ́dweɔ́ Tihiko dé aní Wíe agyómá yɔ́. Osúmpú ɔ́nɔkwaliɔ́ gyi. ɔ́bɛbláa mli alíá mí iwí gyí féé. ⁸ Nawá mu mli wá mbéé, ɔ́bɛbláa mli alíá aní iwí gyí, ɔ́wa mli atɛtɔ-ɔ́nlin. ⁹ Mva aní pió ɔ́dweɔ́ ɔ́nɔkwaliɔ́ Onesimo, gyi mli pi amu ɔ́bɛba bebla mli asún ání ilaba nfi féé.

¹⁰ Aristarko, mí bá ání mía mɔ́nyɔ́ anida obu ɔ́há mli itsiá. Alí kén Marko, gyi Barnaba mu pio ámu é ɔ́há mli itsiá ní. Mliɔ́ Marko ɔ́fɔ́ wankláán, ní ɔ́lɔ́sɔ́n ba mli wá fé alíá nebláa mli yáí. ¹¹ Opíó Yesu, ɔ́ɔ́tɛtráa ti mu Yusto é ɔ́há mli itsiá. Ahá abasá áñfi pé gyí Yudafoá mía amɔ́nyɔ́ anidé Bulu iwíegyi ámu iwí agyómá yɔ́ ní. Amú tékítá klɔ́n wá mí iwíɔ́ ní.

¹² Epafra, otsú mli wá, gyi Kristo Yesu osúmbi amu é ɔ́há mli itsiá. ɔ́tehié bɔ́ mpáí há mli ání Bulu ɔ́wáa mli ɔ́wɔ́nlín, ɔ́ha amlifɔ́n, amlitali bwe Bulu apé kugyíko. ¹³ Nétalí gyí mu iwí adánsie ání ɔ́hié ɔ́de agyómá yɔ́ mli Akristofá bɔ́bɔ́ Laodikea pú Hierapoli idátó. ¹⁴ Aní ɔ́dweɔ́ Luka, gyi ilɔ́ ɔ́tsapú mva Dema behá mli itsiá.

¹⁵ Nehá aní apíó Laodikeafɔ́ ámu itsiá. Nehá Nunfa mva ɔ́pasua ámuó ibu mu wóyító amu é itsiá. ¹⁶ Ní mlekla ɔ́wɔ́lɔ́ áñfi súná ɔ́pasua ámu tá á, mliɔ́sɔ́sɔ́ Laodikeafɔ́ é. Mliki amú klé ámuó nɔ́pɔ́sɔ́sɔ́ amú ámu é. ¹⁷ Mlibla Arkipo mliaa, ɔ́mɔ́ agyómá ámuó Bulu lóɔ́wá mu ibiɔ́ ámu ɔ́nó wankláán.

¹⁸ Mí Paulo, onutónutó lawá ibi ɔ́wɔ́lɔ́ áñfi así. Mliumátan ání nda obu. Buluogyi mli buale.

Ɔwɔlɔ Gyankpapɔ́ Paulo Lɔ́wanlín Sísí Tesalonikafɔ

¹ Mí Paulo, mía Silwano pɔ́ Timoteo dɛ ɔwɔlɔ ánfɛ wanlín sísí ɔpasua ání ígyi anɛ Sí Bulu mɔ́a anɛ Wíe Yesu Kristo klé, ɛbɔ Tesalonika wúluto.

Anɛ Sí Bulu mɔ́a anɛ Wíe Yesu Kristo bɔgyíi mlɛ bɔale, abɔha mlɛ iwɛlwii.

Tesalonikafɔ Hógyi

² Ní anidɛ mpáí bɔ há mlɛ brégyíbré á, anitɛdá Bulu ipán mlɛ féé nɔwunso.

³ Anitetsiá káín anɛ Sí Bulu mlɛ hógyi gyumagyihe. Alíá mlidɛ mbódí bɔ dwé aba, pɔ́ alíá mlilatomi há mlɛ ansí dín anɛ Wíe Yesu Kristosɔ kínkíínkín. ⁴ Apíó, anyin ání Bulu tɔdwé mlɛ, alalé mlɛ póbwé mɔ́ kle.

⁵ Tsúfɛ megyí ɔnɔ́ kɛkɛ anilɔpɔ́ bebláa mlɛ asɔ́n wankláán ámɔ. Mboún mlilówun Ɔhɛ Wankíhé amɔ túmí é. Inɛ léha mlilébɛ wankláán ání asɔ́n ámɔ igyi ɔnɔkwál. Mlilówun tsiátɔ oduá anilɔpɔ́tsiá mlɛtɔ é, alíá ɛbɔbɔá mlɛ sɔ. ⁶ Mlilékasí anía anɛ Wíe tsiátɔ. Tsúfɛ asɔ́n ámɔ sɔ mlilówun iwɛɔsɔn tɔtsɔtɔsɔ, táme mlilɔpɔ́ ansigyí ání itsú Ɔhɛ Wankíhé wá hɔ mó. ⁷ Mó sɔ ɛleha ahógyipɔ́a bɔbɔ Makedonia ɔsɔlɔsɔ pɔ́ Akaia ɔmátɔ féé beki mlɛ bwehé, buo mó. ⁸ Tsúfɛ megyí Makedonia pɔ́ Akaia wɔle anɛ Wíe asɔ́n ámɔ lɛkléi tsú mlɛ wá yó. Mboún mlɛ Bulu hógyi asɔ́n é laléi yó ɔ́tínegyiátíné. Mó sɔ asɔ́n sɔ má inɔ́a abétrá blí tsú mó iwɛ. ⁹ Tsúfɛ amɔ onutɔ bɔde alíá mlilɔpɔ́kítá anɛ bréá aniléba mlɛ wá blí. Alíá mlilési ikpɛ súm ba mlidɛ Bulu Ɔkiankpapɔ́ Ɔnɔkwálɔpɔ́ amɔ mboún súm. ¹⁰ Pɔ́ alíá mligyó bréá Bulu mɔ́ Bi Yesu ámúú ɔ́akɔsɔ́a tsu afúlitɔ ámɔ ɔ́bélatsú ɔ́sɔsɔ bá. Mɔ́gyí ɔ́há ání ɔ́de anɛ lɛ tsú Bulu ɔ́blɔ́ ámúú ɛbá ámɔtɔ ní.

2

Paulo Tsiátɔ Tesalonika Wúluto

¹ Apíó, mlɛ onutɔ mlɛyin ání anɛ mlɛ wá bá mɔ́bwe kpaali. ² Mlɛyin alíá bɔ́wa anɛ amɔmɔ́yɔ, sɔ́pa anɛ Filipi wúluto asa aniléba mlɛ wá. Mlɛyin ání akɔ bɔmotsulá, behɛ kɔsɔ́ líi anɔsɔ; táme anɛ Bulu lɔ́wa anɛ ɔwɔnlín, anilébláa mlɛ asɔ́n wankláán ámɔ. ³ Tsúfɛ megyí afunu asɔ́n anidéblí. Mó sɔ nde mlɛ kokóli. Megyí agywun laláhe kɔkɔ ígyi, animédé mlɛ mlé é. ⁴ Bulu lóhɔ anɔsɔ gyi, ɔ́lɔpɔ́ mɔ́ asɔ́n wankláán ámɔ wá anɛ ɛbɔtɔ. Mó anidéblí ní! Megyí anyánkpɔ́sa ansítɔ anidékú blí mó, Bulu yin anɛ klɔntɔ. ⁵ Mlɛhíé mlɛyin ání megyí ɔnɔ́ dɛdɛ anilɔpɔ́ ba mlɛ. Animéba bɔ́wa afunu kɔkɔ é súná mlɛ, pónyá tɔkɔ tsú mlɛ wá. Bulu gyí anɛ ɔ́dansɔyin. ⁶ Animódunká kanfó tsú nyankpɔ́sa ɔ́kɔkɔ, mlɛ, ntéɛ ɔ́ha bambá wá. Kristo sɔmbí ayɔpɔ́ anyí. Mó sɔ tekɛ anɛbɔ ɔ́kpa sí iwɛ tswɛ mlɛsɔ, ⁷ táme anilólwíí há mlɛ, kɛ mlɛ fé alíá abí-oyín tekɛ mɔ́ onutɔ abísɔ. ⁸ Anitɛhíé klé mlɛ asɔ́n. Mó sɔ megyí Bulu asɔ́n wankláán ámɔ nkɔle anilɔpɔ́ ba mlɛ, mboún anilési anɛ iwɛ é há mlɛ, tsúfɛ mlɛlamlí anɛ adwɛpɔ́. ⁹ Apíó, yéɛ mlékaín agyómá ání anilɔ́yɔ ɔ́pa mɔ́a onyé pónyá tɔ́á ilehián anɛ? Alíá anuméesi ipian tswɛ mlɛsɔ bréá anidɛ Bulu asɔ́n wankláán ámɔ ɔ́kan da súná mlɛ sɔ́ anilɔ́bwe mó alɛ.

¹⁰ Mlɛ ahógyipɔ́ amɔ pɔ́ Bulu gyí anɛ adansíɔ alíá anilɔ́pɔ́tsiá mlɛtɔ. Anɛ iwɛ letn, anɛ asɔ́n da ɔ́kpa, ɔ́lala é metsiá anɛ iwɛ. ¹¹ Mlɛyin ání anilékpa mlɛtɔ okugyiáku fé alíá abí-ɔ́sí tekpá mɔ́ abí. ¹² Anilówa mlɛ atɛtɔ-ɔ́nlun, lɔ́wí mlɛ klɔn, t́í kplá mlɛ aníaa, mlɛtsiá tsiátɔ́a ilegyi Bulu ansí. Mólétɛ mlɛ ɔ́bɛɛ, mlɛbénya mɔ́ iwíegyi pɔ́ mɔ́ numnyam amɔ ikɔ.

¹³ Tɔ́á svá anitedá mv ipán brégyibré é gyí, bréá anúlɔv mv asón ámv ba mli á, mlimótsu mó ání nyankpɔsa wá itsú. Mboun mlilóhó mó ání lélé, itsú Bulu wá; tsúfé mó Bulu dépɔyó agyómá mli ahógyiv amotó ní. ¹⁴ Apíó, mlilamlí fé Bulu ɔpasua ání ibɔv Yudea ɔmátó, bɔgyi Kristo Yesu klé ámv. Mlilówun ipian mli pɪ ibitɔ, fé alí ámóú amó é bowun ipian amó pɪ Yudafɔ ibitɔ ámv. ¹⁵ Yudafɔ lómɔ Bulu ɔnósó atóipú pú aní Wíe Yesu. Amó kén lagya aní lé ɔmá ámv. Botamakle ahá asón, botamagyi Bulu ansí. ¹⁶ Bókusú líí anisv ká aní itin bɛɛ, anímábla ahá ání bomegyí Yudafɔ nkpahóó asón ámv, Bulu ɔhɔ amó nkpa. Iní bwe lahá amó lakpan labiayi. Mó sv ilahá Bulu lanyá ɔbló, ɔbɛbití amó isv.

Paulo Lékléá ɔbɛlayéki Tesalonikafɔ

¹⁷ Apíó, anidénatí mli wá ɔpá animókósi mli sv káin. Mó sv anihíe anidé ɔkpa dunká ání abéla bowun mli ansító, tsúfé anidé mli sv káin dɔbɪ. ¹⁸ Anidékléá abélaba mli wá. Mí Paulo onutó ó nabwé agywun ání néyinkí bá mv ita tsefini, táme ɔbɔnsám méha ɔkpa. ¹⁹ Ma sɔ aní ansí dɪn? Megyi mli sv ansí de aní gyí ání abénya ɔkpa tsú iwɪ aní Wíe Yesu ansító bréá ɔbɛba? ²⁰ Lélé mó á, mli gyí aní numnyam pú aní ansigyí.

3

Timoteo Tesalonika Yɔ

¹ Mó sv bréá animébi alíá mli tsiátó igyi, ide aní háan a, anulóbwe agywun aníaa, aní mó abétsiá Atene wúlutɔ, ² awa aní píó Timoteo, ogyi aní Bulu agyómáyɔbá Kristo asɔn wankláán ámv ɔkandato sisɪ mli, ɔbɔwa mli ɔwɔnlín. ɔtɔi kpla mli amlilu kinkíínkín hógýitɔ, ³ ménɪ mlitɔ ɔkɔkɔ méeyinkí ɔma asɔn wunhe anfi sv. Mli onutó mliyin ání igyi tɔ́á ida yaí há aní Akristofɔ dodo. ⁴ Tsúfé bréá anibv mli wá á, anulébláa mli ání bédunká mli sv. Lélé bédunká mli sv fé alíá mliyin. ⁵ Iní sv bréá netsiá mmetsiá á, nɔwa Timoteo mli wá mbéɛ, ɔbékɪ alíá mlidé hógýi amotɔ. Tsúfé ibétalí ba ání ɔbɔnsám lasɔ mli kɪ, há aní gymagyihe labwé kpaali.

⁶ Timoteo layínkí pú asɔn wankláán tsúa mli wá ba aní séi, tsú mli hógýi pú mli abadwe iwɪ. Alabláa aní ɔbɛɛ, mli é mlidé anisv káin dɔbɪ. Mlidékléá mlówun aní, fé alí ámóú aní é anidékléá abówun mli ámv. ⁷ Mó sv apíó, mli hógýi lawá aní atetɔ-ɔnlín, aní ipian pú aní asɔn wunhe féétó; ⁸ tsúfé mlíí aní Wíe hógýitɔ kinkíínkín. Mó sv aní klɔn ládí aní asi. ⁹ Ipán mɔmv abókɔkɔ da Bulu mli sv, ansíá ide aní gyí mv ansító sv? ¹⁰ Anitɛhíé bó mpáí kókóli Bulu ɔpa móa onyé aníaa, ɔhá ayinkɪ bowun mli, ménɪ abósuná mli tɔ́á ibéha mli hógýi bɔfɔn.

¹¹ Aní Sí Bulu onutó mva aní Wíe Yesu bɔfinkɪ ɔkpa ha aní aba mli wá. ¹² Aní Wíe ɔhá mli apíó aba pú ahá féé dwe ɔnɔ iwa ɔnlín, fé alí ámóú anitɔdwé mli ámv. ¹³ ɔwá mli ɔwɔnlín, ménɪ aní Sí Bulu omóowun ɔlala mli iwɪ, ifin kɔkɔ é méetsiá mli iwɪ mv ansító, aní Wíe Yesu mva mó ahá féé ɔbáke ámv.

4

Tsiátá Ilegyi Bulu Ansí

¹ Apíó, itráhe a, anulósuná mli tsiátó, ménɪ Bulu ansí bégýi mli iwɪ. Lélé mó á, alí mli tsiátó gyí ní. Séi á, anihíe anidé mli kókóli aní Wíe Yesu dátɔ aníaa, mli bweé mó dɔn alí. ² Tsúfé mliyin mbli ámóú anulówa há mli aní Wíe Yesu idátɔ ámv. ³ Bulu dékléá mli háa mli iwɪ itin. Mó sv mli máwa atsi móa ayin asón. ⁴ Mlitɔ okugýlɔkɔ ɔbí alíá ɔbékutá iwɪ, iwɪitin pú obú ɔkpasv.

⁵ Imábwɛ ɔwólí laláhe ɔkpasu, fé alíá ahá ání bɔmeyín Bulu bɔtɔbwé. ⁶ Mlító ɔkɔkɔ másísíí mɔ ba, swíí mɔ mɔ ka. Tsúfé aní Wíe ɔbébití ahá ání bɔtɔbwé mɔ odu ísu. Anidé mlí ɔlá da, fé alíá anilókɔ bláa mlí yáí. ⁷ Tsúfé Bulu méti aní ɔbéé, abá bɔtɔ mbɔa; mbouín ɔbéé, ifin kɔkɔ mátsiá aní íwí. ⁸ Mú sɔ ɔhagyíɔha ání omegyí atosunáhé anfísv á, megyí nyankpɔsa omédébu. Mbouín Bulu ámóú ɔlɔpɔ mɔ ɔɲɛ Wankíhé há mlí ámu.

⁹ Imehián ání abówanlín asɔansu tsú mlí aba akristofɔ dwɛ íwí sísí mlí. Tsúfé Bulu onutó lasúná mlí alíá mlídwéé mlí aba dododo. ¹⁰ ɔnɔkwali a, mlídé apíó ahógyipɔá bɔbɔ Makedonia ɔmátó féé dwɛ dodo. Mú sɔ apíó, anidé ípa bwíí há mlí aníaa, mlítráa dwɛ aba dɔn alí. ¹¹ Mlípɔdínka íwísv ání mlétsiá tsiátó wankláán. Mlɔpɔ mlí íbɔ yó agyómá pókí mlí íwísv, fé alíá anilébláa mlí, ¹² méní mliha ahá ání bɔmegyí ahógyipɔ mlétsiá wankláán, mlíméetrá pɔ ansí dínká ɔhaasu.

Aní Wíe Yesu Yínkí Bá

¹³ Apíó, anídéklé aníaa mlíbú ɔnɔkwali ání íbɔ Akristofɔá bawú íwí, méní mlíméetsiá gyí awírehɔ fé ahá ání amó ansí medín tɔtɔsɔ. ¹⁴ Anilóhogyi ání Yesu lówu kósú tsú afúlitɔ. Alí kén anilóhogyi ání Bulu ɔbékpa ahá ámóú bɔhɔ mɔ gyí asa bowu ámu ba ní.

¹⁵ Aní Wíe onutó atosunáhé anidé mlí suná séí á. Aní ahá ání anítráa anítsie nkpa asa aní Wíe ɔbáke íbófɔn a, aníméegya awupó ámu nkpa yéfiá mɔ. ¹⁶ Tsúfé aní Wíe ɔbókplón túmísv, Bulu-ɔbɔpɔ dɛhɛn ɔbéle ɔnó, bófúli Bulu ɔkpe é bréá aní Wíe onutó dékplí tsú ɔsúsú ɔbá. Ahógyipɔá bawú bégyankpá kósú. ¹⁷ Mɔ ɔma a, aní akíankpapɔ é féé abóyótu amó nwólótáatɔ, aní féé abéyefia aní Wíe afútó. Tsú eke ámu a, abétsiá aní Wíe wá bré féé. ¹⁸ Mú sɔ mlípɔ asón ánífi kita íklɔn wa aba íwitɔ.

5

Íwísvda Gyo Aní Wíe Ibá

¹ Apíó, imehián ání abówanlín bré pú ekeá asón ánífi íbéba sísí mlí. ² Tsúfé mlí onutó mliyin ání aní Wíe ɔbáke amɔ íbéba bofwie anítɔ, fé alíá owíkplu tɛba onyé. ³ Bréá ahá beɛ, “Owí latá, asón latá” á, alí bré ámɔtɔ béhí ní. Íbófwie amótó fé alíá íkwíi tekan ɔtsí ɔsáwɔle pé. ɔhaa méedali mótó. ⁴ Táme apíó, mlí mú mliyin asón ánífi. Mú sɔ mlíméetsie oklúntɔ, méní eke ámu mééba bofwie mlítɔ fé owíkplu. ⁵ Wankí móa ɔyí kehɛtɔ abí mlí féé mligyí. Megyí onyé ntéé oklúntɔ abí anígyí. ⁶ Mú sɔ mliha agyo, anímádídí fé aha bambá. Mliha adínka ansí íwísv, akí íwísv wankláán. ⁷ Onyé, adídípó bɔtedídí. Onyé, nta abɔpó é bɔtɔbɔ ntá. ⁸ Táme aní mú á, wankítɔ abí anígyí. Mú sɔ mliha agyi íwísv. Mliha Kristo hógyi pú aní abadwɛ íbwe kántó-atíntɔ tin aní kántó. Mɔ ɔkpakúí ání ɔbóhɔ aní nkpa íbwéé kɔtɔpa ání íbun aní nwun. ⁹ Megyí alíá Bulu obénya ɔblɔ wa aní, bítí aní ísv sɔ ɔlele aní. Mbouín alíá ɔbótɔn aní Wíe Yesu Kristosɔ hɔ aní nkpa sv. ¹⁰ Kristo lówu há aní, méní mɔ bábí a, ní anílawú o, aníbɔ nkpa o, aníaa mɔnyɔ abétsiá. ¹¹ Mlípɔ asón ánífi kita klɔn wa aba íwitɔ, pɔwa aba ɔwɔnlín, fé alíá mlídé mú bwe dodo.

Íklá

¹² Apíó, abwíí ípa há mlí, mlíbu mlí ɔnó alípóá bɔhíé bɔdɛ agyómá yó mlítɔ, bɔdɛ mlí aní Wíe tsiátó suná. ¹³ Gyɔma ámóú bɔdegí amɔ sv mlihe bu amó, amídwɛ amó. Íwilwíí itsiá mliha mlí aba nsíné.

¹⁴ Apíó, anidé mlí olá da aníaa, mlítai kpla awoluyópú. Mlíwa afúpú atetó-onlin. Mlíbua amóá bapən, amlinya klən ha əhagyíəha. ¹⁵ Mlíki aní əhaa mósəpυ lalahə ká mυ ba ikə. Mboún mlíbwe yilé há aba pú ahá fée.

¹⁶ Ansí igyí mlí, ¹⁷ amlíbə mpái brégyíbré. ¹⁸ Mlída Bulu ipán tógyítótó. Mógyí tóá Bulu dédunká tsú mlí wá mlí nkpatə, bré anfi mlía Kristo Yesunyə mlilabwé ikole anfi ní.

¹⁹ Mlí mákiná tóá Əηε Wankíhé amυ tekle bwe.* ²⁰ Mlí mábu Bulu ənósú atóipú asón ámυ təkυ odu. ²¹ Mlí sə tógyító kí, amlíkita móá ibυ alétó kinkíínkín. ²² Mlíkina lalahə kugyíko.

²³ Bulu téhá aní iwilwii. Ətún mlí iwí əkpagyíəkpasυ. Əkí mlí nyankpυsa-oyí, mlí əηé pú mlí əklásυ tsú lalahə kugyíkətə, méní əlala méetsiá mlí iwí aní Wíe Yesu Kristo əbáke amυ. ²⁴ Bulu létí mlí. Ənəkwalipυ ogyí, əbóbwe mó.

²⁵ Apíó, mlíbə mpái ha aní é.

²⁶ Ahá ahógyipυ amυ fée itsiá gyágyáágyá. Mlílata aba puta ədwesυ.

²⁷ Nde mlí bláa aní Wíe idátótó mbéε, mlíkla əwolú anfi suna ahógyipυ amυ fée.

²⁸ Aní Wíe Yesu Kristo ogyí mlí buale.

* **5:19** Ntée Mlí mádun Əηε Wankíhé ogyá ámυ.

ᾯωυλό Νυᾳσίᾳ Paulo Λόωανλίν Σίσί Tesalonikafó

¹ Μί Paulo πó Silwano μῃα Timoteo dé ᾳωυλό άνφι wanlín sísí ᾳpasua άνί ἔωυ Tesalonika wúluto, mligyí ανί Sí Bulu μῃα ανί Wíe Yesu Kristo klé.

² Ανί Sí Bulu μῃα ανί Wíe Yesu Kristo ḃgyíí mli ḃuale, abḃha mli iwilwii.

Ipánda

³ Apíó, ilehián άνί abéda Bulu ἔpán mli nwunsv brégyíbré. Tsúfé mli dédán hógyitó tsía. ᾳdweá mli ḃu ha aba é demoní tsía. ⁴ Μό sv anitápó mli tsú ἔωυ Bulu ᾳpasua kugyíkw ansító; mli nsiwa πó hógyiá ἔωυ mli to, ḃudín mli sv, isóki dé mli tv, mli latomi sv.

⁵ Iní déle suná άνί Bulu asóngyí da ᾳkpa. Tsúfé obótsu mli άνί mli lafon ha μῃ iwíegyí ámóú mli dé ipian wúun mó sv ámto ᾳ. ⁶ ᾳnəkwaliḃu Bulu gyí. ᾳbéka ahá ámóú ḃude mli ἔωυ ἔsinto wa ámu akó. ⁷ ᾳbéha ἔωυ bólwíí ania mli άνί mli dé ἔωυ ἔsinto wúun, eke ámóú ανί Wíe Yesu ᾳékpíí tsú ᾳsósó ḃele ἔωυ ᾳwan μῃα μῃ abḃu atúmiḃu amv. ⁸ Ogya plenplento ᾳbéba ḃebití ahá ámóú ḃumeyín Bulu* ámu ἔsv. Tsúfé ḃutamapó ανί Wíe Yesu ἔωυ ason wankláan ámu ḃwé tətó. ⁹ Amó ἔsḃití gyí, amóα ανί Wíenᾳ nsiné bówa ἔfó, μῃ túmi mósówankí wóli ámósó, obéyintá amó bré féétó. ¹⁰ ἔsḃití άνφι ἔωυ eke ámóú ᾳbéba, Bulu ᾳbówa μῃ numnyam aha wankíhé ansító. Ifú ḃékutá ahógyiḃu. Mli é mli tsía amótó, tsúfé mli ḃhḃ μῃ ἔωυ adánsi ámóú anilégyí suná mli ámḃsv gyi.

¹¹ Μό sv anitábó mpái há mli aniaa, Bulu ᾳhá amlifon nkpa ámóú ᾳletí mli ᾳbéε, mli bétsiá ámto. Μῃ túmi ἔhá amlitali ḃwe yilé άνί mli dékléá mli ḃwé, πḃmḃ mli hógyi agyómá ᾳnó. ¹² Ní mli tálí ḃwé iní á, mli sv ahá ḃḃu numnyam há ανί Wíe Yesu, μῃ é ᾳbówa mli numnyam; fé alí ámóú ανί Sí Bulu μῃα ανί Wíe Yesu Kristo awitole gyí ámu.

2

Yesu Mῃa Mblasv Mággyíḃu Amv

¹⁻² Μί apíó, nobwíí ἔpa há mli. Ανί Wíe Yesu Kristo ἔbá, πó alí abóḃwe ḃole yéfiá μῃ asón άνί mli lanú ἔmáksí kḃnkí mli klvn, ntéε ἔha opúni itsii mli. Ní akv ḃεε, ᾳḃe Wankíhé lalé suná amó lóó, ntéε ἔωυ ανί ason klíhé ntéε ανί ᾳωυλό ḃto άνί ανί Wíe ᾳbáke amv laba dodo kóráá á, mli máhogyi. ³ Mli máha ᾳhaa ᾳmle mli ᾳkpagyíakpasv. Eke kḃnkḃnti άνφι ἔméba, nkéti ahá ḃakósó líí Bulusv, ᾳhá ámóú ᾳtamagyí Bulu mblasv, ᾳbéhi ámu lalin ᾳwan asa. ⁴ Obótsu ἔωυ fóá, kósó líí Bulu, ἔkḃ πó tógyítóá anyánkḃósa ḃotosúmsó, blí άνί ᾳḃon amó féé. Obéyetsiá Bulu ᾳswékpα μῃ kóráá, blí ᾳbéε mvgyí Bulu.

⁵ Mli mákókáín άνί ntebláa mli asón άνφι bréá mḃv mli wá? ⁶ Mli yin tóá ἔde μῃ ᾳkpa tíin dodo. Nkéti μῃ ᾳwanle bí lafon. ⁷ Tsúfé Bulu mblasv mágyi túmi άνφι ἔde agyómá ᾳ ḃáinto dododo, táme ᾳko dé mó ᾳkpa tíin. Μό sv nkéti ᾳhá ámu ladáli ἔsv. ⁸ Inó mblasv mágyiḃu amv ᾳḃḃon ᾳwan ní. Táme ανί Wíe Yesu oyínki ba a, μῃ ᾳnótó afú kēke ἔbómḃ μῃ, μῃ numnyam é ἔbówankí wóli μῃsv yintá μῃ. ⁹ Ní mblasv mágyiḃu άνφι ᾳḃon ᾳwan á, ᾳḃḃu Satan afunu túmi kḃnkḃnti ḃwé osúna πó ofúla. ¹⁰ ᾳḃtsḃon owuntḃon

* 1:8 ḃumeyín Bulu, tsúfé ḃumḃi μῃ.

ɔkpa ɔtsan-ɔtsansu mlé ahá ámóú Bulu ɔbéhi amó ámu. Bulu ɔbéhi amó, tsúfě bumekle ɔnɔkwali amu asón, méní Bulu ɔbóhɔ amó nkpa. ¹¹ Iní su Bulu ɔbópu afunu ɔhéá mú ɔnó bu ɔnlin wá amótó, méní bóhɔ afunu asónsú gyi. ¹² Ɔbéha ahá ánfí buməhɔ ɔnɔkwali amusu gyi, bɔtekle lakpan bwe ánfí fěé ipón.

Mli Nkpa hɔ Sv Bulu Léle Mli

¹³ Apíóá aní Wíe tɔdwé, ilehián ání abéda Bulu ipán mli nwunsu brégyíbré. Tsúfě tsú bréá ɔyi lɛlin ɔpá Bulu léle mli ání ɔbótsɔn mu Ɔhé ámu pú mu ɔnɔkwali asón ámóú mli lahogyi amusu tun mli iwí, púhɔ mli nkpa. ¹⁴ Iní sù ɔlɔtsɔn asun wankláán ámóú anilébláa mli ámusu tí mli ɔbéé, mlibétsiá aní Wíe Yesu Kristo numnyam amotɔ ní. ¹⁵ Mú su apíó, mli lu kinkíinkín, amlíkita ɔnɔkwali amóú anilósuná mli ámutɔ, mótá anilébláa mli pú mótá anilówanlín sísí mli fěé.

¹⁶⁻¹⁷ Aní Wíe Yesu Kristo onutó mba aní Sí Buluá ɔtɔdwé aní, alawá awitɔle wá aní atɛtɔ-ɔnlin ání imóomɔ ɔnó ekekekeke, anidé itɔ wankláán ɔkpa kí, ɔwáa mli ɔwɔnlín mli asun blíhɛ pú mli bwehé kugyíkɔtɔ.

3

Mpáibɔ

¹ Itráhe-tráhe a, apíó, mli bɔ mpái ha aní. Aní Wíe asón ámu ikósi klei. Ahá abɔpu obú hɔ mó fě alí ámóú mli é mli lóhɔ mó ámu. ² Mli bɔ mpái, Bulu ɔle aní tsu awuntɔlinpu pú aha laláhe ibitɔ. Tsúfě megyí ahá fěé lóhɔ aní Wíe gyi.

³ Táme aní Wíe bu ɔnɔkwali. Ɔbówa mli ɔwɔnlín, hɔ mli lé laláhe Ɔbwepú ámu ibitɔ. ⁴ Aní Wíe lahá anilahogyi ání mli dé ntóbí ámóú anilósuná mli ámu fěé bwe, mli méesi bwe é.

⁵ Ɔkpáa mli, amlinu ɔdweá Bulu bu asi yɔ ɔtótótót, ɔha amlítomi fě Kristo.

Tsiát Wankláán

⁶ Apíó, anidé mli ɔlá da aní Wíe Yesu Kristo idátó aníaa, mli mápu Akristofɔ ámóú bɔna budetsɔn, bɔtamakle agyómá, bumédé atosunáhé amóú anilósuná mli ámusu gyi wa mba. ⁷ Mli onutó mliyin ání ilehián ání mlétsiá aní atsiábi. Tsúfě animówa ɔwɔlyɔ, náti tsɔntsɔn bréá anibɔ mli wá. ⁸ Animégyi ató ɔhaa wá, kíná mú ikɔ ka. Mboún anilóyɔ agyómá ɔpa mótá onyé kinkíinkín, méní animéesi ipian tswi mli tɔ ɔkɔkɔkɔkɔ. ⁹ Megyí beé, animá ɔkpa bláa mli aníaa, mli kí anísu, sù anilóbwe mó alí. Mboún anilóbwe mó súná mli, méní mli é mlóbwe mó odu. ¹⁰ Bréá anibɔ mli wá kóráá á, anilówa mbla há mli aníaa, “Ɔhá ání ɔmɔyɔ agyómá mágyi ató.”

¹¹ Anilanú ání mli tɔ akɔ bɔtsie kpaali, bumédé agyómá kɔkɔkɔ yɔ. Okéngyɛ bɔna budɛwa tsun. ¹² Anidé amó ɔlá da aní Wíe Yesu Kristo idátó aníaa, bɔsii náti tsun, abɔyɔ agyómá nya amó atogyihe.

¹³ Táme apíó, mli mó á, yilébwe imáta mli ɔhé. ¹⁴ Ní ɔko mégyi asón ánfí anilawánlín sísí mli ánfisɔ á, mli kí mu wankláán. Mli mɔnyɔ mli mágyi mba, méní péli békítá mu. ¹⁵ Táme mli málu mu, mboún mli tɔ kpla mu fě mli pío.

Iklá

¹⁶ Iwilwii Owíe amu onutó ɔhá mli iwilwii bré fěé tó ɔkpagyí ɔkpasu. Aní Wíe ɔtsiá mli fěé wá.

¹⁷ Mí Paulo onutó lapó mí ibi wanlín ín. Mí dá ánfí ntɔwánlín wá mí nwló fěé asi, pósúná ání itsú mí onutó wá ní.

18 Anɔ Wɛ Yesu Kristo ogyii mlɛ fɛɛ bualɛ.

ᾠωβὺ Gyankpapuá Paulo Lówanlín Sísí Timoteo

Itsidha

¹⁻² Mí Paulo ání aní Nkpa ᾠᾠᾠ Bulu mva Kristo Yesuá aní ansí dín mvsu lóbwε mí sumbí ᾠᾠᾠ, dé ᾠωβὺ ání wanlín sísí fú Timoteo ání fógýi mí bí onutó Yesu hógýi amótó.

Aní Sí Bulu mva aní Wíε Kristo Yesu bugyíi fu buale, abowun fu nwe ha fú iwílwii.

Afunu Atosundhé

³ Bréá ndenatí nᾠᾠ Makedonia nsáinto á, nebláa fu mbée, fotsia Efeso ᾠmát, afuka ahá ámúᾠ bude afunu ató suná ámu itin. ⁴ Mú ᾠma a, da amú ᾠlá abusi bré yintá há ᾠᾠwa pú anáin ilíntó kláa tíntíúntín. Nwéεngýi keke itópóba. Itamahá ahá abotsia nkpa Bulu hógýi. ⁵ Tóá svá aníaa fukáa amú itin gyí, ahá Okristoyin okugýiáku ᾠᾠᾠ mva ba, mva klvn méεha mva ipón, obénya agywun wankláán mva hógýi onutó. ⁶ Ako bumobuo ali ᾠkpa ání. Mú sv bafwí yó bude asón ání ma asi blí. ⁷ Budekléá bóbwe Mose mbla asunápó, táme bumédé itó ámúᾠ budesuná ámu asi nu. Ide amó bwe fé buyin mó, táme bumeyín mó.

⁸ Aniyin ání mbla ámu bu alé, ní bᾠpúsúná ató ᾠkpa wankláánsú. ⁹ Táme iwánkí aní ání megyí yilé abwepó sv Bulu lówa mbla ámu. Mbouín ahá ání butamagyí mósú, ahá ání amú asótó bu amú ᾠnln, ahá ání butamanyá mva ifú, lakpan abwepó, ahá ání amú iwí métn, ahá ání butákpóí Bulu, ahá ání butámó amú akwíápó pú aha bambá, ¹⁰ mva atópó, ayin ání butekle amú aba ayin pú atsiá butekle amú aba atsi, anyánpósa ibiá agyípó, afunupó, ahá ání beká ntam butamagyí mósú pú tsiátóá imekanáa atosunáhé wankláán ámú ¹¹ Bulu Onumnyampo, ikanfó gyi mva kle amú lópóhá mí ᾠᾠ, ndáa mó ᾠkan amú.

Bulu Paulo Bualégyí

¹² Nedá aní Wíε Kristo Yesu ipán ání alawá mí ᾠwunlín, bú mí ᾠᾠkwalupu ᾠᾠ, nᾠᾠ agyómá ání pᾠsum mva. ¹³ Teki míteblí mva iwí ason laláhe, ntedínká mva ahásv, sópa amú ní. Táme olowun mva nwe, tsífé mmᾠᾠ mva gyi ali bré ámótó, mmeyín tóá ndεbwε é. ¹⁴ Oo, hie ki aliá ᾠhíé ᾠbu awitále! ᾠleha mí nanya mva hógýi pú mva mí abadwéá ibu ania Kristonyó ikolebwεtó. ¹⁵ Asón ání ibu mótó, ilehián ání ᾠhagyíᾠha ᾠᾠᾠ mósú gyí. Mógýi, Kristo Yesu léba ᾠyító bele lakpan abwepó. Mígyí amótó ᾠlaláhe nu. ¹⁶ Táme íni sv Bulu lówun mva nwe, há Kristo Yesu léle mí ání ngýi lakpan abwepó kpᾠnkᾠᾠnkᾠntí ání ní. Méni ᾠhagyíᾠha ᾠᾠᾠ ání Bulu tehíé nyá klvn há ᾠhá ání ᾠᾠᾠ bᾠᾠ mva gyi, nyá nkpa ání itamatá. ¹⁷ Mliha awa Bulu numnyam, akanfu mva aníaa, “Fógýi Owíéá fú iwíεgyí tamamó ᾠnó. Bulu ᾠkᾠkónó ᾠkole, butamapó ansíbi wun fu. Fubu inu bré féé, futamawú! Amen.”

¹⁸ Mí bí Timoteo, ató ámúᾠ Bulu léle súná tsú fú iwí ámu só nde mbla ání wa há fú. Pᾠ asón ání yó agyómá, afupᾠkᾠ atosunáhé wankláán ámu nwunsv. ¹⁹ Kita fú hógýi. Bwe tóá buyin fú klvntó ání ibu alé, tsífé ako babwé tóá buyin ání ma ale. Mú sv ilahá amú hógýi lawú. ²⁰ Amótó aku gyí Himeneo mva Aleksandro. Napó amú wá ᾠbunsám ibitó. ᾠbítí amú isv, méni bébiá mehián ání féblí Bulu iwí abusuv.

2

Bulusúm Mbla

¹ Itáá ndedunká ání mligyánkpa bwe gyí, mlíkòkòli Bulu ahá fée nwunso, amlibò mpáí ha amó. Mlíkòli Bulu ató há amó, amlida mu ipán òhagyíòha nwunso. ² Ilehían ání mlóbwe mó alí há awíe pú ahande é, méni asòtò bólwií aní, abétsiá iwílwíitò, atalí sum Bulu òkpagyíòkpasu. ³ Iní búb alé, aní Nkpa Òhóp Bulu tekle ní. ⁴ Tsúfée odekléá òbòhò ahá fée nkpa, méni bébi ònòkwali amu. ⁵ Bulu òkòkònú òkòle bu inu. Nsiné òlapú òkòle pé é bu Bulu mva anyánkòpòsa nsiné. Mogyí Kristo Yesu, ogyí nyankòpòsa amu. ⁶ Mólési mu nkpa há pùhò ahá fée nkpa. Asón ánfí Bulu lópòhá òyí fée mó bré wankláántò ní. ⁷ Ònòkwali nde mlí bláa, mmédé afunu wa. Iní sò Bulu léle mí òbée, mbwée mu asón òkan òdapó, mu sumbí òyòpú pú osunápó ha ahá ání bumegyí Yudafò, mí ambla amó ònòkwali asón tsú Yesusu hògyi iwí ní.

⁸ Ndekléá òpasua kugyíkòtò á, ayin ání amó iwí letin bòtsúu ibí fva bò mpáí. Òblò ntée nwéengyí mátsiá amótò. ⁹ Atsí ámu é bòdída tati òkpa wankláánsò. Amó atò didáhé máwò ansíbi. Bòmádùn imi bwe, wá sika ató, didá atatiá ibu ibiá òbù. ¹⁰ Atsiá bwe botenyá Bulu ifú bwbwée yilé. Mó òbéha bówa akíle ní. ¹¹ Ilehían ání bétsiá asi díín, ha iwiasí súan ató. ¹² Mmòkòhá atsi òkpa mbée, bvsúna ayin ató, ntée bogyí ayinsu. Mboún bòtsiá díín. ¹³ Tsúfée Adam Bulu légyankpá bwé asa òbòwe Hawa. ¹⁴ Megyí Adam é Satan lémlé, mboún Hawa òlemlé, òòkòsò líí Bulu mblasu. ¹⁵ Táme Bulu òbòhò òtsi nkpa tsun ikwíusò.* Ní òletalí kítá mò hògyi pú mò abadwètò, òleha mu iwí letin, oletsíá nkpa é wankláán.

3

Òpasua Òhande Bwe

¹ Asón ánfí bu mótò. Ní òha òbwé agywun ání móbwe òpasua òhande a, alakle agyómá wankláán. ² Imehían ání òlala bétsiá òpasua òhande iwí. Òbwée òka òkòle òtsiápu, mu agywuntò da, otegyi iwísu, òbú bu mvsu, òtòhò afòò, otosúná ató é wankláán. ³ Òmábwe nta òbupú ntée òhá ání òbu iyn. Òbwée òhá ání òleba iwiasí, mu asón lolwií. Òmábwe òtrépu, òmábwe kóba òdwepú. ⁴ Òbwée òhá ání òteki mu wóyísò wankláán, mu abí beba iwiasí, bütobú mu òkpagyíòkpasu. ⁵ Tsúfée ní òha méyín mu wóyísò kí wankláán á, nkálí òbétalí kí Bulu òpasua ámvsu? ⁶ Òmábwe òhá ání òledamlí kluntò mòkòwá òpá. Ní megyí alí á, ibéha mu òbòtsu iwí, Bulu òbébití mu isu fée Òbunsám. ⁷ Iní fée òma a, ilehían ání ahá ání buma òpasua ámòtò kóráá bétí mu idayilé. Ní megyí alí á, òbékpa wíé Òbunsám yibitò sòpa.

Òpasua Òhande Òbòápu

⁸ Òpasua òhande òbòápu é òbwée òhá ání òbú bu mvsu, òma nnonyò, òtamabò ntá, òma sika ònsípe. ⁹ Ilehían ání òbékítá hògyi asón ámóú òlalun òwan ámòtò wankláán, mu klòn é méetrá ha mu ipón. ¹⁰ Mligyankpa pu agyómá ikú wa mu ibitò, pvsò mu kí bwe òlala ma mu iwí, asa amlíha mu òbwe òpasua òhande òbòápu. ¹¹ Alí kén mu ka* é òbwée òtsiá òbú bu mvsu, òtamablí ahá iwí asun láláhe, otegyi iwísu, òbu ònòkwali tógyítátò ní. ¹² Òpasua òhande òbòápu òbwée òka òkòle òtsiápu, òtetalí kí mu abí pú

* **2:15** Tsun ikwíusò, ntée Tsun mu abí kwíhésu. Idesuná ání Tsun òbiá òtsi ámu òbòkwíusò, ntée tsun Yesu ikwíusò. * **3:11** Mu ka ntée òpasua òhande òbòápu tsíhé

mu wóyísó wankláán. ¹³ Ahá butobú ɔpasua ɔhande ɔbuápu aní ɔtɔyó mu agyómá wankláán. Itchá mu ɔtetálí tóí tsú mu hógyiá ɔbu Kristo Yesuto.

Asɔn Njainhé Kpɔnkpɔɔnkpɔnti

¹⁴ Nde ɔwɔlɔ anfi wanlín sísí fú, táme ndun ansí aní nókɔsí ba mu. ¹⁵ Mómó ní nde ɔpá wa kórará á, ɔwɔlɔ anfi íbéha fébi tsiátó oduá ilehián aní ɔha obétsiá Bulu wóyí, igyi Bulu Ɔkiankpaɔ ɔpasua ámɔtɔ. Ɔpasua ámu gyí ɔtan pú ntswiasí kpékplékpléé há ɔnɔkwali asón ámu ní. ¹⁶ Ɔnɔkwali, aní Bulusúm iwí asón ámúbú ilalin ɔwan ámu lómoní. Múgyí,

Kristo† léle mu iwí suná fé nyankpɔsa.

Ɔɔhe Wankíhé léle mu suná aní yilé ɔbwepó ogyí.

Bulu-abɔpu bowun mu,

ahá bɛda mu asón ɔkan suná ɔmá féé.

Ɔyító ahá bɔhɔ mu gyí,

Bulu lótsu mu ya ɔsósó numnyamtɔ.

4

Afunu Ató Asunápó

¹ Ɔɔhe Wankíhé ámu lahié lé blí ɔbéé, bré tráhe amɔtɔ á, akɔ bési Kristosɔ hógyí. Bɛyaa asɔ nú afunu ɔɔhé asón pú ɔɔhe laláhe atosunáhé. ² Apinabwebí abwepó afunu ató asunápó anfi bɔgyí. Amó klɔn tamatráa ha amó ipón.* ³ Amódé ahá hie bɛɛ, bɔkísi atogyihe kɔ, bɔmátsiá aká móa akúlu é ní. Táme Bulu onutó lóbwe atogyihe ámu, aní ahógyipóá babí ɔnɔkwali ámu budáa mu ipán, abɔgyí. ⁴ Tógyítóá Bulu léle bu alé. Mú sɔ ima alá abékisi kɔkɔ. Ilehián aní abóhɔ kugyíko, dá mu ipán. ⁵ Tsúfé Bulu asón pú mpái ámúbú anlabó wólí atogyihe ámusɔ ámu lahá mú lamlí Bulu klé.

Kristo Osúmpú Wankláán

⁶ Ní fɔpó asón anfi tswí apíó ámu ansító á, fóbwe Kristo Yesu osúmbi wankláán aní bapó hógyí amɔtɔ asón, pú atosunáhé wankláán ámu bólá fú, fɔde mótó. ⁷ Máyaa asɔ nú atsi dehen ɔte pú móa imotsú Bulu iwí. Mboún hie fú iwí, afɔsum Bulu wankláán. ⁸ Tsúfé ní fódé nyankpɔsa ɔyɔlɔv anfi hie á, labi kpalóbí kɔ bu mótó. Táme ní fɔpó Bulusúm híé fú iwí á, íbu alé don. Tsúfé oyúla bu mótó há aní séi anfi anútsie nkpa, pú nkpa ámúbú íbɛba amɔtɔ. ⁹ Asón anfi bu mótó, ilehián aní abóhɔ mó. ¹⁰ (Nkpa anfi sɔ anidé iwí laláa yɔ agyómá ɔwɔnlínsú), aní ansí din Bulu Ɔkiankpaɔ, ogyí ahá féé Ɔlepó, títriu ahógyipɔ anfisɔ ní.

¹¹ Suna amó ató anfi, afuha amó abɔgyí mósú. ¹² Máha ɔhaa obu fú kebi. Mboún fú tóitɔ, fú nkpatsiátó, fú ahádwe, fú Bulu hógyí pú fú iwítin íbwéɛ atosunáhé ha amó. ¹³ Ní mlefia a, bɔ mbódí afotsia kla Bulu asón suna amó. Da asón ámu ɔkan, afɔsuna amó ató alu yófun bréá néba. ¹⁴ Mákiná Bulu atokiehé ámúbú ɔlɔpohá fú tɔɔn mu ɔnósú atópɔsɔ, bréá ɔpasua ahande bɔpu íbɔ dínká fósɔ amú. ¹⁵ Tsia bwe íni aná, afɔsi iwí ha mó, méní ahá bówun aní fódé nkpa yɔ. ¹⁶ Tsia kí fú tsiátó pú atosunáhé ámu. Tomi bwe mó alí, méní fɔhɔ fúa asón ámu anupó nkpa.

5

Tóá Abóbwe Há Ahógyipɔ

† 3:16 Bulu bu nwóló dada ámu akɔtɔ.

* 4:2 Amó klɔn labwé fé tóá bapó dátó wá ogyá, lé tó mó.

¹ Mákplɔn wa oyin dehen. Mboun tɔi bla mu asón fé fú sí. Kita nyasubi ámu bu alá fékítá fú apio yinhé. ² Kita atsi dehen amu fé fú yín, afukita mbitebí ámu é fé fú apio tshé. Máwa amó mba.

³ Ɔpasua ámu bukú asurapvá buhié buma óbuápɔsu. ⁴ Táme ní ɔsurapu ɔku bu abí ntée aná á, ha amó abubi tóá ilehián aní bégýankpá bwé há amó akwíúpó ntée amó aná Bulusúm ɔkpaso, pɔka amó akɔ. Mógyí amósó kí, tsúfé mótégýi Bulu ansí ní. ⁵ Ɔsurapvá ɔhié ɔma ɔhaa tɔpú ansí dínká Bulusu, tsía bɔ mpái ɔpa onyé, kólí Bulu tóá ide mu hián. ⁶ Ɔsurapvá mu kle gyí nkpagyí kotóó mú lawú asa ɔna ɔyító. ⁷ Bla ɔpasua ámu asón ánfí, méní ɔhaa méeblí ɔsurapu ɔkuku iwí ason laláhe. ⁸ Ní ɔku mékí mu abusuanfɔsu, títriu mu wóyító ahásu á, mómó aladámli ɔma há hógyi amu. Iní su mu lakpan dun ɔhá aní ɔmɔhɔ Bulu gyi.

⁹ Ɔsurapu oduá mu idá bétsiá asurapu adá ɔwolótó gyí, ɔsurapvá alahɔ tsú nfi aduesie póya, ɔlɔwa ɔnɔkwali há mu kulu.* ¹⁰ Ɔbwéé ɔhá aní ahá buyin aní ɔɔbwe yilé, fé abísúki, afóhɔ, olosúm Bulu ahá, † ɔtɔbúa ahá aní buɔɔ iwɔsin wúun, ɔɔbwe agyómá wankláán kugyíku.

¹¹ Máwanlín asurapvá bumɔkúdan adá wá ɔwoló ámɔtɔ, tsúfé ní amó ɔwólí ihá amó bɔbwé agywun aní bélatsiá akúlu a, bumétrá talí súm Kristo ɔnɔkwali. ¹² Iní ibéha bégýi pón, tsúfé batón amó ntam aní bɔka há Bulu. ¹³ Ɔma a, butebí ɔwoliyɔ wa, yíntá bré náti kí ahá wóyító. Megyí ɔwoliyɔ wule, butemli ahá iwí asón ablípó, náti wá ɔnɔ ahá asóntó, blí asón aní imehián aní bébli. ¹⁴ Iní su ndekléá asurapu amó bumɔkúdan amu buwúna tsia akúlu kwí abí, abuki amó wóyísó, méní buméeha aní alupó ‡ ɔkpa abubli aní iwí ason laláhe kuku. ¹⁵ Nde asón ánfí blí, tsúfé asurapu aku badámli yó bubuo Ɔbunsám dodo. ¹⁶ Ní Okristoyintse ɔku bu asurapu mu abusuantó á, ɔkí amósó. Ɔmási amó tswí ɔpasua ámu, méní ɔpasua ámu bénya ɔkpa kí amó buma ɔhaasu.

¹⁷ Ilehián aní ɔpasua ámu bɔka ɔpasua ahandéá buɔɔ amó kpa akɔ wankláán, wá amó numnyam. Títriu amóá butɔbɔ mbódi Bulu asón ámu ɔkanda pó mú suná iwí. ¹⁸ Tsúfé Bulu ason wanlínhé amu ilebli ɔbéé, “Botamawá ɔnantswieá ɔɔɔ ayó da ɔnɔ íkan.”§ Iletrá blí ɔbéé, “Agyómá ɔyɔpó buteká íka.” ¹⁹ Ní ɔku ɔdá ɔpasua ɔhandé asón súná fú á, máhɔ mú, nkéti fanú mú tsú ahá abanyó-abasá ɔnɔ asa. ²⁰ Wa iyun wa ɔhandé ámu ɔɔɔ lalahé bwe ámu ɔpasua ámu ansító, méní atráhe bénya ifú.

²¹ Nlí Bulu mu Kristo Yesu pú Bulu-abɔpu aní alalé ansító, nde fú he mbéé, fúgyí asón ánfisw wankláán. Mákí ɔhaa ansító ntée fúti fitátó kí. ²² Mákási tsía yái ɔha ɔpasua ɔhandé. Máwa ibí ɔha bambá lalahébwetɔ. Ha fú iwí itun brégyíbré.

²³ Fú ɔmétó ilo ámu su mátsiá nu ntsu wule, tsia nu ntá kpalobí-kpalobí.

²⁴ Aku lakpan menáin. Mú su butákósi wun mú bití amó isu. Aku klé é lenáin, ɔma asa itelun ɔwan. ²⁵ Alí kén yilébwe tamanáin ní. Ní imákási lín ɔwan kóráá á, itebelun ɔwan ɔma.

6

¹ Ilehián aní nkpábiá bubu ɔpasua ámɔtɔ béhie bú amó awíé, méní ɔhaa mɔɔkpó Bulu mu aní atosunáhé amu. ² Ilehián aní amóá amó awíé bubu

* 5:9 Ɔsurapvá ɔmókókíná okúlu kí. † 5:10 olosúm Bulu ahá ntée ɔtɔfwí ahógyipu ayabiasí.

‡ 5:14 Ntée olupó § 5:18 Deut. 25:4. Mó asi gyí, “Botamalé ɔkwén pó ibí tsísi ɔsolóta.”

ɔpasua ámutɔ bóbu amú awíe amú ðun. Séi kórará ilehián ání bóbu amú ðun ní, tsúfɛ ahógyipɔ bɔgyi, butɔdwé amú é.

Afunu Atosundhé Pó Atonyahé Onutó

Íni aná gyi tóá fvsúna amú, afɔwa amú atetɔ-onlin abɔbwe ní. ³ Ní ɔku lósuná atɔ laláhe ku, móa aní Wíe Yesu Kristo ason blíhé pú Bulusúm atosunáhé amú imená á, ⁴ idesuná ání ɔhá ámu dé iwí tsu. Omeyín tɔtɔ, nwéenkpanyí labólá mutɔ. Móbá itedáli tsu mótó gyi ɔnsípe, itré, isia pú agywun laláhe. ⁵ Asón ání imedéhián iwí nwéen ahá áñfi odu butenátí gyi. Amú agywun lawú, butamablí ɔnɔkwali. Amú odu butosúsu ání Bulusúm igyi ɔkpa kuá fátson músó nyá iwí.

⁶ Labi kpɔnkpɔnti bu Bulusúmtó ní tóá anibu yaí legyi aní ansí. ⁷ Tsúfɛ anímɔpɔ tɔtɔ ba ɔyítɔ, aníméetalí pú tɔtɔtɔ é náti. ⁸ Mú sɔ ní anibu atogyihe pú atɔ ðidáhé a, mliha mú kpán igyi aní ansí. ⁹ Ahá ání butekleá bonyáa atɔ á, ibwébwéébwé butekpá wíe isóki pú ayibitɔ. Amú mimlála tekpá amú yówie iwiasun móa lalahetɔ, hí amú. ¹⁰ Tsúfɛ kóbadwe tópu lalahé kugyíku ba. Mú ɔma aku bagya alí, bafwí dalí hógyi amutɔ, ilahá amú buɔe awíreho tsɔtsɔtsɔ gyi ní.

Paulo Asón Tráhe

¹¹ Timoteo, fú mú á, Bulu ɔha fɔgyi. Mú sɔ há íni aná iwa ífó fú wá. Híe fú iwí, afɔbwe tóá ida ɔkpa. Bɔ mbódí afuha yilébwe, Bulusúm, hógyi, ɔdwe, klɔnya pú iwiasibá itsía fótó. ¹² Kɔ hógyi ikó wankláán ámu. Fú ibi béda nkpa ámú itamatá, Bulu obékie aní mú ɔma amú. Nkpa áñfi só Bulu létí fú ní. Mú sɔ fobwíi ɔnó ahá tsɔtsɔtsɔ ansítɔ, gyi fú hógyi iwí adánsie ní. ¹³ Nlí Bulu, ogyi tógyítɔ nkpa ɔhapú mu Kristo Yesuá olegyi iwí adánsie wankláán Pontio Pilato ansítɔ, nde fú híe, ¹⁴ mbéé, fókíta mbíla áñfi fɛétó wankláán. Mási mótó kpéfun ekeá aní Wíe Yesu Kristo ɔbéle iwí ɔwan. ¹⁵ Bulu ɔkokónú ɔkɔle amú ilehián ání abékanfú. Mu nkɔle pé gyi Otúmípu, awíe fɛétó Owíe. Mu ɔbéle Kristo súná bré wankláán ámú mu onutó ɔlehié yaí ámutɔ. ¹⁶ Mu nkɔle pé tamawú, otsie ɔwankíkpa ání ɔhaa tamatálí kpókpe mánta mu. ɔhaa mókówwun mu kí, ɔhaa móowun mu é ekekeke. Mu kle gyi obú móa túmi bré fɛé! Amen!

¹⁷ Bla ɔyí áñfitɔ iwí anyapú fɛe, bɔmátsu iwí. Bɔmápu ansí ðínká kóba anfi iméetsiá yó áñfisɔ. Mbóun bɔpúv ansí ðínka Bulusú. Mutéhá aní tógyítá abóponyá ansigyí ɔyí áñfitɔ. ¹⁸ Bla amú fɛe, bɔpúv amú kóba bwe yilé, amú yilébwe imoni. Busánki ibitɔ abɔkie atɔ. ¹⁹ Ní buɔe íni bwe á, buɔe atonyahé yaí há bré ámú íbá ámu. Amú ibi béda nkpa onutó ámu.

²⁰ Timoteo, kítá itó ámú Bulu lahá fú ámu wankláán. Asón ání ima asi, imosuná Bulusúm mádali fú ɔnó. Máwa iwí mimlá nwéengyí ání itamasúná Bulusúmtó. Aku butɔwá afunu beɛ, asónbi igyi. ²¹ Tsúfɛ aku batsun músó sí Kristosɔ hógyi.

Bulu ogyi mli buale.

Ɔwulɔ Nyɔɔsiá Paulo Lɔwanlín Sísi Timoteo

¹ Mí Paulo mó á, Bulu apé su ngyi Kristo Yesu sumbí ɔyɔpɔ. Ɖɔɔwa mí ɔbée, nyéda nkpa ámúɔ ɔlehie tɔɔn Kristo Yesusu ámu ɔkan.

² Míde ɔwulɔ ánfɔ wanlín sísi fɔ, mí bí ɔdwepɔ Timoteo. Anɔ Sí Bulu muɔ anɔ Wíe Kristo Yesu buwúun fɔ nwe, abɔgyi fɔ buale ha fɔ iwɔlwi.

Ɔpánda Pɔ Atɛtɔ-ɔnlɔn Wa

³ Nedá Bulu Ɔpán. Mu ndepɔ klɔn ání umédé mí Ɔpán ha súm, fé mí anáin. Timoteo, ní nde mpáí bɔ ɔpa muɔ onyé á, ntekáin fúsú brégyibré. ⁴ Ní nekáin ntsúá felɔn bréá ndenatí sí fúsú a, ntekleá nówun fɔ, ménɔ ansigyí bɔbɔlá mító. ⁵ Ntekáin hógyiá fɔbu ɔnɔkwalsu. Hógyi anɔfɔ légyankpá tsíá fɔ ná Loitɔ ní. Ɔlɛtrá tsíá fɔ yín Eunike étó. Nahogyiá mó odu bu fɔtɔ ní. ⁶ Inɔ su nde fɔ káin ání fɔháa Bulu atokiehé ámúɔ ɔleha fɔ bré ámúɔ nɔpɔ ɔbɔ dínká fúsú ámu ɔnɔ iwa ogyá tsíá mótó. ⁷ Tsúfé Bulu méha anɔ ɔhéá abɔpɔnyá ifú, mbouín muɔ itehá anɔ túmi, ɔdwe pɔ iwɔsɔgyí.

⁸ Mó su máha anɔ Wíe asún ámu blí iwa fɔ péli. Máha mí obudɔ é iwa fɔ péli. Mbouín wa klɔn Bulu túmitɔ, afɔtsula wun iwɔɔsin ání ilehián asun wankláán ámu su. ⁹ Bulu lóhɔ anɔ nkpa. Ɖlɛtɔ anɔ ɔbée, abémli mu aha wankihé. Megyí tɔtɔ anɔlɔbwe su. Mbouín igyi tóá mu onutó ɔlɔbwe agywun ání ɔbɔbwe asa ɔyí lebelɔn. Ɖbée, ɔbɔwa awitɔle há anɔ, dwé anɔ tɔɔn ania Kristo Yesunyɔ ɔkɔlɔbwe su. ¹⁰ Táme séi á, Bulu lalé mu awitɔle ámu ɔwan tɔɔn anɔ Ɖhɔpɔ Kristo Yesu ɔbásu. Móléyintá lowu túmi, ɔlele nkpa ání itamatá ɔwan súná anɔ tɔɔn asun wankláán ámu su.

¹¹ Bulu layáí mí mu asun wankláán ámu ɔkan ɔdapɔ, mó sumbí ɔyɔpɔ pɔ mó osunápɔ. ¹² Mó sɔ nde iwɔɔsin ánfɔ odu wúun nɔ. Táme mmedé péli nya, tsúfé nyin ɔhá ání nahogyi. Nyin ání ɔbétalí gyo itó ámúɔ ɔlɔpɔwá mí ɔbɔtɔ ámu iwɔ alɔ yɔfɔn mu ɔbáke. ¹³ Kita ɔnɔkwali asún ámúɔ nosuná fɔ ámutɔ. Yɔ mósú afɔhɔ Kristo gyi tsia. Dwe fɔ aba, tsúfé fɔa Kristo Yesunyɔ mlɔlɔbwe kɔle. ¹⁴ Ɖhe Wankihé ámúɔ ɔbu anitɔ ámu ɔtsáa fɔ, afɔtalɔ gyo itɔ wankláán ámúɔ ɔleha fɔ ámu iwɔ.

¹⁵ Fuyin ání ahá ámúɔ buɔbu Asia, Figelo muɔ Hermogene buɔbu amótó ámu féé banatí sí mí. ¹⁶ Anɔ Wíe owúun Onesiforo wóyító ahá nwe, tsúfé mólétsiá wá mí ansigyí. Omenya mí obudɔ péli. ¹⁷ Bréá ɔleba Roma wúlutɔ á, olodunká mí kpéfɔn bréá olowun mɔ. ¹⁸ Anɔ Wíe owúun mu nwe mu ɔbáke ámu! Fuyin alá ɔlɔbúá mɔ nkpa tsɔtsɔtsɔsu Efeso wúlutɔ.

2

Isá Ɖkɔpɔ Wankláán

¹ Inɔ su mí bí, ha Bulu awitɔle ámúɔ ɔlɔpɔtɔɔn Kristo Yesusu ámu iwa fɔ ɔwɔnlín. ² Pɔ asún ámúɔ neblí, fonu ahá tsɔtsɔtsɔ ansító ámu wa ahá ání buɔbu ɔnɔkwali ɔbɔtɔ, ménɔ ámu é bétalí súná aha bambá.

³ Tomi afɔwun iwɔɔsin ámúɔ anidéwúun ámu, fé Kristo Yesu isá ɔkɔpɔ wankláán. ⁴ Isá ɔkɔpɔ ɔkɔku tamatráa kɔ ɔma, tsúfé odekléá obégyi mu ɔhande ansí. ⁵ Alɔ kén ɔsrí ɔtsiípú ɔkɔku tamanya isogyí atokiehé, nkétɔ alagyí ɔsrí ámu mbلاس ní. ⁶ Ɖɔtɔpɔwá ɔbu nsi tégyankpá dá atɔ papwe ɔnɔ. ⁷ Gywun asún ánfɔ nabláa fɔ ánfɔ iwɔ. Anɔ Wíe é ɔbéha fónu mó féé asi.

⁸ Kaín Yesu Kristo, Owíe Dawid mu na ámuṣu. Mu Bulu lókúṣá tsu afúlitó. Mógyí asón wankláán ámú ndeblí ámu ni. ⁹ Asón áñfi só nde iwiasin wúun, bawá mí ikan fé lalahé ḡwepó ní. Táme bumakówá Bulu asón ámu mó ikan. ¹⁰ Ahá ámú Bulu lalé ámu su natomi okpagyókpasu nde iwiasin wúun, méní Bulu ḡbótson Kristo Yesusu hḡ amú nkpa, amó ibi béda numnyam amú itamatá ámu. ¹¹ Asón áñfi bu mótó.

“Ní ania mṡnyḡ awú á,
ania mṡnyḡ obétsiá nkpa.

¹² Ní atomi wun iwiasin á,
ania mṡnyḡ abégyi iwíe.

Ní akíná mu a,
mu é obékiná aní.

¹³ Ní animá onakwali a,
mu mó á, onakwalipṡ ogyi,
tsúfé otamatú atsonó tswi, lápú mu odandu tsú mó ekekekeke.”

Agyómá Gyapóá Olegyi Bulu Ansi

¹⁴ Tsia kaín amú asón áñfi. Tḡi kpla amú Bulu ansító fεε, bumátsiá tré asónsó. Labi kḡku ima mótó, tsúfé mó odu abwepó botehí. ¹⁵ Bḡ mbódi afuhḡ idá Bulu ansító, fé agyómá gyapóá mu agyómá ma mu péli, otosúná onakwali asón ámu wankláán. ¹⁶ Asón áñfi ima asi, imosuná Bulusúm mádalí fḡ onḡ, tsúfé itehá ḡha mu Bulunyḡ nsné tawá ifó. ¹⁷ Alí ámú ḡlo tekléi ámu a, alí asón áñfi ablípú asón é tekléi ní. Amú aku gyí Himeneo mu Fileto. ¹⁸ Bafwí dalí onakwali okpa ámuṣu yḡ bḡdeblí beε, kusú tsú afúlitḡ laba bḡtsḡn, bḡde aku hḡgyi yintá. ¹⁹ Táme ntswiasí ámú Bulu lḡwa há hḡgyi amḡ ilí kinkíinkín. Asón áñfi bḡwanlín dínká ntswiasí ámuṣu gyí, “Aní Wíe yin ahá áñfi bḡgyi mu kle.” Nyḡḡsi é gyí, “ḡhagyíḡha áñfi otetí mu iwí ḡbéε Okristoyin a, osíi lalahé bwe.”

²⁰ Megyí sika pepε móa sika futútú atḡ pé tetsiá wóyí yilétó. Oyi móa isi atḡ é tetsiá mu. Butobú ikḡ don ku. ²¹ Ní ḡku ḡlé mu iwí lé lalahébwεtḡ á, Bulu telé mó yáí. Alabwé ḡhá áñfi alasi iwí há, ḡbu labi, mu Wíe Bulu ḡbḡpu mu gyi gyḡma wankláán kugyíkḡ. ²² Iní su le fḡ iwí tsu nyasubi móa mbitebí mbagyítḡ. Fḡwun fḡa ahá ámú bḡtḡpḡ ikḡn wankíhé kpólí Bulu ámu ansí bédinká yilébwe, hḡgyi, ḡdwe pḡ iwílwíisḡ. ²³ Le fḡ iwí tsu nwéengyí áñfi ima labi, itḡ wankláán kḡku méedali tsu mótótó, tsúfé foyin áñfi itré pé itetí. ²⁴ Ima aléá aní Wíe osúmpḡ ḡbḡbwe otrepó. Mboun ilehián áñfi ḡbḡwa awitḡle há ḡhagyíḡha, ḡbḡbwe osunápḡ wankláán, otenyá kḡn há ahá áñfi amú asón bu onḡn. ²⁵ Ilehian áñfi obénya kḡn tḡi kplá ahá áñfi bḡtḡkḡsḡ líi Bulu asón ámuṣu. Fíali Bulu obḡwun amú nwe, há amú bédamli kḡntḡ, bí onakwali amḡ, ²⁶ iha amú ansí iba asi. Fíali ibéha amú bédali tsu ḡbḡnsám amú ḡbéε bḡgyi mu asónsó, abḡbwe mu apé ámu ayibitḡ.

3

Nke Tráhe Amutḡ Asón

¹ Táme mí bí Timoteo, bí áñfi ḡyítḡ bḡwa onḡn nke tráhe amutḡ. ² Tsúfé ahá bḡbwe awḡnsípḡ, bḡbwe kḡba adwepó. Bḡhḡ amú iwíṣu gyi, bḡtsu iwí, bésia ahá, bumóonu amú akwípḡ asón, buméeyi ahá aye, amú iwí méetin, ³ bumḡḡdwe ahá, buméesi asón kíé, bḡbwe ahá iwí asón ablípḡ, buméetalí gyi iwíṣu, bḡbwe awuntḡlnḡpḡ, bumḡḡdwe itḡ wankláán kḡku. ⁴ Béle ahá há, bumóosusú asón iwí, békí amú iwíá bḡdḡn ḡhagyíḡha, bḡdwe ḡyítḡ ansigyí sí Bulu. ⁵ Bḡbwe iwí fé Bulu bḡdesúm, táme békíná mu túmí. Le

iwí lẹ ahá ánfí oduṭ. ⁶ Amó odu botebítíwíé ahá wóyító, dámlí atsíá amó ansító ma ɔnlun agywun. Atsí ámu odu á, lakpan lamlí amó ató svráhé, ɔwólí laláhe labólá amótó. ⁷ Butekleá bónu ɔhagýíɔha atosunáhé, táme bóméetálí bí ɔnɔkwálí amu ekekεεke. ⁸ Alí ámúú Yane mva Yambre bakúsú líí aní náin Mosesu ámu a, alí ahá ánfí é bakúsú líí ɔnɔkwálí asón ámvsu ní. Amó agywun lawú. Hógyitó é á, buma ɔlíkpá. ⁹ Táme bómóyɔ nkpa don alí, tsúfé amó mimlá bélun ɔwan, ɔhagýíɔha obówun. Alí ileba Yane mva Yambresu ní.

Paulo Asón Tráhe

¹⁰ Timoteo, fó mú fuyin mí atosunáhé fée, mí tsiátó, tóá ɔkpa nya, mí hógyi, mí iklonya, mí ahá iwí ɔdwe pú alíá notomi wun ipian, ¹¹ alíá ahá bedínká mísó pú mí ason wunhe. Móa ileba musu Antiokia, Ikonion pú Litra ɔmátó. Notomi, aní Wíe léle mí tsú mú fээ́tó. ¹² Léle mú á, ɔhagýíɔha aní odekléá obóbuo aní Wíe Kristo Yesu, ɔbwée Bulu apé á, ahá boteđínká musu. ¹³ Táme aha laláhe pú ahá asísípu mú á, bóyɔ amó lalahewesu don alí. Bénatí mlé ahá, ahá é bémle amó. ¹⁴ Táme fó mú á, kítá fó ɔnɔkwálí amóú fakásí, fó onutó fahó músó gyí amotó kínkíínkín, tsúfé fuyin ahá ámúú bosuná fó ató ámu wankláán. ¹⁵ Tsú fó nyebitɔ ɔpá febi Bulu ason wanlínhé amu. Mú ɔbétalí há fú nyánsa fópɔhɔ Kristo Yesu gyi ni. Mú su Bulu ɔbóhɔ fú nkpa é ní. ¹⁶ Bulu ason wanlínhé ámu fée itsú Bulu onutó wá. Ibu aláá bópɔsúná ɔha, púkíná asón há ɔha, pútswíí ɔha, púbólá ɔha, íbéha yilébwe bémantá mu, ¹⁷ méni íbéla Bulu ɔha bwé wankláán, ɔbófɔn ha gumagyihe wankláán kugyíko.

4

¹ Nlí Bulu mva Kristo Yesuá ɔbéba begyi akiankpapu pú awupó asón, obébegyi iwíe ansító, nde fó ɔlá da mbée, ² fudáa Bulu asón ámu ɔkan. Ní fóbɔ ɔkpa o, fuma ɔkpa o, mási mú blí. Nya klɔn afɔtswii amó. Kina asón ha amó. Wa amó atetɔ-ɔnlun, afɔsuna amó atosunáhé wankláán ámu. ³ Tsúfé bré ku íbá, ahá bóméetrá ya asu nú atosunáhé wankláán ámu. Bɔbwe tóá íletsíá amó, náti dúnká ató asunápú oduá bósuná amó tóá bodekléá bónu. ⁴ Békiná ɔnɔkwálí asón ámu yóbuo ɔte. ⁵ Táme fú mú á, ha fú ansí íba así ɔkpagyíɔkpasu. Tomi afɔwun iwíɔsun. Bli ason wankláán ámu wankláán, afubwe agyómá amóú Bulu léha fú ámu mɔ ɔnɔ.

⁶ Mí mú á, bré lafɔn aní bópu mí obugya wólí así fé ntá há Bulu fé afɔdie-abotó. Mí lowu lafɔn. ⁷ Nakó ikó wankláán ámu tá. Natsíí ɔsrú amu é tá. Nakítá hógyi amotó kínkíínkín. ⁸ Séí á, tóá ída gyo mí gyí ísogyí atokiehéá Bulu tɔpóhá ahá aní babwé yilé, aní Wíe Yesu, ogyi asón ogyípú ɔnɔkwálípu amu ɔbópɔhá mí eke yilé ámúú obéyinkí ba amu. Táme megyí mí nkole ɔbóbwe íni há. ɔbéha ahá ámúú bode mu yinkí bá ɔkpa kí amu é fée.

Paulo Onutó Iwí Asón

⁹ Bɔ mbódí afókosi ba mí wá, ¹⁰ tsúfé ɔyító ató de Dema ansigyí wa. Mú su alayínkí mí ɔma, náti ɔyó Tesalonika wúlutɔ. Kreske ɔyó Galatia, Tito é ɔyó Dalmatia. ¹¹ Luka nkole bu mí wá nfi. Mú su ní febá á, kpa Marko buo iwí, tsúfé ɔtetsá mí agyómá yɔ. ¹² Nawá Tihiko sísí Efeso. ¹³ Tsu mí ligá pú mí nwóló amóú nesi tswí Karpo wá Troa wúlutɔ ámu ba mi. Mátan nwóló amóú idin nwóló-kpákpású amu ésú.

¹⁴ Kóóbrí ató ɔbwepú Aleksandro lópu laláhe ku gyi mi. Ulehan mi wankláán. Aní Wíe ɔbéka mu íko. ¹⁵ Kí fú iwí wankláán musu, tsúfé ɔlókusú líí aní ason blíhé féesú.

¹⁶ Bréá ahandε beha beε nlée mí ònó á, òhaa mèlí mí òma. Amó fée besrí sí mí. Bulu osíkíe amó. ¹⁷ Táme aní Wíe lélí mí òma, òlwa mí òwònlín. Mó sù netaí bláa amó asón ání nde fée, méní ahá ání bomegyí Yudafo fée bónu. Alí Bulu lópólé mí tsú lowutò ní. ¹⁸ Aní Wíe òbèle mí tsú lalahε kugyíkòtò. Òbékpa mí pútò alu yówie mu òsósó iwíegýí ámòtò. Numnyam ibwée mu kle bré féeétó. Amen.

Iklá

¹⁹ Nehá Priska mva mu kulu Akwila pò Onesiforo wóyító ahá fée itsiá. ²⁰ Erasto lésin Korinto wúlutò, Trofimo é délò. Mú sù nesi mu yáí Mileto wúlutò. ²¹ Bò mbódí afòba asa atsalbí ifon. Eyubulo mva Pude, Lino mva Klaudia pò apíó ámu fée behá fú itsiá.

²² Aní Wíe òkpáa mli, ogyi mli buale.

Ɖwɔlɔ́ Paulo Lɔ́wanlín Sí sí Tito

Itsíáha

¹ Mí Bulu osúmbi Paulo, ngyi Yesu Kristo sumbí ɔyɔpú dé ɔwɔlɔ́ ánfí wanlín.

Bulu léle mí ɔbée, mbeha ahá ámú alalé ámu abotra nya hógyi tsia. Mí ansuna amú abɔbɔ ɔnɔkwaliá íbéha amú bétsiá tsiátáá ilegyi mu ansí.

² Fówun íha amú abɔdínka ansí nkpa ání ítamátású. Bulu tamawá afunu! Móléhe mó yáí asa ɔyí lebelun. ³ Aní Nkpa Ɖhópú Bulu léle mu asón ánfí ɔwan mu onutó brétó, ɔlɔpɔwá mí íbító ɔbée, ndáa mó ɔkan.

⁴ Nde ɔwɔlɔ́ ánfí wanlín sí sí fú Tito, ání fógyi mí bí onutó Kristo hógyi amoto.

Aní Sí Bulu muva aní Ɖhópú Kristo Yesu bɔgyi fú boale, aboha fú iwilwii!

Tito Gyumagyihé Kreta

⁵ Tóá suá nesi fú yáí Kreta ɔmátó gyí alhá fómá aní agyómá ɔnó mu, yáí ɔpasua ahande wúlugyiwúlusu fé alhá nebláa fú. ⁶ Imehián ání ɔlala bétsiá ɔpasua ɔhande íwi. Ɖbwée ɔká ɔkɔle otsiápu, mu abí bɔgyi ahógyipu. Bɔbúu ató; bómáwé nyebí laláhe. ⁷ Iníá Bulu agyómású ɔpasua ɔhande amú dékí su á, ɔlala mátsiá mu íwi. Ɖmábwe ɔhá ání ɔtamaho ahá asún, ntée ɔtɔkósi nyá ɔbló, ntée ɔtɔbó ntá, ntée otekle íkó ntée ɔbu sika ɔnsipe. ⁸ Mboún ɔbwée ɔhá ání ɔtɔho afóó, ɔtɔbwé yilé, ɔbu nyánsa, mu asón da ɔkpa, mu íwi létin, otegyi íwisu. ⁹ Ɖbwée ɔhá ání asón ámú bosuná mu amú íbu mótó. Ilehian ání ɔbékítá mótó kínkíínkín, méní ɔbétalí há ahá bóbuo atosunáhé wankláán ámu, tálí gyi ahá ání bégyi atosunáhé amú nwéen ésó.

¹⁰ Tóá suá nde iní blí gyí, ahá tsɔtsɔtsɔ bakósú líí atosunáhé wankláán ámusu, bude asón ání íma labi pómle ahá. Títriu ketétin mblassu agyípú amú dé iní bwe ní. ¹¹ Ilehian ání mléka amú itin, tsúfé bude atóá imehian ání bosunátó. Iní lahá abusuan tsɔtsɔtsɔ bafwí ɔkpa. Bude mó bwe é pódúnká sika ɔkpa laláhesu tsú ahá wá. ¹² Kretafó ámu onutó yébi ɔhapú ɔku kóráá léblí ɔbée, “Afunupu, mbwíkitá-ató, apotsuapu pú awɔhyɔpú Kretafó bɔgyi.” ¹³ Ɖnɔkwali asón ánfí gyí. Mú su kina ha amú kínkíínkín, méní amú Kristo hógyi ɔnó bówa ɔnlun. ¹⁴ Abusi Yudafó ɔte nu, sí ahá ámú bakíná ɔnɔkwali amú atosunáhé ésó gyí. ¹⁵ Ɖhá ání mu íwi létin Bulu ansító á, tógyító íwi létin ha mu. Táme tótó íwi métin ha laláhe ɔbwepúá ɔtamaho Yesu gyi. Léle mó á, mu agywun layintá, mu klɔn é ílasí mu ípón ha su ɔtamabí yilé ntée laláhe. ¹⁶ Bɔtɔpú ɔnó blí beɛ bɔyin Bulu, táme amú bwehé losuná ání bómeyín mu. Bɔbu Bulu nyányáa, bɔtamabú mu, bɔtamatalí bwé itó wankláán kɔkɔku é.

2

Atosunáhé Wankláán

¹ Táme fú mó á, suna amú tóá ílekanáa atosunáhé wankláán ámu. ² Suna ayin dehen amú abɔgyi íwisu, abɔbwé ahá ání obú bu amúsú, bɔtegyi íwisu. Buhie kita amú hógyito kínkíínkín. Bɔdwée ahá wankláán, abɔhie tomi. ³ Suna atsi dehen é abɔtsia tsiátáá ílekanáa Bulu osúmpú. Bómáwé ahá íwi asón ablípú, ntée ntakpan anúpu. Mboún bɔsúna tóá íbu alé. ⁴ Amú atosunáhé íha mbitebí ámu abɔdwe amú akúlu pú amú abí. ⁵ Bɔgyi íwisu,

abuba amó iwí itin. Búbwée atsiá buteki amó wóyísó wankláán, búbwé yilé, búbobú amó akúlu, méní òhaa m̀òkporí Bulu asón ámu.

⁶ Tòì kpla nyasubi é abugyi iwísu tógyítóá búbweto. ⁷ Fú onutó é b̀ò mbódí afole tsiátó wankláán suna, fú bwehé kugyíkotó. Ha fú ansí ɔpe, afusuna ò̀òkwali asón ámu tsu fú kluntó. ⁸ Suna ò̀òkwali amu, méní òhaa méetalí kúsó líí fú atosunáhésu. Fówun p̀èli b̀ékítá fú alupó, ní bumenya òlala blí tsú aní iwí.

⁹ Suna nkpábi é abubu amó awíe òkpagyíòkpasu. Búbwée tógyító igyi amó awíe amu ansí. Búmátsiá lé amó asón ò̀ò. ¹⁰ Búmáwi amó awíe, mboún búbwáa ò̀òkwali ha amó tógyítótó, méní amó bwehé b́eha ahá ansí b́eyi aní nkpa Òhòp̀u Bulu atosunáhé amu iwí.

¹¹ Tsúf́é Bulu lalé mu awítale òwan. Múgyí, odekléá ò̀òhò anyánpòsa féé nkpa. ¹² Mu awítale amu lasúná aní ilehián aní abési lalahé bwe, sí aní ò̀wólí lalahé òmagyáa, gyi iwísu, bwé yilé, aní asón igyi mu ansí ɔyí ánfító. ¹³ Bré ánfí anidé òkpa kí há eke yilé ámuó Bulu Òkpor̀nkpor̀nti, ogyi aní Òhòp̀u Yesu Kristo ò̀béle mu numnyam òwan ánfí. ¹⁴ M̀òlòtsulá b̀òm̀ò mu aní su, méní ò̀béle aní tsú lakpan kugyíkotó. Òtin aní iwí, p̀u aní bwe mu onutó ahá, aní ansí ɔpe yilébwesu.

¹⁵ Suna ínì aná, afutóì kpla amó abugyi m̀ósú. Fubu òkpa wá iyin wá amó, ní bumedébi bwé. Máha òhaa òkí fú ansító kótíkótí.

3

Okristoyin Tsiátó

¹ Tsia kan amó abuba iwiasí ha òmá akpapó, abugyi ahande mblassu, abubu amó. Bokú aní bóbwe t́á igyi yilé brégyíbré. ² Búmáblí òhaa iwí asón lalahé, búmágyi nwéén é. Mboún búbwée ahá aní bolwíí, abuba iwiasí ha òhagyíòha. ³ Tsúf́é bré ámu a, aha mimláhe aní é anugyí. Asutó lówa aní ònlun. Anulófwí, mlí nkpábi há ò̀wólí lalahé p̀ó atóá itówá òha ansigyí. Anuléyintá bré súsú lalahé m̀óa t́á ide aní ansí ɔpe iwí. Ahá bolu aní, aní é anulólu amó. ⁴ Táme aní nkpa Òhòp̀u Bulu léle mu awítale p̀ó òdweá òbu ha aní òwan. ⁵ Òlele aní, támé megyí yilé kuku anulóbwe su, mboún mu nwewúun su. Òlòtsun Ò̀je Wankíhé amusu fwí aní lakpan lé anísu, òlelakwíí aní, há aní nkpa p̀apwe. ⁶ Òlòtsun aní Òhòp̀u Yesu Kristosu, tséí Ò̀je Wankíhé amu wólí anísu. ⁷ Òlòbwe aní alí, méní ò̀bówa awítale há aní, tsú mó aní aní asón da òkpa, fówun aní ibí b́éda nkpa aní itamatá ámuó anidé mó òkpa kí amu. ⁸ Asón ánfí bu mótó.

Yiri iwí afusuna mó wankláán, méní ahá ámuó amó ansí òin Bulusu ámu b́etsiá bwé yilé brégyíbré. Múgyí t́á ibu alé, ibówa labi há òhagyíòha ní. ⁹ M̀ápu iwí wá mimlá nwéengyí, anáin líntó kláa, p̀ó mbli ámu iwí utrétó. Labi ma mótó kugyíkotó. ¹⁰ Tòì kpla òhá aní ò̀tétí utré wá ahá nsíné tse nyó pé. Mó òma a, si mu asón. ¹¹ Bì aní òhá ámu odu nwuntó bu oklún. Oyin aní lalahé m̀òdebwe. Alahá mu iwí p̀ón dodo.

Paulo Asón Tráhe

¹² Nenyá wá Artema ntéé Tihiko fú wá pé, b̀ò mbódí afubotu mí Nikopoli wúluto, tsúf́é nabwé agywíun aní nétsiá inu atsalí bí. ¹³ B̀ò mbódí afusi mbli osunápó Sena m̀òa Apolo òkpa wankláán. Tótó imáhián amó òkpató. ¹⁴ Ha aní p̀i amu é abubi alíá búbwáa aba agyómá yó wankláán, méní b́etalí kí ahá aní buma tótósu. Fówun búmòbwe ahá aní amó iwí m̀ówa labi.

¹⁵ Ahá ámuó bobu mí wá nfí ámu féé behá fú itsiá. Ahá ahógyipu amóó búbwé aní ámu itsiá.

Bulu ogyíi mlí féé buale.

ᾠωβὺβά Paulo Λῶwanlín Sísí Filemon

Itsiáha

¹⁻² Mí Paulo ání nda obu Kristo Yesu sɔ pú aní pío Timoteo dé ᾠωβὺ ἄnfi wanlín. Anidé mó wanlín sísí fɔ aní pío ᾠdwepó, fógýi aní agyómáyɔbá Filemon, fɔa aní pío tshé Apia mva aní agyómáyɔbá ání ogyi isá ᾠkɔpó Arkipo mva Kristo ᾠpasua ámúú bɔtefia fɔ wóyítɔ amu fée. ³ Aní Sí Bulu mva aní Wíe Yesu Kristo bɔgyíi mli bɔale, abɔha mli iwilwii.

Filemon ᾠdwe Pó Mu Hógyi

⁴ Opío Filemon, ntɛdá Bulu ipán fɔ nwunsɔ brégyíbréá nde mpái bɔ. ⁵ Tsúfɛ ndenu alíá fɔde Bulu ahá fée dwe, fɔde aní Wíe Yesu hógyitɔ kinkíinkín. ⁶ Nde Bulu kokóli mbée, ᾠháa afɔtalí bla ahá fɔ hógyi iwí asón, méní ubéha fónu itɔ wankláán ání anlanyá Kristo búotɔ asi. ⁷ Mí pío, ᾠdweá fɔbɔ lahá ansi de mí onutó óó gyí, ilawá mí atɛtɔ-ɔnlín. Tsúfɛ fɔ awítɔle lahá Bulu ahá klɔn ladí amó asi.

Paulo Ipabwíi Onesimo Nwunsɔ

⁸⁻⁹ Iní sɔ nɛtalí wá klɔn kólí fɔ ató. Teki mbɔ ᾠkpa híe fɔ mbée, fɔbwée tɔá ilehián Kristo sɔ. Táme ᾠdwe ámúú mbɔ ha fɔ ámu sɔ ndekléá nókólí fɔ mbóún. Mó sɔ tsu mó ání mí oyin dehen Paulo, ngýi fɔ nyáwíe Yesu sɔ, séi nda obu dé fɔ kólí. ¹⁰ Nde fɔ kokóli mbée, fɔwúun mí bíá nda obu asa nakwíi mu, ogyi Onesimo nwe. ¹¹ Mu dá ámu asi gyí ᾠbu labi. Teki ᾠmɔwa labi há fɔ bréá ᾠlesrí sí fɔ, táme séi mó ᾠbu labi há mía fonyɔ.

¹² Ntɔdwe mu tsú mí klɔntɔ, táme nde mu yinkía sísí fɔ. ¹³ Teki ndekléá néha mu otsia fɔ otsiákpá mí wá nfi, ᾠtsa mí bré ánfi nda obu Bulu asɔn wankláán ámu ᾠkan da sɔ ánfi. ¹⁴ Táme mmedékléá nóbwe tɔtɔ tsɔn fɔ ᾠma. Mmedékléá néhe fɔ é. Ndekléá itsu fɔ klɔntɔ.

¹⁵ Tsu mó fée, Onesimo lesrí sí fɔ bré itinbítɔ, méní ᾠbéla betsiá fɔ wá bré fée. ¹⁶ ᾠtráa omegyí ᾠkpábi. Alamlí opío ᾠdwepó onutónutó há mí. Múá idɔn a, falányá ᾠkpábi pú opío dɔn mí séi.

¹⁷ Mó sɔ ní fɔyin ání fɔ bá gyí mí á, mómó kpla mu wa iwítɔ fɛ alíá fɔbwe mí. ¹⁸ Ní ᾠɔpɔ ilá kɔ gyí fɔ, ntée ᾠde fɔ ikɔ kɔ á, bu mó tswí mí. ¹⁹ Mí Paulo onutó lapó mí ibí wanlín iní, “Néka fɔ.” (Ima aléá nébli mbée, fɔ onutó ámu óó á, múlshɔ fɔ nkpa.) ²⁰ Iní sɔ mí pío ᾠdwepó, aní Wíe sɔ wa labi ha mí. Ha klɔn idi mí asi Kristo sɔ.

²¹ Nyin ání fónu mí ᾠme bwé dínká tɔá nawánlínso. Nyin ání fɔbwe mó dɔn alí kóráá. ²² Mó ᾠma a, bɔ mbódí afɔla ᾠdikpa yayí mí, tsúfɛ nde ᾠkpa kíá Bulu ᾠbóso fɔ ᾠnó, néba mli wá.

Iklá

²³ Epafra ání mía mɔnyɔ anida obu Kristo Yesu sɔ ᾠhá fɔ itsiá. ²⁴ Alí kén mí agyómáyɔbá Marko mva Aristarko pú Dema mva Luka é behá fɔ itsiá ní.

²⁵ Aní Wíe Yesu ogyíi mli bɔale.

ᾠδὴ Βῶανλίν Σίσι Hebrifó

Bulu Asón Ina Mv Bi Amvsv

¹ Bímí ámv a, Bulu lótsvn ðkpa ðtsan-ðtsansv tói kplá anv anáin bré tsatsætsæto tsvn mv ðnósó atóipúsv. ² Táme séi ánvfí ðví íbá bómð ðnó ánvfí mó á, alatói kplá anv tsvn mv Bi ámvsv. Mvgví ðhá ání Bulu léle ání ógyi mv ató ní. Mv Bi ánvfísv ðlætsvn bwe tógyító. ³ Mvsv Bulu ᾠkpnkpnnti numnyam tówánkí tsvn. Mvgví ðhá ání ðlehe lian Bulu, ðde mv asón ámvóú íbv túmí ámv poki tógyítósó nv. Bréá ðlogyoráa anv tá á, oletsia ðsósó Bulu Otúmípv amv gyæpísv.

Bulu Mv Bi Amv Lófvd Dvn

⁴ Bulu lótsu mv Bi ámv fúá dvn Bulu-abæpv féé. Alí kén ðleha mv dá dvn amó ní. Iní lósuná ání ðdvn amó féé. ⁵ Tsúfé Bulu mókóbláa mv abæpv amvto ðkðkðkðk kí ðbéε,

“Mí Bí gyí fú,
ndε nabwé fú Sí.”
Ntéε bláa amótó ðkðk ðbéε,
“Nóbwe fú Sí,
fú é fóbwe mí Bí.”

⁶ Iní ðma asa Bulu ðbówa mv Bití ámv sísi ðyító á, ðleblí ðbéε,
“Mí abæpv féé busúm mv.”

⁷ Tósá ðleblí tsú mv abæpv amv mó íwí gyí,
“Nabwé mí abæpv fé afú.*
Nabwé mí asúmpú fé ogya plenplæn.”

⁸ Táme ðlebláa mv Bi ámv mó ðbéε,
“Oo Bulu, fú iwíegyí méεta ekekekeke!
Yilébwe gyí fú iwíegyí akænfra.

⁹ Yilébwe futekle. Futekísí lalahε féé.
Mó sv mí, fú Wie Bulu nalé fú, dá fú ofúli.
Napó ansigyí wá fútó dvn fú aba.”

¹⁰ Bulu asvn wanlínhé amv létrá blí ðbéε,
“Mí Wíé, fólówa ðsulóv ntswiasí bréá feví ðyí así.
Fú onutó íbí fæpvbwe ðsósó.

¹¹ Mó féé bófwi, táme fú mó fétsiá bré féé.
Mó féé bóbwe dáda fé tatida.

¹² Fókuntá mó fé tati.
Fétse mó fé atadiε.
Táme fú mó fvtamatse.
Fú nkpa móðmð ðnó ekekekeke.”

¹³ Bulu mébláa mv abæpv ðkðk ðbéε,
“Tsia mí gyæpísv,
ýfðv bréá nópv fú alupó bwé fú ayabi oyíkpa.” fé alíá ðlebláa mv Bi ámv.

* 1:7 afú ntée ðhé. ᾠé móa afú lehan aba Griiki ðblíto.

¹⁴ Nto mee Bulu-abapu bugyi? Megyi oje bugyi, Bulu towa butoba aha ani oboha amo nkpa?

2

Nkpaḥo Kpankpankpani

¹ Inu su ilehián ani abekita onkwali asón amú anlanú amoto kinkinkin, menú imeedali anu ibi. ² Tsúfé mbala amú Bulu lówa há anu anáin tsun mu abapusu amu igyi onkwali. Inu su aha amú bowa asuto-onlu, bomegyi mósú amu benya isubiti ani ida okpa. ³ Nkálí anu mó abétalí sri isubiti amu, ní akíná nkpaḥo kpankpankpani áni? Anu Wíe onutó légyankpa bí mó asón. Aha amú bonu mó amu é begyi mó iwí adánsie súná anu bee, ibu mótó. ⁴ Bulu onutó é lóbwe ofúla pú osúna otsan-otsan mu túmito, oleha aha mu Oje Wankíhé atokiehé bréá iletsiá mu, pódínká ibwi mósú ani onkwali igyi.

Nkpaḥo Okpa Osunápu

⁵ Bulu mǎpu gyí amú íbá, anidé mó iwí asón bí amu wá mu abapu ibito obéé, bugyi mósú. ⁶ Mboún fé aha oku lówanlín wá Bulu asón amú otineku obéé,

“Oo Bulu, nto nyankpusa gyí, só fú ansí idin musu ali?”

Nto nyankpusa gyí, su fúteki musu?

⁷ Bré itinbí koto pé feba mu asi dun fú abapu.

Fapu numnyam pú obú dínká musu,

⁸ feha mu ode ató féésó gyí.”

Ní Bulu asón áni déblí obéé, “Ató féé” á, idesuná ani toto mesian ani omedé mósú gyí. Séi áni á, animókúnyá wun áni ode ató féésó gyí. ⁹ Táme anlawun Yesu. Bulu léba mu asi dun mu abapu bré itinbí koto. Awitole Bulu lówa bwé mó ali, tsúfé oleha Yesu lówu ohagyíoha nwunso. Anlabí áni séi á, Bulu lapó numnyam pú obú dínká musu, iwiasin amú olowun, wú amu su. ¹⁰ Bulu, ató féé Ojepú pú mósú Okípu amu obékpa mu abí tsotsotsó ba mu numnyamto. Mó su ibu aléá olatsun Yesu amú ogyi amú Nkpa Ohópu amu lowusu há mu olafun, menú obóhó amo nkpa.

¹¹ Yesu amú otagyóraa aha lé amú lakpanto amu mwa aha amú alagyóra amu féé babwé Osí okole abí. Mó su ima mu péli áni obéti amú obéé mu apió.

¹² Ojébláa Bulu obéé,

“Nékla fú bwehé súná mí apió.

Nékanfú fú anu offiakpa.”

¹³ Ojéblí bré bámbátó é obéé, “Nópu ansí dínká Bulusu.” Ojétrá bí obéé, “Kí, mía abí amú Bulu lapóhá mí amu líí á.”

¹⁴ Inuá anyánkpósa abí amú Bulu lówhá mu amu bugyi su á, obbwe mu iwí nyankpusa fé amú, menú obótsun mu lowusu swí Obunsám túmi, yíntá mu. ¹⁵ Okpa áni pésó abétalí tsun há aha amú benya lowu ifú, su obbwe nkpa bí amú nkpató féé amu bégyi iwí ní. ¹⁶ Tsúfé ida yaí áni megyi Bulu-abapu nkpa ohákpa oleba, mboún Abraham abí-aná. ¹⁷ Inu su ilehián áni obélian mu apió tógyítótó, menú obóbwe amú igyi ohapó dehen áni obówun aha nwe, wá onkwali Bulu ansító. Fówun abétalí bó amú lakpan iwí afadie há Bulu, obésikíé amú. ¹⁸ Boso mu kí, mu onutó é olatsun iwiasinto. Mó su abétalí gyí aha áni butaso amú kí é buale.

3

Yesu Dun Mose

¹ Iní sù apíó aba ání Bulu latí mli wá ʒsúsú ayǎpótú, mliɓu ansí dínka Yesusu. Múgyí Bulu sumbí ʒyǎpó pú mu igyí ʒhapú dehen amóú anidé mu iwí asón blí ámu ní. ² Ɖlɔwa ʒnǎkwali há Bulu, Bulu léle mu ʒbéé, ʒbǎyɔ mu agyómá fé alí amóú Mose lówa ʒnǎkwali há Bulu, Bulu lóɓu mu wóyí féé wá mu ibitɔ ámu. ³ Táme obú bu Yesusu don Mose, fé alíá butobú wóyí oyípu don wóyí ámu. ⁴ Wóyigyíwóyí á, ʒha léyi mó, táme ató féé ʒbwepú gyí Bulu. ⁵ Mose lóbwé osúmpú ʒnǎkwaliɓá ʒde Bulu wóyísú kí. Ɖlebláa amó asón ání Bulu ʒbébli ekekú. ⁶ Táme Kristo lóbwé obi ʒnǎkwaliɓá ʒde Bulu wóyísú kí. Bulu wóyító abí anigyí, ní anilówa klɔn kítá mu ʒkpakító kinkíinkín yǎfɔn mó ʒnómáké.

Bulu Ahá Bédá Ɖkpónú

⁷ Mú sù ibu Bulu asón ámɔtɔ ání Ɖhe Wankíhé lébli ʒbéé,

“Nde, ní mlonú Bulu ʒme a,

⁸ mliɓáwa asɔtɔ-ɔnlɔn, fé alíá mli anáin Israelfɔ

bǎbwé bréá bǎkusú lí Bulusu,

ʒɔ mu kí dimbí ámuɓu.

⁹ Inó mli anáin bǎsɔ mi kí ní.

Ibu mótsá bowun mí bwehé nfi adɔvana (40) kéké.

¹⁰ Iní sù nɔnya ʒbló wa amó, blí mbéé,

‘Butedáli mí ʒma brégyíbré,

kíná mí asónsú gyí.’

¹¹ Mú sù nɔnya ʒbló ká ntam mbéé,

‘Ní bówie mí ʒkpónú ʒdakpá inu fíin! Neká nǎtón!’ ”

¹² Mí apíó, mliki wankláán ání mliɔ ʒkuku méenya klɔn laláhe ání itamahɔ Bulu gyi, méni iméeha mu ʒdali Bulu Ɖkiankparɔ amu ʒma.

¹³ Mboún mliɔi kpla aba ekekegyíekéá ʒyí leke, beti mú “Nde,” fé alíá Bulu asón wanlínhé anfi idebli. Fówun lakpan méemlé mliɔ ʒkuku, há mu ʒwa asɔtɔ-ɔnlɔn. ¹⁴ Tsúfé ní akítá aní hógyitɔ kinkíinkín, fé bré amóú anilótsɔ hógyi amu yǎfɔn mó ʒnómá a, ania Kristonyɔ abékan, bwé toku kole.

¹⁵ Fé alíá Bulu asón wanlínhé amu lébli. Ɖbéé,

“Nde, ní mlonú Bulu ʒme a,

mliɓáwa asɔtɔ-ɔnlɔn, fé alíá mli anáin Israelfɔ

bǎkusú lí Bulusu.”

¹⁶ Amendi lónu Bulu asón blíhé, táme bǎkusú líi muɓu? Megyí ahá amóú Mose lékpa tsú Egyipte ʒsolóɓu ámu féé? ¹⁷ Amendi Bulu lénya ʒbló wá nfi adɔvana (40) kéké? Megyí amó kén lóbwé lakpan, bowu sin dimbísú inu ní?

¹⁸ Amendi Bulu léka ntam há ʒbéé, “Ní bówie mí ʒkpónú ʒdakpá inu fíin! Neká nǎtón?” Megyí ahá amóú bǎkusú líi muɓu ámu? ¹⁹ Mómú ilawánkí aní amó Bulu máhogyi sù buɓmɔyɔ ʒsolóɓu amuɓu yéda ʒkpónú.

4

¹ Nnihé amóú Bulu lóbwé ʒbéé, móɓu mu ʒkpónú ʒdakpá há aní ámu itráa da. Mú sù mliha akí wankláán, méni iméeba ání mliɔ ʒku oméenya inu yó.

² Tsúfé bédá asón wankláán ámu ʒkan súná aní, fé amó, táme buɓmɔhɔ asón ámuɓu gyi. Mú sù imɔwa labi há amó. ³ Tsúfé aní ahá amóú anilahɔ mósú gyi amu obówie mu ʒkpónú ʒdakpá inu. Ahá amóú buɓmɔhɔ mósú gyi amu mó á, Bulu lébli tswí ʒbéé,

“Nɔnya ʒbló, ká ntam mbéé,

‘Ní bówie mí ʒkpónú ʒdakpá inu fíin! Neká nǎtón!’ ”

Ibu mótó ání Bulu léhúhie òkpónú òdakpá inu yáí tsú bréá òlele òyí òpá. ⁴ Tsúfè bōwanlín eke siénósí amu iwí asón wá Bulu asón ámutò bée, “Èke siénósí a, Bulu léda òkpónú tsú mu gyumagyihe fèéftó.” ⁵ Fè alíá anlanú bōtsun a, Bulu òbée, “Ní bōwie mí òkpónú òdakpá inu ffin! Nèká nòtón!” ⁶ Iní dēsuna ání ako mú bōwie inu. Táme ahá ámúú begyankpá nú ason wankláán ámu bumenya inu yó, tsúfè bómobu mu. ⁷ Iní sù Bulu létrá hue eke bámbá, òletí mú “Nde.” Nfí tsòtsòtsò òma a, òlòtsun Owíe Dawidsu tóí tsú alí eke ánfí iwí, fè alíá ibu Bulu asón ámutò òbée, “Nde, ní mlonú Bulu òme a, mlimáwa asòtò-ònlín.”

⁸ Ní amú òkapú Yosua léha bēda òkpónú á, tekí Bulu métrá hue eke bámbá. ⁹ Iní sù òkpónú òdaké kwá ina òtsan ida gyo Bulu ahá, fè alíá Bulu léda òkpónú eke siénósí amu. ¹⁰ Tsúfè òhá ání olowíe òkpónú òdakpá inu é ladá òkpónú tsú mu é mu gyumagyihe kugyíkòtò, fè alí ámúú Bulu léda òkpónú tsú mu kle kugyíkòtò ámu. ¹¹ Mú sù mliha abò mbódí awíe òkpónú òdakpá inu, méní anitò òkòkò méésin òkpatò fè alí ámúú Israelfò ámu bōwa asòtò-ònlín, besin òkpatò ámu.

¹² Tsúfè Bulu asón ámu ibu nkpa, itayó agyómá. Ibu ogyá òun òdayí iya anyò kugyíku. Itéká òha alí yówie mu òkláa pò mú òjé offiakpa, mu ntsakpá pò mu awú nfòtò. Itegyí aní agywun pò tóá anitekke tsú aní klòntò asón. ¹³ Tòtòtò tamanjín Bulu! Tógýítò da yayá mu ansítò. Mu abóyòbu aní tsiátò akúnta kugyíku súná ní.

Aní Bulu Igyí Òhapú Dēhen

¹⁴ Aníbu igyí òhapú dēhen kpònkpòntí ání aladá fá òsúsú yó òbu Bulu wá. Mùgyí mu Bi Yesu. Iní sù mliha akíta Yesu anfi anidé mu iwí adánsíe gyí anfitò kinkíinkín. Anímádinkí ansí musu. ¹⁵ Tsúfè mu mú omegyí òhá ání omóonu aní así ní animétálí gyí iwísu. Ogyí òhá ání bāsò mu kí òkpagyíòkpasu fè aní, táme òmòbwe lakpan ekekèkè. ¹⁶ Iní sù mliha awa klòn, ayò Awitòlèpu Bulu obíá así. Fówun obówun aní nwe, wá awitòlè, kpá aní aní ohíánké.

5

¹ Lé bótélé igyí òhapú dēhen okugyíòku tsú mu aba anyánkòsòtò, òtelí amú nwun Bulu ansítò. Òtòhò atò hahé pò lakpan afòdiè-abòtò tsú amú wá, pòhá Bulu igyí. ² Mu onutò é òtamatalí gyí iwísu bré tsòtsòtsòtò. Mú sù otenyá klòn há ahá ání bómeyín òlala pò amóá bafwí òkpa. ³ Mú sù ilehián ání òbòbò afòdiè há mu onutò lakpan, fè alíá òtòbò há mu ahá. ⁴ Òhaa tamawá mu iwí numnyam òbée, Bulu igyí òhapú dēhen mùgyí. Mboún Bulu tétí òha, bwé mu mu igyí òhapú dēhen, fè alíá òbòbwe Aaron.

⁵ Alí kén Kristo onutò é mówa iwí numnyam ání Bulu igyí òhapú dēhen mùgyí ní. Mboún Bulu lébláa mu òbée, “Mí Bì gyí fò.

Nde nabwé fò Sí.”

⁶ Bōwanlín wá Bulu asón ámu òtínèku é bée, Bulu òbée, “Bulu igyí òhapú fògyí bré fèéftò, fè Melkisedek.”

⁷ Bréá Yesu tsie nkpa òsòlòu anfisú á, òlòpu kokóli móa isú bó mpái, kplón kóklókúú, pò mu atò kólíhé tswí Bulu ání òbétalí hò mu nkpa ansítò. Mu iwiasibá sum Bulu sù Bulu lónu mu mpái. ⁸ Ibu mótóá Bulu mu Bì ogyí mú, táme òlòtsun iwíòsintò asa òletalí bí alíá Bulubu ihíe igyí. ⁹ Iníá òbòbwe tógýítóá Bulu lówa mu bwe sù á, olemlí òkpa ání ahá ání bótòbú mu fèé

bótsun músó nyá nkpahóó ání itamatá. ¹⁰ Bulu léle mu súná ání ogyi mu igyi ðhapó ðehen, fê alá ðleyái Melkisedek.

Mlimási Hógyi Amoto

¹¹ Mbu asón tsòtsòtsóá abéblí tsú Melkisedek asón áni iwí. Táme mú asile súná mli íbówa ònlín. Tsúfê séi á, mlitráa mlimédé asón así nu òsasú. ¹² Teki bófun alí bré ánfító á, mlíamli asunápó, táme mlilétrá hián ðhá ání obósuná mli atò gyankpapóá íbu Bulu asón ámotò. Mógyí, mliléhián atosunánehá ðòpòn fê nyópo-ntsu. Megyí múá íbu ònlín fê atò wihé ntée atogyihe onutó. ¹³ Táme kebi bəbwé tónyópó. Omeyín tóá gyí yiləbwe. ¹⁴ ðhande tégyi tóá íbu ònlín, tsúfê alatsòntsùn ntobító kí, alakási bí yilə múa lalahé.

6

¹ Mú sù mlímátrá bitía aní ayabi ya əma. Mliha akasí múá íbéha aní abóyo nkpa, así Kristo iwí atosunáhé gyankpapó amoto plá laplá. Mehián ání abétrá suná ató tsú Bulu hógyi pó klòntòdamli tsú bwehéá itetí lowu iwí, ² atosunáhé tsú asúbo, íbì pòdínká ðhasú,* afúlikòsú pó Bulu asóngyí eke tráhe amu iwí. ³ Ní Bulu lótsulá á, múmó múá íbéha abóyo nkpa sòón abósuná mli ngya.

⁴ Ní ahá ání bawun Bulu wankí amu kí, badá əsósú atokiehé ðnó kí, banyá ðhe Wankíhé amu é kí, ⁵ badá Bulu asón ámóú íbu alé ámu pó bré ámóú íbéba amoto túmi ðnó kí, ⁶ mú əma bədida hógyito á, bətamatalí trá damli klòntò. Tsúfê amó onutó ámu trá bədē Bulu mu Bi ámu da mántá oyikpalíhesu, tsú mú lí bēe, ahá bəbwée mu ahinlá ní.

⁷ Anyánpósa aku bəgyi fê əsolóá itonu ntsuá nyankpo détswíe wólí músó, ató təwá alé, wá labi há ahá ámu sù ámóú bəðə mú ámu. Bulu toyúlá alí ahá ánfí odu. ⁸ Táme aku é bəgyi fê əsolúbú ání tunkpa múa awu aná təkwe músó, bətamawá labi. Ní bəmeki wankláán á, Bulu əbólwií amó, wá amó ogyá.

⁹ Táme apíó adwepó, ní nde íni blí ó á, opúni medé mí tsií. Tsúfê nyin ání mlidé atò wankláán bwe, idesuná ání Bulu lahə mli nkpa. ¹⁰ Tsúfê tóá ida əkpa Bulu təbwé. Əméetan mli gymagyihe pó ədweá mlilalé súná mu tsú mu ahátsatə, mlitráa mli bu músó. ¹¹ Nhíe ndeklé mbéé, mlitə okugyíəku əbówa iwí əwonlín, bwé mú yəfun mú ðnómə, fówun itó ámóú mli ansí ðin músó ámu íbéba mútó há mli. ¹² Mmedékléá mli mlí əhétó awəlyəpó. Mbouín mlíkasi ahá ámóú amó hógyi pó amó íklonyə sù amó íbì bédá itó ámóú Bulu léhie yái ámu.

Bulu Lédinká Ibwi Tóá Əlehie Yáísú

¹³ Bréá Bulu léka ntam há Abraham a, əhaa má ínvá əðon mu Bulu. Mú sù mu onutó iwí əlópóká ntam. ¹⁴ Əbéé, “Nekáse, néhie yúlá fú. Néha fú abí-aná békłéi tsòtsòtsó!” ¹⁵ Abraham lénya klòn. Mú sù olenya itó ámóú Bulu léka ntam əbéé méha mu amu. ¹⁶ Ní əku əbéka ntam a, əhá ání əðon mu idá ətəpóká ntam amu. Isuna ání nweəngyí koku má mu ntam amu iwí. ¹⁷ Íni sù bréá Bulu dékléá obósuná ahá ámóú əlehie tó ámu há ámu ání əméetse mu agywuín ekekekeke á, əletanə mu iwí. ¹⁸ Bulu tamawá afunu! Mu tó ámóú əlehie yái ámu, pó ntam amu igyi atoku anyə ání íméetse ekekekeke. Íni sù aní ahá ámóú anílasrí tanu mu amu aníbu tóá abópəwá iwí əwonlín, akita tó ámóú anídé əkpa kí amoto kínkíínkín. ¹⁹ Aní əkpakí aní lakítá aní yái

* **6:2** Íbì pòdínká ðhasú igyi amándíe ání əpasua ahande bətəbwé pówá ahá ání balé há gyma ku gyí əpasua ámotò əwonlín, ntée pótsá ahá íbì, ntée pókólí Bulu ðhe Wankíhé há amó.

fé alá òtan tekítá obu líí. Aní òkpakú anfi tekpá aní, anitòtsv̀n tati ámóó isian òsósú Òwankíkpráto Òwankíkprá obu-òno ámutò wíe mótó. ²⁰ Aní sv̀ Yesu lagyankpá yó òbu obu ámutò inu dodo. Alamlí igyí òhapó dehen ání òbu inu bré f́éétó há aní fé Melkisedek.

7

Bulu Igyi Òhapó Melkisedek

¹ Melkisedek anfi á, owíe ogyi Salem. Òlòbwe òsósúósú Bulu amò igyí òhapó. Èke òku Abraham lóyòkò awíe abaná aku isá, gyí amósú. Bréá oleyinkí òbá á, olefia Melkisedek. Melkisedek lóyulá mu. ² Abraham léye atóá olenya tsú isá ámutò idú, òlòpò idúsí há Melkisedek. Idá ánfí así gyí, “Yilébwe Owíe.” Mu idá kule é gyí “Iwilwii Owíe,” tsúfé Salem así gyí, “Iwilwii.” ³ Bulu asón meblí asv̀ansv̀ tsú Melkisedek akwíró ntée mu úntò, mu kwí ntée mu lowu iwí. Òlèlian Bulu mu Bi ámu. Bulu igyí òhapó ógyi bré f́éétó.

⁴ Mlíki alá Melkisedek gyí òha kpònkprònkprònti òku. Aní náin Abraham kóráá léye mu atóá olenya tsú isátó idú, pò iku kule há mu. ⁵ Mose Mbla léha Lewi abí-aná, bogyi igyí ahapó ámu òkpa ání bvhóo ató yée idútó kule tsu amó ahá Israelfò wá. Ibv̀ mótó ání Abraham abí-aná amó é bogyi. ⁶ Melkisedek anfi mótsú Lewi abí-anátó, táme òlòhò Abraham ató yée idútó kule, yúlá Abraham mboún ámóó Bulu léka ntam há ámu. ⁷ Nwéengyí ma mó iwí ání òhá ání otoyúlá òv̀n òmóá bòdeyulá. ⁸ Yudafo igyí ahapó ámóó butòhò Israelfò ató idútó kule amv̀ butowú, táme òlòhò Abraham atóyeto idúsí anfi mó trá otsie nkpa fé alá Bulu asv̀n wanlínhé amv̀ déblí. ⁹ Ní anumòowa afunu a, abétalí blí aníaa, bré ámóó Abraham lópv̀ mu ató idútó kule há mu amv̀ a, Lewi abusuan ámóó butòhò Israelfò ató idútó kule amv̀ é beka mó tsv̀n Abrahamsv̀. ¹⁰ Tsúfé Lewi bv̀ mu nain Abraham iwíto, bvm̀akónyá kwí mu asa mu nain lópv̀ mu ató idútó kule há Melkisedek.

¹¹ Ibv̀ mótó ání Mose mbla ámu léblí ání Bulu igyí ahapó bvt́súu Lewi abusuantò. Ní bétalí há òha òbòfv̀n a, tekí Bulu métrá le mu igyí òhapó bámbá ání ogyi fé Melkisedek, omotsú Aaron abusuantò. ¹² Ní betse igyí ahapóle mbla ámu a, mómó ilehián ání bétse Mose mbla ámu é. ¹³ Tsúfé aní Wíe anfi anidé mu iwí asón blí ánfí otsú abusuan bámbátó. Abusuan ánfíto òhaa mókósúm afòdié-asubwi amv̀sv̀ kí. ¹⁴ Òhagyíòha yin ání Yuda abusuantò aní Wíe anfi otsú. Mose méti abusuan ánfí idá bréá òde abusuan oduá bóbwe Bulu igyí ahapó iwí asón blí.

Bulu Igyi Òhapó Bambá Aní Ogyi Fé Melkisedek

¹⁵ Bulu mbla ánfí tsée latráa wankí aní tsía, tsúfé igyí òhapó bámbá labèle iwí òwan fé Melkisedek. ¹⁶ Mbla dada amv̀ ilosuná ání Lewifò nkòle òbwéé igyí ahapó, táme megyí bæe mu anáin bvt́sú Lewifòto sù òlòbwe igyí òhapó. Mboún mu nkpa ání umòomò òno èkèkèkèkè túmíto òna òlòbwe igyí òhapó. ¹⁷ Tsúfé bòwanlín wá Bulu asón ámutò bæe, “Bulu igyí òhapó fógyi bré f́éétó, fé Melkisedek.” ¹⁸ Idesuná ání balé igyíha mbla dada amv̀ ibwi, tsúfé umòwa ogyá, umòwa labi é. ¹⁹ Tsúfé Mose mbla ámu métalí bwé tótòto ifv̀n. Séi á, Bulu lapó aní òkpakú wankláán ání idv̀n mbla dada amv̀ yáí mó otsiákpá. Múá ibèkpríá aní mantáa Bulu.

²⁰ Bulu léka Yesu iwí ntam ání òbóbwe mu igyí òhapó bré f́éétó. Òmeká igyí òhapó bámbá òkòkòv̀v̀kwí iwí ntam. ²¹ Yesu iwí ntam ání òleka bréá òlòbwe mu igyí òhapó gyí, “Mí Bulu, naká mí iwí ntam ání

igyí ðhapó fúgyi bré fээ́t́.
Mmээ́latse mí agywun!”

²² Ina ntam anfi su Yesu labɔbwe ɔma ɔlípó há Bulu nhuhíe ání ihíe bu alé ðun nhuhíe dada amu.

²³ Bulu igyí ahapó ámúú betsiá nhuhíe dada amu ɔnó ámu buhíe butso, tsúfée butowú sí agyómá ámu tswi. ²⁴ Yesu mó bu unu bré fээ́t́. Mó su mu Bulu igyíha mɔmɔ ɔnó ekekeeke. ²⁵ Mó su ɔtetáli hɔ ahá ání butatsun musu ba Bulu wá fээ́ nkpa plíplíplí. Tsúfée otsie Bulu wá, ɔde mu kokóli amú nwunso bré fээ́t́.

²⁶ Yesu gyí Bulu igyí ðhapó dehen onutó ání anudéhián ni. Mu iwí letun, tsitsa kuku uma mu iwí. Lalahé kukuuku é uma muto. Bulu léle mu lé lakpan abwepú ɔkpasu, há mu otsiákpá fuáhé ɔsúsúúsú. ²⁷ Imehián ání mu mó obégyankpá bó mu lakpan iwí afɔɔɔie, fé igyí ahapó dehen atráhe amu. Amó mó betsiá bó há amú onutó lakpan ekekegyíeke, asa bɔbɔ há ahá atráhe. Ɔtsáwɔle pé mu mó ɔlɔbɔ afɔɔɔie há ahá fээ́ lakpan, bréá ɔlɔpu mu iwí bó afɔɔɔie ahá fээ́ nwunso. ²⁸ Mose mbla léha ahá ání bapɔn bɔbwe Bulu igyí ahapó dehen. Táme mbla ámu ɔma a, Bulu léka ntam lé mu Bi. Alahá mu Bi ámu labwé mu igyí ðhapó dehen ání ɔlafun bré fээ́t́.

8

Ani Igyí Ɖhapó Dehen

¹ Asón ání ndeblí fээ́ gyí, anibu Bulu igyí ðhapó dehen ání ógyi ali, otsie Bulu Otúmípu amu obiá gyɔpɔsu ɔsúsú. ² Ɖde Bulu igyí ha Ɖwankíkpáto Ɖwankíkpá onutó ání ibu ɔsúsú unu. Mó mó á, Bulu onutó léyi mó, megyí nyankpɔsa.

³ Bulu igyí ðhapó dehen okugyíɔku á, mu agyómá gyí, ɔbɔpu ahá ámu atɔ hahé pú amó afɔɔɔie-abotó há Bulu. Inu su ilehián ání anu Bulu igyí ðhapó dehen Kristo é obénya tɔá ɔbɔpuhá Bulu. ⁴ Ní ɔsulúv anfɔsu óbu a, teki ɔmɔɔbwe Bulu igyí ðhapó ekekeeke. Tsúfée Bulu igyí ahapó onutó bubu unvá butehá Bulu igyí Mose mbla ɔnó. ⁵ Igyí ahapó amu butatswe Bulu igyí ɔhakpá ání ilelian ɔsúsú tati-obu ámu. Inu su Bulu léda Mose ɔlá bréá ɔbɔbwe tati-obu ámu ɔbée, “Ki ání fɔbwe tógyító fé obu ámúú nele súná fú ibusu unu ámu odu pépéépé.” ⁶ Táme Yesu igyíha agyómá ámúú Bulu léha mu amu léhié fúá ðun ɔsulúsu igyí ahapó dehen amu klé. Ntam pɔpwe ámúú ibu ania Bulu nsiné, Yesu gyí mó ɔma ɔlípó amu é ihíe bu alé ðun ntam dada amu. Tsúfée ɔlehié atoyiléá mɔbwe há anu wá mótó.

⁷ Ntam gyankpapu amu unafun. Ní ilofun a, teki nyɔɔsi metrá hián.

⁸ Táme Bulu lówun ání anyánpɔsa bumebí bwé. Mó su ɔleblí ɔbée, “Eke ɔku ibá. Mí mli Wie déblí.

Mía Israelfɔ pú Yudafo abéka ntam pɔpwe.

⁹ Imɔɔbwe fé mó ámúú iletsiá mía amú anáin nsiné,

bré ámúú nekítá amó ibi, kpá amú dali Egyipte ɔsulúsu ámu.

Tsúfée bumegyi mí ntam amusu.

Inu su nesi amú iwí há amó.

¹⁰ Ntam anfi obétsiá mía Israelfɔ nsiné eke ámu ni. Mí mli Wie déblí.

Nɔpu mí mbla wá amú nwuntɔ,

nówanlín mó dínká amú klonsu.

Nɔbwe amú Bulu,

amú é bɔbwe mí ahá.

¹¹ Amótó ɔkoko méétrá suná mu pio,

ntée mu ba obée,

obú Bulu.

Tsúfée amó fée bēbi mí.

Tsú nyebísó yófun ahandesu.

12 Nési amó lakpan kíé amó.

Mméétrá kaín lalahéá babwésú.”

13 Ní aní Wíe dē ntam pəpwe iwí asón blí á, mómú ilosuná aní dada amó itráa ma labi mu ansító. Tóá uladan bwe dáda a, wu itowú.

9

ጋሥሌህ ሌባ ጋሥሌህ ቢህሲም

1 Bulusúm mbla letsia Bulu ntam dada amoto. Bəbwe tati-obu aní bósom Bulu mótó əsləslə nfi. 2 Bəpu tati tin tati-obu amó ənó, bəpu ikole é ká mótó. Beti obu gyankpaw amoto bəe, ጋwankíkpá. ጋkandíe-oyí aní butonywé nkandíe bian mósó pú əpónú aní bodobodoá bapóhá Bulu igyí idin mósó bu inu. 3 Obu nyəəsi amóú ibu tati nyəəsi amu əma amoto butetí, ጋwankíkpátó ጋwankíkpá ni. 4 Sika pəpə əfədiə-asubwi bu inu. Bulu Ntam-dáka aní bəpu sika pəpə piatá mú iwí fée é itsie inu. Butəwá əhién ogyá əfədiə-asubwi amusu. Atoku asa búv Bulu Ntam-dáka amoto. Múgyí, sika pəpə əlankabi aní atogyihé kuá beti mú mana bu mótó, Aaron oyi yíáhé amóú iləpəi amu pú abwi pétéplé anyə amóú Bulu lówanlín mu mbla dínká mósó amú é bu mótó. 5 Bəbwe Kerubim anyəá bəbu numnyam, bugyi ntobí akvá bəbu abámba dínká ntam-dáka amu obuasu. Amó fée betinkí amó abámba fia aba, ilobun dáka amusu. Amó nsiné inu Bulu tesi ahá lakpan kíé amó ní. Táme megyí séi abéle asón ənfi asi.

6 Alí bela ntobí amu yái inu ní. Bulu igyí ahapú amu butowíé obu gyankpaw, igyi ጋwankíkpá amoto ekekegyíeke yóyo amó agyómá. 7 Bulu igyí əhapú dehen pé towíé obu nyəəsi, igyi ጋwankíkpátó ጋwankíkpá amoto. ጋtsáwule pé otowíé inu ofitó. Ilehián aní əbəpu əbwi obugya aní əbəpəbó əfədiə há Bulu mu onutó nwunsu pú ahá lakpan aní bəbwe, bəmeyín su ya inu. 8 Tóá ጋhe Wankíhé amu désuná tsú ntobí ənfi iwí gyí, ጋwankíkpátó ጋwankíkpá inu əkpa lefin wa amó bréá tati-obu amú gyí amó Bulu ətswékpa. 9 Iní igyi atosuanhé há nde əyi kehe. Idesuná aní ibu mótóá butəpó atə hahé pú əfədiə-abətó há Bulu igyí, táme iméetalí há mú əhapó amú kləv isi mu ipón ha aní mu iwí latin tsú mu lakpantə. 10 Tsúfée ntobíá igyi, atogyihé, atonuhe pú amándíe aní nyankpəsa təpəgyóra iwí keke mbla amú losuná. Bulu lóbwe mbla amú fée há nyankpəsa, aní əkíta mótó bəfun bré ənfi alabwé əkpa pəpwe aní bəpəbwe mú ənfi, animéétrá bwe dáda amu.

11 Kristo labəbwe Bulu igyí əhapú dehen há atə wankláán amóú ilaba amu. Mu tati-obu aní əbu mótó bu əsósú. Inu tati-obu amú dən əsləslə klé, iləfun dən mú é. Megyí nyankpəsa lóbwe mú mú, imotsú əyí ənfitə é. 12 Megyí atrəkpa pú nnantswie yínhé obugya Kristo ləpəya ጋwankíkpátó ጋwankíkpá inu. Mu onutó obugya ələpəya inu, ələpəká anu nwunsu ikə ətsáwule pé, anlénya nkpa aní itamatá. 13 Mose mbla amú ənó á, akpaláa pú nnantswie obugya pú ənantswiebí aní bawá mu ogyá, alahə nsúó butowúnnya wolí ahá aní ifin lada amó, pəgyóra amó. 14 Ní betalí bəde mbwi obugya kóráá putun ahá iwí á, ntogyi su Kristo obugya méetalí tun ahá iwí dən? Kristo lətsən ጋhé amóú ibu inu bré fée amusu, pú mu iwí lé mbusuo aní iləfun há Bulu. Mu obugya amu ibétun anu kləntə tsú bwehéá ibəkpa anu wá lowuto iwí, ménu abéetalí süm Bulu ጋkiankpaw amu.

¹⁵ Iní sù Kristo gyí ntam pəpwe ání əbù Bulu mwa anyánkpoša nsiné əma əlípó, ménì ahá ámóú Bulu latí ámu bénya ató ámóú itamayíntá, əlehiə yáí há amó ámu. Tsúfé Kristo lowu ámu ilahá amó bagyi iwí tsú lakpan ámóú bəbwe bré ámóú bəbù ntam gyankpapu amu asi ámúto.

¹⁶ Ní əkù əwánlín nhúhé há mu atótó yéə tsuwi a, otowú asa itəyó agyómá. ¹⁷ Tsúfé nhúhé ámu ima labi bréá əhá ámu onutó tsie nkpa. Mu lowu əma itəwá labi. ¹⁸ Iní sù bəpu obugya sí Bulu ntam gyankpapu amu ésó asa ɔəyɔ agyómá ní. ¹⁹ Tsúfé bréá Mose lékla mbla ámu féé súná Israelfə tá á, ələpu ntsu fráa nnantswie pú akpaláa obugyato, pú kufa iwí imi pəpə móa ífá kuá butetí mú Hisop wúnnya obugya fráhe amu wólí mbla əwólú ámu pú ahá ámu féésó. ²⁰ Mú əleblí əbéə, “Obugya ání ndepusi ntam ání Bulu laká há mliə ní.” ²¹ Alí kén ələpu obugya amu ku wúnnya tati-əbu pú ntobí ámóú butəpótswə Bulu ámu féésó ní. ²² Lélé mú Bulu mbla ámu ənó á, abétalí blí aniaa, obugya butəpógyóra tógyító. Ní bəməpu obugya lé mbusuo á, lakpansikíé tamaba.

Kristo Afədie Télé Aní Tsú Lakpantə

²³ Alí ilehián ání bəbwe amándíé ánfí pógyóra ntobí ánfí igyi fé əsósó klé amu ní. Táme əsósó klé amu ilehián afədie ání ihé dən əsolósu klé ánfí. ²⁴ Iní sù Kristo mówie tati-əbuá nyankpoša ləpu mu ibi bwé, igyi fé əsósó klé amu oduťó ní. Əsósó ələyɔ yélu Bulu ansító, əde mu kokóli ha aní. ²⁵ Əməpu mu iwí yóbə afədie tsenyə-tsesa, fé alí ámóú Bulu igyi ahapú dehen amu butəpú mbwí obugya ya əsolósu Əwankíkpátə Əwankíkpá mu offigyiofi amu. ²⁶ Ní alí igyi á, tekí ilehián ání Kristo obétsiá wun iwəəsun wú tsé dú tsé lafa, tsú bréá əyí lefi asi əpá. Mboún alalé iwí əwan əyí ənóməbí ánfí, pú mu iwí bəbə afədie ətsáwəle pé pólé ahá tsú amó lakpantə. ²⁷ Igyi fé alíá ɔda yáí ání ətsáwəle pé əha obówu. Mú əma a, Bulu obégyi mu asón. ²⁸ Alí kén Kristo ləpu mu iwí bó afədie ətsáwəle pé, pólé ahá tsətsəətsə tsú amó lakpantə ní. Mú sù ní əlé iwí əwan otse nyəəsi a, imehián ání əbétrá bwe tətə tsú lakpan iwí. Mboún ahá ání bohíé butsie bugyo mu nkpa əbá bəhə.

10

¹ Alí ámóú Mose mbla léle súná ání bəpóha Bulu igyi amu ilehan mú ámóú ɔbéba amu keke. Mú onutó ámu Kristo labəbwe á. Afədie oloku əkule amu betsiá bó há Bulu offigyiofi. Táme imetalí há ahá ámóú butəbeha igyi amu abufən Bulu ansító. ² Ní ɔletalí tin amó iwí Bulu ansító ətsáwəle pé á, tekí besi afədie ámu bə, amó klən é ilesi amó ipón ha ání babwé lakpan. ³⁻⁴ Tsúfé nnantswie yínhé pú atrukpa obugya méetalí lé nyankpoša tsú mu lakpantə ekekekeke. Mboún ha itehá mu ətekáin mu lakpansu offigyiofi. ⁵ Iní sù bréá Kristo əbá əyító á, əlebláa Bulu əbéə, “Megyí atə hahé móa afədie fódedunká.

Mboún əyólú fəla yáí mí.

⁶ Fú ansí megyi mbwí tóhé
pú lakpan afədie iwí.

⁷ Mú nəblí mbéə, ‘Mí Bulu, mí ní.
Nəbá bəbwe fú apé,

fé alíá bəwanlín mí iwí asón wá
fú ason wanlínhé amúto.’”

⁸ Olegyankpá blí əbéə, “Megyí afədie móa atə hahé, mbwí tóhé pú lakpan afədie fódedunká. Fú ansí megyi mú iwí.” Əleblí alí, támə mbla əkpasú ilehián ání bəbwe mú. ⁹ Mú əletrá blí əbéə, “Mí Bulu, mí ní. Nəbá bəbwe fú apé.” Mú sù Bulu lalé afədie dada amu ibwí, pú Kristo afədie ámu wá mú

otsiákpá. ¹⁰ Yesu Kristo lóbwε Bulu apé, pó mu iwí bó afódiε aní nwunso otsáwóle pé, há bré fée. Mú su aní iwí latin.

¹¹ Igýí ðhapú okugyíáku telíí bó afódiε oloku ókole amó ekekegyíεke. Afódiε-abótó ámúóf tenyá póbó mú tsé dú tsé lafa ámu kén ðapóbó mú ní. Táme afódiε ánfi méetalí lé ahá tsú amó lakpanε ekekeεke. ¹² Kristo mú lénya bó lakpan iwí afódiε otsáwóle pé ámu a, ðeta fée, oleyétsiá Bulu gyópuso. ¹³ Tsú alí bré ámúto ðpá otsie ino ogyo bréá Bulu óbópu mu alupó bwé mu ayabi oyíkpa. ¹⁴ Mu afódiε kole pé ámu ðahá ahá ámúó Bulu lapó amó bwé mu kle amó bafon ha bré fée, ðlala kókukóku itráa ma amó iwí.

¹⁵ ðηε Wankihé é légyi mú iwí adánsie súná aní. Olegyankpá blí óbée,

¹⁶ Aní Wíε óbée,

“Ntam anfi obétsiá mía amúnyo nsiné,

bré ámúó íbá ámúto ní.

Nópu mí mbala wá amó klónto,

wánlín mú wá amó nwuntó.”

¹⁷ ðletrá blí óbée, “Mméetrá kaín amó lakpan pó amó lalahεsu ekekeεke.”

¹⁸ Mú su ní Bulu lasí lakpan kíé á, múmó mú iwí afódiε kóku itráa medéhián ε.

Mliha Akpókpε Manta Bulu

¹⁹ Iní su mí apíó, Yesu obugya amó su aníbu ókpa wíε ósúsú ðwankíkpátó ðwankíkpá ino faan. ²⁰ Mu lowu ámu su alafínkí tati ámúó bəpóká obu ámúto ámu há aní. Múgyí ókpa pəpweá itehá aní nkpa ní. ²¹ Aníbu Bulu igýí ðhapú ðehen kpənkpənkpənti ókuá óde Bulu ahásu kí. ²² Mú su mliha apu íklon ání íbu ónəkwalí, pó hógyiá mú ónó bu ónlín kpókpε manta Bulu. Tsúfé alapú Kristo obugya gyóra aní. Aní klon méetrá ha aní pón, alapú ntsu wánkíhε é fwí aní iwí. ²³ Mliha akita tó ámúó anidé mú iwí adánsie gyí, anidé mú ókpa kí amúto kínkín, tsúfé ðnəkwalípu Bulu gyí. Óbóbwe tóá ðlehiε ání móbwε há aní. ²⁴ Mliha akí alíá íbóbwe abówa aba ówónlín, ódwe móa yilébwetó. ²⁵ Mlumáha asi aní ofiakpa yo, fé alíá aku bodebwε. Mboún mliha atra wa aba ówónlín tsíá. Tsúfé mlidéwúun ání aní Wíε óbáke ámu ídekpóké bá.

²⁶ Mí apíó, lakpan iwí afódiε kóku itráa ma ino há aní, ní akí ansí bwé lakpan bréá anilabí ónəkwalí amó. ²⁷ Mboún tóá ilasí gyí, abétsiá ifúsú gyo Bulu asón ogyíkε pó ogyá kpənkpənkpənti ámúó íbóhó Bulu alupó ámu. ²⁸ Ní ahá abanyó-abasá begyi óku iwí adánsie, ání alakíná Mose mbala ámu su gyí a, butámó mu. Butamawun mu nwe. ²⁹ Múmó ní óku ókí Bulu mu Bi ámu ansító kótíkótí, omobu ání mu obugya amúó Bulu lópusí mu ntamsu, ðogyoráa mu iwí ámu bu íbíá, olesia Bulu awítale ðηé ámu mú á, mu ísubítí ání óbéhiε nyá méεba kí. ³⁰ Tsúfé anyin ání Bulu léblí óbée, “Mí, mlí Wíε téká lalahε íko. Mí óbéka aha laláhe akó amó lakpan su.” ðletrá blí óbée, “Mí, mlí Wíε obégyi mí ahá asón.” ³¹ Íbu ifú ání fékpa wíε Bulu ðkiankpapu amó agbláto.

³² Mlumátan bré ámúó Bulu wankí lówankí wólí mliεu ámu su. Mlikan ání alí bré ámúto á, mlilótsun iwíεsin tsətsətsəto, táme mliléí kínkínkín. ³³ Betsiá síá mlí, wá mlí iwíεsin ahá ansító. Bré koto é á, mlilétsa ahá ání bode iwíεsin ámu odu wúun. ³⁴ Mlilósú ha obu adípú. Bréá ahá bəpu ówónlín swíí mlí ató á, mlilési há amó ansigyísú. Tsúfé mliyin ání mlíbu atóá íbu alé ðun mú, íbétsiá bré féeétó. ³⁵ Mú su imákpən mlí. Mlikita iwí, amlilú kínkín, tsúfé mlíbu íkəká kpənkpənkpənti Bulu wá. ³⁶ Ílehián ání mlótomi, méní mlétalí bwé Bulu apé, fówun mlénya ító ámúó Bulu léhiε yáí há mlí ámu. ³⁷ Tsúfé bəwanlín wá Bulu asun wanlínhé amúto bæε,

“Iméegyi nke koku Bulu obówotií.

Omówa opa.

38 Ahá ání amó hógyi sɔ Bulu latsú amó ání amó asón da okpa obétsiá nkpa. Táme ní amótó oku mówa klɔn kítá iwí mɔ hógyitɔ, oleyinkí oma mó á, Bulu ansí méegyi mɔ iwí.”

39 Táme anumégyí fé ahá ání badámlí oma há Bulu, bafwí. Mbóún anígyí ahá ání amó hógyi lahɔ amó nkpa.

11

Hógyi

1 Hógyi gyí ansí pɔdínká tóá fɔmákówun, táme fɔde mó okpa kísɔ. 2 Ahá ámóú betsiá bímbí ámɔ hógyi sɔ Bulu ansí légyi amó iwí.

3 Aní hógyi sɔ anilébi ání asón Bulu léblí pólé ayí. Mú sɔ tóá ansíbi towun ledali tsu tóá ansíbi tamawuntɔ.

4 Hógyitɔ Habel lópu mɔ atɔ hahé ání ɔbu alé dɔn mɔ dehen Kain klé há Bulu igyí. Mɔ hógyi sɔ Bulu ansí legyi mɔa mɔ atɔ hahé ámɔ iwí, olotsu mɔ ání mɔ asón da okpa. ɔbu mótóá olowu dododo, táme mɔ hógyi amɔ sɔ ɔtráa ɔdetáí bɔfɔn nde.

5 Hógyi sɔ Enok mówu asa Bulu lótsu mɔ, ohaa mówun mɔ. Bulu asɔn wanlínhé legyi mɔ iwí adánsiɛ ání olegyi Bulu ansí asa olotsu mɔ náti.

6 Mlíki, ohaa méetalí gyi Bulu ansí ní omohɔ mɔ gyi. Tsúfé ilehián ání ohá ání obéba Bulu wá obóhogyi ání Bulu bɔ ɔnu, ɔteká ahá ání bɔtodúnká mɔ íkɔ.

7 Hógyitɔ Noa lónu asón ání Bulu lébláa mɔ tsú tóá imákónyá ba iwí. Olobu Bulu, sré dáka kpɔnkpɔnkpɔnti, póhɔ mɔa mɔ wóyító ahá nkpa, bréá ntsu lɔbulá. Mɔ hógyi amɔ sɔ ayító ahá begyi pón, ɔlɔbwe ohá ání mɔ asón da okpa Bulu ansító.

8 Hógyi léha Abraham lóbu Bulu bréá Bulu lébláa mɔ ɔbéɛ, ɔdálɔ mɔ ɔmátó, ɔyo ɔsolúbɔ ání mɔ Bulu léhie há mɔsɔ. ɔlenatí dálɔ mɔ ɔmátó, omeyín ɔtínéá ayó. 9 Hógyi léha ɔlɔyóɔbwe ɔfɔó ɔsolúbɔ amóú Bulu léhie yáí há mɔ amɔsɔ. Tati-obuto oletsia ɔnu. Alí kén Isak mɔa Yakob ání Bulu léhie ɔsolúbɔ amɔ yáí há é betsiá tati-mbuto ɔsolúbɔ amɔsɔ ní. 10 Tsúfé Abraham létsiá tati-obuto, ogyo wúlu kpɔnkpɔnkpɔntiá Bulu léda, imóobwie ekekeke.

11 Hógyi léha Abraham mɔa mɔ ka Sara benya obí kwíí. ɔbu mótó ání badan tsɔn ikwíusɔ, Sara é ménya ikwíí. Abraham lóhogyi ání Bulu obégyi tóá alahíe yáísú. 12 ɔni sɔ ɔmá kén ání bɔma íklátó, bɔtsɔ fé ntsrakpabi ntéɛ ɔpu ɔnó ɔsi belin tsu Abraham ání aladan tsɔn ikwíusɔtɔ.

13 Hógyitɔ ahá ánfí féé bowu. ɔbu mótóá amó ɔbi mɛda atóá Bulu léhie yáí há amó asa bowu. Táme bowun mó sísí, amó ansí légyi mó iwí. Botsu mó ání afɔó pó okpa atupó bɔgyi ayí ánfítɔ. 14 Ahá ání botsú mó alí bɔdele súná ání bɔde ɔmá ání ɔbóɔbwe amó onutó klé dunká. 15 Ní bɔde ɔmá ámóú bedali tsu mótó ámɔ iwí susúu a, tekí bodunká okpa yínkí yó ɔnu. 16 Táme ɔsósú ɔmá ání ɔbu akíle dɔn mó ámóú bedali mótó ámɔsɔ amó ansí dín. Mú sɔ ima Bulu péli ání bétí mɔ beɛ, amó Bulu. Tsúfé alalá wúlu kpɔnkpɔnkpɔnti kv yáí há amó.

17 Hógyi léha Abraham lékitá mɔ bi Isak ayóɔbɔ afɔdiɛ há Bulu bréá Bulu lóso mɔ ki. ɔbu mótóá obí ánfí Bulu léhie mɔ ání ɔbókwi ní, táme ɔmɔtswe mó kpókpu. ɔlɔkúsó pó mɔ bi ɔkɔkónú ɔkule amɔ ayóɔbɔ afɔdiɛ ámɔ. 18 ɔbu mótóá alí bré ámɔtɔ á, Bulu labláa mɔ ɔbéɛ, “Fó bí Isak abí-aná ɔbóɔbwe fó abí-aná ní.” 19 Táme Abraham lótsu mó ání Bulu ɔbétalí tsínkí Isak. Lélé mó, okpa ɔkɔsɔ á, ɔlɛlanyá Isak fé ohá ání Bulu lakúsɔa tsu afúlitɔ.

²⁰Hógyi léha Isak lóyulá mu atabí Yakob mu Esau. Mu ansí dun ání Bulu obóbwe tásá òlehie há amú ekekó.

²¹Hógyitò bréá Yakob obá bowu á, oloyulá Yosef abi anyò ámu, olobun mu oyi yíáhésu súm Bulu.

²²Hógyitò bréá Yosef obá bowu á, òleblí obéé, Bulu obéle Israelfò tsú Egipte omátó. Mú su òleda amú òlá obéé, bumási mu awú tswi mu.

²³Hógyi léha bréá bəkwí Mose a, bəpu mu njáin tsra asa. Tsúfé bowun ání obu akíle. Mú su bumenya owíe amu mbla ání òlòwa tswi ifú.

²⁴Hógyi léha Mose lékiná ání bumátu mu Egipte owíe mu bi tsíhé mu bi bréá òledan. ²⁵Olotsulá ání bəwáa mu Bulu ahá iwiasintò, dun ání obénya lakpanbwe iwí ansigyí bré itinbí. ²⁶Olotsulá ání busópa mu Kristo su. Tsúfé ibéhié wá labi há mu dun ání obénya Egipte atonyahé féé. Mu ansí dun ikóá Bulu obéka mu ekekúsó.

²⁷Hógyi léha Mose lénatí Egipte omátó, omenya owíe amu oblé ifú. Mu ansí dun Bulu ání ohaa tamapú ansíbi wunsu. Mú su olotomi, omeyinkí oma. ²⁸Hógyi léha mu òleha Israelfò befi Katsun Nke gyí asi. Òleha amú bəpu obugya kpá amú obu-òńó, ménu Bulu-obəpəá otómó ahá omáəpu ibi da amó bití.

²⁹Hógyi léha Israelfò bətsun Ɔpu Pepe amutò fé əsolúv wəlihesu bóna. Táme bréá Egiptefò é beə abətsun a, əpu amu lékitá amú.

³⁰Hógyi léha Israelfò benatí bómlí abuntíi ání bəpugyi iban wá Yeriko wúlu nkensíénó, ilobwie bun gbloo. ³¹Hógyi léha obu-òńó otsiápú Rahab mówu tsía ahá ání buməhə Bulu gyitò. Tsúfé òləhə Israelfò ansí awakipu afóá wankláán.

³²Ilehián ání nétrá wanlín iku é? Bré mətəsó ání nówanlín Gideon mu Barak pú Samson, Yefta mu Dawid, Samuel mu Bulu ɔńsú atópú amu hógyi iwí asún. ³³Hógyi léha amú bəko omá-omá gyi amúsú, bəbwe tásá ida əkpa. Benya atásá Bulu léhié há amú, beha agyatá ndatə lekí. ³⁴Bodun ogyá kpənkənti, buməsin isá. Hógyi léha amúá bəpən benya əwonlín, amú aku benya ikó túmi, gyi amú anyabásó. ³⁵Bulu létsinkí atsi aku afúli há amú. Ahá bəpítí amú aku ató alu mó amú. Mú óó á, bumotsulá kíná Bulu. Iləwa amú ədweá bómə amú dun ání bəyinkí Bulu oma, ménu Bulu obókusú amú, bénya nkpa ání ibu alé dun.

³⁶Bəbwe amútó aku ahinlá, pítí amú mpli. Bəwa amú aku ikan, pú amú tswi obu. ³⁷Beda amútó aku abwi mó, pú sáa bóí akutə, aku é besin ədayí ɔńó. Amú aku é beđi akúfa múa akpaláa nwəló-kpákpátó nátí kí, aku beđi akún. Beđinká akusu, wá amú aku é iwiasintò. ³⁸Teki megyí əyí ánfí oduə ahá ánfí bətsiá asa. Adimbító múa abusu benatí kí fé əkun abəpú, tsíá dí abwi alatə múa mbótó.

³⁹Amú hógyi só Bulu ansí légyi amú féé iwí. Ɔkukv ibi meda tásá Bulu léhié yái. ⁴⁰Tsúfé atásá ibu alé, ibówa labi iwí Bulu lóbwe agywun yái há ania amónyò féé. Mú su amú nkwe buméetali nyá mó, yófun bréá Bulu labwé ania amónyò féé anlafun mu ansító.

12

Ani Si Bulu

¹Anibv ədəm anfi bəpu hógyi tsíá ánfí odu bómlí aní. Mú su mliha aní é atswi tógýtásá ide aní bitíia ya oma pú lakpan ání ilakiklí aní kinkíinkín tsalifwí, atomi tsii əsrí amóbú ida aní ansító ámu. ²Mliha apu ansí duka Yesusu. Məgyí aní hógyi nfiasí pú mú ɔńómə. Iníá oyin ansigyí oduá ida

gyo mu sv á, olotomi wun ipian oyikpalíhesu wú. Omobu kpáí ání bókpaí mu tótó, alayó otsie Bulu owíe obíá ámu gyapísu.

³ Mlípukí ipian ání olotomi wun lakpan abwepó íbitó, bréá bolu mu, wá mu iwiasintó, méní òhé méeta mli, mli méesi mu hógyi. ⁴ Iwíá mlidépri le iwí lakpantó á, mli mókótáí pri yófon bréá mlési mli nkpa há. ⁵ Mli mátan itóí ání Bulu lótoí kplá mli ánfí mli gyí mu abísú. Òbée,
“Mí bí, ní nebití fú ísu á, máho mó lalahé sv.
Ní nòwá iyin wa fu á, máha mó ikpən fu.

⁶ Tsúfé òhá ání ntòdwé á, mu ntòwá iyin wa.

Òhá ání nòpóbwé mí bí á, mu ntebití ísu.”

⁷ Tomi wun ipian fé ísu bode fú bití. Bulu dé mli ísòbití fé mu abí. Tsúfé obí òmòmò bu ínuá mu sí tamabítí mu ísu? ⁸ Ní òmebití fú ísu fé alíá òtòbwé mu abí féé á, idesuná ání megyí mu bí onutó fúgyi, kletobi fugyi mu. ⁹ Aní òsolóv anísv así botebití aní ísu, anítobú amó é. Ntogyi só anímòotsulá ba iwiasí há aní Sí Bulu òvən amó, anya nkpa ání ítamátá? ¹⁰ Bré ítinbí pé aní òsolósv así bótòpóbítí aní ísu alíá bodeklé. Bulu mó á, alíá abówa alé sv òtebití aní ísu, méní aní é aní iwí bétin fé mu. ¹¹ Ní bode aní ísu bití á, ítehan aní alí bré ámuto. Ansí tamagyi aní. Táme ísòbití ámu òma a, anítòbwé yilé, tsíá iwílwíiitá.

Atosundhé Pó Oláda

¹² Mó sv mli máha abato iwu mli, akpawunutó ikpinkí mli. Mli wa iwí òwvnlín! ¹³ Mli ha mli tsiátó iwa alé, méní abubúpu amu bóméésin tsukole, mbóvín bénya òtsá.

¹⁴ Mli bò mbódí amlíha iwílwíi itsia mliha òhagyiòha nsuné. Mli tsia nkpa ání mó iwí letin, tsúfé òhá ání mu iwí métin móowun aní Wíe. ¹⁵ Mli kí ání mli tò òkòkòkò mókòholí Bulu awítòle amu. Mli tò òkòkò é mási asón wá mu klontó, méní òmòòpò asón wá mli nsuné, iyinta mli tò akò. ¹⁶ Mli kí ání mli tò òkòkò é mókòbwe mu iwí mbwa òtòpó, ntée òhá ání òtamabú Bulu fé Esau. Mólòpu mu hande tse òtsáwòle atogyihe. ¹⁷ Fé alíá mliyin yaí á, òma a, olobodunká obi dehen oyúla tsú mu sí wá, táme mu sí lékiná mu ha. Ibv mótsá òlehíe su kokólí mu sí, táme omenya mótsò kpá.

¹⁸ Megyi íbuá mlétáí pu íbì da así mlilaba. Òtínéá oklún tuun pó afú kpànkpànkpàntí bu, ogyá é idetsíí fé Sinaibu ámúó Israelfò bòyò mó así bréá Bulu dépu mu mbla há amó ámu así mlilaba. ¹⁹ Inó bonu òkpe lófólí kóklóókú, bonu òme kpànkpànkpàntí kv lèlín bláa amó asón, sv bokokólí beé itsia alí, bumedékléá betrá nu asvansu. ²⁰ Tsúfé bometalí gyí mbla ámúó Bulu lówa há amó òbée, “Ní òbwi òkò kóráá iwí ída íbv ámu a, budáa mu abwí mò” ámúsv. ²¹ Tóá bówun ínu lówa amó ífú. Mó sv Mose óó léblí òbée, “Ífú lahá mí ndekpinkí!”

²² Mli mó á, Sionbu así mlilaba. Bulu Òkiankpapò amu wúlu yilé, igyi òsús Yerusalem pó Bulu-abòpu mpím-mpím ansí ogyíkpa mlilaba. ²³ Bulu bití ámu abí, bogyi ahá ámúó bawánlín amó adá òsús ámu ofiakpa mlilaba. Bulu, ogyi ahá féé asón ogyípó amu wá mlilaba. Mli laba ahá ámúó Bulu latsú amó ání bafon amu akláa wá. ²⁴ Yesu wá mlilaba. Mogyí Bulu mwa anyánpósa nsuné ntam òma òlípó ní. Yesu obugya wúnyáhe amúó òpòv yilé ba òvən Habel obugya amu wá mlilaba.

²⁵ Mó sv mli kí wankláán, méní mli méekiná Bulu ámúó òde mli asón bláa amu. Tsúfé Israelfò ámúó bekiná asón ání òlòwa Mose blí Sinaibu así nu ámu bometalí srí sí ísòbití ámu. Ní aní é akíná òhá ánfí òdetóí tsú òsús ánfí òme nu á, aní ísòbití bódvən amó klé. ²⁶ Bréá Bulu lótoí Sinaibòsv á, mu òme léha òsolóv lekpinkí. Táme séi á, alahíe òbée, “Nétrá kpinkí òsolóv òtsáwòle,

kpínkí ɔ́sósó é tsía mótót.” ²⁷ “Nétrá kpínkí mó ɔ́sáwólé” anfi idesuná ání Bulu ɔ́békpínkí ató bwehé ámu, lé mó inu. Tóá iméekpínkí ekekeke pé obésian.

²⁸ Mó sɔ mliha ada Bulu ipán. Tsúfè iwíegyi ání iméekpínkí abénya tsú mu wá. Mliha abu mu, anya mu ifú, ménì abégyi mu ansí. ²⁹ Tsúfè lélé mó á, ogyá aní Bulu ámu gyí, ɔ́tɔ́hɔ́ ató plíplíplíplí.

13

Alíá Abégyi Bulu Ansí

¹ Mlikita mli aba Akristofó dwetó kínkínkín. ² Mlimátan afóhɔ́sɔ. Tsúfè móléha akó bohɔ́ Bulu-abɔ́pɔ́ afóó, imɔ́wankí amó ní. ³ Mlikan obu adípósó, fé mliha amónyɔ́ dá obu. Mlikan ahá ání bɔ́de iwíɔ́sɔn wúunsɔ, fé mliha amónyɔ́ dé iwíɔ́sɔn ámu wúun.

⁴ Akúlu móa aká bɔ́búu aba amó abatsiátó. Ɔ́kòkò mádalì mu ba ɔ́ma, tsúfè Bulu ɔ́bébití ahá ání bɔ́da ahá ání bɔ́megyi amó akúlu ntéé amó aká wá, pú mbua atópó féé isɔ.

⁵ Kóba asón umáɔ́n mli ɔ́dwe wa. Tóá mliɔ́u igyi mli ansí, tsúfè Bulu lablì ɔ́béé, “Mméenatí sí mli, ntéé kíná mli ekekekeke.” ⁶ Mó sɔ abétalí wá klɔ́n blí aníaa, “Mí Wíe Bulu gyí mí ɔ́bɔ́áɔ́.

Mó sɔ tɔ́tɔ́ mɔ́owa mí ifú.
Ntɔ́ nyankpɔ́sa ɔ́bétalí bwé mí?”

⁷ Mlikan mli nkpá agyáɔ́u amóó begyankpá bláa mli Bulu asón ámuɔ́u. Mlikí alíá bɔ́pɔ́tsiá, amlinya hógyi fé amó. ⁸ Alí amóó Yesu Kristo gyí igye ámu a, alí ógyi nde, alí kén obétsiá bré féé é ní. ⁹ Mó sɔ mlimáha atosunáhé ɔ́san-ɔ́san igyi mli ansí, ibitíia mli le ɔ́kpa wankláán ámuɔ́u. Iɔ́u aléá mléha Bulu ɔ́bówa awítóle há mli ɔ́hétó ɔ́wɔ́nlín, megyí atogyihe mbli, ání itamawá labi kòkò há mósú agyípósɔ gyí.

¹⁰ Aníɔ́u afóɔ́ɔ́e-asubwi kóá igyi ahapó amóó beha Bulu igyi ɔ́sólósɔ nfi ámu bɔ́ma ɔ́kpa gyi mósú ató. ¹¹ Bulu igyi ɔ́hapó dehen tɔ́pó mbwí obugya wíé Ɔ́wankíkpató Ɔ́wankíkpa inu yóɔ́bɔ́ amó lakpan iwí afóɔ́ɔ́e, bɔ́tɔ́pó aye amu mó ya mmuátse, yówa mó ogyá. ¹² Iní sɔ́ Yesu é lówu mmuátse, ménì ɔ́bɔ́pɔ́ mu onutó obugya gyóra mu ahá, amó lakpan sɔ ní. ¹³ Mó sɔ mliha adalì yɔ́ mu wá mmuátse inu, abɔ́kpɔ́i ania mɔ́nyɔ́. ¹⁴ Tsúfè anumá wúluá ibétsiá yó ɔ́sólósɔ nfi. Anígyó wúlu amóó íbá ámu. ¹⁵ Mó sɔ mliha atson Yesuɔ́u akanfɔ́ Bulu, íbwe afóɔ́ɔ́e ání anidépɔ́há mu ekekegyíeke. Mógyi ɔ́nótó asón ání anidépɔ́wá aní Wíe numnyam ní. ¹⁶ Mlimátan awítalewasɔ. Mliye mli atótó ha aba, tsúfè mó aná gyí afóɔ́ɔ́eá itegyí Bulu ansí ní.

¹⁷ Mliɔ́u mli nkpá agyáɔ́u, amlíba iwiasí ha amó. Tsúfè bɔ́tamadá ɔ́kpónó mli ɔ́klásókú sɔ. Bɔ́yin ání b́eyele alíá bɔ́pɔ́kí aní ɔ́klásɔ ɔ́nó Bulu ansító. Mliha amó abɔ́bwe amó agyómá ansigyísó, megyí nwesɔ. Ní megyí alí á, imóowa labi kòkò há mli.

¹⁸ Mlitsia bɔ́ mpáí ha aní. Nyin ání aní klɔ́n medé aní pón ha, táme anidékléá abétsiá tsiátó wankláán brégyíbré. ¹⁹ Nhíé ndekléá mliɔ́bó mpáí, Bulu ɔ́háa mí ansanki ba mli wá nkenyó ánfító kótóó.

Mpáí Tráhe

20-21 Iwílwíi Ɔ́hapó Bulu, ɔ́lòkɔ́sɔ́a aní Wíe Yesu Kristo tsú afúlító ámu ɔ́háa amlitali bwe yilé kugyíkúá odeklé. Nde mu kòkòlí mbéé, ɔ́tsúɔ́n Yesu Kristosɔ́ ɔ́bwe tóá odeklé anito. Yesu gyí akúfa Ɔ́kpaɔ́ kpɔ́nkpɔ́ntiá Bulu

lópυ μν obugya ká ntam amóú ιβυ ινο bré féeé, mva μν akúfa, bogyi μν ahá amv nsiné ní. Numnyam ιβwée μν kle yófon bréá itamatá! Amen.

Iklá

²² Mí apió, ιβυ mótóá owólú kútúklú nawánlín sísí mli. Táme nobwíí ιpa, mlyaa asv amlinu mótó asón ánι ndepwá mli owonlín. ²³ Nde mli ιβι ha ánι balé anι pío Timoteo obu. Ní owáwa asa bɔtv mí nfi mú á, nékpa μν abéba beki mli.

²⁴ Nehá mli nkpa agyápv pó Bulu ahá atráhe féeé itsiá. Akristofó amóú bvbv Italia omátó ámv é behá mli itsiá.

²⁵ Nde Bulu kokóli mbée, owáa awitole ha mli féeé! Amen!

Yakobo ጋግሴ

Itsiáha

¹ Mí Yakobo ání ngyi Bulu muḃa aní Wíe Yesu Kristo osúmbi dé ጋግሴ áñfi wanlín sísi mlí Bulu ahá* ání mlíladasáín wá ግyító fěé. Nde mlí itsiá ha.

Ansigyinya Ikplánto

² Apíó aba, ní mlowíe ikplán móa ason wunhetó á, ansí ihíe gyi mlí. ³ Tsúfě mlyin ání ní bəso mlí hóggi kɪ a, itehá mlitotomi tálí líí mlí ason wunhe fěé onó. ⁴ Ní mletálí tomi líí mó onó á, íbéha mlédan, wá alé, fón tógyítótó. ⁵ Ní mlitə oku léhián nyánsa á, okóli Bulu. Obéha mu faan. Omóowa mu pélitə, tsúfě Bulu təpə awitəle há ahá fěé nyánsa. ⁶ Táme ní fókóli mu a, pu hóggi kəli mu. Másusúu fəe oméeha fó. Tsúfě ní fəmohogyi ání obéha fó á, fəgyi fě əpəá ídá yó nkpa, íladá yó əma. ⁷⁻⁸ Ohá ání ogyi ali, mu agywun tamalíi tsukole əmádinká ansí obé, ménya tətəotə tsú aní Wíe Bulu wá, tsúfě mu agywun igyi anyə.

Ohian Pó Iwinya

⁹ Ansí igyi Okristoyin ání əma tətə, tsúfě Bulu latsú mu fúá. ¹⁰ Ní Bulu obá iwí onyapó é asi á, ansí igyi mu. Tsúfě mu nkpa bətsun fě oyi ntswítswi. ¹¹ Ali ámúó owí onó iwá ənlun, itó ífá, mó ntswítswi təbú kpákpáa; ífá ámu alé tetá ámu a, ali kén iwí onyapó déyə ədehá alu obówu ní.

Isókɪ

¹² Bulu toyúlá ohá ání ototomi ikplánto. Tsúfě ní əledali mútó á, Bulu obéda mu ipán, há mu nkpa ání itamatá, igyi isugyi-ɪpa ámúó əlehie obé, məpəhá ahá ámúó butədwé mu amu. ¹³ Ní bəso oku kɪ a, əmáblí obé Bulu lásə mu kɪ, tsúfě ohaa méetalí sə Bulu kɪ obé, əbwéə lakpan. Bulu é tamasə ohaa kɪ obé, əbwéə lakpan. ¹⁴ Nyankpəsa onutó əwóli laláhe témlé mu, bitíia mu wá isókito. ¹⁵ Əwóli laláhe təkwií lakpan. Lakpan é igyi ohasu á, itəpú lowu ba.

¹⁶ Mó su apíó adwəpó, mlímáha ohaa əmle mlí. ¹⁷ Atə wankláán pú atokiehé yilé kugyíku itsú əsúsó. Itsú aní Sí Bulu, əsúsó atə wankíhé Əbwəpú ámu wá. Ətamatsə fě əpa móa onyé. ¹⁸ Mu apétó əpəpə mu ənəkwalí asón kwíi aní, méni abóbwe agyankpəpə mu atə bwəhé fěétó.

Asónnu Pó Músógyi

¹⁹ Apíó adwəpó, mlínu. Mlíkwəsi nu asón asi. Mlí onó máwa əsa. Mlímkəsi nyá əbló é. ²⁰ Tsúfě əbló tamabwé tóá Bulu tekle. ²¹ Mó su mlíe tsiátó laláhe kugyíku le mlí nkpatə, amlísi lakpan bwe. Mbóun mlíba iwiasí, amlíhə Bulu asón ámúó aladú wá mlitə ámu. Mó obéha mlí əkláa obénya nkpa ní.

²² Mlíbwə dínka Bulu asón ámuə, mlímábwe mó anupó keke. Ní mləbwé mó anupó keke a, iwí mlídémle. ²³ Ohá ání onú Bulu asón, omegyí mósó gyi fě ohá ání alakí mu iwí ahuhwétó. ²⁴ Onyánátí mó asi pé á, alatan alíá olowun mu iwí. ²⁵ Táme ohá ání əleyaa asu nú Kristo mbła ámúó uləfon, itehá anitegyi iwí ámu, əmetan mósó, əde mósó gyi a, Bulu obóyulá mu əkpəgyíəkpəsu.

* 1:1 Yakobo létí Bulu ahá obé, abusuan dúanyə ámu.

²⁶ ǪhagyíǪha ání Ǫbéε mude Bulu súm, táme Ǫtamakítá iwí mu tóito á, Ǫde iwí mlé. Mu Bulusúm igyi kpaali. ²⁷ Bulusúm oduá mó iwí letin, asvansu ma mó iwí, aní Sí Bulu tekle gyí, mléki awumbi móa asurapusu amó ikplánto. Mléki ání Ǫyí ánfito lakpanbwe é iméegyí mliwu.

2

Fitáto Futi Ki

¹ Mí apíó, ní mliłahǪ numnyam Owíε Yesu Kristo gyi a, mliłáfutí fitáto ki. ²⁻³ Ní iwí onyapóá Ǫdidí tatiá iwu ibiá, Ǫłwa sika ató pǪ ohiániá Ǫdidí tatida bebá mli Bulu osúmkpá a, mliłáha iwí onyapó ámu otsiákpá, bláa mu mliıaa, obétsiá oyilékpá nfi; bláa ohiáni ámu mó mliıaa, otsiá asi Ǫtineku iwu, ntée odúnka Ǫtineku lu. ⁴ Ní mlobú ahá amó iwinya su á, mliłmókópǪ agywun laláhe gyi asón ní?

⁵ Apíó adwεpǪ, mliıyaa asu amlınu. Bulu léle Ǫyí ánfito ahiánfǪ Ǫbéε, buınyáa hóggyi ání mó ǪnǪ bu Ǫnlın, abutsia mu iwíegyí ámǪto, fé alı ámóú Ǫlelıε yáı Ǫbéε, mǪpǪhá ahá ámóú buǪǪdwé mu ámu. ⁶ Táme mli mó á, mliǪkpóı ahiánfǪ. Nfíte mli, megyí iwí anyapó ánfı tesisi mli, tswın mli mánsu, sáma mli wúlu ahande wá ní? ⁷ Megyí amó dé Kristo idayilé ámóú idın mliwu ámu kpóı ní?

⁸ Bulu mbla ámu féé nwun, bǪwanlın wá Bulu ason wanlınhé amǪto gyí, “Dwe fǪ bá fé fǪ iwı.” Ní mliǪdé mósó gyi lélé á, mómó mliǪdé ito wankláán bwe. ⁹ Táme ní mlofúti fitáto ki a, mliłabwé lakpan. Bulu mbla ámu lahá mli ipón. ¹⁰ Tsúfé fǪá fegyı mbla ámu féésǪ, táme fεpán kole pé á, fagyı pón ání fatǪn mbla ámu féé. ¹¹ Tsúfé Bulu lébli Ǫbéε, “Máto mbua.” Mu kén lébli Ǫbéε, “MámǪ Ǫha” é ní. Mó su ní fomǪkótǪ mbua, táme famó Ǫha a, fomǪkókíná Bulu mblasu gyı ní? ¹² Bulu ǪbǪpu mbla ánfı itehá anitegyı iwı ánfı gyı ahá asón. Mó su mliki wankláán, mli ason blihé pǪ mli bwehétǪ. ¹³ Tsúfé Ǫhá ání Ǫtamawun ahá nwe á, Bulu omóowun mu nwe. Táme ní fotowun ahá nwe á, Bulu obóowun fu nwe mu asón ogyíké.

Hóggyi PǪ Bwehé

¹⁴ Apíó aba, ní Ǫku Ǫbéε, mǪhǪ Bulu gyı, táme mu bwehé mosuná alı á, labı mǪmu mu hóggyı ámu bu? Mó odu iǪétalı há mu Ǫkláa obénya nkpa? ¹⁵⁻¹⁶ Nı fowun fǪ aba akw buma atǪ didáhé pǪ Ǫyı kehetǪ atogyııε, táme fomεha amó, febláa amó fεε, “Nεhá mli itsiá. Mliıtsia wankláán. Bulu Ǫkpáa mli, Ǫha mli tǪá idε mli hián” a, labı mǪmu fǪ ason blihé ámu ıłwa? ¹⁷ Alı hóggyı igyi ní. Hóggyı oduá yilébwe há fǪ bá ıma móto á, igyi hóggyı wıhé.

¹⁸ Ǫku Ǫbétalı bli Ǫbéε “Fubu hóggyı. Mı é ntǪbwé yilé.” Néle bláa mu mbéε, “Suná mı fǪ hóggyı amóú yilébwe ıma móto ámu. Mı é nǪsuná fǪ mı hóggyı tsú mı yilébwetǪ.” ¹⁹ FǪ hóggyı desuná ání Bulu Ǫkole pé bu iwu? Iwu alé! Táme bi ání Ǫhe laláhe féé bohogyı alı. Mó su butenyá mu ifú, kpınkı kpakpakpakpa. ²⁰ FǪ Ǫha mimláhe, fǪdekléá fǪwun ání hóggyıá itamabwé yilé igyi hóggyı kpaali? ²¹ Anı náın Abraham lǪbwe yilé Bulu ansıtǪ, tsúfé olotsulá kpá mu bi Isak yáa pututǪ, tekı ǪyǪmǪ mu bó afǪdıε há Bulu. ²² Mliławun alıá nanáın Abraham hóggyı pǪ mu bwehé lenatı? Mu bwehé su mu hóggyı lǪfon. ²³ Alı Bulu ason wanlınhé anfi ileba móto ní. Ǫbéε, “Abraham lǪhǪ Bulu gyı. Mó só Bulu lǪbu mu yilé ǪwεpǪ,” tí mu mu nyawie ní. ²⁴ Inı su séı á, mliııı ání yilébwe téhá Bulu totsú Ǫha ání mu asón da Ǫkpa mu ansıtǪ, megyı mu hóggyı pé.

²⁵ Alí ileba ha obu-óns otsiápú Rahab é ní. Bulu lótsu mu ání mu asón da okpa, tsú tóá òb̀wwe su. Ọ̀lọ̀pọ̀ Yudafo akvá beba bude ansí wa kí mu ọ̀mátó ńjín, òleha amó betse okpa srí.

²⁶ Alí ámuó ọ̀jé uma ọ̀hato ógyi itowuhé ámu a, alí ní yiléb̀wwe memá hógyisu é igyi hógyi wúhé ní.

3

Ọ̀dando

¹ Mí apió, mli fée mlimáb̀wwe iwí ató asunápú. Tsúfè Bulu obégýi aní ató asunápú anfi asón kinkíinkín. ² Aní fée anitepán brégyibré, táme ní ọ̀ku tamapán mu tóito á, mómó ọ̀lọ̀fón. Ọ̀bétalí gyi mu iwisu ọ̀kpagyíokpasu. ³ Apókí, dátòbi ku pé butópúwá ọ̀pónkò ọ̀nó, pódámli mu, súná mu ọ̀kpa pú tóá ọ̀bwéé. Itehá otobú aní. ⁴ Mlíki ntsusu-yibiá idin ntsu ansító. Ilomoní, afú kponkpònti tópo mú nátí. Táme ọ̀tabu pátáplábi ku tédámli mú, súná ọ̀tínéá iyóó. ⁵ Alí aní ọ̀dando é igyi ní. Igyi aní iwí itó túkúríibi ku. Táme itetálí blí asón akponkpònti pòtsú iwí.

Igyi fè ogya plenplenbi ání itowá ipó yilé ogyá. ⁶ Igyi ito laláheá iteyíntá ató fée aní iwí. Itokpóí nyankpusa, yíntá mu nkpatiátó fée. Isobití ogyá ání itamaduntó ọ̀dando ogyá ánfí tetsánkí tsú. ⁷ Nyankpusa tetálí bwé pututòmbwi, mbubwi, awò pú ntsutso mbwi akugyíaku butemántá. ⁸ Táme ọ̀haa mókótálí bwé ọ̀dando ọ̀manta kí. Itó laláhe ọ̀dando gyí. Ọ̀tamatsíá díín. Elín ání itómó són bó mú. ⁹ Anitópú aní ọ̀dando kánfú aní Wíe pó aní Sí Bulu. Mó kén anitópólwíí ahá ní. Táme Bulu onutó lób̀wwe nyankpusa fè mu iwí. ¹⁰ Ọ̀nó kole pé ámutò ikanfú móa ilwíí tedálí tsu. Mí apió, uma aleá ibéba alí. ¹¹ Ntsuá ibu anúle pú ntsuá uma anúle bétalí lun tsu ọ̀bón koleto? ¹² Mángo oyi bétalí swíé kankaba? Ntée baflé oyi bétalí swíé mángo? Ekekeke! Alí ntsuá ibu anúle méetalí lun tsu ọ̀bón ání mótó ntsu ma anúletó ní.

Nyánsa Aní Itsú Bulu Wá

¹³ Ní ọ̀ku bu nyánsa móa asón asinu mlitò á, mómó ọ̀púu mu tsiátó wankláán le mú suna tson mu bwehé pú mu iwiasibá ání itsú mu nyánsato. ¹⁴ Táme ní olu pú ọ̀nsípe tsiátó bu mutò á, mómó ọ̀mápu ibi sí kántó, blí ọ̀bée muobu nyánsa. Ní ọ̀blí alí á, alawá afunu dínká ọ̀nòkwali amosu. ¹⁵ Nyánsa ánfí odu motsú ọ̀sósó. Itsú ọ̀yító ató ọ̀magyáa, tsiátó laláhe, pú ọ̀je laláhe wá. ¹⁶ Tsúfè ọ̀tínegyíótíné ání olu pú ọ̀nsípe bu a, aba asumánú pú laláhebwwe tétsíá mu. ¹⁷ Táme ọ̀há ání mu nyánsa itsú ọ̀sósó á, gyankpapu, mu iwí letin. Ololwíí, ọ̀tòdwé ahá, ọ̀teba iwiasí. Otowun ahá nwe, ọ̀tòbwé yilé. Ọ̀tamafítí fitátó kí, ọ̀tòbwé ató tsú mu kluntó. ¹⁸ Ahá nsiné ọ̀lapó todú iwílwííá itópó yiléb̀wwe ba.

4

Ọ̀yító Ató Dwe

¹ Nto tétí ikó móa itré wá mli nsiné? Megyí ọ̀wólí laláhe ání ideklé igyi mliwu tópóba? ² Mliapó ọ̀nsípe mli dé ató klé, mli mé dé mú nya. Iní su mli dé ahá mo. Mli ansí depe ahá atósó. Mú só mli détré kó ní, táme mli ibi mééda mú kí. Tóá sá mli ményá gyí, mli tamakólí Bulu ọ̀ha mli. ³ Ní mlakólí kóráá á, ọ̀tamahá mli, tsúfè agywun laláhe mli tópo kólí mu. Ahá mlópówá iwí ansigýí su mli dé mu kolí. ⁴ Mli ladámli ọ̀ma há Bulu. Mli méyín ání ní mli dé ọ̀yító ató dwe á, mli dé Bulu lu? Ní fodeklé fée fódwe ọ̀yító ató á, futób̀wwe Bulu olupó. ⁵ Ntée mli dékí mli aa, kpaali Bulu ason wanlínhé amu ileblí ọ̀bée,

“Bulu tamatsúlá Ɔhɛ́ á múú ɔ́lɔpɔwá anító á múusu?” ⁶ Iní sù ɔ́tɔpú awítale tsɔtsɔɔtsɔ kpá aní, fé alá Bulu asún wanlínhé amu ðeblí ní. Ɔbée, “Ɔtɔkósú lí íwí atsupósú,

táme ɔ́tɔpú awítale kpá íwiasí abápu.”

⁷ Mú sù nde mli bláa mbée, mlibá íwiasí ha Bulu. Mlikusu lí Ɔbunsámsó, ɔ́bésrí náti mli wá. ⁸ Mlikpɔkpe manta Bulu, Bulu é ɔ́békɔkɔké manta mli. Lakpan abwɛpó, mlifwí íbí lɛ lakpanbwɛtɔ. Ahá ání mli agywíin igyi anyɔ, mliha mli klɔntɔ itin. ⁹ Mlisu, amlíha mli íwí íwa mli nwe, mli lakpan sù. Mli mósí ídámli isú, mli ansigyí imli péli. ¹⁰ Mliba íwiasí Bulu ansító, méní obótsu mli fɔ́á.

Aba Íwí Asón Bli

¹¹ Apíó adwɛpó, mli mátrá bli mli aba íwí asón. Mli mátrá tsii aba, kpóí aba. Ɔhagyíha ání ɔ́lele mu ba íá ntée gyi mu asón á, ilosuná ání ɔ́deblí ɔ́bée, Bulu mbla ámu íma alɛ. Iní désuná ání alatsú mu íwí ání ɔ́dun mbla ámu. Ní ɔ́dun mbla ámu a, múmó ɔ́medé Bulu mbla ámu bu. ¹² Bulu lówa mbla ámu. Mu pé ɔ́bétalí pó mú gyi aní asón. Mu pé ɔ́bétalí hɔ́ aní nkpa, ntée mó aní. Ní igyi alí mú á, fúgyí ma ání fégyi fú bá asón?

Ansí Pɔ́dínká Ɔkesv

¹³ Mliya asu amlinu. Mli ahá á múú mli ðeblí mli aa, “Nde ntée ɔ́ke abóyo wúlu yilé kusú, yétsiá unu ofi ɔ́kɔle gyi íbíá nyá íwí” ámu. ¹⁴ Mbée, mliyin ɔ́ketɔ? Mliyin alá mli nkpatsiátó bɔ́bwe? Mligyí fé agyinde, itedáli dínká, táme ítamawá ɔ́pá kɔkɔ, itɔfwí. ¹⁵ Mú sù tóá ilehián ání mléblí gyí, “Ní Bulu lótsulá há aní nkpa á, abóbwe iní ntée iní.” ¹⁶ Ní imegyí alí á, ilosuná ání mli ðé íwí tsu, pó íbí sí kántó. Lakpan íwítsú ánfí odu gyí.

¹⁷ Mú sù ɔ́há ání oyin itɔ wankláán, táme ɔ́tamabwé á, ɔ́de lakpan bwe.

5

Íwí Anyapó Asón

¹ Íwí anyapó, mli sù amlisura okitikítí, tsífé ipian kpɔnkɔntí íbá mli sù. ² Séí ánfí á, mli atonyahé féé laplɔ́. Atéplɛ bawí mli atati. ³ Mli sika ató é ðakpóí, wí nkanu. Mú nkanu ámu obégyi mli íwí adánsɛ, yíntá mli ɔ́yólú fé alá ogyá teyíntá ató. Mli ðakle ató tsɔtsɔɔtsɔ yáí kpaali, bré ánfí ɔ́yí íbá bɔ́mɔ ɔ́nɔ́ ánfí. ⁴ Mli káin ání ahá á múú mli lóbo ípa, bɔ́yo agyómá mli ndɔ́tɔ, táme mli lékiná amó íkɔ́ ka ámu isú latú Bulu, túmí féé Owíe amu. ⁵ Mli latsiá ɔ́sólú anfisú, gyi nkpa múa ɔ́dwe pówá nfo fé nnantswie há mli ɔ́mɔké. ⁶ Mli lahá ɔ́há ání mu asón da ɔ́kpa ípón, mó mu, ɔ́mɛprí íwí.

Íklɔnya Múá Mpáibo

⁷ Apíó aba, mli nya klɔn tsia gyo aní Wíe Yesu Kristo íbá. Mli kí alá ɔ́dɔtɔpu tenyá klɔn tsíá gyo nyankpu gyankpapu múa tráhe, pó alá otetsiá gyo bréá ɔ́sólú amu íbéha atɔ pɔ́pwe bówie wóyí. ⁸⁻⁹ Mli é mli nya klɔn amlílu kínkín, tsífé aní Wíe, ogyí asón ogyípó amu íbá lafon. Mú sù mli mátsiá tóí mli abasu, méní ɔ́méesha mli ípón.

¹⁰ Apíó, mli pu Bulu ɔ́nósú atáípó amúú ðeblí Bulu asón ámu bwe mli atosuanhé. Bowun asón tsɔtsɔɔtsɔ, táme benya klɔn. ¹¹ Mli kí alá anitobú amú. Itsú alá botomi amú asún wunhetɔ sù. Mli káin Hiob é íwí asónsú. Alá olotomi mu asún wunhetɔ. Iní sù Bulu lóyulá mu mú ɔ́ma. Lélé, Bulu bu awítale. Otowun ahá nwe.

¹² Mí apíó, ndeklé mbée mli bú wankláán ání mli má tánu ɔ́sósú ntée ɔ́sólú, ntée ká tɔtɔtɔ. Mli “Íin!” íbwée “Íin!” mli “O-o!” é íbwée “O-o!” méní Bulu mééha mli pón.

¹³ Ní ɔku dé ipian wúun mlɛ́ ɔ́, okókoli Bulu. Ní ansí de ɔku gyí é ɔ́, ɔwáa ɔ́ ɔ́ kanfɔ Bulu. ¹⁴ Ní ɔku délɔ mlɛ́ ɔ́, ɔ́tí ɔpasua ahande abɔba bokókoli Bulu, abɔkpa mu ofobí aní Wíe ɔ́dátɔ. ¹⁵ Ní bokókoli aní Wíe hógýitɔ ɔ́, ɔ́bétɔ mu ɔ́, ɔ́bókɔsú. Ní alabwé lakpan ku ɔ́, Bulu obési mú fɛ́ kíé mu. ¹⁶ Mú alí sɔ mlíle mlí lakpan blí, amlíkoli Bulu ha aba, méní ɔ́bétɔ mlí ɔ́. ɔ́há aní mu asón da ɔ́kpa mpáí tɔwá ogyá. Itɔyó agyómá wankláán. ¹⁷ Nyankpɔsa Elia é gyí fɛ́ mía fɔnyɔ. Olokókoli Bulu kinkíinkín aní nyankpɔ mátswie. Lélé imotswie nfinsa múa ifɔn. ¹⁸ ɔ́lɛlakólí mu aní itswie. Lélé nyankpɔ létíí, ɔ́leha ató lɛlawá alé ɔ́sɔlósɔ.

¹⁹ Mí apíó, ní mlɛ́ ɔku ɔ́dída hógýitɔ ɔ́, ɔku ɔ́sánkia mu ba. ²⁰ Mlɛ́ aní ɔ́há ámu lálé ɔ́kláa tsú lowu aní tekí obówutɔ. Mú sɔ Bulu obési mu lakpan tsɔtsɔtsɔ kíé mu.

Petro Ɔwóló Gyankpapo

Itsidha

¹ Ɔwóló ánfí itsú mí Petro ání ngyi Yesu Kristo sumbí ɔyɔpó wá.

Nde mó wanlín sísí mlí ahá ání Bulu lalé bwé mu abí, mlíladásáin yóbwe afós Ponto, Galatia, Kapadokia, Asia yédał Bitinia ɔmátó féé. ² Ɔsí Bulu lalé mlí fé alí ámúó ɔlehíhé mó yáí ání íbá mótó ámu. Bulu latsɔn Ɔɣe Wankíhé amusu bwé mlí mu ahá, méní mlóbu Yesu Kristo, mu obugya é íbógyoráa mlí.

Bulu ɔhíe gyi mlí buale, ɔha mlí iwílwii tsɔtsɔtsɔ!

Ɔkpakú Aní Imóobwe Kpaali

³ Mlíha akanfó Bulu. Mɔgyí aní Wíe Yesu Kristo mu Sɪ pú mu Bulu ní. Mu nwewúun kpɔnkpɔnkpɔntí ámu su alakósóa aní Wíe Yesu Kristo tsú afúlıto póhá aní nkpa pɔpwe. Iní lahá anılanú iwiasí ání aní ɔkpakú móobwe kpaali. ⁴ Mú su aní ansídn ání aní íbí bédá siadié yílé ámúó Bulu léhie ání ɔbópohá mu abí ámu. Alalá mó yáí ɔsósó wankláán há mlí, atósá itamayintá, itamapló, itamakpá é. ⁵ Siadié yílé ánfí igyi mlí ahá ámúó mlílahogyi amú klé. Mlí hógýí su Bulu túmí bun mlísu, ide mlísu kí alı yófní ató féé nkpa ɔhóke ámúó Bulu lalá yáí ání ɔbéle mó ɔwan ɔyí ɔnmáké ámu.

⁶ Ɔbu mótó ání ísókı ɔtsan-ɔtsan ide mlí tv, mlíde asún wúun, táme itó ánfí mlí ansídn mósó ánfí su ansí məkósí mlí gyí. ⁷ Tósá suá mlíde asún wúun gyí, mó obósuná ání mlílaho Yesu gyi léle ní. Tó butótó sika pepe ání itetalí yíntá kóráá kí beé, wankláán gyi. Alı kén bópɔ asún wunhe sɔ mlí hógýí ání íbu labi dn sika pepe kí beé, léle mlílaho Yesu gyi, méní mlétalı lí kínkín ní. Íbá alı á, békánfó mlí, wá mlí numnyam, há mlí idayilé eke ámúó Yesu Kristo ɔbéle iwı ɔwan ámu. ⁸ Ɔbu mótó ání mlímókówun Yesu kí, táme mlítadwé mu. Mlímedé mu wúun mó, táme mlíde mosu hógýí. Inı su ansıgyí kpɔnkpɔnkpɔntí ání ɔnó méetalı blı labólá mlıtó. ⁹ Tsúfé mlíde mlí nkpahóo amúó mlénya tsú mu hógýitɔ ámu nya.

¹⁰ Bulu ɔnósó atóipú amú beblı nkpa ánfí Bulu ɔbóho mlí ánfí asún tswı. Beteté mu awıtale asún ánfıtɔ wankláán, ménı bónu mó asi. ¹¹ Kristo Ɔɣé letsıá Bulu ɔnósó atóipú anfitɔ, tsıá súná amú, beblı yáí alıá Kristo obówun ipian. Mú ɔma a, numnyam kpɔnkpɔnkpɔntı bėba. Mú su besen ansıtó ání bėbí bréá nkpahóo anfi íbėba pú ɔhá oduá íbótsun musu ba. ¹² Bulu léle súná amú ání megyí amú sú bude asún ámu ɔkan da, mbouın mlı su bude mó ɔkan da. Séı mó mlılanú asún ámu. Tsúfé Bulu lówa mu Ɔɣe Wankíhé tsú ɔsósó bebláa asún wankláán ámu ɔkan adapó alı asún ánfı, amú é beda mó ɔkan súná mlı. Bulu-abɔpɔ kóráá ansı tepé ání bónu alı asún ánfı asi.

Iwıtúntɔ Tsıd

¹³ Inı su mlıda iwısu amlıkıta iwı. Mlıpu mlı ansı féé dnka awıtale amúó Bulu ɔbówa há mlı ekeá anı Wıe Yesu Kristo ɔbėkplı tsú ɔsósó bele iwı ɔwan ámusu. ¹⁴ Mlıbu Bulu fé alı ámúó nyebı butobú amú akwıpú amú. Mlímháha tsıátó laláhe amúó iletsıá mlıtɔ bré amúó mlíméyın tɔtɔ tsú Yesu iwı ámu igyi mlısu. ¹⁵ Mbouın mlıha mlı iwı itın mlı bwéhé féétó, fé alı ámúó Bulu ámúó ɔletı mlı ámu iwı létın amú. ¹⁶ Tsúfé bəwanlın wá Bulu asún ámıtɔ beé, “Bulu ɔbéé, ‘Mlíha mlı iwı itın, tsúfé mí iwı letın.’ ”

¹⁷ Mogyí ÷há ání mlítetí mliáa, mli Sí ní mlidé mpái bə ní. Otamakí ÷ha ansító ní ÷de ahá asón gyí. Mboún ÷hagyí÷ha bwehé ÷təpúgyí mu asón. Mú su mliɓu Bulu-ifúnya bwe mli bwehé kugyíku nke tráhe anfi ɗasí mli ÷yí ánfító. ¹⁸ Tsúfé mliyin tásá ÷ləpuká mli nwunso ɗkə, há mlilagyi ɗi tsú mli anáin amándié laláhe ámóó iletin mli ÷kpa ámutə. Itó ámóó ÷ləpuká mli nwunso ɗkə ámu megyí fé sika pepe móa sika futútú ání itetáli yíntá. ¹⁹ Kristo obugya ání ihíé bu ibiá ÷ləpuká mli nwunso ɗkə ámu. Kristo gyí fé okúfabiá ÷ləfən ha mbusuo kugyíku le, píná kuku ma mu ɗi. ²⁰ Asa Bulu ləbwe ÷yí á, əlehíhé tásá ɗéba Kristosə yái. Mli só Bulu lalé mu súná bré tráhe anfitə. ²¹ Kristo lahá mlilahə Bulu gyí. Bulu ləkəsóa mu tsú afúlitə, wá mu numnyam. Mú só mli ansidun Bulusə, mlidé tásá alahíé ÷kpa kí ni.

²² Mlilagyi dinká ÷nəkwali ámóó ɗu Kristotə ámusu. Mú su mlilatun mli ɗi há Bulu, mlidé aba dwe fé apíó. Megyí ansítə-ədwə mlidəpəhá aba. Mliyə mósú amlidwe aba wankláán tsu mli kləntə. ²³ Bulu lakwí mli pəpwe. Megyí nyankpəsa ání oméetsiá nkpa wá əpású ələtsən kwí mli. Mboún Bulu asón ámóó ɗu nkpa, ɗu ɗu bré féétə amusu ələtsən kwí mli. ²⁴ Bəwanlín wá Bulu asón ámutə bəe, “Anyánkəpəsa bogyi fé ífá. Amó numnyam é igyi fé ífá ntswítswi. Ífá towú, mú ntswítswi təbú kpákpáa, ²⁵ táme aní Wíe asón ámu mú bu ɗu bré féétə.” Asón anfi gyí asən wankláán ámóó mú ÷kan adapó bəda súná mli ámu ni.

2

¹ Mú su mlile agywun laláhe kugyíku le mlitə. Mlimátrá mlé aba, ntée bwé apinabwəbí. Mlimátrá pə ansí abasə, ntée tsii aba. ² Mliɓwe mli ɗi fé nyebí bəbwe, amliha Bulu asón ámóó iletin, tətə mēfráa mótə ámu ɗinka mli əwólí brégyíbré, fé alí ámóó nyópu-ntsu tédínká nyebí əwólí amu. Mēni ɗéha mlédan, nyá nkpahə tsú Bulu wá. ³ Mlilakápó aní Wíe amu kí, mlilawun ání əbu awitəle.

Akristofə Babwé Aha Pəpwe Há Bulu

⁴ Mú su mlíkəpə ba aní Wíe Yesu Kristo wá. Mogyí nkpa Owíe ni. Kristo gyí fé ɗwíá ahá bekiná mú ání ɗa labi, táme Bulu léle mú ání ɗu labi mu ansítə. ⁵ Ōhétə asón nebá beblí á. Mliɓa Bulu wá bré anfi mliɓu nkpa anfi, əbwe mli fé abwíá ədɛpuyi obuá bótswə mu mótə. Əbwe mli mu igyí ahapó ání amó ɗi létin, amlitən Yesu Kristosə ha Bulu igyí ámóó mu Ōhə losusúu suná mli, itegyí mu ansí ámu. ⁶ Tsúfé bəwanlín wá Bulu asón ámutə bəe,

“Bulu əbée, mlíkí, nalé ɗwí ání ɗu labi,
póbwé okonkísəbwi yái Sion wúlutə.
Ōhagyí÷ha ání ələhə aní Wíe, ogyí okonkísəbwi ámusu gyí a,
péli méekítá mu ekekeke.”

⁷ ɗwí anfi híé ɗu labi há mli ahá ání mliləhə Kristo gyí. Táme há ahá ání bəmóəhə Kristo gyí mú á, Bulu asón ámu ɗeblí əbée,

“ɗwí anfi obu ayípu bekiná ní.
Táme móləbemlí ɗwí ání ihíé bu labi dən mú féé ní.”

⁸ Asa é á,
“ɗi gyí ɗwíá ahá bósutiin mósú dída ní.”

Bósutiin mósú, tsúfé bomegyi Bulu asón ámusu. Alí Bulu léhie yái ání ɗa ha amó ni.

⁹ Táme mli mú á, mli gyí əmá ání Bulu lalé. Owíe amu igyí ahapó. Ōmá wankíhé ání Bulu lapó mli bwé mu onutó ahá ni. Mlilalé mli tsú oklúntə pú mli ba mu əkandíe wánkíhé amu así əbée, mli bəda ofúla ámóó alabwé

ámv iwí okan. ¹⁰ Teki bré ámv a, megyí Bulu ahá mligyí. Táme séi mó á, mlilabwé Bulu ahá. Bré ámv a, teki Bulu nwewúun uma mliṣv. Táme séi mó á, mv nwewúun laba mliṣv.

Bulu Nkpábi

¹¹ Apíó adwepó, nhíé nde mli olá da. Afóó mligyí, mliméetsiá asólóv anfiṣv wá opá. Mó sv mlile iwí tsu nyankpusa owólí laláhe amóv itakó mli okláa isá ámutó. ¹² Iníá mliá omátófó tsíe sv á, mlitsia tsiátó wankláán, méní ní bodeblí bee mli tsiátó uma ale a, bówun mli yilébwe, fówun békanfó Bulu eke amóv obéba beki amóv gymagyihe amv.

¹³ Aní Wíe Yesu sv mlibu aban mva ohagyíoha aní bapó túmi wá mv ibitv. Mlibu omá okpapó aní ode omá ámv féésó gyí. ¹⁴ Mlibu omásó akípó amóv omá okpapó lalé obéé, bobítí lakpan abwepó isv, abukanfó yilé abwepó ámv. ¹⁵ Mlibwe yilé puka ason laláhe amóv aha mimláhe boteblí mábí sv tsú mli iwí ámv itin. Tsúfé okpa ánfisv Bulu déklé obéé, mlibwéé mó ní. ¹⁶ Mlitsia nkpa fé ahá aní botsie iwísv, táme mlimápv mli iwísvtsiá ámv tin ansíbi bwé laláhe. Mboún mlitsia nkpa fé Bulu asúmpó. ¹⁷ Mlibu ohagyíoha, amlidwe mli aba ahogyípv. Mlinya Bulu ifú, amlibu mli omá okpapó.

Asúmpó Iwasibá

¹⁸ Nkpábi, mlinya mli awíe ifú, amlipv obú ha amó. Megyí amóv bolwíí, bobv awitále há mli nkóle. Mlibu amóv bobv owuntálin mliṣv é. ¹⁹ Ní ileba mótó aní behá mlowun iwíwásin kókv kpaali, táme Bulu só mlotomi hó mó faan a, Bulu ansí bégyi mli iwí. ²⁰ Labi məmōv ibv ní fatomi, badá fó fó lakpan sv? Kókv uma mótó. Táme ní fobwé yilé asa fotomi beda fó á, Bulu ansí tegyi fó iwí. ²¹ Ason wunhe ánfí aná sv Bulu létí mli ní. Tsúfé mli sv Kristo onutó é lótomi tson ason wunhetv póbwé mfántóhón há mli, méní mli é mlótsón mósú. ²² Bówanlín wá Bulu ason wanlínhé amutv bee, “Omabwe lakpan kókv. Omemlé ohaa é.” ²³ Besia mv, mv mó omesia ohaa. Bréá ode ipian wúun a, omeka ohaasv, táme olpv mv ansí dínká Bulu, asón ogyípó onakwalpv amvsv. ²⁴ Yesu Kristo onutó lóhó aní lakpan féé sórá, beda mv mántá oyikpalíhe amvsv, méní abégyi iwí tsú aní lakpantv, tsíá nkpa há yilébwe. Tsúfé bówanlín wá Bulu asón ámutv bee, “Mv iwí nlv ámutv mlilénya mli ilotsá.” ²⁵ Tsúfé mligyí fé akúfa fwihé, fé alí amóv bówanlín wá Bulu asóntó ámv. Táme séi mó á, mlilayínkí bá mlibuo Yesu, mli oklávó okípó pv mv okpapó ámv.

3

Akúlu Mva Aká

¹ Atsi, mlibu mli akúlu alí kén, méní ní amótó akv bumaho Bulu asónsú gyi kóráá, bowun mli tsiátó a, ibétse amó, megyí mli obétepi trá bláa amó asvansv. ² Tsúfé bówun mli tsiátó wankláán pv alá mlitehíé bú ató. ³ Mli alé imátsu mli imi bwe, atati yilé didá ntée sika atóv ibv ibiá watv. ⁴ Mboún mliha mli alé itsu mli kluntv. Aléá itamayintá gyí móv ibv alé, ilolwíí. Mótéhié gyi Bulu ansí ní. ⁵ Tsúfé alí kén bímbí ámv atsiá bəpv amó iwí há Bulu, pv ansí dínká mvsv bobu amó akúlu, sv bəwa akíle nv. ⁶ Alí kén Sara lóbu mv kulu, oletsíá tí mv obéé, “Mí wíe” nv. Mv abí mligyí, ní mləbwé yilé, mliménya tótó ifú.

⁷ Alí kén mli ayin é, ní mliá mli aká mlibv inṣv á, mlibv aní bvma awútó əwbnlín fé mli. Mliwun amv nwe, amlipv obú ha amó. Tsúfé mliá amónyó obénya Bulu atokiehé amóv igyi nkpa ámv. Mlikita mli aká tson okpa ánfisv, méní ní mlidé mpái bə á, tótó méetin mli okpa.

Ipiawúun Yilébwε Sv

⁸ Itráhe-tráhe a, mli fée mliha mli agywun ibwe kole. Mlisu ha aba, amlidwe mli aba Akristofó. Mliwun aba nwe, amliba iwiasí ha aba. ⁹ Mlimápu lalaha ká lalaha íkó. Ntéε ní ahá besía mli á, mlimásia amó ká íkó. Mboún mliyula amó, tsúfé Bulu létí mli ání mlibóyulá ahá, méní obóyulá mli. ¹⁰ Bəwanlín wá Bulu asón ámótə bεε,

“Ní oko déklé əbée, mu tsiátó iwá alé,
otsia ansigyító a,
mómó osii ahá iwí ason laláhe blí,
osi afunu wa.

¹¹ Osii lalaha bwε, əbwée yilé.

Odúnka iwilwii, ogyáa mú əkpa.

¹² Tsúfé Bulu ansí bu yilé abwεpósó.

Ɔteyaa asu nú amó atə kulíhé.

Táme ətəkósó lí lalaha abwεpósó.”

¹³ Ma əbópu lalaha gyi mli, ní mli ansí ipé yilébwεsu? ¹⁴ Táme ní ɔlɛba ání mli dé ipianwúun yilébwε sv kóráá á, nwun lává mli olú. Opúni mátsíí mli, mlimánya əhaa é ifú. ¹⁵ Mboún mlibi tsu mli klontə ání Kristo gyí mli Wíε, mu iwí letin. Mliɔa iwísu, méní brégyibré ní oko léfité hógyi ámóú ibu mli tə ámu iwí asón á, mlébi lé mú ənó wankláán. Táme mlinya klon, amliba iwiasí le mú ənó. ¹⁶ Mli klon máha mli pón tətə iwí, méní ní buɔe ason laláhe blí tsú mli tsiátó wankláán ámóú mli lópu mli buo Kristo amu iwí á, péli békitá amó. ¹⁷ Ní igyi Bulu apé ání fəwúun ipian kóráá á, ibu aléá fəwun ipian yilébwε sv, dun ání fəwun ipian lalaha bwε sv. ¹⁸ Tsúfé Kristo é lówu ahá lakpan sv ətsáwɔle pé. Mu asón da əkpa, táme olowu há lakpan abwεpó fée, méní əbəkpa mli ba Bulu wá. Bəmə mu nyankpɔsa-oyí, táme Bulu lókusúa mu Ɔhétó. ¹⁹ Ɔlɔtsun Ɔhə ámótə yéda asón ámu əkan há afúli amóú buɔa obu ámu. ²⁰ Afúli amu gyí, ahá ámóú buɔmɔbu Bulu asón, Bulu lénya klon há amó bré ámóú aní náin Noa dé dáka kpənkpənkpənti sré ámu. Ahá ikwe pé lótsun ntsubulá ámótə nyá nkpa. ²¹ Ntsu ánfí léli há asúbə. Alí ámóú ahá ámu bətsun ntsubulá ámósu nyá nkpa ámu a, alí kén asúbə ánfí dé mli nkpa hóə ní. Megyí mli iwí ifin asúbə təfwí. Mboún igyi ipabwii há Bulu ání mli klon ídí mli asi, imátrá ha mli pón. Asúbə ánfí lahə mli nkpa tsun Yesu Kristo kusú tsú afúlitə ámósu. ²² Alayó əsósú yétsiá Bulu gyəpísu séi. Bulu-abəpu, əhétó awíε pú túmi kugyíku bubu mu asi.

4*Nkpatsiá Há Bulu*

¹ Kristo lówwun iwíəsin. Mú sv mliɔa iwísu mli é, amlipɔ mu əkpa ámu alí kén. Tsúfé əhá ání owun iwíəsin lalé mu iwí lé lakpantə. ² Iní sv əmátrá ha əwólí laláhe igyi mɔsu. Mboún əhá Bulu apébwε itsia mu klontə mu nkpa ání ɔlasi əyí ánfítə fée. ³ Asa mli lébemli Akristofó á, mli léyintá bré tsətsəətsə tsíá bwé tóá ahá ání buɔmeyin Bulu buɔtekle bwε. Mú aná gyí; atsi móa ayin asónwa, ntábu, pléikpada móa ntakpan onúkpa yə pú ikpitswée ání igyi mli akisítə. ⁴ Itobwíε əmátəfə ámu ənó ání séi mli tráa mli mli édsrí buo amó yóbwe lalaha. Mú sɔ buɔesiá mli ní. ⁵ Táme béle amó bwéhé fée ənó Bulu ansító. Mu əhá begyi akiankpapɔ pú awupú fée asón ní. ⁶ Mú sɔ beyéda Bulu asón wankláán ámu əkan há awupú ní. Amó lowu ámu igyi isúá Bulu labítí amó əyólúv, fé alí á tɛbítí əhagyíəha isu. Beyéda Bulu asón ámu əkan há amó, méní amó əkláa obénya nkpa fé alíá Bulu bu nkpa.

Bulu Atokiehé Kitá Wankláán

⁷ Tógyító onómá lafon ta. Mó su mlíkita iwí, amlíha mlí agywuntá idi, méní mlétalí bó mpáí. ⁸ Móá idón mó fée gyí, mlídwé aba tsu mlí klóntá. Tsúfè òdwé ání odu òbéha mlétalí sí ahá lakpan kíé amó ní. ⁹ Mlípú ansígyí hǎ mlí aba Akristofó afóó, mlímáblí mlíaa ilakpǎn mlí. ¹⁰ Bulu lakíé òhagyíǎha ató òtsan-òtsan. Mó su òhagyíǎha òkíta mu kletá wankláán, amlípókpa aba. ¹¹ Ní òku klé gyí Bulu asónblí á, òblí asón ání itsú Bulu wá. Ní òku klé gyí ahá sǔm á, òpú òwǎnlín ámóó Bulu lahá mu amú fée sǔm mu aba. Iní òbéha ahá békanfó Bulu tsǎn Yesu Kristosu tógyító. Numnyam móa túmí igyi Bulu klé bré fée. Amen.

Akristofó Ipiánwúun

¹² Mí apíó adwepó, mlímáha asǎn wunhe kpǎnkpǎnkpǎntí ání bǔdǔpǔsǔ mlí kí ání íbwíe mlí onó. Mlímákí mó ání asǎn pǔpwe dé mlí tǔ. ¹³ Mlíha ansí mbóún igyi mlí ání mlídé Kristo asǎn wunhe amú ku wúun, méní ansí bǔtrá hie gyí mlí eke ámóó mu numnyam béln òwan ámu. ¹⁴ Ní ahá bǔde mlí sia Kristo búto su á, ídesuná ání nwun lawá olú. Bulu Numnyam Òhe Wankíhé amú bǔ mlítá. ¹⁵ Mlítá òkoku òmáwun asǎn ahámá, ntée owí, ntée lakpanbwe, ntée okéngyéwa su. ¹⁶ Táme ní mlígyí Akristofó su mlídé asǎn wúun a, imáwa mlí péli. Mbóún mlíkanfó Bulu ání Kristo idá dín mlísu.

¹⁷ Tsúfè bré lafon ání Bulu obégyi òhagyíǎha asǎn. Obégyankpá gyi mu onutó ahá asǎn. Ní Bulu obéfi mó así tsú anísu á, mómú nkálí ahá ámóó bǔmǎhǎ mu asǎn wankláán ámusu gyi amú klé bóbwé? Ibéhie wá ífú. ¹⁸ Bǔwanlín wá Bulu asǎntó bǔe,

“Ní íbǔwa onlun asa Bulu òbǔhǎ yilé abwepó nkpa á,

mómú nkálí íbégyi ha lakpan abwepó pǔ ahá ání bǔtamabú Bulu é?
Iméetepí wá alé há amó.”

¹⁹ Mó su ahá ámóó igyi Bulu apé ání bǔwúun asǎn ámu bǔpǔsǔ amó iwí fée wa amó Òlepó ámu íbǔtá, abókita yilébwéto kínkíínkín. Otegyi mu asǎnsó brégyíbré.

5

Bulu Akúfasu Kú

¹ Séí á, ndéklé mbéé, nótóí kplá mlíá mlígyí ahande Kristo òpasuato. Òpasua òhände mí é ngyi. Ntráa ngyi ípián ámóó Yesu lówun amú iwí adánsie ogyípó. Mí é nénya mu numnyam amóó íbéln òwan ámu íku. ² Nde mlí kokóli mbéé, mlíkí ahá ámóó Bulu lapówá mlí íbǔtá amúsu wankláán fé akúfa òkpapó. Imábwe mlí fé bǔde mlí hie, mbóún mlíbwé mó tsu mlí klóntá alíá Bulu déklé. Megyí sika onsípe su, mbóún òdwéá mlíbu ha osum ámu su. ³ Mlímábwe ahá ámóó Bulu lapówá mlí íbǔtá ámu kpǔnkpǔn. Mbóún mlítsia tsíát wankláán ání íbǔbwé nfántóhún há amó, ⁴ méní ekeá Kristo, ogyi akúfa akpapó Owíe amú òbá á, òbéha mlí ísugyí-ípa ání íbu numnyam, iméekpa ekekeke.

⁵ Nyasubi móa mbitebí, mlí é mlípú obú há mlí ahande. Mlí fée mlípú íwiasíba kpa aba. Tsúfè bǔwanlín wá Bulu asǎn ámǔtá bǔe, “Bulu tǔkósú líí iwí atsupósó, táme òtǔwá awítǔle há ahá ání beba íwiasí.” ⁶ Mó su mlíba íwiasí, amlípú mlí iwí wa Bulu túmí kpǎnkpǎnkpǎntí ámu así, fǔwun obótsu mlí fǔá mu bré wankláántó. ⁷ Mlípú mlí asǎn wunhe fée wa Bulu íbǔtá, tsúfè òtǔgwíun mlí iwí.

⁸ Mlikita iwí, amlidinka ansí iwísu, tsúfé mlí olupó, ogyi Ɖbunsám ná odekpóún, odeki fé gyatá, ɔde ɔku dunká ɔkita wí. ⁹ Iní su mlikita mlí hógyítɔ kínkínkín, amlitin mu ɔkpa. Mlubi ání mlí aba Akristofɔ ání bubu ɔyítɔ f́éé buɔe ipian ánfí odu wúun. ¹⁰ Táme Bulu híe ɔbu awítɔle há mlí tógyítɔtɔ. Múlátí mlí ba mu numnyamɔ tsɔn mlí Kristonyɔ ikolebwetɔ. Mu numnyam amu bu unu bré f́éétɔ. Ní mlowun ipian kpalobí á, unɔwa ɔpá mu onutɔ obótsu mlí kósó, há mléyinkí líí. Ɖbówa mlí ɔwɔnlín, há mléle nlín Kristotɔ. ¹¹ Mubó iwíegyi bré f́éétɔ. Amen!

Iklá

¹² Silwano létsa mí nɔwanlín ɔwɔlɔ kútúklú ánfí sísí mlí. Nyin ání opió Okristoyin ogyi, ɔbu ɔnɔkwali. Ndekléá nɔwa mlí ɔwɔnlín, mí angyi adánsíe suna mlí ání asón ánfí nabláa mlí ɔwɔlɔ ánfítɔ f́éé idesuná ání iní gyí Bulu awítɔle onutónutɔ ámu ni. Mlikita mótɔ kínkínkín.

¹³ Mlí apió ahógyipu amú bubu Babilon ɔpasuatɔ behá mlí itsiá. Mí bí Marko é ɔhá mlí itsiá. ¹⁴ Mlí bu aba-ɔdwe amú ɔbu Akristofɔtɔ ámu ha aba itsiá brégyíbré. Nde Bulu kulí mbéé, ɔháa mlí ahá amú mligyi Akristofɔ ámu f́éé iwílwii.

Petro ጋግሎ ነገረዳ

Itsidha

¹ Mí Yesu Kristo osúmbi pú mu sumbí ጋጋጋ Simon Petro dé ጋግሎ áñfi wanlín.

Nde mó wanlín sísí mli fээá mllanya hógýiá ibu labi fé aní klé, Bulu mva aní ጋጋጋ Yesu Kristo yilébwe lahá anilanya ámu.

² Bulu ጋጋጋ gyi mli buale, ጋጋጋ mli iwilwii, tsúfé mllabí mva aní Wíe Yesu Kristo tsía.

Bulu Ahá Tí Pó Tóá Odedunká

³ Iníá anilabí Yesu wankláán su á, Bulu lahá aní tógýitáá abópጥsíá nkpa áñi itegyí mu ansí. ጋጋጋ aní mu onutó túmitó ጋጋጋ, abénya mu numnyam pú mu yilébwe. ⁴ Mu túmi kpጥkpጥkpጥtí ámu kén ጋጋጋ aní ato yiléá ibu bíá. Mú ጋጋጋ yáí áñi ጋጋጋ aní ní. ጋጋጋ áñi ጋጋጋ aní tsú ጋጋጋ ጋጋጋ laláጋ ámuó iteyintá nyankጥsa amጥጥ, atsóñ mósó tsía mu atsiábi. ⁵ Iníá Bulu labwé iní há mli su á, mllsñ mli hógýisu amlbwe yilé ጋጋጋ. ⁶ Mllsñ mli asónbi ámu amlgyi iwisu. Mllsñ mli iwisugýi ámu amlwa nsí. Mllsñ mli nsiwa ámu amlsum Bulu. ⁷ Mllsñ mli Bulusúm ámu amlwa awitole. Mllsñ mli awitolewa ámu amlwwe mli aba Akristofó. ⁸ Ní iní aná dedán mlltá á, ibósuná áñi mllabí aní Wíe Yesu Kristo. Mu bi ámu désuná áñi mllawá labi, swié abí ní. ⁹ Táme ní tsiátó anfi aná ima akጥጥ á, butamawun ጋጋጋ tsútsú. Amó ansíbi labwíé. Batan áñi Bulu lófwí amó lakpan dada amú lé amó iwí.

¹⁰ Mú su mí apíó adwepú, mllsen ansító. Bulu léti ahá, ጋጋጋ akú há mu iwí. Mllha mli bwehé isuna áñi lélé mllbu amótó. Ní mllidé iní bwe á, mllméédida ekekeke. ¹¹ Ibá alí á, Bulu obéfinkí ጋጋጋ gbayaa há mlówie aní Wíe pú aní ጋጋጋ Yesu Kristo iwígyi ámuó itamamó ጋጋጋ.

¹² Mméesi mli asón áñfi káin. Ibu mótsá mliyin mó dodo. Mllmli mli ጋጋጋ amú kínkínkín. ¹³ Ee, nawun áñi iníá nanya mbu nkpa áñfi mó á, ibu alé áñi nétsiá káin mli asón áñfi brégyibré. ¹⁴ Tsúfé aní Wíe Yesu Kristo lahá mí nabí áñi mí nke itráa mጥጥ ጋጋጋ anfi. ¹⁵ Mó su nótsñ ጋጋጋ há mlétsiá káin mósó mí ጋጋጋ.

Kristo Numnyam

¹⁶ Megýi nyánsa anlopጥré ጋጋጋ súná mli tsú aní Wíe Yesu Kristo túmi pú mu yínki ba amú iwí. Mboún aniléጋ pú aní ansíbi wun mu numnyam. ¹⁷ Tsúfé aní ansító aní Sí Bulu lóጥ obú móa numnyam kpጥkpጥkpጥtí há Yesu, bréá Bulu Onumnyampጥ amú ጋጋጋ ledali tsu ጋጋጋ ጋጋጋ, “ጋጋጋ gyi mí Bí ጋጋጋ olegýi mi ansí ní.” ¹⁸ Aní onutó lónu ጋጋጋ amú tsú ጋጋጋ, bréá ania mጥጋ anlí ibu wankihé amú.

¹⁹ Iní su anlahié wun áñi asón ámuó Bulu ጋጋጋ atáipó amú beblí tswí amú ihé ibu mótsó. Ibéጋ wá alé há mli, ní mleyaa asu nú mó, gyi mósó. Tsúfé amú asón ámu igýi fé ጋጋጋ idewankí oklúntó yóñ bréá ጋጋጋ, bake ጋጋጋ amú ጋጋጋ mli klúntó. ²⁰ Iwánkí mli áñi megýi Bulu ጋጋጋ atáipó amú onutó apé ጋጋጋ Bulu asón ámu. ²¹ Tsúfé megýi amú onutó lóጥ amú agywün blí Bulu ጋጋጋ asón tswí. Mboún ጋጋጋ Wankihé lébá amú beblí asón áñi Bulu déklé.

2

Afunu Ató Asunápó

¹ Bímí ámu a, Bulu ɔ́nsó atáípo afunupo betsiá Bulu ahátɔ. Alí kén betsiá mlítɔ ní. Bóbwe híéé pú amú onutó atosunáhéá itómó bɔwa mlítɔ. Bókɔsɔ líí amú Wíe amú ɔ́lɔhɔ amú ámuɔv kóráá, póhí amú iwí. ² Ahá tsɔtsɔtsɔ bóbuo amú tsiátɔ laláhe pú péhla anfi. Amú sv ahá bókpáí ɔ́nɔkwali ɔ́kpa ámu. ³ Amú ɔ́nsípe sv békpekpée asón blí púswíí mlí kóba. Asón ogyípo Bulu léda iwísv ɔ́yí ɔ́pá ání ɔ́bébití amú isv, hí amú.

⁴ Tsúfí Bulu mésikíé mu abɔpu amú bɔbwe lakpan ámu kóráá. ɔ́lɔwa amú ikan, tswí amú wá isvbití ogyá amú itamadun amú oklúklúklúkpa oklúntɔ.* Betsiá unv yófon amú asón ogyíké. ⁵ Mliyín ání Bulu mékiná atútfɔ amú bómobu mu amú isvbití. Mboún ɔ́leha ntsu léme amú fée. Noa muv ahá abasiénó pé lésián. Noa léda ɔ́kan bláa ahá alí bré ámuɔv ɔ́béé, bɔtsiá tsiátá ílegyi Bulu ansí. ⁶ Ida mlí ansítɔ ání Bulu léha ogyá lɔhɔ Sodom múa Gomora awúlu mlí nsúó. Amú lakpan sv Bulu lébití amú isv, isuna tóá íbéba ahá ání bɔtɔkúsó líí muɔsv ekekó. ⁷ Táme Bulu léle yilé ɔ́bwepó Lot mú alí bré ámuɔv. Ahá ámu tsiátɔ laláhe pú amú mblasómágyi letsiá han mu. ⁸ Oletsiá nú, oletsiá wun amú bwehé laláhe ekekegyíeke, íletsiá tó mu klɔn. ⁹ Iní fée ilosuná ání aní Wíe yín alá ɔ́béle yilé abwepó tsú isókítɔ, pú alá ɔ́bébití laláhe abwepó isv yófon ekeá obégyi amú asón. ¹⁰ Múá idɔn a, ahá ání odu bɔtamagyi iwísv, iwítsú bv amú tó, bɔtamásúsv tɔtɔ iwí dɔn hakpan ání amú ɔ́wólí laláhe tekle. Bulu ɔ́béhe bítí amú isv.

Ní bɔde anumnyampú bɔbv ɔ́sósú sia á, itamawá amú ifú. ¹¹ Bulu-abɔpú bɔhíé bɔbv túmi, bɔbv ɔ́wɔnlín kóráá bɔtamasiá anumnyampv anfi Bulu ansítɔ. ¹² Afunu ató asunápó anfi bɔgyi fí pututɔ-mbwíá bɔma agywun. Bɔtɔkwíí amú keke, ahá bɔtekítá amú, mó amú. Bɔteblí asón laláhe tsú tóá bɔmonu mó así iwí. Amú laláhebwe béhi amú fí pututɔ-mbwí. ¹³ Alí amú bahá ahá bɔde asón wun amú sv Bulu ɔ́bɔpu asón wunhe ká amú akɔ. Bɔtegyi ɔ́dwe nketo, tsúfí ansigyíla bɔtɔbwé. Bɔtɔbwé péhla, kpóí iwí, bɔtowíe anitɔ aní nkegyítɔ. Bɔde iwí mlé. ¹⁴ Tɔtɔ ima amú ansigyí dɔn mbuɔtɔ. Bɔtamasi laláhe bwe. Bɔtemlé ahá ání amú hóggyi melí tsukole, há bɔtɔbwé lakpan. Bahíé bí ɔ́nsípe wa. Amú bwehé laláhe anfi sv, bɔgyówi ní! ¹⁵ Basí ɔ́kpa wankláán ámu tswí, yó bɔbɔuo Beor mu bi Bulu ɔ́nsó ɔ́táípo Bileam bwehé laláhe. ɔ́lɔdwe sika ání obénya tsú laláhebweɔ. ¹⁶ Mú sv Bulu léha mu afrímú lótoí wa mu, íleha olesi mu gbedéla amú bwe.

¹⁷ Afunu ató asunápó anfi bɔma labi kɔkv. Bɔgyi fí ntsuá ilakpí ntée nyankpúá ilabílá tuun, afú latsvan mó nátí. Iní sv amú otsiákpá ání Bulu lalá yáí amú gyí oklún tuuntɔ. ¹⁸ Bɔtotsú iwí, ká ɔ́nótɔ, pú amú ɔ́wólí laláhe tun ɔ́nó, mlé ahá bɔtelábwé lakpan ání besi bwe imókúwá ɔ́pá. ¹⁹ Bɔtehíé ahá beé, ní begyi amú atosunáhésu á, béggyi iwí. Táme amú onutó bɔgyi nkpábi há tsiátɔ laláhe. Tsúfí nyankpúsa gyí ɔ́kpábi há tóá ide muɔv gyí. ²⁰ Ahá ání babí aní Wíe pú aní ɔ́lepú Yesu Kristo, sí ɔ́yítɔ ɔ́wólí laláheá iteyíntá nyankpúsa bwe, beyínkí yébitíwíé mótɔ, igyi amúsú á, amú tsiátɔ teláyíntá dɔn alá igyi yáí. ²¹ Ní bɔmetepí wun ɔ́kpa wankláán ámu kóráá á, tekí ibv alé há amú dɔn ání bówun mó yínkí ɔ́ma, sí mbli wankíhé amú bɔpvhá amú ámuɔv gyí. ²² Amú bwehé ání lahá yébi anfi laba mótɔ. “Kíai tékpláí, lápó mu ɔ́dandv tsú” pú “Febie ɔ́prákuo ntsu ahágyíalíá á, ɔ́teláyébie ɔ́diba.”

* 2:4 Tataro bɔtetí unv Griiki ɔ́blítɔ.

3

Ani Wie Obáke

¹ Mí apió adwepó, íni gyí ɔwólɔ nyɔɔsiá ndewanlín sísi mli ní. Ndepu nwló anyɔ ánfí káin mli, méní mlógywíin mú iwí wankláán. ² Ndekléá mlíkáin asón ámú Bulu ɔnósú atáipó wankíhé amu beblí yáí ámusu. Mlíkan aní Wíe, ogyí aní Ɖepó Yesu Kristo mbala ámú ɔlɔtsɔn mu sumbí ayɔpósú wá há mli ámusu. ³⁻⁴ Gyankpapu a, ndekléá nékáin mli ání nke tráhe amɔtɔ á, ahinlá abwepó aku bóbuo amó onutó ɔwólí laláhe. Bómási mli, fité mli beɛ, “Yéɛ Yesu léblí yáí ɔbéɛ, mélayínkí bá a? Mú nkí mu mé? Tsú aní anáin lowu brésó ɔpá á, tɔtɔtɔ mókótse. Alí ámú ilenya igyi ámu ní.” ⁵ Bakí ansí tan ání ɔnó Bulu lópublí asón bímbí ámu, ɔsú móa así lɛlɛn, ɔsólɔ bu ledalí tsu ntsutso. Ntsu é ɔlɔpɔbwé mú. ⁶ Ntsu kén ɔleha ɔlɔbulá yíntá bímbí ɔyí ámu. ⁷ Ɖnó ámu kén ɔletrá publí ání ɔsú móa así ánfí mú íbétsiá yófun ekeá obégyi ahá ámú butamanyá mu ifú ámu asón, pú ogyá hí tógyító.

⁸ Táme apió adwepó, mlímátan íni músú. Ekewóle igyi fé nfi-ɔpím, nfi-ɔpím é igyi fé ekewóle aní Wíe ansító. ⁹ Ahá buki beɛ, Bulu tesi tsiá tóa alahíéá ɔbóbweɔ. Megyí alí igyi, mbóun klɔn otenyá há mli; méní ɔhagyíɔha ɔbédamlí klɔntɔ sí lakpan bwe, tsúfé omedékléá ɔhaa ɔbófwi.

¹⁰ Táme aní Wíe ɔbáke amu íbófwie ahátɔ, fé alí owíkpulu tofwíé ɔhata. Eke ámu a, ɔsúsú bósurá okitikítí kóklóklóú ŋa. Ogyá bénláin ntobíá ɔlɔpɔbwé ɔsú móa así féé. Ɖsólɔ mu músú ató é féé bóho plíplíplíplí. ¹¹ Iná lélé Bulu obéyíntá ɔyító ató féé alí á, tsiátó mɔmu ilehián ání mlópɔtsiá, íbégyi Bulu ansí? Ilehián ání mli iwí bétin, mlósúm Bulu. ¹² Mlítsia tsiátó anfi pɔkí ɔkpa ha Kristo ɔbáke amu, amlíha mú ikɔsɔ ba. Bulu ɔbópu ogyá hí tógyító ɔsúsú eke ámu. Mú okunkúú é íbéŋláin unv ató féé. ¹³ Táme Bulu léhie ání ɔbóbwe ɔsú móa así pɔpwe há aní. Ɖtínéá ahá ání amó asón da ɔkpa bétsiá. Mú angyó ní.

¹⁴ Mú su apió adwepó, íniá mlígyó íni su á, mliyurí iwí amlítsia tsiátóá mú iwí lɛtin, ɔlala méetsiá mli iwí Bulu ansító, méní iwílwii bétsiá mli mɔnyɔ nsíné. ¹⁵ Mlíámátan ání ahá nkpahóó sú aní Wíe dé íklɔn nya, fé alí aní pío ɔdwepó Paulo lópu nyánsa ání Bulu léha mu wánlín asón ánfí kén sísi mli. ¹⁶ Asón ánfí aná iwí ɔlɔtáí tsú mu nwló féétó ní. Táme mu asón ámu íku asinu bu ɔnlɔn. Mú su ahá ání butamakási tɔtɔ pú ahá ání amó hogyi melíí tsukóle butédámli Paulo asón ámu, fé alí ámú butédámli Bulu asón wanlínhé bun amu. Mú ɔbéha Bulu ɔbéhi amó ní.

¹⁷ Táme apió adwepó, íniá mliyin mú alí su á, nde mli ɔlá da yáí. Mlíɔnka ansí iwíɔ, méní ahá ánfí butamagyi mblasu ánfí bómópu amó atosunáhé laláhe amu bemlé mli, amlíɔɔda. ¹⁸ Mbóun mliyɔ músú, méní aní Wíe pú aní Ɖepó Yesu Kristo awítale pú mu bí bómoní mlítɔ. Numnyam íbwéɛ mu kle tsú séi púya bré féétó! Amen.

¹² Mí abí adwepó, nde ɔwóló ánfí wanlín sísí mli, tsúfẹ Yesu Kristo sɔ Bulu lasí mli lakpan kíe mli. ¹³ Mí así, nde ɔwóló ánfí wanlín sísí mli, tsúfẹ mliabí ɔhá ámóó ɔbu inu tsú ɔyí nfiasí ámu. Nyasubi, nde ɔwóló ánfí wanlín sísí mli, tsúfẹ mliagyi Ɔbɔnsámsó.

¹⁴ Mí abí adwepó, nde ɔwóló ánfí wanlín sísí mli, tsúfẹ mliabí Ɔsí ámu. Mí así, nde ɔwóló ánfí wanlín sísí mli, tsúfẹ mliabí ɔhá ámóó ɔbu inu asa Bulu lóbwe ɔyí ámu. Nyasubi, nde ɔwóló ánfí wanlín sísí mli, tsúfẹ mli hógyi ɔnó bu ɔnlɔn, Bulu asón bu mliɔ. Mliagyi Ɔbɔnsámsó.

¹⁵ Mú sɔ nde mli fẹé bláa mbéé, mliámápu mli klɔn dínká ɔyí pó mótó atósú. Ní ɔku dé ɔyí ánfí dwe á, ɔméesalí trá dwe aní Sí Bulu é. ¹⁶ Ɔyító ató ámu iku gyí, ató laláheá itedínká ɔha ɔwólí; atóá ɔha towun, itedínká mu ɔwólí pó ntobiá ɔha tɔpótsú iwí. Iní ánfí odu kokɔku imotsú aní Sí Bulu wá, ɔyí ánfíto itsú. ¹⁷ Ɔyí ánfí pó mótó atóá itedínká ɔha ɔwólí fẹé detsóɔn. Táme ɔhá ání ɔtɔbwé tóá Bulu tekle obétsiá nkpa ání itamatá.

Kristo Alupó

¹⁸ Mí abí adwepó, bré tráhe ni. Mlikaɔn ání bebláa mli beé, Kristo olupó ámu ɔbéba. Séi ánfí á, Kristo alupó tsɔtsɔtsɔ baba. Iní désuná ání lélé bré tráhe ni. ¹⁹ Kristo alupó ánfí betsiá anitɔ asa bedali. Ní lélé aní klé bugyi á, tekí besi tsiá anitɔ. Amó anitɔdali lósuná ání bomegyí aní apió Kristotɔ. Mú sɔ bedali anitɔ ní.

²⁰ Táme mli mú á, Kristo lapó mu Ɔhe Wankíhé amu wá mliɔ. Mú sɔ mli fẹé mliabí ɔnɔkwali amu. ²¹ Megyí beé mliuméyín ɔnɔkwali amu, sɔ nde asón ánfí wanlín sísí mli. Mboún alíá mliyin ɔnɔkwali amu, pó alí ámóó mliyin wankláán ání ɔtínéá ɔnɔkwali amu bu a, afunu kokɔku ima inu ámu sɔ.

²² Ma gyí ofunupu kpɔnkpɔntí ánfí? Mubgyí ɔhá ání olekiná ɔbéé, “Megyí Yesu gyí Kristo, (ɔhá ámóó Bulu ladá mu ofúli amu).” Idesuná ání alakíná Ɔsí Bulu muɔ mu Bi Yesu Kristo amu. Mú sɔ mubgyí Kristo olupó ámu ni. ²³ Tsúfẹ ɔhá ání okíná Bulu mu Bi ámu lakíná mu Sɔ Bulu é ní. Táme ɔhá ání ɔlɔhɔ mu Bi ámu lahɔ mu Sɔ ámu é.

²⁴ Mú sɔ mliha asón ámóó mliłónu tsú bré ámóó mliłótsɔ hógyi amu isin mliɔ. Tsúfẹ ní isin mliɔ á, múmó ikɔlebwé bétsiá mliha Yesu pó Ɔsí Bulu nsiné. ²⁵ Iní gyí tóá Kristo léhie ɔbéé méha aní, igyi nkpa ání itamatá ámu ni.

²⁶ Ahá ámóó budekléá bémlé mli ámu sɔ nde asón ánfí wanlín sísí mli. ²⁷ Mli mú á, Ɔhe Wankíhé ámóó Kristo lópuwá mliɔ ámu bu mliɔ. Mú sɔ imehián ání ɔhaa ɔbétrá suná mli ató. Tsúfẹ Ɔhe Wankíhé amu tosúná mli tógyító. Mu atosunáhé é igyi ɔnɔkwali onutó. Iní sɔ mlika tóá olosuná mliɔ, amlitsia Kristotɔ.

²⁸ Iní sɔ mí abí adwepó, mlitsia Kristotɔ. Fówun ní ɔbá á, péli méekitá aní, abétalí fia mu. ²⁹ Ní mliyin ání yilé ɔbwepó Yesu gyí á, múmó mliabí ání yilé ɔbwepó Bulu mu bi okugyíaku gyí.

3

Bulu Abí

¹ Mliki alíá aní Sí Bulu tehié dwé aní sɔ buɔtetí aní mu abí. Lélé á, mu abí anigyí. Táme tóá svá ɔyí ánfíto ahá bomeyín aní gyí, bomeyín aní Sí Bulu. ² Mí apió adwepó, séi á, Bulu ahá anigyí. Alíá abébemlí wole ɔmákonýá lé súná aní. Táme aniyin ání Kristo ɔbá á, abélian mu, tsúfẹ abówun alíá ogyi. ³ Ɔhagyíɔha ání ɔɔɔn ansí ání mélian mu tehá mu iwí tetin, fẹ alíá mu iwí letin.

⁴ Ohagyíoha ání otóbwé lakpan á, odekusó líí Bulu mblaso. Tsúfé lakpan gyí Bulu mblasomágyi. ⁵ Mliyín ání Kristo léba oyító bele aní tsú aní lakpantó, táme mu mó otóbwe lakpan koku. ⁶ Iní su ohá ání mu Kristo buđe mbagyí tamatráa bwe lakpan. Mú su ohagyíoha ání otráa ođe lakpan bwe mókówun Kristo, omakóbí mu é.

⁷ Mí abí adwepó, mlimáha ohaa omle mli. Ohagyíoha ání otóbwé yilé á, mu asón da okpa Bulu ansító fé Yesu. ⁸ Táme Obunsám mu bi, ohá ání otráa ođe lakpan bwe gyí. Tsúfé Obunsám dé lakpan bwe tsú bréá oyí lefi así opa. Bulu mu Bi Yesu Kristo léba oyító beyintá Obunsám gyumagyihe kugyíku.

⁹ Ahá ání babwé Bulu ahá butamatráa bwe lakpan, tsúfé Bulu tsiátó bu amótó. Mú su buméetalí trá bwe lakpan. ¹⁰ Tóá abópobí Bulu abí pú Obunsám abí gyí, ohagyíoha ání otamabwé yilé, ntéé dwé mu ba mégyí Bulu mu bi.

Abadwe

¹¹ Asón ání mlidónu tsú bréá mlidémí Akristofó gyí, adwéé aba. ¹² Mlimábwe mli iwí fé Kain. Obbwe Obunsám mu bi, mó mu gyama. Ntó léha só olomó mu? Obbwe ito laláhe, mu gyama mó lóbwe ito wankláán su olomó mu.

¹³ Mí apíó Akristofó, umáwa mli wánwan ní oyí ánfito ahá butolú mli. ¹⁴ Aní mó anyin ání aniladáli lowu así yó nkpa ání itamatátó, tsúfé anidé aní aba dwe. Ohá ání otamadwé mu aba lasin lowuto. ¹⁵ Ohá ání otolú mu ba gyí ahá omopó. Mliyín ání ahá omopó okoku má nkpa ání itamatá. ¹⁶ Alí ámóó Kristo lótsulá wú há aní ámu ilasúná aní alíá odwe gyí. Mú su ilehián ání aní é abówu há aní aba alí kén. ¹⁷ Ní oku bu ató, alawun ání ku de mu ba hián, táme omowun mu nwe há mu a, mómó oméetalí blí obéé, mutódwé Bulu. ¹⁸ Mí abí adwepó, ní igyi alí á, mlimápu onókpan dwé aba. Mboún mliha apu aní bwehé pú onokwali dwe aba.

Iklonwa Bulu Ansító

¹⁹ Ní anitódwé aba alí á, mó abébi ání anibuo onokwali amu ni. Mú su ní anilí Bulu ansító á, toto méehan aní. ²⁰ Ní aní klon ihá aní pón kóráá á, Bulu yin asón don aní klon, oyin aní bwehé kugyíku. ²¹ Apíó adwepó, ní aní klon méha aní pón bréá anilí mu ansító á, ifú méekitá aní. ²² Bulu obéha aní tóá anidé mu kolí, tsúfé anidé mu mblaso gyí, aní tsiátó é légyi mu ansí. ²³ Mbla ání Bulu lówa há aní gyí, ahóó mu Bi Yesu Kristo gyi, adwe aba fé alíá Yesu lébláa aní. ²⁴ Ohá ání ođe Bulu mblaso gyí a, mu Bulu babwé kole. Bulu bu mu klontó. Tóá itosúná aní ání obu aní klontó gyí Ohe Wankihé amóó olpohá aní ámu.

4

Ohe Wankihé Pú Ohe Laláhe

¹ Apíó adwepó, mlimáho ahá féé ání beé, bobu Ohe Wankihé amu asónsú gyi. Mboún mliso ohe ámóó budepusuná ató ámu ki. Tsúfé Bulu onósú atóipú afunupu tsatsaotsa babólá oyí ánfito. ² Iní apóbi ání ohe ámu itsú Bulu wá ní. Ní oku dé ató suná, oelbí obéé, Yesu Kristo léln fé nyankpusa a, mómó mu atosunáhé amu itsú Bulu wá. ³ Táme ní oku léblí obéé, Yesu méln fé nyankpusa a, mómó Ohe Wankihé amu ima mutó. Kristo olupó ohe ámóó mlidónuá beé, idéba amu ni. Uaba oyító dodo.

⁴ Mí abí adwepó, Bulu ahá mli gyí. Mliagyi Bulu onósú atóipú afunupu amusu. Tsúfé Ohe ámóó ibu mlito ámu bu onln don móámóó ide oyí ánfito aháso gyí amu. ⁵ Yesu alupó ámu bumeyín Bulu. Iní su amó atosunáhé féé

igyi ahá ání bomeyín Bulu atosunáhé. Mó sv ahá ání bomeyín Bulu tóhó amó asónsó gyi. ⁶ Aní mó á, Bulu ahá anígyi. Mó sv ÷hagyí÷ha ání oyin Bulu tóhó aní asónsó gyi. Táme ÷há ání omeyín Bulu tamahó aní asón. Iní anitápóbí ÷nàkwali ÷hé ámu pò afunu klé ni.

Bulu Gyí ÷dwe

⁷ Mí adwepó, mliha adwe aba, tsúfé ÷dwe itsú Bulu wá. ÷hagyí÷ha ání ÷tòdwé ahá a, Bulu mu bi ógyi, oyin Bulu. ⁸ ÷hagyí÷ha ání ÷tamadwé ahá méyín Bulu, tsúfé Bulu gyí ÷dwe.* ⁹ Alíá Bulu léle mu ÷dwe súná aní gyí, ÷lèpυ mu Bi ÷kòkónó ÷kole amó sísí ÷yító, méní abòtsun mu sv nyá nkpa ání itamatá. ¹⁰ Megyí alíá anitòdwé Bulu gyí Buludwe ÷nàkwali sv. Mboún alíá ÷lòdwe aní, pò mu Bi sísí aní, ání ÷bópυ mu obugya le aní iwí mbusuo gyí ÷dwe.

¹¹ Apíó adwepó, íniá Bulu léhie dwé aní alí sv á, ilehián ání aní é abòdwe aba. ¹² ÷haa mókóhíé wun Bulu ki. Ní anidé aba dwe á, idesuná ání Bulu bu aní klòntò. Mó sv mu ÷dwe ləfon anitò.

¹³ Bulu lapó ÷he Wankíhé amó há aní. Mó sv anilabí ání ania mu nyò anilabwé kule, ÷bu aní klòntò. ¹⁴ Anilawun mó alí. Mó sv anidé adánsie gyí aniaa, aní Sí Bulu lówa mu Bi Yesu Kristo ÷béé, ÷béle anyánkpsa féé tsu amó lakpantò. ¹⁵ ÷hagyí÷ha ání olohogyi, ÷léblí ÷béé Yesu gyí Bulu mu Bi ámu a, Bulu bu muto, mu é ÷bu Bulutò. ¹⁶ Mó sv aniyin ÷dwe á Bulu bu ha aní, anilóhó mósó gyí.

Bulu gyí ÷dwe. Mó sv ní ÷ku tòdwé Bulu pò mu aba á, ÷bu Bulutò, Bulu é bu muto. ¹⁷ Iní désuná ání Bulu ÷dwe ləfon anitò ní. Mó sv anuméenya péli mu asón ogyíké, tsúfé anilatsíá nkpa ÷yí ánfítò fé Yesu. ¹⁸ ÷há ání Bulu ÷dwe bu muto tamanyá ifú. Mó sv ní anidé Bulu pò aní aba dwe á, anuméenya Bulu ifú. Tsúfé ahá ání buyin ání Bulu ÷bébití amó iso ténýá ifú. Iní sv ní ÷ku dé Bulu ifú nya á, ilosuná ání Bulu ÷dwe məfon muto.

¹⁹ Anitòdwé Bulu pò aní aba, tsúfé Bulu légyankpá dwé aní. ²⁰ Ní ÷ku léblí ÷béé “Ntòdwé Bulu,” táme otolú mu ba á, ofunupυ ogyi. Tsúfé ÷há ání otolú mu ba ání otowun, méetalí dwé Bulu ání ÷màkówwun ki. ²¹ Mbla ání Yesu Kristo lówa há aní gyí, “÷há ání ÷tòdwé Bulu ÷dweé mu ba é.”

5

Tsiátó Laláhesu gyi

¹ ÷hagyí÷ha ání olohogyi ÷béé, Yesu gyí Kristo, (÷há ání Bulu ladá mu ofúli amó) a, Bulu mu Bi ógyi. Ní fòtòdwé ÷kwípó a, fódwe mu bi é. ² Mó sv ní anidé Bulu dwe, anidé mu mblasó gyí a, mó abópυbí ání anidé mu abí dwe ní. ³ Ní anidé Bulu dwe á, abégyi mu mblasó. Mu mbla ámu sv gyí é ima ÷nlin. ⁴ Tsúfé Bulu mu bi okugyí÷ku tetálí gyi tsiátó laláhesu. Aní hógyi anitápógyí mósó. ⁵ Ma ÷bétalí gyi tsiátó laláhesu? ÷há ání olohogyi ání Yesu gyí Bulu mu Bi ámu nkole ÷bétalí gyi mósó.

Yesu Kristo Iwí Adánsie gyi

⁶ Yesu Kristo gyí ÷há ání ÷lòtsun ntsu móa obugyatò ba. Megyí ntsu nkòletò ÷lòtsun. ÷lòtsun obugyatò é. ÷he Wankíhé amó légyí asón ánfí iwí adánsie, ání igyi ÷nàkwali. ÷tamawá afunu. ⁷ Ató asa légyi Yesu iwí adánsie. ⁸ Mógyí, ÷he Wankíhé, ntsu pò obugya. Ató asa ánfí féé léblí toku kule. ⁹ Ní ahá begyi adánsie súná aní, anitohogyi a, mómó ilehián ání abóhó Bulu klé ÷bn. Tsúfé mu onutó légyi mu Bi ámu iwí adánsie. ¹⁰ ÷hagyí÷ha ání

* **4:8** Bulu gyí ÷dwe asi gyí, ÷dwe itsú Bulu wá.

ἄλλο Bulu μου Bi ἄμου γυι λαὸ Bulu adánsιe ánfισυ γυι μου κλυτῶ. Αὐ κέν ἡγαγίῃῃῃ ἄνι ἁμῶ Bulu adánsιe ánfισυ γυι dé μου afunutῶ wa ní. Tsúfē ἁμῶ adánsιe ámú Bulu légyi tsu μου Bi ἰωι ἄμουσυ γυι. ¹¹ Adánsιe ἄμου γυι, Bulu lapó nkpa ἄνι itamatá há ανι tsυn μου Bi ἄμουσυ. ¹² ἡγαγίῃῃῃ ἄνι ἄλλο Bulu μου Bi ἄμου ἅυ nkpa ἄνι itamatá. Αὐ κέν ἡγαγίῃῃῃ ἄνι ἁμα Bulu μου Bi ἄμου má nkpa ἄνι itamatá ní.

Asón Tráhe

¹³ Mlilahῶ Bulu μου Bi ἄμου γυι. Mú συ nde ὡυλό ἄνι wanlín sísi mli, ménι mlebι ἄνι mlibυ nkpa ἄνι itamatá. ¹⁴ Tῶ itehá anitῶwá κlon yó Bulu ansítῶ gyí, akólι μου tógyítῶ ἰgyi μου apé á, otonú ανι ἁμε. ¹⁵ Ní aniyin ἄνι otonú ανι ἁμε a, mómó akólι μου tógyítῶ á, aniyin ἄνι ἄβēῃῃ ανι.

¹⁶ Mú συ ní ἄκυ owun μου ba Okristoyin dé lakpan bwe á, ἄβῶ mpái ha μου. Bulu ἄβēῃῃ μου nkpa. Ahá ἄνι ἄμου lakpan mēekpa ἄμου wá lowutῶ asón ndeblí. Lakpan κυ ἅυ ἰνωά itekpá ἄῃῃ wá lowutῶ. Megyí ἄῃῃ ἄνι ἄβwé lakpan ἄμου odu mbēe mlibῶῶ mpái ha. ¹⁷ Lalahē kugyíko ἰgyi lakpan, táme lakpan κυ ἅυ ἰνωά itamakpá ἄῃῃ wá lowutῶ.

¹⁸ Aniyin ἄνι ἄῃῃ ἄνι alabwé Bulu μου bi ἄκυκυ tamatsiá bwé lakpan, tsúfē Bulu μου Bi ἄμου togyo μου ἰωι. Inι συ ὄbυnsám tamatáli bwé μου tῶtῶ.

¹⁹ Aniyin ἄνι Bulu ἄῃῃ anigyí, táme ὄbυnsám dé ὄyítῶ ἄῃῃ fēésó gyí.

²⁰ Aniyin ἄνι Bulu μου Bi ἄμου laba. Alahá anilanú asón asi, ménι abēbι Bulu ὄnῶkwaliῃῃ μου. Ania monyῶ anilabwé κυλε, ania μου Bi Yesu Kristo é anilabwé κυλε. Lélé á, μου nkυλε pé gyí Bulu ὄnῶkwaliῃῃ pῶ nkpa ἄνι itamatá ἄμου nι.

²¹ Mú συ mí abí adwepó, mlikι mli ἰωι wankláán ἰkpisúmsó.

Yohane ᾠωβλό Νγᾠᾠσι

¹ Aní yín ání Bulu lalé, mí ᾠpasua ᾠhande Yohane dé ᾠωβλό áñfi wanlín sísi fᾠa fᾠ abí. Ntᾠdwé mli fᾠé ᾠᾠkwali amᾠtᾠ. Megyí mí nkᾠle pé tᾠdwé mli, táme ᾠhagyíᾠha ání oyin ᾠᾠkwali amᾠ é. ² Tsúfᾠé ᾠᾠkwali amᾠ bu anitᾠ, ibétsiá anitᾠ brégyíbré.

³ Aní Sí Bulu mᾠa mᾠ Bi Yesu Kristo bugyí aní buale. Bᾠwúun aní nwe, abᾠha aní iwilwii, aní ahá ámᾠbú anitᾠdwé aba ᾠᾠkwalisᾠ ámᾠ.

ᾠᾠkwali Mᾠa ᾠdwe

⁴ Ansí lehié gyí mᾠ bréá nowun ání fᾠ abí ámᾠ akᾠ buᾠa ᾠᾠkwali ᾠkpa ámᾠsᾠ, fé ahá aní Sí Bulu lébláa aní. ⁵ Aní yín ᾠdwepᾠ, mliha adwe aba. Megyí mbla pᾠpwe ndewanlín sísi fᾠ. Mbla ámᾠbú anilébi tsú bré ámᾠbú anilᾠtsᾠ hᾠgyí amᾠ ni. ⁶ Ní futᾠdwé Bulu á, fégyi mᾠ mblasᾠ. Mbla ání anilébi tsú bréá anilᾠtsᾠ hᾠgyi gyí, adwéé aba.

⁷ Ahá amlépu tsᾠtsᾠtsᾠ baba ᾠyí áñfitᾠ. Bᾠdeblí bee Yesu Kristo mélin fé nyankpᾠsa. Ahá áñfi gyí ahá amlépu pu Kristo alupu ámᾠ ni. ⁸ Mᾠ sᾠ mliki wankláán, ménᾠ mli gyumagyihe mᾠᾠbwe kpaali, féki mlénᾠya mli ikᾠká féé.

⁹ ᾠhagyíᾠha ání ᾠmedé Kristo atosunáhé amᾠtᾠ, ᾠlᾠtsᾠn mᾠ ᾠma yᾠ ᾠde tᾠ bambá suná á, mᾠa Bulu bumegyí kᾠle. Táme ᾠhá ání ᾠde Kristo atosunáhé amᾠtᾠ á, mᾠa aní Sí pu Mᾠ Bi ámᾠ féé bugyi kᾠle. ¹⁰ Ní ᾠkᾠ ᾠbá mli wá, ᾠmedé Kristo atosunáhé áñfi suná á, mli máhᾠ mᾠ wá mli wᾠyítᾠ, mli mátsulá mᾠ itsiá. ¹¹ ᾠhagyíᾠha ání otsúlá mᾠ itsiá latsá mᾠ lakpan ámᾠbú ᾠdebwe ámᾠ bwe.

¹² Asᾠn tsᾠtsᾠtsᾠ bu unᾠá teki nébláa mli, táme mmedékléa nᾠwanlín mᾠ sísi mli. Mboun nde ᾠkpa kí ání néba mli wá, ménᾠ mía mli nᾠ abétsiá así, atᾠ nya ansigyí wankláán.

¹³ Fᾠ pió tsihé ámᾠbú Bulu lalé ámᾠ abí behá fᾠ itsiá.

Yuda Ɔwulú

Itsiáha

¹ Mí Yesu Kristo osúmbi Yuda, Yakobo mu pio dé Ɔwulú ánfí wanlín sísí ahá ání aní Sí Bulu létí, ɔ̀ɔ̀d̀wé amó, Yesu Kristo dé amósú kí. *

² Nde Bulu kokóli mbéé, ɔ̀híe wun mlí nwe, ɔ̀ha mlí iwílwíi pú ɔ̀d̀we.

Afunu Ató Asunápó

³ Apíó adwepó, tekí nahíé bwé agywuɔ́n ání nówanlín mlí Ɔwulú tsú nkpa amó Bulu lahó mía mɔ́nyɔ́ ámu íwí. Táme ilehián ání nówanlín kókóli mlí, amliprí hógýi amó Bulu lapóhá mu ahá ɔ̀sáwule pé ámu nwun.

⁴ Tsúfé aha akó banáin bowie mlíto. Ahá ánfí adá ida Ɔwulótó dodo há ɔ̀bɔ́tí, tsúfé bɔ́tamanyá Bulu ifú. Bɔ́deblí beɛ, íniá Bulu tesí aní lakpan kíe aní sɔ́ á, abétalí tsíá tsiátó laláhe. Bakósó líí aní Wíe pú aní Ɔkparú Yesu Kristo ɔ̀kule pé ámuɔ́.

⁵ Mɔ́iyin asón ánfí fée dodo, táme ntráa kain mlí ání aní Wíe Bulu† lékpa mu ahá dáli Egyipte ɔ̀sulúsu, táme ɔ̀ma a, ɔ̀lɔ́mɔ́ amóá bɔ́mɔ́hɔ́ mu gyi fée tsálífwí. ⁶ Mlíkain ání Bulu-abɔ́pɔ́ akó bɔ́metsiá ɔ̀tínéá ɔ̀leha amó túmi ɔ̀bée bɔ́tsiá. Mú sɔ́ Bulu léha bɔ́wa amó ikan, bɔ́tsie oklúntɔ́ bɔ́gyo mu asón ogyík kɔ́nkɔ́ntɔ́ ámu. ⁷ Sodom móa Gomorafó pú nkuda ání ilekafia amó é betsiá wá atɔ́ móa ayin asón. Alí kén Bulu léha ogyá ání itamadun lóhɔ́ amó awúlu fée, púdá ahá fée ɔ̀lá ní.

⁸ Alí nkude akúnɔ́ anfi é bɔ́tokun nkude ni. Itehá amó bɔ́tɔ́bwé lakpan púkpóí amó íwí, bɔ́tamanyá Bulu túmi ifú. Bɔ́teblí abususu púkpóí ɔ̀héá ɔ̀bɔ́ numnyam é. ⁹ Bulu-ɔ̀bɔ́pɔ́ dehen Mikael kóráá méblí asɔ́n laláhe bréá muɔ́ Ɔbɔ́nsám beprí Mose fúli. Tóá ɔ̀leblí gyí, “Bulu ɔ̀wáa íyin wa fú!”

¹⁰ Táme ahá ánfí mú bɔ́teblí asɔ́n laláhe tsú tóá bɔ́monu mú así íwí. Amó bwehé lelian mbwíá bɔ́ma agywuɔ́n. Mógýí tóá itehí amó é ní. ¹¹ Alí ahá ámu bɔ́gyówí! Tsúfé bapó Kain amó ɔ̀lɔ́mɔ́ mu gyama ámu ɔ̀kpa. Bakóla sika yóbwé tóá Bileam lóbwé, bakósó líí Bulusu fé Kora.† Mú sɔ́ Bulu ɔ̀béhí amó. ¹² Ahá ánfí bɔ́tɔ́pú ifin da ɔ̀kulebwe atogyihe amó. Ní mlí amónyɔ́ mlíde atógýí a, péli tamakítá amó. Akparú bɔ́gyi, táme amó nkule klé bɔ́teki. Bɔ́gyi fé agyindeá itamatswie, afú tɔ́tsɔ́an mú náti. Bɔ́gyi fé nyiá itamaswíe ntée bapúlí mú, tú mú así, ɔ̀lawú plíplíplíplí. ¹³ Amó péliɔ́ bɔ́ nyányáa fé ntsusu-afuá iteɔ́da bobun ogbémgbeso. Bɔ́gyi fé ntsrakpabiá ina detsɔ́on nwulótáasu keke. Amó otsiákpá gyí oklún tuun ání Bulu lélayái há amó bré féétɔ́.

¹⁴ Adam ɔ́ma ɔ̀lɔ́ntɔ́ sienósító obí Enok léblí amó íwí asón tswí. Ɔ̀bée, “Mlíki, aní Wíe muɔ́ mu abɔ́pɔ́ wankíhé mpím afíní-afíní bebá. ¹⁵ Ɔ̀bá begýi ɔ̀yító ahá fée asón, ɔ̀bɔ́tí ahá ání bɔ́tamanyá mu ifú ísɔ́. Amó laláheá babwé púkpósó líí muɔ́, pú mu íwí asɔ́n laláheá bablí sɔ́!”

¹⁶ Ahá ánfí bɔ́tɔ́tɔ́í ahásɔ́, lé ahá ɔ̀lá, bwé laláhe kugýíkóá bodeklé. Bɔ́tɔ́sú íwí, bun ahá kpantsapa, méní bénya tóá bodeklé.

Oláda Pó Tóikplá

* **1:1** Ntée Bulu dé amósú kí ha Kristo. † **1:5** Aní Wíe Yesu ntée Yosua bɔ́ nwuló dada amó akoto.

† **1:11** Kora lókusó líí Mose muɔ́ mu dehen Aaronsu.

¹⁷Táme apíó adwepó, mlíkain asón ání aní Wíe Yesu Kristo sumbí ayópó ámvo bebláa mlísv. ¹⁸Bebláa mlí beε, “Nke tráhe ámvo á, ahinlá abwepó béba. Bóbuo amó əwólí laláhe.” ¹⁹Bubu mlító dodo. Amó dé mlí nsiné yintá ní. Amó onutó agywun dé amó kpa, tsufé Ɔhe Wankíhé amv má amótó. ²⁰Táme apíó adwepó, mlí mó á, mlípwe mlí tsiátó dínka mlí hógyi wankíhé amvsv. Mlíhə mpái Ɔhe Wankíhé amv túmitə. ²¹Mlitsia tsiátóá Bulu ədwe lasúná mlí, bré ání mlígyó aní Wíe Yesu Kristo ání əbéba bowun mlí nwe, há mlí nkpa ání itamatá ání.

²²Mlíwun ahá ání asón ámvo imedé amó wankí nwe. ²³Mlíprí akv le ogyá ámvo, pvhə amó nkpa. Mlíwun akv nwe ifúsó. Mlíkí wankláán ání amó lalahε amv iméetsankí mlí.

Bulu Kanfə Mpá:

²⁴Mvtehá anitamadída. Mvtele lalahε lé aní iwí, kpá aní ba numnyam amóv ibv bomlí mv amv así ansigyító. ²⁵Mv nkve gyí Bulu pó aní Ɔhópvo. Numnyam, obú, əwvnlín pó túmi itsóv aní Wíe Yesu Kristosv itv mv. Tsú bréá əyí məkótsúa asi, bətv nde póya bré fée. Amen.

Atóá Bελε Súná Yohane

¹ Iní gyí atóá Bulu léha Yesu Kristo léle súná mv asúmpó tsú tóá íbéba nke ánfítò iwí ní. Yesu lówa Bulu-òbòpυ léba bele mú súná mv osúmbi Yohane. ² Yohane légyí tógyítá olowun iwí adánsíε. Olegyi Bulu asón ámv pú asón ání Yesu Kristo lébláa mv fée iwí adánsíε ònòkwalísv. ³ Bulu obóyulá òhá ání òtekla mv ònósú òtòípó asun wanlínhé anfi súná Kristo òpasua ámv. Obóyulá ahá ání bòtonú asón ámv, gyí ònká mósú é; tsúfε mú fée bábi lafun ta.

Kristo Òpasua Asienó Amv Itsidha

⁴⁻⁵ Mí Yohane dé òwólú ánfí wanlín sísí Kristo òpasua asienóa mlibv Asia òmátó.

Òhá ámvú oletsíá, òbv unv, òbélabá amv mva Òhé asienó ání bulí mv owíε obíá ansító pú Yesu Kristo bogyíi mli bvalε, abvha mli iwílwii. Mvgyí òdansiyin ònòkwalípv, ogyankpapv á òkòkòsv tsú afúlitò, òyító awíε féeésú ogyípó.

Mutòdwé aní, òbòpυ mv obugya ká aní nwwunsv ikò, sí aní lakpan kíé aní. ⁶ Alabwé aní mv iwíε ogyíkpa pú mv igyí ahapú ání abósum mv Sí Bulu. Numnyam móa túmi íbwéε mv kle bré fée! Amen.

⁷ Kí! Òna nwlótáasv òbá! Òhagyíòha obówun mv. Ahá ámvú bòwò mv píá amv kóráá bówun mv. Mv sv òyító ahá fée bósu kóklókúú. Alí íbéba ní!

⁸ Aní Wíε Bulu léblí òbéε, “Mígyí Alfa móa Omega. Otúmípv amúú oletsíá, òbv unv, òbéba amv ní.”

Kristo Le Súná

⁹ Mí, mli píó Yohane ní. Mía mlinyò dé ipian wúun Yesu pú Bulu iwíεgyí ámv sv, anídé íklon nya líi kínkín. Bulu asón òkanda pú Kristo iwí asónblí sv balé mí ya Patmo òpv nsíné òsolósv. ¹⁰ Eke òkúá igyi aní Wíε eke á, Bulu Òhé léba msv. Nónu òme kv, íleln kóklókúú fé òkpe òtsáwvle pé mí òma. ¹¹ Òme amv òbéε, “Wanlín tóá fudewúun wa òwólótó, afòpυya Kristo òpasua asienó, bogyi Efeso, Smirna, Pergamo, Tiatira, Sardi, Filadelfia pú Laodikea.”

¹² Bréá nedamlí mbéε anki òhá ání òde mí asón bláa a, nowun sika pepε òkandíε-oyíá íbv abámbi asienó. ¹³ Òha òkúá òlelian Nyankpòsa-Mv-Bi ámv líi òkandíε-oyí ámv nsúné. Òlòwa ligá, òbòpυ sika pepε òfé tsan mv kántó. ¹⁴ Mv nwun pú mv imi fée lofulí fé opulí mpútó ntée òhráda. Mv ansíbi aklambi é lówankí fé ogyá mpímpí. ¹⁵ Mv ayabi de ogyá kpa fé kòòbrí ání bafwí mó lé ogyátó inonv. Mv òme idetsulá fé ntsuá ídekpa yi. ¹⁶ Òde ntsrakpabi asienó mv gyòpíto. Òdayí íya anyò kláklá íedali tsu mv ònótó. Mv ansító íhíε òewankí fé òpawí. ¹⁷ Bréá nowun mv a, nemlí bun mv ayabiasí fé òha wuhé, táme òbòpυ mv gyòpí íbv ònká mósú, blí òbéε, “Mánya ifú! Mígyí Ogyankpapv móa Òtráhe amv ní. ¹⁸ Mígyí òkíankpapv amúú nowu ámv ní. Kí, mbv nkpa bré féeétó! Mv túmi lowu móa afúlitòsv.

¹⁹ “Wanlín tóá fawun bòtsun, móa ídebá séi pú móa íbéba òma wa òwólú ámvò. ²⁰ Ntsrakpabi asienó ámvú fowun mí gyòpíto pú sika pepε òkandíε-oyí abámbi asienó ámv así ní. Ntsrakpabi asienó ámv igyí òpasua asienó ámv abòpυ. Òkandíε-oyí abámbi asienó ámv é gyí òpasua asienó ámv.

2

Efeso Ɔpasua Nkla

¹ “Wanlun asón ánfí sísí Akristofó Ɔpasua ání ɪbu Efeso wúluto ɔbɔpu fɛɛ,*
 “Ɖhá ámúú ɔde ntsrakpabi asienó mu gyɔpito, ɔna sika pɛpɛ ɔkandíe-oyí abámbi asienó ámu nsiné ámu ɔbɛɛ: ² Nyin tóá fɔdebwɛ fɛɛ. Nawun alá fohíé fɔde agyómá yɔ, pú alá fɔde nsi wa lí kínkín. Nyin ání futamakle aha laláhe asón. Fakápú ahá ámúú bɔde amú ɪwɪ tɪ Kristo sumbí ayɔpó ámu, wun ání afunupu bɔgyi. ³ Fotomi wun ipian mí su, fómeyinkí ɔma. ⁴ Táme asón kole péá mbu fú ɪwɪ gyí, ɔdwe itráa ma mía fonyɔ ntée fɔa fú aba nsiné fɛ gyankpapu amu. ⁵ Mú su kain alá tekɪ fugyi asa fadida. Damli klɔntɔ, afulatsia fú atsiábi. Ní megyí alí á, néba beɛ fú ɔkandíe-oyí ámu lé mú aba Ɔpasua atráhe amutɔ. ⁶ Táme toku koleá ɪbu alá fú ɪwɪ gyí, futamakle Nikolai abúopu bwehé laláhe amu, fɛ alá mí é ntamakle mú.

⁷ “Ɖhá ání ɔbu asu onúu ason ání Ɖhe Wankíhé amu dé Ɔpasua ámu bláa asi. Néha ɔhá ání olegyi ɪsu obégyi Paradiso ndobító oyí-abí ámúú itehá nkpa ámu.”

Smirna Ɔpasua Nkla

⁸ Ɖletrá bláa mi ɔbɛɛ, “Wanlun asón ánfí sísí Akristofó Ɔpasua ání ɪbu Smirna wúluto ɔbɔpu fɛɛ,

“Ɖhá ámúú ogyi Ogyankpapu móa Ɖtráhe, olowu lákósú tsú afúlitɔ ámu ɔbɛɛ: ⁹ Nyin fú ipian wunhe pú ohian ání fɔdegyí, táme fɔbu ató! Nyin alá Ɔpasua ámúú bɔde ɪwɪ kí beɛ, Yudafó bógyi ámu bɔde afunu wa dínká fúsó. Megyí Yudafó bógyi, Ɖbunsám abúopu Ɔpasua bɔgyi. ¹⁰ Máha ipian ání ɪbéba fusu ɪwa fú ifú. Nde fú bláa, Ɖbunsám ɔbéha békítá mlitɔ aku tswɪ obu. Ɖbɔso mli kí. Bédínká fúsú nke dú. Ní lowuto ígyi ó á, fú mú wa ɔnɔkwali. Néha fú ɪsɔgyi-ɪpa, ígyi nkpa ání itamatá.

¹¹ “Ɖhá ání ɔbu asu onúu ason ání Ɖhe Wankíhé amu dé Ɔpasua ámu bláa asi. Ɖhagyíɔha ání olegyi ɪsu á, lowu nyɔɔsi amu ɪméeda mu.”

Pergamo Ɔpasua Nkla

¹² Ɖletrá bláa mi ɔbɛɛ, “Wanlun asón ánfí sísí Akristofó Ɔpasua ání ɪbu Pergamo wúluto ɔbɔpu fɛɛ,

“Ɖhá ámúú ɔbu ɔdayí ɪya anyɔ kláklá ámu ɔbɛɛ: ¹³ Nyin ání futsie ɔtínéá Ɖbunsám owíe obíá ɪtsie, táme fɔde fú hógyitɔ kínkínkín. Bréá bɔmɔ mí adánsie ogyípó ɔnɔkwaliɔ Antipa mli wá ɪnu kóráá á, fumeɔkpa mí ɔma. ¹⁴ Táme mú ó á, mbu fú ɪwɪ asón kpalobí kv. Mlitɔ aku bɔbɔuo Balaam amúú olosuná Balak† alá ɔbɔbwe Israelfó bɔbwe lakpan, ɔleha amú betsiá wá atsi móa ayin asón, tsíá gyi ɔkpɪtɔ-ató ámu. ¹⁵ Alí kén aku bɔbɔ mlitɔá bɔbɔuo Nikolai atosunáhé ni. ¹⁶ Mlɪdamli klɔntɔ. Ní megyí alí nóbofwie mlitɔ, pú mí ɔnótɔ ɔdayí ámu kó amú.

¹⁷ “Ɖhá ání ɔbu asu onúu asón ání Ɖhe Wankíhé amu dé Ɔpasua ámu bláa asi.

“Ɖhagyíɔha ání olegyi ɪsu obégyi atogyiɛ amúú bɔpɔɔhín ámu kv. Nétrá ha okugyíɔku ɪbwi futútúá bɔwanlín ɪdá pɔpwe dínká mósó. Mu nkole ɔbébi dá ámu. Ɖhaa méɛbi mú tsía mɔtɔ.”

Tiatira Ɔpasua Nkla

¹⁸ Ɖletrá bláa mi ɔbɛɛ, “Wanlun asón ánfí sísí Akristofó Ɔpasua ání ɪbu Tiatira wúluto ɔbɔpu fɛɛ,

* 2:1 Ɖbɔpu anfi gyí Bulu-ɔbɔpá ɔlí há Ɔpasua ámu ni. ɪbu nfi móa 2:8, 12, 18; 3:1, 7, 14 étó. † 2:14 ɪni bu Numeri 22–24tɔ

“Bulu mu Bi ámúú mu ansíbi igyi fé ogyá ɔdandu, mu ayabiası igyi fé kɔ́ɔbrı́ anı́ bapúwá ogyá, plı́u mú iwı́ ámu ɔbéε: ¹⁹ Nyin fú bwehé féé. Nyin fú ahádwe, fú hógyi, fú osum agyómá pú fú nsiwa lí kínkín. Nyin anı́ fúdebi bwé dun gyankpapu amu. ²⁰ Táme asón anı́ mbu ha fú gyı́, fahá ɔtsı́ ámúú butetı́ mu Yesebel, ɔde mu iwı́ ti ɔbéε, Bulu ɔnósú ɔtɔ́pó amu dépu mu atosunáhé mlé mí asúmpú, bude atsí múa ayin asón wa, bude ɔkpitɔ́-ató é gyı́. ²¹ Naku mu ansıtó anı́ ɔbédamlı́ kluntɔ́ bobuo Bulu, táme omedékléá obési mbuato. ²² Mú su néda mu, wá mu ı́ɔ. Obówun ipian. Nı́ mu aha ámúú bude mbua tɔ́ ámu é bumesi, lé iwı́ lé mútɔ́ á, néha amú béhiε wun ipian. ²³ Nómɔ́ mu abúopu amu. Akristofɔ́ ɔpasua féé bébí anı́ mígyı́ ɔhá ámúú otowun aha kluntɔ́ pú amú nwuntɔ́ asón ámu ni. Néka okugyı́ɔko ı́kɔ́ mu bwehé ɔnó.

²⁴ “Táme mlí aha tráhe anı́ mlı́ası́ mlı́bu Tiatira wúluto, mlı́móbuo ɔtsı́ ámu atosunáhé amúú bude mú ti ‘Ɖbonsám asun ɲáínhé’ amu mú á, mmóopu ato soráhé koku sórá mli. ²⁵ Táme mlıkita mí atosunáhé amúú mlı́bu amutɔ́ kínkínkín yɔ́fun bréá néba. ²⁶ Néha ɔhá anı́ olegyi tógyıtósó, ɔletalı́ bwé mí apé yɔ́fun ɔyi ɔnómáké túmi, obégyi ɔmá féésú. ²⁷⁻²⁸ Ɖbékpa amú owuntɔ́lnsu, bwı́ébwı́e amú blı́blı́blı́ fé abua. Obénya túmi amúú mí Sí lópuhá mí ámu odu. Nópɔ́ mu baka ɔtsrakpabi há mu, púsúná anı́ alagyi ısu.†

²⁹ “Ɖhá anı́ ɔbu asu onúu asón anı́ Ɖɲe Wankíhé amu dé ɔpasua ámu bláa asi.”

3

Sardis Ɖpasua Nkla

¹ Ɖletrá bláa mı́ ɔbéε, “Wanlin asón anfi sısı́ Akristofɔ́ ɔpasua anı́ ıbu Sardis wúluto ɔbɔpu féε,

“Ɖhá ámúú ɔbu Bulu Ɖɲé asienó pú ntsrakpabi asienó ámu ɔbéε: Nyin fú bwehé féé. Fubu ıdá anı́ fukı́ nkpa, táme fawú fóna. ² Mú su tsinki, afɔ́wa fú ato tráhe amu ɔwɔnlın, tsúfé idekléá iwı́. Nawun anı́ fú bwehé lesian mí Bulu ansıtó. ³ Mú su kain tɔ́á bosuná fú pú múa fonusu. Gyı́ mósú, afudamli kluntɔ́. Táme ní fometsinkı́ á, nóbofwı́e fótó fé owı́kplı́, fóméεbi bréá néba.

⁴ Táme aha aku bubu wúlu amutɔ́á bumákpóı́ amú atadie.* Bówa atadie futútú, mía amónyɔ́ abénatı́, tsúfé bafun. ⁵ Néha ɔhá anı́ olegyi ısu ɔbówa atadie futútú. Mméetsitsı́ı́ mu ıdá lé nkpa ɔwóló ámutɔ́. Néblı́ mı́ Sí mu a mu abɔpu ansıtó mbéε, míbı́ mu.

⁶ “Ɖhá anı́ ɔbu asu onúu asón anı́ Ɖɲe Wankíhé amu dé ɔpasua ámu bláa asi.”

Filadelfia Ɖpasua Nkla

⁷ Ɖletrá bláa mı́ ɔbéε, “Wanlin asón anfi sısı́ Akristofɔ́ ɔpasua anı́ ıbu Filadelfia wúluto ɔbɔpu féε,

“Ɖhá ámúú ɔbwankı́, ɔtamawá afunu, ɔde Owı́e Dawı́d sáafi, ofınkı́ ɔhaa tamatálı́ fin, ofın é ɔhaa tamatálı́ fınkı́ ámu ɔbéε: ⁸ Nyin fú bwehé féé. Kı́, nafınkı́ obu yáı́ há fú. Ɖhaa méetalı́ fin mó. Nyin anı́ fuma ɔwɔnlın, táme fagyi mí atosunáhésu, fómekpa mí ɔma. ⁹ Ɖbonsám abúopu amúú bude afunu wa beε, Yudafɔ́ bugyı́ ámu a, néka amú híé béba beɔda akpawunu fú ayabiası́. Amú féé bébí anı́ ntɔ́dwé fú. ¹⁰ Fagyi mí asónsú, fanyá klun lí kínkínkín. Mú su néle fú lé ipian ámúú nópɔ́su ɔyıtó aha féé kı́ amutɔ́.

† **2:27-28** Israelfɔ́ ıbu 2:8-9 * **3:4** Bumákpóı́ amú atadie ası́ gyı́ bumákpóı́wé lalahaε.

11 Kí, nebá ní. Mọ sọ kítá itọ á múú fúbù amọtọ kínkíínkín, méné ọhaa móhọ fú ịsugyí-ịpa lé fú ịbító. 12 Ọhá ání olegyi ịsọ á, nópọ mọ bwe mí Bulu ọtswékpa obu ámu ọtan. Ọmétrá dali ịnọ ẹkẹkẹkẹ. Nọwanlín mí Bulu ịdá dínká mọsọ. Nọwanlín mí Bulu wúlu, igyi Yerusalem pọpwe amọ ịdá dínká mọsọ. Wúlu á múú ịbékplí tsú ọsọsọ mí wá ba amọ, nọwanlín mí onutọ ịdá pọpwe amọ é dínká mọsọ.

13 “Ọhá ání ọbọ asọ onúu asọn ání Ọje Wankíhé amọ dé ọpasua ámu bláa así.”

Laodikea Ọpasua Nkla

14 Ọlẹtrá bla mí ọbée, “Wanlín asón ánfí sísí Akristofọ ọpasua ání ịbọ Laodikea wúlu ọbọpọ fẹe,

“Ọhá á múú ọbẹtí mọ Amen, mọ sọ Bulu asón fée ịteba mótọ, ogyi ọdansiyin ọnkwalıpọ, ọtamawá afunu, ogyi Bulu atọ bwehé fée nwon ámu ọbée: 15 Nyin fọ bwehé fée. Fumeblí ogya, fómolwíí é. Ní fẹblí ogya ntée folwíí á, tẹkí ịbọ alé. 16 Táme fugyi bwiánbwián, fumeblí ogya, fómolwíí é. Mọ alí sọ nótu fọ tsítsá. 17 Fẹe, atọ onyapọ fugyi, fúbù atọ. Tọtọ médé fọ hián, táme fọma tọtọ, fọmeyín ání ohiáni fúgyi. Fúbù nwe, fú ansíbi labwíé, fóna yayá. 18 Mọ sọ ndetọ kplá fọ mbée, pọ kọba bọhọ sika pẹpẹá bafwí mọ ogyátọ mí wá. Mọ ọbẹha fénya atọ onutónutọ ní. Ntráa nde fọ bláa mbée, fúbóhọ atadié futútú, afọpọtín fọ péli móa fọ yayá ámu. Bọhọ afá da fọ ansíbisọ, méné fówun atọ. 19 Ahá ání ntadwé á, amọ ntọwá ịyin wa, bití amọ ịsọ. Mọ sọ wa nsí, afọdamli klontọ. 20 Kí, nli obu-ọnọ, nde agoo tswí. Ní ọkọ lónu mí ọme, olefínkí há mí á, nébitíwíé mọ wá, mía munyọ abówa ịbọ gyi atọ. 21 Ọhá ání olegyi ịsọ á, néha mọ obétsiá mí wá, mí owíe obía ámọsọ. Alí kén mí é negyi ịsọ, ntsie mí Sí wá mọ owíe obía ámọsọ ní.

22 “Ọhá ání ọbọ asọ onúu asọn ání Ọje Wankíhé amọ dé ọpasua ámu bláa así.”

4

Ọsọsọ Bulusúm

1 Ịnị ọma a, nelawun atọ bámbá. Nowun ání obu lafínkí ọsọsọ. Nelanú ọme amọ ịlegyankpá bláa mí asón ámu. Ọme amọ igyi fẹ ọkpe. Ọlẹbláa mí ọbée, “Dọ ba nfi, mí ansuna fọ táá ilehián ání ịbẹba ịnị ọma.” 2 Bulu Ọje lẹba mísú ọtsáwọle pé. Múbá nówun a, owíe obía kọ tsie ọsọsọ ịnọ, ọkọ tsie mósú. 3 Ọhá á múú ọtsie mósú ámu ịwí dé ogyá kpa fẹ abwi wankláán kọá igyi pépe móa futútú. Mú ọtneko é igyi fẹ nyankpótáa, ịde ogyá kpa bomlí owíe obía ámu fẹ ịbwi wankláán kọá igyi fitáa bọbwe.* 4 Owíe-mbíá aduanyọ-na ịtsie bomlí owíe obía ámu. Ahande aduanyọ-na bọwa atadié futútú bọtsie mbía ámọsọ, bobun sika pẹpẹ ịpa. 5 Ịnọ nyankpọ lówa ịbọ fwi bọ. Odekpíe, ọpráda depótí dálí owíe obía ámọtọ. Ịbia asienó ilí owíe obía ámu ansítọ, ịdetsíí. Múgyí Bulu Ọje asienó ámu ní. 6 Nowun gláasi ọpọ kọá mósú ịde ogyá kpa fẹ atufolibi, ịda owíe obía ámu ansítọ.

Mbwi akwá bọkí nkpa ana, ansíbi iduadúa amọ nkpa móa ọma fée, bobomlí owíe obía ámu ọbun nsuné ịnọ. 7 Amótọ ogyankpapo gyí fẹ gyatá. Onyọọsọ gyí fẹ ọnanswie yínhé. Ọsaasi ansítọ igyi fẹ nyankpọsa, ọnaasi é gyí fẹ oyitsu ání odefulí. 8 Okugyíakọ bọ abámba asie, ansíbi iduadúa mótọ móa mọ ọma fée. Bọde ịbọ wa ọpa onyé bẹe,
“Wankí, wankí, wankí gyí aní Wíe Bulu Otúmípọ.

Mulétsiá, ọtsie, ọbélaba.”

* 4:3 Ịbwi futútú ámu dá gyí ánfí yaspa. Pépe amọ dá gyí kanelia. Futáa bọbwe amọ é dá gyí emerald.

⁹ Mbwi ámu butwá ilu ámu, pú numnyam, obú móa ipán há chá ámúú otsie owíe obíá ámuusu, omóowu ekekeeke ámu. Ní bəbwé mó alí á,
¹⁰ ahande advanyo-na ámu é bamli bun chá ámúú otsie owíe obíásó amu ansító súm mu. Mubúu iwu bré fěétó ni. Fówun babwíi amó owiepa ámu tswi obíá ámu ansító bli bee,

¹¹ “Ani Wíe pú aní Bulu!

Fólehián aní abópu obú, numnyam móa túmi há,
 tsúfě fólóbwe ató fěé. Fəbwe tógyító fó apétó.

Mó fěé ilaba mótó.”

5

Okúfabi Amu Létii Owóló Amu

¹ Inu oma a, nowun aní chá ámúú otsie owíe obíá ámuusu ámu dé owóló kúntáhé mu gyəpito. Bəwanlin ató dínká mó nkpa móa mó oma fěé, bəpu okpin tan mó onó tse sienó. ² Inu nowun Bulu-abəpu otúmípu əkwá ədekplón fité əbée, “Ma lófun aní əbémain ató asienó ánfí, tíi owóló ámu onó?” ³ Bumenya əhaa əsúsú ntée əsolúsu ntée əsolúsu ayasi aní əbétali tíi mó onó, kla mó. ⁴ Inu su nehie su, tsúfě bumenya chá aní əlɔfon, obétií owóló ámu ntée əbékla mó. ⁵ Inu ahande amoto əkwé ləbláa mi əbée, “Mátrá su. Kí, Yuda abusuanto Gyatá, ogyi Owíe Dawid mu na ámu lagyi iwu. Əlɔfon aní əbémain ató asienó ámu, tíi owóló ámu onó.”

⁶ Inu nowun Okúfabi əku. Uelian aní bapú mu há igyi kí. Əlíi owíe obíá ámu, akiankpa pu ana ámu pú ahande advanyo-na ámu nsiné. Əbu nsiebi asienó pú ansibi asienó. Mu ansibi asienó ámu gyi əhə asienó aní Bulu təwá sísi əsolúsu anfiwu ətinegyiətiné ni. ⁷ Okúfabi amu lədalí ba nkpa, ələbəhə owóló ámu lé chá ámúú otsie owíe obíásó amu gyəpito. ⁸ Inu mbwi ámúú buki nkpa ana ámu pú ahande advanyo-na ámuto okugyiəku lémlí bún Okúfabi amu ansító. Okugyiəku dé əsankuo pú sika pepe blanwébi aní əhién bə mó. Bulu ahá mpáí gyi əhién ánfí. ⁹ Akiankpa pu ana ámu pú ahande advanyo-na ámu bude ilu pəpwe wa bee,

“Fólɔfon aní fótso owóló ámu,

máin ató asienó ámúú bəputan mó onó ámu.

Tsúfě bəpu fó há igyi, fəpu fó obugya hə ahá há Bulu.

Fəhə ahá abusuangyiabusuan, əblúgyiəbli, əmágyiəmə pú əsolúsu ahá ətsan-ətsan fěétó.

¹⁰ Fayáí fó iwíe ogyiəkpá há amó, fabwé amó fó igyi ahapú aní bətsiá há aní Bulu ámu igyi.

Bégyi iwíe əsolúsu.”

¹¹ Nelaki, nonu Bulu-abəpu tsətsəətsə əme. Bəhié butə aní buma iklátə. Bobomli owíe obíá ámu móa akiankpa pu amu pú ahande advanyo-na ámu.

¹² Bəpu əme kənkpəənkpənti wá ilu bee,

“Okúfabi amúú bəpuhá mu igyi ámu lófun

ha túmi, iwínya móa

nyansa pú awútó əwonlin,

idayilé móa numnyam pú kanfó.”

¹³ Inu nonu atáá Bulu ləbwe fěé əme. Múá iwu əsú móa asi, əsolúsu ayasi pú əputə fěé, bude ilu wa bee,

“Kanfó, idayilé, numnyam pú túmi fěé

iletsiá chá ámúú otsie owíe obíásó amu

pú Okúfabi amu bré fěé!”

¹⁴ Múú akiankparụ ana ámu beblí bεε, “Amen!” Inu ahande adwanyo-na ámu bemlí bun sým Bulu mwa Okúfabi ámu.

6

Okpin Asienó Amu Main

¹ Mí ansító inu á, Okúfabi ámu lémain ató asienó ámúú bəputan əwóló ámu ɔnó ámuto kule. Inu nonuá akiankparụ ana ámuto əkwle léle ɔnó. Mu əme lelin fé əpráda əbéε, “Ba!” ² Neki a, əpənkə futútú əku ní. Musu odinkápó ámu dé ita, bobun mu owiepa. Ɔləpə əpənkə ámu kplí ba əsolósu fé isu ogyipóá ətráa əbá bəko isá tsətsəotsə, ətra gyí isu.

³ Bréá Okúfabi ámu lémain ató nyəəsíá bəputan əwóló ámu ɔnó á, nonuá akiankparụ ámuto onyəsí ləblí əbéε, “Ba!” ⁴ Əpənkə pəpə əku lédali ba. Beha musu ədinkápó ədayí iya anyə títín kv. Beha mu túmi ání əléε iwilwii le əyító. Mú su isá ləda ətínegyiətíné, ahá bəmə aba.

⁵ Bréá Okúfabi ámu lémain ató saasiá bəputan əwóló ámu ɔnó á, nonuá akiankparụ ámuto əsaasi ləblí əbéε, “Ba!” Neki a, əpənkə bibi əku ní. Musu ədinkápó ámu dé skéeli. ⁶ Inu nonu əme kv lédali tsu mbwí ámúú bətsie nkpa ana ámuto əbéε, “Ayó olónká kule ntée imə olónká asa ibóbwe ekewóle ikaká.* Táme máyintá nfə móa wáin-nyí mó.”

⁷ Bréá Okúfabi ámu lémain ató naasiá bəputan əwóló ámu ɔnó á, nonuá akiankparụ ámuto ənaasi ləblí əbéε, “Ba!” ⁸ Inu nowun əpənkə əkwá mu iwí igyi fé nsúó. Musu ədinkápó ámu idá gyí Lowu. Afúlito é buo mu. Beha ámu túmi ání ní beye əyító aku ana á, bəmóə iku kule. Bəpúə ədayí iya anyə móa akón, ilə móa əsolósu mbwikítá-atə mə ámu.

⁹ Bréá Okúfabi ámu lémain ató nuusiá bəputan mó ɔnó á, nowun Bulu asóntó akítápó ámu əkláa afədiε-asubwi ámu ayasi. Bulu asón ámu iwí adánsie gyí sv bəmə ámu. ¹⁰ Inu bəsurá okitikítí kóklókúú bεε, “Oo! Bulu Otúmipə, fə iwí ləwankí, fúbu ənəkwali. Ɔmenke fégyi əsolóú anfisə ahá asón, fité aní obugya tsú aní aməpú ámu wá?” ¹¹ Mú əma a, beha ámu féé ligá futútú, bebláa ámu bεε, bətráa tsia kpalóbí. Bətsia yofun bréá bamó ámu aba asúmpú ahógyipə ámu é, ámu ədudəə lafun asa.

¹² Bréá ndékú a, Okúfabi ámu lémain ató siesíá bəputan əwóló ámu ɔnó. Ɔsolóú ləkpinkí kóklókúú, owí lebi tuun fé tati bibi, ətsra é ləpə kəə fé obu-gya. ¹³ Múú ntsrakpabi bekpakpáa bun əsolósu, fé afú kəpənkəpənkəntí látsən kpakpáa pəntə-abíá iməkódan bun. ¹⁴ Nwólótáa lokuntá fé əwóló, tsú mú náti. Abv móa əpə nsiné əsolóú féé lédali mú otsiákpá. ¹⁵ Inu nowun ání əyító awíε pú ahande pú isá ɔnó alúpú pú asikafə pú atúmipə, nkpábi móa iwisə atsiápú beyənáin abusə abwí alatə pú abwí mbótó. ¹⁶ Bebláa abv móa abutá ámu bεε, “Mlikpa bun anisə, méní owíε obíású otsiápú ámu omóowun aní, Okúfabi ámu əméebití aní isu! ¹⁷ Tsúfé ámu ahá isəbití eke ámu lafun. Ma əbétalí líí mú ɔnó?”

7

Bulu Ahá Mpím Lafakvle Advana-na (144,000)

¹ Inu əma a, nowun Bulu-abəpə ana, bulí əyí afonka ana ámu féésó. Bude afú afonka ana ámuto kínkíínkín, méní iméetrá tsən əsolósu, əpəsv ntée oyi kəkv. ² Inu nowun ání Bulu-əbəpə bámábá dédali tsu owí ədalíkpa. Ɔde Bulu Ɔkiankparụ atáá ətəpóhíε mu ahá nsə. Múú ələsurá okitikítí kóklókúú kpólí abəpə ana ámúú Bulu léha ámu túmi əbéε, bəbéyintá əsolóú móa

* 6:6 Ilosuná ání isá sv ató béhíε wá ibíá.

ɔpu amu. ³ Bulu-ɔbɔpu amu lébláa Bulu-abɔpu ana ámu ɔbéé, “Mlumáyintá ɔsolúv ntéé ɔpu ntéé oyí kuku, yófon bréá nɔpu ató híe mí Bulu asúmpú ɔsɔkpu nsu asa.” ⁴ Inu bekla ahá ámúv bapó Bulu ató híe amú nsu amu fée. Amú ɔɔvɔvɔ bogyi ahá mpím lafakule advana-na (144,000). Amú fée bɔtsú Israel abusuan dúanyɔ ámɔvɔ. ⁵⁻⁸ Behie ahá mpím dúanyɔ (12,000) nsu abusuan ámu kugyíkɔvɔ. Abusuan ámu adá gyí, Yuda, Ruben, Gad, Asa, Naftali, Manase, Simeon, Lewi, Isakar, Sebulon, Yosef pú Benyamin.

Ɔɔm Aní Bɔtsú Ɔmá-ɔmátɔ

⁹ Inu ɔma a, nowun ɔɔm kuá ɔhaa méetalí kla amú. Bɔtsú ɔmágyíɔmá, abusuangyíabusuan, ɔsolúsv ahá ɔtsan-ɔtsan pú ɔblígyíɔblíto. Bulí owíe obíá ámu pú Okúfabi amu ansító. Bɔwa ligá futúúúúú, buɔe mbláa. ¹⁰ Bɔsɔrá okitikítí kóklókúv beɔ, “Aní Bulu ámúv ɔtsie owíe obíásó pú Okúfabi amu tóhɔ ahá nkpa!” ¹¹ Inu á, Bulu-abɔpu amu fée belí bómlí owíe obíá ámu pú ahande advanyɔ-na ámu pú akiankpaɔ ana ámu. Bemlí bun, pú ansító bun ɔsolúto owíe obíá ámu ansító, súm Bulu, ¹² blí beɔ, “Amen! Ikanfú, numnyam, nyánsa, ipán, obú, túmí pú ɔwonlín ibwée mu kle bré fée! Amen!”

¹³ Inu ahande amɔvɔ ɔkule léfité mí ɔbéé, “Amendí gyí ahá ánfí bɔwa ligá futúúúúú ánfí? Nkónó bɔtsú?”

¹⁴ Múv nebláa mu mbée, “Ɔhande, fú yín.”

Múv ɔlebláa mu ɔbéé, “Ahá ánfí gyí ahá ání batsɔn asɔn wunhe kpɔnkpɔntí ámɔvɔ dáli ní. Amú láfwí amú atadie Okúfabi amu obugyato, ílafúli futúúúúú ní. ¹⁵ Mú sɔ bulí Bulu owíe obíá ámu ansító, buɔe mu súm ɔpa-onyé mu ɔswékpa inu ní. Ɔhá ámúv ɔtsie owíe obíá ámu sv é obétsiá amótó, bún amósú. ¹⁶ Akón múa ɔmewólí méetrá kítá amú, owí ntéé ɔpawí é iméetrá tɔ amú. ¹⁷ Tsúfée Okúfabi amúv ɔlí Bulu owíe obíá ámu asu ámu ɔbɔbwe amú ɔkpaɔ. Obégya amú nkpa, kpa amú ya nkpa-ntsu ámu ɔwíkpa, aní Wíe Bulu obétsitsíí amú ansí ntsú fée.”

8

Okpin Sienósi Amu Main

¹ Bréá Okúfabi amu lémain atɔ sienósiá bɔpɔtan ɔwólú ámu ɔnɔ á, ɔsósú lɔlɔv fé ɔnɔhwírí-fɔn. ² Inu nowun Bulu-abɔpu asienó ámúv bulí mu ansító ámu. Beha amótó okugyíáku ɔkpe.

³ Bulu-ɔbɔpu bámbá lébá belí afɔɔɔie-asubwi amu ansító. Ɔɔe sika pepe blanwébi ání bɔtɔwá ɔhíén ogyá mótó. Beha mu ɔhíén tsɔtsɔtsɔ, ɔlɔpɔtsiá Bulu ahá mpáto, púyédunká sika pepe afɔɔɔie-asubwi amúv iyí owíe obíá ámu ansító ámu sv. ⁴ Mu ɔhíén ámu ogyási letsia Bulu ahá ámu mpáto, kósú tsú afɔɔɔie-asubwi ámu sv yó Bulu ansító. ⁵ Inu Bulu-ɔbɔpu amu lótsu ɔhíén blanwébi ámu, ɔlele ogyá afɔɔɔie-asubwi ámu sv wá mótó, fun mú dá ɔsolúsv. Inu nyankpu lówa ibí fwí bí. Odekpíe, ɔpráda ɔepɔtí, ɔme ɔtsan-ɔtsan ɔelín kóklókúv, ɔsolúv é ɔekpínkí kpakpakpakpa.

Ikpe Asienó Amu

⁶ Bulu-abɔpu asienó ámúv buɔe ikpe asienó ámu é beɔa iwísv há mú fólí.

⁷ Bulu-ɔbɔpu gyankpaɔ lófólí mu ɔkpe. Múv bɔtsu atsufolibi múa ogyá ání obugya lefráa mú, tswí mú wólí ɔsolúsv. Ní beye ɔsolúto asa á, mótó iku kule múa mósú nyí pú mósú ífá fée lɔhɔ plíplíplíplí.

⁸ Bulu-ɔbɔpu nyɔɔsi lófólí mu ɔkpe. Inu bɔtswí tɔku fé ibv kpɔnkpɔntiá ídehɔ wá ɔpɔtɔ, ɔpɔtɔ yéé asato ikule ledamli obugya. ⁹ Ɔpɔtɔ mbwíá buku

nkpa f́éétó ýee asatò iku kole bowu, ntsusu ayibitò ýee asatò iku kole é lobwiebwíe.

¹⁰ Inu Bulu-òbòpù sáásí lófólí mu òkpè. Òtsrakpabi kpònkpòònkpònti kuá idè ogyá tsíí f́é obíá lékpa tsú òsósú bédà ntsu tsònhéá íbù òyító f́éétóyee asatò iku kole. ¹¹ Òtsrakpabi amù dá gyí “Òkitá.” Inu ntsu tsònhè amòtòyee asatò iku kole lówa òkitá dùn òkpín. Mù òkitá sù ahá tsòtsòòtsòá bonu mù bowu.

¹² Òbòpù náásí lófólí mu klè. Ilòwò owí móa òtsra pù ntsrakpabitò ýee asatò iku kole. Mù f́éé lodun. Ini sù òyi kehè móa owi tahétó ýee asatò iku kole é loklun.

¹³ Nèkí a, oyitsu òku défulí, odesú kòklokókú òb́ee, “Ahá àní b́etsiá òsolùò anfisù asa Bulu-abòpù asa atráhe amù b́òfólí amù nkpe amù bugyówí tsenyò-tsesa!”

9

¹ Bulu-òbòpù núúsí lófólí mu òkpè. Nowun àní òtsrakpabi lékpa tsú òsósú bédà òsolùò, bòpù ilán klúklúúklúá ima òka sáafi há mu. ² Mùò olefinkí ilán klúklúúklú ámu ònó, ogyási lèdalí mótó f́é obuntò. Ogyási amù ilèha nsaintò f́éé ilebi tuun. ³ Inu atsantsanku bédalí tsu ogyási amòtò ba òsolùò. Beha amù túmi b́ee busóra ahá f́é nyankpòkpíe. ⁴ Bèbláa atsantsanku ámu b́ee, bùmápu ònó da ífá ntéè nyí kuku, dùn ahá ámuú Bulu nsòhietò mèdín amù òsòkpí amù. ⁵ Bùmeha amù òkpa àní bùmóò amù, táme b́ohíe wa amù iwòsin tsra anu kéké. Amù iwòsin ámu íbwé f́é alíá nyankpòkpíe-sorá tòhò òsin. ⁶ Ahá bódunká lowu nke ámòtò, táme bùméenyà. Bóbò mbódí àní bówu, táme bùmóowu.

⁷ Atsantsanku ámu belian mpònkòá bahíhíe amù há isá, tòku idin amù nwunso f́é sika pepè ipa. Bòwa anyánpòsa ansító. ⁸ Amù nwunso-imi bu iswí f́é òtsi klé. Amù ayín é igyi f́é gyatá klé. ⁹ Bòwa kántó atíntò àní bòpù dátò bwé. Ní b̀òdefulí á, amù atè totsúlá f́é mpònkò móa keké tsòtsòòtsòá busrí b̀òyó isá. ¹⁰ Bòbù odú, itòsórà f́é nyankpòkpíe. Beha amù túmi b́ee, b̀òpù amù odú ámu pilan ahá tsra anu kéké. ¹¹ Ilán klúklúúklúá ima òka òbòpù gyí amù owíe. Butetí mu Hebrífò òblítò b́ee, Abadon. Griiki òblítò é butetí mu b́ee, Apolion. Mù así gyí, “Ató Oyintápù.”

¹² Asùn wunhè gyankpapù lámó ònó á. Anyò tráhe é íbá.

¹³ Bréá Bulu-òbòpù síésí lófólí mu òkpè a, nonu òme ku lèdalí. Ilèdalí tsu sika pepè afòdiè-asubwi ámu okonkí ana ámòtò Bulu ansító inu. ¹⁴ Idè òbòpù amùò òlòfólí òkpè amù bláa òb́ee, “Sankí abòpù ana ámuú beklí mántá ntsu yílè Efrate ònó ámu.” ¹⁵ Bulu lèla amù yáí há alí bré ànfi, offí ànfi, òtsra ànfi, èkè ànfi pù d̀ònhwírí anfi òb́ee, busánkí amù abuyòmò òyító ahátò ýee asatò iku kole f́éé. ¹⁶ Bèbláa mi àní isá akòpù ámu òdudùò bóbwe blíba lafanyò (200,000,000), b̀òdín mpònkòso. ¹⁷ Nowun mpònkò pù amòsú adínkápó mí atowunhè amòtò, bòwa kántó atíntò. Àku klé lepe f́é ogyá, àku klé lebi, àku é klé igyi batè-nfò. Mpònkò ámu nwun igyi f́é gyatá klé, ogyá móa ogyási pù atonkodu dèdalí amù ònótó. ¹⁸ Alí asùn wunhè aku asa, igyi ogyá, ogyási pù atonkodu amù ilèdalí tsu mpònkò ámu ònó, ilòmò òyító ahátò ýee asatò iku kole. ¹⁹ Megyí amù ònótó nkòle asùn wunhè túmi tédalí tsu. Ilù amù odútó é, tsúf́é amù odú igyi f́é iwò, ilù nwun, itepílan ahá.

²⁰ Anyánpòsa amùò besian òsolùò, bùmowu asùn wunhè amòtò ámu f́éé bekiná bùmèdamlí klòntò. Bùmesi òhè laláhe móa atunkwá bapù sika pepè, sika fututú, kòòbrí, abwí móa nyí aná bwé sùm. Alí òhè laláhe pù atunku anfi butamawun ató, butamanú asón, butamanátí. ²¹ Alí kén bùmèdamlí

klwnto sí amó tsiátó laláhe; igyi ahámw, okpé, atsi múa ayin asónwa múa owi ámw é bwe ní.

10

Bulu-òbòp Mwa Òwóló Tùkùrííbi

¹ Inu nelawun Bulu-òbòp òwònlínú bambá òkwá otsú òsósú. Agyinde lobomlí mu, nyankpotáa ilan mu awunso. Mu ansító lówankí fé owí, mu ayabi igyi fé òsòtí ání ogyá bu mótó. ² Òde òwóló tükúrííbi kwá òletéí mótó. Mu gyòpí yabi iyi òpòsù, mu bina yabi é iyi òsolòsù. ³ Òlòkplón kòklókóú fé gyatá dékpòún, òpráda asienó ámw lòpùtí. ⁴ Bréá òpráda asienó ámw lòpùtí, mbéé anwanlín asón ámwú òlèblí ámw a, nonu òme bámbá tsú òsósú. Òme amú déblí òbéé, “Máwanlín asón ámwú òpráda asienó ámw òlèblí ámw. Pòwa fú kpawunuto.”

⁵ Mótó Bulu-òbòp amóú nowun, òlú òpò múa òsolòsù ámw lótsu mu gyòpí òbì fúá yó òsósú. ⁶ Inu òlèka òhá ámwú òbu nkpa bré féétó ámw ntam. Mólóbwe òsò múa asi, òpò múa mótó ató féé, òlèblí òbéé, “Bumétrá sí tsiá! ⁷ Táme bréá Bulu-òbòp síénósí amú òbófólí mu okpè a, alí bré ámwto Bulu ason ñáíhè amóú òlèhè yáí òbéé, móbwe ámw òbéba mótó ní. Òbéba mótó fé alíá òlèbláa mu asúmpú, bogyi mu ònósó atópó amú.”

⁸ Inu òme amóú òde mí asón bláa tsú òsósú ámw létrá bláa mi òbéé, “Yòhò òwóló ámwú òlafínkí ámw le Bulu-òbòp amóú òlú òpò múa òsolòsù ámw òbító.”

⁹ Mótó sù òyò Bulu-òbòp amú wá mbéé, òpò òwólóbi ámw ha mi. Mótó òlèbláa mi òbéé, “Hò, afòwí mótó! Òbówa fú òdwe débídébi fé òkwén, táme imékanáa fú iputo.”

¹⁰ Inu òhò òwólóbi ámw lé mu òbító, òwí mótó. Òbówa mí òdwe débídébi fé òkwén, táme imetepí kanáa mí iputo. ¹¹ Mótó òlètrá bláa mi òbéé, “Òlèhíán ání félablí asón ámwú òbéba ahá féésú ámw. Òbéba òmá féé, òblí òtsan-òtsan ablípú pò awíe féésú, fé alí ámwú Bulu lalé súná fú ámw!”

11

Adansifò Abanyó Amú

¹ Iní òma a, beha mí oyíá bótòpòsúsú ató. Mótó Bulu-òbòp amú lébláa mi òbéé, “Kusò afòyosusúu Bulu òtswékpa obu ámw pò afòdié-asubwí amú, afòkla mu asúmpú amú. ²⁻³ Táme másusúu nwunsínésú amú mótó. Sí mu tswí, tsífé Bulu lasí mu há ahá ání bomegyí Yudafò. Alí ahá ání bétatsáa wúlu wankíhè amútsra aduana-nyò (42), igyi nke òpím-òkùle lafa-anyò aduesie (1,260). Néha mí adansifò abanyó bédídá akpekpe, há amó túmi, béblí mí asón ání nalé súná amú nke ámwto.”

⁴ Amógyí nfo-nyí anyò pò òkandíe-nyí anyò ámwú òlú Bulu, ogyi òyí féésú ogyípó amú ansító ní. ⁵ Ní òkwá òbwe agywun ání obépilán amú á, ogyá bédalí amú ònó, hò mu mótó. Alí òhá ání òdekléá obépilán amú obówu ní. ⁶ Bulu adansifò ámw bóbù túmiá bétalí há nyankpò omóotswie nkeá bópòblí Bulu asón ámw féé. Bóbù túmiá bétalí há ntsu kugyíku bédamlí obugya. Bétalí lé ason wunhè kugyíku é ba òsolòsù brégyíbréá bodeklé.

⁷ Ní adansifò ání béblí amú asón tá á, òbwíkítá-atò amóú òtedalí tsu òlán klúklúúklúá òma òkatò ámw òbókò amú òsá, gyí amósú, mótó amó. ⁸ Amó afúli bédí amú wúlu yilé brònsù. Bótétí wúlu yilé ání beé, “Sodom múa Egipte.”* Inu bédá amú Wíe Yesu mántá oyikpalíhèso, mótó ní. ⁹ Ahá bótswi

* **11:8** Wúlu yilé ání dá onutó gyí Yerusalem. Bòpòkápó Sodom múa Egipte, tsífé amú bwehé laláhe lèhan aba.

abusuangyíabusuan, ɔblígyíɔblí, ɔmágyíɔmá pọ ɔsólúsu ahá ɔtsan-ɔtsan fẹ́tọ́ ba beki afúli amọ nkensá mọ́a ifun. Bọmẹ́eha ɔkpa abọpula amọ́ kóráá. ¹⁰ Bulu ɔnósú atọ́ipọ́ abanyọ́ anfí bawú su ansí bẹ́gyí ɔsólúsu atsiápọ́. Bẹ́gyí nke kponkpontí, kíe aba atọ́, tsúfẹ́ Bulu ɔnósú atọ́ipọ́ anfí bawá amọ́ ipian kponkpontitọ́ ki. ¹¹ Táme nkensá mọ́a ifun amọ́ ɔma a, Bulu léha ɔhẹ́ lelawíe amótọ́, belakusọ́ líí ayabisu. Mọ́ su ifú lehie kítá ahá ání bowun amọ́. ¹² Inu Bulu ɔnósú atọ́ipọ́ abanyọ́ amọ́ bonu ɔme kponkpontí ku tsú ɔsósú, ilebláa amọ́ ɔbẹ́e, “Mlídọ́ ba nfi!” Amọ́ alupọ́ amọ́ bulí bọ́de amọ́ kí, agyinde lotsu amọ́ ya ɔsósú. ¹³ Ɔsólúsu lékpunkí kpukpukpukpu alí bré ámutọ́ kén. Ní beye wúlu amótọ́ idú á, iku kule fẹ́e lobwie bun ɔsólútu gbloo. Ahá mpím-sienó (7,000) bowu ɔsólókpunkí ámutọ́. Ifú lehie kítá atráhe amọ́. Mọ́ su bọ́wa ɔsósú Bulu numnyam.

¹⁴ Asun wunhe nyɔɔsi latsun, saasi srí íbá á.

Ɔkpe Sienósi

¹⁵ Mọ́ Bulu-ɔbọ́pu osienósi lófúli mu ɔkpe. Inu ɔme akponkpontí lelun tsu ɔsósú be, “Séi á, ɔyítọ́ iwíegyi lamli aní Wíe Bulu mọ́a Kristo, (ɔhá ání Bulu ladá mu ofúli amọ́) klé. Obẹ́gyi iwíe bré fẹ́e!” ¹⁶ Inu ahande adwanyọ́-na ámọ́ bọtsie amọ́ mbíású Bulu ansítọ́ amọ́ fẹ́e bobun, súm mu, ¹⁷ blí be, “Aní Wíe Bulu Otúmípu, adá fú ipán.

Fólétsiá, fóbọ́ mu bré fẹ́e.

Tsúfẹ́ fapọ́ fú túmi kponkpontí amọ́
fi fú iwíegyi asi!

¹⁸ Ɔmá-ɔmá benya ɔbló,
bré lafun ání fú é fénya ɔbló.

Bré lafun ání fégyi awupọ́ asón.

Bré lafun ání fóbwe yilé há fú asúmbi, bogyí fú ɔnósú atọ́ipọ́ amọ́,
pọ́ Bulu ahá ání bọ́tenyá fú ifú,
nyebí pọ́ ahande fẹ́e.

Bré lafun ání féhi ahá ání bamọ́ ahá ɔyítọ́ fẹ́e.”

¹⁹ Inu befinkí Bulu ɔswékpa kponkpontí ámọ́ ibọ́ ɔsósú amọ́, bowun mu Ntam-dáka obu ámutọ́. Inu nyankpu lówa ibi fwi bi. Odekpie, ɔpráda depotí, ɔme ɔtsan-ɔtsan lelun kóklókókú, ɔsólúsu lékpunkí; átsufolibiá igyi fẹ́ akwebi léhie kpá.

12

Ɔtsi Amọ́ Mọ́a Bótí Amọ́

¹ Inu osúna kponkpontí ku lédalí ɔsósú. Nowun ɔtsi ɔkúvá ɔdídí owí, mu ayabi yí ɔtsrasu. Obun owíepa, ntsrakpabi dúanyọ́ ipan mósú. ² Ɔtsi amọ́ dé ɔmẹ́, ikwíi de mu dwiín, odekikíni, ɔde okitikítí ogyo obí amọ́ kwíi.

³ Inu osúna bámbá letrá dalí ɔsósú. Nowun bótí kponkpontí ɔkúvá ɔlepe, ɔbu nwun asienó pọ́ nsiebí dú. Owíepa asienó bun nwun asienó ámusu. ⁴ Ní beye ntsrakpabi fẹ́étọ́ aku asa á, butí amọ́ lópu mu odú kiki mla iku kule, ɔlebitiá mọ́ kpá beda ɔsólúsu. Ɔlú ɔtsi ámọ́ ɔmẹ́ de mu dwiín amọ́ ansítọ́, méní ɔtsi amọ́ onyá kwíi pé á, obótsu mu bi amọ́ mé. ⁵ Ɔtsi amọ́ lókwíi obiyímbi ání ɔbékpa ɔmá fẹ́e owuntólunsu. Botsu kebi amọ́ ya Bulu wá, yéyáí mu obíású. ⁶ Inu ɔtsi amọ́ lésrí yó dimbísú ɔtínéá Bulu léla yáí há mu. Békí mọ́su nke ɔpím-ɔkule lafanyọ́ aduesie (1,260).*

* **12:6** Nke ɔpím ɔkule lafanyọ́ aduesie (1,260) anfí igyi nfinsa mọ́a ifun.

7 Inu, isá leda osósó. Bulu-ɔbɔpu dehen Mikael mua mu aba abɔpu bɔko bótí ámu mua mu aba abɔpu. 8 Táme bótí ámu mua mu abúɔpu bometalí líi amó ɔnɔ, begya amó lé osósó inu. 9 Inu bekpa bótí ámóú bɔtétí mu iwɔ dada amu mua mu abɔpu beda osólósu. Mu bɔtetráa ti Bulu olupó ntée Satan pú ɔyító ahá fée ɔmlépo ni.

10 Inu nonu ɔme kóklókókú ku lelun osósó. Ilebli ɔbée,
“Séi gyí bréá Bulu ɔbóhɔ mu ahá nkpa ní!
Bulu ɔbɔpu mu túmi gyi iwíe.

Mu Kristo, (ɔhá ámóú Bulu ladá mu ofúli amó) é ɔbéle mu túmi ɔwan.
Tsúfé bakpá ɔhá ámóú oletsiá lé aní Akristofɔ lá ámu dá osólósu.

ɔbɔnsám méetrá ka asún dínká aní apíósó,
aní Bulu ansító e.

11 Bapú Okúfabi amu obugya pó mu iwí adánsie ámóú
begyi amu gyi musu.

Bumɔdwɛ amó iwí dɔbɔdɔbɔ,
su bumenya amó lowu kóráá ifú.

12 Iní su osósó pó mliá mliɔ inu fée
mlunya ansigyí.

Táme osólósu mua ɔpu,
mligyɔwí ní.

ɔbɔnsám laba mli wá ɔblósó,
tsúfé alawun aní mu nke trá mɔtsó.”

13 Bréá bótí ámu lówwun aní bafin mu dá osólósu á, ɔlɔkusú kplá gya ɔtsi ámóú ɔlɔkwíí obí ámu. 14 Táme beha ɔtsi ámu oyitsu kpɔnkpɔnkpɔntí abámba anyɔ, méní ɔbétalí fúli sí bótí ámu yó mu otsiákpá dimbísó inu. Bulu ɔbéki musu inu nfinso móa ifun.† 15 Inu bótí ámu léfen ntsu tsɔnhɛ dálí mu ɔnótó wólí ɔtsi ámu ɔma, méní íbékítá mu náti. 16 Táme osólósu légyí ɔtsi ámu bɔale. Ntsu ámóú bótí ámu léfen tsu mu ɔnótó ámu fée leme wíe osólótu. 17 Inu bótí ámu lénya ɔbló ɔtsi ámusu, pó mu ɔbló gya mu abí atráhesu. Amógyí ahá aní bɔtegyi Bulu mblasu, bɔde Yesu iwí adánsie gyí a. 18 Inu bótí ámu lési ɔda ɔpu amu ɔnɔ.‡

13

Mbwikítá-atɔ Anyɔ Akɔ

1 Iní ɔma a, nowun aní ɔbwikítá-atɔ kpɔnkpɔntí ɔko dédalí tsu ɔpu amɔto ɔbá. ɔbu nwun asienó pó nsiebí dú. Owíepa bun nsiebí ámu kugyíkusu. Bɔwanlín dá aní ɔlɔkusú líi Bulusu dínká nwun ámu kugyíkusu. 2 ɔbwi ámu gyí fé dundu, táme mu ayabi lomóní, mu akuti bu iswí fé osísré ayabi, mu ɔnɔ é igyi fé gyatá ɔnɔ. Bótí ámu lópu mu túmi, iwíegyí pó ɔwɔnlín ku há ɔbwi ánfí. 3 Nowun aní ɔlɔ kpɔnkpɔntí ku idin ɔbwi ámu nwun asienó ámɔto kulɛsu. ɔlɔ ámu lómoní, íbétalí mó mu, táme íleta, omowu. Ílɔwa ɔyító ahá fée wánwan, bekplá buo mu. 4 Bosúm bótí ámu, tsúfé alapó mu túmi há ɔbwi ámu. Bosúm ɔbwi ámu é, fité bɛɛ, “Ma lófun ɔbwi ánfí? Ma ɔbétalí líi kó mu?”

5 Bulu léha ɔbwi ámu ɔkpa aní ɔblí abususu akpɔnkpɔntí pukusu lu musu. ɔleha mu ɔkpa aní ɔbwée túmíla kugyíkúá odeklé tsra adɔana-nyɔ (42), igyi nfinso móa ifun ámɔto. 6 ɔbwi ámu lóbwíí ɔnɔ, blí abususu púkpóí Bulu mua mu dá pó ahá ámóú bɔbɔ osósó, igyi mu otsiákpá amu. 7 Bulu léha mu ɔkpa aní ɔkɔɔ Bulu ahá, ogyi amósó. ɔleha mu ɔkpa aní ogyíí iwíe

† 12:14 Nfinso móa ifun igyi nke ɔpim ɔkole lafa-anyɔ aduesie (1,260).

‡ 12:18 Iní bu nwóló

dada amu akoto: Inu nesi líi ɔpu amu ɔnɔ.

abusuangyíabusuan, oblígyíoblí, omágyíomá pú osólóso ahá otsan-otsan féesú. ⁸ Oyító ahá fée bósum obwi ámu. Ahá ání bomóosum mu gyí ahá ání bowanlín amú adá wá Okúfabi amú bəpəhá igyí asa oyí lebelun amu nkpa əwulótó.

⁹ Ohá ání obu asu onú. ¹⁰ Ohá ání ida yai ání békítá mu ndoun isátó a, békítá mu isátó, kpá mu náti. Ní ida yai ání oku obésin ədayí onó é á, ədayí onó obésin. Inu su Bulu ahá butómi, abulu kinkín amú hógyito.

¹¹ Inu netrá wun obwi oku é lówo dali osólóto. Obu nsiebi anyo fə okúfabi, táme əlotoi fə bótí. ¹² Obwi ánti líi obwi gyankpapu amu ansító, əloyo mu agyómá kugyíku obwi gyankpapu amu túmito. Inu léha osólóso atsiápó fée bosúm obwi gyankpapu amú əlo ledinká mu, iletə, omowu ámu. ¹³ Obwi nyəəsi amu lóbwe osúna akpənkpənti. Əleha ogyá lekpa tsú osósó bəda, ahá fée bowun. ¹⁴ Əpəpə osúna amú obəbwe obwi gyankpapu amu ansító ámu mlé oyító ahá əbée, bəpwe əkpi, ogyi fə obwi gyankpapu amú bəwo mu ədayí iya anyo, omowu, ətráə otsie nkpa ámu. ¹⁵ Bulu léha obwi nyəəsi anfi əkpa áni əwáə əkpi ámu əhə, fəwun ibətali tó. Inu əkpi ámu léha əbée, bəməə ahá áni bomóosum mu. ¹⁶ Əleha áni bəhíe ahá fée nsu, amú gyopi ibisu ntée amú əsəkpi, nyebí ahande, ahíánfə móa asikafə, nkpábi móa iwí agyípo. ¹⁷ Əhaa méetalí fə tətə ntée hə tətə, nkéti ohá áni obwi ámu nsəhíetə, igyí mu idá ntée ibi áni ulí há mu idá dín musu.

¹⁸ Inu léhián nyansa, méní fətali nú ibi ámu asi. Ibi ámu ulí há obwi gyankpapu amu, igyí oyin oku dá. Ibi ámu gyí lafasie aduesie-sie (666).

14

Okúfabi Amu Mva Mu Ahá

¹ Inu nelawun Okúfabi amu líi Sionbusu. Ahá mpím lafakule advana-na (144,000) bulí mu wá. Okúfabi amu mva mu Si idá dín amú əsəkpi. ² Inu nonu əme ku tsú osósó fə ntsu lábóla, idekpa yi, ntée əpráda dəputí, ntée fə nsankuo tsotsətsə bədəda. ³ Bəde ulu pəpwe ku wa owíe obía ámu, akiankpapu ana ámu pú ahande advanyo-na ámu ansító. Əhaa má unvá əbətali súan ulu ámu osólóso anfisə, nkéti ahá mpím lafakule advana-na (144,000) amú Bulu lahə amú nkpa tsú osólóso ámu nkule pé. ⁴ Ali ahá ánti gyí ahá áni amú iwí letun, bəmeyín ətsi, butobuo Okúfabi amu ətínegyíətíneá oyó ní. Amú nwunsu ikə əleka anyánkpoəsa féeətó, fə atə-abí gyankpapu há Bulu mva Okúfabi amu nu. ⁵ Butamawá afunu, əlala kuku é ima amú iwí.

Bulu-əbəpə Abasá Asən Blíhé

⁶ Inu nelawun Bulu-əbəpə əkəə əna afútó, əde asən wankláan amú ibu nu bré féeətó amu. Əbá bebláə oyító ahá, abusuangyíabusuan, oblígyíoblí ablípo, omágyíomátó ahá pú ahá otsan-otsan. ⁷ Bulu-əbəpə amu ləkplun blí əbée, “Mlunya Bulu ifú, amlíwa mu numnyam, tsúfə mu asóngyíbi lafun. Mlisum mu. Mləbwe əsú móa asi, əpu móa ntsu fée!”

⁸ Bulu-əbəpə onyəəsi é ləbuo mu, beblí əbée, “Babilon labwíé. Wúlu yilé Babilon labwíé. Tsúfə Babilon lahá əmá-əmá banu mu mbəatə-ntá áni itehá Bulu əbló təkúsó!”

⁹ Bulu-əbəpə saasi é búo amú, ədeblí əbée, “Ní oku lósum obwi ámu mva mu əkpi ámu, há bəpə amú nsəhíetə hie mu əsəkpi ntée mu ibi nsu a, ¹⁰ ali ohá ámu obónu Bulu əbló-ntá, bəməfráa mú asa bətseí mu wá Bulu əbló-əwetə ní. Bulu əbəpə ogyá móa atonkodu bítí mu isə, mu əbəpə wanklíhé pú Okúfabi amu ansító. ¹¹ Amú isəbití ogyá ámu ogyási bəkúsó yó osósó bré

féétó. Alí ahá ámu gyí ahá amóú bosúm obwí ámu pú mu okpí, obwí ámu nsuhíetó din amósú ámu ní. Iwí móolwíí amó ekekekeke.”

¹² Iní só ilehián ání Bulu ahá bótomi líí kínkín, gyi Bulu mblaso, wá onokwali há Yesu ní.

¹³ Inu nonu eme kv lótsu osósú obéé, “Wanlín tswí fée, ‘Ansí bégýi ahá ání bówu aní Wíe agyómátó tsú séi pýa!’ ”

Bulu Oné ámu obéé, “Ee, ibu mótó. Ansí bégýi amó lélé. Bédá okpónú tsú amó ipian féétó, tsúfé amó bwehé wankláán bóbúo amó.”

Bulu Asóngýi Iwí Atowunhe

¹⁴ Inu neláki a, agyinde futútú kv ní. Oha okvá ogyi fé Nyankpúsa-Mu-Bi ámu tsie agyinde ámusu. Obun sika pepe owíepa, ode tsini kláklá kv.

¹⁵ Inu Bulu-obapu oku é lédali tsu osósú Bulu otswékpa inu ba. Móú olakplón bláa ohá amóú otsie agyindesu ámu obéé, “Pú fú odayí ámu tin ató-abí, tsúfé osolósu ató-abí lapé yóí. Mó tínbi lafon!” ¹⁶ Mó su ohá amóú otsie agyindesu ámu létinkí mu tsini amu, tin osolósu ató-abí ámu féé.

¹⁷ Bulu-obapu oku é lédali tsu osósú Bulu otswékpa obuto inu. Mu é ode tsini kláklá kv.

¹⁸ Móú Bulu-obapu okvá obu túmi ogyá ámusu é lédali tsu afodie-asubwi ámu asi ba. Olakplón bláa Bulu-obapu amóú ode tsini ámu obéé, “Pú fú tsini amu ka wán-abí ámu okpítsa, tsúfé abí ámu ilapé.” ¹⁹ Mó su Bulu-obapu amu lótswi mu tsini amu káka osolósu wán-abí okpítsa féé, kpá wán-abí ámu wá otínéá batenyímé ntsu lé mótó. Iní ilí há Bulu oblí. ²⁰ Wílu amu mmuátse benyímé wán-abí ámu. Obugya lédali mótó, idetsoun waa fé ntsu tsonhe. Mó iswító bóbwe máli lafakole adukwe (180). Mó oklú é bóbwe ayabi anu.

15

Bulu-abapu Pó Asun Wunhe Asienó Tráhe

¹ Inu nowun osúna bámbá kvá ibu ifú, ibu wánwan osósú. Nowun ání Bulu-abapu asienó bode asun wunhe asienó ání Bulu obópobítí ahá isu asa iklontó bólwií mu.

² Inu nowun apu kvá igyi fé ahuhwé, lepe fé ogyá. Nowun ání ahá bulí mó onó, bode Bulu nsankuo. Alí ahá áni gyí ahá áni bakó gyi obwí gyankpapu amu mva mu okpí ámu pú nsuhíe-ibi amóú ilí há mu dá ámusu ní. ³ Bude Bulu osúmbi Mose mva Okúfabi amu ibu wa bee,

“Aní Wíe Otúmípu,
fú bwehé bu ifú, ibu wánwan.
Fú bwehé féé igyi onokwali, ida okpa.
Owíéá mu iwíegyí tamamó onó.

⁴ Aní Wíe, ma oméenya fú ifú, wá fú numnyam?

Tsúfé fú nkole lówankí.
Oma féé béba bosúm fú,
tsúfé falé fú yilébwe owan.”

⁵ Inu oma a, nekí osósú, nowun ání Bulu otswékpa obu, igyi tati-obu amóú itosúná ání Bulu bu amó wá ámu onó iya. Nowun mótó Owankíkpá amu.

⁶ Nowun Bulu-abapu asienó amóú bapu asun wunhe kpónkpónti asienó bá amu. Bedali tsu Owankíkpá inu. Bowa ohráda atadiéá ilówankí, ide ogyá kpa, bapu sika pepe ofé tsán. ⁷ Akiankpapu ana ámuto okole léha Bulu-abapu asienó ámuto okugyáoku sika blawébi ání Buluá obu inu bré féétó oblí ibu mó dédédedé. ⁸ Bulu numnyam pú mu túmi leha ogyási lobolá Bulu

Ɔwankíkpa inu fée. Ɔhaa métalí bitíwíé mótó, yǫfun bréa Bulu-abɔpu asienó ámu batséi asun wunhe asienó ámu fée wólí ɔsolósu.

16

Bulu Ɖbló Ablanwébi

¹ Inu nonu ɔme kpɔnkpɔnti kɔá ɔɔɔɔɔɔ tsu Bulu Ɖwankíkpa inu. Ide abɔpu asienó ámu bláa ɔbée, “Mliyo, amliyetsei Bulu ɔbló ablanwébi asienó ámu wólí ɔsolósu.”

² Mú su abɔpu gyankpapo lédali tsu Bulu ɔtswékpa inu yetsei mu kle wólí ɔsolósu. Inu ahá ámuó ɔbwi ámu nsohieto idin amósó, buɔe ɔkpi ámu sum ámu iwí létsitsii nlo akpɔnkpɔnti, ide amó dwiin.

³ Ɖbɔpu nyɔasi létsei mu kle wá ɔputo. Ɖpu amu lémlí fé fúli obugya. Tógyítá ɔbu ɔpu amoto lówu.

⁴ Ɖbɔpu sáási létsei mu kle wá ntsu tsunhe pɔ abɔnkpabi féeé. Mú fée ilemlí obugya. ⁵ Inu nonuá Bulu-ɔbɔpá ɔteki ntsusu lébláa Bulu ɔbée, “Oo Ɖwankípá fúbu inu bré fée. Fú asún da ɔkpa aní fabítí amó isu ali. ⁶ Tsufé bamó fú ɔnósú atóipú pɔ fú ahá, tséi amó obugya wólí ɔsolósu. Mú sɔ fahá bapó obugya há amó fée, bonúu ni. Iní lékanáa ha amó ní.” ⁷ Inu nonu ɔme kɔá ɔɔɔɔɔɔ tsu afɔɔɔɔ-asubwi ámu asi ɔbée, “Ee, aní Wíe Bulu Otúmípu, fú isubiti igyi ɔnɔkwali, ida ɔkpa.”

⁸ Mú ɔbɔpu náási létsei mu kle wólí owí. Mú su owí ɔnó lɔwa ɔnlin, ɔleha mú ide ahá tɔ fé ogyá. ⁹ Owí ámu ɔlɔto okugyíɔku. Bulu búu túmi asun wunhe anfi féesó, táme bekiná bumedamli klɔnto; pówá mu numnyam, mbóun lwí bɔlwí mu.

¹⁰ Onuusi létsei mu kle wólí ɔbwi ámu owíe obíásó. Ɖbwi ámu iwíe ogyíkpa fée iloklun. Iwíɔsin su mu abúopu amu bɔwi amó ɔdandu. ¹¹ Táme bekiná bumedamli klɔnto sí amó lalahé amu fée bwe. Mbóun bɔlwí ɔsósó Bulu, iwíɔsin ámuó buɔewúun amu su.

¹² Osiesi létsei mu kle wá ntsu yilé Efrateto. Ntsu ámu fée ɔlekpí lé mú ɔbóntó. Iní léla ɔkpa há awíeá botsú owí ɔɔɔɔɔɔ pú amó isá akɔpó bétali tsun ba inu. ¹³ Inu nowun ɔɔɔ laláhe asa akɔá bugyi fé agyóngyo, bédali tsu búti ámu ɔnótó, ɔbwi ámu ɔnótó pú ɔnósú ɔɔɔpú ofunupu amu ɔnótó. ¹⁴ Ɖɔɔ laláhe anfi bubu túmi bwé osúna akpɔnkpɔnti. Batsun ɔsolósu awíe féesó, méní békpa amó fée wá abato, béba bɔkɔ aní Wíe Bulu Otúmípu isá eke yilé ámuó igyi mu asún ogyíké amu.

¹⁵ Aní Wíe ɔbée, “Kí, néba fé owikplu. Bulu obóyulá ɔhá aní ɔɔɔɔ iwísu, alalá mu atadié yáí, méní ɔméenati yayá, péli méekitá mu.”

¹⁶ Mú ɔɔɔ laláhe amu bekpa awíe amu yéfia ɔtinekuá boteti inu Hebrifo ɔblító beɔ, “Harmagedon.”*

¹⁷ Inu Bulu-ɔbɔpu siénósí létsei mu kle wá afútó. Ɖme kóklókúú ku lédali tsu Bulu ɔtswékpa inu owíe obíá ámuó ɔbée, “Uatá!” ¹⁸ Inu nyankpu lówa ibi fwi bi. Odekpíe, ɔpráda ɔɔɔpúti. Ɖme ɔtsan-ɔtsan lɔlin kóklókúú, ɔsolósu lékpunkí kpunkí kɔá mú odu imákuaba kí tsú bréa ahá belin ɔyító ɔpá. ¹⁹ Wúlu yilé Babilonto léye asa. Awúlu yiléá ibu ɔyító fée ilobwiebwíe. Inu Bulu lékaín Babilon lakpan féesó, ɔɔpu mu ɔbló kpɔnkpɔnti eweto-ntá ámu há mu olonu. ²⁰ Ɖpu nsné ɔsolósu kugyíko lófwi, abu é fée ɔɔɔɔ. ²¹ Atsufolibi akpɔnkpɔntiá mú odwinto bóbwe fé kilo aduenu (50) lékpa tsú nwołótáasu bédá ahásu. Atsufolibi amu ɔnó ɔnlin su bɔlwí Bulu.

* **16:16** Harmagedon asi gyí, Megidobu. Boko isá tsotsɔtsɔ ibu ánfisu.

17

Obu-ónó Otsiápó Kpònkpònti Amu

¹ Inu Bulu-abòpò abasiénó á múú bèkítá ablanwébi ámutò òkòlè léba bèbláa mi òbée, “Ba, ansuna fú alá bréá Bulu òbèbití obu-ónó otsiápó kpònkpònti á múú otsie ntsu tsòtsòtsòsu ámu isu. ² Mba òyítò awíe fée batò mbua. Òyítò ahá fée banu mu mbuato-ntá bò.”

³ Inu Òjé ámu léba misu, Bulu-òbòpò amu lótsu mí ya dimbísú. Nowun òtsi òkò tsie òbwikítá-atò pépé òkòsu inu. Òbwi ámu bu nwun asienó pú nsiebí idú. Bòwanlín adá ání ilòkòsú líí Buluso dínká mu iwí fée. ⁴ Òtsi ámu lówa atadiéá igyi faasi ntsu móa pépé. Òlòwa abutò wòlihe òtsan-òtsan, òde sika pépé owebi mu gyòpítò. Akísítò pú mu obu-ónótsiá ifin ləbulá mú dédéédé. ⁵ Bòwanlín idá kuá mú asi leñaín dínká mu òsòkpi bée, “Wúlu yilé Babilon, obu-ónó atsiápó fée oyín. Òsólòsu akísítò fée owíe.” ⁶ Nowun ání òtsi ámu lanu Bulu ahá obugya bò. Ahá ánfí bəmò Yesu iwí adánsiēgyí su ní.

Bréá nowun mu a, ònó lobwíe mí. ⁷ Múú Bulu-òbòpò amu léfité mí òbée, “Ntogyi ònó labwíe fú alá? Néle ason ñaínhéá ibu òtsi ámu mba òbwikítá-atò amúú òbu nwun asienó móa nsiebí dú ámu asi súná fú. ⁸ Òbwi á múú fowun amu latsiá ki. Òtráa òma inu séi, òbélaba. Táme imóowa òpá òbédalu tsu ilán klúklúúklú á múú ima òka ámutò yó òhkpá. Òsólòsu atsiápó amúú Bulu mówanlín amú adá wá nkpa òwòlò ámutò tsú bréá òyí lefi asi ámu ònó bóbwie amú, tsúfè bowun ání òbwi á múú oletsíá, òtráa òma inu ámu lalá bá.

⁹ “Iní léhián nyánsa ání bópònú mú asi. Nwun asienó ámu igyi abu asienó* ání òtsi ámu dé iwíe gyí múú. ¹⁰ Nwun asienó ámu ilí há awíe asienó é. Abanú bawú bòtsòñ, osiesi tsíe obíású séi á. Osienósí mókónyá ba. Òbá á, bré kpalobí ku pé obétsiá. ¹¹ Owíe okwesí gyí òbwi á múú oletsíá, òtráa òma inu séi ámu. Abasiénó ámutò òkòlè ogyi. Mu é òbèhí fè mu aba ámu.

¹² “Nsiebí dú á múú fowun amu igyi awíe idú ání bóməkónyá tsíá obíású. Táme béyaí amú mbíású amú iwíe ogyíkpa. Amúa òbwi ámu bégyi iwíe bré itinbí. ¹³ Amú fée bóbwe agywun kule, pú amú túmi há òbwi ámu. ¹⁴ Amúa òbwi ámu bókò Okúfabi amu, táme Okúfabi amu obégyi amúú, tsúfè mu gyí asítò Òsí pú awíetò Owíe ní. Mu abúòpò gyí ahá á múú Bulu latí amú, lé amú, búbu ònòkwali há mu amu.”

¹⁵ Inu Bulu-òbòpò amu lébláa mi òbée, “Ntsu tsòtsòtsò á múú fowun ání obu-ónó otsiápó ámu tsie múú ámu ilí há òmá-òmá pú òblí òtsan-òtsantò ahá. ¹⁶ Nsiebí dú á múú fowun òbwi ámu nwunsu ámu é ilí há awíe idú ání mba amúnyò bégyi iwíe. Amú fée bólu obu-ónó otsiápó ámu, swíí mu atò fée, lé mu yayá, wí mu aye, wá tráhe ogyá, íbòhò plíplíplíplí. ¹⁷ Tsúfè Bulu lópu agywun ánfí wá amú fée nwuntò, méní bóbwe mu apé. Amú fée bópò amú túmi há òbwi ámu, yófon bréá Bulu asón ámu fée íbèba mútò.”

¹⁸ Inu Bulu-òbòpò amu létrá bláa mi òbée, “Òtsi á múú fowun atowunhe ámutò ámu gyí wúlu yiléá ide òsólòsu awíe féesú gyí ní.”

18

Babilon Bwíe

¹ Iní òma a, netrá wun Bulu-òbòpò òkò é dékplí tsú òsósú òbá. Òbu túmi kpònkpònti. Mu numnyam dèwankí wólí òsólòsu. ² Òlòkplín kókókókú òbée, “Babilon labwíe! Wúlu yilé Babilon labwíe! Ilamli òjé laláhe òtsan-òtsan fée òñaínkpá. Ilabwé isia há mbubwi laláhe pú mbwikítá-atò laláhe fée.

* 17:9 Abu asienó ánfisú Roma wúlu idín ní.

³ Tsúfě alapó mu mbuatə-ntá ámu dá əmá-əmə fěé ənó. Mwa əyító awíe fěé bató mbwa. Ibíá agyípo fěé banyá iwí tsú nkpa ámuó olegyi amutə.”

⁴ Inu nelanú əme ku tsú əsósó əbée,

“Mí abí, mlíle iwí le mutə!

Mlumáwa ibi mu lakpan ámutə,

méni mu asun wunhe amu ku méeba mlisu.

⁵ Tsúfě mu lakpan lawə nwulótáa.

Mó su Bulu lakáin mósó.

⁶ Pw mu lalahéá alapógyí fú ahá ka mu ikə.

Pw mu bwehé ka mu ikə tsenyə-tsesa.

Ɔləpu nta kpeklé há ahá bonu.

Mó su pw móa ibu ənlín dən mó aku anyə ha mu onu.

⁷ Alagyi ədwe laláhe, tsú iwí dubi.

Mó su pw iwiasin móa asun wunhe ka mu ikə séi.

Ɔtebláa mu iwí əbée,

‘Owíe tshé ngyi, ntsie mí obiásó.

Megyí əsurapu ngyi, mmóowa nwe ekekekeke!’

⁸ Mó su asun wunheá igyi akón, isú pó lowu bótó mu ekewóle pé.

Bówa mu ogyá, əbóhə plíplíplíplí,

tsúfě Otúmípu aní Wíe Bulu gyí. Mədə mu isu bití.”

⁹ Ɔsulósu awíe amóó mwa amónyə bətə mbwa, begyi ədwe laláhe amu bówun mu ogyási, su kpísí. ¹⁰ Mu ipian amóó odewulun amu ibówa amó ifú. Mó su béliú tsútsútsú blí beə, “Gyəwi ní! Babilon gyəwi ní! Wúlu kpənkpənkpənti, nkáli su Bulu labítí fú isu ətsáwole pé ali?”

¹¹ Ɔyító bíá agyípo bósu, gyi awirehə, tsúfě əhaa trá əma inwá əbóhə amó ato fəhé. ¹² Mólétsiá hə sika pəpə pó sika futútú ató, abwi wankláán pó abutó wəlihe, əhráda, ago, sríki atati pó atati pəpə, nyíá ibu əfan, atóá bəpu sórófó-ise bwé, móa bəpu nyíá ibu ibíá sré, pó móa bəpu kóəbrí móa dátə pó abwíá ihíe bu akíle aná fěé bwé tsətsətsə tsú amó wá. ¹³ Oletsíá hə amó píprí, əhién, ohuam, apwse, ntá, olif-nfə, nfúó wankláán, ayó, nnantswie, akúfa, mpənkə, akeké, tsíá hə ahá nkpábi kóráá. * ¹⁴ Bósu blí beə, “Ntóbí amóó futekle amu fěé ladáli fú ibi. Ató amóó fótəpówá bite ámu fěé lahóli fu. Fuméetrá wun mó ekekekeke!” ¹⁵ Bíá agyípo amóó batsun mwsu nyá iwí ámu fěé béliú ifóntó, tsúfě bude ifú nya aní bówun mu iwiasin ámu odu. Béki mu ipian ámu, su gyi awirehə! ¹⁶ Béblí beə, “Gyəwi ní! Wúlu yilé, gyəwi ní! Teki fuhíe fubv akíle. Atati fútútú móa pəpə pó ago futədídá. Sika pəpə ató móa abutóá ide ogyá kpa srasrasra fótowá. ¹⁷ Atonyahé tsətsətsə ənfi fěé lahóli fu ətsáwole pé!”

Ntsusu-yibi akanpó, mó ahande pó mótó agyómá ayəpó pó ibíá agyípo fěé bówa ifó mu wá. ¹⁸ Ní bowun mu ogyási amu a, bósorá okitikíti beə, “Wúlu məmə ləfən wúlu ənfi əyító fěé?” ¹⁹ Békpa isi wá nwuntə, gyi awirehə, blí beə, “Gyəwi ní. Wúlu yilé, gyəwi ní! Fú nyatə aní ntsusu ayibi awíe fěé anilanyá iwí tsú. Fú iwísu ató fěé lahí ətsáwole pé!”

²⁰ Ɔsósú atsiápó fěé, mlunya ansigyí. Bulu ahá, mu sumbí ayəpó pó mu ənósó atəípó fěé, mlunya ansigyí. Tsúfě Bulu lagyi mu asón, bíti mu isu, itó amóó alapógyí mlí ámu su.

²¹ Inu Bulu-əbəpu əwənlínpó əku lótsu ibwi kpənkpənti ku, tswi wa əputə. Móó əleblí əbée, “Alí Bulu əbəpu əblé bwíe wúlu yilé Babilon, əhaa méetrá wun mó ekekekeke ní. ²² Əhaa méetrá nu əsankuo adapó, ilu awapó, əténte

* 18:13 ahá nkpábi ntée anyánpósa-oyí móa akláa.

afólipó pú ikpe afólipó nka wúlu amoto ekekeeke. Ibi onó agyómá kokouku é unéetrá tsiá unu. Bóméetrá kwe nfúó unu ekekeeke. ²³ Okandíe koku méetrá wankí wólí unu, zhaa é méetrá nu okúlu móa aká papwe zme unu ekekeeke. Tsúfè tekí mu ibiá agyípú gyí aha kpónkponti ayító ní. Alapú mu atóla mlé ayító ahá féeé, há bafwí!

²⁴ “Babilon brónusu Bulu onósú atoípú amu obugya ibun. Mulómó Bulu ahá ayító féeé ní.”

19

¹ Inu féeé zma a, nonu zme kvá igyi fé zdom ání budekplón koklókóú zósú. Budeblí bee, “Halelúia!” Aní Bulu tóhó ahá nkpa. Mu nkole búv túmi móa numnyam, ² tsúfè mu isobití igyi onakwalí, ida zka. Alabítí okipó kpónkpónkponti ámúb zòpú mu obu-onó tsiá yíntá ayító ámu isv, alafítè mu asúmpó obugya tsú mu wá.” ³ Butráa budekplón koklókóú bee, “Halelúia! Wúlu amu ogyási lakósú yó zósú bré féeéto!” ⁴ Inu ahande advanyo-na ámu pú akiankpapu ana ámu bemlí bun súm Bulu ámúb otsie owíe obía ámusu, blí bee, “Amen! Halelúia!”

Okúfabi Amv Oká Otsiáke

⁵ Inu zme kv lèln tsú owíe obía ámutó zbéé, “Mlí Bulu asúmpóá mlitenyá mu ifú, nyebí ahande féeé, mlíkanfu aní Bulu ámu!” ⁶ Mó zma a, zme tsotszotsó lèln, fé ntsu bóláhé détsóon waa, ntée zpráda depotí kóklókóú zbéé, “Halelúia! Aní Wíe Bulu Otúmípu amu dé iwíe gyí. ⁷ Mliha anya ansigyí, iwí isankí aní, awa mu numnyam! Tsúfè Okúfabi amu oká otsiáke lafun. Mu ka ámu lahíhíe iwí tá.” ⁸ Beha mu zka bee, zwáa zhráda atadiéá ilowankí, ide ogyá kpa. (Zhráda atadié ánfí ilí há Bulu ahá yilébwé.)

⁹ Múú Bulu-zòpú amu lébláa mi zbéé, “Wanlun fèe, ‘Bulu layúlá ahá ání alati Okúfabi amu okátsiá nke ámu asi.’ ” Múú zetrá bla mi zbéé, “Asún ánfí igyi onakwalí, Bulu wá itsú.”

¹⁰ Inu nemlí bun mu ayabito, mbée ansum mu, táme zlebláa mi zbéé, “Mábwe! Tsúfè Bulu osúmbi ngyi fé fóa fú apíó ámúb mlidé Yesu iwí adánsie gyí amu. Sum Bulu nkole pé!

“Tsúfè ahá ámúb bude Yesu iwí adánsie gyí amu bubu Bulu onósú asónbli zñé.”†

Zpónko Futútúsú Zóinkápú

¹¹ Inu móa nówun a, zósú lafinkí. Nelákí a, zpónko futútú zku líí á! Musu zóinkápú amu ida gyí, “Yilé Zbwepú pú Zonakwalípu.” Otegyi asón, zókó isá é zonakwalísu. ¹² Mu ansíbi aklambi igyi fé ogya plenplen. Owíepa tsotszotsó ibun mu nwun. Zbv dá kvá bowanlín dínká musu, zhaa méyín mó tsiá mutó. ¹³ Zlwa ligá ání bowa mó obugyató. Mu ida gyí, “Bulu Asún.” ¹⁴ Zósú isá akápó budin mpónko futútúsú. Bowa zhráda atadiéá ilowankí, ide ogyá kpa bubuo mu. ¹⁵ Zdayí iya anyo kláklááklá kv ledalí tsu mu onó. Mó zópúsáín zma-zma bun ní. Zópú owuntóln kpá amó. Bulu Otúmípu amu zblé kpónkponti ámu zópunyímé amó fé aliá btenyímé wáun-abí. ¹⁶ Ida ání bowanlín dínká zhá ámúb zdin zpónko futútú ámu atadiesu pú mu obíánsú gyí, “Asító Zsí, Awíeto Owíe.”

¹⁷ Inu nowun Bulu-zòpú zku líí owító. Zokplón kpolí mbubwí ání buna afútó féeé zbéé, “Mlíba! Mlíbefia Bulu zpónó kpónkponti ámúb alatswí

* **19:1** Halelúia igyi Hebrifó zblí. Mó asi gyí, Kanfu aní Wíe Bulu! † **19:10** Ntée Zonakwalí amóú Yesu lébele zwan ámu téhá ahá butetálí blí Bulu asón ámu ní.

ha mli ámu asi! ¹⁸ Méné mlégyi awíe, isá onó alípró, isá akópó akinkín, mpánkəsu adinkápó pó amó mpánkə, əyító ahá, iwí agyípró, nkpábi, nyebí pó ahande féé aye.”

¹⁹ Inu nowun áni əbwikítá-atə amu mva əsuləsu awíe pó amó isá akópó féé bekpa aba bəyóko əpənkə futútúsó ədinkápó amu mva mu isá akópó. ²⁰ Táme begyi əbwikítá-atə amusu, bekítá mva mu onósó ətóipó amó ətəwé osúna akpənkəpənti mu idátó ámu. Ofúla amu ələpumlé ahá ámu əbwikítá-atə amu nsəhíetə dín amósó, bətosúm əkpi ámu bəpwe lian əbwí ámu ni. Bətswí əbwí ámu mva mu onósó ətóipó amu wá ogyá paati kpənkəpəntiá ogyá móa atonkodu ihíe detsii mótt. ²¹ Əpənkəsu ədinkápó amu ləpu ədayí iya anyə ámu iledalí tsu mu onó ámu mó isá akópó atráhe amu féé. Mbubwi amu begyi amó aye plíplíplíplí.

20

Bəwa Əbunsám Ikan Nfi Əpím

¹ Inu nowun áni Bulu-əbəpu əku lékplí tsú əsósó. Əde ilán klúklúúklúá uma əka sáafi pó ikan kpənkəpənti ku. ² Əlekítá bóti, ogyi iwə dada amó bəteti mu Əbunsám ntée Satan amu, ələwa mu ikan nfi əpím-əkule. ³ Ələtswí mu wá ilán klúklúúklú ámuətə, fin mó, wá mó onó sáafi, méní Əbunsám méétrá talí mlé əmá-əmá ámu. Nfi əpím ámu əma asa béle mu kpalobi.

⁴ Mó əma a, nowun awíe-mbiá ku. Ahá ámu bahá amó əkpa áni bégyi asón ámu bətsie mósó. Nowun aha əku əkláa. Amógyi ahá áni bətu amó Yesu iwí adánsiegyi pó Bulu asón əkanda só ní. Amó kén gyi ahá ámu bəmotsulá súm əbwikítá-atə amu ntée mu əkpi ámu, bəmotsulá abəpu mu nsəhíetə dinka amó əsəkpi ntée amó ibasú ní. Bulu léha amó bətsinkí, amóa Kristo begyi iwíe nfi əpím-əkule amuətə. ⁵ Amó Bulu légyankpá kósə tsú afúlitə ní. (Awupú atráhe bəmeetsinkí, nkéti nfi əpím ámu ilatsəni.) ⁶ Bulu lóyulá mu aha agyankpəpu amó ələkəsbə tsu afúlitə amu. Amó mó á, lowu nyəəsí amu uma amósó túmi. Bəbwe igyi ahapó há Bulu mva Kristo, mva amónyə bégyi iwíe nfi əpím-əkule amu.

Satansə Gyí

⁷ Nfi əpím ámu əma a, béle Satan obu. ⁸ Əbədəli yémle əmá-əmá áni bəbu əyi afunka ana, igyi Gog móa Magog amu, méní əbékpa ahá tsətsətsə bəma iklátə buo iwí ya isá. ⁹ Nowun áni bənati tsəni əyító féé, káfiá Bulu ahá pó amó wúlu yiléá Bulu tekle, támé ogyá lekpa tsú əsósó behí amó akópó féé plíplíplíplí. ¹⁰ Inu bətswí Əbunsám ámu ələmlé amó ámu wá obun áni ogyá móa atonkodu detsii mótt plənplənpləntə. Mva əbwikítá-atə amu pó mu onósó atəipó afunupu amu bətsiá iwəəsintə əpa onyé bré féétó.

Asóngyi Tráhe

¹¹ Inu nowun owíe obiá futútú kpənkəpənti kuá əku tsie mósó. Nwulótáa móa əsulə bəsrí sí mu, támé bəmenya əjaínkpá. ¹² Nowun awupó, nyebí ahande bəlú owíe obiá ámu ansító. Bobwií nwulótə tswí. Bobwií nkpa əwulə ámu étə tswí. Inu bəpu tsá nwulə ámu ləblí tsú awupó ámu bwehé iwí gyi amó asón. ¹³ Əpu léle awupóá bəbu mətə ba. Lowu mva afúlitə é bele amóá bəbu amótə ba. Bulu légyi okugyíəku asón mu bwehé onó. ¹⁴ Inu bətswí lowu mva afúlitə féé wá ogyá áni itamaduntə. Iní gyi lowu nyəəsí ni. ¹⁵ Bətswí əhagyíəha áni bəmowun mu idá nkpa əwulə ámuətə é wá ogyá ámuətə.

21

Ɔsósú Múa Ɔsólún Pɔpwe

¹ Inu nowun Ɔsósú múa Ɔsólún pɔpwe, tsúfě Ɔsósú múa Ɔsólún gyankpapu amu itráa ma inu. Ɔpu é itráa ma inu. ² Múú nowun wúlu wankíhé, igyi Yerusalem pɔpwe amu, idekplí tsú Bulu wá Ɔsósú íbá. Bulu léhuhíe mú fě Ɔsiá bawá mu ató wankláán, oyéfia mu kulu. ³ Nonu ɔme kpɔnkpɔnti kúá ílɛlun tsu owíe obiá ámu así ɔbée, “Kí! Séi mú á, Bulu otsiákpá laba anyánpósatɔ. Obétsiá amótó, bóbwe mu ahá. Mu onutó obétsiá amótó, ɔbóbwe amó Bulu. ⁴ Obétsitsii amó ntsú fěé. Lowu ntée isú ntée ipian ntée ason wunhe kuku é iméetrá tsiá, tsúfě ato dada amu fěé íatsɔn.”

⁵ Múú owíe obiású otsiápu amu léblí ɔbée, “Kí, nde tógyító bwe pɔpwe.” Múú ɔlɛlabláa mi ɔbée, “Wanlun asón ánfí tswi, tsúfě mú fěé íbu mótó, igyi ɔnɔkwali.” ⁶ Múú ɔlɛtrá bla mi ɔbée “Nabwé mú fěé tá. Mígyi Alfa múa Omega, Ogyankpapu múa Ɔtráhe. Néha ɔhá ání ɔmewólí de mu nkpa-ntsu, ɔméeska mú íkɔ. ⁷ Nǎpu oyúla anfi há ɔhá ání olegyi ísu. Nóbwe mu Bulu, mu é ɔbóbwe mí bí. ⁸ Táme afúpóá beyinkí mí ɔma, ahá ání bómɔhɔ mi gyi, mbusuo abɔpó, ahá amɔpó, mbua atɔpó, ató alapó, íkpi atswépu pú afunupu fěé otsiákpá gyí ogyá paati kpɔnkpɔnti, ogyá múa atonkodu ihíe detsii mótó. Iní gyí lowu nyɔɔsi amu ni.”

Yerusalem Pɔpwe

⁹ Inu Bulu-abɔpu abasiénó ámúú buɔe ablanwé asienó ámúú ason wunhe asienó tráhe íbɔ mú ámutɔ ɔkole léba bebláa mi ɔbée, “Ba, ansuna fú Ɔsiá Okúfabi amu ɔbá betsiá.” ¹⁰ Inu ɔlekpa mí Ɔhétó ya íbu fóáhé kpɔnkpɔnkpɔnti kusu, olosuná mí Yerusalem wúlu wankíhéá idekplí tsú Ɔsósú Bulu wá íbá. ¹¹ Bulu numnyam dɛwankí wólí wúlu ámusu, ihíe dɛwankí hónánááná fě atsufolibi, ide ogyá kpa fě ahɔhwéá mú ansító lɔwankí. ¹² Bɔpwe buntii trihe fóáhé ku bómlí mú, íbu aklɔn akpɔnkpɔnti dúanyɔ. Bulu-abɔpu dúanyɔ buɔe aklɔn ámu ɔnɔ gyo. Bɔwanlín Israel abusuan dúanyɔ ámu adá dínká aklɔn ámusu íkole-kole. ¹³ Aklɔn asa bu owí ɔdalíkpa. Asa bu owí ɔkplíwíekpá, asa bu Ɔsósú, asa é bu ayasi. ¹⁴ Beyi buntii amu dínká abwi yíléyílé dúanyɔsu. Bɔwanlín Okúfabi amu sumbí ayɔpó amu adá dínká abwi ámusu íkole-kole. ¹⁵ Bulu-ɔbɔpu amúú ɔde mí asón bláa amu dé sika pepe oyíá butɔpúsúu ató. Ɔbɔpúsúu wúlu amu, mú abuntii pú aklɔn ání ílobomlí mú fěé. ¹⁶ Wúlu amu swító pú mú tɛító fěé igyi kékée. Bréá olosusúu mú á, mú swító, mú tɛító pú mú fɔátó fěé igyi máli ɔpím-ɔkole lafana (1,400). ¹⁷ Inu olosusúu buntii amu trító é. Igyi ayabi lafanyɔ múa dúasie (216), nyankpɔsa atosusúhe ɔnó. ¹⁸ Abwiá igyi fě ahɔhwé bɔpɔpwé abuntii amu. Bɔpu sika pepeá tɔtɔ mefráa mú, igyi fě gláasi pwé wúlu amu. ¹⁹ Bɔpu abwiá íbu bíá ɔtsan-ɔtsan dúanyɔ wá abuntii amu ntswiasí. Abwi ámu adá gyí, yaspa, safiri, agate, emerad. ²⁰ Onik, kanelia, krisolit, beril, topas, krisopas, yasint pú ametiste. ²¹ Abutó wulhe fútútú wankláán dúanyɔ bɔpɔbwé aklɔn amu. Íklɔn amu kugyíku igyi butóbi fútútú kole. Sika pepeá tɔtɔ mefráa mú, igyi fě gláasi bɔpɔwá abɔɔn wúlu amotɔ. Fétalí kí tsɔn mótó.

²² Mmowun Bulu ɔtswékpa kuku wúlu amotɔ, tsúfě Bulu Otúmípu amu muva Okúfabi amu gyí Bulu ɔtswékpa inu. ²³ Wúlu amu imehián owí ntée ɔtsra wankí mótó, tsúfě Bulu numnyam tɔwánkí há mú, Okúfabi amu é gyí mú ɔkandíe. ²⁴ Ɔmá-ɔmá bɛnatí wúlu amu wankitɔ. Ɔyító awíe é bɔpu amó numnyam ba mótó. ²⁵ Bóméefin mú ɔnó aklɔn, tsúfě oklún ma

inu. ²⁶ Omá fée bópu amó numnyam pó amó obú ba mó. ²⁷ Tógyítáá mó iwí metin, mbusuo abəpó ntée afunupu bumóowie wúlu amoto, nkéti ahá ámóú bəwanlín amó adá wá Okúfabi amu nkpa əwolótó amu nkole.

22

Nkpa-ntsu Tsonhe

¹ Inu Bulu-əbəpu amu losuná mí nkpa-ntsu ámóú iləwankí fé ahəhwé ámu. Idetsóon tsu Bulu mwa Okúfabi amu owíe obíá ámoto. ² Ntsu ámu ina brəonv yiléá ida wúlu amu nsiné. Nkpa-oyí ilí ntsu ámu agbemgbe anyə ámusu, itoswíe abí ətsan-ətsan ətsragyíətsra. Itoswíe tsé dúanyə ofi əkoleto. Mó afitáa é igyi afá há omá féeetó ahá. ³ Tógyítáá Bulu lalwíí mó méetsiá wúlu amoto.

Mboún Bulu mwa Okúfabi amu owíe obíá obétsiá inu, mu asúmpó bósum mu. ⁴ Bówun mu ansító, mu ida é bédinká amó əsvkpi. ⁵ Owí méetrá ta inu ekekeke. Buméetrá hián əkandíe ntée owí, tsúfé ani Wíe Bulu əbəwankí wólí amósó. Bégyi iwíe bré fée.

Yesu Iba

⁶ Inu Bulu-əbəpu amu lébláa mi əbé, “Asón ánti bu mótó, igyi ənkwalí. Ani Wíe Bulu tée tóá ibéba suná mu ənósó atəpó. Muláwá mu əbəpu əbé, əbéle tóá ibéba nke ántito suna mu asúmpó.”

⁷ “Kí! Imóowa əpá néba! Əwoló ántito asón béba mótó. Mó su Bulu obóyulá əhá áni olegyi mó féesó!”

⁸ Mí Yohane lónu asón ánti, nowun mó fée. Bréá nonu asón ánti, nowun ató ámu é á, nemlí bun Bulu-əbəpu amóú əlele mó suná mí ámu ayabito, mbée ansum mu. ⁹ Táme əletrá bláa mi əbé, “Mábwe! Tsúfé Bulu osúmbi ngyi fé fúa fú apíó Bulu ənósó atəpó, pó ahá ámóú bégyi asón ámóú bəwanlín wá əwoló ántito ámusu. Sum Bulu nkole!” ¹⁰ Múú əlebláa mí əbé, “Mápu ato lesúnáhé ánti njáin, tsúfé mó bábi lafon ta. ¹¹ Ha lalahe əwepó əy mu lalahebwe. Ifinto otsiápó otsiá mu ifinto, yilé əwepó é əkita mu yilébweto. Əhá áni əbé, máp mu iwí há Bulu osí mu iwí ha Bulu.”

¹² Inu Yesu lébláa mi əbé, “Kí, imóowa əpá néba! Nebá iko əkakpá. Néka əhagyíəha iko mu bwehé ənó. ¹³ Mígyí Alfa móa Omega. Ogyankpəpu mwa Ətráhe, asi Otsuápu pó ənó Əməpó.

¹⁴ “Bulu obóyulá ahá áni bode amó atadie fwi, méní bétalí nyá əkpa tson wúlu yilé ámóú ibá ámu ənó wíe mótó yégyi nkpa-oyí ámu abí. ¹⁵ Akíai obésin iban ámu əma. Amó gyí; ató alapó, mbwa atəpó, ahá aməpó, ikpi atswépu pó ahá áni botekle afunu, butəwá mó é fée.

¹⁶ “Mí Yesu láwá mí əbəpu mbée, əbá bebláa fu asón ánti, afupubla Akristofə əpasua ámu fée. Mígyí Owíe Dawid mu na, mu ató ogyípu pó Bake Əsrakpabi wankíhé amu ni.”

¹⁷ Inu Bulu Əhé ámu pó əká pəpwe amu beblí be, “Ba!”

Əhagyíəha ánti onú asón ánti əblí əbé, “Ba!”

Əhagyíəha ánti əmewólí de mu əbá. Əhagyíəha ánti odeklé əbá, Bulu okie mu nkpa-ntsu ámu.

Itráhe

¹⁸ Mí Yohane, nde əhagyíəha əlá da kpákpáákpá. Mbée, ní əku lónu ato lesúnáhé əwoló ántito asón, ələpu ku tsíá mótó á, Bulu é əbéha asun wunheá ibu əwoló ántito ibéba musu. ¹⁹ Ní əku é léle təku tsú əwoló ántito á, mómó Bulu é əbéle mu ogyíkpá ánti ibu nkpa-oyí ámu pó wúlu wankíhé amóú nəwanlín mó iwí asón wá əwoló ántito ámoto.

20 Ǫhá ámúú ǵde ntobí ánfí ıwı adánsıe gyí ǵnǵkwalııv ámv ǵbé, “Ee!
Imóǵwa ǵpá néba!”

Amen! Owíe Yesu, ba!

21 Anı Wíe Yesu ogyíı Bulu ahá bıale!